

**INATSIARTUT  
OMBUDSMANDIATA  
UKIUMOORTUMIK  
NALUNAARUTAA  
2006**

**INATSIARTUT  
OMBUDSMANDIATA  
UKIUMOORTUMIK  
NALUNAARUTAA  
2006**

SCHULTZ GRAFISK A/S

ISSN 1396-6782

# IMAI

<b>Siulequt</b> .....	<b>6</b>
<b>1. Atorfeqarfimmi pissutsit nalinginnaasut</b> .....	<b>7</b>
1.1 Sulisut.....	7
1.2 Angalanerit tikeraarnerillu, nunanillu allanik suleqateqar- neq .....	8
1.3 Ombudsmandip pisinnaatitaanera .....	9
1.4 Allanik suleqateqarneq.....	14
1.5 Missingersuutit, naatsorsuutit kukkunersuinerlu .....	14
<b>2. Kisitsisit atorlugit takussutissiat</b> .....	<b>15</b>
Suliat agguataarneqarneri. Titartaganngorlugit takussutissiat	
<b>3. Apeqquutit ingerlatsineq pillugu inatsiseqartitsinermut tunngasut     pillugit ataatsimoortumik oqaaseqaatit</b> .....	<b>28</b>
<b>4. Suliat suliniutillu nammineerluni misissugassanngortitat     kommuninullu tikeraarnerit</b> .....	<b>38</b>
<b>5. Suliat nalinginnaasumik soqutiginaatillit, inatsiseqartitsif-     fiusunut agguataakkat</b> .....	<b>45</b>
<b>11.01-11.09 Namminersornerullutik Oqartussat</b>	
<i>0.9 Allat, pisortanit ikiorsiissutit</i>	
1. Piffissaq Isumaginninnermi Naammagittaalliuuteqartarfiup suliamik suliarinninnerminut atugaa pillugu naammagittaal- liuut.....	45
<i>21. Pisussaaffiit, pineqaatissiinerit soraarsitsinerlu</i>	
1. Qinnuteqaataanngitsumik soraarsitaaneq. Suliap amigartumik paasissutissartalersorneqarnera.....	60
<i>24. Sulisunut inissiat</i>	
1. Sulisunut inissiamik innersuussinermut atatillugu inatsisitigut tunngavik aamma pisinnaatitaaneq pillugit apeqquut.....	108
<i>50. Allat</i>	
1. Akileraartarnermut Siunnersuisoqatigiit suliamik suliarinnin- nerat pillugu naammagittaalliuut .....	151

*66. Inuussutissarsiutit*

1. Arctic Umiaq Line A/S-ip pigisaanik tunisineq pillugu naammagittaalliuut ..... 193

*99. Allat*

1. Tusagassiorfiit allagaatinik paasitinneqarsinnaatitaanerat..... 196

**11.10 - Kommunit***05. Inummut tapit*

1. Pisortanit ikiorsiissutinik qinnuteqaammut atatillugu suliamik suliarinninnermi kukkunerit ..... 215

*09. Allat, pisortanit ikiorsiissut*

1. Sipaarniuteqarnek pissutigalugu soraarsitsineq ..... 225

*12. Meeqqanut inuusuttunullu ikiorsiissutit*

1. Paarsaqarnissamut akuersissummik utertitsineq..... 251

*21. Pisussaaffiit, pineqaatissiinerit soraarsitsinerlu*

1. Atorfeqartitaasup atorfeqartitaasoq alla pillugu naammagittaalliuutaanik kommunip suliarinninnera ..... 281
2. Soraarsitsinermut atatillugu suliami illua'tungiusup isumaanik tusarniaanerup naammanginnera aamma suliap amigartumik paasissutissartalorsorneqarnera ..... 308
3. Soraarsitsineq pillugu naammagittaalliuut ..... 362
4. Qinnuteqaataannngitsumik kommunimit soraarsitaaneq pillugu naammagittaalliuut ..... 371

*49. Akiliisitsiniarnermik nalinginnaasutigut suliaqarnek*

1. Aappariinnut pisortanit ikiorsiissutit pillugit apeqqut ..... 400

**11.20 - A/S Inissiaatileqatigiiffik INI***29. Ineqarnermut akiliutinik naatsorsuineq*

1. Imerk atuinermut aningaasartuutit immikkut naatsorsuutitut avissartinneqarnerannut atatillugu ineqarnermut akiliutit aqqiissuteqarfigineqarnerat..... 418

**11.73 - Nammineerluni misissuiffiginninnerit***19. Allat*

1. Isumaginninnermi Naammagittaalliuuteqartarfiup ineqar-

nermut akiliutitut akiitsut akilerneqarnissaannut pisortanit ikiorsiissutit pillugit sulianik tullerriaarina.....	438
<i>39. Allat</i>	
1. Pinngitsaaliilluni nutsertitsinermi nutsernermut aningaasar- tuutunik nakkutilliineq .....	449
<i>94. Pisortat pillugit inatsiseqartitsineq</i>	
1. Isumaginninnermi Naammagittaalliuuteqartarfiup tunngavi- lersueriaasia .....	452
<b>6. Sulianut ukiuni siusinnerusuni nalunaarutini eqqar- torneqartunut malitseqartitsineq. Naammagittaalliutit pillugit suliat .....</b>	<b>459</b>
<b>7. Sulianut ukiuni siusinnerusuni nalunaarutini eqqar- torneqartunut malitseqartitsineq. Suliat nammineer- luni misissugassanngortitat .....</b>	<b>482</b>
<b>8. Oqaatsinik ujarliutit.....</b>	<b>526</b>

## Inatsisartunut

Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 10, imm. 2-kkut aalajangersarneqarpoq Ombudsmandi sulinini pillugu Inatsisartunut ukiumoortumik nalunaaruteqartassa-soq. Nalunaarut taanna naqinneqassaaq tamanullu saqqummiunneqarluni, Ombudsmandillu sulinera pillugu Aalajangersakkat Nalinginnaasut Inatsisartunit 14. juni 1995-imi aalajangersarneqarsimasut malillugit Inatsisartut aappasaanik ileqquusumik ataatsimiinneranni tunniunneqartussaalluni. Nalunaarut taanna qaammatisiutit ukiuanni qaangiuttumi Ombudsmandip suliarisimasaanik imaqtartussaavoq.

Suliat Inatsisartut Ombudsmandiat pillugu Inatsisartut inatsisaanni § 10, imm. 3 tunngavigalugu ukiumoortumik nalunaarummi saqqummiunneqartut oqartussaasut pissutsit isornartorsiorneqartut pillugit nassuiaataannik ilaqartinneqartussaapput. Tamanna tunngavigalugu ukiut Ombudsmandeqarfiup nalunaarusiorfigisaasa aqqaneq aappaat pillugu nalunaarut makku-ninnga imaqtarpoq:

1. Atorfeqarfimmi pissutsit nalinginnaasut:
  - 1.1. Sulisut
  - 1.2. Angalanerit tikeraarnerillu, nunanillu allanik suleqateqarneq
  - 1.3. Ombudsmandip pisinnaatitaanera
  - 1.4. Allanik suleqateqarneq
  - 1.5. Missingersuutit, naatsorsuutit kukkunersiuinerlu
2. Kisitsisit atorlugit takussutissiat
3. Apeqqtut ingerlatsineq pillugu inatsiseqartitsinermut tunngasut pillugit ataatsimoortumik oqaaseqaatit
4. Suliat suliniutillu nammineerluni misissugassanngortitat kommuninullu tikeraarnerit
5. Suliat nalinginnaasumik soqutiginaatillit, inatsiseqartitsiffiusunut aggu-ataakkat
6. Sulianut ukiuni siusinnerusuni nalunaarutini eqqartorneqartunut malit-seqartitsineq - Naammagittaalliutit pillugit suliat
7. Sulianut ukiuni siusinnerusuni nalunaarutini eqqartorneqartunut malit-seqartitsineq - Suliat nammineerluni misissugassanngortitat
8. Oqaatsinik ujarliutit

Nuuk, juli 2007

Vera Leth

# 1. Atorfeqarfimmi pissutsit nalinginnaasut

## 1.1 Sulisut

Atorfeqarfik 2006-ip naanerani ukuninnga sulisoqarpoq:

Helene Philipsen fuldmægtigit atorfimmi 2005-imi inuttaqanngitsumi 1. februar 2006-imi atorfinitsippara. Helene Philipsen inatsisilerituutut ilinniarnerninik Aarhus Universitetimi oktober 2005-imi naammassinnissimavoq.

Aammattaq Helle Ginnerup-Nielsen fuldmægtigit atorfimmi allami 2005-imi inuttaaruttumi 1. juli 2006-imi atorfinitsippara. Helle Ginnerup-Nielsen inatsisilerituutut ilinniarnerninik Københavns Universitetimi 2006-imi junimi naammassinnissimavoq.

Kristoffer Cyganiak fuldmægtigit atorfimminit 2006-imi martsip qaammataata naanerani tunuarpoq. Tassunga taarsiullugu Mona Jensen 1. august 2006-imi atorfinitsippara. Mona Jensen inatsisilerituutut ilinniarnerninik Københavns Universitetimi 2004-mi aasakkut naammassinnissimavoq.

Oqalutsi/nutserisoq Agathe Larsen oqalutsit/nutserisut atorfimminit 2006-imi martsip qaammataata naanerani tunuarpoq. Oqalutsit/nutserisut atorfimmi inuttaaruttumi tassani Lars Vahl 1. maj 2006-imi atorfinitsippara.

Immikkut siunnersorti Malene Kleist 1. september 2006-imit atuutilersunik ukiumi ataatsimi sulinngiffeqarallarnissaminut akuerineqarpoq.

Tina Bavnæk inatsisilerituutut ilinniarnerninik Københavns Universitetimi 2006-imi junimi naammassinnissimasoq inatsisilerinermi fuldmægtigit taartaagallartutut 15. november 2006 aallarnferfigalugu 2007-imi augustip naanerata tungaanut atuuttumik atorfinitsippara.

Allaffimmiutut fuldmægtig Laila Larsen atorfimminit 2006-imi augustip qaammataata naanerani tunuarpoq. Alice Møller atorfimmi inuttaqanngitsumi tassani 1. december 2006-imi atorfinitsippara.

2006-ip naanerani sulisut uku Atorfeqarfimmi sulisorineqarput:

Inatsisilerinermi pisortaq Michael Mikkelsen  
 Oqalutsit/nutserisut pisortaat Jørgen Hansen  
 Oqalutsi/nutserisoq Arnaq Nielsen  
 Oqalutsi/nutserisoq Lars Vahl  
 Fuldmægtig Helene Philipsen  
 Fuldmægtig Helle Ginnerup-Nielsen  
 Fuldmægtig Mona Jensen  
 Fuldmægtig Tina Bavnæk  
 Allaffimmiutut fuldmægtig Alice Møller



## 1.2 Angalanerit, tikeraarnerit nunanillu allanik suleqateqarneq

2006-imi tikeraarnerit makku naammassivakka:

Majip qaammataani: Kangaatsiap Kommunanut tikeraarneq.

Junip qaammataani: Qasigiannugit Kommuniannut tikeraarneq.

Augustip qaammataani fuldmægtig Helene Philipsen peqatigalugu Nunani Avannarlerni Ombudsmandit Islandimi ataatsimiinneranni peqataavunga.

Septemberip qaammataani: Uummannap Kommunanut tikeraarneq.

Atorfeqarfik Folketingip Inatsisinik Atortitsinermut Ataatsimiititaliaanit Inatsisinillu Atortitsinermut Ministerimit (Justitsministerimit) Lene Esperenimit septemberimi pulaarneqarpoq. Naapeqatigiinneq taanna Folketingip Inatsisinik Atortitsinermut Ataatsimiititaliaata Kalaallit Nunaanni paasisarsiorluni angalaneranut ilaasutut pivoq, angalanermilu tassani pingaartumik Eqqartuussiveqarneq pillugu Ataatsimiititaliarsuup isumaliutissiissutaa pineqarpoq.

Inatsisilerinermi pisortaq Michael Mikkelsen, fuldmægtig Helle Ginne-  
rup-Nielsen aamma fuldmægtig Mona Jensen pulaartoqarnermi Atorfeqarfimmut sinniisutut najuupput.

Eqqartuussiviit Kalaallit Nunaanni ingerlatsinermi oqartussaasunik nakkutilliineranni sulianik suliarinninnermi siullermi eqqartuusseqataasartunut atatillugu ajornartorsiut pilersoq Atorfeqarfiup ataatsimiinnermi malugeq-qullugu oqaatigaa, tassami Atorfeqarfiup paasinninnera unaamat ingerlatsinermi oqartussaasup eqqartuussivikkoortumik suliarinninnermi inatsisilerituunit ikiorserneqarnissamat kiserluinnarmi periarfissaqarajuttarnera inatsiseqartitsinikkut innarlitsaaliineq eqqarsaatigalugu ajornartorsiutaa-sinnaasooq, taamatuttaarlu inuit ataasiakkaat pillugit eqqartuussinerit ingerlanneqarneranni eqqartuusseqataasartut kommunimit pineqartumit toqqarneqarsimasut suliama illua'tungiusutut peqataasarnerat suliap suliarineqarnerani peqataasinnaassuseqannginneq eqqarsaatigalugu ajornartorsiutaa-sinnaalluni.

Atorfeqarfiup aammattaaq tikkuarlugu oqaatigaa pinngitsaaliillutik akiliisitsiniartartut politiillu akiliisitsiniartartut sulinerannik eqqartuussiviit nakkutilliinerannik aaqqissuussineq erseqqarluttortaqartoq, tassami eqqartuussisarneq pillugu inatsimmi pinngitsaaliillutik akiliisitsiniartartut sulinuutaannik eqqartuussivikkoortumik pisussaaffittut misiliisitsisarneq pillugu kapitali 7, § 22-mi aalajangersagaq qallunaat malittarisassaannik taamatut misiliisarnermik pinngitsaaliilluni akiliisitsiniartarnermi eqqartuussivimmi (fogedretten) misiliisitsisarnermik aallaaveqarmat. Eqqartuussiviit taamaattut Kalaallit Nunaanni atorineqanngillat, taamaattumillu oqartussaa-sup suliniuteqarneratigut eqqartuussivikkut misiliisitsisarneq pillugu malittarisassaq taanna ingerlatsineq pillugu inatsiseqartitsinermi pisortat paasis-sutissanik aalajangiinissamat pisariaqartunik pissarsinermikkut naammat-

tumik tunngavissaqarnissaannik nalinginnaasumik tunngaveqarnerup saniatigut immini isumaqarnersoq qularnarpoq.

Ajornartorsiutit saqqummiunneqartut erseqqinnerusumik misissorumalugit Folketingip Inatsisunik Atortitsinermit Ataatsimiititaliaa Inatsisinnillu Atortitsinermit Ministeri neriorsuipput.

Inuit pisinnaatitaaffiit tunngasuni qullersaqarfiup sinniisaasa Kalaallit Aallartitaqarfianni Københavnimiittumiineranni - Inuit pisinnaatitaaffiit tunngasuni Europami qullersaasup Alvaro Gil-Roblesip qaaqussuteqarneratigut - fuldmægtig Helle Ginnerup-Nielsen peqatigalugu tassunga decemberip qaammataani pulaarpunga.

### 1.3 Ombudsmandip pisinnaatitaanera

#### **Isumaginninnermi Naammagittaalliuuteqartarfiup isumaginnineq pillugu peqqussutini naammagittaalliornissamut killiliissutit nalornisutigineqarnerat pillugu ataatsimeeqateqatigineqarnera (J.nr. 02.00.-07)**

Inatsilerinnermi pisortaq Michael Mikkelsen Isumaginninnermi Naammagittaalliuuteqartarfiup siulittaasunik allattuanillu siulittaasup kissaateqarnera malillugu 10. november 2006-imi ataatsimeeqateqarpoq.

Ataatsimiinnermi pineqarpoq isumaginnineq pillugu malittarisassani pisoqaanerusi naammagittaalliornissamut killiliissumik malittarisassat Ombudsmandip ineqarnermit tapiissutit pillugit Inatsisartut peqqussutaannut atatillugu Inatsisartunut Naalakkersuisunullu nalunaarutigisimasai eqqarsaatigalugit isumaginnittoqarfiup aqunneqarnera aqqissuussaanelu pillugit Inatsisartut peqqussutaanni erseqqarluttut qanoq pineqarnissaannik Naammagittaalliuuteqartarfiup nalornisutigininnera.<sup>1</sup>

Inatsilerinnermi pisortap ataatsimiinneq pillugu imaqaarniliaanit makku erseerput:

"Siulittaasoq oqarpoq apeqqut taanna Naammagittaalliuuteqartarfiup 4. november 2006-imi ataatsimiinnermini inaarutaasumik angusaqarfiunngitsumik oqaluuserisimagaa.

Naalakkersuisulli eqqarsaatigalugit naammagittaalliorsinnaanermut killiliissutit isumaginnittoqarfiup aqunneqarnera aqqissuussaanelu pillugit Inatsisartut peqqussutaatigut aalajangiusimaneqarnerat, kommunilli eqqarsaatigalugit naammagittaalliorsinnaanermut killiliissutit eqqaaneqannginnerat isiginiarlugu, Isumaginninnermillu Naammagittaalliuuteqartarfiup inatsisitigut innarlitsaalineqarnissamik siunertaqarneranut ataneqartillugu Naammagittaalliuuteqartarfiup siulittaasua piareersimavoq Naammagittaalliuuteqartarfiup periaasiata allanngortinneqarnissaanik siunnersuuteqarnissaminut, taamaaliornikkut naammagittaalliorsinnaanermut killi-

---

1. Paasissutissat erseqqinnerusut immikkoortumi 6-imi qupp. 427-mi takukkit.

liissutit aqutsineq pillugu peqqussutip inatsisitigut allanik atuuttoqarneranik erseq-qissumik oqaatiginnittup allannguutigiumaagassaannik akuersissuteqartoqarnissaa-ta tungaanut.

Oqaatigaara Ombudsmandip Ombudsmandi pillugu inatsimmi § 11 tunngaviga-lugu nalunaaruteqarnera isumaginnittoqarfiup aqunneqarnera aqqissuussaanelu pillugit Inatsisartut peqqussutaata annertuumik amigaateqarneranut, peqqussutissa-tut siunnersuutit Inatsisartunit akuerineqarnerani isummerfigineqarsimannqitsu-mut takussutissaasoq.

Suliassa qarfimmi inatsisitigut aalajangersaaffioreersumi inatsisiliortoqassappat inatsit nutaaq aalajangersakkat pioreersut sorliit atorunnaarsinneqarnerat pillugu paasisstissanik imaqtartariaqarpoq.

Apeqqut taanna inatsisip nutaap inatsisitoqqamut sutigut ataneqartinneqarsinnaa-nera pillugu nassuiaaniarnermut kinguartinniarneqannqisaannartariaqarpoq.

Aqutsineq pillugu peqqussutip atuuttup akuerineqarnerani Inatsisartut sumik siu-nerataqarsimanerannik Ombudsmandi qulaajaaqataasinnaangilaq, taamaattumillu naammagittaalliorsinnaanermut killiliissutit siusinnerusukkut atuuttut sulit atuuttuu-nersut Ombudsmandip aamma isummerfigisinnaangilaa.

Naammagittaalliuuteqartarfiup periaatsiminik allannguilersaarnerata inatsisinik unioqutitsisuunninnera Ombudsmandip tamanna tunngavigalugu isummerfigisin-naangilaa.

Periaatsimilli allanngueq naammagittaalliorsinnaanermut killiliissutit manna ti-killugu atorneqartut eqqarsaatigalugit naammagittaalliorinnissat periarfissamik an-ertussisitsisuunermigut innuttaasunut iluaqutaasussaammatt periaatsimik allanngui-nermik Ombudsmandip isummerfiginninnissaa pisariaqanngitsutut ippog.

Naammagittaalliornerli pillugu malittarisassat inatsisitigut innarlitsaaliinissa-mik siunertaqarnerat isiginiarlugu inatsisitigut suut atuunnerannik nalorninerup aqutsineq pillugu peqqussutikkut 2001-imeersukkut pilersup aqqiivigineqarnissaa-nik Naalakkersuisut Inatsisartulluunniit suliniuteqarnissaat pisariaqarpoq.

Tassani aamma ilaavoq Ilaqtariinnermut Pisorta qarfiup Ombudsmandimik allaf-figeqatiginnittarnermini ineqarnermut tapiissutit pillugit peqqussummi naammagit-taalliorsinnaanermut malittarisassat pillugit sulit nalorninerulersitsinera, tassami ingerlatsineq pillugu inatsiseqartitsinermi aalajangiinnermik oqartarnek pisorta qar-fiup eqqortumik paasisimannqimmagu.

Tamannaluuna tunngavigalugu Ombudsmandip Naalakkersuisut Allattoqarfia-t massakkut qinnuigisimagaa Ombudsmandip § 11 tunngavigalugu nalunaarutaa su-liareqqullugu, inatsisitigut suut atuunnerinik qulaajaanerup nukingiuinneqarnissaa siunertaralugu.

Taamaattumik Ombudsmandi Naammagittaalliuuteqartarfiup aqutsineq pillugu peqqussutip akuerineqarnera sioqqullugu naammagittaalliorsinnaanermut killiler-suutit akuerineqarsimasut innersuussutigalugit suliamik suliarinnikkumannqinnera pillugu naammagittaalliummik tigusaqarpat apeqqut taanna Ombudsmandip isum-merfigisinnaasussaangilaa, § 11 tunngavigalugu nalunaarutiginninnerup qanoq iliuseqarnissamut pissutissaqalersitsisimanera qulaajarneqareersinnagu.

Taamaattoqassappat naammagittaalliuutit suliarineqarnissaata Ombudsmandi pillugu inatsimmi § 6, imm. 4 tunngavigalugu naliliinikkut itigartinneqarnissaa, imaluunniit kommunip aalajangiinnerata kukkusuunera inatsisinilluunniit unioqutit-sisuunera ilimagissallugu pissutissaqarpat kommunip aalajangiinneranik nammineer-luni misissuiffiginnittoqarnissaa Ombudsmandip isumaliutersuutigisariaqassavaa.

§ 11 tunngavigalugu nalunaarutiginninneq manna Naalakkersuisut malitseqartit-siviginnqippassuk tamanna immi annertuumik kukkunerusutut Ombudsmandip isigissavaa, taamatullu pisoqarpat Inatsisartut tamatuminnaq nalunaarfigineqarnis-

saat Ombudsmandip isumaliutersuutiginiarpaa, tak. Ombudsmandi pillugu inatsimmi § 10.

Tamatumunnga atatillugu oqaatigineqarsinnaavoq Naalakkersuisut inatsiseqartit-sinikkut akisussaaffeqarneranni, matumani kukkunerit aqqinnissaannut pisussaaf-fik ilanngullugu eqqarsaatigalugu, Naalakkersuisut sulinerisa ilaat Naalakkersuisut suliani inatsisiliornermut tunngasuni inissisimanerannut tunngasut aamma ilaatinne-qarmat, tak. Naalakkersuisunut ilaasortat akisussaatinneqartarnerat pillugu Inatsi-sartut inatsisaanni § 6, aamma. tak. Inatsisartut Naalakkersuisullu pillugit Inatsisar-tut inatsisaanni § 22, imm. 1.”

### **Suliani illulioriternermut tapersiissutit atorlugit illuliami akiitsunik isumakkeerinninnermut tunngasuni Ombudsmandip pisinnaatitaane-ra (J.nr. 11.20.35.04/087-05)**

Innuttaasup illuliami illulioriternermut tapersiissutit atorlugit sanane-qarsimasumi akiitsut isumakkeerneqarnissaannik qinnuteqaataanut atatillu-gu innuttaasup piffissaq A/S Inissiaatileqatigiiffik INI-p suliarinninnermut atorsimasaa pillugu naammagittaalliuutaa 2005-imi tiguara.

Naammagittaalliuutip suliarinissaanut pisinnaatitaananga inerniliivunga.

Pisinnaatitaannginnera Inissiaatileqatigiiffimmut allakkani 15. novem-ber 2006-imeersuni, assilinerat Ineqarnermut Attaveqarnermullu Pisorta-qarfimmut ingerlatinneqartumi, imatut tunngavilersorpara:

”Taamatut isummerpunga suliami 11.73.35.12./080-05-imik (uanga j. normora) normoqartumi Ineqarnermut Attaveqarnermullu Pisortaqarfimmut oqaaseqaatiga 3. november 2005-imeersuq<sup>2</sup> tamatumalu kingornatigut pisortaqarfimmut allakkakka 30. januar 2006-imeersut<sup>3</sup> tunngavigalugit.

Oqaaseqaatima pisortaqarfimnullu malitseqartitsillunga allakkama assilineri Inissiaatileqatigiiffimmut 23. marts 2006-imi nassiuppakka, Inissiaatileqatigiiffillu tamatumunnga peqatigitillugu qinnuigalugu oqaaseqaateqaqqullugu suliamilu allagaatit nassitequllugit.

Inissiaatileqatigiiffiup suliaq pillugu oqaaseqaataa Inissiaatileqatigiiffiullu sulia-mi allagaataasa assilineri 17. oktober 2006-imi tiguakka.

Inissiaatileqatigiiffiup akissutaanit suliamilu allagaatit assilinerinit ilanngullugit nassiunneqartunit ilaatigut erserpoq, pingaartumik qinnuteqaammut 22. oktober 2002-meersumut atatillugu, Inissiaatileqatigiiffiup ...-mi immikkoortortaqarfia nali-lisimasuq ...-kkut akiitsumik isumakkeerneqarnissaannut piumasaqaatinik eqqortit-sinngitsut.

Oqaaseqaammi qulaani taaneqartumi oqaaseqaatigisattut akiitsut isumakkeerne-qarnissaannik qinnuteqaatit aalajangiivigineqarnissaannut tunngaviusunik nalilii-sarnissamik Naalakkersuisut Inissiaatileqatigiiffimmut isumagisassanngortitsisin-naanerannut inatsisitigut tunngavissamik peqarsimannigilaq.

---

2. 2005-imi nalunaarutinni immikkoortoq 5, kalaallisuanu qupp. 268 tulliilu, qallunaatuuanilu qupp. 212 tulliilu takukkit.

3. Nalunaarummi matumani immikkoortoq 7, qupp. 491 takuuk.

Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 1, imm. 2 tunngavigalugu A/S Inissiaatileqatigiiffik INI-mi suliassat suliarineqartarnerat paasitinneqarsinnaatitaanerlu pillugit Namminersornerullutik Oqartussat nalunaarutaanni nr. 37-mi, 19. december 1996-imeersumi Naalakkersuisut imaattumik aalajangersaapput:

"§ 1. Pisortat ingerlatsineranni suliassat suliarineqartarnerat pillugu Inatsisartut inatsisaanni aalajangersakkat A/S Inissiaatileqatigiiffik INI-mut atuupput ingerlatseqatigiiffiup, Inissiaatileqatigiiffimmik pilersitsinissaq pillugu Inatsisartut peqqusutaat nr. 12, 28. oktober 1993-imeersut malillugit, Namminersornerullutik Oqartussat kommuniiluunniit sinnerlugit aalajangiisarnissamat qanoq atsigisumik pisinnaatiaaffiligaanera naapertorlugu."

Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 1, imm. 2 imaattunik oqaasertaqarpoq:

"Imm. 2. Naalakkersuisut malittarisassatigut aalajangersarsinnaavaat inatsit takkerluni tamakkernaniluunniit atortuussasoq ingerlatseqatigiiffinnut, suliffeqarfinnut il.il. erseqqinnerusumik taaneqartunut pisortat ingerlatsinerannut naatsorsuunneqarsinnaanngitsunut. Atortuussaarli aatsaat ingerlatsinerminni aningaasartuutaasa amerlanersaat Namminersornerullutik Oqartussanit imaluunniit kommunit akilerneqartarpata, imaluunniit tamakku inatsisitigut imaluunniit inatsisit naapertorlugit pisinnaatitaappata Namminersornerullutik Oqartussat sinnerlugit imaluunniit kommuni sinnerlugu aalajangiisarnissanut. Naalakkersuisut taakkununga tunngatillugu malittarisassaliorsinnaapput allagaatit il.il. toqqortarineqartarnissaat aamma allanut tusarliussisussaannginneq pillugit."

Inatsisartut Ombudsmandiat pillugu Inatsisartut inatsisaanni § 4, imm. 2-mit er-serpoq:

"Imm. 2. Ombudsmandip sulinermini susassaraattaq ingerlatseqatigiiffiit atorfeqarfiillu, peqatigiiffiit il.il. erseqqinnerusumik taaneqartut, pisortat ingerlatsinerannut ilagitinneqarsinnaanngitsut, kisiannili pisortat ingerlatsineranni suliassat suliarineqartarnerat pillugu Inatsisartut inatsisaanni aamma pisortat ingerlatsinerat pillugu paasitinneqarsinnaatitaaneq pillugu inatsisartut inatsisaanni ilaatinneqartussatut Naalakkersuisunit maleruagassaliuunneqartut."

Suliami matumani pineqartoq tassaavoq Inissiaatileqatigiiffiup suliamik suliarin-ninnermik Naalakkersuisut inatsisinik unioqquitsinatik Inissiaatileqatigiiffimmu- t isumagisassanngortissinnaasimanngisaaannik ingerlataqarsimanera.

Uanga paasinninnera unaavoq ingerlatsineq pillugu inatsiseqartitsiner-mi malittarisassat, matumani ingerlatsiner-mi ileqqorissaarneq pillugu tunngaviit ilanngullugit eqqarsaatigalugit, sulianik Inissiaatileqatigiiffiup ingerlatsineq pillugu inatsiseqartitsiner-mik tunngavissaqarnani suliarinninnerani atorneqanngitsut.

Ombudsmandi pillugu inatsimmi § 4, imm. 2-kkut aalajangersarneqarpoq Inissiaatileqatigiiffiup suliassaqarfinni Inissiaatileqatigiiffiup ingerlatsineq pillugu inatsiseqartitsiner-mi malittarisassat tunngaviginagit iliuuseqarneri uanga pisinnaatitaan-ninni pineqartunut ilaatinneqanngitsut.

Taamaattumik suliami Inissiaatileqatigiiffik eqqarsaatigalugu annertunerusumik iliuuseqaaqqissanngilanga.

..."

**Timmisartuussinnermut akuersissummi allagaatinik paasitinneqarnissamik qinnuteqaatip suliarineqarnera pillugu naammagittaalliut (J. nr. 11.01.39.04/123-05)**

Ingerlaartarfimmi aalajangersimasumi timmisartuussisarneq pillugu suliami allagaatinik paasitinneqarnissamik qinnuteqaatip Ineqarnermut Attaveqarnermullu Pisortaqarfimmit akineqarsimannginneranik innuttaasup naammagittaalliutaa 5. december 2005-imi tiguara.

Assartuinnermut Nukissiornermullu Ministereqarfimmut (Transport- og Energiministeriet) 9. december 2005-imi imatut allappunga:

"Suliakkut allakkut<sup>4</sup> (ministereqarfiup j. normuatigut 211-28-kkut) nalunngilara ministereqarfimmi allaffiup aappaata uannut allakkamini 24. juni 2005-imeersuni oqaatigigaa ministereqarfiup Kalaallit Nunaata iluani timmisartuussineq pillugu sulianik aalajangiiviginninnerit eqqarsaatigalugit pisinnaatitaanini, matumani ingerlaartarfissanut akuersissutit, ingerlaarfissanut pilersarusiat akillu ilanngullugit eqqarsaatigalugit, Kalaallit Nunaanni Namminersornerullutik Oqartussanut isumagissannortissimagaa, Kalaallillu Nunaanni Namminersornerullutik Oqartussat suliani taamaattuni, matumani suliat suliami allagaatinik paasitinneqarnermut tunngasut ilanngullugit eqqarsaatigalugit, ministereqarfimmut naammagittaalliutigin eqarsinnaasut.

Ministereqarfik tamanna tunngavigalugu inussiarnersumik qinnuigaara ...-p naammagittaalliutaa ministereqarfiup suliamut akuliunnissaanut pissutissaqalersit-sinersoq uannut nalunaarutigeqqullugu."

Suliap ministereqarfimmit suliarineqalersimaneranik ministereqarfiup ilisimatitsissutaa 6. oktober 2006-imi tiguara.

Suliap suliarineqarnissaa naammagittaalliortumut allakkatigut 14. november 2006-imeersutigut imatut itigartitsissutigaa:

"...

Inatsisartut Ombudsmandiat pillugu Inatsisartut inatsisaanni § 6, imm. 3-kkut aalajangersarneqarpoq aalajangiinerit aqutsinermi allaffissornikkut oqartussaasumit qulliunerusumit allannortinneqarsinnaasut pillugit naammagittaalliutit suliarisinnanngikkikka, oqartussaasoq qulliunerusoq taanna suliami aalajangeereertinnagu.

Assartuinnermut Nukissiornermullu Ministereqarfiup (Transport- og Energiministeriet) suliaq suliarilersimallugu uppersarmagu Ineqarnermut Attaveqarnermullu Pisortaqarfik pillugu naammagittaalliutit suliarisinnanngilara, ministereqarfik naammagittaalliutit pillugu aalajangeereertinnagu.

Taamaattumik suliami massakkut annertunerusumik iliuseqaqqissinnaanngilanga.

Ministereqarfik allakkatigut allatigut allakkat ukua assilinerannik ilaqartinneqartutigut qinnuigaara ministereqarfiup naammagittaalliutit pillugu aalajangiineranik ilisimateqqullunga."

---

4. 2005-imi nalunaarutinni immikkoortoq 3, suliaq 3-2 takuuk.

#### **1.4 Allanik suleqateqarneq**

Ukiumi nalunaarusiorfiusumi 2006-imi ilanngussassaqaanngilaq.

#### **1.5 Missingersuutit, naatsorsuutit kukkunersiuinerlu**

Atorfeqarfimmut 2006-imi aningaasaliissutit 7.347.000 kr.-iupput.

Atorfeqarfiup 2006-imi aningaasartuutigisimasai naatsorsuutit kukkunersiuukkat tunngavigalugit 6.247.000 kr.-iupput, imaluunniit aningaasaliissutaasunit 1.100.000 kr.-nik ikinnerullutik.

Aningaasaliissuteqarnermi naatsorsuutigineqartunit atuinikinnerunermut pissutaavoq fuldmægtigitut sulisut arlallit taarseraassimanerat ingerlattallu tamatuma nassatarisaanik annikinnerunerat kiisalu kommuninut tikearraarnissanik pilersaarutaareersunik kinguartitsineq.

Atorfeqarfik naatsorsuutinik Inatsisartut Allattoqarfiannit piginnaatinneqarneq tunngavigalugu suli ingerlatsivoq, naatsorsuuserinermilu ingerlatsinermut pisinnaatitaanerup Ombudsmandip sulinera pillugu inatsimmik naatsorsuutigineqartut 2007-imi allanngortitsinermut atatillugu qulaajarneqarnissaa suli naatsorsuutigineqarluni.

2007-imi 7.586.000 kr.-t aningaasaliissutitut immikkoortinneqarsimapput.

## 2. Kisitsisit atorlugit takussutissiat

Kisitsisit atorlugit takussutissiat sulianut ukiup nalunaarusiuunneqartup matuma iluani Atorfeqarfiup suliarisimasaanut tunngassuteqartut tulliuutuni saqqummiunneqarput. Ukiup nalunaarusiuunneqartup matuma siuliini marlunni kisitsisit sanilliussissutitut aammattaaq saqqummiunneqarput.

Ukiuni assigiinningsuni amerlassutsit allanngorarnerannut naatsorsuinerit takutitaannut tunuliaqutaasut pillugit erseqqinnerusumik nassuiaateqarsimanningsunga oqaatigaara. Allanngorarnerit kisitsisinut sunniuteqarsinnaasut erseqqissumik suussusersineqarsinnaannginnerat immikkoortiterneqarsinnaannginnerallu tamatumunnga pissutaavoq.

Taamaattorli ataatsimut oqaatigisinnaavara ilitersuinerit naammagittaalliutillu takkuttut amerlassusiat Atorfeqarfiup ukiumi pineqartumi kommunitun qasseriarluni tikeraarsimaneranut kiisalu Atorfeqarfiup tusa-gassiuutitigut qanoq annertutigisumik eqqartorneqarsimaneranut amerlanertigut qanimut ataneqarsorinartartoq.

Ukiuni nalunaarusiuunneqartumi 2006-imi (2006-imi 1. januarimit 31. decemberimut) naammagittaalliutit tiguneqarsimasut tunngavigalugit sulianik ataasiakkaanik aalajangersimasumik suliarineqartunik 92-inik aallarniisoqarpoq. Taakkua saniatigut sulianik nammineerluni misissugassanngortitanik tallimanik (5) aallarniisoqarpoq.

Aammattaaq 2006-imi innuttaasunit saaffiginnissutit tunngavigalugit 108-riarluni ilitersuisoqarsimavoq. Iilitersuinerit 2006-imi ingerlanneqarsimasut 2005-imi ingerlanneqarsimasunut sanilliullutik 30-nik ikileriarisimapput, 2005-imimi 138-riarluni ilitersuisoqarsimammat. Sanilliussissutitut oqaatigalugu 2004-mi 51-eriarluni ilitersuisoqarsimavoq.

Iilitersuinerit ingerlattakkakka immikkoortunut marlunnut avinneqarsinnaagajupput. Siulliit tassaapput saaffiginnissutit naammagittaalliutivitut uannut tunniunneqarsimasuugunik suliarineqarnissaat itigartitsissutigineqarsimasussaagaluit. Iilitersuinerinilu taakkunanani innuttaasut oqartussaasunut allanut saaffiginneqqullugit innersuunneqarajuttarsimapput. Arlaat tassaapput saaffiginnissutit sulianik naammagittaalliuterpiaasunik innuttaasut saaffiginnissutaat tunngavigalugit suliarinninnermik aallartitsiviginnaasimasakka.

Suliat 2006-imi inaarlugit suliarineqarsimasut matuma ataani immikkoortunut pingaarnernut marlunnut avinneqarsimapput:

### Suliat aalajangersimasumik suliarineqarsimanningsut:

Suliat ataani taaneqartunik pissuteqarlunga suliarisinnaanngisakka inis-simaffimmut tassunga ilanngunneqartarput. Oqartussaasoq suliap uannit suliarineqalereernerata kingorna suliamik suliarinneqqileraangat naammagittaalliortumullu tamakkiisumik ilaannakortumilluunniit tamatuma kingornatigut tapersiilluni, taava suliat taamaattut misissuinnik inaarsaalersinnanga naammagittaalliutitut aalajangersimasumik suliarineqarsi-



mannngitsunut ilaasutut, naammagittaalliortumit tunuartinneqarsimasutut ilanngullugit naatsorsuunneqartarput.

Suliat aalajangersimasumik suliarineqarsimasut:

Suliat naammagittaalliutit suliarineqarsimanera imaluunniit suliap aalajangiivigineqarsimanera isummerfigineqaraangat inissisimaffimmut tasunga ilanngunneqartarput.

Sulianut 2004-mi 2005-imilu tiguneqartunut tunngasumik kisitsiseqarsinnaavoq kisitsisinut 2004-mi 2005-imilu ukiumoortumik nalunaarutini taaneqartunut naapertuutinnngitsunik. Tamanna suliat 2004-meersut 2005-imeersulluunniit ilaasa 2005-imi (2006-imi) nangingneqarsimanerannik imaluunniit suliat 2004-meersut (2005-imeersut) suli suliarineqartut ilaasa naammagittaalliortumit, akissuteqarsimannngitsumilli, paasissutissanik amerlanerusunik tigusaqarnissap utaqqineqarneranik pissuteqarsinnaavoq. Taamatut pisoqartillugu suliap suliarineqarnissaa naammagittaalliortumit tunuartinneqartutut isigalugu itigartitsissutigisarpara.

Suliat aalajangersimasumik suliarineqarsimannngitsut:

Ukiumi nalunaarusiuunneqartumi 2006-imi naammagittaalliutit katillugit 64-it suliarineqarnissaat itigartitsissutigineqarput. Paasissutissatut nalunaarsukkami matuma ataaniittuni itigartitsinermut pissutaasut ukiumullu 2006-imut, 2005-imut aamma 2004-mut tunngasunik amerlassutsit taaneqarput (procentinnngorlugit naatsorsuineq assiliartami 1-miittoq takuuk).

	2006	2005	2004
Naammagittaalliut kingusinaartumik tunniunneqarsimavoq	3	10	5
Naammagittaalliut eqqartuussutinut eqqartuussisulluunniit atorfimminnik ingerlatsinerannut tunngavoq	2	1	3
Naammagittaalliut naalagaaffimmi oqartussaasunut tunngavoq	2	4	4
Naammagittaalliut namminersortunut/inunnut ataasiakkaanut tunngavoq	2	3	4
Naammagittaalliut oqartussaasumut qullinerusumut suliassiissutigineqarsinnaavoq	18	20	22
Naammagittaalliut Namminersornerullutik Oqartussat ingerlatseqatigiiffiutaannut tunngavoq	1	1	1
Naammagittaalliut tunuartinneqarpoq	8	7	7
Apeqqutilliissutit	1	6	0
Naammagittaalliortup piumasqaataa akuersaarneqarpoq	7	5	3
Suliat suliarineqarnerani peqataasin-			

naatitaannginneq	0	1	0
*Allat	20	41	43
<b>Katillugit</b>	<b>64</b>	<b>99</b>	<b>92</b>

\* Taaguut “allat” naammagittaalliuutip itigartinneqarnerani tunngaviler-suinermi immikkoortiteriffinnut allanut imaaliillaannaq ilanngunneqarsin-naanngitsunut tunngavoq. Tamanna pingaarnertigut ukunani atuuppoq:

- Naammagittaalliuutit aalajangiinerup uppersaatissanik naliliinermik eqqartuussivinni misilinneqartinnissaat piukkunnarnerpaasorisannik piumasaqaateqarfiusussaasut,
- Inatsisartut inatsisaat Inatsisartullu peqqussutaat pillugit naammagittaalliuutit,
- naammagittaalliuutit oqartussaasup mappiutaanik suliani allagaatinik imalinnik misissuereernerma kingornatigut sukumiinerusumik misissuiffiginissaat naammattumik pissutissarsiffigisimanngisakka, kiisalu
- piffissat sulianik suliarinninnertut atorpeqartut sivikinnerusut pillugit naammagittaalliuutit, suliat nukingiunneqarnissaat qinnutigalugu oqartussaasunut pineqartunut ingerlateqqillugit nassiussimasakka.

*Suliat aalajangersimasumik suliarineqarsimasut:*

Immikkoortumi tassani kisitsisit naammagittaalliuutinik tiguneqartuinarnik tunngaveqarput. Taamaallutik suliat ukiup ingerlanerani nammineerluni misissuiffigininnermik aallartitsivigisimasakka ukiullu ingerlanerani inaarlugit suliarisimasakka ilanngunneqanngillat.

Taakku pillugit oqaatigisinnaavara suliat pingasut (3) nammineerluni misissuiffigininnermik 2006-imi aallartitsivigisimagikka, taakkulu ukiu-moortumik nalunaarutip matuma immikkoortuani 4-mi erseqqinnerusumik allaaserineqarput. Sanilliussissutitut oqaatigisinnaavara suliat ukiumut ataatsimut naatsorsuullugu tulleriinneri malillugit ukiut tamaasa 19-it nammineerluni misissuiffigininnermik aallartitsivigisimasakka ukiuni 2005-imi aamma 2004-mi inaarlugit suliarisimagikka.

Ukiuni nalunaarusiuunneqartumi 2006-imi naammagittaalliuutit katillugit 34-t aalajangersimasumik suliarineqareerlutik inaarlugit suliarineqarsimapput.

Kisitsisit matuma ataani taaneqartut suliat oqartussaasumut, inatsisinik atuutsitsiffiusumut naammagittaalliuutigisamullu agguataagaanerannik takutitsisuupput. Ukiuni pineqartuni naammagittaalliuutit inaarlugit suliarineqarsimasut tamarmiullutik amerlassusii procentinngorlugit assiliartani 2-mit 4-mut takutinneqarput.

*Naammagittaalliuutit aalajangersimasumik suliarineqareerlutik inaar-neqarsimasut oqartussaasumik sorlermik naammagittaalliuutigisaqarneq*

malillugu agguataagaasut (procentinngorlugit naatsorsuineq assiliartami 2-mi takuuk):

	2006	2005	2004
Namm. Oqartussani oqartussaasoq, qitiusumi allaffeqarfissuaq	11	6	12
Isumaginninnermi Naam-magittaalliuuteqartarfik	1	2	-
Akileraarusiinermik Aalajangiisartut	1	0	1
Allat	0	2	0
Kommunit	17	6	20
A/S Inissiaatileqatigiiffik INI	4	0	2
<b>Katillugit</b>	<b>34</b>	<b>16</b>	<b>35</b>

Kisisisit takutippaat aalajangersimasumik suliarinnereernerup kingorna suliat amerlanerpaat kommunit pillugit naammagittaalliuutitut tunngasut inaarlugit suliarineqarsimasut. Kommunit pillugit naammagittaalliuutit inaarlugit suliarineqartut 2005-imit 2006-imit 12 %-inik qaffariarsimapput.

Naammagittaalliuutit aalajangersimasumik suliarineqareerlutik inaarlugit suliarineqarsimasut, inatsisinik atuutsitsiffiusup sorliup naammagittaalliuutigineqarnera malillugu agguataagaasut (procentinngorlugit naatsorsuineq assiliartami 3-mi takuuk):

	2006	2005	2004
<b>Isumaginninneq pillugu inatsiseqartitsineq</b>	<b>8</b>	<b>3</b>	<b>7</b>
Taakkunannga:			
- Isumaginninn. inissiat	0	0	0
- Ineqarnermut tapiissutit	0	0	1
- Isumaginninnermi soraarne-russutisiat	1	0	2
- Inummut tapit	1	0	1
- Pisortanit allatigut ikior-siissutit	2	0	0
- Meeqqanut akilersuutit il.il.	0	0	2
- Meeqqanut inuusuttunullu ikiorsiissutit	3	0	0
- Utertittassanngorlugit ikior-siissutit	0	1	0
- Annertussusilerikkani- kiorsiissutit	1	1	0
- Allat	0	1	1

<b>Atorfinitsitsineq pillugu inatsiseqartitsineq</b>	<b>12</b>	<b>4</b>	<b>9</b>
Taakkunanga:			
- Atorfinitsitsineq atorfinitsit- sinermilu atugassarititaa- sut/pisinnaatitaaffiit	2	2	3
- Atorfinitsitsineq, pisussaaffiit, pineqaatissiissutit soraarsitsi- nerlu	9	1	3
- Soraarnerussutisianut tunngasut	0	1	1
- Sulisunut inissiat	1	0	0
- Allat	0	0	2
<b>Attartorneq pillugu inatsi- seqartitsineq</b>	<b>7</b>	<b>3</b>	<b>4</b>
Taakkunanga:			
- Attartugassamik inner- suussineq	0	0	0
- Attartornermik atorun- naarsitsineq	0	0	0
- Ineqarnermut akiliutinut akiitsut	0	0	1
- Attartukkamik allanut attartortitsigallarnek	0	0	0
- Ineqarnermut akiliutinik naatsorsuineq	2	1	0
- Kiassarnermut naatsorsuutit	0	0	0
- Qularnaveeqqutitut siumut akiliutit	0	0	0
- Utaqqisut allattorsimaffiat	0	0	0
- Aserfallatsaaliineq	1	-	-
- Inissialiornermut tapersiissutit	1	-	-
- Nunaminertamik tunniussineq	1	-	-
- Allat	2	2	3
<b>Akileraarutit akitsuutillu</b>	<b>1</b>	<b>1</b>	<b>3</b>
Taakkunanga:			
- Naatsorsuineq	0	0	1
- Erniat	0	1	0
- § 50 tunngavigalugu tunniussinerit	0	0	1
- Immikkut akuersissute- qarnerit	0	0	1

- Allat	1	-	-
<b>Akiliisitsiniarnermik suliaqarneq</b>	<b>2</b>	<b>1</b>	<b>3</b>
<b>Peqqinnissaq</b>	<b>1</b>	<b>0</b>	<b>1</b>
Taakkunannga:			
- Aqutsineq pillugu naammagittaalliuutit	1	0	1
- Allat	0	0	0
<b>Aalisarneq, piniarneq nunalerinerlu</b>	<b>0</b>	<b>1</b>	<b>4</b>
Taakkunannga:			
- Aalisarneq	0	0	2
- Piniarneq	0	0	0
- Inuussutissarsiornermut tapersiissutit	0	0	1
- Pisassiissutininik akuersisutininillu tunniussinerit	0	0	1
- Allat	0	1	0
<b>Inuussutissarsiornermut tunngasut allat</b>	<b>0</b>	<b>0</b>	<b>2</b>
<b>Atuartitsineq</b>	<b>1</b>	<b>0</b>	<b>0</b>
Taakkunannga:			
- Suliffimmi sungiusarneq	0	0	0
- Allat	1	-	-
<b>Ilageeqarneq</b>	<b>0</b>	<b>0</b>	<b>0</b>
<b>Atuisartut/Pisisartut</b>	<b>0</b>	<b>1</b>	<b>1</b>
<b>Allat</b>	<b>2</b>	<b>2</b>	<b>1</b>
<b>Katillugit</b>	<b>34</b>	<b>16</b>	<b>35</b>

Suliat atorfeqartitaanermut tunngassuteqartut tassaapput inatsiseqartit-siffiup taassuma iluani 2005-imi 2004-milu naammagittaalliuutinik amerlanerpaanik inaarlugit suliaqarfigisimasakka. Tulliupput isumaginninnermi pisartakkatut tunniunneqartartut aamma inissianik attartornermut tunngasut pillugit naammagittaalliuutit. Taamaalillutik suliat atorfeqartitaanermut tunngasut inaarlugit suliarineqarsimasut sulianit inaarlugit suliarineqarsi-

masunit tamarmiusunit 35 %-iupput. Tamanna 2005-imi amerlassutsinut sanilliussigaanni 10 %-inik qaffariarnermut naapertuuppoq.

Naammagittaalliuutit aalajangersimasumik suliarineqareerlutik inaarlugit sularineqartut, naammagittaalliuutigineqartut suussusiinut agguataakkat (procentinngorlugit naatsorsuineq assiliartami 4-mi takuuk):

	2006	2005	2004
Aalajangiinerit	18	4	20
Tunngavilersuineq	1	0	0
Pisinnaatitaaneq	0	1	0
Piffissaq sulianik suliarinnin- nermut atorneqartoq	9	5	6
Ingerlatsinermi ileqqoris- saarneq	0	0	2
Paasitinneqarsinnaati- taaneq	1	1	2
Ingerlatsinermik suliaqarnivik	0	1	1
Inatsisini tunngavissaqarner- mik apeqquut	0	0	1
Paasissutissanik ingerlatit- seqqinneq	0	0	1
Nipangiussisussaataaneq	1	-	-
Ilitsersuineq	2	-	-
Naligiissuseqartitsinermik tunngaveqarneq	0	1	0
Allat	2	3	2
<b>Katillugit</b>	<b>34</b>	<b>16</b>	<b>35</b>

Naammagittaalliuutit aalajangersimasumik suliarereerlugit inaarlugit 2006-imi suliarisama amerlanerpaartaat oqartussaasut aalajangiineri pillugit naammagittaalliuutaapput. Naammagittaalliuutit 2006-imi inaarlugit suliarisama tamarmiusut 53 %-ii tassaapput aalajangiinerit pillugit naammagittaalliuutit. 2005-imi kisitsit tassunga tunngasoq 25 %-iuvoq.


Naammagittaalliuutit aalajangersimasumik suliarineqarnermik kingornatigut 2006-imi inaarlugit suliarineqarsimasut, misissuinerit inernilerneqarnerinut agguataakkat (procentinngorlugit naatsorsuineq assiliartami 5-imi takuuk):

	2006	2005	2004
Isornartorsuineq	15	4	11
Inassuteqaateqarneq kisimiitillugu	1	0	2
Isornartorsuineq inassuteqaate-			

qarnerlu	15	9	17
Oqaaseqaateqarfigineqanngitsut	3	3	5
<b>Katillugit</b>	<b>34</b>	<b>16</b>	<b>35</b>


Suliat isornartorsiullunga inassuteqaateqarlungalu oqaaseqaateqarfigi-simasakka 2005-imit 2006-imut 19 %-inik appariarsimasut assiliartap 5-ip takutippaa. Suliali taamaallaat isornartorsiullunga oqaaseqaateqarfigi-simasakka 2006-imi 25 %-inik qaffariarlutik suliat inaarlugit suliarineqarsimasut tamarmiusut 50 %-erilersimavaat. Suliat inaarsininni oqaaseqaatinik saqqummiussinissannut pissutissaqalersitsisimannngitsut 2005-imi 19 %-init 2006-imi 10 %-inut ikileriarsimapput.

Assiliartaq 1 : Naammagitaalliuutit 2006-imi, 2005-imi 2004-milu itigartitsissutigisat - itigartitsiner nut pissutaasoq







**Assiliartaq 2 - Naam m agittaalliuutit 2006-im i, 2005-im i 2004-m ilu  
inaar neqartut - oqartussaasoq**




Assiliartaq 3 - Naammagittaalliuutit 2006-im i, 2005-im i 2004-m ilu  
inaarneqartut - inatsiseqartitsivik



**Assiliartaq 4 - Naam m agittaaliuutit 2006-im i, 2005-im i 2004-m ilu  
inaarneqartut - naam m agittaaliuutigisaaq**



**Assiliartaq 5 - Naammagittaalliuit 2006-imi, 2005-imi 2004-milu inaarnegartut - innerneri**



### 3. Apeqqutit ingerlatsineq pillugu inatsiseqartitsinermut tunngasut pillugit ataatsimoortumik oqaaseqaatit

Ataatsimoortumik ajornartorsiuteqarfiusut sulianik arlalinnik suliarinninnut atatillugu isummerfigisimasama arlallit immikkoortumi matumani erseqqissarneqarnissaat toqqarpara, suliat immikkoortumi 4-mi aamma 5-imi ilanngunnissaat pissutissaqarsorisimanngisakka aamma ilanngulugit.

#### 3-1 Pisortani atorfeqartitaasup pisortani atorfeqartitaasoq alla pillugu naammagittaalliuutaa (J.nr. 11.10.21.16/060-04)

Suliami nalunaarummut tamakkerlugu immikkoortumi 5-imi ilanngunneqartumi ilaatigut apeqqutit makku pillugit oqaaseqaateqarpunga: 1) Pisortani atorfeqartitaasoq naammagittaalliuutigineqartoq suliami naammagittaalliummut tunngasumi suliami illua'tungiusutut inissimalissava? aamma 2) Pisortani atorfeqartitaasup paasissutissanik paasissallugit pisinnaatitaaffigisaminik allanut ingerlatitseqqinnera nipangiussisussaataaner-mik unioqquitsinerua?

Imaattunik oqaaseqaateqarpunga:

"Pisortani atorfeqartoq pillugu naammagittaalliummik oqartussaasup tigusaqarnerata immi atorfeqartitaasup pineqartup suliami illua'tungiulernera nassatarinngilaa. Naammagittaalliuut atorfeqartup naalasseriitsuliorneq pissutigalugu iliuuseqarfiginissaanut tunngavissaqarneranik immikkut aalajangersaanissamat aatsaat pissutissaqalersitsippat atorfeqartitaasoq pineqartoq suliami illua'tungiusutut pisinnaatitaaffilerneqartussaasussaavoq.

Taamaalilluni naammagittaalliuut angajoqqaat ...-mik naammagittaalliuutiginninneranni pisimasutut naalasseriitsuliorneq pissutigalugu iliuuseqarnissamik pissutissaqalersitsinngippat suliaq atorfeqartitaasoq pineqartoq naammagittaalliuutigineqartoq eqqarsaatigalugu aalajangiinermik inaarsarneqassanngilaq.

Taamaattumik kommunip suliami ... eqqarsaatigalugu aalajangiinermik inernilii-simannginnerata isornartorsiuinissannut pissutissaqalersissinnaanngilaanga.

Tamannali apeqqutaatinnagu manna pillugu piumasaqaat atuuppoq, tassalu ingerlatsiner-mi ileqqorissaarneq oqartussaasut malissagaat. Tassani aamma ilaavoq oqartussaasut sulisoqarnerminnik ingerlatsinerminni mianerinnittumik periaaseqartussa-nerat.

Pisumi matumanisut ittumi atorfeqartitaasup (...-p) naammagittaalliummik ilun-gersunaqisumik ..-llu soraarsinneqarnissaanik imaqartumik kommunimit ilisimat-inneqarfigisimasaani kommuni uanga paasinninnera malillugu matuminnga ilima-ginninnissaminut pissutissaqarsimavoq, tassalu sulini pillugu naammagittaal-liuummik taamaattumik kommunip suliarinninnera ilisimassallugu ...-mut immikkut nanertuutaassasoq.

Taamaattumik isumaqarpunga suliap ...-mut iliuuseqarnissamik isumaliutersuu-titaqanngitsumik inaarlugu suliarineqarsimaneranik kommunip ...-mut nalunaaruti-ginnissimasariaqaraluarnera ingerlatsiner-mik ileqqorissaarnerup nassatarigaa.

...  
 ...-p naammagittaalliutaa suillertut isumaginninnermi ingerlatsiviup ...-p panni pillugu allakkanik susassaqaangitsunut takutisinnermigut ...-p nipangiussisussaaitaata-nermik unioqutitsisimaneragaaneranut tunngasuvoq.

Tamanna pillugu oqaatigaara ... suliame panimminut ukiukinnerusumut tunngasumi suliame illua'tungiunera qularnaateqaangitsoq, taamaattumillu suliassat suliari-neqartarnerat pillugu inatsimmi malittarisassat malillugit allagaatinik paasitinneqar-nissaminut pisinnaatitaasoq.

Pisortani atorfeqartitaasup suliame atorfeqartitaasup pineqartup allagaatinik paa-sitinneqarnissaminik piumasaqaateqarfigisinnaasaani paasissutissanik ingerlatitseq-qinnera nipangiussisussaaitaatanermik unioqutitsinerunerarneqarsinnaanngilaq.

...

Taamaattumik uanga paasinninnera unaavoq kommuni ...-p naammagittaalliutaa-taata nassatarisaanik manna misissussallugu pisussaaffeqarsimasoq, tassalu ... suliame kommunip allaffianiittumi paasissutissanik nammineerluni pissarsisimaner-soq.”

3-2 Atuagaateqarfimmiittuuteqarnermut akissarsiassat pillugit Namminersornerullutik Oqartussat nalunaarutaanni qinnuteqarnissamut piffissaliussap aalajangersarneqarnissaanut inatsisitigut tunngavigisaq (J.nr. 11.01.99.01/109 – 05)

Qinnuteqarnissamut piffissaliussap ukiumoortup nalunaarummi aalajangersakkap qaangerneqarsimanagera pissutigalugu atuagaateqarfimmiittuuteqarnermut akissarsiassat pillugit qinnuteqaammut Nunatta Atuagaateqarfiata itigartitsinera A-p Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfimmut naammagittaalliutigaa. Pisortaqarfiup itigartitsinerminut tunngavilersuutigaa qinnuteqarnissamut piffissaliussap piffissamik sivisuumik qaangerneqarsimanagera, aamma piffissaagallartillugu qinnuteqarnissaq pillugu piumasaqaammik saneqqutsinermut sukumiisumik tunngavilersuisoqarsimannginnera.

A tamatuma kingorna uannut naammagittaalliorpoq. Isumaqarpungali aalajangiineq naammagittaalliutigineqartoq misissuiffigissallugu naammattumik tunngavissaqarnanga, tassami aalajangiineq taanna nalunaarummut naapertuuttutut isikkoqarmat. Taamaattumik misissuineraga qinnuteqaateqarnissamut piffissaliussap Namminersornerullutik Oqartussat nalunaarutaanni aalajangersarneqarsimasup inatsisinik eqqortitsisuuneranik apeq-qut pillugu misissuineranut killilersimavara.

Pisortaqarfimmit tamanna pillugu oqaatigineqarpoq atuagaateqarfimmiittuuteqarnermut akissarsiassanut aningaasanik Inatsisartut aningaasqarnermut inatsisaanni ukiut tamaasa immikkoortitsisoqartartoq, tamatumalu kingorna Nunatta Atuagaateqarfianut qinnuteqaateqarnikkut taakku agguataarneqartartut. Akissarsisinnaatitaasut ataasiakkaat akissarsiaasa ukiumoortut aningaasartaasa amerlassusii atuagaateqarfimmiittuuteqarnermut qinnuteqaatit akuerineqartut katillugit amerlassusiisa kisinneqareerne-

risigut taamaalilluni aatsaat ilisimaneqalersarpoq. Taamaattumik qinnuteqaateqarnissamut piffissaliussaq ivertinneqarpoq akissarsisinnaatitaasut tamarmik pilertortumik akissarsisarsinnaaqullugit, taamaalillutillu ukioq naatinnagu qinnuteqaatit tamarmik tunniunneqareernissaat tamatumalu kingorna aatsaat suliarineqareersimanissaat utaqeqqaartariaqassanagu.

Tamatum kingornatigut tamatuminna isornartorsiuinissannut pissutis-saqarnanga isumaqarpunga, tassami periaatsimi aalajangersarneqarmat ingerlatsivik inatsisitigut tunngavissaqanngikkaluarluni piffissaliussanik taamaattunik inatsisinik unioqqutitsinani aalajangersaasinnaasoq, taakku suliamut attuumassuteqartumik tunngavilersorneqarsimappata.

3-3 *Sumiginnaanermik pasitsaassineq pillugu suliami nalunaarutiginnittumut ilisimatitsineq (J.nr. 11.10.12.04/132-05)*

Suliami nalunaarummut ilanngunneqanngitsumi sumiginnaanermik pasitsaassaqarnerminik saaffiginnissummi kommunimit akineqarsimannginnera innuttaasup naammagittaalliuutigaa. Oqaatigaara sumiginnaanermik pasitsaassaqarneq pillugu suliami nalunaarutiginnittutut suliami tassani illua'tungiusutut inissisimasoqalernerq ajormat, suliallu ingerlaqqinneranik nalunaarfigineqarnissamik piumasaqaateqartoqarsinnaanani. Taamaattorli nalunaarutiginninnerup tiguneqarnera kommunip innuttaasumut allakkatigut uppernarsaasimannginnera isorisariaqartutut isigaara.

3-4 *Inissiamit attartukkamit nuunnermi iluarsaassinermut aningaasartuutit naatsorsorneqarnerat (J.nr. 11.20.32.01/014-06)*

Naammagittaalliummut nalunaarummi ilanngunneqanngitsumut atatil-lugu imaattunik oqaaseqaateqarpunga:

”Nalinginnaasumik iluarsaassinermi iluarsaassinissamut pisussaaffiup attartortumut nuunnginnerani ingerlanneqartumi A/S Inissiaatileqatigiiffik INI sulisunut il.il. isumaqatigiissuteqartarpoq, attartortup akiligasaanik, tak. inissianik attartortitsineq pillugu peqqussummi § 78. Taamaattumik uanga paasinninnera malillugu ingerlatsinermi pissuserissaarnermut aamma mianerinnittumik ingerlatsinermut naleqqun-nerpaasussaavoq suliat ingerlanneqarsimasut eqqarsaatigalugit attartortup aningaasartanut ataasiakkaanut isummerfiginninnissaminut periarfissaqarnera A/S Inissiaa-tilaqatigiiffik INI-p qulakkeerpagu.

Taamaaliortoqassappat piumasaqaataavoq akigitinneqartut ilaasa qanoq amerlati-gisut sulianut ataasiakkaanut tunngasuunerat paasissutissiissutigineqassasoq.

Taamaattumik isumaqarpunga naatsorsuutit suliami pigineqartut iluarsaassinermut ataatsimoortumik aningaasartuutaannarnik takutitsisuusut naammannngitsut.”

3-5 Piffissaq suliamik suliarinninnermut atorneqartoq - suliami illua'-tungiusup isumaanik tusarniaaneq - sulineq pillugu killisiuineq (J.nr. 11.02.21.01/015-06)

Tjenestemandip naalasseriitsuliorneranik malersuinnermut suliami killisiuinnermik aqutsisup avataaneersup suliarinninnermik utaqqimaariffiusumut atatillugu piffissaq suliamik suliarinninnermut atorneqartoq eqqarsaatigalugu oqartussaasup akisussaaffeqarnera suliamik pineqartumik misissuininnut atatillugu misissorpara.

Tamatumunnga atatillugu Sulisoqarnermut Pisortaqarfimmud allakkanni 18. oktober 2006-imeersuni imaattunik oqaaseqaateqarpunga:

"Piffissaq suliamik suliarinninnermut atorneqartoq:

(...)

Sulisoqarnermut Pisortaqarfiup uannut allakkamini 1. marts 2006-imi tigusanni piffissaq suliamik suliarinninnermut atorneqartoq pillugu makku oqaatigai:

"Suliasap suliarineqarneranut piffissaq atorneqartoq suliamut atatillugu paasinaasoqarneranik pissuteqarpoq, ilisimannittut arlallit oqaloqatigineqarput, tamatumalu ingerlanerani paasissutissat nutaat saqqummerarput. Malugineqassaaq paasinaasoqareernerata kingorna nalunaarutip suliarineqarneranut atatillugu, paasiniaa-nermi aqutsisup taamatut naammassimmagu, Sulisoqarnermullu Pisortaqarfik nalunaarut pillugu arlaleriarluni nukingisaarisarsimammatt."

Oqaatigaara atorfinitsitsinermi oqartussaasup naalasseriitsuliornermik misissuinermi killisiuisut aqutsisuannut tunniussisussaaneranik tjenestemandit pillugit inatsisip aalajangersaanerata suliap ingerlatsinermi inatsiseqartitsinermi piffissaq suliamik suliarinninnermut atorneqartoq pillugu piumasaqaatit naapertorlugit ingerlanneqarnissaanik pisortaqarfik akisussaaffiiangilaa.

Taamaalilluni suliap killisiuinnermik aqutsisup suliamik suliarinninnera pissutigalugu sivitsuloorunneqannginnissaa pisortaqarfiup qulakkeertariaqarpaa.

Killisiuinnermik aqutsisup eqqartuussisuunermit toqqarneqartussaanerata pisortaqarfiup killisiuinnermik aqutsisumik ingerlatsineq pillugu inatsiseqartitsinermi suli-aaanik suliarinninneq pillugu piumasaqaataasut qulakkeerneqarnissaat siunertaralugu ilitersuinissaa mattutinngilaa.

Eqqartuussisuunerup imaluunniit killisiuinnermik aqutsisup eqqartuussisuunermit toqqagaasup taamatut ilitersuineq malinngippagu pisortaqarfik tamatumunnga atatillugu qisuariatariaqarpoq.

Suliat november 2004-mi aallartinneqarpoq, soraarsitsinissamillu inaarutaasumik aalajangiineq A-mut allakkatigut 9. december 2005-imeersutigut nalunaarutigineqarluni.

Aalajangiinerup sakkortuumik equisuunera immikkut isiginiarlugu isumaqarpunga suliap siusinneruskkut naammassineqarnissaa Sulisoqarnermut Pisortaqarfiup suliniutigisimasariaqaraluaa."

Sulisumik killisiuinnermik ingerlatsinnermut atatillugu killisiuinnermi allattaavik pillugu suliami illua'tungiusup isumaanik tusarniaa-nermi periaaseq suliami tassani isummerfigaara.

Tamatumunnga atatillugu Sulisoqarnermut Pisortaqarfimmud allakkanni 18. oktober 2006-imeersuni imaattunik oqaaseqaateqarpunga:



"Killisiuineramik aqutsisup nalunaarutaa pillugu suliami illua'tungiusup isumaanik tusarniaaneq.

Suliamik allaaserinninninni maluginiarpara Sulisoqarnermut Pisortaqarfik suliami illua'tungiusup isumaanik tusarniaalluni A-mut allakkamini 17. november 2005-imeersuni imatut allassimasoq:

"Taamatuttaaq eqqortussaq anguniarlugu nalunaarutip assilinera ilanngullugu ilinnut nassiunneqarpoq." (Atorfeqarfimmi nutsigaavoq)

Naatsorsuutigineqarpoq suliani tjestemandinut tunngasuni sulineq pillugu killisiuffiusimasuni killisiuinerami pisortap nalunaarutaa nammineq pillugu suliami illua'tungiusup isumaanik immikkut tusarniaanissamut pissuesaaffeqartoq, suliami illua'tungiusoq killisiuinerup nammineq nalaani pissuesiviusut killisiuinerami ilanngunneqarsimasut pillugit suliami illua'tungiusutut isummaminik tusarniaavigineqarsimasutut oqaatigineqarsinnaagaluartoq. Tassani una innersuussutigaa: "Forvaltningsloven med kommentarer", John Vogterip atuakkaa, pingajussaanik naqitertitaq, qupp. 356 aamma Ugeskrift for Retsvæsen 1999B, qupp. 28 tullialu.

Suliamit ersepoq Sulisoqarnermullu Pisortaqarfiup uannut allagaasigut 8. august 2006-imeersutigut uppernarsarneqarsimalluni killisiuineramik aqutsisup siunertarisimagaa suliami illua'tungiusup isumaanik tusarniaasussaatitaaneq Sulisoqarnermut Pisortaqarfiup aamma Atorfillit Kattuffiata "killisiuineq pillugu oqaaseqaateqartinneqarnerisigut" eqqortinneqassasoq.

Sulisoqarnermut Pisortaqarfiup apeqqut taanna pillugu oqaatigaa:

"Inatsisartut Ombudsmandiata allagaa 3. juli 2006-imeersoq nangillugu, Sulisoqarnermut Pisortaqarfiup matumuuna paasisutissiisutigaa, [killisiuineramik aqutsisup] killisiuisimanerani allattaavik pillugu naammaginarumik tusagaqartoqarsimansoq apeqqummik saqqummiussisoqarmat. Ilanngunneqarput [killisiuineramik aqutsisup] akissuteqaataata assilineqarnera killisiuineramullu aqutsisoq tassaammat nalunaarusiortoq tassunga ilanngullugu tamanna pillugu tusarniaaneq, Sulisoqarnermut Pisortaqarfiup tamanna tunngavigisariaqarpaa."

Killisiuineramik aqutsisup akissutaa imaappoq:

"Oqaatigisinnaavara suliami illua'tungeriit nalunaarusiaq pillugu oqaaseqaateqartinniarikka, nalunaarummut missingiut pillugu tusarniaanermut taarsiullugu." (Atorfeqarfimmi nutsigaavoq)

Suliaq pillugu oqaaseqaatit tulleriinneri malillugit Sulisoqarnermut Pisortaqarfiup aamma Atorfillit Kattuffiata killisiuinerup ingerlanneqarnerata kingornatigut suliamik paasinninnerinik imaqarput, kisianni killisiuineramik aqutsisup nalunaarusiaminik saqqummiussinera sioqqullugu.

Uanga paasinninnera unaavoq killisiuineramik aqutsisup nalunaarusiaa pillugu suliami illua'tungiusut isumaanik tusarniaanissamut pissuesaaffimmi killisiuineramik aqutsisup suliamik paasinninnera pillugu tusarniaaneq ilaasoq, imaaginnanngitsoq killisiuinerami saqqummiunneqartut kisiisa pillugit.

Sulineq pillugu killisiuineq suliami aalajangiisoqannginnerani ingerlatsiviup suliamik misissuineranut ilaavoq. Taamaalilluni killisiuineramik aqutsisoq illua'tungeriit marluk akornanni aaqqiagiinngissut pillugu aalajangiissanngilaq, sillialli allaffisornikkut paasisutissartalersorneqarnerata ilaanik ingerlatsisuussalluni.

Tamatuma kingornatigut uanga paasinninnera unaavoq suliaq pillugu oqaaseqaatinik matumani pisimasutut pissarsiniarsimaneq killisiuinerami allattaavik pillugu suliami illua'tungiusut isumaanik tusarniaanermut taarsiunneqarnissaminut naleqqutinnitsoq.

Oqaatigaara atorfinitsitsinermi oqartussaasup naalasseriitsuliorneq pillugu misisuinerup ingerlanneqarneranik immikkut killisiuinermi pisortamut isumagisassanngortitsinissaanik tjestemandit pillugit inatsimmi aalajangersaasoqarnerata pisortaarfik suliap ingerlatsineq pillugu inatsiseqartitsinermi suliamik sularinninneq pillugu piumasaaqaataasut naapertorlugit sularinissaanut akisussaaffiingikkaa.

A-p killisiuinermi allattaavik pillugu suliami illua'tungiusutut isumaanik tusarniaavigineqarsimanginnera tamatuma kingornatigut pitsaanngitsutut isigaara.”

3-6 Oqartussaasup aningaasartuutininik inaarutaasumik akilissallugit pisussaaffiginngisamisut isigisaminik akiliisimanera (11.01.52.01/017-06)

Suliami nalunaarutinni ilanngutissallugu pissutissaqarnanga isumaqarfigisanni pineqartoq tassaavoq napparsimasup angalaneranut atatillugu akunnittarfimmi unnuinermut akiligassiissummik akiliinissamik napparsimmaviup toqqaasimanera, naak akunnittarfimmi unnuineq napparsimmaviup pissutissaqanngitsutut isigigaluaraa, aningaasallu napparsimasumut kingusinnerusukkat akilersinniarsimallugit.

Tamatumunnga atatillugu imaattunik oqaaseqaateqarpunga:

”Akiligassat innuttaasunit akilerneqartussat akilernissaat tamatumalu kingornatigut innuttaasumut akilersinniarnissaat pisortani oqartussaasut aallaavittut nalinginnaasumik suliassarinnigilaat. Illoqarfimmi K-mi napparsimmavik unnuinermut aningaasartuutininik akiliinissamut pisussaaffeqanngitsutut isigiguni Hotel ... aningaasat akilerneqartussat A-mut akilersinniaqqullugit innersuussisimasariaqaraluarpoq. Akiligassanik illoqarfimmi K-mi napparsimmaviup akilissallugit pisussaaffiginngisamisut isigisaminik akiliisimanera pitsaanngitsutut isigaara.”

3-7 Soraarsitsinerneq ingerlatsinerneq attuumassuteqartunik tunngavilersugaasuni suliami illua'tungiusup isumaanik tusarniaasussaataaneq. Takkutinngitsoorneq qinnuteqaataasumik soraarsitsinerneq imaaliinarluni naligitinneqarsinnaanngilaq (J.nr. 11.10.12.01/024-06)

Kommunip soraarsitsinera pillugu naammagittaalliuttip sularineqarneranut atatillugu kommunimut allakkani 25. oktober 2006-imeersuni imaattunik oqaaseqaateqarpunga:

"Suliami illua'tungiusup isumaanik tusarniaasussaataanerup qinnuteqaataanngitsumik soraarsitsineq sioqqullugu aamma atuunnera aalajangersimavoq.

Suliami illua'tungiusup isumaanik tusarniaanerup siunertaa:

Pisortani oqartussaasooq ingerlatsinerneq tunngasut tunngavilersuutigalugit soraarsitsisussaq sulisumut soraarsinneqarnissamik ulorianartorsiortinneqartumut sulisup taassumarpiaap soraarsinniarneqarneranut tunngavilersuutaasooq pillugu nassuiaateqassaaq, taamaalilluni sulisoq tamanna pillugu oqaaseqaateqarnissaminut periarfissaqarsinnaaqqullugu.

Taamatuttaaq sulisup pineqartup allamut nuutsinneqarnissaanut periarfissaqarnerooq naliliisoqassaaq.

Hans Gammeltoft-Hansenip allallu atuakiaanni "Forvaltningsret"-imi, 2002-meersumi qupperneq 245 innersuussutigaa:

"Oqartussaasup suliffeqarfimmi ilaa erseqqinnerusumik taaneqartoq atorunnaarsinniarlugu killilersuiffiginarluguluunniit aalajangerpat sulisoq suliassaqarfimmi tassani massakkut sulisoq ingerlaannartumik isiginiarneqalersarpoq, soraarsinneqar-nissaa siunertarlugu. Sulianili sipaarmiuteqarneq pissutigalugu soraarsitsiner-nut tunngasuni sulisunik pinngitsoorneqarsinnaanerpaasunik oqartussaasup toqqaas-neranik tunngaviup nassatarisinnaavaa oqartussaasup inuit ingerlaannaq isiginiar-neqalersut suliassaqarfimmi allani ingerlaqqittuni pitsaasumik iluaqutaasinnaanersut, allaallu immaqa suliassaqarfimmi taakkunani sulisut ilaannit piukkunnaateqarneru-sinnaanersut naliliisariaqarnera. Taamatut naliliinerup nassatarisinnaavaa isiginnin-riarnerup oqartussaasumi tassani sulisunut allanut sammitittariaqarnera." (Atorfe-qarfimmi nutsigaavoq)

Suliami illua'tungiusup isumaanik tusarniaanerup ilusaa:

Suliami illua'tungiusup ilaatigut suut pillugit oqaaseqaateqarnissaminik ilaati-gullu ataqatigiinneqarnermi sumi oqaaseqaateqarnissaminik ilisimasaqarnera sulia-mi illua'tungiusup soqutigisaminik isumaginnissinnaaneranut annertuumik pingaa-ruteqarpoq.

Uanga paasinneqqaarnera unaavoq qinnuteqaataanngitsumik soraarsitsinerit pil-lugit suliat amerlanersaanni suliami illua'tungiusup isumaanik tusarniaanerup allak-katigut ingerlanneqarnissaa pisariaqartuussasoq, tassami suliami illua'tungiusoq kommuni-p aalajangiineranut tunngaviusoq pillugu isummernissaminut piffissaqar-tinneqarnissaminik kiisalu tamatuminnga avataaneersumut oqaloqatiginnissami-nik pisariaqartitsisinnammatt.

(...)

K Kommuni-p uannut allakkamini 21. april 2006-imeersuni oqaatigaa:

"... periarfissinneqarluni K Kommunimut saaffiginnissaa 21.12.05. Tassani naatsorsuutigalugu qanoq pisoqarnissaanik nassuiaanneqarnissaa."

§ 19 malillugu ingerlatsisoqarsimanersoq akiuminaatsipparput, tassami ataatsi-milluunniit A-mit periarfissinneqarsimannginnatta nassuiaaqqinnissatsinnut."

Oqaatigara suliami illua'tungiusup isumaanik tusarniaanerup siunertaa tassaang-itsoq suliap ingerlasimaneranik oqartussaasup ilisimatitsinissaminut periarfissin-neqarnissaa. Siunertaasoq qulaani oqaatigineqartutut tassaavoq suliami illua'tungiu-sup suliami aalajangiisoqannginnerani suliap pissusiviusutigut tunngavigisaa pil-lugu oqaaseqaateqarnissaminut, naqqiissuteqarnissaminut ilassuteqarnissaminul-lu periarfissinneqarnissaa.

Suliani ingerlatsinermik tunngavilersuuteqarluni soraarsitsiner-nut tunngasuni su-liami illua'tungiusup isumaanik tusarniaasarnermi piumasaqaataasut pillugit qulaani taaneqartut tunngavigalugit tamatuma kingornatigut uanga paasinninnera unaavoq K Kommuni-p A-mut allagai 30. november 2005-imeersut suliami illua'tungiusup isumaanik tusarniaasarnermi piumasaqaatinik eqqortitsisuunngitsut, tak. suliassat suliarineqartarnerat pillugu inatsimmi § 19.

Suliami illua'tungiusup isumaanik tusarniaaneq qulaani oqaatigineqartutut inaa-ruutaasumik aalajangiisoqannginnerani ingerlanneqassaaq."

Taamatuttaaq kommunimut allakkanni 25. oktober 2006-imeersuni i-maattunik oqaaseqaateqarpunga:

"A-p nammineerluni soraarsimasutut K Kommunimit isigineqarnera eqqarsaati-galugu makku oqaatigaakka:

Sulisup sulinningitsoornera pisut apeqqutaatillugit sulinermit atatillugu unioqqutit-sinertut isigineqarsinnaavoq, imminili atorfeqartitaanerup sulisumit soraarniuteqartoqarnerata kingornatigut atorunnaarsinneqarneratut paasinissaanut naammannani. Ugeskrift for Retsvæsen 1934.271H innersuussutigaa.

Suliap illersorneqarsinnaasumik paasisutissartalorsorneqarnera oqartussaasup akisussaaffigaa, sulisullu atorfimmitt tunuarumasimanagera erseqqissumik misissuiffigeqqaarnagu tunngaviutissinnaanagu.”

3-8 Suliap tammarsimaneranik suliame illua'tungiusunut nalunaaruteqartussaataaneq. Periaatsinik suliap sularineqarnerisa pitsaanagerusumik ingerlanneqarnerannut iluaqutaasunik pilersitseqqusilluni inassuteqaat (J.nr. 11.01.35.04/028-06)

Suliami nalunaarummut tamakkerlugu ilanngunneqarnissaanut pissutis-saqarnanga isumaqarfisanni oqaatigaara oqartussaasoq akissuteqaqqullugu suliami illua'tungiusumit nukingisaarneqartoq, suliallu tammarsimane-ranik tamatumunnga atatillugu paasisaqartoq, suliap ugartornissaanut su-liallu tammarsimaneranik suliami illua'tungiusumut nalunaaruteqarnissa-minut pisussaaffeqartoq.

Aammattaaq periaatsimik makkunatigut qulakkeerisumik oqartussaasup atuilernissaanik inassuteqaateqarnissannut pissutissaqarlunga isumaqarpu-nga:

- nukingisaarutit piffissamik suliap sularineqarneranut atorneqartumik pissutissaqarluni tunngavilersugaasut ingerlaannartumik akineqartassa-sut,
- qinnuteqaatit takkuttut tiguneqarnerat uppernarsarneqartassasoq,
- suliap sularineqarnera sivitsuloorunneqarpat qinnuteqartut oqartussaa-sup nammineq suliniuteqarnermigut ilisimatittassagai, aamma
- qinnuteqaatit takkuttut suliamek sularinnittumut najuuttumut sulari-sassannortillugit tunniunneqartarnissaat oqartussaasup isumagissagaa.

3-9 Peqqinnissaqarfimmi sulisut pissusilersornerat pillugu naammagittaalliummik sularinninnissamut Peqqissutsimut Pisortaqarfiup pi-sussaaffeqarnera (J.nr. 11.01.52.23/043-06)

Innuttaasup nakorsaatinik nakorsamit tunniunneqartunik tuniniaasarsi-maneranik nakorsap pasilliinera pillugu naammagittaalliuttip sularineqar-nissaa Ombudsmandi pillugu inatsimmi § 6, imm. 3-p tunngavia malillugu itigartitsissutigaa.

Tamatumunnga atatillugu oqaatigaara:

"... Peqqinnissaqarfiup aquunneqarnera aqqissuussaaneralu pillugit Inatsisartut peqqussutaanni § 1-imit erserpoq:

”Naalakkersuisut peqqinnissaqarfimmi sulineq aqussavaat, pilersaarusiussavaat nakkutigalugulu.”

Tassa imaappoq Naalakkersuisut Peqqissutsimut Pisortaqarfiat ... napparsimma-  
via eqqarsaatigalugu qulliunerulluni oqartussaasoq.

Inatsisitigut allamik aalajangersaasoqarsimatinnagu oqartussaasoq alliunerusoq  
oqartussaasumut qulliunerusumut naammagittaalliutigineqarsinnaajuannarpoq.

Taamaattumik naammagittaalliut Peqqissutsimut Pisortaqarfimmut ingerlateq-  
qippara, tamatumunngalu peqatigitillugu suliap aalajangiiffigineqarnera pillugu ili-  
simateqqullunga.”

3-10 Isumaginninnermi Naammagittaalliuteqartarfiup aalajangiineranut  
malitseqartitsineq (J.nr. 11.10.04/089-06)

Suliap suliareqqinneqarnissaanik Isumaginninnermi Naammagittaal-  
liuteqartarfiup aalajangiinerata kommunimit malinneqarsimannginnera  
pillugu naammagittaalliut 2006-imi tiguara. Suliaq Isumaginninnermi  
Naammagittaalliuteqartarfiup allattoqarfia isumaqatigiissuteqarfigereer-  
lugu malitseqartitsivigisassatut Naammagittaalliuteqartarfimmut ingerla-  
teqquillugu nassiuppara.

3-11 Atuarfimmi siulersuisunik aningaasarsiaqartitsineq (J.nr. 11.10.79.-  
01/095-06)

Atuarfimmi siulersuisut siulittaasuata sulinikkut aningaasarsiatut annaa-  
sami matussuserneqarnissaanik itigartinneqarnera pillugu naammagittaal-  
liuttip suliarineqarnissaanik Ombudsmandi pillugu inatsimmi § 6, imm. 4  
tunnngavigalugu itigartitsissuteqarninnut atatillugu pineqartumut allakkanni  
oqaatigaara:

”... atuarfik pillugu Inatsisartut peqqussutaanni nr. 8-mi, 21. maj 2002-meersumi  
angajoqqaat ilaasortaataitaasa, matumani atuarfiit siulersuisuisa siulittaasui ilanngul-  
lugit eqqarsaatigalugit, akissarsiaqartinneqarnerat pillugu imaattumik aalajangersa-  
gaqarneranik tunnngaveqarpoq:

”§ 41. Kommunalbestyrelsen angajoqqaat atuartullu ilaasortaataitaat sulineranni  
aalajangersimasumik akissarsiaqartissavai. Sulineranni akissarsiat annertussusaat  
atuarfimmi atuartut amerlassusaat, alloriarfiit amerlassusaat pissutsillu taakkunun-  
nga assingusut naapertorlugit aalajangersarneqartassapput. Atuartut akissarsiaat  
angajoqqaat akissarsiaasa pingajorarterutaattut angissusilerneqassapput.”

Peqqussutissatut siunnersuutip Inatsisartuni suliarineqarnerani Naalakkersuisut  
aalajangersagaq issuarneqartoq pillugu oqaaseqaatinik imaattunik ilanngussipput:

”Aalajangersakkap siunertaraa qularnaassallugu angajoqqaat ilaasortaataitaasa  
atuarfip siulersuisuini sulineranut peqataanermi akissarsiaqartinneqarnissaat.  
Akissarsiat suliamut akiliutitut aalajangersimasumik annertussusilikkatut tunniun-  
neqartassapput, taakkualu annertussusissaat kommunalbestyrelseni ataasiakkaat aala-  
jangertassavaat, atuarfip atuartuisa amerlassusaat, klassit amerlassusaat pissutsillu

assingusut toqqammavigalugit. Tamatumunnga tunuliaqutaavoq atuarfiit siulersuisuini sulinerup annertussusaa atuarfimmiit atuarfimmu assigiinnngissuteqarsinnaaqimmat. Sulinermi akissarsiat aalajangiunneqarsinnaapput piffissami aalajangersimasumi (ukiumut/qaammammut), ataatsimiinnerit tamaasa tiimimulluunniit akissarsiatut. Sulinermi akissarsiatigut atuarfiup siulersuisuini sulinermut peqataanerup tamakkiisumik matussuserneqarnissaa siunertaangilaq, taamaammata akissarsianut ilutigitillugu sulinermi annaasaqarnersiutit il.il. matussuserneqarnissaat periarfissaqanngilaq."

Taamaalillutik Inatsisartut manna tunngavigisimavaat, tassalu angajoqqaat ilaasortaatitaasa ilaasortaanerminni akissarsiamik angajoqqaat ilaasortaatitaannut atuarfiit siulersuisuini sulinermi peqataanerup atillugu tunniunneqartut saniatigut allatigut taarsiivigineqarnissaq piunasaqaatigisinnaanngikkaat. Sulinikkut aningaasarsiassaraluit annaasat matussuserneqartannginnissaat Inatsisartut erseqqissumik tunngavigisimavaat, soorlu Inatsisartut peqqussutaanni aalajangersagaq taanna pillugu oqaaseqaatinit tamanna ersertoq.

Atuarfiup siulersuisuini siulittaasuuninni akissarsiatit naammaginngikkukkit apeqqummik taassuminnga kommunalbestyrelsimut akissarsiat annertussusissaanik aalajangersaasartuusumut saqqummiussinissat pisariaqartussaavoq."

## **4. Suliat suliniutillu nammineerluni misissugassannngortitat kommuniullu tikeraarnerit**

Sulianik nammineerlunga misissuiffiginninnissannut Inatsisartut Ombudsmandiat pillugu Inatsisartut inatsisaanni nr. 7, 13. juni 1994-imeersumi § 6, imm. 5 tunngavigalugu pisinnaatitaavunga .

Pisinnaatitaaneq taanna suliat/ingerlatat uku aallartinnissaannut 2006-imi atorpara:

### 4-1 Pinngitsaaliilluni anitsitsinermi nutsernernut aningaasartuutininak-kutilliineq (J.nr. 11.73.39.10/022-06)

A/S Inissiaatileqatigiiffik INI-p pinngitsaaliilluni anitsitsinernik suliarinninera pillugu saaffiginnissutit, sulianilli ataasiakkaanik misissuiffiginninnissamut pissutissaqalersitsinngitsut, tunngavigalugit pinngitsaaliilluni anitsitsinerni nutsernernut aningaasartuutininak-kutilliineq pillugu apeq-qutip nammineerluni misissuiffiginninnermik aallartitsiviginissaanut pissutissaqarlunga isumaqarpunga.

Misissuina ukiumi nalunaarusiuunneqartumi 2006-imi naammassineqarpoq, immikkoortumilu 5-imi suliat nr. 11.73.39-1-itut ilanngunneqarluni.

### 4-2 Isumaginninnermi Naammagittaalliuteqartarfiup tunngavilersueriaasia (J.nr. 11.73.94.02/031-06)

Suliami naammagittaalliornissamut piffissaliussap qaangerneqarsimane- ra pissutigalugu suliarineqarnissaa itigartinneqartumi Isumaginninnermi Naammagittaalliuteqartarfiup tunngavilersueriaasia pillugu nammineerluni misissuiffiginninnermik suliaq innuttaasup pisortanit ikiorsiissutinik tunniussineq pillugu naammagittaalliutaa tunngavigalugu aallartippara.

Isumaginninnermi Naammagittaalliuteqartarfik suliasaqarfimmi tasani ataatsimut tunngavilersueriaaseqarpoq naammagittaalliornissamut piffissaliussap qanoq sivistigisumik qaangerneqarsimanageranik oqaatiginittumik kiisalu inatsisitigut malittarisassanut suliamut attuumassuteqartunut innersuussisumik.

Misissuina ukiumi nalunaarusiorfiusumi 2006-imi naammassivara, taannalu tamakkerluni immikkoortumi 5-imi suliat nr. 11.73.94-1-imik normoqartut ilanngunneqarpoq.

### 4-8 Napparsimasoq nakorsaatinik nakorsamit tunniunneqartunik tuniniaasimanagerarlugu nakorsap pasilliinera pillugu naammagittaalliuummik Peqqissutsimut Pisortaqarfiup (Sinerissami Aqutsisoqatigiit) suliarinninera (J.nr. 11.73.55.12/088-06)

Naammagittaalliut pillugu suliami immikkoortumi 3-mi suliatut 3-9-tut taaneqartumi Peqqissutsimut Pisortaqarfiup (Sinerissami Aqutsisoqatigiit) aalajangiinera 29. juni 2006-imi tiguara.

Tamatumunnga atatillugu aalajangerpunga pisortaqarfiup aalajangiinera nammineerluni misissuiffiginninnermik aallartitsiffiginarlugu, pisortaqar-fimmullu tusarniaaninni makku oqaatigalugit:

"...-p nakorsaatinik tuniniaasarsimaneranik nalunaarutiginninnerup tiguneqartup ilumuussusia Sinerissami Aqutsisoqatigiit misissorsimaneraat Sinerissami Aqutsisoqatigiit akissutaanni takuneqarsinnaanngilaq.

Aammattaq nalunaarutiginninnerup eqqortuussusia peqqinnissaqarfiup tunnga-viutissimaneraa akissummi erseqqissumik takuneqarsinnaanngilaq.

Nakorsaatit pillugit Inatsisartut peqqussutaanni nr. 1-imi, 12. maj 2005-imeer-sumi ilaatigut imaattunik aalajangersagaqarpoq:

"§ 16. Nakorsaatinik innersuussutigineqartussaasunik tunniussisinnaatitaapput taamaallaat inuit akuersissutaateqarfimmik iluani peqqinnissamik suliaqartut uumasullu nakorsaat.

Imm. 2. Nakorsaatit innersuussutigineqartussaataitaasut tunniussisinnaasuunngit-sumit napparsimasumut taamaallaat tunniunneqarsinnaatitaapput aatsaat nakorsaatissanut allagartami imaluunniit nakorsaatit tunniunneqarnissaannut allagartaliussami tamanna eqqortumik uppersarneqarsimappat.

...

§ 24. § 6, imm. 1, § 7, imm. 2, § 9, imm. 1, § 10, imm. 1-2, § 13, imm. 1, § 14, imm. 1, § 16, imm. 1-2, § 18, imm. 1, § 19, imm. 1-2, § 20 aamma § 21, imm. 1 naapertorlugit aalajangersakkanik unioqqutitsinerit pillugit akiliisitsisoqarsinnaavoq. § 7, imm. 3-mi, oqaaseqatigiit aappaata nassatarisaanik peqqusissummik inerteqqum-milluunniit naapertuutsitsinnginneq akiliisitsinertaqarsinnaavoq.

..."

Taamaalliluni nakorsaatinik nakorsamit tunniunneqartunik tuniniaasimanerarlugu innuttaasumut pasillineq tassaavoq inatsisinik unioqqutitsisoqarsimaneranik pinerluttulerineq pillugu inatsit tunngavigalugu pineqaatissiissutaasinnasumik pasillineq.

Taamaattumik innuttaasoq pineqartoq eqqarsaatigalugu tamanna tassaavoq pasillineq pineqartumut nanertuutaasorujussuaq.

Aammattaq pineqartoq tassaavoq innuttaasup pinerluttulerineq pillugu inatsit tunngavigalugu pineqaatissiissutaasinnasumik iliuseqarsimaneranik apeqqutit taamaallaat eqqartuussivinnit pinerluttulerineq pillugu inatsit tunngavigalugu aalajangiiffigineqarsinnaanera, innuttaasullu pineqartup inatsimmik unioqqutitsisimasut unnerluutigineqaruni pineqartup ilumut pisuunerata uppersarneqarnissaata tunngaanut pinngitsuusutut isigineqartussaanaera.

Tamatuma saniatigut pineqartoq tassaavoq pisortani oqartussaasup, pisoq pinerluttulerineq pillugu inatsit tunngavigalugu malersuinissaq siunertaralugu politiinut nalunaarutiginninnissamut pissutissaqalersitsinngippat, pasillineq taamaattoq oqartussaasup suliamik suliarinninnermini aatsaat inatsisinik unioqqutitsinngitsumik siunertaqaruni ilaatissinnaagaa, taamatuttaarlu sulianik aqutsinermi allaffissornik-kut suliarinnittarneq pillugu malittarisassat nalinginnaasut, matumani suliasat suliarineqartarnerat pillugu inatsimmi suliami illua'tungiusup isumaanik tusarniaasarneq pillugu malittarisassat ilanngullugit eqqarsaatigalugit, oqartussaasup paasissutissamik pineqartumik suliarinninneranut atatillugu eqqortillugit malinneqassallutik.



Tamanna aallaavigalugu isumaqarpunga Sinerissami Aqutsisoqatigiit akissutaat inatsiseqartitsinikkut innarlitsaalineqarnissaq eqqarsaatigalugu tunngaviumik apeqqutinik uanga nammineerlunga misissuiffigisariaqakkannik saqqummersitsisoq.

Taamaattumik pisortaqarfik qinnuigaara makku pillugit nassuiaateqaqqullugu:

1. ...-p nakorsaatiniq tuniniaasimaneranik nalunaarutiginninneq pineqartoq peqqinnissaqarfiup sunarpiaq siunertaralugu suliarisimavaa?
2. ... nakorsaatit pillugit Inatsisartut peqqussutaanni § 24, imm. 1 tunngavigalugu pineqaatissiissutaasinnaasumik inatsisinik unioqqutitsimanersoq isummerfigineqassasoq peqqinnissaqarfiup siunertarisimavaa?
3. ...-p nakorsaatiniq tuniniaasimaneranik nalunaarutiginninneq ...-p peqqinnissaqarfimmi nakorsaatitortillugu katsorsarneqarneranut sunniuteqarsimava?
4. ...-p nakorsaatiniq tuniniaasimaneranik nalunaarutiginninneq peqqinnissaqarfiup ...-mik kiffartuussineranut sunniuteqarsimava (assersuutigalugu nakorsaatiniq napparsimmavimmi iisisaqqusinikkut imaluunniit nakorsaatit tunniunneqartut ikilisinneqarnerisigut)?
5. ...-p nakorsaatiniq tuniniaasimaneranik nalunaarutiginninneq peqqinnissaqarfiup erseqqinnerusumik misissuiffigisimavaa?
6. ... nakorsaatiniq nakorsamit tunniunneqartunik tuniniaasimasoq peqqinnissaqarfiup tunngaviutissimavaa?
7. ...-p nakorsaatiniq tuniniaasimaneranik nalunaarutiginninneq peqqinnissaqarfiup suliamik suliarinninnerani ilaatinneqarsimappat pisortaqarfik qinnuigaara ... nalunaarutiginninneq pillugu suliami illua'tungiusutut isumaanik tusarniaavigineqarsimanersoq nassuiaqaqqullugu."

Misissuineru ukiup nalunaarusiuunneqartup naanerani suli naammassinngilara.

#### 4-9 Ilaqutariinnermut Pisortaqarfiup kommuninik nakkutilliinera (J.nr. 11.73.18.30/105-06)

Saaffiginnissutit ataasiakkaat kiisalu kommunimut tikeraarnermut atatilugu sulianik misissuineq tunngavigalugit malugaara angerlarsimaffiup avataanut inissiinerni iliuusissanut pilersarusiortoqartarnissaanik meeqqanik inuusuttunillu ikiorsiisarneq pillugu Inatsisartut peqqussutaanni piusasaqataasoq eqqortinneqartuaannartanngitsoq.

Aammattaq tusagassiutitigut eqqaaneqarpoq kommunit angerlarsimaffiup avataanut inissiinernik Naalakkersuisunut nalunaarutiginnittussaa-titaanertik eqqortitarunangikkaat.

Taamaattumik Ilaqutariinnermut Pisortaqarfik allakkatigut 13. december 2006-imeersutigut nalunaarfigaara pisortaqarfiup meeqqanik inuusuttunillu ikiorsiisarneq pillugu Inatsisartut peqqussutaanni malittarisassanik kommunit aqutsinerannik nakkutilliinera nammineerluni misissuiffiginninnermik aallartitsiviginiarlugu aalajangertunga, pingaartumik iliuusissanut pilersarusiat suliarineqartarneri angerlarsimaffiullu avataanut inissiinernik nalunaarutiginnittarnerit eqqarsaatigalugit.

Misissuina ukiup nalunaarusiuunneqartup naanerani suli naammassin-gilara.

Kommuninut tikeraarnerit ingerlanneqarsimasut kingornatigut suli-  
makku pilersippakka:

4-3 *Sulianik isumaginninnermut tunngasunik misissuineq (J.nr. 11.73.88.-  
71/045-06)*

Sulianik isumaginninnermut tunngasunik K Kommunimi misissuininnut  
atatillugu ataatsimut oqaaseqaatinik imaattunik allakkani 26. maj 2006-  
imeersuni saqqummiussivunga:

"Malugaara kommunimi suli isumaginninnermut tunngasut qulequtakkaartunut  
agguataagaasut.

Taamaalillunga suli suliassa qarfinnit ukunaneersut tigoorarpakka: Suli pisor-  
tanit ikiorsiissutinut tunngasut, suli meeqqanut inuusuttunullu tunngasut aamma  
suli soraarnerussutisianiut tunngasut.

Kommunimi isumanginninnermik ingerlatsiviup pisortaata tikeraarni oqaati-  
gaa ingerlatsivimmi sulisut taarseraattuarsimasut, suliassa qarfiullu piffissat ilaanni  
sumiginnarneqartarsimane tamatuma nassatarisimagaa, isumaginninnermilli  
ingerlatsiviup pisortaata suliassa qarfiusut ataasiakkaat massakut misissulersimagai  
sulianillu torersaalersimalluni.

Paasissutissiissutigineqartut tusaatissat tiguakka, tamatumunngalu peqatigitil-  
lugu oqaatigalugu uanga paasinninnera unaasoq pingaartumik suli pisortanit ikior-  
siissutinut tunngasut sukumiisumik misissorneqarnissaat pisariaqartinneqartoq.

Tamatuma saniatigut malugaara suliani soraarnerussutisianiut tunngasuni ataasi-  
akkaani inummut tapinik qinnuteqaatit kommunip itigartittarsimagai, qinnuteqarnis-  
samut piffissaliussap kommunimit aalajangersarneqarsimasup qaangerneqarsima-  
nera innersuussutigalugu, piffissaliussarlu taanna kommunip missingersuutini  
inummut tapinut atugassatut immikkoortissimasaasa atorneqartarnerannut attuu-  
massuteqartoq.

Tamanna pillugu oqaatigaara pisortanit pensionisiat pillugit Inatsisartut peqqus-  
sutaanni nr. 9-mi, 15. april 2003-meersumi § 14, imm. 1-ikkut aalajangersarneqartoq  
inummut tapit ataasiakkaat pisariaqartitsinerannik nalileereernikkut tunniunneqar-  
tassasut. Tassa imaappoq kommunip inummut tapinik aqutsinermini missingersuuti-  
nik isiginninniarnera inatsisinik unioqquitsinerusooq, qinnuteqarnissamullu piffissa-  
liussat, qaangerneqarneri imminni inummut tapinik itigartitaanernik kinguneqartut,  
kommunip aalajangersarsinnaanngikkai.

Kommuni qinnuigaara ajornartorsiut taanna pillugu oqaaseqaatini uannut nalu-  
naarutigeqqullugit.

Tamatuma saniatigut suli misissorneqartut ilarpaaluini matumunnga assersuu-  
tissaqarpoq, tassalu kommunip naammagittaalliornissamut periarfissanik innuttaas-  
sunut ilitsersuigaangami oqaatigisarsimagaa aalajangiineq pineqartoq kommunal-  
bestyrelsimut naammagittaalliutigineqarsinnaasoq.

Isumaginnittoqarfiup aqunneqarnera aqqissuussaanagerlu pillugit Inatsisartut  
peqqussutaanni nr. 11-mi, 12. november 2001-imeersumi § 8-kkut aalajangersarne-  
qarpoq naammagittaalliut Isumaginninnermi Naammagittaalliuteqartarfimmu  
tunniunneqassasoq.

Taamaattumik inassuteqaatigaara kommunip siunissami naammagittaalliornissamut ilitsersuisarnini tassunga naapertuuttunngortissagaa.

Suliani ataasiakkaani - pingaartumik suliani kommunip soraarnerussutisiaqartunut inummut tapinik akuersissuteqarfigisaani - aamma maluginiarpara kommunip aalajangiinerit Isumaginninnermi Naammagittaalliuteqartarfimmuut naammagittaalliornissamut periarfissaqarneranik ilitsersuummik ilaqartinneq ajorai.

Tamanna pillugu oqaatigaara suliassat suliarineqartarnerat pillugu inatsimmi § 25-kkut aalajangersarneqarmat innuttaasoq tamakkiisumik akuersaarneqanngippat aalajangiineq naammagittaalliornissamut periarfissaq pillugu ilitsersuummik kommunip ilaqartittassagaa.

Suliani isumaginninnermi tunniunneqartartut assigiissaartunik tunngaveqartunik tunniussiviusuni innuttaasup akuersaarneqarnera taassallugu pissutissaqanngilaq, innuttaasup pineqartup aningaasat taamatorpiaq amerlassuseqartut qinnutigisimanngippagit. Ilitsersuisussaataaernerimi innuttaasup pineqartup qinnutigineqartunik pinsinnaatitaanerani kommunip naliliinera apeqqutaanngilaq."

Kommunip e-mailikkut nassiussakkut 7. november 2006-imeersukkut nalunaarfigaanga kommunip 15. december 2006 nallertinnagu akissuteqarsinnaanissani neriuutigigaa.

Kommunip akissutaanik ukiup nalunaarusiuunneqartup naanerani sulii tigusaqanngilanga.

#### 4-4 Sulianik sulisunut tunngasunik misissuineq (J.nr. 11.73.88.72/046-06)

Sulianik sulisunut tunngasunik K Kommunimi misissuininnut atatillugu ataatsimut oqaaseqaatinik imaattunik allakkani 26. maj 2006-imeersuni saqqummiussivunga:

"Sulianik misissugassanik tigooraaninni akissarsialeriffimmi sulisut oqaatigaat suliani sulisunut ullut 14-ikkaarlugit akissarsisartunut tunngasuni tamani atorfinitsitsinerimi allakkianik peqartanngitsoq.

Tamanna pillugu oqaatigaara sulisut ullut 14-ikkaarlugit akissarsisartut inatsisituq innarlitsaalineqarnissaat eqqarsaatigalugu taakku atorfinitsinneqarneranni allakkiortoqartarnissaa uppernarsaasiisoqartarnissaaluunniit kissaatiginartuusoq, taamaallilluni piffissaq sulisut atorfinitsinneqarfiat, sulisut isumaqatigiissut suna malillugu atorfinitsinneqarsimanerat, nalunaaquttap akunneri sulisut ataasiakkaat suliffigisasfaat il.il. pillugit nalornineq pinaveersaartinneqarsinnaaqullugu.

Kommuni qinnuigaara tamanna pillugu oqaaseqaatiminik saqqummiusseqqullugu."

Kommunip allakkani 14. juni 2006-imeersuni imatut akivaanga:

"Atorfinitsitsinerit atorfinitsitsinermilu allakkat suliarineqarnerisa ingerlaavartuusimannginnerat K Kommunip matumuuna uppernarsassavaa.

Tamanna aaqqinniarlugu atorfinitsitsinerimi periaatsit tamarmik ullut 14-ikkaarlugit qaammammullu akissarsiaqartunik atorfinitsitsinerimi malittarisassanut atuuttunut naapertuuttunngortinneqarnissaat K Kommunip isumaginiarpaa. Tamanna ullut 14-ikkaarlugit akissarsisartut eqqarsaatigalugit siusinnerusukkut atorfinitsitsineri ajoraluartumik malitseqartitsigivineqartarsimanngilaq.

Qaammatikkaartumik akissarsisartut eqqarsaatigalugu qaammatikkaartumik akissarsisartunik atorfinitsitsinermut atatillugu atorfitsitsinerni allakkat ullormi atorfinitsitsiviusumi suliarineqartarnissaat K Kommunip aamma isumaginiarpaa, tassa atorfinitsitsisoqarnissaanik aningaasaqarnermut ataatsimiititaliap kommunalbestyrelsilu aalajangiineranni akuersissuteqarnerannilu.” (Atorfeqarfimmi nutsigaavoq)

Kommuni allakkatigut 27. juli 2006-imeersutigut nalunaarfigaara akisut tusaatissatut tigugiga.

4-5 Sulianik akiliisitsiniarnermut tunngasunik misissuineq (J.nr. 11.73.88.-73/047-06)

K Kommunimi sulianik akiliisitsiniarnermut tunngasunik 17. aamma 18. maj 2006-imi misissuina ataatsimut oqaaseqaatinik saqqummiussinissanik pissutissaqalersitsinngilaq.

4-6 Kommunimut tikeraarnek (J.nr. 11.73.88.71/053-06, 11.73.88.72/054-06 aamma 11.73.88.73/055-06)

Kommunimut tikeraarninnut atatillugu suliat tigulaariffigalugit sulianik misissugassanik arlalinnik tigusivunga.

Suliat taakku imatut qulequtserlugit agguataarpakka:

1. Sulianik isumaginninnermut tunngasunik misissuineq (J.nr. 11.73.88.-71/053-06)
2. Sulianik sulisunut tunngasunik misissuineq (J.nr. 11.73.88.72/054-06)
3. Sulianik akiliisitsiniarnermut tunngasunik misissuineq (J.nr. 11.73.88.-73/055-06)

Suliat arlaannaalluunniit ukiup nalunaarusiuunneqartup naanerani inaarlugu suliarineqarsimannngilaq.

4-7 Kommunimut tikeraarnek (J.nr. 11.73.88.71/069-06, 11.73.88.72/070-06 aamma 11.73.88.73/071-06)

Kommunimut tikeraarninnut atatillugu suliat tigulaariffigalugit sulianik misissugassanik arlalinnik tigusivunga.

Suliat taakku imatut qulequtserlugit agguataarpakka:

1. Sulianik isumaginninnermut tunngasunik misissuineq (J.nr. 11.73.88.-71/069-06)
2. Sulianik sulisunut tunngasunik misissuineq (J.nr. 11.73.88.72/070-06)
3. Sulianik akiliisitsiniarnermut tunngasunik misissuineq (J.nr. 11.73.88.-73/071-06)

Suliat arlaannaalluunniit ukiup nalunaarusiuunneqartup naanerani inaar-  
lugu suliarineqarsimangilaq.

## 5. Suliat nalinginnaasumik soqutiginaatillit, inatsiseqartit-siffiusunut agguataakkat

### 11.01-11-09 Namminersornerullutik Oqartussat

#### 09. Allat, pisortanit ikiorsiissutit

##### 1. **Piffissaq Isumaginninnermi Naammagittaalliuuteqartarfiup suliamik suliarinninnerminut atugaa pillugu naammagittaalliut**

*A Ombudsmandimut saaffiginnippoq piffissaq Isumaginninnermi Naammagittaalliuuteqartarfiup naammagittaalliummik suliarinninnerminut manna tikillugu atugaa naammagittaalliuutiginiarlugu.*

*Ombudsmandi isumaqarpoq piffissaq Isumaginninnermi Naammagittaalliuuteqartarfiup suliamik suliarinninnerminut atugaa isorisariaqartorujussuusoq, oqaatigalugulu suliap suliarineqarnerata sivitsuloorunneqarnera tamatumunngalu pissutaasoq Naammagittaalliuuteqartarfiup A-mut ilisimatitsissutigisimasariaqaraluaraa.*

*Aammattaaq K Kommunip Isumaginninnermi Naammagittaalliuuteqartarfiup aalajangiinera unioqutillugu A-mit pisassarisat Naammagittaalliuuteqartarfiup pisassarisatut isiginngisaanik akiliisitsiniaannarneranik paasisutissiisummut Isumaginninnermi Naammagittaalliuuteqartarfiup qisuariarsimannginnera Ombudsmandip isornartorsiorpaa. (J.nr. 11.05.09.03/057-04)*

K Kommuni 26. november 2002-mi aalajangiivoq A Danmarkimut angalanermut pisortanit ikiorsiissutinik ikiorserneqassasoq, ikiorsiissutit utertillugit akilerneqarnissaat piumasaqaatigalugu.

Aalajangiinerup tassunga tunngasortaa A-p Isumaginninnermi Naammagittaalliuuteqartarfimmut naammagittaalliuutigaa.

A-p allakkatigut saaffiginnissutaa 24. juni 2004-mi tiguara, A-llu piffissaq Isumaginninnermi Naammagittaalliuuteqartarfiup suliamik suliarinninnerminut atugaa naammagittaalliuutiginiarpaa.

Isumaginninnermi Naammagittaalliuuteqartarfik 30. september 2004-mi qinnuigaara naammagittaalliut pillugu oqaaseqaateqaqqullugu. Isumaginninnermi Naammagittaalliuuteqartarfik tamatumunnga atatillugu qinnuigaara suliami iliuuserineqarsimasut ulluisa allattorsimaffiat nassuteqqullugu, naammagittaalliorup suliami iliuuserineqarsimasut pillugit qanoq annertutigisumik ilisimatinneqartarsimanera ilanngullugu nalunaarlugu.

Isumaginninnermi Naammagittaalliuuteqartarfik uannut 5. oktober 2004-mi imatut allappoq:

"Isumaginninnermi Naammagittaalliuteqartarfik suliaq pillugu 16. april 2004-mi aalajangiivoq. Aalajangiinerup assilinera ilanngullugu nassiunneqarput. Imaassinnaavoq aalajangiineq A-p tigusimangikkaa, aalajangiinerli taanna Naammagittaalliuteqartarfiup allakkerisarfikkoortumik utertutut (tamannami najugaqarfik pisutsilluunniit allat allannorsimatillugit nalinginnaasumik pisarmat) tigusimangi-laa.

Naammagittaalliuteqartarfiup aalajangiineri ataatsimiinnerup kingornatigut sa-paatit akunnerisa 1-3-t qaangiunneranni nalinginnaasumik nassiunneqartarput, tas-sami aalajangiinerit atsiorneqannginnerini siulittaasumit misissorneqartussaam-mata, kiisalu nutserneqarneri il.il. utaqqineqartarlutik, kisianni piffissaq sivisuneru-soq ingerlasinnaasarpoq. Taamaattumik imaassinnaavoq aalajangiineq nassiunne-qartoq aamma A-p Ombudsmandimut allagai imminnut paarlassimasut.

Suliamit erserpoq A kommunip pisassarisaanik naafferartumik suli akilersuisoq, naak kommuni 2004-mi martsimi aalajangiigaluartoq pisassarisat akilerneqarnissaat piumasaqaataajunnaartoq, naallu Naammagittaalliuteqartarfik allatut aalajangiisi-magaluartoq, taannalu kommunimut nalunaarutigineqarsimagaluartoq. A aalajangi-i-nerup imarisaanik aamma nalornisoorsimasorinarpoq. Aalajangiinerup nassuiarne-qarnissaa kissaatiguniuk A Naammagittaalliuteqartarfimmu saaffigininnissam-inut tikilluaqquneqarpoq." (Atorfeqarfimmi nutsigaavoq)

Isumaginninnermi Naammagittaalliuteqartarfiup aalajangiineranit makku erserput:

"Aappavit napparsimaneranut atatillugu Danmarkimut angalanermut pisortanit ikiorsiissutigineqarsimasut utertillugit akileqquneqarnissaanik K Kommunip aala-jangiinera 26. november 2002-meersoq pillugu naammagittaalliutit Isumaginnin-nermut Naammagittaalliuteqartarfiup 16. april 2004-mi suliaraa, imatullu

#### AALAJANGIILLUNI

Kommunip aalajangiinera pisortanit ikiorsiissutit pillugit Inatsisartut peqqussu-taanni nr. 10-mi, 1. november 1982-imeersumi, kingusinnerusukkut allannguuteqar-tinneqartarsimasumi § 10, imm. 1, nr. 4 tunngavigalugu atorunnaarsinneqarpoq. Aa-lajangersagaq qulaani taaneqartoq imaattunik oqaasertaqarpoq:

"§ 10. Aammattaq isumaginninnermut ataatsimiititaq ikiorsiissutaasimasunik utertitsinissamik aalajangiisinnaavoq:

- 1) ...
- 2) ...
- 3) ...

4) Ikiorserneqarnissamik qinnuteqarnerup nalaani paasinarsereersimappat inuup pineqartup ikiorsiissutit piffissap sivikitsup ingerlanerani utertissinnaalissagai."

Naammagittaalliuteqartarfik isumaqarpoq billet-imut ikiorserneqarnissannik aa-lajangiinerup nalaani pissutsinik ikiorsiissutigineqartut 29.335 kr.-t missarluinnaasa piffissap sivikitsup ingerlanerani utertillugit akiliisinnaasimaninnik takussutaasin-naasunik peqanngitsoq.

Naammagittaalliuteqartarfik aammattaq isumaqarpoq ikiorsiissutit akiliisin-naassuseqarneq naapertorlugu akileqqunissaannut kommuni pisinnaatitaasimangit-soq. Naammagittaalliuteqartarfik isumaqarpoq pisortanit ikiorsiissutit pillugit Inat-sisartut peqqussutaanni nr. 10-mi, 1. november 1982-imeersumi kingusinnerusukkut

allannguuteqartinneqarsimasumi § 10, imm. 1, nr. 4 tunngavigalugu utertitassanngortillugit ikiorsiineq taamaallaat pisinnaasoq ikiorsiissutisisoq piffissap sivikitsup ingerlanerani utertitsilluni akiliisinnaappat, tassalu Naammagittaalliuuteqartarfiup naliliinera malillugu sivisunerpaamik qaammatit pingasut qaangiunneranni.

Taamaattumik aningaasat akileqquneqartut kommunimut akilissanngilatit." Atorfeqarfimmi nutsigaavoq)

Allakkakka 29. september 2004-meersut eqqarsaatigalugit Isumaginninnermi Naammagittaalliuuteqartarfik akissuteqaqqullugu 5. januar 2005-imi nukingisaarpara. Isumaginninnermi Naammagittaalliuuteqartarfimmut tamatumunnga peqatigitillugu imatut allappunga:

"Isumaginninnermi Naammagittaalliuuteqartarfiup allagai 8. oktober 2004-mi tiuakka, taakkunanngalu erserpoq Naammagittaalliuuteqartarfik suliami 16. april 2004-mi aalajangiisimasoq.

Naammagittaalliuuteqartarfimmut allakkani 29. november 2004-meersuni qinnutigaara suliami iliuuseqarnerit ullulersorneqarnerisa allattorsimaffiat nassiuteqqullugu.

Suliami iliuuserineqartut ullulersorneqarnerisa allattorsimaffiat qulaani taaneqartoq sulii tiguunnginnakku suliaq eqqaasitsissutigaa.

Malugaara Isumaginninnermi Naammagittaalliuuteqartarfiup allakkani 8. oktober 2004-meersuni oqaatigigaa suliamit ersertoq A kommunip pisassarisaanik kommunimut naafferartumik sulii akilersuisoq, naak Naammagittaalliuuteqartarfik aalajangeereeraluartoq.

Taanna pillugu oqaatigaara Naammagittaalliuuteqartarfiup aalajangiinera malineqanngippat tamanna Isumaginninnermi Naammagittaalliuuteqartarfiup nakkutiliinnermi oqartussaasumut, suliami matumani Ilaqutariinnermut Pisortaqarfimmut, nalunaarutigisariaqaraa."

Allakkakka 29. september 2004-meersut akeqqullugit Isumaginninnermi Naammagittaalliuuteqartarfik 24. februar 2005-imi nukingisaarpara. Isumaginninnermi Naammagittaalliuuteqartarfimmut tamatumunnga peqatigitillugu imatut allappunga:

"Aammattaaq Isumaginninnermi Naammagittaalliuuteqartarfik qinnuigaara Naammagittaalliuuteqartarfiup aalajangiinera K Kommunip malissimagunangikkaa Naammagittaalliuuteqartarfiup paasigamiuk qanoq iliuuseqarsimanini nalunaarutigeqqullugu."

Allakkakka 29. september 2004-meersut aamma 24. februar 2005-meersut akeqqullugit Isumaginninnermi Naammagittaalliuuteqartarfik 6. april 2005-imi nukingisaqqippara.

Isumaginninnermi Naammagittaalliuuteqartarfiup allagai 11. april 2005-imi ullulersoneqarsimasut 6. juni 2005-imi tiuakka. Allakkanit makku erserput:



"Isumaginninnermi Naammagittaalliuuteqartarfiup Ombudsmandip allagaqaatai tigusimalerpai, ataani pineqartup A-p Naammagittaalliuuteqartarfimmik naammagittaalliuuteqarnerata sumut killinneranut tunngasut.

Isumaginninnermi Naammagittaalliuuteqartarfiup aprilip 16-ini 2004 suliassaq aalajangiiffigaa. Imaalluarsinnaavoq A-p aalajangiineq tigusimangikkaa, kisianni Naammagittaalliuuteqartarfiup aalajangiineq allakkerisarfikkut utertinneqarsimanera tigusimangilaa, naak nalinginnaasumik taama pisoqartaraluartoq najugarisaaq qi-massimagaanni allamilluunniit pisoqarsimappat.

Naammagittaalliuuteqartarfiup aalajangereri nalinginnaasumik sap.ak. 1-3 ataatsimiinnerup kingorna nassiunneqartaraluarput, siulersuisup aalajangererit atsiortinnagit misissortarmagit, nutserneqarneri utaqeqqaarneqartarmata il.il., piffis-sarli sivilunerusinnaasarpooq. Imaariataarsinnaavorli aalajangerneq A-llu Ombudsmandimut allagai imminnut paarlassimasut.

Suliassami erserpoq A kommunip piumasagaataanut suli akilersuisooq, naak kommunip marts 2004-mi piumasagaatertik tunuartikkaluaraat, naallu Naammagittaalliuuteqartarfiup aalajangerera pisimagaluaq kommunimullu nalunaarutigineqarsimalluni. A-p aalajangererup imarisaa aammattaaq nalorninartoqartinnuatsiarpaq. A Naammagittaallioartarfimmut saaffiginninnissaminut tikilluaqqusaavoq, aalajangererup nassuiarnissaa kissaatigiguniuk.

Ajornarsimavoq suliassap toqqorsivimmi nassaarinissaa, taamattumik suliassaq pissusiatut suliareqqinniarsarisimavarput qarasaasiamut ikkussorneqarsimasut allaqqinnerisigut allakkallu nuutinnerisigut; Naammagittaallioartarfiup ajuusaarutigaa suliassaq pissusiviatut tamakkivillugu suliareqqinniarnera ajornavissimammat.

Suliassap allagaatai suliareqqitat ilanngunneqarput."

Nukingisaarutiga 6. april 2005-imeersoq akeqqullugu Isumaginninnermi Naammagittaalliuuteqartarfik 14. juni 2005-imi nukingisaarpara. Isumaginninnermi Naammagittaalliuuteqartarfimmut tamatumunnga peqatigitillugu imatut allappunga:

"Inatsisartut Ombudsmandiat pillugu Inatsisartut inatsisaanni § 7, imm. 1 Isumaginninnermi Naammagittaalliuuteqartarfimmut malugeqquara, tassanngami ersermat oqartussaasut ”pissusaapput Ombudsmandi paasisutissanik nalunaarfigissallugu aammalu uppernarsaatissanik allattaavinnillu atorfini naapertorlugu piumasari-saanik saqqummiussiffigissallugu”.

Qinnutigisakka Isumaginninnermi Naammagittaalliuuteqartarfiup akinngiinnar-pagit sulinera Isumaginninnermi Naammagittaalliuuteqartarfik eqqarsaatigalugu ingerlassinnaanngilara, tamannalu Isumaginninnermi Naammagittaalliuuteqartarfiup tungaanit allaffisornikkut aqutsinnermi annertuumik sumiginnaanerusaaq, Inatsisartunut nalunaarutigissallugu pisussaaffigisassara.

Taamaattumik malugeqquara Isumaginninnermi Naammagittaalliuuteqartarfik akissuteqanngippat Isumaginninnermi Naammagittaalliuuteqartarfik eqqarsaatigalugu suliannik ingerlatsisinnaannginnera Inatsisartunut Naalackersuisunullu nalunaarutigissallugu isumaliutersuutiginiariga, takuuk Inatsisartut Ombudsmandiat pillugu Inatsisartut inatsisaanni § 10, imm. 1.

Taamaattumik suliap suliarneqarnerata sapinngisamik annertunerpaamik nukigiuunneqarnissaa qinnutigaaara.

Malugeqquara Naammagittaalliuuteqartarfimmit 1. april 2005-imi allakkanik tigu-saqarama, tamatumani Naammagittaalliuuteqartarfiup suliata Naammagittaalliuuteqartarfimmi ingerlasut killiffii nalunaarutigai. Naammagittaalliuuteqartarfiup allak-

kamini qinnutigisakka akissuteqarfiginngilai, A-lluunniit naammagittaalliuutaa eqqaasimanagu.

Naammagittaalliuuteqartarfiup allagai 11. april 2005-imi ullulernerqarsimasut 6. juni 2005-imi tiguakka. Allakkat taakku Naammagittaalliuuteqartarfiup allagai 6. oktober 2004-mi tigusakka annertuutigut assigaa. Taamaattorli imaattoq ilanngunernerqarsimavoq:

”Ajornarsimavoq suliassap toqqorsivimmi nassaarinissaa, taamaattumik suliassaq pissusiatut suliareqqinniarsarisimavarput qarasaasiamut ikkussorneqarsimasut allaqqinnerisigut allakkallu nuutinnerisigut; Naammagittaallioortarfiup ajuusaarutigaa suliassaq pissusiviatut tamakkivillugu suliareqqinniarnera ajornavissimammat. Suliassap allagaatai suliareqqitat ilanngunneqarput.”

Tamanna imatut paasivara suliame iliuuserineqartut pillugit allattuiffik Isumaginninnermi Naammagittaalliuuteqartarfiup sularisinnaasimannikkkaa, taamatuttaarlu suliame iliuuserineqartut naammagittaalliuuteqartumut qanoq annertutigisumik ilisimatitsissutigineqartarsimanerat Naammagittaalliuuteqartarfiup nassuiarsinnaannikkkaa.

Taamaattumik Naammagittaalliuuteqartarfik nassuiaateqarnissamut taarsiullugu qinnuigaara suliame iliuuserineqartut naammagittaalliuuteqartunut ilisimatitsissutigineqartarnerat nalinginnaasumik ileqqunersoq nalunaarutigeqqullugu.

Aammattaq oqaatigaara Naammagittaalliuuteqartarfiup aalajangiinera K Kommunip malissimagunannikkkaa Naammagittaalliuuteqartarfiup paasigamiuk Isumaginninnermi Naammagittaalliuuteqartarfiup qanoq iliuuseqarsimaneranik nassuiaaqqusinera Naammagittaalliuuteqartarfiup suli akisimannikkkaa.

Taamaattumik Naammagittaalliuuteqartarfik qinnuigeqqippara qinnutigisakka akeqqullugit. Malugeqqullugu oqaatigeqqippara qinnutigisakka Isumaginninnermi Naammagittaalliuuteqartarfiup akinngiinnarpagit tamanna Naammagittaalliuuteqartarfiup tungaanit aqutsinikkut sumiginnaanertut annertuutut isiginiariga, Inatsisartunut nalunaarutigissallugu pisussaaffigisassara, aamma tak. allakkanni 6. april 2005-imeersuni oqaatigineqartut.

Taamaattumik Naammagittaalliuuteqartarfik qinnuigaara suliap sularineqarnera sapinngisamik annertunerpaamik nukingiuteqqullugu.

Naammagittaalliuuteqartoq allakkat ukua assilinerannik nassinneqarnermigut qulaani taaneqartut pillugit ilisimatinneqarpoq.”

Isumaginninnermi Naammagittaalliuuteqartarfiup akissutaanik tigusaqarsimanniginnera Inatsisartut Inatsisit Atortinneqarnerannut Ataatsimiititaliaannut aamma Kalaallit Nunaanni Naalakkersuisunut 27. juli 2005-imi nalunaarutigaa. Tamatumunnga peqatigitillugu nalunaarutigaa suliassaq Inatsisartut uannut suliareqqusaat sularisinnaannikkiga.

Isumaginninnermi Naammagittaalliuuteqartarfiup allagai 8. august 2005-imi tiguakka. Allakkanit taakkunanga makku erseput:

”Isumaginninnermi Naammagittaalliuuteqartarfiup Ombudsmandip allagai 14. juni 2005-imeersut tiguai, taakkunani suliassami sullissinerni ingerlanneqartuni maalaaruteqartarfiup suleriaasia pillugu ilisimatitsissutit piumaneqarlutik.

Aammattaq naammagittaalliuuteqartarfik qinnuigineqarpoq nassuiaaqullugu suliassami qulaani taaneqartumi kommunip pineqartoq naammagittaalliuuteqartarfiup aalajangiinernik maleruaasimanniginnersoq.

Naammagittaalliuutit ilisimatitsissutigineqartarnerannut atatillugu Isumaginninnermi Naammagittaalliuuteqartarfiup suleriaasia eqqarsaatigalugu oqaatigineqarsinnaavoq naammagittaalliuuteqartarfiup naammagittaalliummik tigusaqaraangami uppersaaitit allakkat nassiuttarmagit, taamatullu naammagittaalliuuteqartoq ilisimatinneqartarluni, paasissutissat allat oqartussaaffeqarfimmi naammagittaalliuuteqarfiusumi pissarsiarineqarsinnaasut. Tamatuma kingornatigut oqartussaaffeqarfiup naammagittaalliorfigineqartup nukingisaarneqarnissaa pisariaqartinneqarpat naammagittaalliortoq tamatuminna ilisimatinneqartarluni.

Kommunip naammagittaalliuuteqartarfiup aalajangiineranik amigartumik naammassinninnera eqqarsaatigalugu naammagittaalliuuteqartarfik pineqaatissiinissaminut periarfissaqanngilaq taamaattumillu qanorluunniit iliorluni kommuni aalajangiinermik maleruaanissaanut pinngitsaalisinnaanagu.

Aammattaq naammagittaalliuuteqartarfimmi sulisussat killeqarput, taamaattumillu naammagittaalliuuteqartarfup naammagittaalliuutinik suliassat tulleriiarlugit suliarisariaqarlugit, oqartussaasut naammagittaalliuutigineqartup aalajangiinernik maleruaanerata malittarineqarnissaanngarnit pingaarnerutillugu."

Isumaginninnermi Naammagittaalliuuteqartarfimmut tamatuma kingornatigut 6. september 2005-imi imatut allappunga:

"Isumaginninnermi Naammagittaalliuuteqartarfiup allagai 5. august 2005-imeersut tiguakka.

Isumaginninnermi Naammagittaalliuuteqartarfik ilaatigut imatut allappoq:

"Naammagittaalliuuteqartarfiup aalajangiineranik kommunit pitsanngorsaasannginnerannut tunngatillugu, Naammagittaalliuuteqartarfik pineqaatissiinissaminut periarfissaqanngilaq taamaattumillu qanorluunniit iliorluni kommunit aalajangiinermik pinngitsaaliilluni malitsiniaasinnaani.

Aammattaq Naammagittaalliuuteqartarfimmi sulisussaarneq killeqarpoq, taamaattumillu oqartussaasoq naammagittaalliuutigineqartoq aalajangiinernik malinnersoq pillugu tamatuma malitseqartinnissaanut sanilliullugu Naammagittaalliuuteqartarfiup naammagittaalliuutit suliarineqarnissaat salliutittarpa."

Tamanna pillugu oqaatigaara Naammagittaalliuuteqartarfiup naammagittaalliuuteqartarfittut oqartussaasut inissisimanerata kingunerisaanik Naammagittaalliuuteqartarfiup paasippagu Naammagittaalliuuteqartarfiup aalajangiineri kommunit malinneqanngitsut, Naammagittaalliuuteqartarfik iliuseqartariaqarpoq tassunga ilanngullugu kommunit attaveqarluni suliarlu kommunit nakkutilliisuinut tamanna pisariaqassappat saqqummiullugu.

Aammattaq pisut naapertorlugit ilitsersuisussaatitaanerup nalinginnaasup kingunerisaanik Naammagittaalliuuteqartarfiup aalajangiinerata malitsinniarneqarnissaa-  
nut innuttaasoq qanoq periarfissaqarneris pillugu innuttaasoq ilitsersorneqartariaqarpoq.

Isumaginninnermi Naammagittaalliuuteqartarfik qinnuigaara qulaani pineqartut Naammagittaalliuuteqartarfiup iliuseqarnissaa-  
nut pissutissaqartitsilernersut ilisimatitsissutigeqqullugu."

Isumaginninnermi Naammagittaalliuuteqartarfik uannut 17. oktober 2005-imi imatut allappoq:

"Inatsisartut Ombudsmandiata suliaq qulaani pineqartoq pillugu allagai Isumaginninnermi Naammagittaalliuuteqartarfiup 7. september 2005-imi tiguai.

Kommunik Naammagittaalliuuteqartarfiup aalajangiinerinik malinninngitsutut Naammagittaalliuuteqartarfiup siunissami qanoq suliarinnittarnissaanik ilisimatineqarnissani Inatsisartut Ombudsmandiata allakkani qinnutigaa.

Naammagittaalliuuteqartarfiup Inatsisartut Ombudsmandiat allakkatigut 5. august 2005-imeersutigut siusinnerusukkut ilisimatissimavaa Naammagittaalliuuteqartarfik pineqaatissiissuteqarnissaminut periarfissaqanngitsoq, taamaattumillu kommunip aalajangiinermik malinninnissaa sukkulluunniit pinngitsaaliissutigisinnanagu.

Aammattaq Naammagittaalliuuteqartarfirmut atugassiissutaasut killeqarput, taamaattumillu naammagittaalliuutit pillugit suliat suliarineqarnerat Naammagittaalliuuteqartarfiup salliuippaa, oqartussaasup naammagittaalliuutigineqartup aalajangiinernik malinninneranut malitseqartitsiviginninneq salliuinnagu.

Inatsisartut Ombudsmandiata tamanna pillugu oqaatigaa Naammagittaalliuuteqartarfik oqartussat qulliunerusutut naammagittaalliorfissaasooq, taamaattumillu Naammagittaalliuuteqartarfiup aalajangiinerinik kommunip malinninnginnera paasiguniuk iliuuserisassat pisariaqartut iliuuserinissaannut pisussaaffeqartoq.

Taamatut ilisimasaqalernerq Naammagittaalliuuteqartarfiup soorunalimi isiginngitsuusaarneq ajorpaa, Naammagittaalliuuteqartarfiulli aalajangiinera kommunip malissagaa inassuteqaatigisarlugu. Taamaaliortoqassappat aalajangiinerup malinneqannginnera Naammagittaalliuuteqartarfiup ilisimasaqarfignissagaa soorunalimi piunasaqaataavoq, tassami Naammagittaalliuuteqartarfiup aalajangiineri komunit malissagaat Naammagittaalliuuteqartarfiup aallaavittut naatsorsuutigisarmagu.

Innuttaasooq aalajangiinerup malinneqannginnera malugeqquniarlugu saaffiginippat Naammagittaalliuuteqartarfiup aalajangiinerinik naammassinninniarluni periarfissat suunerat Naammagittaalliuuteqartarfiup soorunalimi ilitersuutigissavaa." (Atorfeqarfimmi nutsigaavoq)

Isumaginninnermi Naammagittaalliuuteqartarfik allakkannut 7. september 2005-imeersunut akissuteqaqqullugu 19. oktober 2005-imi nukingisaarpara. Isumaginninnermi Naammagittaalliuuteqartarfirmut tamatuma saniatigut imatut allappunga:

"Isumaginninnermi Naammagittaalliuuteqartarfiup allagai 17. oktober 2005-imeersut 18. oktober 2005-imi tiguakka. Isumaginninnermi Naammagittaalliuuteqartarfiup allakkani taakkunani makku oqaatigai:

"Inatsisartut Ombudsmandiata suliami qulaani taaneqartumi allagai Isumaginninnermi Naammagittaalliuuteqartarfiup 7. september 2005-imi tiguai.

Inatsisartut Ombudsmandiat allakkani taakkunani kommuninik Naammagittaalliuuteqartarfiup aalajangiinerinik malinninngitsutut Naammagittaalliuuteqartarfiup ilisimasaanik Naammagittaalliuuteqartarfiup siunissami suliarinnittarnissaa pillugu ilisimateqquvoq.

Naammagittaalliuuteqartarfiup Inatsisartut Ombudsmandiat allakkatigut 5. august 2005-imeersukkut siusinnerusukkut nalunaarfignissimavaa Naammagittaalliuuteqartarfik pineqaatissiinissaminut periarfissaqanngitsoq, taamaattumillu kommunip aalajangiinermik malinninnissaanik qanorluunniit iliorluni pinngitsaaliniarsinnannagu.

Aammattaq Naammagittaalliuuteqartarfirmi nukissat killeqarput, taamaattumillu naammagittaalliuutit suliat suliarineqarnissaat Naammagittaalliuuteqartar-

fiup salliutillugu, oqartussaasup naammagittaalliuutigineqartup aalajangiinermik malinninneranik nakkutilliineq salliutinnagu.

Inatsisartut Ombudsmandiata tamanna pillugu oqaatigaa Naammagittaalliuuteqartarfik oqartussatut qulliunerusutut naammagittaalliorfissaasoq, taamaattumillu pisariaqartunik iliuseqarnissaminut pisussaaffeqartoq, Naammagittaalliuuteqartarfiup aalajangiineri kommunimit malinneqanngitsut paasineqarpat.

Taamatut paasisaqarneq Naammagittaalliuuteqartarfiup soorunalimi imaalialaannaq soqutiginnngitsuusaartanngilaa, Naammagittaalliuuteqartarfiulli aalajangiinera kommunip malissagaa inassuteqaatigisarlugu. Taamaaliortoqassappat soorunalimi piumasqaataavoq aalajangiinerup malinneqannginnera Naammagittaalliuuteqartarfiup ilisimassagaa, tassami Naammagittaalliuuteqartarfiup aallaavittut naatsorsuutigisarmagu Naammagittaalliuuteqartarfiup aalajangiinera kommunip malissagaa.

Innuttaasoq aalajangiinerup kommunimit malinneqannginnera uparuarniarlugu saaffiginnippat Naammagittaalliuuteqartarfiup aalajangiinerata naammassineqarnissaa siunertaralugu periarfissat suunerat Naammagittaalliuuteqartarfiup soorunalimi ilitsersuutigissavaa." (Atorfeqarfimmi nutsigaavoq)

Isumaginninnermi Naammagittaalliuuteqartarfik uannut 11. april 2005-imi imatut allappoq:

"Suliamit erserpoq A kommunip pisassarisaanik naafferartumik sulii akilersuisoq, naak pisassarisat akilersinniarnegassanngitsut kommuni 2004-mi martsimi aalajangiisimagaluartoq, naallu Naammagittaalliuuteqartarfik kommunimut nalunaarutigineqarsimasumik aalajangiisimagaluartoq. ..." (Atorfeqarfimmi nutsigaavoq)

Tamakku tunngavigalugit Isumaginninnermi Naammagittaalliuuteqartarfik qinuigeqqippara manna nalunaarutigeqqullugu, tassalu Isumaginninnermi Naammagittaalliuuteqartarfiup aalajangiineranik K Kommunip malinnigunanniginneranut atatillugu Naammagittaalliuuteqartarfik qanoq iliuseqalersaarnersoq.

Tamatumunnga peqatigitillugu Naammagittaalliuuteqartarfimmut malugeqqullugu oqaatigaara K Kommunip aalajangiinera 26. november 2002-meersoq Naammagittaalliuuteqartarfiup aalajangiinermigut 16. april 2004-meersukkut atorunnaarsissimagaa."

Isumaginninnermi Naammagittaalliuuteqartarfik allakkannut 19. oktober 2005-imeersunut akissuteqaqqullugu 21. november 2005-imi aamma 21. december 2005-imi nukingisaarpara.

Isumaginninnermi Naammagittaalliuuteqartarfik uannut 5. januar 2006-imi imatut allappoq:

"Isumaginninnermi Naammagittaalliuuteqartarfiup suliami A-p naammagittaalliuutaanut tunngasumi Naammagittaalliuuteqartarfiup aalajangiinerata malinneqarnissaa pillugu K Kommunimut arlaleriarluni saaffiginnittareerluni K Kommunip allagai 9. december 2005-imi ullulernegarsimasut tiguai.

Allakkani oqaatigineqarpoq aalajangiinerup malinneqarnissaa K Kommunip massakuttu isumaginiaraa. K Kommunip allagaasa assilinerat ilanngullugu nassiuneqarpoq." (Atorfeqarfimmi nutsigaavoq)

K Kommuniq allagaanit 9. december 2005-imi ullulerneqarsimasunit ilanngullugit nassiunneqartunit makku erserput:

"Naammagittaalliuuteqartarfiup aalajangiinera innersuussutigalugu ajuusaarutigalugu oqaatigisariaqarpara aalajangiineq K Kommuniq manna tikillugu malissimannikkkaa.

Tamanna paatsoormik pissuteqarpoq, Naammagittaalliuuteqartarfiup aalajangiineri K Kommuniq soorunalimi tamatigut malittarmagit.

Taamaattumik 29.335,00 kr.-t A-mut....., ingerlaannaq tunniunneqarnissaat isumagissavara, aalajangiineq 16. april 2004-meersoq naapertorlugu." (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*"Aallaqqaassiullugu oqaatigaara A-p Isumaginninnermi Naammagittaalliuuteqartarfimmut ulloq suna naammagittaalliorsimanagera paasissallugu ajornarsimasoq. Suliamilli erserpoq K Kommuniq aalajangiinera 26. november 2002-meersoq A-p naammagittaalliuutigisimagera. Isumaginninnermi Naammagittaalliuuteqartarfimmut naammagittaalliorinissamut saapatit akunnerisa sisamat piffissaliunneqartarnerat isiginarlugu A Isumaginninnermi Naammagittaalliuuteqartarfimmut 2002-mi decemberip qaammataani, kingusinnerpaamik 24. december 2002-mi, naammagittaalliuuteqarsimasoq tunngaviuttippara.*

*1. Piffissaq Isumaginninnermi Naammagittaalliuuteqartarfiup suliamik suliarinninnerminut atugaa.*

*K Kommuniq aalajangiinera 26. november 2002-meersoq A-p Isumaginninnermi Naammagittaalliuuteqartarfimmut kingusinnerpaamik 2002-mi decemberimi naammagittaalliuutigisimagera. Isumaginninnermi Naammagittaalliuuteqartarfik suliami A-p naammagittaalliuutaanut tunngasumi 16. april 2004-mi aalajangiivoq. Pisortanit ikiorsiisutunik utertitassanngortillugit ikiorsiisoqarnissaanik aalajangiineq pillugu naammagittaalliuut pineqarpoq. Aningaasat 29.335,- kr.-t utertillugit akilerneqarnissaat pineqarpoq.*

*Uanga paasinninnera unaavoq suliaq immikkut ajornartorsiutissartaqanngitsoq pineqartoq. Tassani aamma ilaavoq 29.335 kr.-t, naammagittaalliorumut pineqartumut annertuutut isigineqarnissaat ilimanartut, utertillugit akilerneqarnissaanik piumasqaateqarneq pillugu naammagittaalliuut pineqarnera.*

*Suliassat suliarineqartarnerat pillugu inatsit pillugu Namminersorerullutik Oqartussat ilitsersuutaanni immikkoortumit 199-imit makku erserput:*

*"199. Suliassat tamarmik pisortat ingerlatsiviinit suliarineqartut soorunami sapinngisamik pisariitsumik, sukkasuumik aningaasartuutaavallanngitsumillu suliar-*

*neqartarnissaannik piunasaqaat pingaartumik atuuppoq suliassanut inuit ataasiakkaat imaluunniit namminersorlutik ingerlatsiveqarfuit, suliffeqarfuit, peqatigiiffiit il.il. attuumassuteqarfigisaanni.*

...”

*Suliap suliarineqarnissaata sapinngisamik aningaasartuutaavallaartus-sannngornagu piareersarneqarnissaanik piunasaqaammi kisimi pineqanngilaq suliap ataasiakkaat suliarineqarnissaanni nalilersorneqarnissaat oqartussaasup suut nammineerluni suliassanut atorsinnaanerai, kisiannili aamma pineqarpoq suliap sukkasuumik eqaatsumillu ingerlanneqarnera innuttaasumut pineqartumut aningaasatigut qanoq sunniuteqassanersoq. Suliassani suliap sukkasuumik aalajangiivigineqarnissaat innuttaasumut pineqartumut aningaasatigut annertuumik pingaaruteqartuni tamanna aamma isiginiarneqartariaqarpoq.*

*Kiisalu immikkoortumi 204-mi:*

*“Suliassat suliarineqartarnerat pillugu inatsit suliassat qanoq sivisutigisumik suliarineqartarnissaat pillugu nalinginnaasunik aalajangersagartaqanngilaq. Tamatumunnga ilaatigut tunuliaqutaavoq suliassat pisortat ingerlatsiviiniit suliarineqartartut assigiinneqeqimmata assigiinneqeqisunillu annertussuseqartarlutik, taamaattumik inatsisikkut pisortat ingerlatsiviini qanoq sivisutigisumik suliarineqartarnissaasa aalajangersimasumik maleruagassiornissaat ajornarluinnartussaalluni, tassa eqqartuussivinni ajornarpallaanngitsumik atortinniarneqarsinnaasunik.”*

*Kisiannili Folketingip Ombudsmandiata oqaaseqaatigisartagai tunngavigalugit nalinginnaasumik ingerlatsinermi ileqqut kusanartut malinniarneqarnissaanni suliassat qanoq sivisutigisumik suliarineqartarnissaat pillugu tunngavigineqarsinnaasunik suliassat suliarineqartarnissaasa aaq-qissuunneqarnissaat pillugu maleruagassaqartitsineqarpoq, matuma ataanisuli amut tunngassuteqartup suliap qanoq sivisutigisumik suliarineqas-sangatinneqarneranik ilisimatinneqartarnissaa pillugu.*

*Ombudsmandip aammattaq aalajangikkat ilaanni tikkuaavigisarsimavaa suliap siviisuumik aalajangiivigineqaratik uninngatinneqartarnissaat pinaveersaarniarlugu kiisalu puigortoorneqarlutik aalajangiivigineqanngitsoortarnissaat pinaveersaarniarlugu oqartussaasut naammattunik atorsinnaalluartunik suliap uterfigineqaqqittarnissaannut allattuiffiliortarnissaat.*

*A-p naammagittaalliuutaa Isumaginninnermi Naammagittaalliuuteqartarfiup 2002-mi decemberimi tigusimavaa. Suliami A-p naammagittaalliuutaanut tunngasumi Isumaginninnermi Naammagittaalliuuteqartarfik 16. april 2004-mi aalajangiivoq.*

*Taamaalilluni A-p naammagittaalliuutaa Isumaginninnermi Naammagittaalliuuteqartarfiup piffissamik ukioq ataaseq qaammatillu sisamat sinnerlugit siviisussuseqartumi suliarisimavaa.*



*A-p naammagitaalliuutaanik suliarinninnerup sivitsuloorunneqarneranut immikkut pissutissaqarsimanera Isumaginninnermi Naammagittaalliuuteqartarfiup erseqqinnerusumik nassuiarsimangilaa.*

*Naammagittaalliuutip suliamik suliarinninnermik immikkut ittunik iliuuseqarfigineqarnissaanik piunasaqaateqarfiunngitsup immikkullu ajornartorsiutissartaqangaanngitsup pineqarnera suliamut naammagittaalliuuteqartumut aningaasaqarnikkut annertuumik sunniuteqartussatut ilimagisariaqartumut ataneqartillugu isiginiarlugu isumaqarpunga piffissap Isumaginninnermi Naammagittaalliuuteqartarfiup suliamik suliarinninnerminut atorsimasaata sivisussusia isorisarialerujussuusoq.*

## 2. Suliami allagaatit/ullunik iliuuseqarfiusunik allattuiffik.

*Isumaginninnermi Naammagittaalliuuteqartarfik allakkanni 29. september 2004-meersuni qinnuigaara suliami iliuuserineqarsimasut ulluisa allattorsimaffiat nassiuteqqullugu, naammagittaalliortup taakku pillugit qanoq annertutigisumik ilisimatinneqartarsimanera nalunaarlugu.*

*Isumaginninnermi Naammagittaalliuuteqartarfik uannut 11. april 2005-imi imatut allappoq:*

*"Ajornarsimavoq suliassap toqqorsivimmi nassaarinissaa, taamaattumik suliasaq pissusiatut suliareqqinniarsarisimavarpur qarasaasiamut ikkussorneqarsimasut allaqqinnerisigut allakkallu nuutinnerisigut. Naammagittaalliortarfiup ajuusaarutigaa suliassaq pissusiviatut tamakkivillugu suliareqqinniarnera ajornavissimammat. Suliassap allagaatai suliareqqitat ilanngunneqarput."*

*Isumaginninnermi Naammagittaalliuuteqartarfimmu tamatuma kingornatigut 14. juni 2005-imi imatut allappunga:*

*"Tamanna imatut paasivara suliami iliuuserineqartut pillugit allattuiffik Isumaginninnermi Naammagittaalliuuteqartarfiup suliarisinnaasimangikkaa, taamatut-taarlu suliami iliuuserineqartut naammagittaalliuuteqartumut qanoq annertutigisumik ilisimatitsissutigineqartarsimanagerat Naammagittaalliuuteqartarfiup nassuiarsinnaanngikkaa.*

*Taamaattumik Naammagittaalliuuteqartarfik nassuiaateqarnissamut taarsiullugu qinnuigaara suliani iliuuserineqartut naammagittaalliuuteqartunut ilisimatitsissutigineqartarnerat nalinginnaasumik ileqqunnersoq nalunaarutigeqqullugu."*

*Isumaginninnermi Naammagittaalliuuteqartarfik 5. august 2005-imi imatut allappoq:*

*"Naammagittaalliuutit ilisimatitsissutigineqartarnerannut atatillugu Isumaginninnermi Naammagittaalliuuteqartarfiup suleriaasia eqqarsaatigalugu oqaatigineqarsinnaavoq naammagittaalliuuteqartarfiup naammagittaalliuummik tigusaqaraangami uppernarsaatitut allakkat nassiuttarmagit, taamatullu naammagittaalliuuteqartuq ilisimatinneqartarluni, paasissutissat allat oqartussaaffeqarfimmi naammagittaalliuuteqarfiusumi pissarsiarineqarsinnaasut. Tamatuma kingornatigut oqartussaaffeqarfiup naammagittaalliorfigineqartup nukingisaarneqarnissaa*



*pisariaqartinneqarpat naammagittaalliortoq tamatuminnga ilisimatinneqartarluni."*

*Tamatuma kingornatigut tunngaviutippara naammagittaalliuutit tigu-neqarnerani oqartussaasumillu naammagittaalliuutigineqartumit paasis-sutissanik pissarsiniarnermi tamatumalu kingornatigut nukingisaaruteqar-toqarsimappat ilisimatitsissummik naammagittaalliortumut nassiussisar-neq Isumaginninnermi Naammagittaalliuuteqartarfiup nalinginnaasumik ileqqorigaa.*

*Suliamili allagaatini pilersinneqaqqissimasuni Isumaginninnermi Naammagittaalliuuteqartarfimmit tigusanni Isumaginninnermi Naamma-gittaalliuuteqartarfiup A-mut allagaanik Isumaginninnermi Naammagit-taalliuuteqartarfiup tigusaqarsimaneranik uppersaataasunik peqanngilaq. Aamma allakkat Isumaginninnermi Naammagittaalliuuteqartarfiup K Kommunimut nassiussimasaasa oqaaseqaateqaqquissutaasut suliami-luunniit allagaatinik nassiusseqqusissutaasut assilinerinik peqanngilaq. Kiisalu Isumaginninnermi Naammagittaalliuuteqartarfiup A-mut ilisima-titsissutitut allagarisimasaanik peqanngilaq.*

*Taamaallilluni Isumaginninnermi Naammagittaalliuuteqartarfik suliami matumani ilisimatitsissutitut allakkanik naammagittaalliortumut nassiussaqarsimanersoq naliliiffigineqarsinnaanngilaq. Tamanna pitsaanngitsutut isigaara.*

*Aamma suliaq sivitsuloorunneqalermat naammagittaalliortoq tamatu-minnga ilisimatinneqarsimanersoq Isumaginninnermi Naammagittaalliuuteqartarfiup paasisutissiissutaani imaluunniit suliami allagaatit sinnerini takuneqarsinnaanngilaq.*

*Suliassat suliarineqartarnerat pillugu inatsit pillugu Namminersorne-rullutik Oqartussat ilitsersuusiaanni immikkoortunit 206-imit aamma 207-imit makku erseput:*

*"206. Oqartussaaffiup aammattaaq suliassamut tunngassuteqartoq ilisimatittariaqar-paa suliassaq sivikinnerusumik suliarineqartussaagaluaq immikkut pissute-qartumik pisarnermit sivisunerusumik suliarineqartariaqalerp.*

*207. Suliamut tunngassuteqartumit allakkat nukingisaarutit suliassallu suliarineqarnerani piffissamik atorneqartumik naleqqutsumik tunngavilersukkat inger-laannartumik akineqartariaqarput. Akissuteqaammi ilisimatitsissutigineqartaria-qarpoq suliassaq qanoq inissisimanersoq aammalu ajornanngippat ilisimatitsissuti-gineqarluni suliassap aalajangiivigineqarnissaa oqartussaaffiup qaqugu naatsor-suutigineraa."*

*Uanga paasinninnera unaavoq suliap pineqartumut tunngasup suliarineqarnerata sivitsuloorunneqarnera Isumaginninnermi Naammagittaalliuuteqartarfiup A-mut ilisimatitsissutigisimasariaqaraluaraa. Aammattaaq uanga paasinninnera unaavoq tamatumunnga pissutaasoq Isumagin-ninnermi Naammagittaalliuuteqartarfiup A-mut ilisimatitsissutigisimasa-riaqaraluaraa.*

*Tamatuma kingornatigut oqaatigaara mappip suliami allagaatinik Amut tunngasunik imallip Isumaginninnermi Naammagittaalliuuteqartarfiup toqqorsivianit tammarsimagunarnera pitsaannqitsorujussuartut isigigiga. Suliap tamarmiulluni ilutsini atillugu pilerseqqinneqarsinnaasimanniginneranik Isumaginninnermi Naammagittaalliuuteqartarfiup ajuusaarutiginninnera ilalersinnaavara.*

*3. Isumaginninnermi Naammagittaalliuuteqartarfiup aalajangiinernik K Kommunip malinninnginneranut Isumaginninnermi Naammagittaalliuuteqartarfiup qisuariarsimanniginnera.*

*Isumaginninnermi Naammagittaalliuuteqartarfik uannut 5. oktober 2004-mi allappoq suliamit ersertoq A kommunip piumasarisaanik naafferartumik suli akilersuisoq, naak Naammagittaalliuuteqartarfik allatut aalajangiisimagaluartoq.*

*Tamatuma kingornatigut Isumaginninnermi Naammagittaalliuuteqartarfimmu 5. oktober 2004-mi allappunga tamanna Naammagittaalliuuteqartarfiup nakkutilliinermi oqartussaasumut nalunaarutigisimasariaqaraluaraa, tassalu suliami matumani Ilaqutariinnermut Pisorta qarfimmu.*

*Isumaginninnermi Naammagittaalliuuteqartarfik allakkanni 24. februar 2005-imeersuni qinnuigaara Isumaginninnermi Naammagittaalliuuteqartarfiup aalajangiinerata K Kommunimit malinneqannginnera Isumaginninnermi Naammagittaalliuuteqartarfimmi paasineqarmat Naammagittaalliuuteqartarfik qanoq iliorsimanersoq paasissutissiisutigeqqullugu.*

*Isumaginninnermi Naammagittaalliuuteqartarfik uannut allakkatigut 11. april 2005-imeersutigut allappoq A kommunip piumasarisaanik naafferartumik suli akilersuisoq, naak Naammagittaalliuuteqartarfik allatut aalajangiisimagaluartoq.*

*Tamatuma kingornatigut Isumaginninnermi Naammagittaalliuuteqartarfik qinnutigisannu 24. februar 2005-imeersumu akissuteqaqqullugu 14. juni 2005-imi nukingisaarpara. Isumaginninnermi Naammagittaalliuuteqartarfik uannut 8. august 2005-imi imatut allappoq:*

*"Kommunip naammagittaalliuuteqartarfiup aalajangiinerani amigartumik naammassinninnera eqqarsaatigalugu naammagittaalliuuteqartarfik pineqaatissii-nissaminut periarfissaqanngilaq tamaattumillu qanorluunniit iliorluni kommuni aalajangiinermik maleruaanissaanuu pinngitsaalisinnaanagu.*

*Aammattaaq naammagittaalliuuteqartarfimmi sulisussat killeqarput, taamaattumillu naammagittaalliuuteqartarfup naammagittaalliuutini suliasat tulleriiaarlugit suliarisariaqarlugit, oqartussaasut naammagittaalliuutiginetartup aalajangiinernik maleruaanerata malittarineqarnissaaninnarnit pingaarneruillugu."*

*Isumaginninnermi Naammagittaalliuuteqartarfimmu 6. september 2005-imi allappunga Isumaginninnermi Naammagittaalliuuteqartarfiup oqartussaasutut qulliuneruutut naammagittaalliorfissatut inissisimanerata manna nassatarigaa, tassalu Naammagittaalliuuteqartarfiup aalajangi-*

nera kommunip malinnigikkaa paasineqarpat Naammagittaalliuuteqartarfik pisariaqartunik iliuuseqartariaqartoq, matumani kommunip attaveqarfigineqarnera kiisalu tamanna pisariaqarpat suliap kommuninik nakkutiliinermi oqartussaasumut ingerlateqqinneqarnera ilanngullugu eqqarsaatigalugit.

Naammagittaalliuuteqartarfik uannut 17. oktober 2005-imi imatut allappoq:

"Taamatut ilisimasaqalerneq Naammagittaalliuuteqartarfiup soorunalimi isiginngitsuusaarneq ajorjaa, Naammagittaalliuuteqartarfiulli aalajangiinera kommunip malissagaa inassuteqaatigisarlugu. Taamaaliortoqassappat aalajangiinerup malinneqannginnera Naammagittaalliuuteqartarfiup ilisimasaqarfigissagaa soorunalimi piumasagaataavoq, tassami Naammagittaalliuuteqartarfiup aalajangiinera kommunit malissagaat Naammagittaalliuuteqartarfiup aallaavittut naatsorsuutigisarmagu.

Innuttaasoq aalajangiinerup malinneqannginnera malugeqquniarlugu saaffiginippat Naammagittaalliuuteqartarfiup aalajangiinerinik naammassinninniarluni periarfissat suunerat Naammagittaalliuuteqartarfiup soorunalimi ilitsersuutigissavaa." (Atorfeqarfimmi nutsigaavoq)

Isumaginninnermi Naammagittaalliuuteqartarfik allakkatigut 19. oktober 2005-imeersutigut qinnuigeqqippara K Kommunip Naammagittaalliuuteqartarfiup aalajangiineranik malinninnginneranut atatillugu Isumaginninnermi Naammagittaalliuuteqartarfik qanoq iliuuseqalersaarnersoq paasisutissiisutigeqqullugu.

Naammagittaalliuuteqartarfik akissuteqaqqullugu 21. november 2005-imi aamma 21. december 2005-imi nukingisaarpara.

K Kommunip Isumaginninnermi Naammagittaalliuuteqartarfimmut allagaasa 9. december 2005-imeersut assilineri Isumaginninnermi Naammagittaalliuuteqartarfiup nassiuppai, allakkanillu taakkunannga erserpoq 29.335,- kr.-t A-mut tunniunneqarnissaat K Kommunip isumagiaraa.

Suliap ingerlasimanera pillugu tamatuma kingornatigut imaattunik oqaaseqaateqarpunga:

Isumaginninnermi Naammagittaalliuuteqartarfiup uannut allagaanit 8. oktober 2004-meersunit erserpoq naak Isumaginninnermi Naammagittaalliuuteqartarfik 16. april 2004-mi allatut aalajangiisimagaluartoq A kommunip piumasarisaanut naafferartumik suli akilersuisoq Isumaginninnermi Naammagittaalliuuteqartarfiup ilisimagaa.

Suliamit aamma erserpoq K Kommunip, Isumaginninnermi Naammagittaalliuuteqartarfiup aalajangiineranut 16. april 2004-meersumut akerliu-sumik, aningaasanik 29.335,- kr.nik suli akilersuisitsinera pillugu paasisutissiisutigineqartumut atatillugu iliuuseqarnissaq 6. september 2005-imi allagaqarnissama tungaanut pisariaqanngitsutut isigisimagaa.

Isumaginninnermi Naammagittaalliuuteqartarfiup aalajangiinerata 16. april 2004-meersup K Kommunimit malinneqannginnera Isumaginninnermi Naammagittaalliuuteqartarfiup paasigamiuk suliaq qulaajarniar-

*lugu K Kommunimut ingerlaannartumik attaveqarsimannginnera isorisa-  
rialerujussuartut isigaara.*

*Aningaasat akilersinneqarsimasut A-mut utertillugit tunniunneqarnis-  
saannik K Kommunip allakkamini 9. december 2005-imeersuni oqaatigi-  
saa isiginiarlugu suliami annertunerusumik iliuuseqaqqissanngilanga.*

*A allakkat uku assilinerannik nassinneqarnermigut qulaani taaneqartu-  
mik ilisimatinneqarpoq."*

## 21. Pisussaaffiit, pineqaatissiinerit soraarsitsinerlu

### 1. **Qinnuteqaataannngitsumik soraarsitaaneq. Suliap amigartumik paasissutissartalersorneqarnera**

*A-p ...-mi kigutileriffimmi kigutit nakorsaattut atorfimmit qinnuteqaataannngitsumik soraarsinneqarsimanera Dansk Tandlægeforeningip ilaasortani A sinnerlugu naammagittaalliuutigaa. Soraarsitsineq suleqatigiinnermi ajornartorsiutinik pikkorlunnermillu tunngavilersorneqarsimavoq.*

*Ombudsmandip oqaatigaa Sulisoqarnermut Pisortaqarfik A-p soraarsinneqarnissaanik aalajangiineq sioqqullugu paasissutissat A-p suleqatigiinnermi ajornartorsiutinut pingaarnertut pissutaanerannik kingusinnerusukkut qularutiginnilnnginnissamik qulakkeerisut naammattut pissarsiariniarsimanggikkai.*

*Ombudsmandittaaq paasinninnera unaavoq suleqatigiinnermi ajornartorsiutit qinnuteqaataannngitsumik soraarsitsinermit allaasumik periaaseqarluni aaqqinneqarnissaannut periarfissat pisortaqarfiup misissorsimanggikkai.*

*A-p pikkorlunnera - taamaattoqarsimappat - qanoq annertussuseqarnersoq paasissutissiissutigineqarsimanggilaq.*

*Ombudsmandi ataatsimut isiginnilluni isumaqarpoq Sulisoqarnermut Pisortaqarfiup periaasia isorisarialerujussuusoq. (J. nr. 11.01.21.01/059-05)*

Dansk Tandlægeforeningip naammagittaalliuutaa 30. juni 2005-imeersoq imaattoq 7. juli 2005-imi tiguara:

"A-p sooraarsinneqarnissaanik aalajangiineq Dansk Tandlægeforeningip naammagittaalliuutigaa, tassami aalajangiineq taanna pingaaruteqartutigit sulianut tunngassuteqannngitsunik toqqaannartumillu kukkusunik tunngaveqarmat, taamalu imarisamigut ilusiligaanermigullu amigaateqarluni.

Dansk Tandlægeforeningip paasinninnera unaavoq Sinerissami Aqutsisoqarfiup misissuisaataitanini sumiginnarsimagaa, taamaallaat nunap immikkoortuani kigutilerisut pisortaata B-p A pillugu allaaserisaanik nalunaarutiginninnerinillu salliu-titsinermit, naak nalunaarutiginninnerit taakku A-mit, kigutilerisut sinnerinit sulisunillu allanit kukkusuusutut aamma/imaluunniit tunngavissaqannngitsutut tunuar-tinneqarsimagaluartut. Tamanna kigutilerisut ...-p kigutileriffiani ataatsimiinnerat pillugu imaqarniliakkut, nunap immikkoortuani kigutilerisut pisortaannut B-mut allakkatigit saaffiginnissutaasigut Sinerissamilu Aqutsisoqarfimmut allakkatigit up-ternarsarneqarpoq.

Eqqarsarnartuuvoq B-p Sinerissami Aqutsisoqarfik aqqtugalugu A-p soraarsinneqarnissaa pineqartup sapaatit akunnerini marlunni napparsimaanerata nalaani inasuteqaatigimmagu (taamaallilluni pineqartoq pissusilersuutaasimasutut oqaatigineqartunik aaqqiinnaminut periarfissaqarsimanggilluinnarpoq), tamannalu Dansk Tandlægeforeningip suliama illua'tungiusup isumaanik tusarniaanermi malugeqqullugu oqaatigaa.

Aammattaq eqqarsarnartuuvoq A-p soraarsinneqarnissaanik taamatut inassuteqarneq pimmat A-mut B-p piffissaliuussaata suli naannginnerani. Aamma tamanna Dansk Tandlægeforeningip suliame illua'tungiusup isumaanik tusarniaanermi malugeqqullugu oqaatigaa.

Taamaalilluni eqqarsarnartoqarlunnartuuvoq ilaatigut "soraarsitsissamaarluni allakkani" pissutsit sulinermut tunngasut arlallit A-p soraarsinneqarnissaanut tunngavilersuutitut ilanngunneqarsimammata, taakkulu A-mut siusinnerusukkat saqqummiunneqarsimanatik, allakkatigut oqaasiinnartigullunniit uparuaatitut.

Iluseqartitsinermik unioqqutitsineq taanna Dansk Tandlægeforeningip suliame illua'tungiusup isumaanik tusarniaanermi aamma malugeqqullugu oqaatigaa. ... sulinernullu tunngasut A-mut isornartorsiutigineqartut tunngavissaqanngitsutut imaqanngitsutullu tunuartillugit. Kigutilerisup kialunniit kigutilerisup allap suliaanik kisimiilluni naliliisinaannginnera isiginiarlugu ... pingaartumik qullersariaarnermi/allersariaarnermi, soorlu tamanna pisumi matumani taamaattoq, kigutilerisut allat suliaticigut naliliinerinik amerlanerusunik tamaticigut pissarsiniartoqartariaqarpoq. Tamanna B-p sumiginnarsimavaa.

Taamaakkaluartoq suliatic pillugit isornartorsiuinertit taakku soraarsitsinermi qalleqqullugit oqaatigineqarsimapput, soraarsitsinermullu tunngaviusunut suliamicut tunngasut nutaat aamma ilanngunneqarsimallutik. Pissutsit A-mut saqqummiunneqarsimanngisaannartut, imaluunniit pineqartup isummerfigissallugit/oqaaseqaateqarfigissallugit periarfissaqarfigisimanngisaannagai. Tamanna ingerlatsinerup inatsisitigullu innarlitsaaliinerup tungaanit isigalugu eqqarsarnartoqarlunnartuuvoq, aammalumi oqartussaasut suliame illua'tungiusup isumaanik tusarniaaaminnut pisisaaffeqarnerannut naapertuuttuunani, oqartussaasummi pisisaaffeqarmata pissutsit nutaat saqqummertut suliame illua'tungiusup isumaanik tusarniaanermi aamma ilanngullugit pingaaruteqartutut oqimaalutassallugit.

Aammattaq sulianut tunngasuinnaat eqqarsaatigalugit eqqarsarnartoqarpoq pisoq kigusinnerusukkat peqqissimanngitsoq pillugu atorfeqartitaasutut mianersoqquneqarsinnaaneq ... taamaakkaluartorli pisoq taanna qaammatit pingasut qaangiunnerani soraarsitsinermi tunngaviusunut ilanngunneqarluni. (Pineqartoq tassaavoq piffissaq kigutilerisut suliffissaat pillugu pisimasumut tunngasooq, tak. suliame illua'tungiusup isumaanik tusarniaanermi allakkat)...

Immikkoortut qulaani taaneqartut saniatigut suliatic ingerlasarnerat/suliatic ingerlasimanager Dansk Tandlægeforeningip naammagittaalliutigaa. Taamaalilluni Dansk Tandlægeforeningip tupigaa kigutilerisut pisortaata aamma Sinerissami Aqutsisoqarfiup – nunap immikkoortuani kigutilerisut pisortaata B-p kigutilerisunik tamanik suleqateqarnermini ajornartorsiuteqarnera, ulluinnarnilu ammasarfiup nalaani saniatigut akilersilluni sulisarsimanager eqqarsaatigalugit - tunngaviusup kukkusuisinnaanerani isumaliutersuuteqarsimannginnerat B pillugu ilisimaneqartoq paasineqareersimavoq – A-p soraarsinneqarneranut taanna kigutilerisut pisortaata Sinerissamilu Aqutsisoqarfiup allakkaticigut pineqartutit 25. aprilimeersutit aamma 16. majimeersutit paasisimavaat – kiisalu tamatum kingornaticigut ki-gutilerisut pineqartut ataatsimeeqaticinerini – tassalu Dansk Tandlægeforeningip suliame illua'tungiusup isumaanik tusarniaalluni allagai 23. maj 2005-imeersut sioq-qullugit.

Taamaalilluni kigutit nakorsaasa pisortaata Sinerissamiluunniit Aqutsisoqarfiup pasitsaassimasariaqaraluarpa B-p A-mik suleqateqarneq pillugu nalunaarutiginninnera allaaserisaalu eqqunngitsuisinnaasut, tamannami Dansk Tandlægeforeningip suliame illua'tungiusup isumaanik tusarniaanera immikkoortunik taaneqartunik erseqqinnerusumik misissuinermik nassataqarsinnaasissagaluarmat.

..." (Atorfeqarfimmi nutsigaavoq)

Dansk Tandlergeföreningip ilanngussat arlallit naammagittaalliummut ilanngullugit nassiuppai. Ilanngussanit taakkunannga makku issuarneqar-nissaat toqqarpara:

Aqutsinermut Pisorta qarfiup A-mut allagai 20. april 2005-imeersut:

"Isumaqatigiissutit malillugit ilimasaareerlutit soraarsinneqarnissannik Sinerissa-mi Aqutsisoqarfiup inassuteqaataa Aqutsinermut Pisorta qarfiup tiguua. Tamatuma saniatigut najukkami kigutit nakorsaasa pisortaata B-p tunngavilersuutitut allagai annertunerusumik nassuiaatitallit 14. april 2005-imeersut Aqutsinermut Pisorta qarfiup tiguai. Inassuteqaatip assiliner aamma B-p allagaasa assilinerat ilanngullugit nassiunneqarput. Tamatuma saniatigut ilanngussat assigiinngitsut soraarsitsinissa-mik pilersaaruteqarnermut attuumassutillit assilineri ilanngullugit nassiunneqarput.

Soraarsitsinissamik pilersaarutip aalajangiiffiginnginnerani pisortat ingerlatsine-ranni suliasat suliarineqartarnerat pillugu inatsimmi § 19 naapertorlugu suliaq pil-lugu oqaaseqarsinnaatitaavutit.

Soraarsinneqarnissavit inassuteqaatiginerani ilaatigut suleqatigiinnermik ajornar-torsiuteqarneq tunngavilersuutigineqarpoq. Tamatumunnga ilaatigut B-p makku oqaatigai:

- atorfinnut atatillugu nalunaaqutaq 15.45-p tungaanut suliffinniitarnissannik B-p peqqusineranut piffissami sivisuumi akerliusimasutit. Piffissaq tamanna sioqqul-lugu anerusuttarsimavutit. Taamaaliornissamut pisinnaatitaanngilatit suliffigi-sanni sulinissamut malittarisassat malinnissaannut soorunalimi pisussaaffeqara- vit. Soorluttaaq pisortarisavit peqqusinera malissallugu aamma pisussaaffeqartu- tit.
- siumut B ilisimateqqaarnagu X-ip kigutileriffiani suli sulilernak tassunga takusaa- nissannut isumaqatigiissuteqarsimavutit. Takusaanissaq B peqatigalugu pilersaa- rusiorsimasussaagaluarpat, akuersinissaalu utaqqimaappaartussaagaluarlugu, taamaaliorsimanngilatilli.
- kigutileriffimmi ikiorti C illit pissutigalugit X-ip kigutileriffianit Z-ip kigutileriffi- anut nammineerluni nuussimasoq. Aqutsisuinnaanngitsunik suleqatigiinnermi ajornartorsiuteqarninnut tamanna assersuutissaavoq erseqqissoq.
- B-p piffissami sulinngiffeqarnerata nalaani kigutileritikkasuartussanik sullissiu- masarsimannngitsutit, tamannalu minnerpaamilluunniit akuereqarsinnaanngi- laq. Tamannalumi aqutsisoqarfimmit paasineqarmat kigutileritikkasuartussanik sullissinissannut pisussaaffeqarninnik piaarnerpaamik ilisimatinneqarputit.
- D B-mut marloriarluni attaveqartarsimavoq sulisunut allanut B pillugu nuannin- ngitsunik oqaluuserinnittarsimanagerit ilisimatitsissutigalugu. Kigutileriffimmi iki- ortit pisortaannut tullersorti ... qulaani oqaatigineqartunut isumaqataavoq, X-ip kigutileriffiani sulisut oqaloqatiginerisigut tamanna B-p paasivaa. Sulisut malil- lugit pisortarisannut B-mik ajortitsiniaasarsimavutit. Tamanna X-ip kigutileriffi- ani sulisunit nuanninngitsorujussuurtut kigutileriffimmilu akueriuminaatsutut isumaqarfineqarpoq. Tamanna X-ip kigutileriffiani sulisunik 11. april 2005-imi B-p ataatsimeeqateqarnerani uppersarsarneqarpoq. Qulaani taaneqartoq suleqati- giinnermi ajornartorsiutit ilaattut assersuutissaavoq minnerpaamilluunniillu aku- erineqarsinnaanngitsuoq. Qulaani oqaatigineqartunut uppersarsaatitut X-ip kiguti- leriffiani sulisut oqaaseqaataasa assilinerat innersuusutigineqarpoq (oqaaseqaa- tit illua' tungiusup isumaanik tusarniaalluni allagaqaammut ilanngunneqarput).
- Suleqatigiinnermi ajornartorsiutit pillugit B-p arlaleriarluni oqaloqatiginiartarsi- magaluarpaatit, kisiannili oqaloqatiginninniaraluarnermini oqaloqatigisinnaa-



sarsimanak suaartarlutillu kipiffeqanngitsumik oqalulertarsimagavit. Taamaattumik piviusorsiorumik oqaloqatigineqarsinnaasimangilatit. Ajornartorsiutit taamaaginnarnissaat akuerisinnaanagu B-p ilisimatissimavaatit. Tamatuma kingorna pissutsit pitsaanerulersimangimmata soraarsinneqarnissat inassutigineqarpoq.

Suleqatigiinnermi ajornartorsiuteqarnerup saniatigut pisinnaasavit amigarnerat soraarsitsinermut aamma tunngaviuvoq. Tamatumunnga atatillugu pisimasut tallimat B-p innersuussutigai:

1. Z-ip kigutileriffimmi suligallaravit meeqqap kigutaata 26 (6+) putullip qanoq iliuuseqarfiginissaa pillugu B aperisimavat. Kigut taanna peerniarlugu eqqarsarsimagaluarputit. Tamatuma saniatigut kigutip 36 (-6) tamorrataasup qernertilluni allanngoriartulernera apeqqutigisimavat, isumaqaravit kigut taanna ilaartorneqassanngitsoq. B-p ilagalutit takusaagami paasivaa kigut 26 (6+) ilaartorneqartussaasooq taamatullu pisariaqarpat manngua aamma suliassaasooq. Kigut 36 (-6) putoqalersimavoq. Matumani kigutit nappaataat ajornanngitsumik aalajangiiffigisassat pineqartut illit kigutit nakorsaattut misilittagalittut ajornartorsiutigisimavatit.
2. Kigutileritittumi allami kigutip 21 (+1) nalaani pullattoq 18/3-2005-imi suliarineqarpoq. Kiguserisorli 23/3-2005-imi B-mut takkuppoq assut kiguseraluni. Kigutip suliarineqarsimasup ammarnganut gasi manngussuunneqarsimavoq. Kigutip suliarineqarsimasup taamatut ammatinnarneqarnera pissusissamisuunngilaq. Tamanna kigutit nakorsaattut misilittagalittut ilisimasariaqaraluarpat.
3. Kigutaarsinernut ilinnit suliarineqarsimasunut atatillugu arlallit ajornartorsiutaaarsimapput, tassami assersuutigalugu kigutaarsinerit eqqortumik suliarineqartarsimangimmata – matumani immikkut isiginiarneqarpoq kigutileritittumut akornusiisorujussuarmik kigutaarsiniarsarisimanerit, tassami kigutaarsiniarninni kigut napisimammat. Kigutit nakorsaattut tamakkua eqqortumik naliliiffigisinnaasariaqaraluarpatit.
4. Nammineeurlutit suliamik aallartitsillutillu nammineeurlutit suliaqarnissat ajornartorsiutigaat, tamannalu kigutileriffimmi ulapiffiusumi minnerpaamilluunniit akuerineqarsinnaanngilaq. Misilittakkatit malillugit nammineeurlutit suliaqarsinnaanissat naatsorsuutigineqartariaqaraluarpoq.
5. B ataatsimut isumaqarpoq suliffiup nalaani sulinissannik ilisimatissallutit, tassunga ilanngullugu sunik suliaqarnissannik oqaluttuutissallutit pisariaqanngikkaluartoq.

Qulaani taaneqartut tunngavigalugit isumaqatigiissutit malillugit ilimasaareerlutit soraarsinniarlutit Aqutsinermut Pisortaqarfik aalajangerpoq.

Oqaatigineqartut aalajangiisoqannginnerani oqaaseqaateqarnissannut periarfisaqarputit, takuuk pisortat ingerlatsineranni suliassat suliarineqartarnerat pillugu inatsimmi § 19.

Oqaaseqaateqarnissat kissaatigigukku oqaaseqaatissat kingusinnerpaamik pingasunngornermi 11. maj 2005-imi Aqutsinermut Pisortaqarfiup tigareersimassavaa.

Allakkat uku ilinnut tunniunneqassapput allakkatullu nalinginnaasutut aamma nassiuunneqarlutik." (Atorfeqarfimmi nutsigaavoq)

Dansk Tandlægeforeningip Aqutsinermut Pisortaqarfimmut allagai 20. maj 2005-imeersut:

"Pineqartoq: Kigutit nakorsaata A-p, ... kigutileriffia, soraarsinneqassamaarnera



Allakkatigut 20. april 2005-imeersutigut Aqutsinermut Pisortaqarfiup A isumaqatigiissutit malillugit siorasaarneqarluni soraarsinneqartussanngortussanngorne-  
ranik, soraarsitsinissamilu inaarutaasumik aalajangertoqannginnerani, pisortat  
ingerlatsineranni suliassat sularineqartarnerat pillugu Inatsisartut inatsisaanni § 19  
naapertorlugu suliame oqaaseqarsinnaatitaaneraniq nalunaarfigaa. A Dansk Tandler-  
geforeningimut ilaasortaavoq, A-lu isumaqatigiissuteqarfigereerlugu suliame oqa-  
seqaammik illua tungiusutut oqaaseqaat ilanngussaq matumuuna nassiinneqarpoq.

Dansk Tandlergeforeningip maluginiarpaa soraarsitsiniarneq marlunnik pingaar-  
nerusutigut tunngavilersugaasoq - tassalu "suleqatigiinnermi ajornartorsiteqarneq"  
aamma "pikkorlunneq" - tapersorneqartunillu.

"Suleqatigiinnermi ajornartorsitunut" tunngavilersuutit pillugit

Pisimasumut eqikkakkamut, tassalu A-p nalunaaqutaq 15.45-p tungaanut sulif-  
fimmineeqquneqarnerminut akerliusimanera A-p kigutileriffimmi sulereerluni (nal.  
15.00) kigutileriffimmit anisinnaannginnini pillugu nassuiaanneqaqquneraniq pissu-  
teqarpoq. Kalaallit Nunaanni kigutilerinnermi A sornatigut sulisimavoq, taamanik-  
kullu isumaqatigiissummi piffissaq suliffiususaaq pillugu aalajangersakkat ima  
aqunneqarput, ulloq issiavimmi kigutileriffittut suliffiusoq nalunaaqutaq 15.00 taa-  
maatitassasoq. Taamaalluni nalunaaquttap akunnerini tallimani sulinerup ilaa ki-  
gutilerinnermut attuumassuteqanngitsoq kigutit nakorsaasa ataasiakkaat allaffissor-  
nikkut sulinnerminut atatillugu nammineeertut pilersaarusiornertik malillugu  
aamma pilersaarusiukkamut ataatsimiinnernut il.il. atorsinnaallugu. Nunap immik-  
koortuani kigutit nakorsaasa pisortaat B malittarisassanik allanik aalajangersaasima-  
nersoq A-p ilisimasimannigilaa. A-lli tamanna paasereerpaa piffissarlu suliffiususaaq  
pillugu apeqquteqarnissani pisariaqartikkunnaarsimallugu.

- Dansk Tandlergeforeningip aamma ilisimatitsissutigissavaa piffissaq suliffiusus-  
saq pillugu A-p isumaa paasinninneralu isumaqatigiissummi piffissaq suliffiu-  
sussaq pillugu aalajangersakkat aqunneqarnerannut najukkanilu kigutileriffiit  
sinnerini paasineqartumut naapertuummat. Taamaattumik Dansk Tandlergefore-  
ning isumaqarpoq A-p suliffimmineeqquneqarnerminut akerliunera pineqanngit-  
soq. A-li B-mut nassuiaateqqugualuartoq akineqaranili. Kingorna B-p oqaatigaa  
malittarisassat taakku A-p atorfinitsinneqarneranut atatillugu tunniinneqartut, ta-  
mannali eqqunngilaa. Aatsaanuna A-mut atatillugu pisoqareersoq taanna allakki-  
arineqarlunilu kigutit nakorsaannut nassiussuunneqartoq. Tamatuma saniatigut  
periaaseq nutaajulluinnartooq nunap immikkoortuini allani periaatsimit allaaner-  
soq pineqarpoq. Taamaattumik A pisimasup nalaani paatsuungassuteqarsima-  
voq.

Eqqunngilaaq B akuersiteqqaarnagu nalusaanillu X-ip kigutileriffianut takusaa-ni-  
arluni A pilersaaruteqarsimasooq. Kigutit nakorsaasa 18. februar ataatsimiinneranni  
tamatuminnga B ilisimatinneqarpoq. A-mit aperineqarami B pingasunngornermi 24.  
februar takusaanissamut peqataarusunnini nalunaarutigaa. Kigutit nakorsaasa 18.  
februar ataatsimiinnermi peqataasut tamanna uppersarsinnaavaat. Pingasunngor-  
nermi 24. februar B X-ip kigutileriffianut takkutinngilaa, takkunniannnginnerminillu  
nalunaarsimanani.

Eqqunngilaaq kigutileritikkasuartussanik A tigusiumasimannigimmat. Ataasiaan-  
narluni taama pisoqarpoq, tassalu B kigutit nakorsaannut ilisimatitseqqaarani, pe-  
qannginnerminilu pisortaaq qanoq iliornissaanik ilitersuuteqqaarnagu sulinnigiffe-  
qarsimammat, A-lu Z-ip kigutileriffianut, kigutileritikkasuartussanik, illumiillu alla-  
mut innersuunneqarsinnaanngitsunik tamanik tigooraanissaminik aamma ilisimatine-  
neqarsimannigimmat. Tamanna A-p ullup ingerlanerani paasileramiuk siusinneru-

sukkut tamatuminnga ilisimatineqarsimanginnini naammagittaalliutigaa, tasami kigutileritittussanut ataasiakkaanut piffissap atornegartussap aaqqissuunnissaanut sunneeqataasimasinnaagaluarani. Taamaalilluni paasivaa kigutileritittussanut ataatsimut sivikippallaamik piffissaliisoqarsimasoq, soorlu aamma kigutileritittussat imminut isaatinneqarnerat aaqqissuussaangitsoq, taamaammallu nukuni naammaginarumik sunniutilimmik tamatumani atornegangitsut. Taamaattumik kigutileriffimmi sulisut kigutit nakorsaasa pisortaannik F-imik akulerutsitsillutik kigutileritikkasuartussanik tigusiumangitsutut A-mik tassunga oqaluttuarinnissimaneerat sakkortuumik qisuariarneruvoq. Tamannalu pillugu marlunngornikkut 1. marts 2005-imi F-ip oqaloqatiginerani A-p nassuiaataa F-ip akuerisimavaa. Taamaattumik pisimasup saqqummiunneqaqattaarnera eqqumiippoq.

Eqqunngilaq suleqatigiinnermi ajornartorsiuteqarnermik oqaatigineqartut pillugit B-p A oqaloqatigisinnaasimangikkaa. A-p 5. april 2005-imi ataatsimeeqatiginerani kigutit nakorsaat G aamma A-p uia peqataapput. G-p uppersarsarsinnaavaa siorasaarut 17. martsimeersoq naapertorlugu pissutsit isornartorsiorneqartut iluarsineqarnissaannut pilersarusiorluarnissaq ataatsimiinnermi pineqartumi A-p kissaatigigaa. G 5. april 2005-imi ataatsimiinnermi peqataavoq ilaatigut kigutit nakorsaallu allat atsiogatigiillutik 17. marts siorasaarineq soqutaangitsumik tunngaveqartoq, naammagittaalliutigineqartullu arlaqartut eqqunngilluinnartuunerannik B-mut nalunaaruteqarnertik pissutigalugu, ilaatigut A-p ...-mi kigutileriffimmut nammineq immikkoortotami pisortaaffimminut nuunnissaa siunnersuutigissallugu A-lu isumaqatigiissutigisimagamikku. Taamaalillutik A aamma B ulluinnarni suleqatigiittariaqassanngillat, ajornartorsiutip B-p tungaaniit isigalugu A-p namminerlu akunnerminniinnera eqqarsaatigigaanni. Siunnersuulli tamanna saqqummiunneqanngitsoorpoq, A-p pissusilersornerata isornartup qanoq iliorluni allanngortinneqarnissaanut B siunnersuutissaqanngimmat aammalu A-p allakkatigut siorasaarneqarnissaa taamaallaat kissaatigimma.

- Dansk Tandlægeforeningip aamma maluginiarpaa siorasaarut ”nutaajuneragaq” 31. marts 2005-imi ullulerneqartoq siorasaarutillu 17. martsimeersup – suleqatigiilluarnissaaq siunertaralugu suleqatiginnikkusulluni A-p nalunaaruteqarluni allakkatigut 22. marts 2005-imeersukkut akissuteqarfifigisaani, imarisamikkut assigeeqqissaartut. Tassani aamma ilaavoq pisimasup iluarsineqarnissaanut kigutit nakorsaasa siunnersuuteqarsimagaluarnerat. Taamatut siunnersuuteqaraluarneq ...-mi annertuumik kigutit nakorsassaaleqinermit atatillugu isiginiarneqassaaq, tassami atorfinnut aalajangersimasunut kigutit nakorsaannik sulisussarsiorneq ajornartorsiutaasorujussuimmat. Taamaalilluni ukiuni arlaqalersuni kigutit nakorsaattut atorfinitsitsisoqarsimangitsoq A aalajangersimasumik atorfinippoq. Taamaattumik A-p B-llu akornanni ajornartorsiutaasup annertunerusumik iliuuseqarani iluarsiniarneqarnera tamanit soqutigineqartariaqaralarpoq. ...-mi kigutit nakorsaat aalajangersimasumik atorfilituanguit isumaqarluinnarput B tamatuminnga iluarsiiinarsisimananilu iluarseeerusussimangitsoq. Massa piffissami killilimmi atorfeqarluni najukkamilu kigutit nakorsaasa pisortaattut atorfini julip naanerani qimattussaallugu.

X-imi sulisunik suleqateqarniarnermi ajornartorsiuteqarneragaaneq eqqarsaatigalugu aamma B-p suleqatigiuminaanneranik A-p oqaluuserinninnera, namminnerlu najukkami kigutit nakorsaasa pisortaannik suleqateqarluarnertik pillugu D-p, E-p I-llu atsiogatigiillutik nalunaarutaat aalajangiinissami pingaaruteqartutut ilannguttariaqanngilaq. Nalaatsortumik (18. april 2005-imik) ulluliisimaneq pineqarpoq, tasami nalunaarut pisussarpiaq eqqasaatigalugu allanneqarsimasinnaammat. Sulisut taakku atorfimminnut atatillugu ineqarnerisa aamma nassatarisimasinnaavaa nalu-

naarummik taama ittumik atsioqquneqarsimasinnaanerat. Pingaartumik nalunaarutip 18. april 2005-imeersup imai inuillu taakkorpiaat qaammatingajak sioqqullugu A-p suleqatigineranik ajornartorsiuteqaratik nalunaarutaasa imai imminnut aklerriimata.

Suleqatigiinnermik ajornartorsiuteqarneragaanermi pissutsit qulaani taaneqartut tunngavigalugit Dansk Tandlægeforening ima eqikkaavoq:

- Suleqatigiinnermik ajornartorsiutit amerlanersaat allakkiami oqaatigineqartut A-p tungaaniit ilisimatitsissutaapput eqqunngitsut. Imaqarnilianit tamanna uppernarsarneqarsinnaavoq taamatullu A-p B-llu oqaloqatigiinneranni tusaasimasunit kigutit nakorsaannit aamma tamanna uppernarsarneqarsinnaalluni.
- Tassani aamma ilaavoq siullermeerluni aappasaanerlunilu siorasaarineq assigiimmik imaqarmata. Pissutsit ataasiarluni A-p nassuiaateqarfigalugillu tunngavilersoriigai.
- B oqarpoq A-p B-mik kusanannngitsumik oqaluserinnissimanera aamma tamanna pillugu X-imi sulisunit B-p attavigineqarsimanini sukkulluunniit B-p A-mut oqaatigisimanngilaa taamatuttaarlu oqaasiinnakkut allakkatigulluunniit tamatumunnga atatillugu A-mut siorasaaruteqarsimanani. Aatsaalliuna Aqutsinermut Pisorta qarfiup allakkiaatigut pissutsit tamakku pillugit A ilisimatinneqartoq. Taamaattumik tamatumunnga akerriliiinissaminut A periarfissinneqarsimanngilaq, taamaattumillu soraarsitsinermut piviusorsioortumik tunngavilersuutitut tamatumu ilaatinissaa isiginiarneqarsinnaanani.
- Naggataagut minnerunngitsumillu B-p peqataaffigisaani kigutit nakorsaasa 29. marts 2005-imi ataatsimiinerannit imaqarniliaq Dansk Tandlægeforeningip malugeqqussavaa. Tassani erserpoq kigutit nakorsaasa nassuerutigigaat B-mik suleqarteqarniarnerminni ajornartorsiuteqarlutik kigutillu nakorsaannut tusaajumanngitsoq.

Tassunga naggasiullugu Dansk Tandlægeforeningip oqaatigissavaa suleqatigiis-sagaanni illua'tungeriit marluusariaqarmata... aamma matumani pineqartumi kigutit nakorsaata aalajangersimasumik atorfillip soraarsinneqarnissaa naapertuutinn-gimmat, pisortaagallartup sulisorisami ilaannik - matumani kigutit nakorsaannik iluamik kinguneqarluartussamillu suleqateqarsinnaannginnera pissutigalugu.

“Pikkorlunnermut” tunngavilersuut pillugu

Tupaallannarpoq immikkoortut tallimat A-mut uparuaatigeqqaallanguarnagit B-p Aqutsinermut Pisorta qarfimmuut nalunaarutigisimagai paasillugit!

Immikkoortut 1+2 eqqarsaatigalugit aamma eqqumiippoq – tamannalu nalingin-naavoq – suliassamut piginnaaneqarneq pillugu suleqataasup nalileeqataanissaa B-p qularnaarsimannngikkaa. Imaannigilaq B pisortaammat suliassamut piginnaanermik naliliinera tamanna eqqortuusoq. Taamaattumik pisoq kigutip nakorsaannit allamit aamma naliliiffigineqarnissaa qularnaarsimasariaqaraluarpa.

Immikkoortoq 3 eqqarsaatigalugu: Pisimasut kigutaarsiniarnermut tunngasut A-mut oqaatigineqarsimannngillat, tassami kigutit nakorsaattut sivisuumi sulinermini – aamma Kalaallit Nunaanni kigutilerinermini – isumannaatsumik B-mit kigutaarsinik-kut misilittagaqarnerunissaa qularnannngimmat. Kigutaarsiniarnerit kigutip napine-ranik kinguneqarsinnaasarput – tassa tamanna ajorluartumik pisinnaasoq, taman-nalu minnerpaamilluunniit pikkorlunnermut attuumatinneqarsinnaanngilaq.

4 aamma 5 eqqarsaatigalugit: A suliaqanngitsutut nammineersinnaassuseqanngit-sutullu taassallugu illua'tungaannaasiornerullunilu uppernarsaatissaqanngitsutut

saassussineruvoq inuttaanut uparuarneqarsimangisaannartoq. Taamaattumik immi-  
nut illersornissaminut imaluunniit – pissutsit iluemoorsimappata iluarsinissaannut pe-  
riarfissinneqarsimangilaq taamaattumillu pissutsit piviusorsiorlumik soraarsitsinis-  
samut tunngavilersuutitut ilaatinneqarsinnaanatik.

Qulaani taaneqartut tunngavigalugit pikkorlunneraagaanermut atatillugu Dansk  
Tandlægeforening ima eqikkaassaaq:

- Pissutsit ajornartorsiutitut A-mut uparuaatigineqarsimangimmata taamaattumil-  
lu immi-  
nut illersornissaminut imaluunniit pissutsit iluarsinissaannut periarfissaqar-  
simanani – taamatullu A-p suliassaminut piginnaasai pillugit naliliinerminut ta-  
persiisussamik B suleqatiminik naliliisitsisimangimmat Dansk Tandlægefore-  
ning isumaqarpoq oqaatigineqartutut “pikkorlunnermik” tunngavilersuineq pi-  
viusorsiornerungitsoq.

Ataatsimut isigalugu Dansk Tandlægeforening isumaqarpoq aallaqqaammulli B-  
p A kamaassimagaa atorfirmiiniinnarnissaanullu periarfissikkumasimanagu. Ta-  
manna aamma ilalerneqarpoq 5. april ataatsimiinnermi siorasaarummi A-mut tun-  
niunneqartumi aalajangersarneqarmat “15. april tikitsinnagu ajornartorsiutit unitsin-  
neqanngippata aamma pissutsimik erseqqissumik pitsaanerulersitsisoqanngippat”  
A-p atorfeqartitaaneranut atatillugu kinguneqartitsisoqarsinnaasoq. Allannguutis-  
salli erseqqinnerusut qanoq ittut A-mut piumasaralugit A-lu qanoq ililluni immi-  
nut naammaginartuliuussanersoq B erseqqissaateqarsimangisaannarpoq. Pissutsinik i-  
luarsiinissamat siunnersuutit soqutigineqarsimangillat, taamaattorli eqqumiiginar-  
poq – A 15. aprilip tungaanut piffissalerneqaraluartoq – Aqutsinermut Pisortaqaq-  
firmut Sinerissamat Aqutsisoqarfiup allakkamini 11. aprilimeersuni soraarsinne-  
qarnissaa inassutigimmagu!? Tassunga aamma ilaavoq A-p aprilip arfernanili nap-  
parsimasimasutut nalunaaruteqarsimanera. Taamaallilluni pissutsit piumasaqaatigi-  
neqartut iluarsinissaannut periarfissaqarsimangilaq.

Dansk Tandlægeforening nalilivoq A soraarsitaanerminut akerliliissalluni periar-  
fissaqarsimangisaannartoq. Erseqqissaatigineqarqissaq pissutsit iluarsinissaannut  
siunnersuuteqartoqarmat – tassalu A G-mut ...-mi pisortaasumut inissinneqassasoq  
B-p julip qiteqqunnerani atorfirmiit tunuarnissaata tungaanut.

A-mik soraarsitsineq Dansk Tandlægeforeningip isumaa malillugu piviusorsior-  
palaanngitsumik amigartumillu tunngavilersugaavoq. Tunngavilersuut aamma piu-  
masarineqartutigit kukkuneqartoq A-p aamma Sinerissamat Aqutsisoqarfiup tu-  
ngaanniit taamaattumillu soraarsitsisoqarsimasariaqaralarani.

Naggataatigit minnerungitsumilli Dansk Tandlægeforeningip aammaarluni in-  
nersuussutigissavaa sivisuumik kigutit nakorsaannik atorfinitsitsisoqarsimangitsoq  
A atorfirmut aalajangersimasumik atorfinitsinneqarmat ...-milu najugaqarnissami-  
nut piumassuseqarluni (uia ...-tut atorfeqarpoq) – takujuminaapporlu eqqumiiginar-  
lunilu taama amigaateqartigisumik illua tungiinnaasiortumillu tunngaveqarluni so-  
raarsitaasinnaassaguni, pisortap kigutit nakorsaannit tamanit suleqatigiuminaatsin-  
neqartup peqqissaanngitsutullu pisuutinneqartup taamatullu kigutit nakorsaasa pi-  
sortaatut atorfirmiit julip qiteqqunnerani tunuarnissaat sulissutigisaanik inassutigi-  
neqarneranillu.

Suliami matumani ajornartorsiutit ilarujussuanut nammineerluni pisoqataanera  
A-mut iluaqutaasariaqaralarpoq, tassami Kalaallit Nunaanniinnarnissani kissaati-  
gimmagu – B-lumi julip qiteqqunnerani ”peertussaammatt”.

Qulaani taaneqartut immikkoortut isummallu itisilernissaat kissaatigineqarpat  
soorunami saaffigineqarsinnaavunga.” (Atorfeqarfimmi nutsigaavoq)

Aqutsinermut Pisorta qarfiup A-mut soraarsitsineq pillugu allagai 31. maj 2005-imeersut:

"Sinerissami Aqutsiso qarfiup inassuteqaataa 11. april 2005-imeersaq tunngavigalugu Aqutsinermut Pisorta qarfik aalajangerpoq isumaqatigiissut malillugu soraarsinneqarnissannik ilimasaareerlutit ullumikkut soraarsinni arlutit. Isumaqatigiissut malillugu qaammatip tulliuuttup aallaqqaataanut soraarsitaanissat qaammat ataaseq sioqqullugu ilimasaarutigineqartussaavoq (atorfillit pillugit inatsimmi malittarisassat malillugit), soraarsitaanerpiit nalaani qaammatinik arfinilinnik ikinnerusuni atorfeqarsimanerit pissutigalugu. Taamaattumik 2005-imi junip naanerani atuutilersumik soraarsinneqarputit.

Soraarsitsinermut tunngaviusut ilagaat suleqatigiinnermi ajornartorsiutit.

Tamatumunnga assersuutitut makku B-p oqaatigai:

- atorfinnut atatillugu nalunaaqutaq 15.45-p tungaanut suliffinniitarnissannik B-p peqqussineranut piffissami sivisuumi akkerliussimasutit. Piffissaq tamanna sioqqullugu anerusuttarsimavutit. Taamaaliornissamut pisinnaatitaanngilatit suliffigisanni sulinissamut malittarisassat malinnissaannut soorunalimi pisussaaffeqaravit. Soorluttaaq pisortarisavit peqqusinera malissallugu aamma pisussaaffeqarutit.
- siumut B ilisimateqqaarnagu Z-ip kigutileriffiani sulilernak tassunga takusaanissannut isumaqatigiissuteqarsimavutit. Takusaanissaq B peqatigalugu pilersaarusiorsimasussaagaluarpat, akuersinissaalu utaqqimaqqaartussaagaluarlugu, taamaaliorsimannngilatilli.
- kigutileriffimmi ikiorti C illit pissutigalutit X-ip kigutileriffianit Z-p kigutileriffianut nammineerluni nuussimasoq. Aqutsisuinnaanngitsunik suleqatigiinnermi ajornartorsiuteqarninnut tamanna assersuutissaavoq erseqqissoq.
- B-p piffissami sulinnigiffeqarnerata nalaani kigutileritikkasuartussanik sullissiumasarsimannngitsutit, tamannalu minnerpaamilluunniit akuerineqarsinnaanngilaq. Tamannalumi aqutsiso qarfiimmit paasineqarmat kigutileritikkasuartussanik sullissinissannut pisussaaffeqarninnik piaarnerpaamik ilisimatinneqarputit.
- D B-mut marloriarluni attaveqartarsimavoq sulisunut allanut B pillugu nuanninngitsunik oqaluuserinnittarsimanerit ilisimatitsissutigalugu. Kigutileriffimmi ikiortit pisortaannut tullersorti ... qulaani oqaatigineqartunut isumaqataavoq, X-ip kigutileriffiani sulisut oqaloqatiginerisigut tamanna B-p paasivaa. Sulisut malillugit pisortarisannut B-mut ajortitsiniaasarsimavutit. Tamanna X-ip kigutileriffiani sulisunit nuanninngitsorujussuurtut kigutileriffimmilu akueriuminaatsutut isumaqarfigineqarpoq. Tamanna X-ip kigutileriffiani sulisunik 11. april 2005-imi B-p ataatsimeeqateqarnerani uppersarsarneqarpoq. Qulaani taaneqartoq suleqatigiinnermi ajornartorsiutit ilaattut assersuutissaavoq minnerpaamilluunniillu akuerineqarsinnaanngitsoq. Qulaani oqaatigineqartunut uppersarsaatitut X-ip kigutileriffiani sulisut oqaaseqaataasa assilinerat innersuussutigineqarpoq (oqaaseqaatit illua'tungiusup isumaanik tusarniaalluni allagaqaammut ilanngunneqarput).
- Suleqatigiinnermi ajornartorsiutit pillugit B-p arlaleriarluni oqaloqatiginiartarsimagaluarpaatit, kisiannili oqaloqatiginninniaralu arnermini oqaloqatigisinnaasarsimanak suaartarlutillu kipiffeqanngitsumik oqalulertarsimagavit. Taamaattumik piviusorsiorsumik oqaloqatigineqarsinnaasimannngilatit. Ajornartorsiutit taamaaginnarnissaat akuerisinnaanagu B-p ilisimatissimavaatit. Tamatuma kingor-

na pissutsit pitsaanerulersimannimmata soraarsinneqarnissat inassutigineqarpoq.

Suleqatigiinnermi ajornartorsiuteqarnerup saniatigut pisinnaasavit amigarnerat soraarsitsinermut aamma tunngaviuvoq. Tamatumunnga atatillugu pisimasut tallimat B-p innersuussutigai:

1. Z-p kigutileriffiani suligallaravit meeqqap kigutaata 26 (6+) putullip qanoq iliuuseqarfiginissaa pillugu B aperisimavat. Kigut taanna peerniarlugu eqqarsarsimagaluarpuit. Tamatuma saniatigut kigutip 36 (-6) tamorrataasup qernertilluni allanngoriartulernera apeqqutigisimavat, isumaqaravit kigut taanna ilaartorneqassanngitsoq. B-p ilagalutit takusaagami paasivaa kigut 26 (6+) ilaartorneqartussaasoq taamatullu pisariaqarpat manngua aamma suliassaasoq. Kigut 36 (-6) putoqalersimavoq. Matumani kigutit nappaataat ajornanngitsumik aalajangiiffigissat pineqartut illit kigutit nakorsaattut misilittagalittut ajornartorsiutigisimavatit.
2. Kigutileritittumi allami kigutip 21 (+1) nalaani pullattoq 18/3-2005-imi suliarineqarpoq. Kiguserisorli 23/3-2005-imi B-mut takkuppoq assut kiguseraluni. Kigutip suliarineqarsimasup ammarnganut gasi manngussuunneqarsimavoq. Kigutip suliarineqarsimasup taamatut ammatiinnarneqarnera pissussisamisuuungiilaq. Tamanna kigutit nakorsaattut misilittagalittut ilisimasariaqaraluarpat.
3. Kigutaarsinermut ilinnit suliarineqarsimasunut atatillugu arlallit ajornartorsiutaarsarsimapput, tassami assersuutigalugu kigutaarsinerit eqqortumik suliarineqartarsimannimmata – matumani immikkut isiginiarneqarpoq kigutileritittumut akornusiisorujussuarmik kigutaarsiniarsarisimanerit, tassami kigutaarsiniarninni kigut napsimammat. Kigutit nakorsaattut tamakkua eqqortumik naliliiffigisinaasariaqaraluarpatit.
4. Nammineerlutit suliamik aallartitsillutillu nammineerlutit suliaqarnissat ajornartorsiutigat, tamannalu kigutileriffimmi ulapiffiusumi minnerpaamilluunniit akuerineqarsinnaanngilaq. Misilittakkatit malillugit nammineerlutit suliaqarsinnaanissat naatsorsuutigineqartariaqaraluarpoq.
5. B isumaqarpoq suliffiup nalaani sulinissarnik ilisimatissallutit, tassunga ilanngullugu sunik suliaqarnissannik oqaluttuutissallutit pisariaqanngikkaluortoq.

Qulaani taaneqartut tunngavigalugit soraarsinniarlutit Aqutsinermut Pisorta qarfik aalajangerpoq.

Illua'tungiusup isumaanik tusarniaanermi Dansk Tandlægeforeningip akissutai qarasaasiakkullu allagai 25. maj 2005-imeersut Aqutsinermut Pisorta qarfiup tiguai. Tamatumunnga atatillugu ilisimatitsissutigineqassaaq akerliusoqaraluartoq soraarsitsineq Sinerissamut Aqutsisoqarfiup aalajangiusimammagu. Aamma Aqutsinermut Pisorta qarfiup illua'tungiusup isumaanik tusarniaanermi tunngavilersuutitut oqaatigisai qulaanilu taaneqartut aalajangiusimaneqarpat.

Inassuteqaammut atatillugu Aqutsinermut Pisorta qarfimmut ilisimatitsissutigisami eqqortuunerat B-p aalajangiusimavai. Aamma Sinerissamut Aqutsisoqarfik malillugu illit pillutit X-ip kigutileriffiani sulisut oqaaseqaamminnik aalajangiusimanninnerat innersuussutigineqarpoq. Tamanna suliamut annertuumik pingaarutilittut Aqutsinermut Pisorta qarfiup isumaqarfigaa.

Piffissat suliffiusussat eqqarsaatigalugit suleriaaseq nutaaq pineqanngilaq, tamakku ilisimasariaqaraluarpatit kigutileriffiup allagarsiivianit aamma ersermata.

Tamatuma kingorna 2005-imi junip naanerani soraarsinneqarnissat ullumikkut aalajangiunneqarpoq.

Piffissami soraarniuteqarnerpit nalaani suliunnaarallartinneqarputit.

Namminersornerullutik Oqartussat ataanni atorfinitsitaaninnut atatillugu inissiami ilinnut innersuussami najugaqaruit atorfinitsitaanerit taamaatinneqarniariarpat init qimattussaataitavat.

...” (Atorfeqarfimmi nutsigaavoq)

Aqutsinermut Pisortaqarfimmut 14. juli 2005-imi imatut allappunga:

"Dansk Tandlegeföreningip kigutilerisoq A sinnerlugu naammagittaallioortup naammagittaalliuutaa, assilineri ilanngullugu nassiuunneqartoq, Ombudsmandip 7. juli 2005-imi tiguaa.

Naammagittaalliuut imatut paasivara A-p soraarsinneqarnera naammagittaallioortup naammagittaalliuutiginiaraa.

Naammagittaallioortup saaffiginnissutaa misissuinermik aallartitsinermut pissutigissallugu naammannersoq naliliinissannut suli tunngavissaqanngilanga. Taamaatumik Aqutsinermut Pisortaqarfik qinnuigaara mappi allagaatinik A-mut tunngasunik imalik, pisortaqarfiup j. normua ..., atukkiutequllugu.

Suliaq suliarilerniarlugu Ombudsmandi aalajangerpat Aqutsinermut Pisortaqarfik tamatuminnga ilisimatinneqarumaarpoq."

Aqutsinermut Pisortaqarfiup mappiutaa allagaatinik A-mut tunngasunik imalik 18. juli 2005-imi tiguara.

A-p suliami illua'tungiusutut isumaanik tusarniaavigineqarnera, Dansk Tandlegeföreningip suliami illua'tungiusup isumaanik tusarniaarnermut akissutaa kiisalu soraarsitsineq pillugu allakkat qulaani issuarneqartut sarniatigut mappimi allagaatinik imalimmit tassangga makku erserput:

A-p atorfinitsinneqarnerani allakkiaq, tassanggalu erserluni A ...-mi Z-ip kigutileriffiani inissisimagallarluni nunap immikkoortuani kigutilerisutut 1. februar 2005-imi atorfinitsinneqartoq.

B-p Sinerissami Aqutsisoqarfimmut allagai ullulerneqarsimanngitsut, 16. marts 2005-imi tiguneqartutut naqissuserneqarsimasut. Taakkunanga makku erserput:

"Pineqartoq: Kigutit nakorsaat A, ...:

Sulisup suliami allagaataanut ikineqassaaq/inaalinnegassaaq.

Kigutit nakorsaat A Z-ip kigutileriffiani 1. februar 2005-imi atorfinitsinneqarpoq. Sulileqqaarneraniilli ajornartorsiutit arlaliusimapput aamma suleqatigiinniarnikkut ajornartorsiutit. A manna tikillugu X-ip kigutileriffiani 1. marts 2005-imiit immikkoortotami kigutilerisutut inissisimavoq. Aallaqqaammulli arlaleriarlunga oqaloqatigisarsimavara, uangalu paasinninnera malillugu oqaatsikka assut paasiuminaatsitarsimavai, aammalu kigutileriffiup iluani malittarisassat atuutsinneqartut maliniarnissaat ajornartorsiutigisarlugu. Tamatuma pileriartornera ingasatsikkiartorsimavoq.

Tunuliaqutaa:

\* A uialu ...-suusoq inissaannik tunineqarput (...-mi).

F, kigutilerisut pisortaat niuerniaqqullugu inilu taanna pequsersoqqullugu qinnuigisimavara. Tamannalu pivoq pequtinik ...-meersunik. Pequtit/igaffimmi atortut al-



lallu taakkua kigutileriffiup pigisarai! A-p apereqqaarnanga pequtit taakkua tamangajaasa utertissimavai namminerlu allanik pisiniaqqissimalluni, (dkk. kr. 1.305.60) ilaatigut qarasaasiamut nerrivik, allaffimmi ilisivik, inimullu akunnequtissaq, uia angerlarsimaffimmi sulisartussaammatt! Nalaasaarfik A-p siusinnerusukkut utertissimavaa, inimi sinittalersimagami. Uiata maannakkut sinittarfik angerlarsimaffimmi suliffissatut aaqqissuussimavaa, qularnanngitsumik kigutileriffiup aningaa-saatai atorlugit. Ini mikivallaarnerarlugu assut naammagittaalliutigisarpaa. A ullumikkut uanga pingasunik initalimmik initaarnissaanut INI-mut allatsippara.

\* Sapaatip akunnerani 6-imi, pingasunngorneq 9/2 nalunaaqutaq 14.55 A atisani taarsersimallugit nammattagalerluni angerlalersoq naammattoorpara. Sulisut tamarmik suliffeqarfimmi "X-imi kigutileriffimmi sulisunut nutaanut malittarisassat"-nik ilisimatineqarnikuupput, ilaatigut uanniit ilaatigullu allagarsiinikkut.

A sumunnarniarnersoq aperaara. Ilisimatippaanga – "Angerlarniarbunga!"

Malittarisassat atuutsinneqartut pillugit ilisimatippara, nalunaaqutarlu 15.45 tungaanut maaniissasoq! A uteqattaarivoq ANGERLALERLUNI ... ANGERLARNIARLUNI! "Sinerissamimi tamarmik taamaattarmata!". Aammaarlunga A ilisimatippara suli suliffimminiikkallassasoq, ilaatigut kingusiartunik passussinissaminut periarfissaqarmat, aqagumut suliassat piareersarlugit, allaffissornikkut suliassat suliarlugit il. il. kisianni angerlarnani! A sukannerniarsarivoq sivirusumillu torsuusami nipituumik nillialluni, sulisut tamarmik iniminniik torsuusamut alakkartertittuinnanngorlugit, kigusiartut tunumut qiviartarput susoqarneralu alaatsinaallugu. A nalunaaqutaq 14.55-imiit nalunaaqutaq 15.35 tungaanut taamaalliorpoq paatsiveqarpiannngitsupilussuarnillu akiorniarsaralunga. Eqqarsalerbunga immaqa A su-mik arlaannik ajoquteqartoq. J aamma sianerfigaara pisoq pillugu oqaluttuunniar-lugu.

\* A namminiinnaq piumasaminik iliortarpoq. Ulloq 22/2 ilisimateqqaarnanga X-ip kigutileriffia isumaqatigiissuteqarfigisimavaa ... tasamunga ornillugu aallannginnermini oqaloqatigiartorniarlugu. Apereqqaarnanga nammineerluni isumaqatigiissuteqartarpoq, taamaattumillu eqqortuusuppat suliffimminiit peqanngissimasutut naatsorsuunneqartussaagaluarluni. Qanoq pisoqarnera paasivara oqaluullugulu suliffimmiit qimagussimanissani pilersaarusiortariaqaraa tamannalu ilisimatitsissutigalugu uanniillu akuerineqarluni.

Tamatuma saniatigut suliaminik aallussinera isiginiarsimavara, taamaalluni iserfigaanga meeqqallu kigutaa 26 (+) putulik qanoq pissanerlugu aperalunga, kigut taanna "peerusuppa" allattuivoq kigut 36 (-) tamorraseq qerbertikkiartortoq, isumaqarlunili taanna ilaarneqassanngitsoq. Sullivanut iseqatigaara ikiorniarlugu. Nassuiaappara kigut 26 (+) qillissagaa ilaartorlugulu, manngualu suliassaappat tamanna suliarissagaa, kigut 36 (-) putujartulersimavoq, tamatuma saniatigut kigusiartup kigutai ajunneqaat.

Kigutit qanoq issusiannik naliliisinnaaneq?

Aammattaq pilattaanerit kigutaarsinnermik kinguneqarsimasut.

Suleqatigiinniarnikkut ajornartorsiutit pillugit; X-ip kigutileriffiani kigutigissaasoq C A-mut inissinneqarpoq. C-p kigutigissaasutta pikkorinnerit ilaata A-p suliffittaamini ikiortigissaarluni aallartilluarnissaa pillugu ikiortussaavaa.

C nalunaarpoq maannakkut X-ip kigutileriffiani sulerusukkunnaarluni, A pissutigalugu.

Isumaqarbunga A-p nammineerluni suliassaminik aallartitsinissani ajornartorsuutigigaa, kigutileriffiup iluani angalaarusaarsinnaasarpooq suliaqarpiarnani, suliaqaaq-qullugu oqarfigisariaqartarsimavara.



Sulisuniit nalunaarusiamik tigusaqarpunga sulinngiffeqarnerma nalaani februa-rip/martsip qaammataanni nukinginnartunik tiguserusunneq ajorsimavoq! Sulisuniit kigutigissaasullu aqutsisuniit inaarutaasumik nalunaarusiami X-ip kigutileriffiani "arpaluaqilluni ingasattajaarluni nilliasimavoq", sulisut allatut ajornartumik uanga maaniinnginnama F nalunaarfignisariaqarsimavaat.

Uteqqikkama A oqarasuaatikkut oqaloqatigeqqippara, erseqqissaavigalugulu tassa naammalersoq, massakkorluinnaq pissutsini iluarsitinnigippagu ...-mi kigutileriffimmi ingerlaannaq suliunnaaqullugu. Pissutsit nalunaarsorpakka. Naggataagut oqaatigissavara pisut arlaatigut immaqa sumik tunuliaqutaqaraluartut A-p ajornartorsiutigisaanik uanga ullumimut ilisimanngisannik." (Atorfeqarfimmi nutsigaavoq)

...mi kigutileriffimmi atorfinerlaanut tunaartarisassiaq, 1. september 2004-mi suliarineqarsimasoq. Tassannga makku erserput:

" ...

Piffissat suliffiusussat:

1. Ulloq suliffiusoq nalunaaqutaq 08.00 aallartittarpoq. Kigutilerinermik sulineq nalunaaqutaq 15.00-ip tungaanut ingerlasarluni. Tamatuma kingorna allaffissor-nikkut suliasat, pilersaarusiorneq allallu suliarineqartarput. Sulisut siusinnerpaamik nalunaaqutaq 15.45 angerlartarput. Ullaakkorsiorneq 09.30-09.50 akornanni pisarpoq. Ullup qeqqasiorneq nal. 12.00-12.30 akornanni pisarpoq.

"..."

B-p A-mut mianersoqqussummik tunniussineq pillugu allagai 17. marts 2005-imeersut (Aqutsinermut Pisorta qarfiup allagaani 6. oktober 2005-imeersuni oqaatigineqarpoq mianersoqqussut taanna atorunnaarsinneqarsimasoq). Taakkunangga makku erserput:

"...-mi kigutileriffimmi atorfinitsinneqarnerpit kingornatigut arlalinnik ajornartorsiuteqarsimavoq, taakkulu makkununga tunngapput: Suleqatigiinnermi ajornartorsiutit, atorfinnut atatillugu sulininni pissusilersornikkut ajornartorsiutit aamma qullersarisat aperinagu tassanngalu akuerineqarnak iliuseqarsimanerit.

Allakkanik Sinerissami Aqutsisoqarfimmi suliamut ilinnut tunngasumut ilisassamik nassiuvsivunga, Sinerissamilu Aqutsisoqarfik ilisimatinneqarpoq. Kigutilerisut pisortaaf F oqaloqatigaara, aalajangiineralu taassuma akueraa.

Manna tassaavoq erseqqissumik mianersoqqussut, ajornartorsiutit imaaliillaannaq unitsinneqanngippata, pissusilersornerlu pitsanngortilluinnarneqanngippat ...-p kigutileriffiani sulinerit unitsissavat.

Mianersoqqussut pasilliutinik makkuninnga tunngaveqartinneqarpoq:

...-p kigutileriffiata ...-mi utaqqiisaasumik inissiamut pequtit pissiarisimavai. Pequtit taakku ...- kigutileriffiata pigai, illit piginagit. Sofa teqqeqqumut inissittagaq sofap nerriveerartaa, igaffimmi issiaviit il.il. akuerineqarnak utertissimavatit. Issiavissuup ornavaffillip utertinnissaanut akuerineqarsimavutit, allamik naamik. Tamatuma kingornatigut allanik pisisimavutit (nerriveeraq TV-p allequtaa, akunnequtissaq, qarasaasiamut nerriveeraq, allaffimmi ilisiviit uivit angerlarsimaffimmi allaffianut pisiarisimavatit) taakkulu pisiarinerat uppersarlugu atsiorsimallutit.

X-ip kigutileriffiani sulilinninninni pilersaarusiorsimavutit tassanilu ataatsimiinnissaq isumaqatigiissutigisimallugu - uanga apereqqaarnanga - tamatumalu ki-

ngunerisimallugu suliffinniinginnerit. Sapaatit akunneranni 6-imi suliffinnut naleqqutinngitsumik pissusilersorsimavutit, suaartarlutit eqqissiviillioortitsillutillu, naammassiguit angerlarniarlutit (14.55). Oqaatigisakka paasisimangilatit tusaaniarsimanagilluunniit, 15.35-llu tungaanut eqqissiviillioortitsillutillu suaartarsimallutit.

Tamanna X-ip kigutileriffiani aamma pisimavoq, sulisut paasisutissiisutaat mallillugu, tassalu februar/martsip qaammataani sulinngiffeqarnerma nalaani nukinginnartumik suliarisariaqarlutit takkuttut suliariumasimangilatit - taamanilu kigutilerisut pisortaat F akuliutsinneqarpoq. Kigutilerisunut ikiorti C illit pissutigalugit X-ip kigutileriffiani suliumajunnaarsimavoq.

Pissutsit tamakku sukkuulluunniit akuerineqarsinnaanngilluinnarput. Manna tasaaavoq ilinnut periarfissaliunneqartoq kingulleq." (Atorfeqarfimmi nutsigaavoq)

X-ip kigutileriffiani sulisut allagaat 21. marts 2005-imeersoq, taakkunanngalu makku erseerput:

"X-ip kigutileriffiani sulisut A-p suleqatiginerani ajornartorsiuteqanngillat. Tasannaannaq ajornartorsiuteqalersillugu ikiorumangittarsimangilaatigut." (Atorfeqarfimmi nutsigaavoq)

Allakkat taakku inunnit sisamanit atsiorneqarsimapput.

A-p B-mut allagai 22. marts 2005-imi ullulerneqarsimasut. Taakkunannga makku erseerput:

"Soraarsitaasinnaanermik 17.03.05-imi mianersoqqussummut akissut

...-mi inigisanni pequtit taarserneqarsimanerat uparuarneqarpoq. Pequtinik taarsiineq uiga ilagalugu Z-mi kigutileriffimmut marloriarlunga saaffiginnikkut pequtit taarserneqarnissaannik kissaatima kigutit nakorsaasa pisortaata akuersineratigut pivoq.

X-ip kigutileriffia pillugu, ulloq 18.02 kigutit nakorsaasa ataatsimiinneranni isumaqatigiippugut, ataatsimeeqataasunit uppersarneqarsinnaasumik, sapaatit akunneranni 18-imi X-ip kigutileriffiata tigunissaanut atatillugu ataatsimiigiaqqusissasunga. Nunap immikkoortuani kigutit nakorsaasa pisortaat ataatsimiinnermi peqataannissaanik kaammattorpara, tamannali soqutigineqanngilaq. Taamaattumik nunap immikkoortuani kigutit nakorsaasa pisortaata nalusaanik suliffiga qimallugu aningilanga, kisiannili isumaqatigiissutaareersumut X-ip kigutileriffianut sapaatip akunnerani tulliuuttumi tigusassannut ataatsimiigiarlunga piareersarnissara kigutileriffimilu pissutsit nutaat iserfiginissaat siunertaralugu.

Kigutileriffimmi piffissaq suliffiga eqqarsaatigalugu nalunaaquttap 15.45-p tungaanut suna pillugu kigutileriffimmiittassanersunga erseqqissaavigineqarnissara kissaatigisimavara, tassami ...-mi Kalaallit Nunaatalu sinnerani kigutit nakorsaasa kigutileriffimmi sulinertik nalunaaqutaq 15.00 taamaattarmassuk. Nassuiaanneqanngilanga taamaallaalli peqquneqaannarlunga, tamannalu eqqumiigaara. Tamama saniatigut oqaatigineqarpoq sapaatip akunnerani 6-imi pisimasoq, tassalu nakorsap tunniussai nakorsaatit napparsimmaviup iisartagaleriffianut nalunaaqutaq 16.00 matusartumut piffissaagallartillugu aallersinnaanissannut itigartitaanera. Oqaatigineqartut X-ip kigutileriffiani kigutileritikkasuartussanik itigartitsisoqanngilaq, tamannalu sulisunit uppersarneqarsinnaavoq, tassami kigutilerisassagut pitsaanerpaamik sullinneqarnissaat anguniagarigatsigu.

X-ip kigutileriffiani suleqatigiinneq pitsaalluinnartuuvooq, tamannalu sulisunit aamma uppersarnarsarneqarsinnaammat, C-p tassani sulerusunniginneranut tunngavilersuutai pissutsinik allanik tunngaveqarsimassapput. Soorunalimi sapinngisamik suleqatigiilluarnissamut soqutiginnippunga ...-mi kigutilerinermi suliasat pitsaarnepaamik naammassineqarnissaat pillugu." (Atorfeqarfimmi nutsigaavoq)

...-p kigutileriffianni, ...-p kigutileriffiani kiisalu ...-p kigutileriffiani pisortat pingasut B-mut allagaat 22. marts 2005-imeersut, taakkunangalu makku erserput:

"A-mut mianersoqqussutivit suussusia, nipaa imarisaalu paasisinnaanngilluinnarpagut.

"Pasilliutit"/oqaatigineqartut soorpianngitsoorpasipput, naammagittaalliuutitullu taaneqartut ilaat ataaseq ilumoortumut paarlangalluinnartuulluni.

Kaammattuutigissavarput mianersoqqussutitut tunniunneqartoq utertinneqassa-soq, A-lu "suliamut" ajuusaarnartorujussuarmut atatillugu utoqqatserfigineqassasoq. (Atorfeqarfimmi nutsigaavoq)

...-p kigutileriffiani, ...-p kigutileriffiani kiisalu X-ip kigutileriffiani pisortanut pingasunut B-p allagai 23. marts 2005-imeersut assigiinnik oqaasertaqartut. Taakkunanga makku erserput:

"Isumaqaarpunga ...-p kigutileriffiani sulisoqarnikkut pissutsinik tamanna soqutiginninnerput ajunngilluinnartooq. Paasinngisarali unaavoq mianersoqqussutisaa A-mit namminermit akineqarnani soq ilinnit akineqarnersoq? Immikkut pissutissaqaraangat mianersoqqusisoqartarpoq, allamik naamik, isumaqaarpunga tamanna tamatta paasilluinnartariaqaripput. "Pasilliutit" suut soorpianngitsoorpasinnerannik ilinnit paasitinneqarusuppunga. "Naammagittaalliuutitullu taaneqartut" ilaat sorleq illit paasinninnerit malillugu ilumoortumut paarlangalluinnartuua? Apeqqutit taakku sapinngisamik piaarnerpaamik akeqqakka. Z-imilu kigutileriffimmut nassiuteqqakka. Aammalumi A-p mianersoqquneqarnera ataatsimut isigalugu sulisunut oqaloqatiginnissutiginiangilara." (Atorfeqarfimmi nutsigaavoq)

Kigutilerisut 29. marts 2005-imi ataatsimiinnerat pillugu imaqaarniliaq, tassannangalu makku ilaatigut erserput:

" ...

Ataatsimiinneq tujorminartorujussuarmik aallartinneqarpoq, A-p mianersoqquneqarnera ...-p ...-llu akissutaat pillugit puffassimaartumik oqallinnertalimmik, taassumalu oqaluuserisassanut ilanngullugu oqaluuserineqarnissaa isumaqatigiissutigisimavarput.

...

d) X-imi immikkoortortaqaarfimmi pisortatut atorfik apeqqutigineqarpoq. B oqarpoq taanna inuttaqanngitsoq, A-lu immikkoortortaqaarfimmi pisortatut atorfeqartitaanngitsoq. Kigutit nakorsaasa allat tikkuarlugu oqaatigaat immikkoortortani kigutit nakorsaat, aalajangersimasumik atorfeqartitaasut taartaasartullu atorfeqartitaasut, immikkoortortani pisortatut atorfeqartitaasarnerat ukiuni 15-imi kingul-lerni ileqqusimasooq. B-p oqaatigaa immikkoortortami pisortatut atorfeqartitaasagaanni tassunga "naleqquttuusariaqartoq", A-lu taamaattuunngitsoq.

- ...
- f) ...  
 B isumaqarpoq ...-mi kigutilerineq pisortatut atorfimmi atorfininnermi kingorna-tigut pitsaanerusementumik ingerlalersimasooq, ...-llu kigutileriffiani aaqqissuussisi-malluni, tassalu "pitsaasumik eqqortumillu", misigisimanerarlunilu ...-mi kiguti-leriffimmi tamanit tapersorsorneqarluni, kigutit nakorsaata eqqaassanngikkaanni. Kigutit nakorsaata oqaatigaat B-p suleqatiginiarnera ajornartorsiutaasooq, taassu-malu tusaaniartanngikkaatik.  
 ...." (Atorfeqarfimmi nutsigaavoq)

Kigutilerisut pisortaata F-ip A-mut allagai 29. marts 2005-imeersut. Al-lakkanit taakkunannga makku erserput:

"Pineqartoq: Nunap immikkoortuani kigutilerisut pisortaata B-p mianersoqqussu-taa.

Mianersoqqussummut qisuariaatit allakkatit 22.3.2005-imeersut tiguakka. Ua-nga - kigutilerisut pisortaattut - suliaq pillugu ataasiakkaanik oqaaseqaatissaqarpu-nga.

Nalunaaqutaq 15.45-p tungaanut kigutileriffimmiinnissat tupigusuutigaat. Ta-manna aamma eqqortuunngilaq, tassami nalunaaqutaq 16.00-ip tungaanut kigutile-riffimmiittussaagavit.

Isumaqatigiisummit erseqqilluinnartumik takuneqarsinnaavoq piffissaq suliffiu-sartooq sapaatip akunneranut nalunaaquttap akunnerinik 40-nik sivisussuseqartoq, ul-lullu tallimat suliffiusarmata ullormut nalunaaquttap akunneri arfineq pingasuullu-tik.

Suleqativit kigutileriffimmi sulinerminnit nalunaaqutaq 15.00 soraartarnerannik tunngavilersuinerpit nalunaaqutaq 16.00-ip tungaanut sulisussaanerit allanngortin-gilaa.

Kigutilerisup kialuunniit kigutileriffik nal. 16.00 nallertinnagu qimassanngilaa.

Kigutileritikkasuartussanik tigusiumannginnerit eqqarsaatigalugu immaqaa eq-qaamavat Z-ip kigutileriffiani sulisunit attaveqarfigineqarama, tassami piffissami B-p sulinnigiffeqarfigisaata nalaani kigutileritikkasuartussanik tigusiumasimannginna-vit. Aatsaat uannit oqaloqatigineqareerlutit kigutilerigasuaqassat pisariaqartut tigu-nissaat akueraat.

...mi pequtinik allanngortiterinerit eqqarsaatigalugu ilinnut malugeqquniarpara pequtit taakku ilinnut pisiaanngimmata, inissiamulli pineqartumut pisiaallutik; taa-maattumillu taakku illit allanngortissinnaanngilatit - pingaartumik uivit angerlarsi-maffissinni suliffianut atugassanik taarserniarlugit, uiimmi atorfeqartitaasumut aap-paasutut uatsinnit isigineqarmat. Tamanna sioqqullugu illit B-lu qanoq oqaloqati-giissimanersi tamatumani apeqqaanngilaq, tupigissavarali ...mi pequtinik allan-ngortisinissat B-p akuerisimassappagu.

Isumaqarpunga iliuuserisartakkanni pissutsit arlallit ilaasut akuerineqarsinnaan-ngitsut, piffissarlu suliffiusartooq pillugu suliaq kisimiilluniluunniit uanga paasinin-nera malillugu mianersoqqusinnissamik pissutissaqalersitsivoq." (Atorfeqarfimmi nutsigaavoq)

A-p allakkatigut 5. april 2005-imi mianersoqquneqarneranik B-p Sine-rissami Aqutsisunut allagai. Taakkunannga makku erserput:

"Pineqartoq: Allakkatigut mianersoqqussummik 5/4 2005-imi nal. 13.00 tunnius-sineq pillugu ilisimatitsissut imaqarniliarlu.

Najuuttut: B, A, A-p uia aamma G.  
260145-1320  
A nunap immikkoortuani kigutilerisoq  
X-ip kigutileriffia  
...

A 29/3 nal. 15.00 uannit toqqartumik ilisimatinneqarpoq 30/3 nal. 15.00 ataatsimeeqatiginiariga. A 30/3 napparsimalluni nalunaarsimavoq. Piffissaasuaneq pissutigalugu ataatsimiinnissaq taanna 31/3 nal. 15.00-imut nuunneqarpoq. A suliffimmini faxikkut tamatumunnga ilisimatinneqarpoq. A 31/3 napparsimalluni nalunaarsimavoq. 1/4-mi aamma napparsimalluni nalunaarsimavoq. A 4/4-mi nal. 13.00-imut nu-taamik piffissalerneqarpoq, suliffimmini faxikkoortumik. A suliffianut ulloq taanna (4/4-mi nal. 9.30) sianerfigaara ataatsimiinnissamut piffissaliunneqartoq eqqaasit-sissutiginiarlugu. - Nal. 13.00 isumaqatigiissutigineqartut "aggerumangilaq!" - "piareersarsimanginnami", oqaloqatigiuminaatsorujussuavoq, nipangerpiassanani-lu oqaluinnavilluni. Oqarpoq suliffimminut faxiutigisara tigusimanagu, aamma F-ip akissutitut allagai 29/3-2005-imi ullulerneqarsimasut tigusimanagit.

Piffissamik nutaamik uannit oqarasuaatikkut tunineqarpoq, 5/4-mi nal. 13.00. G 5/4-mi sianerpoq, aperalunilu ullumikkut nal. 13.00 ataatsimiinnermut A ilagalugu takkukkuni ajunnginnersoq. Tamanna ajunngilaq. G nal. 11.00 sianerpoq aperaluni-lu nukinginnartumik pilersaarut/kigutilerigasuagassaq pissutigalugu ataatsimiinnis-saq taamaatinneqarsimasoq - taamaattoqannngilaq - taamaattoqassagaluarpat piffis-saq nallertinnagu uannit ilisimatinneqarsimassagaluarput.

Ataatsimiinneq/imaqarniliaq: 13.05, 5/4/2005. Uannit paasissutissat 30/02/2005-imi ullulerneqarsimasut A-mut saqqummiunneqarput, mianersoqqussummullu pis-sutaasut pillugit oqaaseqaateqarnissaminut periarfissinneqarluni. A uini ilagalugu aamma takkuteriataarpoq.

A-p akissutaa imaappoq:

Isumaqarpoq apeqqutikka mianersoqqussutillu imaa pillugu akissuteqareersimal-luni. Ullumikkut annertunerusumik akissuteqarumangilaq. A oqarpoq "suleqati-giinnermi pilersaarussiaq" suliarissagiga, imminut saqqummiunneqartussaq, "isu-maqatigiissut" naapertorlugu, pineqartup/taakku "isumaqatigiissut" suna pineqar-nersoq akisinnaangilaat. A-p sunaluunniit atsiorumangilaa! A aamma nipitooru-jussuarmik unissananilu oqaluppoq, oqalunnerminilu nateq kisiat nakkullugu. Ta-matuma oqaloqatigiinniarnaq ajornakusoortorujussuannngortippaa. Tunuarsimaarlun-ga suliamut tunngasuinnaat samminissaat toqqarpara, qanorli isumaqarnersoq paa-sinnaanagu.

Tassunga akissutiga unaavoq ullumikkut qanoq iliuseqarfigeqqissinnaangik-iga, ataatsimiinnerlu 13.28 inerneqarpoq." (Atorfeqarfimmi nutsigaavoq)

B-p A-mut allagai 30. marts 2005-imeersut. Allakkanit makku erserput:

"Pineqartoq: Oqaloqatigiinnermut atatillugu allakkatigut 31/03/2005-imi mianer-soqqussummik tunniussineq:

...-mi kigutileriffimmi atorfininnerpit kingorna arlalinnik ajornartorsiuteqartarsimavoq, tamakku suleqatigiinniarnikkut ajornartorsiutinut, atorfigisanni pissusilersuutivit ajornartorsiutaaneranut ittorisallu apereqqaarnagu akuersiteqqaarnaguluunniit aaqjissuussisarninnut tunngasuupput.

Siusinnerusukkt Sinerissami Aqutsisunut illit sulisunut suliamut allagaatinut allagaqaasiamik 17/03/2005-imik ulloqartumik nassiussaqaarnikuuvunga Kigutit nakorsaanerat F aamma ilisimatinneqarpoq.

Kigutit nakorsaanerat F ataavartumik oqaluuttarpara, aalajangiininnut akuersisuusq. F-ip aamma akisummik nassissimavaatit 29/03/2005-imik ullulerneqarsimasunik ilinnut allakkani 22/03/2005-imik ulloqartunik, ...-mi kigutileriffimmi nunap aggornerani kigutileriffiup immikkoortortaani pisortatut uannit allakkatigut mianersoqqussummik tunineqarninnut qisuariaateqarsimanerit pillugu. Taanna tassavoq allakkatigut mianersoqqussut, ajornartorsiutit iluarsineqanngippata pissusilersuutillu tamarluinnarmik 15. april 2005 tikitsinnagu pitsanngortinneqanngippata atorfinitsitaanerit eqqarsaatigalugu tamanna ingerlaannassanersoq naliliivigineqasaaq.

Mianersoqqussutit taassuma mianersoqqussut siulleq tunniunneqartoq assigaa, ullumilu 31/03/2005-imi oqaloqatigiinnermi pissutsit makku eqqartorneqarput:

...-mi kigutileriffik ...-mut utaqqiisaagallartumik inigisamut pequtinik pisisimavoq. Pequtit taakkua ...-mi kigutileriffiup pigivai, inimullu pineqartumut tunngasuullutik. Paasiniaaqaarnak sofa teqeqqumiittartoq, inimi nerri vik nerisarfup issiavii il. il. utertissimavatit. Issiavissuup utertinnissaanut uannit akuerineqarputit allamik naamik. Tamatuma kingorna niuerniaqqissimavutit (tv-mut nerri veraaq, inimut akunnequtissaq, qarasaasiamut nerri veraaq, allaffimmi ilisiviit uivit angerlarsimaffimmi sulinermini atugassai) taamalu niuertarfimmi taakkua atsiorlugit. ... 29/03/2005-imi attavigisimavara taanna isumaqarpoq assut pissusilersornerlussimasutit, tassanilu aamma mersernasaarsimallutit, ...-mi kigutileriffiup "avammut kiinnertarneranut" pissusilersorneq tamanna soorunalimi akuersaarneqarsinnaanngilaq. X-ip kigutileriffiani sulilinninninni nammineerlutit pilersaarusiorputit tassungalu pulaarnissat isumaqatigiissusiorfigalugu, tamanna uanga siumut apereqqaarnanga pivog, tamanna illit suliffinni peqanngiffeqarnernik kinguneqarpoq. Sapaatip akunnerani 6-imi qaqugu angerlarnissat pillugu (14.55) pissuserissaarpallaarnak torsuusami nilliallutillu perulluorsimavutit. Ilisimatitsissutigisara paasinalugulu tusaanngilat perulluuginnaavipputit nilliallutillu "angerlarniarlutit!" nalunaaqutaq 15.35-ip tungaanut.

Tamanna kiisalu sulisunit paasissutissiinerit malillugit aamma X-ip kigutileriffiani uanga februar/marts qaammataanni sulinnngiffeqarnerma nalaani pisimasut eqqarsaatigalugit, kigusiartunik nukinginnartumik suliarisarialinnik tiguserusuttarsimannginnitit, taamanikkut kigutit nakorsaanerat F akulerutsinneqarpoq illillu aamma oqarasuaatikkut oqaloqatigalutit. Kigutigissaasoq C illit pissusilersuutitillu pissutigalutit X-imi sulerusukkunnaarpoq, maannakkullu nammineq kissaateqarneratigut ...-mi kigutileriffimmut nuutsinneqarluni. Aamma sulisut allat oqarasuaatikkut 23-03-2005 aamma 29-03-2005 oqaloqatigaakka (D oqaaseqartartoq) assut nuanniilluutigigaatsit nuanniitsumillu sunnuteqarsimasutit aqutsillutillu. Pisut tamakku arlaannaatigulluunniit pissusissamisuumngillat akuerineqarsinnaanatillu." (Atorfeqarfimmi nutsigaavoq)

Allakkiaq 5. april 2005-imeersoq B-mit atsiorneqarsimasoq. Assilineria kigutilerisut pisortaannut F-imut kiisalu Sinerissami Aqutsisoqarfimmut nassiunneqarsimavoq. Tassanna makku erserput:

"Pineqartoq: A-mik ..., ataatsimeeqateqarneq:

Isumaqarluinnarpunga ajornartorsiutit ima ajortigilersut allaat akuersaarneqarsinnaajunnaarlutik, aammami ajornartorsiutit taakku atorfissaqartinngilagut. Nukissagut pingaaruteqarnerusunut atussavagut tassalu kigutileriffiup ingerlanneqarnerata kigutigissaanerullu siuarsaavigineqarnerannut, ajornartorsiutit taakku piffissamik nukinnillu annertuumik atuiffiusimapput. Aamma nalunngilara A-p pissutsini iluarsinnaanngikkaa. Taamaattumik uanga isumaqarpunga ...-mi kigutileriffimmi siunissami sulisinnaanngitsoq." (Atorfeqarfimmi nutsigaavoq)

B-p aamma kigutit nakorsaasa pisortaata F-ip e-mailikkut allagarisarsimasaat, tulleriinneri malillugit 7. april 2005-imi aamma 8. april 2005-imi ullulernerqarsimasut:

"Hej F

Pineqartoq: Kigutit nakorsaata A

Paasissutissat/imaqarniliaq 5/4-meersoq alakkalaarisiuk (manna allaffiup iluani allakkat aqputigalugit ilissinnut nassiunneqarpoq).

Arlaleriarujussuarluni misiliisoqareersoq A oqaloqatiginnikkiartorluni/allakkatigut mianersoqquneqariartorluni takkuppooq. G ulloq taanna sianerpoq aperalunilu A ilagalugu takkukkuni ajunnginnersoq. Ajunngivippoq, tamanna pineqartup akuerip-pagu. G kingusinnerusukkut aamma sianerpoq ataatsimiinnissarluni taamaatinneqarsimanersoq apeqputigalugu.

Uia oqaloqatigiinnermut aamma takkuteriasaarpoq. Oqaloqatigiinnissamut periarfissaqaqngilluinnarpoq, tassami A nipitoorujussuarmik suaartaasaannarluni kipisuitsumik oqalummat. "Uanga Sinerissamilu Aqutsisoqarfik" sunik tamanik "pitsaasumik" iliuseqarsinnaannginnerarpaatigut.

Isumaqarpunga erseqqinnerusinnaanngitsoq.

A-p tungaanit sukkulluunniit suleqatiginnissamut piunassuseqarneq palleqqa-janngilarpulluunniit. Nalinginnaasumik oqaloqatigineq ajornarpoq. ...-mi kigutileriffimmi pineqartup suleqatiginnarnissaanut aaqqiissutaasinnaasunik takusaqarsinnaanngilanga. Sulilermallu suleqatigiit eqqissisimajunnaavissimapput, tamannalu soorunalimi akuerisinnaanngilarput. Piffissaq annertuallaq tamatumunnga atorsimavara, piffissaq nalinginnaasumik ingerlatsinermut atorneqartussaagaluaq.

A 1. februar 2005-imi atorfinitsinneqarpoq. Ullumikkut 2005-imi aprilip nagga-taata kingornatigut sulisorinissaa pileriginngilara. A-mik oqaloqateqaqqinnissaq imminut akilersinnaanngitsutut isigaara. A aamma suli (7/4-mi) sulinnigilaq. Ilissi ilisimatissavisiuk uangaluunniit ilisimatissavara? Isummernissarsi qujassutigereerlugu." (Atorfeqarfimmi nutsigaavoq)

F-ip akissutaa:

"Uanga paasinninnera unaavoq qaammatinik pingasunik piffissaqartitsinerup iluani soraarsinneqartariaqartoq - ajoraluarmik allamik aqputissaqarunannigilaq.

Ilimagaara eqqissiviillioortitsuaannassoq.

Soraarsitsineq pillugu suliaq illit ... aallartissinnaaviuk?" (Atorfeqarfimmi nutsigaavoq)

G ...-p kigutileriffiani pisortap B-mut allagai 11. april 2005-imeersut

Taakkunanga makku erserput:

"Pineqartoq: Uannut allakkatit 23.3.2005-imeersut (12.30) aamma 22. marts 2005-imeersut

A-mut mianersoqqussutit tulleriinneri malillugit ...-mi, ...-mi aamma ...-mi kigutileriffiit pisortaannit 22. marts 2005-imi oqaaseqaateqarfigineqarpoq.

Ataatsimut nalunaaruteqarneq taanna tunngavigalugu uanga inuttut kisimiillunga ataatsimoortut taakku sinnerlugit oqaaseqaateqarsinnaanngilanga.

Taamaattumik qinnuigisariaqarpakkit allakkat atsioqataasunut tamanut ingerlateqqullugit." (Atorfeqarfimmi nutsigaavoq)

Allakkat assigiinnik oqaasertaqartut, ...-mi ...-milu kigutileriffiit pisortaasa nassiussaat.

Sinerissami Aqutsisoqarfiup allaffissiaa atorlugu allakkiaq 11. april 2005-imeersaq, ...-p atsiorsimasaa. Tassanga makku erserput:

"Aqutsinermut Pisortaqarfimmut allakkiaq

Inassuteqaat uunga tunngasoaq ilanngullugu nassiunneqarpoq:

A, ...

Pineqartup ...-mi qitiusumik kigutileriffimmi nunap immikkoortuani kigutit nakorsaattut atorfimminit isumaqatigiissummi piffissaliunneqartoq malillugu soraarsinneqarnissaa matumuuna inassuteqaatigineqarpoq." (Atorfeqarfimmi nutsigaavoq)

Aqutsinermut Pisortaqarfiup "suliaq pillugu allakkiaa" 14. april 2005-imi ullulerneqarsimasoaq. Tassanga makku erserput:

"Pineqartoq: A-p nunap immikkoortuani kigutit nakorsaattut atorfimminit soraarsinneqarnera.

Aqutsinermut Pisortaqarfimmi inatsisileritooq ... oqarasuaatikkut nunap immikkoortuani kigutit nakorsaasa pisortaannut B-mut ...-mi Z-imi kigutileriffimmiittumut saaffiginnippoq, oqarfigalugu A-p soraarsinneqarnissaanik inassuteqaammut pissutaasoaq pillugu tunngavilersuuteqassasoaq.

B-p soraarsitsinermut tunngavilersuut suliariniarlugu ... neriorsorsimavaa." (Atorfeqarfimmi nutsigaavoq)

B-p Aqutsinermut Pisortaqarfimmut allagai 14. april 2005-imi ullulerneqarsimasut. Taakkunanga makku erserput:

"Qujanaq A pillugu 13.4.2005-imi oqarasuaatikkut oqaloqatiginninnut. Nassiuppakka pissutsit ullumikkumut sanilliullugit allakkiaat kissaatigisatit. Neriuppunga atorsinnaagitit.

A ...-mi kigutileriffimmi 1. februar 2005-imi atorfinitsinneqarpoq. Sulileqqaarneraniilli ajornartorsiutit arlaqarsimapput aammalu suleqatiginninniarnermik ajornartorsiuteqarluni. A massakkumuugallartoq X-ip kigutileriffiani 1. marts 2005-imit nunap immikkoortuani kigutit nakorsaattut inissisimavoq, ullumikkulli napparsimasutut nalunaarsimalluni. Oqaloqatiginiartarsimagaluarpara paasivaralu oqaatsikka paasiuminaatsittorujussuugai taamatullu kigutilerineq pillugu malittarisassat atuut-



tut malinnissaannut ajornartorsiuteqartoq. Soraarsitaanissaanik allakkatigut ilima-  
saarnissaanut oqaloqatiginissaanullu 31/3 nalunaaqutaq 15.00 aamma nalunaaqutaq  
13.00 aggersarneqarsimavoq, napparsimallunili. A 4/4 nalunaaqutaq 13.00 allakka-  
tigut aggersarneqaqqippoq, ulloq taanna nalunaaqutaq 09.30 kigutileriffimmut sia-  
nerfigaara aggermissaanik eqqaasinniarlugu – oqarporli ”aggerusunnani”-”piareer-  
sarsimanninnami!” A nutaamik aggerfissalerpara tassalu 5/4 nalunaaqutaq 13.00.  
8/4 A allakkatigut qinnuigaara nakorsap allagarsiuussaanik piuffigalugu suli nap-  
parsimasutut nalunaarsorsimammat kingusinnerpaamik tallimannorneq 15/4 akis-  
uteqaqqullugu/nakorsap allagarsiuussaanik aggiusseqqullugu.

5/4 2005-imi nalunaaqutaq 13.03-mit 13.28-mut ataatsimiinneq pillugu imaqarni-  
liamit tigulaagaq:

Ataatsimiinneq/imaqarniliaq: 13.03, 5/4/2005. Ilisimatitsissutit 30/03/2005-imi  
ullulersimasut A-mut saqqummiunneqarput soraarsinneqarnissaminullu ilimasaari-  
nermut pissutaasut isummerfiginissaannut akissuteqarfiginissaannullu periarfissin-  
neqarluni. A aamma takkuteriataarpoq uini ilagalugu.

A akivoq:

Isumaqarpoq soraarsitaanissamut ilimasaarutip imarisai uangalu apeqqutikka siu-  
sinnerusukkat akereersimagini. Ullumikkullu annertunerusumik akissuteqarusun-  
ngilaq. A oqarpoq isumaqatigiissummut naapertuuttumik ”suleqatigiinnissamut pi-  
lersaarusiussananga” imminut saqqummiunneqartussamik, ”isumaqatigiissut” suna  
pinerlugu akiumanngilaq. A-p sunaluunniit atsiorumanngilaa. A nipitoorjussuar-  
mik kipiffeqanngitsumillu oqaloqqilerpoq, oqalukkaangamilu nateq kisiat isigisar-  
magu oqaloqatiginiarnera ajornakusoorluni. Eqqissisimaniarpunga sunali isumagi-  
neraa paasiuminaatsillugu.

Akivara ullumikkut annertunerusumik iliuuseqaqqissinnaananga ataatsiminnerlu  
taamaatippoq 13.28.

Tunuliaqutaa:

A (...-mi) uinilu ...-suusoq inissaminnik tunineqarput.

F-imit, kigutit nakorsaasa pisortaannit, qinnuigineqarpunga inissiamut pisattanik  
pisiniqqullunga. Taamaaliorpungalu ...mi ... pisiniarfigalugu. Pequtit/igaffimmi  
atortut il.il. kigutileriffiup pigisarai! Apereqqaarnanga A-p pequtit tamangajaasa  
utertissimavai namminerlu allanik pequtisiniarsimalluni (1.305.60 kr.), ilaatigut  
computerimut nerrivik, allaffimmi atuagaasivik aamma inimut akunneqatissaq uia  
angerlarsimaffimminni sullivissaqartariaqarmat! A uannit peqquneqarpoq taamaal-  
laat issiavissuq uterteqqullugu. Siusinnerusukkat sofa A-p utertissimavaa nammi-  
neq inimi sinittarami. Uiata sinittarfik sullivinngorlugu pequtsersorsimavaa kigutile-  
riffiup aningaasaatai atorlugit. Inigisamik mikivallaarnera naammagittaalliuti-gi-  
sorujussuuaa.

A inissiamik pingasunik initalimmik INI-mut pissarsiuppaa.

Sapaatip akunnera 6, pingasunngorneq 9/2 nalunaaqutaq 14.55 A naapippaa qaa-  
tiguulereerluni nammattakkani nassarlugu angerlarluni anilersoq. Sulisut tamarmik  
ilisimatinneqartarput, ilaatigut uannit nammeneq ilaatigullu sullivimmi nivinngaa-  
nikkut (“...-mi kigutileriffimmi sulilerlaanut malittarisassat”).

A aparaara sumunnalernersoq. Ilisimatippaangalu –”angerlalerpunga!” Malitta-  
risassanik atuuttunik oqaluttuuppaa 15.45-llu tungaanut maaniissasoq oqarfiga-  
lugu! A-p PINNGITSOORANI angerlarniarnini oqaatigeqattaarppaa...TASSA

angerlarniarpoq!,- Sinerissami allat tamarmik taamaaliortarput!”. A aammaarlunga oqarfigaara suliffimmiiginnarallassoq, angerlarani ilaatigut kigutilerittussanik suliqaarsinnaavoq, aqagumut suliassanik pilersaarusiorsinnaalluni, allaffissornikkut suliassanik aallussisinnaalluni il.il. A kamallunilu sivisuumik gangimi nilliammat kiisa sulisut kigutileriffigisaminnit anillallutik paasiniaalerput, kigutileritikkiartortullu saneqqukkaangamik nakkussisarlutik. A 14.55-imit 15.35-p tungaanut taamaaliiorpoq kamaqalunilu tunngavilersuiniarsaraluni. ...-muttaaq sianerpunga pisorlu oqaloqatigiissutigalugu.

A-p nammineq isummani kisiat malippaa. ...-nip aallarnissaa sioqullugu, ilisimateqqaarnanga X-imi kigutileriffik isumaqatigiissuteqarfigisimavaa 22/2 kigutileriffimmut takusaaniarluni. Isumaqatigiissuteqartarpoq apereqqaarnanga/pilersaaruisioqatigeqqaarnanga taamaalillunilu suliffimminit peqanngittarluni. Tamanna kigutit nakorsaasa 18/2-mi ataatsimiinneranni paasivara oqaluttuupparalu suliffimminit peqannginnissani pilersaarusiortaqqullugu kiisalu ilisimatittassagaanga akuersisillungalugu. Soraarsitaanissamik soorasaarummut akisummini 17/3-mik ullulerneqarsimasumi akivoq ...-mut ilagerusunnerinni aperisimallunga tamatumunngalu akisimasunga: ”Taamaaliornissaq soqutiginnilara”. Tamatumani A-p paasisimangnilaa oqaatigisami akerlianik akisunga.

Tamatuma saniatigut suliaminut piginnaaneqarfia ima isumaqarfigaara; taamaalunilu Z-imi kigutileriffimmi sulinermi nalaani kigutileriffinnut iserpoq meeqqap kigutaa 26(6+) putusimasoq apequtugalugu, kigut taanna peerniarsimagaluarpa, maluginiarpaalu kigut 36(-6) putujartulersimasoq kigutilli taassuma ilaartornissaa eqqarsaatiginagu. Kigutileriffianut ilagaara ikiorniarlugu. Oqarfigaara kigut 26 (6+) peernagu ilaartorneqassasoq manngualu suliarsariaqarpat aamma sularineqassasoq, kigut 36(-6) putoqarpoq. Kigutit nappaataasa aalajangiiffiginissaannut piginnaaneqarnerpoq?

Kigutillutog alla, ..., ... 18/3 2005-imi kigut 21(+1) pullattoq pilanneqarpoq. Kigutillutog 23/3 anniartoq uannut isertinneqarpoq. Pilatsiffiup ikera gazimik mangussuiffigineqarsimavoq. Pilatsiffiup ikera pissusissamisut taamannak ammatinneqarneq ajorpoq. Z-imi kigutileriffimmi kigutaarsinermut atatillugu pilaasoqartarpoq.

Paasivara A Z-imi kigutileriffimmiinnermini piffissami uanga tassaniinninni suliassarsiornissani ajornartorsiutigisaraa kigutileriffimmiittarlunilu suliqaarpiarani suliqaarnissaanillu oqarfigisariaqartarpara.

Suleqatigiinniarnemi ajornartorsiuteqarneq pillugu: X-ip kigutileriffiani sulisoq, kigutileriffimmi ikiorti C A-mut inissinneqarpoq. C-p, kigutileriffimmi ikiortini pikorinnersaasup A-p suliffigiligassamini aallartilluarnissaannut ikiorneqarnissaa isumagisussaavaa.

C ilisimatitsivoq X-ip kigutileriffiani suleqqinniarnani A pissutigalugu. C maanakkut nammineq kissaatigisaminik Z-imi kigutileriffimmut nuuppoq. Sulisunit nalunaarutisivunga februarimi/martsimi sulinngiffeqarninni kigutileritikkasuartussanik suliqaarnissani soqutigisimangikkaa! Sulisut (... , saaffiginittarfik aamma ... kigutileriffimmi ikiortit pisortaat) nalunaarutaat malillugu X-ip kigutileriffiani “puussimavoq, nillialluni kamallunilu – Sulisut peqannginnama F-imut nalunaartariaqarsimapput. 23.03.2005-imi aamma 29.03.2005-imi oqarasuaatikkut kigutileriffimmut angerlarsimaffimmullu oqaloqatiginnittarpunga sulisullu sinniisuannit (D-mit) oqaluttuunneqartarlunga nuanniilliornerminnik A-llu nuanninngitsumik sunneraatik aqukkaatsillu. Tamanna sulisut tamarmiullutik 11/4 nalunaaqutaq 15.00 X-imi ataatsimiinnermi erseqqissumik oqaluttuaraat.

Tamatuma kingorna februarimi/martsimi sulinngiffeqareerlunga uternerma kingorna A oqarasuaatikkut oqaluuppara erseqqissaavigalugulu tamanna naammaler-soq piaarnerpaamillu pissutsit iluarsinngippagit tamanna oqaluuserisariaqarlutigu ...-mi kigutileriffimmi suliinnassaguni. 5/4 2005-imi oqaloqatiginiarsareerlugu

aammalu ataatsimiinnerup qanoq ingerlanera eqqarsaatigalugu ullumikkut paasivara A ...-mi kigutileriffimmi sulisinnaangitsoq." (Atorfeqarfimmi nutsigaavog)

E-p kigutilerisunut ikiortinnngorniatut ilinniartup B-mut allagai 18. april 2005-imeersut. Taakkunannga makku erserput:

"Pineqartoq: A

Uatsinnut takkuteqqaarani inussiarnersorujussuartut ammasorujussuurtullu mallunnarpoq.

B-mut isumaqatigiinnngissuteqarnini uatsinnut nalligeqqusaarutigaa, paasisinnaanagulu B-p nammineq inuttut soq malersorneraani.

Oqaasii soorunalimi upperaagut, ikiorumallugulu neriorsorlugu, nuannaatsangaaramilu raajallerfigiumalluta. Piffissap ingerlanerani allannngoriartuinnarpoq, aatsaallu suniarnersog paasilerparput, tassalu sunnarniarsarigaatigut, B assut pitsaanngitsumik eqqartortarlugu, malugigamiullu pitsaanngitsumik eqqartuisarnerpassuani iluarinnngikkigut "suleqatikkuminaallivoq". Sulinermut pilersaarusiaq mallillugu ...-p ikiortussaagaluarpa, taannali ikiortigiumannngilaa, isumaqarlunilu B-p tamanna nalunnngikkaa, kisianni illua'tungaani B-p tamanna naluaa." (Atorfeqarfimmi nutsigaavog)

D-p aamma I-p allagaat 18. april 2005-imeersut. Taakkunannga makku erserput:

"Pineqartoq: A

A X-ip kigutileriffiani martsip qaammataani aallartippoq, X-ip kigutileriffianiinermi nunap immikkoortuani kigutit nakorsaattut pisortarisarput pitsaanngitsumik eqqartortuaannarpa. Taamaaliorluni sunnarniarsaraatigut, iluatsingajavillunilu. Kisianni qujanartumik iluatsinnngitsoorpoq.

Kigutit nakorsaattut pisortarput nuannarisorujussuarput, suleqatigilluarlugulu." (Atorfeqarfimmi nutsigaavog)

B-p Aqutsinermut Pisortaqarfimmut e-mailikkut nassiussaa, 19. april 2005-imi ullulerneqarsimasog:

"C aatsaaginnaq oqaluuppara.

X-imiikkumajunnaarneranut pissutaavog erseqqivissumik malugisimagamiuk A-p tassaneeqqunnngikkaa, C misigisimavog atorfissaqartinneqarnani. A kigutileriffimmi ikiorti alla pillugu oqalunnavittarsimavog, kigutilerisunut ikiorti nammineq ikiortigerusutani, uangalu nammineq nalunnngilaa taanna A-lu suleqatigiissinnaanngitsut, sulerpiarneq ajormat, tamannalu A-p iluarigunavippaa." (Atorfeqarfimmi nutsigaavog)

Dansk Tandlergeföreningip Aqutsinermut Pisortaqarfimmut e-mailikkut nassiussaa 26. maj 2005-imeersog, tassanngalu makku ilaatigut erserput:

"Suliami illua'tungiusup ilanngussaata atuarnissaanut piffissaqalaarniartussaavutit - kisianni eqqortussag anguniarlugu ilinnut malugeqquniarpara nunap immikkoortuani kigutit nakorsaasa pisortaa B atorfimmunit ataasinngormat tunuarsimammat. J-ip Sinnerissami Aqutsisoqarfimmeersup kigutileriffiup sulisuinik ippassag ataatsimeeqateqarnermi nalunaarutigaa nunap immikkoortuani kigutit nakorsaasa

pisortaat "piffissap suliffiusussap nalaani saniatigut aningaasarsiutigalugu kigutilerisut suliassaannik annertuumik suliaqartarsimasoq", tamannalu inerteqqutaavoq.

Isumaqaqpunga A-p soraarsinniarneqarneranut suliaq aalajangiusimasariaqanngitsoq. Suliaq nunap immikkoortuani kigutit nakorsaasa pisortaannit pineqartumut aallartinneqarsimavoq suliniutigineqarsimallunilu. / (Atofeqarfimmi nutsigaa-voq)...”

B-p Sinerissami Aqutsisoqarfimmut allagai, Aqutsinermut Pisortaqaarfimmit 30. maj 2005-imi tiguneqartut naqissuserneqarsimasut, Dansk Tandlægeforeningip suliami illua'tungiusup isumaanik tusarniaanermut akissummik imaqtut: Allakkanit taakkunanga makku erserput:

"Siullermik erseqqissaatigissavara A-p soraarsitaanera eqqarsaatigalugu isumaga soorunalimi aalajangiusimagakku. Tamanna Sinerissami Aqutsisoqarfimmit aamma isumaqatigineqarpoq. Ulluni kingullerni A-p allattuiffinni allattugai uannut takutin- neqartut atuarluareerlugit taamatut isumaqarnera allangortinngilara.

..., Sinerissami Aqutsisoqarfimmeersoq oqaaseqaateqaqqullugu qinnuigaara pingaartumik siunnersortip ...-p suliami akissutaa pillugu. Akissut taanna allakkia- tuteqqumiitsutut isumaqarfigaara, taamaattumillu piviusorsiorpalaartuunera takusina- naanagu.

A-p naammagittaalliuutai tamaasa eqqarsaatigalugit ...-p akissutaani oqaatsit nas- suaatillu atorsinnaanngitsutut isumaqarfignarput. Suli aammaarlunga naammagita- taalliuutigineqartunut taakkununga oqaaseqaatikka quppernernut tallimanut ...-p saqqummiussaanut akerliupput. Tamanna pissusissamisuunngilaq. Taamaattoq im- mikkoortut makkua erseqqissaatigissavakka:

- A nammattakkani nammallugu tummeqqakkut ammukartuq naapippara nalunaa- qutaq 14.55 angerlarniarluni anilersoq. Tamannalu uanga Sinerissamilu Aqutsi- soqarfiup kukkunertut isigaarput. Tamanna A-p gangimi nipituuliorluni oqaase- qarfigimmagu nakorsiartut isikkupput, sulisullu kigutileriffimminnit anillallutik susoqarneranik paasiniaallutik, A-lu nipituuliorluni tamanna sisamap qeqqata tu- ngaanut oqaaseqarfigisaqattaarmagu. Tamanna oqaaseqarfigisariaqartutut isuma- qarfigaara.
- A sulisut allat assigalugit malittarisassanik malinnittussaavoq, ilaatigut piffissa- nik suliffiusussanut – Ilisimatitsissut taanna kigutileriffiup allagarsiiviani erseq- qissumik allassimavoq. ...-mit oqaatiginarneqartutut taamatut periaaseqarneq nutaajunngilaq.
- A-p X-ip kigutileriffianut pulaarnissaminut nammineerluni pilersaarusiiorlunilu isumaqatigiissuteqarsimanera suli erseqqippoq. Februarip 24-ani takusaalluta pu- laarnissatsinnik A-lu isumaqatigiissuteqarneragaanerput eqqumiippoq.
- Peqannginninni A-p kigutileritikkasuartussanik sullissiumasimannginnera suli- sunit F-imut erseqqissaateqarsimanerat pissusissamisoortutut nalilerpara. Kigu- tileritikkasuartussat eqqarsaatigalugit sulisut/kigutileriffimmi ikiortit sooruna- limi ilitsersuulluarneqarsimapput aamma peqannginninni qanoq pisoqassaga- luarpat ilitsersuunneqarsimallutik. Peqannginninni F-ip A-mut attaveqarsimane- ra pissusissamisoorluinnarpoq. Sulisut ”ingasattajaarnerarlugit” ...-p oqaaseqar- simanera oqaaseqarfigissanngilara.

Suleqatigiinnermi ajornartorsiutit – A-p nalinginnaasumik oqaloqatiginissaanut minnerpaamilluunniit periarfissaqarsimanngilanga. A-p ”oqaloqatiginerani” nater- muinnaq isiginera issiajumannginneraluunniit, kipiffeqanngitsumillu oqalunnera tu-

saaniarsarinanilu – suleqatiginninniarnermi ajornartorsiuteqarneranik naliliinissanut tunngavissaqartippaannga. X-ip kigutileriffiani sulisut arlaleriarlutik namminneerlutik oqarasuaatikkullu A-mit aqunniarsarineqarnertik allamullu saatsinniarneqarnertik uannut naammagittaalliuutigisarpaat. ... isumaqarpoq A-p uanga pillunga oqaluserinnissimanagera pillugu sulisut ”atsiortissimasariaqaraluarikka”. Tamanna piviusorsiuungilluinnarpoq – Uanga soorunalimi sulisut taamatut aqunniartarsimanngilakka aammalumi taamaaliornissara eqqarsaatigisimanagu. Sulisut pineqartut aperinissaat aamma pingaaruteqarsinnaavoq.

... aamma isumaqarpoq ajornartorsiutip iluarsineqarnissaanut kigutit nakorsaattut ”kinguneqartussamik siunnersuuteqarsimasut”. Siunnersuulli taanna tusarsimanngilara. ... aamma isumaqarpoq, ...-mi kigutit nakorsaannik atorfinitsitsiniartarneq anertuumik ajornartorsiutaasoq, ”ukiorpassuarnilu aalajangersimasumik atorfinitsitsisoqanngereersoq aatsaat A atorfinittoq”. Taamatullu ”A-p aamma B-p akornanni ajornartorsiutip” iluarsiivigineqarnissaat tamanit soqutigineqartariaqartoq – Siullertut A-p uangalu akunnitsinni ”ajornartorsiuteqanngilagut” uanga tunginninngaannii-junngitsoq, matumanimi A-mik siusinnerusukkullu ...-mi kigutilerinermi suliaanik kigutit nakorsaattut naliliinera pineqarmat. Aappaattut kigutit nakorsaata pineqartup piginnaasai ...-mi kigutit nakorsaannik amigaaqarnermut attuumassuteqanngillat. - Tamanna siusinnerusukkut inerneqarluartumik misilittareerparput.

Innuttaasut sullinneqarnissaat pingaarneruvoq, taamaattumik uatsinnut pisortanut pingaaruteqarluinnarpoq ...-mi kigutit nakorsaattut atorfiit inuttalerniarneranni kigutit nakorsaasa piginnaasaat isiginiassallugit.

Ajornartorsiutissaqartuaannarpoq, taakkuali sulisullu peqatigiilluarluta iluarsisarpagut. – Taama isumaqarluinnarpunga, kiisalu sulisutsinnit akuttunngitsumik ilisimatinneqartarpunga ilaatigut uanga sulisullu akunnitsinni oqaloqatigiinnermi, aamma kigutilerisut ikiortit pisortaata sulisullu akornanni oqaloqatigiinnermi.

Sulisut sulineranni aqutsinera kaammattuineralu eqqarsaatigalugit sulisunit taper-sorneqartuarsimavunga. Tamanna nalornissutigineqarpat sulisut pineqartut aperineqarnissaat kissaatigaara.

...-p ”pikkorlunneq” piginnaasaqarnerlu allakkiamini eqqartorpai – Qupperneq 4/5-imi kigutilerineq pillugu naliliinermi ajornartorsiuteqarpoq – Nalunngisakkami malillugit ... kigutit nakorsaattut ilinniagaqarsimanngilaq. Uanga inuiaqatigiinni kigutit nakorsaattut nalinginnaasumik piginnaaneqarluartutut imminut naatsorsuuppunga, misigisimallungalu annerusumik minnerusumilluunniit oqaatsimik ”piginnaanermik” paasinninera itisilersinnaallugu - ”Piginnaaneq” eqqarsaatigalugu uanga ilinniagartuutut tunuliaqutaraakka, nakorsatut ilinniarsimanera, immikkut ittumik pikkorisarsimanera, ilisimatusarsimanera kiisalu nunat tamat akornanni tupa/kræfti/qarnullu iluanik misissuinnermi misilittagartuujullunga, inuiaqatigiit iluanni/nunat tamat akornanni ukiuni arlaqartuni alleqqunik pilaanermi misilittagaqarlunga masteritullu aamma tunuliaqutaqarlunga. Taamatuttaaq nunarsuarmi oqaasissaqartut soorlu ..., ... aamma ... – taakku tupamut/ameraasatigut allannguutinut/kræftimut alleqqutigullu ajornartorsiutinut (TMJ) pilaanermut tunngasunik suliaqarnerminni ataqqisaasorujussuit suleqatigisimallugit.

Misilittakkat tamakku tunuliaqutaralugit A-p piginnaasaanik naliliinissamut tunngavissaqarluarpunga.

A pillugu naliliinera siunnersuutaavoq innuttaasunullu iluaqutaasumik kigutit nakorsaattut sulisinnaannginnera aallaqqaammulli malunnarpoq. Soorunalimi allatigut pisoqarnerani aamma oqaloqatiginiarsarisarsimavara kisiannili tamanna iluatsissananilu kinguneqarneq ajorpoq. Soraarsitsisariaqarneq oqitsuinnaananilu nuannersuuneq ajorpoq, pisorlu A-mut tunngasoq atorfinitsitaareernerata kingorna ”annertusiartuinnarsimavoq”. A pillugu naliliinera aalajangiusimavara.” (Atorfeqarfimmi nutsigaavoq)

Kiisalu kigutit nakorsaasa pisortaata F-ip oqaaseqaataa:

"Pineqartoq: Suliami illua'tungiusup ilanngussaa - A.

Nunap immikkoortuani kigutit nakorsaasa pisortaata B-p aamma kigutilerisut pisortaata F-ip oqarasuaatikkut akissutitut oqaaseqaataat nassiunneqartut matumuuna nassiunneqarput.

Qupperneq 1, titarneq 16: ...-p allagai ukioq 2000-imeersut innersuusutiginneqarput.

Qupperneq 2, titarneq 18: A-p F 1. marts 2005-imi oqaloqatigisimangilaa, taanami ulloq taanna Danmarkimut ingerlaarmat.

Qupperneq 3, titarneq 11: Kigutileriffimmi sulisut A-mit siullermik tatineqarsimapput pineqartumut suleqatigiinnikkut ajornartorsiuteqannginnerminnik allaasari-saqarnissartik pillugu.

Qupperneq 3, titarneq 20: Mianersoqqussut siulleq aappaallu assigiipput. Mianersoqqussut siulleq periaaseqarnermi kukkuneq pissutigalugu atorunnaarsinneqarpoq mianersoqqussutillu aappaannik taarserneqarluni.

Qupperneq 4, titarneq kingulliup tullia: Suliaq aallartimmat A napparsimalluni nammineq nalunaarsimavoq.

Qupperneq 5, titarneq 4: Sinerissami Aqutsisoqarfiup periaatsimini sutigut kukkussuteqarsimanerata erseqqissarneqarnissaa kissaatigineqarpoq.

Aammattaaq oqaatigineqassaaq Tandlægeforeningip allagaani Z-imi kigutileriffiup pequtaanik A-p taarsiisimanagera pillugu oqaaseqaateqartoqanngimmat.

Sinerissami Aqutsisoqarfik isumaqarpoq A-p soraarsinneqarnissaanik Z-imi kigutileriffiup inassuteqaataata allannortinnissaanut tunngavissaqanngitsoq, taamaattumillu inassuteqaat aalajangiuserneqarpoq." (Atofeqarfimmi nutsigaavoq)

Aqutsinermut Pisortaarfimmut 8. august 2005-imi imatut allappunga:

"Aqutsinermut Pisortaarfiiup mappiutaa allagaatinik A-mut tunngasunik imalik tiguara.

Aqutsinermut Pisortaarfiiup mappiutaata allagaatinik imallip misissornissaanut massakkut periarfissaqaereersimalerpunga.

Tamatuma kingornatigut Aqutsinermut Pisortaarfiiup A-mik soraarsitsinera pillugu erseqqinnerusumik misissuinissannut pissutissaqarlunga isumaqarpunga.

Aqutsinermut Pisortaarfiiup soraarsitsinermi allagaanit 31. maj 2005-imeersunit ersepoq soraarsitsineq ilaatigut suleqatigiinnermik ajornartorsiutinik, ilaatigullu suliamut naleqqutinnginnermik tunngavilersorneqarsimasoq.

Ingerlatsineq pillugu inatsiseqartitsinermi misissuisussaanermik nalinginnaasumik tunngaviup nassataa ingerlatsinermi oqartussaasut ataasiakkaat tassaasut suliaq aalajangiisoqannginnerani naammattumik paasissutissartalersorneqarnissaanut akisussaasut.

Soraarsitsisoqarnissaanik aalajangiinermut atatillugu suliamik paasissutissartalersuineq tunngavimmit tassanga qulangersimaneqarpoq. Qinnuteqaataannngitsumik soraarsitsineq pillugu aalajangiineq sakkortuumik akuliunnertut nalinginnaasumik isigineqartarpoq, taamaattumillu misissuinerup qanoq annertutiginissaa paasissutissallu pineqartut qularnaatsuunissaat pillugit piumasaqaatit sakkortungaatsiarput.

A nunap immikkoortuani kigutilerisutut 1. februar 2005-imi atorfinitsinneqarpoq, ...-mi Z-imi kigutileriffimmi inissinneqarallarluni. A Aqutsinermut Pisortaqrarfiup allagaasigut 31. maj 2005-imeersutigut soraarsinneqarpoq.

Suliami allagaatinit erserpoq A-p soraarsinneqarneranut atatillugu paasissutissat makku pissarsiarineqarsimasut/suliamik suliarinninnerit makku iliuuserineqarsimasut:

- A 17. marts 2005-imi mianersoqqussummik tunineqarpoq, makku tunngavilersuutigalugit: a) pequtinik taarsersuineq, b) X-imi kigutileriffimmi ataatsimiinneq, c) piffissat suliffiusussat, d) nukinginnartumik kigutileritikkiartortunik itigartitsineq, e) X-imi kigutileriffimmi suleqatigiinneq.
- X-imi kigutileriffimmi sulisut A tapersersorlugu oqaaseqaataat 21. marts 2005-imi ullulernerqarsimasoq kiisalu ...-p kigutileriffianni, ...-p kigutileriffiani kiisalu ...-p kigutileriffiani immikkoortortani pisortat A tapersersorlugu oqaaseqaataat 22. marts 2005-imi ullulernerqarsimasoq suliami allagaatinut ilaapput.
- Nunap immikkoortuani kigutilerisut pisortaata immikkoortortani pisortanut pingasunut taakkununga akissutaa 11. april 2005-imi ullulernerqarsimasoq.
- Nunap immikkoortuani kigutilerisut pisortaata kigutilerisut pisortaannut F-imut kiisalu Sinerissami Aqutsisoqarfimmi J-imut A pillugu mailia 7. april 2005-imeersoq kiisalu kigutilerisut pisortaata akissutaa 8. april 2005-imi ullulernerqarsimasoq, tassannalugit erserluni A soraarsinneqartariaqartoq.
- Allakkatigut mianersoqqussut 5. april 2005-imeersoq. Mianersoqqussut taanna makkuninnga tunngavilersorneqarsimavoq: a) pequtinik taarsersuineq, b) X-imi kigutileriffimmi ataatsimiinneq, c) piffissat suliffiusussat, d) nukinginnartumik kigutileritikkiartortunik itigartitsineq, e) X-imi kigutileriffimmi suleqatigiinneq.
- A-p soraarsinneqarnissaanik ...-p Sinerissami Aqutsisoqarfimmut inassuteqaataa 11. april 2005-imeersoq, makkuninnga ilaqartinneqartoq: Allakkatigut mianersoqqussut 5. april 2005-imeersoq, kigutilerisut pisortaata A-mut allagai 29. marts 2005-imeersut, taakkunanilu A-p mianersoqqussummut tunniunneqartumut 17. marts 2005-imeersumut oqaaseqaatai akineqarlutik, mianersoqqussut 17. marts 2005-imeersoq kiisalu kigutilerisut pisortaata tamanna pillugu inassuteqaataa 10. marts 2005-imeersoq ...-mi kigutileriffimmi piffissat suliffiusussat pillugit allatuiiffiup assilineranik ilaqartinneqartoq.
- A-p soraarsinneqalersaarneranik suliami illua'tungiusup isumaanik tusarniaanermi allakkat 20. april 2005-imeersut.
- Kigutilerisut pisortaata Aqutsinermut Pisortaqrarfimmut allagai 14. april 2005-imeersut, taakkunanilu A-p soraarsinneqarnissaanik kigutilerisut pisortaata inassuteqaataa tunngavilersorneqarluni.
- X-imi kigutileriffimmi sulisut marluk kiisalu ilinniartup B akerlilerlugu oqaaseqaataat 18. april 2005-imi ullulernerqarsimasoq, taakkunanilu A tapersersorlugu tamarmik atsiorsimallutik, 21. marts 2005-imi ullulernerqarsimasumik.
- Aqutsinermut Pisortaqrarfiup X-imi sulisut aamma C erseqqinnerusumik tunngavilersueqqullugit qinnutigisaa 14. april 2005-imeersoq.
- Kigutilerisut pisortaata emailikkut nassiussaa 19. april 2005-imeersoq, tassanilu C-p X-ip kigutileriffianit nuunnissamik kissaateqarneranut pissutaasoq kigutilerisut pisortaata tunngavilersorlugu.
- Suliami illua'tungiusup isumaanik tusarniaanermut A-p Dansk Tandlægeforening aqutigalugu akissutaa, ilaatigut kigutilerisut 29. marts 2005-imi ataatsimiinneranni imaqarniliamik ilaqartinneqartoq, tassanilu immikkoortoq f)-ip ataani oqaatigineqarluni "kigutilerisut oqaatigaat B-p suleqatigineqarnera ajornartorsiutigineqartoq, taannalu isummaminnut tusarnaarusunngitsoq" (Atorfeqarfimmi nutsigaavoq). Imaqarniliaq atsiorneqanngilaq.



- Sinerissami Aqutsisoqarfimmit Aqutsinermut Pisorta qarfirmut allakkat 27. maj 2005-imeersut, taakkunanilu distriktimi kigutilerisut pisortaata kiisalu kigutilerisut pisortaata akissutaat ilanngunneqarsimallutik.
- Nunap immikkoortuani kigutilerisut pisortaata Sinerissami Aqutsisoqarfimmut allagai ullulernerqarsimangitsut, A-p suliami illua'tungiusutut akissutaanut oqaaseqaat pillugu. Aqutsinermut Pisorta qarfirmi 30. maj 2005-imi assilinerqarsimasutut naqissuserneqarsimasut.

Aqutsinermut Pisorta qarfik aallaqqaasiutitut qinnuigaara A mianersoqqussummik ataatsimik marlunnilluunniit tunineqarsimanersoq nassuiaqqullugu, tassami mianersoqqussut 17. marts 2005-imeersoq atorunnaarsinneqarsimanersoq suliami takuneqarsinnaanngimmat, Sinerissami Aqutsisoqarfiup allagai 27. maj 2005-imeersut eqqaassanngikkaanni, taakkunanilu Tandlægeforeningip suliami illua'tungiusup isumaanik tusarniaaneq pillugu allagai pillugit oqaaseqaateqartoqarpoq.

Aqutsinermut Pisorta qarfik qinnuigaara Aqutsinermut Pisorta qarfik A-p soraarsinneqarnissaanik aalajangiisoqannginnerani tamatuma saniatigut misissuiniarluni iliuuseqarsimanersoq pillugu nassuiaateqaqullugu.

Aqutsinermut Pisorta qarfik immikkut qinnuigaara makku pillugit paasissutisseeqqullugu, tassalu suleqatigiinnermi ajornartorsiutit oqaatigineqartut atorfeqarfigisami suliaasat suliarineqarnerannut imatut pitsaanngitsumik sunniuteqarsimanersut tamakku soraarsitsinermut tunngavilersuutaasinnaanerat misissorneqarsimanersoq, suleqatigiinnermi ajornartorsiutit aamma A-p akornanni ataqatigiinneqarnerisut misissorneqarsimanersoq, kiisalu ajornarsiutit pilersimanerat A-p pisuussutiginnerpaaneraa misissorneqarsimanersoq.

Aqutsinermut Pisorta qarfik aamma qinnuigaara manna pillugu nassuiaateqaqullugu, tassalu paasissutissat pissarsiarineqartut Aqutsinermut Pisorta qarfiup sukumii-sumik isummerfigisimanerai, pingaartumik A tapersersorlugu akerlilersorlugulu oqaaseqaatigineqarsimasut eqqarsaatigalugit.

Taamatuttaaq Aqutsinermut Pisorta qarfik qinnuigaara manna pillugu nassuiaateqaqullugu, tassalu A-p soraarsinneqarneranut tunngavilersuutit mianersoqqussutit A-mut tunniunneqareersimasunut sanilliullutik qanoq assigiinnigissuteqartiginersut, taamaattoqanngippallu nalunaarutigeqqullugu A mianersoqqussummik (mianersoqqussutit) tigusaqareerluni iliuutsit mianersoqqussummik (mianersoqqussutit) tunineqaatigisani iliuusereqqissimanerai.

Suliami allagaatini takusinnaavara A ...-p Kigutileriffianut pinnagu X-imili kigutigeriffimmut inissinniarneqarsimagaluartoq. Aqutsinermut Pisorta qarfik tamatuma saniatigut qinnuigaara Aqutsinermut Pisorta qarfiup paasinninnera malillugu suleqatigiinnermi ajornartorsiutit soraarsitsinermi sakkukinnerusumik iliuuseqarnikkut aqqinniarlugit naammattumik iliuuseqartoqarsimanersoq paasissutissiisutigeqqullugu. Tandlægeforeningip oqaatigisaa manna innersuussutigaa, tassalu ...-mi immikkoortorta qarfirmi pisortap siunnersuutigisimagaa A tassunga nuutsinneqassasoq.

Aqutsinermut Pisorta qarfik aamma qinnuigaara A-p suliatigut naleqquttuunnginneranik nunap immikkoortuani kigutilerisut pisortaata unnerluussissutigisai kigutilerinermik sulialinnut allanut Aqutsinermut Pisorta qarfiup misissortissimanerai paasissutissiisutigeqqullugu.

Kiisalu Aqutsinermut Pisorta qarfik qinnuigaara manna paasissutissiisutigeqqullugu, tassalu Aqutsinermut Pisorta qarfiup paasinninnera unanersoq A-p soraarsinneqarneranut tunngavisoq naammattoq.

Aqutsinermut Pisorta qarfiup mappiutaa allagaatinik A-mut tunngasunik imalik ilanngullugu nassiuppara, atukkiunneqarnera qujassutigalugu."



Aqutsinermut Pisortaqarfiup allagai 7. september 2005-imi tiguakka, taakkunanngalu erserpoq Aqutsinermut Pisortaqarfiup Tandlægeforening soraarsitsinermik suliaq pillugu isumaqatigiinniuteqarfigilersimagaa.

Dansk Tandlægeforening allakkatigut 9. september 2005-imeersutigut qinnuigaara suliamik suliarinninnera Dansk Tandlægeforeningip aamma Aqutsinermut Pisortaqarfiup isumaqatigiinniarnernerisa naammassinissaa-sa tungaanut unitsissaneriga ilisimateqqullunga.

Dansk Tandlægeforeningip allakkatigut 19. september 2005-imeersutigut nalunaarfigaanga Dansk Tandlægeforening aamma Aqutsinermut Pisortaqarfik A-p soraarsinneqarneranik suliaq pillugu isumaqatigiinnianngitsut.

Aqutsinermut Pisortaqarfiup allakkannut 8. august 2005-imeersunut akissutaa 7. oktober 2005-imi tiguara. Aqutsinermut Pisortaqarfiup allagaanit makku erserput:

"Inatsisartut Ombudsmandiata allagai 8. august 2005-imeersut innersuussutigalugit imaattunik paasissutissiisoqassaaq.

30. marts 2005-imi mianersoqqussutip 17. marts 2005-imi mianersoqqussutip imarisaani pissutaaqataasut peqatigilluinnarpai. 30. martsimi mianersoqqussut, soorlu Peqqissaaveqarfinnik Aqutsisut ilisimatitsissutigigaat, tunniunneqarsimavoq ingerlatseriaatsikkut kukkuluttornermik tunuliaqutaqartumik. Peqqissaaveqarfinnik Aqutsisut ilisimatitsissutigigaat mianersoqqussut siulleq atorunnaarsinneqarsimasoq, aamma Aqutsinermut Pisortaqarfiup Peqqissaaveqarfinnik Aqutsisut oqaaseqaataat tungavigisimagai.

Aqutsinermut Pisortaqarfik soraarsitsineq aalajangerneqartinnagu misissuisitsisimavoq, tassami pisortaqarfik B-mit F-imillu oqaaseqaateqaqquisimammat suleqatigisanik tusarniaanermut akissut pillugu. Taassuma saniatigut pisortaqarfiup suleqatigisanik tusarniaaneq nassiunneqanngikkallarmalli qinnutigisimavaa B-p itisiliilluni oqaaseqaateqarnissaa. Aammalu B-mit paasissutissat tigoreernerat tungavigalugu ullormi 14/4-05-imi A-mut pissutsit pillugit X-imi kigutileriffimmi sulisunit allakkatigut oqaaseqaatinik piniartoqarsimavoq.

Suleqatigiinnermi ajornartorsiutit A-p qullersarisai malillugit atorfeqarfigisami suliassat suliarinissaannut ima akuersaarnanngitsigisimapput, tamatumani soraarsitsinissamat tungaviusinnaallutik, takuuk A-p allagaa 14. april 2005-imeersoq. Suleqatigiinnermi ajornartorsiutit A-lu attuumassuteqarput, nalilernerqarporlu suleqatigiinnermi ajornartorsiutit pinngornerannut A pisuusooq. Tassunga tunngatillugu innersuussutigineqassapput B-p suliamut oqaaseqaatai X-imi kigutileriffimmi sulisusut oqaatigisimasaannut sanilliullugit. A-p 14. april 2005-imi allakkamini nalilerpaa A-p ...-mi kigutileriffimmi suliinnarissaa ajornarluinnartoq.

Suleqatigiinnermi ajornartorsiutit uppernarsarnissaat assut ajornakusoorsimavoq, tassani misigissutit amerlasuut akuummata. Uani pissutsimi piviusumi pissuteqarsimavoq A-p suleqatiginissaanut B ajornartorsiuteqarsimammat. Tassani pineqarput suleqatigiinnermi ajornartorsiutit A-p qaninnerpaamillu ittorisaata akornanni. B qullersatut nalilivoq ajornartorsiutit A-mut tunngasut ataatsikkut aaqinneqarsinnaanngitsut, taamalu soraarsitsinermik kinguneqartariaqarlutik, takuuk B-p allagaa 14. april 2005-imeersoq. Aqutsinermut Pisortaqarfiup tamatuma kingorna qullersaasumit pitsaanerusemik nalilersinnaanngilaat - tassalu B-mit. Tassunga tunngatillugu X-imi kigutileriffimmi sulisut nalunaarutaat matumunnga tapersersuisut innersuus-

sutigissavagut. Taassuma saniatigut ilisimatitsissutigineqarsimavoq C-p X-imi kigutileriffik toqqaannartumik qimaleraa A pissutigalugu, taassumalu erseqqissumik takutippaa suleqatigiinnermi ajornartorsiuteqartoqartoq.

Aqutsinermut Pisortaqarfik paasissutissanut pisanut isornartussarsiorsimavoq, kisianni pisortaqarfiup qullersaasup oqaaseqaatai pingaartissimavai, tassami qullersaasoq suliffiup ingerlalluarnissaanut akisussaammat, taannaallunilu naliliilluarnerusinnaasoq ajornartorsiutit qanoq annertutiginerat pillugu. A pillugu nalunaarutit kigutileriffinnit allanit kigutit nakorsaaneersuupput, kisiannili X-imi kigutileriffimmit, A-p suliffigisaanit sulisuneersuunatik. Aqutsinermut Pisortaqarfiup soorunami A pillugu nalunaarutit nalilersorsimavai, kisianni nalilersimallugu aalajangiinnermut allannguisinnaanngitsut. Tassunga tunngatillugu pingaartinneqarsimavoq, suleqatigiinnermi ajornartorsiuteqarsimasoq X-imi kigutileriffimmi aqutsisunut atorfeqartunullu.

Soraarsitsinissamik aalajangernermi mianersoqqussut immikkut pingaartinneqarsimangilaq. Mianersoqqussutip imarisaaniittut soraarsitsinermut tunngavilersuummi aamma erseput. A-p soraarsinneqarnissaanik innersuussinissamik aalajangerneq pivoq, B-p 5. april 2005-imi A oqaloqatigereermagu. B-p oqaloqatiginninnerup kingorna nalilerpaa, atorfinitsitsisimaneq unitsinneqassasoq. Tassunga tunngatillugu unnersuussutigineqassaaq, B-p 14. april 2005-imi allagaani ersermat, A 5. april 2005-imi ataatsimiinnerup nalaani ingerlaannartumik nipitoorsuarmik oqalussimammatt, tamatumalu B malillugu atassuteqarfiginissaa ajornavissimasoq. 30. marts 2005-imi mianersoqqussummi ersepoq, A sungiussisimarpalunngitsumik iliuuseqarsimasoq torsuasami nilliallunilu perulluliorsimagami. Aammalu ersepoq, A-p paasisimangikkaa tusaasimanaguluunniit B-p qanoq paasitissimaneraani. Pissusilersorsimaneq mianersoqqussummi unnersuussutigineqartoq ingerlaqqissimavoq 5. april 2005-imi ataatsimiinnermi, soorlulu B-p 14. april 2005-imi allagaani ersertoq, 5. aprilimi ataatsimiinnerup qanoq ingerlasimanerata kingunerigaa, B naliliisillugu ...mi kigutileriffimmi atorfeqaannarnissaq ajornavissaq.

Aqutsinermut Pisortaqarfiup naliliineraa, ilungersortoqangaatsiarsimasoq suliffimmi suleqatigiinnermi ajornartorsiutit aaqqinniarlugit, soraarsitsinermik annikinnerusumik kingunilerniarualarlugit, kisianni ajornartorsiutaasimasoq suleqatigiinnermi ajornartorsiutit sulisunuinnaq sammisimangimmata aammali qullersarisanut, taamaattumik kigutileriffimmut allamat nuussigaluaaraanni ajornartorsiutit iluarinaviannngimmata. Tassunga tunngatillugu unnersuussutigineqassaaq, B-p A arlaleriarluni oqaloqatiginiartarsimagaluarmagu suleqatigiinnermi ajornartorsiutit pillugit, pitsaanerulersitsinermik kinguneqanngitsumik.

Suliamut piginnaanikinnermut atatillugu unnersuussutigineqassaaq, B-p A-mut qullersatut naliliisimanagera, naliliinerilli ilinniarsimasunit allanit misissorneqarsimangillat.

Aqutsinermut Pisortaqarfiup naliliineraa, soraarsitsinissamat pissutissaqarluarsimasoq."

Aqutsinermut Pisortaqarfiup allagai Dansk Tandlægeforeningimut suliami illua'tungiusup isumaanik tusarniaatit 1. november 2005-imi nassiuppakka. Dansk Tandlægeforening allakkatigut 29. november 2005-imeersutigtut 12. december 2005-imi tigusakktut akivoq. Akisummit makku erseput:

"Kigutilerisup A-p, ...mi kigutileriffik, soraarsinneqarnera pillugu suliami Inatsisartut Ombudsmandiata apeqqutaasa akineqarneri pillugit Aqutsinermut Pisortaqarfiup allagai 6. oktober 2005-imeersut pillugit Dansk Tandlægeforeningip oqaaseqaataa.

Dansk Tandlægeforeningip maluginiarpaa Aqutsinermut Pisortaqarfik misissuisussaatitaanerminik unioqqutitsisimanginnerartoq manna innersuussutigalugu, tassalu suliami illua'tungiusumut tusarniaarnermi akissut nunap immikkoortuani kigutilerisut pisortaannut B-mut aamma kigutilerisut pisortaannut F-mut oqaaseqaateqarfigeqqusimagaa. Taamatutaaq suliami illua'tungiusup isumaanik tusarniaasoqanginnerani X-imi sulisut allakkatigut oqaaseqaateqartinneqarsimanerat pisortaqarfiup innersuussutigaa.

Tamanna pillugu oqaatigineqassaaq X-imi sulisut martsip qiteqqunnerani kaammattorneqaratik A tapersorsorlugu assaannarmik allakkanik oqaaseqaateqarsimasut. A-p suleqatiginerani ajornartorsiutit pillugit oqaaseqaat 18. aprilimeersoq pisortaqarfiup innersuussutigisaa suliami illua'tungiusup isumaanik tusarniaanermut akissummi oqaatigineqartutut pingaaruteqartillugu isiginiarneqarsinnaanngilaq, tassami sulisut tamatuma nalaani B-mit, A-mik soraarsitserusogisumit, sakkortuumik tatisimaneqarsimanissaat mattunneqarsinnaanngimmat. Allakkatigut oqaaseqaatit taa-neqartut paasissutissiissutigineqartut malillugit qitiusumik kigutileriffimmi ataatsimiinnermi, B-p aggersaasuuffigisimasaani, X-imilu sulisut aggeqquneqarsimaffianni, pissarsiarineqarsimapput. Tassani oqaaseqaatit assaannarmik allakkat assigiinngitsut pineqanngillat, pineqartorli tassaalluni oqaaseqaat ataaseq sulisunit atsiorneqarsimasoq, B-p ataatsimiinnerup aqaguani Aqutsinermut Pisortaqarfimmut faxikkut nassiussimasaa.

A-p suleqatigiinnermi ajornartorsiutaanerata suliat suliarineqarnissaannut akornutaasumik sunniuteqarnera soraarsitsinermut tunngavilersuutaasinnaanera pisortaqarfiup innersuussutigaa. Uteqqillugu: Pisut B-p taasai, A-p "suaartarlunilu nilliane-ranik" aamma "kipiffeqanngitsuusaamik oqalunneranik" taasai suliami illua'tungiusup isumaanik tusarniaanermut akissummi oqaatigineqartutut B-p illua'tungaannarsiorluni isiginninneranik tunngaveqarput. Taamaalillutik B-p allaffiani 5. april ataatsimiinnermi arlallit peqataapput, ilaatigut A-p kigutileriffimmi allami suleqataa. Suleqat taanna ataatsimiinneq pillugu allatut paasinnissimavoq, tamannalu pillugu Peqqissutsimut Pisortaqarfimmut nassuiaateqarsimalluni.

Paasissutissat pissarsiarineqartut sakkortuumik isiginiarneqarsimanerat qullersaasullu oqaaseqaataataaalajangiisuusumik pingaartillugu isiginiarneqarsimanagera pisortaqarfiup innersuussutigaa.

Tamanna pillugu oqaatigineqassaaq Dansk Tandlægeforeningip suliami illua'tungiusup isumaanik tusarniaanermut akissummi B-p naliliinerata pisortaqarfimmit illua'tungaannarsiorlumik pingaaruteqartinniarnaqarsinnaannginneranut pingaaruteqartinneqartariaqarsimanginneranullu tunngavilersuuterpassuit oqaatigai. Taamaalilluni B kigutilerisunik pingasunik allanik/immikkoortortaqarfinni pisortanik suleqatiginninnermini ajornartorsiuteqarpoq, tamannalu Peqqissutsimut Pisortaqarfiup ilisimareersimagaluarppaa. Taamaattumillu taamaattoqarnera pissutigalugu A-p suleqatigiinnermi ajornartorsiutinut illua'tungaannarsiorlumik pissutaatinneqarnera pissusissamisunngitsutut isigineqarpoq.

Suliami illua'tungiusup isumaanik tusarniaanermut akissuteqarnissaq sioqqullugu kigutilerisut allat/immikkoortortaqarfinni pisortat naammagittaalliuutaat Peqqissutsimut Pisortaqarfiup ilisimasimavai. Taamaalillunilu B 24. maj 2005-imi "tassanngaannartumik" soraartariaqalersimavoq. Taamaakkaluortoq A allakkatigut 31. maj 2005-imeersutigut soraarsinneqarpoq.

Ilaatigut tamanna tunngavileralugu oqaatigisariaqarpoq Namminersornerullutik Oqartussat pisortani oqartussaasutut soraarsitsinermut allaasumik aaqqiissuteqarnissaq naammaginnartumik suliniuteqarlutik anguniarsimangikkaat.

A-p suliatigut pikkorluttuuneranik oqaatigineqartut eqqarsaatigalugit aamma matumani B-p naliliinerata aalajangiisuusumik pingaaruteqartillugu isiginiarneqarsimanagera pisortaqarfiup innersuussutigaa.

Tamanna pillugu oqaatigineqassaaq kigutilerisut allat/immikkoortortaqarfinni pisortat B pillugu naammagittaalliuutaat aamma sulianut attuummassuteqartuusut uppernarsaatissaqartoq.

Taamaalillutik kigutilerisut/immikkoortortaqarfinni pisortat B-p kigutilerisai 15-it pillugit allattukkat misissorneqarnerat Peqqissutsimut Pisortaqarfinnut tunniussimavaat, Dansk Tamlægeforeningillu paasinninnera malillugu A-p suliaanik B-p paasinninnera tunngavigalugu naliliinerup illua'tungaannarsiortumik pisariaqartumillu ingerlannissaanut pissutissaqarsimangilaq pissutissaqarnanilu.

Eqikkaanermi ilimanarsisinneqarpoq Peqqissutsimut Pisortaqarfik suliap paasisutissartalersorneqarnerani ilumoorfiginninnani peqataasimasooq. Illua'tungaani Aqutsinermut Pisortaqarfiup manna akisussaaffigaa, tassalu paasisutissat imminnut assortuuttuugaluartut - suliap tamakkiisumik paasisutissartalersorniarlugu annertunerusumik misissuisoqarsimanginnera.

Paasisutissat amerlanerusut Ombudsmandip kissaatigippagit imaluunniit qulaani taaneqartut pillugit apeqqutissaqartoqarpat ataani atsiortoq saaffigineqarsinnaavoq." (Atofeqarfimmi nutsigaavoq)

Sulisogarnermut Pisortaqarfinnut (Aqutsinermut Pisortaqarfiusimasumut) 5. januar 2006-imi imatut allappunga:

"Dansk Tamlægeforeningip tusarniaanermut akissutaa, assiliner ilanngullugu nassinneqartoq, Ombudsmandip 12. december 2005-imi tiguaa.

Aqutsinermut Pisortaqarfik qinnuigaara tusarniaanermut akissut pillugu oqaaseqaatissaqaruni oqaaseqaatini saqqummiuteqqullugit.

Aqutsinermut Pisortaqarfik qinnuigaara A-p soraarsinneqarnera sioqqullugu B pillugu naammagittaalliummik takkuttoqarsimanagera Aqutsinermut Pisortaqarfiup ilisimasimanagera paasisutissiissutigeqqullugu.

Aqutsinermut Pisortaqarfik tamatumunnga atatillugu qinnuigaara A-p soraarsinneqarneranik suliame atugassatut mappi allagaatinik A-mut tunngasunik imalik kii-salu mappi allagaatinik B-mut tunngasunik imalik Aqutsinermut Pisortaqarfiup Peqqissutsimut Pisortaqarfinnut pissarsiariniarsimanagera paasisutissiissutigeqqullugu.

Aqutsinermut Pisortaqarfiup akissutaa suliame inaarsaallunga suliarinnillinninninni Dansk Tamlægeforeningimut oqaaseqaateqarfisassanngorlugu saqqummiunneqassaaq."

Sulisogarnermut Pisortaqarfik allakkatigut 27. januar 2006-imeersutigut imatut akivoq:

"Inatsisartut Ombudsmandiata allagai 5. januar 2006-imeersut tunngavigalugit Sulisogarnermut Pisortaqarfiup (siornatigut Aqutsinermut Pisortaqarfiup) matumuuna Dansk Tamlægeforeningimit tusarniaanermut akissummut nassuiaatit mak-kua saqqummiutissavai:

Oqaaseqaatit allaganngortinneri X-imi sulisunit suliarineqartut naapertorlugit oqaatigineqassaaq B allamat sulisut allat sinnerlugit oqaaseqartartuusumit D-mit 23. marts 2005-imi aamma 29. marts 2005-imi telefonikkut attavigineqartarsimal-luni – tamatumani B ilisimatinneqarpoq sulisut toqqissisimanannitsorujussuar-mik misigisimasut aammalu A-p sulisut sunnersimagai nikallortillugillu. Tamanna B-p aammattaq X-imi sulisut 11/4-05-imi ataatsimiinneranni uppernarsivaa. Nalu-naarutit taamaalillutik B-p siusinnerusukkulli oqaasiinnartigut nalunaarfigineqarne-

ranut allakkatigut uppersaatit taamaallaat ersiutaapput, tak. B-p nassuiaasiaa 14. april 2005-imeersoq. Aammattaq saniatigut erseqqissarneqassaaq E-mit nalunaarussiaq kiisalu nalunaarussiaq D-mit I-millu atsiorneqartoq tigu-neqarsimammata – tassalu taamaallit nalu-naarussiaq marluk pineqarlutik.

Taanearersut saniatigut Sulisoqarnermut Pisortaqarfiup Inatsisartut Ombudsmandiannut allakkamini 6. oktober 2005-imeersuni nassuiaatini aalajangiisimavai.

Sulisoqarnermut Pisortaqarfik ilisimasaqanngilaq B-mik soraarsitsinissaq sioq-qullugu suleqatigiinnikkut ajornartorsiutiviit naammagittaalliuutigineqarnerat tigu-neqarsimansoq. Sulisoqarnermut Pisortaqarfiup taamaallaat soraarsitsinissatut si-unertarineqartumut Dansk Tandlægeforeningip qanoq isumaqarnerminik akissutaa (ilannussartalik) ilisimasaqarfisaa.

Tassunga atatillugu sulii ataasiarluni erseqqissarneqassaaq B tassaaginnangitsooq A-p kisimi suleqatigiinnikkut ajornartorsiuteqarfisaa, kisiannili X-imi kigutulerif-fimmi sulisut allat aamma ajornartorsiuteqarfisaa.

Sulisoqarnermut Pisortaqarfiup suliamut atatillugu A pillugu Peqqinnissaqarfim-mit/Peqqissaaveqarfimmi Aqutsivimmit sulianik katersukkat pissarsiariniarsiman-ngilai, Sulisoqarnermullu Pisortaqarfiup soorunami naatsorsuutigaa suliamut tunngasumik atorussat pisarneq malillugu nassiunneqarsimassasut.

B pillugu suliasamat atasumik suliat katersukkat aammattaq piniarneqarsiman-ngillat."

Dansk Tandlægeforeningip uannut allakkani 29. november 2005-imeer-suni saqqummiunneqarsimasut, qulaani issuarneqartut e-malikkut nassius-at isummerfigai, kiisalu imaattut oqaatigalugit:

- "- A-p soraarsinneqarnera imarisamigut ilutsimigullu amigaateqartoq.
- Peqqissutsimut Pisortaqarfik/Sinerissami Aqutsisoqarfik suliat paasissutissarta-lersorneqarneranut ilumoorfiginnittumik peqataasimangitsut
- Aqutsinermut Pisortaqarfiup misissuinissamat pisussaaffini sumiginnarsima-gaa." (Atorfeqarfimmi nutsigaavoq)

*Tamakku tunngavigalugit imaattunik oqaaseqaateqarpunga:*

*"Aqutsinermut Pisortaqarfiup A-mut allagaanit 31. maj 2005-imeersunit A-mik soraarsitsissutaasunit erserpoq soraarsitsineq ilaatigut suleqati-giinnermi ajornartorsiutinik ilaatigullu suliamut pikkorlunnermik tunnga-vilersorneqarsimasooq. Tulliuttuni ilaatigut suleqatigiinnermi ajornartorsi-utit pillugit apeqqut tulliuullugulu suliamut pikkorlunneq pillugu apeqqut allaaseraakka. Tamatuma kingornatigut Aqutsinermut Pisortaqarfiup so-raarsitsinermut tunngaviusumik naliliinera pillugu arlalinnik oqaaseqaa-teqarpunga.*

### 1. Suleqatigiinnermi ajornartorsiutit ataatsimut.

*Suleqatigiinnermi ajornartorsiutit soraarsitsisoqarnissaanik aalajangi-i-nermut pisariaqartumik tunngaviusinnaanerat aalajangersimavoq. Taa-maattorli inatsisitigut innarlitsaalineqarnissaq eqqarsaatigalugu piimasa-qaataavoq suleqatigiinnermi ajornartorsiutit soraarsitsinermut imaallal-laannaq tunngaviutinniarneqarsinnaangitsut.*

Siullertut piumasaqaatigineqarpoq suleqatigiinnermi ajornartorsiutit atorfeqarfimmi pineqartumi suliassat suliarineqarnerinut pitsaanngitsumik annertuutigit siunniuteqarsimassasut. Aammattaaq suleqatigiinnermi ajornartorsiutit aamma inuup soraarsinniarneqartup akornanni erseqqisumik ataqatigiinneqassaaq, taamatuttaarlu ajornartorsiutit pilernerinut tunngaviusumik pissutaasoq soraarsinniarneqartumit allaasumut tutsinniarneqarsinnaasuussanngillat. Ingerlatsineq pillugu inatsiseqartitsinermit pisut oqimaatigitiissumik illua'tungeriinnerannik tunngaveqarnerup nasataraa suleqatigiinnermi ajornartorsiutaasut oqartussaasup soraarsitsisup tungaanit iliuuseq soraarsitsinermit sakkukinnerusoq atorlugu aqqinniarlugit suliniuteqartoqarsimassasoq.

Tamakkua saniatigut suleqatigiinnermi ajornartorsiutit piunerannut uppernarsaatit tunngavisoq soraarsitsinermit tunngavilersuutaasinnaasoq immikkut qularnaatsuussuseqassaaq.

Pissutsit qanoq issusiat aalajangiisuutillugu pisimasorpiaat qanga sumilu pisimani oqaatigineqarsinnaasut suleqatigiinnermilu ajornartorsiutit sorpiaat pineqarnerannik takutitsisut oqaatigissallugit pisariaqarsinnaavoq.

Tamatuma saniatigut ingerlatsineq pillugu inatsiseqartitsinermit pisortat paasissutissanik aalajangiinissamut pisariaqartunik pissarsinermikkut naammattumik tunngavissaqarnissaannik nalinginnaasumik tunngaveqarnerup nasataraa suliap aalajangiisoqannginnerani naammattumik paasissutissartalorsorneqarsimanissaanut ingerlatsinermit oqartussaasup pineqartup akisussaaffeqarnera.

Qinnuteqaatigineqanngitsumik soraarsitsinerit pillugit aalajangiinerit annertuumik akuliunnertut nalinginnaasumik isigineqartarput, taamaattumillu misissuinerup qanoq annertussuseqarnissaanik aamma paasissutissat suliamut attuumassuteqartut qularnaatsuunissaannik piumasaqaatit tamatumunnga naapertuuttumik sakkortussuseqarlutik. Tak. Hans Gammeltoft-Hansen il.il., "Forvaltningsret", aappasaanik 2002-mi naqitertitaq, qupperneq 226.

Pissusiviusup annertuup eqqortuunera nalornissutigineqarpat suliap sukumiisumik paasissutissartalorsorneqarnissaanik piumasaqaammut ilaavoq nalornissutigineqartoq taanna qulaajarniarneqassasoq, taamaalilluni uppernarsaasersuinnikkut pisarnertut naliliinnikkut aalajangiisoqarsinnaalersillugu paasissutissaq pineqartoq soraarsitsisoqassappat soraarsitsinermit tunngaviutinneqarsinnaanersoq. Tak. Hans Gammeltoft-Hansen il.il., Forvaltningsret, aappasaanik 2002-mi naqitertitaq, qupperneq 226.

Qinnuteqaataanngitsumik soraarsitsineq pillugu aalajangiisoqannginnerani suliami illua'tungiusup isumaanik tusarniaasoqassaaq, taamatuttaarlu aalajangiineq tunngavilersorneqassalluni. Tamanna pillugu oqaaseqaatit kinguliiniittut takukkit.

Tamatuma kingornatigut suleqatigiinnermi ajornartorsiutit tunngavigalugit soraarsitsinissamut pisariaqartumik tunngavissaqalersimanerannik



*apeqquq isiginiagassanik arlalinnik naliliinermik tunngaveqarpoq. Ombudsmandi isiginiagassat taakku oqimaalutarnissaannut oqartussaasunit pitsaanerusunik tunngavissaqanngilaq.*

*1.a. Suliami matumani suleqatigiinnermi ajornartorsiutit.*

*Aqutsinermut Pisortaqarfiup mappiutaa allagaatinik A-mut tunngasunik imalik misissoreerlugu isumaqarpunga manna tunngaviutissinnaallugu, tassalu nunap immikkoortuani kigitit nakorsaasa pisortaata B-p A-mik suleqateqarneq naammagisimangikkaa.*

*2. A-p allakkatigut mianersoqquneqarnera.*

*Aqutsinermut Pisortaqarfiup oqaatigaa mianersoqqussut A-mut allakkatigut 17. marts 2005-imeersutigut tunniunneqartoq periaatsitigut kukkusi-maneg pissutigalugu atorunnaarsinneqarsimasoq.*

*Aallaqqaasiutit oqaatigaara mianersoqqussutip 17. marts 2005-imeersup atorunnaarsinneqarsimanera Aqutsinermut Pisortaqarfiup mappiutaani allagaatinik imalimmi imaaliillaannaq takuneqarsinnaanngitsoq. Taamaalilluni allakkani namminerni mianersoqqusissutaasuni mianersoqqussutip atorunnaarsinneqarluni naqissuserneqarnera takuneqarsinnaanngilaq. Tamanna suliami A-mut tunngasumi kukkusumik imatut isumaqalersitsisinnaavoq mianersoqqussutinik marlunnik tunniussisoqarsimasoq. Aammattaaq mianersoqqussutip 17. marts 2005-imeersup pineqartup atorunnaarsinneqarneranik A ilisimatinneqarsimanersoq takuneqarsinnaanngilaq.*

*Tulliulluni suliamit erserpoq A 5. april 2005-imi nal. 13.00 B-mik ataatsimeeqatigineqarnermini allakkatigut mianersoqqussummik tunineqarsimasoq.*

*B-p Sinerissami Aqutsisoqarfimmut allagaanit 5. april 2005-imeersumit manna erserpoq:*

*"Uannit paasissutissat 30/02/2005-imi ullulerneqarsimasut A-mut saqqummiunneqarput, mianersoqqussumnullu pissutaasut pillugit isummernissaminut periarfissinneqarluni." (Atorfeqarfimmi nutsigaavoq)*

*Allakkanit 30. marts 2005-imeersunit innersuussutigineqartunit erserpoq:*

*"Pineqartoq: Oqaloqatigiinnermut atatillugu allakkatigut 31/03/2005-imi mianersoqqussummik tunniussineq." (Atorfeqarfimmi nutsigaavoq)*

*Uanga paasinninnera malillugu A-p allakkatigut mianersoqquneqarnissaa A-p oqaloqatigineqarnissaminut aggeqquneqarnerata nalaanili isummerfigineqareersimavoq.*

*Taamaalilluni mianersoqqussummik tunniussisoqarnissaanik aalajangerortoqannginnerani A suliami illua'tungiusutut isummaminik tusarniaavi-*

*gineqarsimannilaq. Tamanna isorisariaqartutut isigaara. Aamma oqaati-gaara suliami illua'tungiusup isumaanik tusarniaannginneq aalajangiine-rup atuussinnaassuseqannginneranik nalinginnaasumik nassataqartartoq.*

*2.a. Allakkani 30. marts 2005-imeersuni 5. april 2005-imi tunniunneqar-tumi piffissaliineq.*

*B-p A-mut allagaani 30. marts 2005-imeersunit A-p mianersoqqussum-mik tunineqarneranik nalunaarutaasunit erserpoq:*

*"Taanna tassaavoq allakkatigut mianersoqqussut, ajornartorsiutit iluarsineqan-gippata pissusilersuutillu tamarluinnarmik 15. april 2005 tikitsinnagu pitsanngor-tinneqanngippata atorfinitsitaanerit eqqarsaatigalugu tamanna ingerlaannassaner-soq naliliivigineqassaaq." (Atorfeqarfimmi nutsigaavoq)*

*B-p Sinerissami Aqutsisoqarfimmut allagaanit 5. april 2005-imeersunit ersermat A 2005-imi 30. martsimit 1. aprilimut napparsimasutut nalunaa-rutiginneqarsimasoq, taamatuttaarlu B A-lu aatsaat 5. april 2005-imi ataat-simiissimmata tunngaviutippara allakkatigut mianersoqqussut A-mut aatsaat 5. april 2005-imi tunniunneqarsimasoq.*

*Tulliulluni B-p allakkiaanit 5. april 2005-imeersunit, assilinera kigutit nakorsaasa pisortaannut F-imut nassiunneqarsimasumit erserpoq:*

*"Aamma nalunngilara A pissutsini iluarsisinnanngikkaa. Taamaattumik uanga isumaqarpunga ...-mi Kigutileriffimmi siunissami sulisinnaanngitsoq." (Atorfeqar-fimmi nutsigaavoq)*

*B kigutit nakorsaasa pisortaannut F-imut e-mailikkut 7. april 2005-imi imatut allappoq:*

*"A-p tungaanit sukkulluunniit suleqatiginninnissamut piumassuseqarneq palleg-qajannngilarpulluunniit. Nalinginnaasumik oqaloqatigineq ajornarpoq. ...-mi kiguti-leriffimmi pineqartup suleqatigiinnarnissaanut aqqiissutaasinnaasunik takusa-qarsinnaanngilanga. ...*

*A 1. februar 2005-imi atorfinitsinneqarpoq. Ullumikkut 2005-imi aprilip nagga-taata kingornatigut sulisorinissaa soqutiginnngilara. A-mik oqaloqateqaqqinnissaq imminut akilersinnaanngitsutut isigaara. A aamma suli (7/4-mi) sulinnngilaq. Ilissi ilisimatissaviisuk uangaluunniit ilisimatissavara?" (Atorfeqarfimmi nutsigaavoq)*

*Kigutit nakorsaasa pisortaat F tamatuma kingornatigut 8. april 2005-imi imatut allappoq:*

*"Uanga paasinninnera unaavoq qaammatinik pingasunik piffissaqartitsinerup iluani soraarsinneqartariaqartoq - ajoraluartumik allamik aqqutissaqarunanngi-laq.*

*Ilimgaara eqqissiviillortitsiuaannassasoq." (Atorfeqarfimmi nutsigaavoq)*

*Aallaqqaasiutitut oqaatigaara A allakkatigut mianersoqqussummi "pit-sanngoriarnissaminut" 15. april 2005-ip tungaanut piffissalernerneqarsima-*



soq. Tulliullugu oqaatigaara allakkatigut mianersoqqussut taanna A-p 5. april 2005-imi tigusimagaa.

Taamaakkaluortoq B-p aamma kigutit nakorsaasa pisortaata tulleriin-neri malillugit 2005-imi 5. aprilimili, 7. aprilimili aamma 8. aprilimili oqaatigisimavaat A-p pitsanngoriarsinnaanngitsutut isigineqartoq, A-llu soraarsinneqarnissaanik suliaq aallartinniarlugu aalajangersimasut.

Tamatuma kingornatigut A-p soraarsinneqarnissaanik suliaq kigutit nakorsaasa pisortaata F-ip e-mailikkut nassiussaaticut 8. april 2005-imeersukkut aallartinneqarpoq.

Taamatut periaaseqarneq isorisarialerujussuartut isigaara.

### 3. A-p soraarsinneqarnera.

Aqutsinermut Pisortaqarfiup A-mut allagaanit 20. april 2005-imeersunit erseerpoq A-p soraarsinneqarnissaa makku tunngavilersuutigalugit inassuteqaatigineqartoq:

- 1. Nalunaaqutaq 15.45-p tungaanut suliffimmiinnissamut akерliusimaneq.
- 2. Suliffiup nalaani akuerineqarnani X-ip kigutileriffianukarsimaneq.
- 3. Kigutileriffimmi ikiortip kigutileriffimmut allamut nuutsinneqarnissamik qinnuteqarsimanera.
- 4. B-p peqannginnerani nukinginnartumik kigutilerisassanik tigusiumasimanninneq.
- 5. B-mik pitsaanngitsumik eqqartuisimaneq, suliffimmi tujorminartumik pisoqalersitsisimaneq.
- 6. B-p qulaani taaneqartut A-mut oqaloqatiginnissutiginiarsimagaluarai, A-li attaveqarfiginiaruminaassimasoq.

Dansk Tandlegeforening Aqutsinermut Pisortaqarfimmu allakkamini 20. maj 2005-imeersuni pissutsit taakku pillugit oqaaseqaateqareerpoq (qulaani issuarneqartunik).

Aallaqqaasiutitut oqaatigaara allakkatigut mianersoqqussut A-mut allakkatigut 30. marts 2005-imi ullulernerqarsimasutigut tunniunneqartoq immikkoortut 1-imit 5-imut tunngasut pillugit mianersoqqusineramik imaqartoq. Qulaani immikkoortoq 2.a.-mi tunngaviutippara A allakkatigut mianersoqqussut 5. april 2005-imi tigoreerlugu soraarsitsiniarnermik suliap aallarnerneqarnerata tungaanut pissusilersornerminik allannngortitsinissaminut periarfissaqarsimanngitsoq.

Mianersoqqussut tunniunneqartarpoq tigusisumut erseqqissarniarlugu pisoq pineqartoq akuerineqarsinnaanngitsutut isigineqartoq. Taamaalluni mianersoqqusummik tunniussinermi siunertaavoq sulisup matuminnga nalunaarfigineqarnissaa, tassalu pissusilersorneq pineqartoq imaluunniit pisoq pineqartoq suliffimmi akuerineqanngitsoq.

*Uanga paasinninnera unaavoq pisoq sulisitsisup mianersoqqussutigisi-mappagu pisoq taannaasoq sulisitsisup kingusinnerusukkut soraarsitsinermi tunngavilersuutitut atorsinnaanngikkaa, pisoq sulisup aaqqissimap-pagu.*

*Aamma pissusilersorneq immikkoortuni 1-imit 5-imut taaneqarsimasoq A-p mianersoqqussummik 5. april 2005-imi tunineqarnermi kingornatigut pissusilersuutigeqqissimaneraa suliami takuneqarsinnaanngilaq.*

*Immikkoortut 1-imit 5-imut soraarsitsinermi tunngaviusutut atorneqar-nissaat kissaatigiguniuk pisut mianersoqqussuteqarnerup kingornatigut peqqissimanerannut uppernarsaatinik Aqutsinermut Pisortaqarfik pissar-siniarsimasariaqaraluarpog.*

### 3.a. Uppernarsaatinik naliliineq.

*Aqutsinermut Pisortaqarfiup suliami illua'tungiusup isumaanik tusarni-aalluni allakkat A-mut 20. april 2005-imi nassiuppai, taakkunanngalu er-serpog A soraarsinneqalersaartoq. Aqutsinermut Pisortaqarfiup soraarsit-sinermi tunngavigisaa pillugu oqaaseqaatini Dansk Tandlægeforeningip allakkatigut 20. maj 2005-imeersutigut nassiuppai.*

*Aqutsinermut Pisortaqarfiup A allakkatigut 31. maj 2005-imeersutigut soraarsippaa. Soraarsitsineq pillugu allakkani (qulaani issuarneqartuni) tunngavilersuutit soraarsitsissamaarluni allakkani 20. april 2005-imeersu-ni oqaatigineqarsimasut annertunerusutigut assigaat.*

*Aqutsinermut Pisortaqarfiup tunngavilersuutit taakku allakkani 31. maj 2005-imeersuni aalajangiusimavai, B-llu aamma X-imi kigutileriffimmi su-lisut oqaaseqaatiminnik taamatuttaaq aalajangiusimanninnerat innersuus-sutigalugu. Tamanna Aqutsinermut Pisortaqarfiup naggasiutaasumik oqaaseqaatai malillugit suliamut aalajangiisuusumik sunniuteqarsimavoq.*

*Qulaani immikkoortoq 3-mi oqaatigaara isumaqartunga tunngaviler-suutit immikkoortuni 1-imit 5-imut qulaani oqaatigineqartut A-p soraarsin-neqarneranut tunngaviusinnaaner at nalorninartoqartoq.*

*Immikkoortup 6-ip ataani tunngavilersuut eqqarsaatigalugu ...-p oqa-seqaataasa A-p oqaaseqaataanit sooq pingaernerutillugit isiginiarneqar-simanerat Aqutsinermut Pisortaqarfiup soraarsitsineq pillugu allakkamini 31. maj 2005-imeersuni nassuiarsimannngilaq.*

*Uanga paasinninnera unaavoq suliami soraarsitsinermut tunngasumi suliami illua'tungiusut allalluunniit tungaannit pisoq pineqartoq pillugu qularutiginninneq saqqummiunneqarpat tamatuma qulaajarneqarnissaa oqartussaasup soraarsitsisup anguniartariaqaraa. Soraarsitsinermi oqar-tussaasup tamatuma kingornatigut soraarsitsineq pillugu allakkani so-raarsinneqartumut nassuiassavaa tunngavilersuut pineqartoq tunngaviler-suummut allamat sanilliullugu pingaartillugu isiginiarneqarnissaa sooq toqqarneqarsimanersoq.*

*Aqutsinermut Pisortaqarfiup uannut allakkamini 6. oktober 2005-imeer-suni oqaatigaa:*

*"Aqutsinermut Pisortaqarfik soraarsitsineq aalajangerneqartinnagu misissuisit-sisimavoq, tassami pisortaqarfik B-mik F-imillu oqaaseqaateqaqqusisimammatt suleqatigisanik tusarniaanermut akissut pillugu. Taassuma saniatigut pisortaqarfiup suleqatigisanik tusarniaaneq nassiuqqanngikkallarmalli qinnutigisimavaa B-p itisiliilluni oqaaseqaateqarnissaa. Aammalu B-mit paasissutissat tigoreernerat tunngavigalugu ullormi 14/4-05-imi A-mut pissutsit pillugit X-imi kigutileriffimmi sulisunit allakkatigut oqaaseqaatinik piniartoqarsimavoq." (Atorfeqarfimmi nutsigaavoq)*

*Aqutsinermut Pisortaqarfik uannut allakkamini 6. oktober 2005-imeersuni nangilluni allappoq:*

*"Suleqatigiinnermi ajornartorsiutit A-p qullersarisai malillugit atorfeqarfisami suliasat suliarinissaannut ima akuersaarnangitsigisimapput, tamatumani soraarsitsinissamut tunngaviusinnaallutik, takuuk B-p allagai 14. april 2005-imeersut." (Atorfeqarfimmi nutsigaavoq)*

*Aqutsinermut Pisortaqarfik aamma naliliivoq suleqatigiinnermi ajornartorsiutit A-p pisuussutiginerpaagai, matumanilu B-p oqaaseqaatai kii-salu X-imi kigutileriffimmi sulisut oqaaseqaataat innersuussutigineqarput.*

*Kiisalu Aqutsinermut Pisortaqarfiup oqaatigaa:*

*"Suleqatigiinnermi ajornartorsiutit uppersarnissaat assut ajornakusoorsimavoq, tassani misigissutsit amerlasuut akuummata." (Atorfeqarfimmi nutsigaavoq)*

*Aqutsinermut Pisortaqarfik uannut allakkamini 6. oktober 2005-imeersuni nangilluni oqaatigaa:*

*"Aqutsinermut Pisortaqarfik paasissutissanut pisanut isornartussarsiorsimavoq, kisianni pisortaqarfiup qullersaasup oqaaseqaatai pingaartissimavai, tassami qullersaasup suliffiup ingerlalluarnissaanut akisussaammatt, taannaallunilu naliliillu arnerusinnaasooq ajornartorsiutit qanoq annertutiginerat pillugu. A pillugu nalunaarutit kigutileriffinnit allanit kigutit nakorsaaneersuupput, kisiannili X-imi kigutileriffimmit, A-p suliffigisaanit sulisuneersuunatik. Aqutsinermut Pisortaqarfiup soorunami A pillugu nalunaarutit nalilersorsimavaat, kisianni nalilersimallugu aalajangiinnermut allannguisinnaanngitsut. Tassunga tunngatillugu pingaartinneqarsimavoq, suleqatigiinnermi ajornartorsiuteqarsimasooq X-imi kigutileriffimmi aqutsisunut atorfeqartunullu."*

*Taamaallunni Aqutsinermut Pisortaqarfiup uannut allagaani 6. oktober 2005-imeersunit erserpoq suleqatigiinnermi ajornartorsiutinik soraarsitsinermut tunngavilersuutaasinnaasunik peqarnerooq naliliinnermi B-p oqaaseqaataasa pingaaruteqarnerat kisiat pingaartillugu isiginiarsimagaa.*

*Oqaatigaara suleqatigiinnermi ajornartorsiutaasutut oqaatigineqartut amerlanersaat eqqarsaatigalugit tassaammata A-p aamma B-p akornanni suleqatigiinnermi ajornartorsiutit.*

*Immikkoortumi 1-imi oqaatigaara suleqatigiinnermi ajornartorsiutit soraarsitsinermut tunngavilersuutaasinnaassappata suut piumasaqaataasut.*

*Taamatutaaq immikkoortumi 1.a-mi tunngaviutippara nunap immikkoortuani kigutit nakorsaasa pisortaata B-p A-mik suleqateqarneq naammaginngikkaa.*

*Aqutsinermut Pisorta qarfimmu allakkani 5. januar 2006-imeersuni apequtigaara Aqutsinermut Pisorta qarfiup soraarsitsineq pillugu suliaq suliarineqarnerani atugassatut Peqqissutsimut Pisorta qarfiup mappiutai allagaatinik tulleriinneri malillugit A-mut aamma B-mut tunngasunik imalilit pissarsiariniarsimanerai.*

*Aqutsinermut Pisorta qarfiup allakkani 27. januar 2006-imeersuni oqaatigaa taamaaliortoqarsimanngitsoq, tassami atortussat suliamut attuumasuteqartut tamarmik nassiunneqarsimanissaat naatsorsuutigineqarmat.*

*Tamanna pillugu oqaatigaara pisortat paasissutissanik aalajangiinissaminnut pisariaqartunik pissarsinermikkut naammattumik tunngaveqarnissaannik aallaaveqarnerup nassatarigaa suliaq naammattumik paasissutisartalersorneqarnissaa oqartussaasumit pineqartumit akisussaaffigineqarnera. Oqaatigaara suliami suleqatigiinnermi ajornartorsiutit tunngavilersuutigalugit soraarsitsinernut tunngasuni, suleqatigiinnermi ajornartorsiutit piunerannik uppersaasatit immikkut qularnaatsuunissaannik piumasaqaateqarfiusuni, mappimik allagaatinik inummumut soraarsinniarneqartumut tunngasunik imalimmik pissarsiniarnissaq oqartussaasup suliamik paasissutisartalersuineranut ilaasariaqartoq.*

*A-li suleqatigiinnermut ajornartorsiutinut pissutaanersoq nalorninartortaqtartut isigaara. Aamma ajornartorsiutit pilersimanerat A-mit allasunut pisuutitsiniutigineqarsinnaanerit nalorninaalluinnartuunngitsoq isumaqarpunga. Tamatumunnga atatillugu ilaatigut kigutit nakorsaasa ataatsimiinnerat pillugu imaqarniliaq 29. marts 2005-imeersoq pingaartilugu isiginiarsimavara, tassannigami ilaatigut ersermat kigutit nakorsaata oqartut B-p suleqatigineqarnera ajornartorsiutaasoq, taannalu kigutit nakorsaasa isumaannut tusaaniartarsimanngitsoq.*

### 3.c. Pissutsinut naapertuuttumik tunngaveqarneq.

*Pissutsinut naapertuuttumik nalinginnaasumik tunngaveqarnerup nasataraa ingerlatsivik pisup pisariaqartitsineranit annertunerusumik akuliuttumik aalajangiissanngitsoq.*

*Immikkoortup 1-ip ataani oqaatigaara suleqatigiinnermi ajornartorsiutit soraarsitsinermut sakkukinnerusumik iliuuseqarnikkut aqqinniarlugit oqartussaasup soraarsitsisup tungaanit suliniuteqartoqarsimassoq.*

*Aqutsinermut Pisorta qarfiup uannut allakkami 6. oktober 2005-imeersuni oqaatigaa Aqutsinermut Pisorta qarfiup naliliinera unaasoq suleqatigiinnermi ajornartorsiutit soraarsitsinermut sakkukinnerusumik iliuuseqarnikkut aqqinniarlugit naammattunik iliuuseqartoqarsimassoq.*

*Suleqatigiinnermili ajornartorsiutit aaqinniarlugit suliniutit suut misi-linneqarsimanersut suliame takuneqarsinnaanngilaq. Tassani aamma ilaavoq qulaani immikkoortumi 2.a.-mi oqaatigisattut A-p pissutsit aaqinniarlugit piviusumik periarfissinneqarsimanninnera. Taamaattumik isumaqarpunga atorfinitsitsinermi oqartussaasup suleqatigiinnermi ajornartorsiutit aaqinniarlugit soraarsitsinermi sakkukinnerusumik iliuutsit naammattut iliuuserisimanerai nalorninartoqartoq, taamaattumillu soraarsitsineq pissutsinut naapertuuttumik iliuuserineqartutut isigineqarsinnaanersoq nalorninartoqartoq.*

*Uanga ataatsimut paasinninnera unaavoq A-p suleqatigiinnermi ajornartorsiutinut pissutaanerpaanera suliame erseqqissumik takuneqarsinnaanngitsoq.*

*Tamanna A-p pissusilersornerminik aaqiinissaminut piviusumik periarfissinneqannginneranut ataneqartillugu isigalugu isumaqarpunga isorisarialerujussuusoq.*

*Uanga ataatsimut paasinninnera unaavoq Aqutsinermut Pisortaqaarfik A-p soraarsinneqarnissaanik aalajangertoqannginnerani paasissutissanik naammattunik A-p suleqatigiinnermi ajornartorsiutinut pissutaanerpaanera kingusinnerusukkut qularutigineqarsinnaannginneranik qulakkeerisunik pissarsiniarsimannitsoq.*

*Aammattaaq uanga paasinninnera unaavoq suleqatigiinnermut ajornartorsiutit qinnuteqaataanngitsumik soraarsitsinermut taarsiullugu allatut aaqinneqarsinnaanerannut periarfissat naammattumik misissorneqarsimannitsoq.*

#### 4. Pikkorlussuseq.

*Pisinnaasat amigarnerisa soraarsitsinermut tunngavilersuutaasinnaanerat nalinginnaasumik akuerisaavoq.*

*Aqutsinermut Pisortaqaarfiup suliame illua'tungiusup isumaanik tusarniaalluni A-mut allagaani 20. april 2005-imeersuni aamma soraarsitsilluni allakkani 31. maj 2005-imeersuni pisut tallimat pikkorlussuseq pissutigalugu soraarsitsinermut tunngavilersuutitut taaneqarsimapput:*

*Pisut aalajangersimasut marluk pineqarput, siullermi A-p B aperisimalugu kigutilerineq qanoq ililluni ingerlanneqassanersoq, aappaanilu kigutileritittoq A-p kukkusumik suliarisimagunarlugu.*

*Taakkua saniatigut pineqartoq tassaavoq A-p eqqortumik kigutaarsimanninnera. Assersuut ataaseq taaneqarpoq, kigut napineqarsimammatt. Matumanili taamatut ataasiaannartumik aamma pisoqarsimanersoq suliame takuneqarsinnaanngilaq.*

*Taakkua saniatigut pisimasut marluk taaneqarput, uanga paasinninnera malillugu pikkorlunnertut taaneqarsinnaanngitsut, tassalu A nammineerluni sulisinnaassuseqanngitsoq, kiisalu A-p piffissap suliffissarititaasup nalaani sulisariaqarneranik B-p erseqqissaasimanera.*

*Aqutsinermut Pisortaqarfiup mappiutaani allagaatinik suliamut tunngasunik imalimmi takuneqarsinnaanngilaq pisut qulaani taaneqartut Aqutsinermut Pisortaqarfiup A-mut allagaani 20. april 2005-imeersuni taaneqarnerat sioqqullugu A-mut uparuarneqarsimanersut.*

*Pisoq siulleg B-p Sinerissamut Aqutsisoqarfimmut allagaani 16. marts 2005-imeersuni (qulaani issuarneqartuni) B-p aamma pisut sinnerinik kingusinnerusukkut A-p allakkatigut mianersoqquneqarneranik nassataqartunik allaaserinniffigisimasaani taaneqarsimavoq.*

*B-p Sinerissami Aqutsisoqarfimmut allagaani 30. maj 2005-imeersuni, Dansk Tandlægeforeningip suliami illua'tungiusup isumaanik tusarniaalluni allagai 20. maj 2005-imeersut pillugit oqaaseqaateqarfigisaani ilaatigut imaattunik allassimasoqarpoq:*

*"Ulluni kingullerni A-p allattuiffinni allattugai uannut takutinneqartut atuarluareerlugit taamatut isumaqarnera allannngortinngilara." (Atorfeqarfimmi nutsigaa-voq)*

*Taamaattorli pisumik aalajangersimasumik taasaqartoqanngilaq. Aamma B-p paasinninnera malillugu A qasseriarluni kukkusumik suliarinnittarsimanersoq taaneqanngilaq, taamatuttaarlu pisuni sorphiani A-p suliarinninneri eqqortuusut taaneqarsimanani.*

*Uanga paasinninnera unaavoq soraarsitsinermi oqartussaasup pikkorlussuseq soraarsitsinermut pissutaatinniaruniuk pikkorlunneraanerup pineqartup annertussusia imarisaalu erseqqinnerusumik uppernarsaasersortariaqaraa. Tamatuma saniatigut pikkorlussuseq ilumut pineqarnerasoq imaluunniit suleriaatsit assigiinngitsut pineqarnerasut isummerfigineqartariaqarpoq.*

*Tassani aamma ilaavoq soraarsitsinermi oqartussaasup kukkussuteqartoqarsimappat tamanna pisinnaasakinnerup ersernerigaa ilimanarsisittariaqarppaa. Tamatumani kukkunerit ataasiakkaaginnaat pineqannginnissaat nalinginnaasumik piumasaqaataasussaavoq.*

*Suliami takuneqarsinnaanngilaq pikkorlussuseq Aqutsinermut Pisortaqarfiup tunngaviutinniagaa A-p suliaasa allat annertussusiannut sanilliullugu qanoq annertutiginersoq.*

*Taamaalilluni A-p pikkorlussusia - ilumut taamaassimappat - qanoq annertutiginersoq nalileruminaatsutut isikkoqarpoq.*

##### 5. Oqaaseqaatika allat.

*Kigutit nakorsaasa pisortaata F-ip A-mut allagai 29. marts 2005-imeersut, qulaani issuarneqartut innersuussutigalugit oqaatigaara ingerlatsivik innuttaasunut allakkuni, atorfeqartitaasup atorfeqartitaanngitsulluunniit pineqarnera apeqqutaatinnagu, pisariaqanngitsumik nikassaarpalaarna-veersaartariaqartoq, sapinngisamillu annertunerpaamik inussiarnerpalaartuusariaqartoq, mianerinnippalaartuusariaqarluni akuersaarpalaartuusariaqarlunilu.*



*Kigutit nakorsaasa pisortaata F-ip allagai qulaani issuarneqartut pisariaqanngitsumik nikassaarpalaartutut nipeqarput.*

*Tamatuma saniatigut oqaatigaara pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 6, imm. 1-ikkut makku aalajangersarneqarmata:*

*"§ 6. Suliassani ingerlatsinermut oqartussaasunit aalajangiiffigineqartussani oqartussaq paasissutissanik suliassamut tunngassuteqarluinnartumik suliassap aalajangiiffigineqarnissaanut pingaaruteqartunik oqaasiinnakkut pissarsisoq, paasissutissanilluunniit taamaattunik allatut iliorluni paasisaqartuq paasissutissat taakku imaat pillugit allakkiussaaq. Taamaattorli paasissutissat taakku suliassap allakkiartaasa ilaanni takuneqarsinnaappata tamanna atuutinngilaq."*

*Malittarisassaq taanna oqartussaasup suliami annertuumik iliuuseqarnerit suliami allagaatinik takuneqarsinnaanngitsut tamaasa pillugit allakkiornissamut pisussaaffeqarneranik inatsiseqartitsinikkut nalinginnaasumik tunngaveqarnerup saqqummeneraa.*

*Oqaatigisariaqarpara mappimi allagaatinik A-mut tunngasunik imalimmi X-ip kigutileriffiani sulisut oqarasuaatikkut saaffiginninneri tunngavigalugit allakkiamik peqanngitsaq. Aamma allakkianik A-p kigutileritikkasuartussanik tigusiumasimanninneranut tunngasunik peqanngilaq.*

#### 6. Eqikkaaneq.

*Uanga ataatsimut paasinninnera unaavoq Aqutsinermut Pisortaarfik A-p soraarsinneqarnissaanik aalajangerneq sioqqullugu paasissutissanik naammattunik A-p suleqatigiinnermi ajornartorsiutinut pissutaanerpaanerata kingusinnerusukkut nalornissutigineqarsinnaannginneranik qulakkeerisunik pissarsiniarsimanngitsoq.*

*Aammattaq uanga paasinninnera unaavoq suleqatigiinnermi ajornartorsiutit qinnuteqaataanngitsumik soraarsitsinermut taarsiullugu aaqqinneqarnissaannut periarfissat misissorneqarsimanngitsoq.*

*Aammattaq A-p pikkorlussusia - ilumut taamaassimappat - qanoq annertutiginersaq oqaatigineqarsimanngitsoq.*

*Qulaani taaneqartut isiginiarlugit Sulisoqarnermut Pisortaarfik qinnuigaara suliaq suliareqqeqqullugu.*

*Sulisoqarnermut Pisortaarfip ilisimatitsissuteqarnissaa utaqqimaa-rakku suliami annertunerusumik iliuuseqaaqissanngilanga.*

*A aamma Dansk Tandlegeförening allakkatigut allatigut allakkat ukua assilinerannik ilaqartinneqartutigit tamatuminnga ilisimatinneqarpoq."*

*Sulisoqarnermut Pisortaarfik pisortaarfip suliamik suliarinneqqinnerata qanoq inernilerneqarneranik ilisimatitsissuteqaaqullugu 6. juni 2006-imi nukingisaarpara.*

*Sulisoqarnermut Pisortaarfip allakkatigut 4. juli 2006-imeersutigit nalunaarutigaa suliaq suliareqqinneqarnera suli ingerlasoq.*

Sulisoqarnermut Pisortaqarfik A-mut 22. september 2006-imi imatut allappoq, allakkat assilinerat uannut nassiullugu:

"A-mik soraarsitsineq suliami matumani Inatsisartut Ombudsmandiata oqaaseqaatanut uiggiullugu Sulisoqarnermut Pisortaqarfiup naliiiffigeqqissimavaa. Sulisoqarnermut Pisortaqarfik tamatumunnga atatillugu aalajangerpoq A-p soraarsinneqarnissaanik aalajangiineq aalajangiusimaniarlugu.

Aalajangiinermi tassani D-p, E-p aamma C-p itisilerisumik nassuiaataata ataani taaneqartut aamma soraarsitsinermut tunngavilersuutigineqartoq pingaartillugit isiginiarneqarsimapput. Sulisoqarnermut Pisortaqarfik tamanna tunngavigalugu naliiivoq A-p pisortarisaminut aamma X-imi kigutileriffimmi sulisunut suleqatigiinnikut annertuunik ajornartorsiuteqarsimanera assortuussutigineqarsinnaanngitsaq. Aammattaq naliiisoqarpoq A suleqatigiinnikut ajornartorsiutinut taakkununnga pisuunerpaasimasooq, pisullu 2005-imi aprilimi taamatut killiffeqalersimanerat pisutigalugu A-p soraarsinneqarneranit allaasumik aqutissaqarsimannngitsaq.

Itisilerutaasumik nassuiaatit qulaani innersuussutigineqartut tassaapput D-p, E-p aamma C-p Sinerissami Aqutsisoqarfimmi ataatsimiinnermi ukioq manna augustip naanerani ingerlanneqartumi makkuninnga paasisutissiisimanerat:

D-p aamma E-p oqaaseqaatit siusinnerusukkut saqqummiussimasatik imatut itisilerpaat:

A-mik suleqateqarneq aallaqqaataani ingerlalluapoq.

Piffissalli ingerlanerani paasivaat A oqalukkaangami B aamma kigutileriffimmi namminerami ikiortit pillugit allanngorartorujussuarunik oqaaseqartartoq. Tassa imaappoq inummik oqaloqateqaraangami pisut ingerlanerliornerat kigutileriffimmi ikiortinut allanut B-mullu pisuutitsissutigisaraa. Kigutilerisunullu ikiortimik allamik oqaloqateqaraangami allat tassanngaannaq pisuutilersarlugit. Kigutilerisunut ikiortit tamanna akunnerminni oqaluuserileramikku aatsaat takusinnaalersimavaat A-p ajortitsiniarfigeqattaaraatik.

D-p E-llu tamanna paasigamikku assut nuanniitsutut misigisimavaat. A-p sumi inissisimanera paasisinnaasanngilaat. Pisunit assut sunnerneqarsimapput, qanorlu iliornissartik nalulersimallugu. Pissutsit ajortingaarmata suliarternissartik pilerigunnaarsimavaat. Tamatuma kingornatiguugunartoq (piffissartaa D-p nalornissutigaa) D B-mut sianersimavoq tamanna naammagittaalliutiginiarlugu.

Tamatuma saniatigut misigisimapput A-p inuttut pissusia allanngortoq, asser-suutigalugulu taallugu A kamarujussuuartoq kigutileritittussamik utaqqisoqartilugu oqarasuaatikkullu oqalutsilluni kigutilerisut ikiortaannit aaneqaraangami.

A ataatsimut isigalugu toqqissisimannngissutigisorujussuuat, tassami ilisimanngisaannaramikku A-p namminneq tullianik taamatut ingussaneraatsik.

C X-imi kigutileriffimmit nuunnissaminik kissaateqarnerminut atatillugu imatut nassuiaavoq:

C-p A aamma nuanniitsutut misigisarsimavaa suleqatigisinnaanagulu, taamaattumillu nuutsinneqarnissani qinnutigisimallugu. Nuutsinneqarnissamik kissaateqarneranut A pissutaanerpaasimavoq.

Taakku suliami illua'tungiusup isumaanik A sinnerlugu saqqummiussisuupput, tamatumunngalu atatillugu oqaatigineqassaaq tamanna tassanilu suliamik saqqummiussineq A-p soraarsinneqarnissaata aalajangiusimaneqarnissaanik aalajangiinerrup allanngortinnissaanut pisutissaqalersitsinnngitsaq.



Soraarsitsineq suliamut attuumassuteqartumik pissutissaqartoq matuma kingornatigut aalajangiusimaneqarpoq, Sulisoqarnermullu Pisortaqarfik oqaatigineqartutut aalajangerpoq soraarsitsineq aalajangiusimaniarlugu, tassami itisilerisumik nassuiaatit qulaani taaneqartut saniatigut soraarsitsinermut tunngavilersuutitut soraarsitsineq pillugu allakkani tunngavilersuut taamatuttaaq innersuussutigineqassamat." (Atorfeqarfimmi nutsigaavoq)

Allakkanut taakkununga suliami illua'tungiusup isumaanik tusarniaaneq pillugu Sulisoqarnermut Pisortaqarfiup allagai 1. september 2006-imeersut ilanngullugit nassiuuneqarput:

"Pineqartoq: Suliap nutaamik naliliiffigineqarneranut atatillugu suliami illua'tungiusup isumaanik tusarniaaneq.

A-mik soraarsitsineq suliami matumani Inatsisartut Ombudsmandiata oqaaseqaataanut uiggiullugu Sulisoqarnermut Pisortaqarfiup naliliiffigeqqissimavaa. Sulisoqarnermut Pisortaqarfik tamatumunnga atatillugu aalajangerpoq A-p soraarsinneqarissaanik aalajangiineq aalajangiusimaniarlugu.

Ilassutaasumilli paasissutissat Sulisoqarnermut Pisortaqarfiup sulisunit A-p soraarsinneqarneranut atatillugu oqaaseqaateqarsimasunit pissarsiariniarsimasaasa oqaaseqaateqarfiginissaannut A inaarutaasumik aalajangiisoqannginnerani periarfissinneqassaaq.

D, E aamma C Sinerissami Aqutsisoqarfimmi ataatsimiinnermi ukioq manna augustip naanerani ingerlanneqartumi imaattunik paasissutissiipput:

D-p aamma E-p oqaaseqaatit siusinnerusukkut saqqummiussimasatik imatut itisilerpaat:

A-mik suleqateqarnek aallaqqaataani ingerlalluarpoq.

Piffissalli ingerlanerani paasivaa A oqalukkaangami B aamma kigutileriffimmi namminerimi ikiortit pillugit allanngorartorujussuarnik oqaaseqartartoq. Tassa imaappoq inummik oqaloqateqaraangami pisut ingerlanerliornerat kigutileriffimmi ikiortinut allanut B-mullu pisuutitsissutigisaraa. Kigutilerisunullu ikiortimik allamik oqaloqateqaraangami allat tassanngaannaq pisuutilersarlugit. Kigutilerisunut ikiortit tamanna akunnerminni oqaluserileramikku aatsaat takusinnaalersimavaat A-p ajortitsiniarfigeqattaaraatik.

D-p E-llu tamanna paasigamikku assut nuanniitsutut misigisimavaat. A-p sumi inissisimanagera paasisinnaasanngiliat. Pisunit assut sunnerneqarsimapput, qanorlu iliornissartik nalulersimallugu. Pissutsit ajortingaarmata suliartornissartik pilerigiuunaarsimavaat. Tamatuma kingornatiguugunartoq (piffissartaa D-p nalornissutigaa) D B-mut sianersimavoq tamanna naammagittaalliuutiginiarlugu.

Tamatuma saniatigut misigisimapput A-p inuttut pissusia allanngortoq, assersuutigalugulu taallugu A kamarujussuuartartoq kigutileritittussamik utaqqisoqartilugu oqarasuaatikkullu oqalutsilluni kigutilerisut ikiortaannit aaneqaraangami.

A ataatsimut isigalugu toqqissisimannngissutigisartorujussuuat, tassami ilisimanngisaannaramikku A-p namminneq tullianik taamatut ingussaneraatsik.

C X-imi kigutileriffimmit nuunnissaminik kissaateqarnerminut atatillugu imatut nassuiaavoq:

C-p aamma nuanniisutut misigisarsimavaa suleqatigisinnaanagulu, taamaattumillu nuutsinneqarnissani qinnutigisimallugu. Nuutsinneqarnissamik kissaateqarneranut A pissutaanerpaasimavoq.

Qulaani taaneqartut soraarsitsinermullu tunngavilersuutaasoq tunngavigalugit Sulisoqarnermut Pisortaqarfik naliliivoq A-p pisortarisaminut aamma X-imi kigutileriffimmi sulisunut suleqatigiinnikkut annertuunik ajornartorsiuteqarnera assortuussutigineqarsinnaanngitsoq. Aammattaaq naliliisoqarpoq A suleqatigiinnermi ajornartorsiutinut taakkununga pisuunerpaasoq, pissutsillu aprilimi killiffigisimaasaat pissutigalugu A-p soraarsinneqarneranit allaasumik iliuuseqarnissamut periarfissaqarsimannilaq.

Soraarsitsinermut suliamut attuumassuteqartumik pissutissaqartoq matuma kingornatigut aalajangiusimaneqarpoq, Sulisoqarnermullu Pisortaqarfiup soraarsitsineq aalajangiusimaniarpaa. Qulaani taaneqartut saniatigut soraarsitsineq pillugu allakkani tunngavilersuutitut taaneqartut innersuussutigineqarput.

A-li aalajangiisoqannginnerani oqaaseqaatiminik saqqummiussinissaminut periarfissinneqassaaq, tak. suliassat suliarineqartarnerat pillugu inatsimmi § 19. A-p oqaaseqaammik taamaattumik saqqummiussinissani kissaatigippagu oqaaseqaat kingusinnerpaamik tallimannorneq 15. september 2006-imi Sulisoqarnermut Pisortaqarfimmit tiguneqareersimassaaq." (Atorfeqarfimmi nutsigaavoq)

Eqqartuussissusserisup ...-p A sinnerlugu oqaaseqaataa 13. september 2006-imeersoq:

"A-p suliame ilassutaasumik paasissutissat pillugit oqaaseqaateqarnissaa allakkatigut 1. september 2006-imeersutigut qinnutigaat, tamatumunngalu atatillugu Sinerissami Aqutsisoqarfimmi ukioq manna augustip naanerani kigutilerinnermi atorfeqartitaasunit arfineq pingasuusunit pingasunik A-p soraarsinneqarneranut atatillugu siusinnerusukkut oqaaseqaateqarsimasunik ataatsimeeqateqarnek issuaavigalugu.

A sinnerlugu imaattunik oqaaseqaateqassaanga:

Paasissutissiisutigisannit ersinngilaq atorfeqartitaasut allat (kigutigissaasut, kigutilerisut ikiortaak kigutilerisullu) siusinnerusukkut oqaaseqaateqarsimasut ataatsimiinnermut pineqartumut ataatsimiigiqaquneqarsimanersut, matumani taakku A-mik suleqateqarnek pillugu qanoq isumaqarnerat ilanngullugu eqqarsaatigalugu. Aamma ataatsimiinnermi imaqarniliarpiaq pineqannilaq, tassanimi ataatsimiinnermi peqataasunut apeqqutigineqartut takuneqarsinnaanngimmata, naallu pineqartut A-mik toqqissisimanarinnginnerat tunngaviutinneqaraluartoq tamanna A-p suleqatigiinnermi ajornartorsiutinut pisuunerpaaneranut uppersaasititut atorfeqarsinnaanngilaq, taamatuttaarlu erseqqilluni nunap immikkoortuani kigutilerisut pisortaat Sinerissamiluunniit Aqutsisoqarfik soraarsitsinermut taarsiullugu iliuuserineqarsinnaasunik nassaarniarsimanningsut.

A Z-ip kigutileriffiani marlunngorneq 1. februar 2005-imi suleqqaarpoq. Sapaatip akunnerani tullermi pingasunngornikkut, 9. februar 2005-imi B A-lu assortuupput. B-p A-llu assortuunneq pillugu saqqummiussaata assigiinngitsorujussuupput. B oqarpoq assortuunneq "kikkunit tamanit" annerusumik annikinnerusumilluunniit tusaa-neqarsimasoq. Kigutilerisut pisortaata suleqataasut taakku "kikkut tamaasa" paasi-naavigisimannilaq, allakkamigullu 29. marts 2005-imeersutigut A-p assortuunneq pillugu saqqummiussaa oqaaseqaateqarfiginngilluinnaarlugu, isumaqarlunilu illua'tu-ngerit peqatigalugit ataatsimiinnissaq pisariaqanngitsoq, imaluunniit ajornartorsi-

tinut aaqqiissutissanik suliami illua'tungiusut tamarmik akuerisinnaasaannik nas-aarniarnermi sulisoqarnermut siunnersortip peqataatinneqarnissaa pisariaqanngit-soq. Tamatuma paarlattuanik allakkamini assortuunnerup taassuma allakkatigut mianersoqqussutitut naammannera kisiat innersuussutigalugu, tamatumalu immini Sinerissami Aqutsisoqarfiup sulianik sulisunut tunngasunik suliarinninnermi male-ruaqqusanik malinninnissamik eqqumaffiginninnissaanut naammassimasariaqara-luarpoq.

Soraarsitsinissamik aalajangiineq 9. februar 2005-imi assortuunnerup kingornati-gut qaammatit marluk qaangiunneranni pivoq, kigutilerisut pisortaata suliamik sulis-umut tunngasunik suliarinnittumut mailia 8. april 2005-imeersoq malillugu, A-p inuttut "eqqissiviilliornermut pissutaasutut " isigineqarneranik "taamaassorinnin-neq" tunngavigigunarlugu. Sullitara sunik aaqqiissalluni paasinninnissaminut peri-arfissaqarsimangilluinnarpoq, taamaallaat ajornartorsiutit "0-inngortinneqassasut" (mianersoqqussut 17. marts 2005-imeersoq).

Kinguleruttoq tassaavoq Namminersornerullutik Oqartussat A-p soraarsinneqar-nissaanik aalajangiusimanninnermikkut sulisoqarnermik ingerlatseriaatsimik imaat-tumik akuersaarinnittut, tassalu sulisup ilinniagakkaap suleqatini taarsigassani pu-laassaguniuk akuersissummik peqqaartariaqartoq (A-p X-imi kigutileriffimmut 22. februar 2005-imi pulaarneranut B-p qisuariarnera), aamma suleqatigiikkuutaani ilin-niagakkaani amigaateqarfiusuni imaaliillaannaq soraarsitsineq toqqarneqartartoq, ilusilersorluagaasunik suleqatigiinneq aallartinniarlugu nukissaalunnguanik aallar-titsiniarnermut taarsiullugu - nukissammi taakku qanorluunniit pisoqaraluarpat maa-ngaannartinneqarsimanaviannngimmata, tassami ajornerpaamik pisoqassagaluarpat soraarsitsinermut tunngavissanik uppersarsagaasunik torersumillu pissarsisoqas-sammat.

Oqaatigisinnaavara A-p soraarsinneqarnera aalajangiusimaneqassappat Ombuds-mandi qinnuiginiariga A-p imminut aningasartuutaanngitsunik eqqartuussivik-koortitsinissaa Kalaallit Nunaanni Eqqartuussisuunermet inassuteqaatigeqqullugu." (Atorfeqarfimmi nutsigaavoq)

Sulisogarnermut Pisortaqarfimmut 19. oktober 2006-imi imatut allappu-nga:

"Sulisogarnermut Pisortaqarfiup allagai 22. september 2006-imeersut tiguakka, allakkanilu taakkunani nalunaarutigineqarpoq suliaq pisortaqarfimmit suliareqqin-neqartoq, A-llu soraarsinneqarnissaanik aalajangiineq aalajangiusimaneqartoq.

Sulisogarnermut Pisortaqarfiup ulloq taanna aalajangiinneranit erserpoq, aalaja-ngiinerup aalajangiusimaannarnissaanik aalajangernermi D-mit, E-mit aamma C-mit nassuiaatit itisilikkat kiisalu soraarsitsinissamik tunngavilersuutitut oqaatigine-qartut pingaartillugit isiginiarneqarsimasut.

Oqaaseqaatinni 7. marts 2006-imeersumi aalajangeeqqaarneq sioqqullugu sulia-mik suliarinninnermi Sulisoqarnermut Pisortaqarfimmut suliap suliareqqinnissaanut inassuteqaatinni amigaatit suut tunngavilersuutiginerikka nassuiarpara.

Oqaaseqaatinnili oqaatigineqartut isornartorsiutit pisortaqarfiup suliamik sulia-rinneqqinnerani qanoq annertutigisumik ilaatinneqarsimanersut iluarsiniarneqarsi-manersulluunniit nutaamik aalajangiinnermit ersinngilaq. Tamatumunnga atatillugu aalajangeeqqaarnermut tunngavilersuutit pillugit oqaaseqaatinni oqaatigisakka kii-salu tamanna sioqqullugu suliap ilisimatitsissutigineqarneranut atatillugu oqaase-qaatikka allat eqqaasitsissutigaaakka.

Taamaattumik Sulisoqarnermut Pisortaqarfik qinnuigaara oqaaseqaatiga qanoq annertutigisumik suliap suliareqqinneqarnerani sulianik suliarinninnermi kukkussu-

taasut taakku iluarsineqarnissaannut pisortaqarfimmut pissutissaqartitsisimanersooq nassuiaqqullugu. Taamatuttaaq pisortaqarfik qinnuigaara ajornartorsiutitut nassuiaa-tigineqartut A-p soraarsitaanissaanit annikinnerusumik iliuuseqarnikkut iluarsine-qarsinnaanngitsut pisortaqarfik sooq isumaqarnerooq itisileeqqullugu."

Sulisoqarnermut Pisortaqarfik allakktigit 16. november 2006-imi ima-tut akivoq:

"Inatsisartut Ombudsmandiata allagai 19. oktober 2006-imeersut innersuussuti-galugit oqaatigineqassaaq Sulisoqarnermut Pisortaqarfiup suliamik nalileeqqinner-mini isornartorsiuterit Inatsisartut Ombudsmandiata saqqummiussai ilanngunniar-saralugillu aqqinniarsarisimagai.

Suliap paasissutissartalorsorneqarnissaa siunertaralugu Sulisoqarnermut Pisorta-qarfiup allakktigit oqaaseqaatit D-meersut, E-meersut C-meersullu itisilertinniar-sarisimavai. Tamatuma kingornatigit naliliisoqarpoq suliaq aalajangiiffigineqarnis-saanut Sulisoqarnermut Pisortaqarfiup naammattunik paasissutissartalorsorsimagaa, soraarsitsinerit tunngavissaqartoq naliliisoqarsinnaalersillugu.

Soraarsitsinerit tunngavilersuutaasumut atatillugu oqaatigineqassaaq qulaani taaneqartut nassuiaataat erseqqissunik uppersarsaasersugaasut, inuillu taakku A-mik suleqateqarnerminni ajornartorsiuteqarsimasut, A-lu suleqatigiinnermi ajornar-torsiutinut pisuunerpaasoq.

Inatsisartut Ombudsmandiata oqaaseqaatai aamma isiginiarlugit Sulisoqarnermut Pisortaqarfik naliliivoq soraarsitsinerit suliamut tunngassuteqartunik tunngaviler-suisoqarsimasooq, ajornartorsiutillu allaaserineqartut soraarsitsinerimik sakkukinne-rusumik akuliunnikkut aqqiisoqarpat aqqinneqarsimanavianngikkaluartut. Tama-tumunnga tunngavilersuutaavoq pisut ima ilungersunarsisimatigisut soraarsitsineq aqutissatuaalersimalluni. Matumani isiginiarneqarpoq sulisut ilaata A pissutigalu-gu allammut nuutsinneqarnissamik qinnuteqarsimanera, taamatuttaarlu A-p B-mik X-imilu kigutileriffimmi sulisunik suleqatigiinnikkut ajornartorsiuteqarnera aamma isiginiarneqarsimavoq." (Atorfeqarfimmi nutsigaavoq)

A-p Sulisoqarnermut Pisortaqarfiup allagai pillugit oqaaseqaatai ukiup nalunaarusiunneqartup naanerani suli tigunngilakka.

## 24. Sulisunut inissiat

### 1. **Sulisunut inissiamik innersuussinermut atatillugu inatsisitigut tunngavik aamma pisinnaatitaaneq pillugit apeqqut**

*A-p sulisunut inissiamik atorfinitsitsinermut atatillugu neriorsuutigineqartumik tunineqarsimanginnini Ombudsmandimut naammagittaalliuutigaa, taamatuttaarlu Ineqarnermut Attaveqarnermullu Pisortaqarfiup aamma A/S Inissiaatileqatigiiffik INI-p suliamik sularinninnerat naammagittaalliuutigalugu.*

*Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup pisortamut inissiamik sisamanik initalimmik inniminniineranik Ineqarnermut Attaveqarnermullu Pisortaqarfiup malinnissalluni pisussaaffeqartutut immi isigisimanginnera isornartorsiussallugu tunngavissaqarani Ombudsmandi isumaqarpoq.*

*Pisortaanerulli suliame aalajangiinera tunngavigalugu Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup pisortamut inissiamik sisamanik initalimmik atugassinneqarnissaanut Ineqarnermut Attaveqarnermullu Pisortaqarfiup pisussaaffeqannginnerminik aalajangiinginnermini suliame amigartumik paasissutissartalersuisimanagera isornartorsiussallugu tunngavissaqarluni Ombudsmandi isumaqarpoq, tassami suliap pisortaanerup tigusimammagu.*

*Ombudsmandip inassuteqaatigaa suliap Ineqarnermut Attaveqarnermullu Pisortaqarfiup suliareqqilissagaa, amigaatip taassuma aaqpinneqarnissaa siunertaralugu.*

*Ineqarnermut Attaveqarnermullu Pisortaqarfiup inissiamik sisamanik initalimmik innersuussinnnginnissamik suliame aalajangiinera kingornatigut Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup annertunerusumik iliuuseqaqqittariaqannginnerminik paasinninnera isornartorsiussallugu pissutissaqarluni Ombudsmandi isumaqarpoq. (J.nr. 11.01.24.01/098-05)*

A Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik, Ineqarnermut Attaveqarnermullu Pisortaqarfik aamma A/S Inissiaatileqatigiiffik pillugit allakkatigut 20. oktober 2005-meersutigut imatut naammagittaalliorpoq:

"Suliap Ombudsmandimut suliassiissutiginninnerani sulisunut inissiaq uannut tunngasoq pillugu suliap aalajangiiffigeqqullugu Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik (KIIP) qinnuigissagiga Ombudsmandip allakkatigut 18. december 2003-meersutigut ilitsersorpaanga.

Naammagittaalliuutiga KIIP-ip 1. september 2005-imi itigartippaa.

Uanga paasinninnera suli unaavoq sulisunut inissiamik sisamanik initalimmik tunineqarnissara piumasaqaatigisinnaagiga, inissiamik pingasunik initalimmik pinnaanga, taamatuttaarlu suliap Ineqarnermut Attaveqarnermullu Pisorta qarfirmi aamma A/S Inissiaatileqatigiiffik INI-mi suliarineqarnera naammaginngilara.

Taamaattumik aalajangerpunga Ombudsmandi qinnuiginiarlugu suliaq misissoq-qullugu.

Isumaqaarpunga Namminersornerullutik Oqartussat ingerlatsinermi akuersaartumik aalajangiinerminnit atorfinitsinneqarnissannut atatillugu oqaloqatigineqarninni uannut nalunaarutigineqartumit qilersugaasimasut, tak. KIIP-ip allagai 25. oktober 2004-meersut.

Ilanngullugit nassiunneqarput Ombudsmandimut allakkama 11. november 2003-meersut assilinerat ilanngussartalik kiisalu allakkat il.il. taamanili tigusarsimasama assilineri. Aammattaaq KIIP-ip allagaasa 30. juni 2004-meersut uannut paasissutissiissutigineqarsimasut assilinerat ilanngullugu nassiuppara." (Atorfeqarfirmi nutsigaavoq)

Suliami pisimasut imaapput:

A ...-tut akissaateqarfirmi 36-mi inissisimasutut atorfirmi 15. januar 2002-mi atorfinitsinneqarpoq, sulisitsisuatalu (Kultureqarnermut, Ilinniar-titaanermut, Ilisimatusarnermut Ilageeqarnermullu Pisorta qarfiup, tullit-tuni KIIP-imik taaneqartartussap) sulisunut inissiaq sisamanik initalik A/S Inissiaatileqatigiiffik INI-kkoorlugu tamatumunnga atatillugu 5. januar 2002-mi inniminnerlugu.

Inissiamik inniminniissummit ilaatigut erserpoq inissiamik inniminniis-sut taanna A-mut, nulianut meeraanullu marlunnut tunngasuusoq, illoqar-fiullu K-p ilaani inissiamik namminerisaminik isaarialimmik tunniussiso-qarnissaa KIIP-ip kissaatigigaa.

Inissiaatileqatigiiffiup KIIP inissiamik sisamanik initalimmik illoqar-firmi K-miittumik allakkatigut 19. december 2002-meersutigut neqeroor-figaa.

KIIP A-mut 14. januar 2003-mi imatut allappoq:

"Pineqartoq: Sulisunut inissiamik innersuussineq.

Pisorta qarfik nalunaarfigineqarpoq sulisunut inissiamik sisamanik initalimmik, ...-mik, tunineqassasutit.

Pisorta qarfik allakkatigut 7. januar 2002-meersutigut pisortamut inissiamik illit atorfinnut atasumik qinnuteqarpoq, tamatuminnngali itigartinneqarluni, Aqutsiner-mut Pisorta qarfiup allakkiaa, assiliner ilanngullugu nassiunneqartoq, tunngaviga-lugu.

Inissianik innersuussisarneq eqqarsaatigalugu kaajallaasitaq 18. oktober 2002-meersoq, pisorta qarfiit tamarmik malitassaattut naalakkiutaasoq, ilanngullugu nas-siunneqartoq innersuussutigineqarpoq.

Kaajallaasitami qulaani taaneqartumi aalajangersakkat innersuussutigalugit inus-siarnersumik qinnuigineqarputit sapaatip akunnera una naatinngagu akissuteqaqqul-lutit, tassami inissiap taassuma ilinnut inniminnerneqarsimaannarnissaa pisorta qar-

fiup A/S Inissiaatileqatigiiffik INI-mut qinnutigisimammagu." (Atorfeqarfimmi nut-sigaavoq)

Aqutsinermut Pisortaqarfimmit KIIP-imut allakkiaq 9. januar 2002-meersaq pineqartoq imaattunik oqaasertaqarpoq:

"KIIP allakkatigut 7. januar 2002-meersutigut A-mut pisortatut inissiamik qinnuteqarpoq.

Inissiamik pisortanut inissiatut immikkoortinneqarsimasunik pissarsisinnaassa-gaanni ilaatigut piumasaqaataavoq atorfiup akissaateqarfimmi 36-imi inissisimasuunissaa, ilaatigullu pineqartup akissarsiaasa aningaasartaasa (tunnngaviusumik aningaasartat + tapit) qitiusumik aqutsisoqarfimmi allaffeqarfimmi pisortap akissarsiaatut ikinnerpaamik amerlassuseqarnissaat.

A-p akissarsiaasa tamarmiusut aningaasartaat qitiusumik aqutsisoqarfimmi allaffeqarfimmi pisortap akissarsiaasa aningaasartaannit ikinnerupput, taamaattumillu pisortanut inissiatut immikkoortinneqarsimasunik tunniussinissaq ajoraluartumik itigartitsissutigisariaqarluni." (Atorfeqarfimmi nutsigaavoq)

Kaajallaasitaq Naalakkersuisut Allattoqarfiata aalajangersarsimasaa innersuussutigineqartoq imaattunik oqaasertaqarpoq:

"Pisortani sulisitsisunut sulisunut inissiatut ataatsimut immikkoortinneqarsimasunik pissarsisinnaatitaasunut KAAJALLAASITAQ.

Inissiat ajunngitsorsiassatut innersuunneqarsinnaasut amerlanngimmata, utaqqiisaasumillu inissianut aamma sulisunut inissianik innersuunneqarnissaminik utaqqisut amerlaqimmata pisortani sulisitsisunut sulisunut inissiatut ataatsimut immikkoortinneqarsimasunik pissarsisinnatitaasunut, tassa sulisitsisunut ataatsimut immikkoortinneqarsimasunik peqartunut, erseqqissarneqarpoq atorfeqartitaasooq:

- \* utaqqiisaasumik inissiamik imaluunniit sulisunut inissiamik innersuunneqartumik tigusinissaminut pisussaaffeqarmat, atorfeqartitaasup pineqartup isumaqatigiissutaani erseqqilluinnartumik allassimangippat atorfeqartitaasooq taanna inissiamik immikkut ittumik piumasaqaateqarsinnaatitaasooq, assersuutigalugu inissiap angissusia inissisimaneralu eqqarsaatigalugit.
- \* utaqqiisaasumik inissiamik sulisunulluunniit inissiamik innersuunneqartumik tigusiumangitsoq inissiamik allamik innersuunneqarnissaminik tamatuma kingunerisaanik piumasaqaateqarsinnaatitaangitsoq, taamaattumillu initaarniarlutik utaqqisut allattorsimaffiannit peerneqassasoq, utaqqisullu allattorsimaffiannut ilannguteqqinneqarsinnaangitsoq,
- \* sulisunut inissiamik innersuunneqartumik tigusiumangitsoq, utaqqiisaasumillu inissiamut inissinneqarsimasooq tamatuma kingunerisaanik utaqqiisaasumik ineqartitaanermini ajunngitsorsiassanik piumasaqaateqarsinnaajunnaassasoq imaluunniit utaqqiisaasumik ineqarnermini sulisitsisumit akiliunneqarnissaminik piumasaqaateqarsinnaajunnaassasoq, taamaattumillu siunissami ineqartitaanini atorfeqartitaasup nammineq akilersulertassagaa, aamma
- \* sulisunut inissiamik paarsinerlunneq pissutigalugu inissiamit anisitaasooq inissiamik allamik tunineqarnissamik piumasaqaateqarsinnaatitaangitsoq.

Taamatuttaa q erseqqissarneqassaaq inissiamik inniminniinermi immersugassaaq IAPP 010/2002 atorneqartassaaq, inissiallu sumi inissisimanissaa, namminerisaminik isaariaqarnissaa taakkuluunniit assigisaat pillugit immikkut piumasaqaateqartoqarsinnaangitsoq. Aatsaat inoqutaasut ilaat ataavartumik uppersarneqartumillu annertuumik pitsorluttuuppat taanna taaneqarsinnaavoq.

Pingaartumik Nuummi inissaaleqinerujussuaq pisortani sulisitsisut atorfinnut qinnuteqartunut ilisimatitsissutigisassavaat. Taamaattumik inuit atorfinmi sulilersut ineqarniarnermut tunngasuni pissutsinik aamma utaqqiisaasumik inissianik aamma sulisunut inissianik ataavartumik tunniussinermi atugassarititaasunik tamakkiisumik paasinissimanissaat anguniarneqassaaq.

Kiisalu erseqqissarneqarpoq inissianik inniminniissutit amigartumik immersorneqarsimasut itigartinneqartassammata. Inissianik inniminniissutit paasisutissanik eqqortunik imaqtuarnissaat sulisitsisut ataasiakkaat akisussaaffigaat." (Atorfeqarfimmi nutsigaavoq)

A KIIP-imi aqutsinermut immikkoortortaqarfimmut 16. januar 2003-imi imatut allappoq:

"Sulisunut inissiaq ...-mi ... uannut 19. december 2002-mi innersuunneqarpoq. Tamatuma kingornatigut immikkoortortaqarfimmi pisortamut ...-mut tamanna pillugu allakkiorpunga, isumaqaramami atorfinitsinneqarnissannut atatillugu sulisunut inissiamik aalajangersimasumik neriorsorneqarsimallunga, tamannalu KIIP-mi ...-tut atorfinitsinneqarnissannut kingusinnerusukkut akuersininnut pissutaasut ilagisimavaat.

...-mi sulisunut inissiamut innersuunneqartumut iserternissara assigiinngitsunik pissuteqarlunga kissaatiginnagara. Oqaatigineqartut inissiamik aalajangersimasumik naammagartumik pitsaassuseqartumik neriorsorneqarsimavunga. ...-lu uanga isumaga naapertorlugu inissiaavoq uannut neriorsuutigineqartut pitsaassuseqangitsoq. ... inissiaruarnut piusunut aserfallassimanerpaanut ilaavoq. Inissiaq sananeqaramili nutarneqarsimangilaq, uangalu atorfinni atorfeqartunut nalinginnaasumik inissiatut pitsaassutimigut piumasaqaataasunik eqqortitsisuunani.

...-tut atorfinni eqqissisimanartunik avatangiiseqarlunga ineqarnissara pisariaqartippara. Isumaqarpunga ...-mut iserteruma eqqissisimanartunik avatangiiseqarsinnaananga. Naluneqanngitsutut inuppassuit inissiaruarmi tassani najugaqarput, misilittagareriikkakkullu nalunngilara ulluinnarni nipiliorfiusorujussuusoq. ...-mi siusinnerusukkut najugaqarnikuuvunga, taamalu sanilerisat najugaqartullu allat nipiliornerat eqqissiviilliornerallu pissutigalugit unnuarpassuit sininngitsortariaqartarneq namminerluinnaq misigisarsimallugu. ...-mi najugaqartut ...-mi najugartunit marloriaatingajammik amerlanerupput.

Oqaatigineqartut eqqissisimanartunik avatangiiseqarlunga najugaqarnissara pisariaqartippara, suliffigami piumasaqaateqarfiusorujussuummat, ullormullu sivisoorujussuarnik sulisarmissaaq piumasaqaataalluni, aamma sapaatit akunnerisa naanerini, taamaattumillu qasuersimanissara pisariaqartittarlugu. Majuarterfitsigut qimmit anaannik, qisinik, eqqagassanik qimaannakkanillu allanik eqquimiisunik ulikkaartutigut, qimmit, qitsuit inuillu quinik qorsunnitsutigut majuartarneq atertarnerlu nuannersuinnaasannilaq.

Oqaatigineqartut KIIP-imi atorfinitsinneqarama sulisunut inissiamik aalajangersimasumik neriorsorneqarsimavunga. Tamanna ...-p allakkiaanit aamma inissiamik inniminniissummit januar 2002-meersumit kingullermillu april 2002-meersumit erserpoq, taakkunanimi allakkakkut illuni uigulukuttuni ineqarnissara kissaatigiga.



Aammattaaq paasitineqarpunga pisortanut inissiamik tunineqarsinnaasunga, atorfimmi qitiusumik aqutsisoqarfimmi allaffeqarfimmi pisortap atorfianut akissaa-teqarfimmi 36-imi inissisimasumut naapertuuttumi atorfinitsinneqaruma. Atorfimmi akissaa-teqarfimmut 36-mut naapertuuttumi naluneqanngitsut atorfinitsinneqarsimavunga. Taanna aamma aallaaviuvoq atorfimmu tassunga atorfinitsinneqarnissannik akuersininni.

Kingusinnerusukku allaasumik nalunaaruteqartoqarnerata aallaqqaataani pissu-siusoq allanngortinngilaa.

Nalunngilara sulisunut inissianik innersuussisarneq kingusinnerusukku sukate-riffigineqarsimasoq, kingumut oktober 2002-imit atuutilersumik, tamatumali januar 2002-mi, taamani tunaartarisassat atuuttut atuukkallarmata allatut neriorsorneqarsi-manera allanngortinngilaa.

Taamaattoqassappat eqqunngitsunik neriorsuutinillu eqqortinneqanngitsoorsima-sunik tunngaveqarluni atorfinitsinneqarsimasunga oqaatigissavara. Neriutigaara KIIIP-ip atorfinitsitsinermi oqartussaasuusup sulisunut inissiamik illuni uigulukut-tuniittumik tunineqarnissara aalajangiusimassagaa." (Atorfeqarfimmi nutsigaavoq)

KIIIP Namminersornerullutik Oqartussat pisortaanerannut 21. januar 2003-mi imatut allappoq:

"A atorfinitsitsiniarluni ...-mi 17. december 2001-imi oqaloqatigineqarnerani na-lunaarfigineqarpoq kissaatigisamisut sulisunut inissiamik illuni uigulukuttuniittu-mik tunineqarsinnaasasoq. Kissaatigisaq taanna A-p inissaanik inniminniissummik tunniussinermi INI-mut ingerlateqqinneqarpoq, kissaatigisarlu taanna ataatigut atsi-ortup KIIIP-imi aqutsinermi immikkoortorta-qarfimmut allagaanit 2. januar 2002-meersumit erserpoq, tassanimi nalunaarutigigakku A inissiamik illuni uigulukuttu-niittumik tunineqassasoq, siusinnerusukku periaasiusartoq malillugu.

Aammattaaq A atorfinitsitsiniarluni oqaloqatigiinnermi nalunaarfigineqarpoq pi-sortanut inissiamik tunineqarsinnaasooq, atorfimmi akissaa-teqarfimmut 36-imut naa-pertuuttunik inissisimasumi atorfinitsinneqarluni. A tjenestemandituunngitsooq ator-finitsitaavoq, isumaqatigiissuteqarnerli malillugu akissaatit qaffariartuaarneranni inissisimaffimmi 41-mi immikkut tapiligaasumi akissaa-teqarfimmut 36-imut naa-pertuuttumi atorfinitsinneqarluni.

Atorfinitsitsineq taanna atorfinitsitsisarnerit pillugit isumaqatigissuteqarneq ma-lillugu sapinngisamik annertunerpaamik pisarnissaannik naalakkersuinikkut kissaa-tigisatut oqaatigineqartoq malillugu pisimavoq.

Nalunngilara sulisunut inissianik innersuussisarneq kingusinnerusukku sukate-riffigineqarsimasoq, kingumut oktober 2002-mit atuutilersumik, tamatumali A-p atorfinitsitsiniarluni oqaloqatigiinnermi allakkatigullu allamik december 2001-imi taamani malittarisassat atuuttut malillugit neriorsorneqarsimanera allanngortinngi-laa.

Taamaattumik oqaatigisariaqarpara ingerlatseriaaseq isumaqatigiissutit A-p ator-finitsinneqarneranut atatillugu neriorsuutigineqarsimasunik eqqortitsinnaanngip-pata paasissutissanut taamani periaaseq pillugu pigisannut sanilliullugu tunngaviit unioqqutinneqarnerat pineqartoq.

Taamaattumik pisortaaneeq tamatumunnga atatillugu qinnuigissavara A-p sulisu-nut inissiamik atorfinitsinneqarnerata nalaani neriorsuutigineqartumik, matumani pisortanut inssi-atut immikkoortinneqartut ilaannik tunineqarsinnaanera ilanngullu-gu eqqarsaatigalugu, naapertuuttumik tunineqarsinnaanerata qulaajarneqarnerani peqataaqqullugu." (Atorfeqarfimmi nutsigaavoq)

Kultureqarnermut, Ilinniartitaanermut, Iisimatusarnermut Ilageeqarnermullu Pisortaqarfik A/S Inissiaatileqatigiiffik INI-mut 25. februar 2003-mi imatut allappoq:

"A-p, inuttut normua ..., sulisunut inissiamik innersuunneqarnissaanik INI-p allagai 19. december 2003-meersut kiisalu oqarasuaatikkut saaffiginnissut 13. februar 2003-meersoq (...) innersuussutigalugit oqaatigeqqinneqassaaq A-p inissiaq pineqartoq misissuereernerup kingornatigut tigungumasimangikkaa, pissutsit immikkut ittut atorfinitsitsinerup nalaani Namminersornerullutik Oqartussat kaajallaasitaanni ilaasut pissutigalugit.

Oqaatigineqassaaq pissutsit taakku pisortaanerup allagaani oqaatigineqarsimamata, tak. allakkat ilanngullugit nassiunneqartut, taakkulu suliamik suliarinneqqinnermi ilanngunneqarnissaat qinnutigineqarpoq." (Atorfeqarfimmi nutsigaavoq)

A-p inissianik tunineqarnissaa pillugu apeqqummi aalajangiisoqarnissaa Inissiaatileqatigiiffiup KIIIP-imut 28. februar 2003-mi nukingisaarutigaa.

Ineqarnermut Attaveqarnermullu Pisortaqarfiup e-mail imaattoq Naalakkersuisut Allattoqarfiannut 4. marts 2003-mi nassiuppaa:

"Hej ..., INI-mi ippassaq ataatsimeeqataavunga. Oqarput A-mut sulisunut inissiamik tunniussisoqarnissaanik Allattoqarfiup immikkut akuersissuteqarnissaa utaqqigitsik.

Taanna illit suliarigukku qaqugu aalajangiissallutit naatsorsuutiginerit ...-mut (mail ...@ini.gl) nalunaarutigilaaruk." (Atorfeqarfimmi nutsigaavoq)

Ineqarnermut Attaveqarnermullu Pisortaqarfik Naalakkersuisut Allattoqarfiannut 5. marts 2003-mi imatut allappoq:

"Hej ..., suliamik suliarinnittut suliaq taanna pillugu isumaga oqaatigerusuppara. Inissianik pisortanut inissiatut immikkoortinneqarsimasunik innersuussisarneq pillugu malittarisassaqaqqingikkaluarpoq, kisianni kaajallaasitassatut missingiut Naalakkersuisunut marlussoriarluni saqqummiunneqartarsimasooq tunngavigalugu ukiut ingerlaneranni innersuussisarimavugut. Innersuussinnermi periaaseq taanna pisortaqarfiup akuersimavaa, tassa pisortanut inissianik innersuussutit uatsinnut, imaanngitsoq INI-mut, akuersissannorlugit nassiuttarnerisigut. KIIIP suliami matumani A-mut tunngasumi aamma taamaaliorsimavoq. Pisortamut inissiamik qinnuteqaat KIIIP-ip Aqutsinermut Pisortaqarfimmut faxikkut 7. januar 2002-mi nassiussimavaa, ...-llu taanna 9. januar 2002-mi itigartissimavaa. KIIIP tamatuma nalaani qisuarisimasariaqaraluarpoq.

A pisortanut inissiamik tunineqarsinnaatitaanngilaq, allaffeqarfimmi pisortaannginnami. Isumaqarpunga innersuusseriaatsip saneqqunneqarnissaanik immikkut akuersissuteqarneq pissusissamisoortuunngitsoq, tassami Namminersornerullutik Oqartussat pisortanut inissianik amigaateqarmata, Naalakkersuisullu Inatsisartut ataatsimiinneranni peqqussutissatut siunnersuummik inuit pisortanut inissianik tunineqarsinnaatitaasut ikilisinneqarnerannik imaqartumik saqqumiussissammata. Allattoqarfik Inatsisartut ataatsimeereernissaannut suliarinninnissaminik kinguartitsippat akissut taamaalilluni erseqqereerpoq, tassami piffissap taamaalinerani peqqussu-

teqalersimassamat suliassaqarfik taanna pillugu aalajangersaaviginnittumik, A-llu pisortanut inissiamik tunineqassaguni piumasaqaatit eqqortissimangimmagit.

Mannalu ilanngullugu tikkuarniarpara, tassalu sulisunut inissiaq A-mut innersuuneqarsimasoq Allattoqarfiup aalajangiinissaata tungaanut inoqassanngitsaq, ineqarnermullu akiliutinik akiligassiissutit KIIIP-mut nassiunneqartassasut, aalajangiisoqarnissaata tungaanut. Sulisunut inissiamik tunineqarnissamik utaqqisut 200-t missaanniimata Allattoqarfimmut inassutiginiarpara piffissap neriorsuutigineqarsimasumit sivikinnerusup iluani aalajangiisoqassasoq." (Atorfeqarfimmi nutsigaa-voq)

Naalakkersuisut Allattoqarfiata Ineqarnermut Attaveqarnermullu Pisorta-qarfik Inissiaatileqatigiiffillu e-mailikkut 5. marts 2003-meersukkut imatut akivai:

"...-p qinnuiginninnera naapertorlugu uppersarsassavara A-p inissiamik pisortanut inissiatut immikkoortinneqarsimasumik (immikkut) tunineqarnissaa pillugu akuersissuteqartoqarnissaanik KIIIP-ip qinnuteqaataa Naalakkersuisut Allattoqarfiata tigusimagaa.

Naalakkersuisut Allattoqarfiata suliame 2003-mi martsip qaammataa naatinnagu aalajangiinissani naatsorsuutigaa. Aalajangiinissalli Inatsisartut upernaakkut ataatsimiinnerannut atatillugu suliassat isumagineqarnerisa nassatarisaannik kinguaattoor-sinnaanera mattunneqarsinnaanngilaq. (Atorfeqarfimmi nutsigaa-voq)

Allattoqarfiup inatsisileriffiata Naalakkersuisut Allattoqarfianni pisortaaner-mut inassuteqaataanit ullulerneqarsimangitsumit makku erserput:

"1. KIIIP-ip pisortaanerugallartumut ...-mut allakkatigut 23. januar 2003-meersu-tigut qinnutigaa A pisortanut inissiatut immikkoortinneqarsimasut ilaannik tunine-qarsinnaanersoq naliliisoqassasoq.

2. Ineqarnermut Attaveqarnermullu Pisorta-qarfimmit oqaatigineqarpoq pisortan-ut inissiatut immikkoortinneqartut ilaannik innersuussineq tunaartarisassat makku tunngavigalugit pisartoq:

- atorfik malittarisassat atuuttut malillugit inuttassarsiuunneqarsimassasoq.
- atorfiup inuttassarsiuunneqartup allaaserineqarnerani atorfik aqutsinermik suliassa-qarfiusutut allaaserineqarsimassasoq.
- sulisoq allaffeqarfimmi pisortatut tjenestemanditut atorfimmud akissaateqarfimmi 36-mi immikkut tapilimmi taakkulu saniatigut allanik immikkut tapilimmi inissisimasumut naapertuuttuussasoq.
- sulisoq sulisoqarnermik aqutsinermi akisussaaffeqassasoq, tassa imaappoq ator-finitsitsisartuussasoq soraarsitsisartuussallunilu, allakkatigut oqaasiinnartigullu mianersoqqussutinik tunniusartuussalluni, tapiliisoqarnissaanik atorfiillu inis-sisimanerisa allannortinneqarnissaannik assigisaanillu inassuteqaateqartartuussalluni.
- sulisoq aqutsinermi akisussaaffeqassasoq, assersuutigalugu suliassat aquunneqar-nerini agguanneqarnerinilu, allaffimmi immikkoortorta-qarfimmi luunniit angu-sarineqartunut akisussaasuussasoq, sulisunik ineriartortitsinermi anguniagassa-nik ilusilersuisartuussalluni, sulisunillu ineriartortitsiniarluni oqaloqatiginninner-nik ingerlataqartartuussalluni.

Ineqarnermut Attaveqarnermullu Pisortaqarfiup aamma oqaatigaa tunngaviit taakku KIIP-ip A-mik atorfinitsitsiniarluni oqaloqateqarnerata nalaani atuuttuusi-masut, taamatuttaarlu tunngaviit taakku atorfinitsitsinerup nalaani atuuttuusimallu-tik.

3. ...-tut atorfik pillugu paasissutissat.

...

4. KIIP-ip makku paasissutissiisutigisimavai:

KIIP-ip A-mik atorfinitsitsiniarluni oqaloqateqarnermi kingusinnerusukkullu atorfinitsitsinermi manna tunngaviutissimavaa, tassalu allaffeqarfimmi pisortamut akissaateqarfimmi 36-mi akissarsiaqartumut naapertuuttumik akissarsiaqartitsiso-qassasoq, isumaqarlunilu periaasiusumik taassuminnga kingusinnerusukkut sukate-rineq inunnut atorfeqartitaareersunut ajoqusiisuusariaqanngitsoq.

A atorfinitsitsiniarluni oqaloqatigiinnermi KIIP-imit oqarfingeqarsimavoq pi-sortanut inissiamik tunineqarsinnaasoq, atorfimmi akissaateqarfimmut 36-mut naa-pertuuttumik akissaateqarluni atorfinitsinneqaruni. A tjenestemanditut atorfinitsin-neqarnani isumaqatigiisuteqarneq tunngavigalugu akissaatit qaffariartuaarneranni inissisimaffimmi 41-mi immikkut tapilimmi tjenestemanditut atorfimmut taamatut inissisimasumut naapertuuttumi atorfinitsinneqarsimavoq.

KIIP-ip tikkuarlugu oqaatigaa sulisunut inissianik innersuussisarneq sukateriffi-gineqarsimasoq, 2002-mi oktoberimut kingumut atuutilersumik. KIIP-ip paasinnin-nera unaavoq sukaterineq taanna A-mut ajoqusiisuusannitsoq, tassami A decem-ber 2001-imi atorfinitsitsiniarluni oqaloqatigiinnermi kingusinnerusukkullu allakka-tigut allatut neriorsorneqarsimammat, taamani tunaartarisassat atuuttut atuunnerisa nalaani.

5. Eqikkaaneq

Inissianik pisortanut inissiatut immikkoortinneqartunik innersuussineq tunngaviit immikkoortumi 2-mi taaneqartut tunngavigalugit aqunneqarpoq. Tunngaviit taakku KIIP-ip A-mik atorfinitsitsiniarluni oqaloqateqarnerata tamatumalu kingornatigullu atorfinitsitsinerata kingornatigut allannortinneqarsimannigillat.

A atorfimmik inuttassarsiulluni allagarsiussami atorfiullu allaaserineqarnerani suliatigut sulisoqarnermilluunniit aqutsinikkut suliassinneqarsimannigilaq. Atorfik taanna ...-mut isumaqatigiisut tunngavigalugu allaffeqarfimmi pisortap ileqquusumik akissaaserneqarnerata "qaffaseqataanik" akissaasersorneqanngilaq.

Tamakku tunngavigalugit naliliineq unaavoq A inissiamik pisortanut inissiatut immikkoortinneqarsimasumik innersuussisarnermi tunaartarisassat nalinginnaasut malillugit inissiamik pisortanut inissiatut immikkoortinneqarsimasumik innersuun-neqarnissaminut pisinnaatitaasimannitsoq.

Immikkoortortaqarfiulli pisortaata ...-p Naalakkersuisut Allattoqarfiannut oqaati-gaa atorfinitsitsiniarluni oqaloqateqarnermi A-mut neriorsuutigisimagini inissiamik pisortanut inissiatut immikkoortinneqarsimasut ilaannik innersuunneqassasoq. A-p pisortanut inissiamik atorfinitsitsiniarluni oqaloqatigineqarnermi nalaani neriorsor-neqarsimanera pitsaannigilluinnartuuvoq, tunaartarisassat nalinginnaasut malillugit taamatut neriorsuuteqarnissaq ajornarmat.

A sulisullu allat kikkugaluartulluunniit akissarsiat atorfinitsitsinermilu atugassa-rititaasut pillugit paasissutissanik atorfinitsitsiniarluni oqaloqatigiinnermi saqqum-miunneqartunik akissarsiat atorfeqartitaanermilu atugassarititaasut akuerinissaannut tunngaviginnissinnaanerminnik pissutissaqartumik naatsorsuutiginnissinnaasimas-sapput.

Ineqarsinnaatitaanermik apeqquut atorfirmik inuttassarsiulluni allagarsiuussami eqqaaneqarsimanngilaq, taamaattumillu apeqquutip atorfinitsitsiniarluni oqaloqatigiinnermut atatillugu oqaluuserineqarsimanera pissusissamisooruulluni. Atorfinitsitsinerimi allakkat assigiiaartunik oqaasertalersugaapput, atorfinitsinneqartullu inissiamik pisortanut inissiatut immikkoortinneqartumik imaluunniit inissiamik nalinginnaasumik inissaqarsinnaatitaanera apeqquutaatinnagu atorneqartarluni. Taamaattumik A pissutsip taassuma atorfinitsitsinerimi allakkani erseqqissartinniarnissaanut pissutissaqarsimanngilaq.

Inissiamik pisortanut inissiatut immikkoortinneqartumik KIIIP-ip inniminniissutaata suliarineqarnerani inissiamik pisortanut inissiatut immikkoortinneqartumik tunniussisarneq pillugu tunaartarisassat tunngavigalugit itigartitsisoqarpoq, tassami ...-tut atorfiup tunaartarisassat nalinginnaasut eqqortinngimmagit. Aqutsinermulli Pisortaqaarfik - massakkut Ineqarnermut Pisortaqaarfik - tunngavissaq alla tunngavigalugu inissiamik pisortanut inissiatut immikkoortinneqartumik innersuussinissamut tunngavissaqassanersoq imaluunniit tunngavissaqartariaqarnersoq naliliissalluni periarfissaqarsimanngilaq.

Inatsisileriffiup naliliinera unaavoq inissiamik pisortanut inissiatut immikkoortinneqarsimasumik innersuussisoqarnissaa isumaliutersuutigineqartariaqartoq, KIIIP-ip paasissutissat nassinneqartut malillugit inissiamik pisortanut inissiatut immikkoortinneqarsimasumik atorfirmut atasoqarneranik A-mut nalunaaruteqarsimanera eqqarsatigalugu. A-p INI-p ...-tut siusinnerusukkut sulisimanera apeqquutaatinnagu Inatsisileriffiup paasinninnera unaavoq akissarsiat atorfeqartitaanermilu atugassarititaasut pillugit paasissutissat atorfinitsitsiniarluni oqaloqateqarnermi saqquumiinneqartut atorfinitsinneqartup tunngaviutissinnaasariaqarai. Aammattaaq suliami matumani Inatsisileriffiup naliliinera unaavoq A apeqquutip taassuma atorfinitsitsinerimi allakkatigut erseqqissartinniarnissaanut pissutissaqarsimanngitsoq." (Atorfeqarfimmi nutsigaavoq)

Naalackersuisut Allattoqarfiata Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqaarfimmut aamma Ineqarnermut Attaveqarnermullu Pisortaqaarfimmut allakkiami 13. marts 2003-meersumi pisortaqaarfiit taakku marluk aperai inassuteqaat qulaani issuarneqartoq pillugu oqaaseqaatissaqarnersut.

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqaarfiup Naalackersuisut Allattoqarfiat allakkiakkut 14. marts 2003-meersukkut imatut akivaa:

"Pineqartoq: Pisortaanerup ...-p inissiamik pisortanut inissiatut immikkoortinneqarsimasumik innersuussuteqarnissaq pillugu allakkiaa pillugu oqaaseqaatit.

Ataatigut atsiortoq qinnuigineqarsimavoq allakkiaq qulaani taaneqartoq, ...-p A-p inissiamik pisortanut inissiatut immikkoortinneqarsimasumik kingusinnerpaamik ukioq manna 17. martsimi tunineqarsinnaaneranik apeqquummut tunngasoq, pillugu oqaaseqaatinik saqqummiusseqqullugu.

Tamatumunnga atatillugu oqaatigissavara allaffeqarfimmi pisortap ...-p allakkiaani ajornartorsiut saqqummiunneqartoq pillugu saqqummiussinermik eqqortumik suliarlu pillugu tamakkiisumik imaqarmat.

Taamatuttaaq isuma allakkiami saqqummertoq naammagisimaarnartorujussuarut isigaara.

Erseqqissaatitut oqaatigissavara A inissiamik pisortanut inissiatut immikkoortinneqarsimasumik atorfirmut atasoqarneranik oqaasiinnartigut allakkatigullu nalunaarfigineqarsimammat, tak. allakkiap immikkoortuani kingullermi titarnerit pingajuat." (Atorfeqarfimmi nutsigaavoq)

Naalakkersuisut Allattoqarfiata KIIP e-mailkkut 25. marts 2003-mi imatut nalunaarfigaa, assiliner Ineqarnermut Attaveqarnermullu Pisortaqarfimmut nassiullugu:

"Inissiamik pisortanut inissiatut immikkoortinneqarsimasumik ...p A-p tunineqarnissaanik KIIP-ip qinnuteqaataa 23. januar 2003-mi ullulerneqarsimasooq Naalakkersuisut Allattoqarfiata suliarisimavaa.

Qinnuteqaat pisortaanerup ...-p akuerisimavaa.

Aalajangererup taassuma nassataraa A inissiamik pisortanut inissiatut immikkoortinneqarsimasumik tunineqarnissamik utaqqisut allattorsimaffiannut ilanngunneqassasooq, taamatuttaarlu inissiap innersuunneqareersup tiginissaanut pisussaafeqarani." (Atorfeqarfimmi nutsigaavoq)

KIIP A-mut e-mailkkut 26. marts 2003-mi imatut allappoq:

"E-mail una aatsaat tiguara, qinnuiginiarpakkilli naqitanngorteqqullugu suliamullu ilinnut tunngasumut ikeqqullugu. Taamaalilluni suliaq taanna naammassisussasaaq.

Torrak!" (Atorfeqarfimmi nutsigaavoq)

Ineqarnermut Attaveqarnermullu Pisortaqarfik Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfimmut 2. april 2003-mi imatut allappoq:

"Ineqarnermut Attaveqarnermullu Pisortaqarfik ilisimatinneqarpoq A, KIIP, sulisunut inissiamik innersuunneqarsimasooq.

Inissiarli innersuunneqartoq A-p tigujuimasimanngilaa. Taamaattumik immikkut akuersissuteqartoqarnissaa KIIP-ip pisortaanermut qinnutigisimavaa. Pisortaaneeq aalajangiisimavoq A inissiamik pisortanut inissiatut immikkoortinneqarsimasumik tunineqarnissamik utaqqisut allattorsimaffiannut ilanngunneqassasooq, inissiallu innersuunneqarsimasup tiginissaanut pisussaaffeqanngitsoq.

Inissiamik pisortanut inissiatut immikkoortinneqarsimasumik inniminniissut akuerineqarsimasooq Ineqarnermut Attaveqarnermullu Pisortaqarfiup INI-mut ullumikkut nassiuppa, taamaalilluni A pisortanut inissiamik tunineqarnissamik utaqqisut allattorsimaffiannut ilanngunneqarsinnaaqqullugu.

Sulisunut inissianik innersuussisarneq pillugu malittarisassat saneqqunneqarnissaat immikkut akuersissutigineqassasooq KIIP-ip qinnutigisimammagu sulisunut inissiap innersuunneqartup inoqannginnerani aningaasartuutit KIIP-ip akilertariaqarpai." (Atorfeqarfimmi nutsigaavoq)

Ineqarnermut Attaveqarnermullu Pisortaqarfik KIIP-imut 13. juni 2003-mi imatut allappoq, assiliner Inissiaatileqatigiiffimmut nassiullugu:

"Sulisunut inissianik innersuussisarnermi malittarisassat allangortitat.

Inissianik attartortitsisarneq pillugu Inatsisartut peqqussutaanni 1.6.2003-mi atuutilersumi allannguutit pissutigalugit allaffeqarfimmi pisortanut innersuussisarnermi malittarisassat allannguuteqarsimapput. Allaffeqarfimmi pisortat 1.6.2003 aallernerfigalugu inissianik pisortanut immikkoortinneqarsimasunik tunineqarsinnaajunnaarput, sulisunullu inissiamik initaarniarlutik utaqqisut allat saneqqullugit sulisunut inissiamik innersuunneqartassallutik.

Pisortaqarfiup matumuuna ilisimatitsissutigissavaa A 2.04.03 aallernerfigalugu pisortanut inissiamik utaqqisut allattorsimaffiannut ilanngunneqarsimasooq sulisunut inissiamik utaqqisut allattorsimaffiannut nuunneqarsimammat, peqqussullu nutaaq tunngavigalugu sulisunit inissiamik innersuunneqarumaarluni." (Atorfeqarfimmi nutsigaavoq)

Inissiaatileqatigiiffiup tamatuma kingornatigut KIIP-imut allakkatigut 17. juni 2003-meersutigut A sulisunut inissiamik marlunnik initalimmik innersuuppaa.

KIIP Inissiaatileqatigiiffimmut aamma Ineqarnermut Attaveqarnermullu Pisortaqarfimmut 20. juni 2003-mi imatut allappoq:

**"Pineqartoq: ...p A-p inissiamik pisortanut inissiatut immikkoortitamik tunineqarnera**

INI-p allagaanit 17. juni 2003-meersunit (...-mik normoqartunit) erserpoq .. A sulisunut inissiamik pisortanut inissiatut immikkoortitaanngitsumik innersuunneqarsimasooq.

Pisortaqarfiup matumuuna malugeqqullugu oqaatigeqqissavaa ... A inissiamik pisortanut inissiatut immikkoortinneqarsimasumik innersuunneqassasooq, tak. suliami siusinnerusukkat allagaasimasut.

Naalakkersuisut Allattoqarfiata ... A-p inissiamik pisortanut inissiatut immikkoortinneqarsimasumik tunineqarnissamik qinnuteqataata suliarineqarnera pillugu allagai ilanngullugit nassiunneqarput, pisortaanerlu allakkani taakkunani inerniliil-luni eqikkaasimavoq.

INI qinnuigineqarpoq suliami siusinnerusukkat allagaasimasut kiisalu allakkat uku tunngavigalugit iliuuseqaqqullugu.

..." (Atorfeqarfimmi nutsigaavoq)

Ineqarnermut Attaveqarnermullu Pisortaqarfik e-mailikkut KIIP-imut 24. juni 2003 imatut allappoq:

"A-p inissiamik tunineqarnera pillugu KIIP-ip INI-mut allagaasa assilinerat Ineqarnermut Attaveqarnermullu Pisortaqarfiup ullumikkut tiguaa.

Pisortat 2003-mi aprilip naanerani ataatsimiinneranni pisortaanerup sulisunut inissianut tunngasut pillugit ilisimatitsissutaa pisortaqarfiup matumuuna innersuussutigissavaa - ilisimatitsissut taanna taamatutaaq pisortaqarfimmut 23. maj nassiusuunneqarsimavoq.

Sulisunut inissianik 1. juni 2003-p kingornatigut innersuussinerit tamarmik attartortitsisarneq pillugu peqqussut allannngortinneqarsimasooq malissagaat pisortaqarfiup aalajangiusimavaa, tassami sulisut sulisunut inissiamik tunineqarnissamik utaqqisut allattorsimaffianniittut eqqarsaatigalugit ikaarsaariarnermi aaqqissuussinernik aalajangersaasoqarsimangimmat.

A immikkoortortaqarfimmi pisortaanginnami direktøriunnginnamiluuniit inis-  
sianik attartortitsisarneq pillugu peqqussut allanngortitaq 1. juni 2003-mi atuutiler-  
soq tunngavigalugu pisortanut inissiamik tunineqarsinnaatitaangilaq. KIIP allak-  
katigut 13. junimeersutigut ilisimatinneqarsimavoq A sulisunut inissiamik allaffe-  
qarfimmi pisortat allat inissiamik pisortanut inissiatut immikkoortinneqarsimasumik  
tunineqarnissamik utaqqisut allattorsimaffianniittut assigalugit inissianik attartortit-  
sisarneq pillugu peqqussummi allanngortinneqartumi malittarisassat malillugit in-  
nersuunneqarniarloq. Malugeqquneqassaaq taakku sulisunut inissiamik tunineqar-  
nissamik utaqqisut allattorsimaffianniittunut allanut sanilliullutik salliutinneqassam-  
mata, sulisunut allanut sanilliullutik inissiamik siulliullutik innersuunneqarnermik-  
kut." (Atorfeqarfimmi nutsigaavoq)

KIIP Inissiaatileqatigiiffimmut aamma Ineqarnermut Attaveqarner-  
mullu Pisortaqarfimmut 25. juni 2003-mi imatut allappoq:

"Pineqartoq: ...-p A-p inissiamik pisortanut inissiatut immikkoortinneqarsimasu-  
mik tunineqarnissaa.

Suliami siusinnerusukkut allagaasarsimasut innersuussutigalugit ATIP-p e-mai-  
likkut nassiussaa 24. juni 2003-meersoq pillugu oqaaseqaatit makku ilanngunneqas-  
sapput.

KIIP-ip siusinnerusukkut allagarisarsimasaanit erserpoq suliaq immikkut akuer-  
sissuteqarnermut tunngasoq pisortaanermit suliarineqarsimasoq, taannalu eqikkaal-  
luni aalajangiisimasoq A inissiamik pisortanut inissiatut immikkoortinneqarsimasu-  
mik tunineqassasoq, aalajangersakkat taamani atuuttut apeqqutaatinngit.

Immikkut akuersissuteqarneq taanna A-mut soorunalimi qangali nalunaarutigine-  
qarsimavoq, taamaattumillu taanna inissiamik taamaattumik piumasaqarsinnaatitaa-  
voq.

INI pisortaanerup suliami matumani inassuteqaataa tunngavigalugu iliuuseq-  
qissasoq KIIP-ip naatsorsuutigaa." (Atorfeqarfimmi nutsigaavoq)

A/S Inissiaatileqatigiiffik INI-p Ineqarnermut Attaveqarnermullu Pisor-  
taqarfik telefaxikkut 2. juli 2003-mi nassiunneqartukkut qinnuigaa A-p su-  
lisunut inissiamik marlunnik initalimmik innersuunneqartumik tigusiuma-  
simannginneranut atatillugu aalajangeeqqullugu.

KIIP-ip A allakkatigut 10. juli 2003-meersutigut pisortaqarfimmi allaf-  
feqarfimmi pisortatut ivertippaa, 1. august 2003-mit atuutilersumik.

Allakkanit taakkunanga ilaatigut makku erserput:

"Tamatumunnga peqatigitillugu uppersarsarneqarsinnaavoq inissiamik pisorta-  
nut inissiatut immikkoortinneqarsimasumik suli tunineqarsinnaatitaasussaagavit,  
tak. Namminersorerullutik Oqartussani pisortaanerup suliami siusinnerusukkut aa-  
lajangiinera." (Atorfeqarfimmi nutsigaavoq)

Ineqarnermut Attaveqarnermullu Pisortaqarfik KIIP-imut 11. juli 2003-  
mi imatut allappoq, assilineru Inissiaatileqatigiiffimmut nassiullugu:



"KIIP-ip INI-mut allakkat 25. juni 2003-meersut nassiussimavai, INI-lu taakkunatigut qinnuigineqarpoq A inissiamik pisortanut inissiatut immikkoortinneqarsimasumik innersuuteqqullugu, tassami pineqartoq Inatsisartut peqqussutaata nr. 3-p, 15. april 2003-meersup 1. juni 2003-mi atuutilersup atuutilinnginnerani inissiamik pisortanut inissiatut immikkoortinneqarsimasumik tunineqarnissamik utaqqisut allattorsimaffiannut ilanngunneqarsimammat.

Pisortaqarfiup KIIP-imut e-mailikkut nassiussaa 24. juni 2003-meersoq pisortaqarfiup malugeqqussavaa, tassanilu A-p pisortanut inissiamik innersuunneqarnissaanik KIIP-ip qinnutigisaa itigartinneqarpoq, inissianik attartortitsisarneq pillugu peqqussummi malittarisassat allanngortinneqarsimasut (Inatsisartut peqqussutaat nr. 3, 15. april 2003-meersoq ilisimatitsissutitut ilanngunneqarpoq) kiisalu pisortaanerup pisortat 2003-mi aprilip naanerani ataatsimiinneranni sulisunut inissianut tungasut pillugit ilisimatitsissutaa (taamatuttaa ilanngullugu nassiunneqartoq) inner-suussutalugit.

A immikkoortortaqarfimmi pisortaannginnami direktøriunnginnamiluunit inissianik attartortitsisarneq pillugu peqqussut allanngortitaq tunngavigalugu pisortanut inissiamik tunineqarsinnaangitsaq Ineqarnermut Attaveqarnermullu Pisortaqarfiup aalajangiusimavaa, kisiannili sulisunut inissiamik allaffeqarfimmi pisortat allat inissiamik pisortanut inissiatut immikkoortinneqarsimasumik tunineqarnissamik utaqqisut allattorsimaffianniittut assigalugit inissianik attartortitsisarneq pillugu peqqussummi allanngortinneqartumi malittarisassat malillugit innersuunneqarniartoq. Taakku sulisunut inissiamik tunineqarnissamik utaqqisut allattorsimaffianniittunut allanut sanilliullutik salliutinneqassapput sulisunut allanut sanilliullutik inissiamik siulliullutik innersuunneqarnermik." (Atorfeqarfimmi nutsigaavoq)

KIIP Ineqarnermut Attaveqarnermullu Pisortaqarfimmut e-mailikkut 14. august 2003-mi imaattumik nassiussivoq:

"Hej ...

Ilimagaara pisortaanerup suliaq manna pillugu allagaasa aappaat ungasinngitsukut tigussagitit.

KIIP-ip isumaa siusinnerusukkut suliami allagaasimasunit ersertutut suli taannaavoq. Tamanna pisortaanerup aamma ilalersimavaa, ilinnullu oqaatigisimallugu, tak. suliami siusinnerusukkut allagaasimasut, matumani inatsisileriffiup suliami allagaatai ilanngullugit eqqarsaatigalugit. Oqaatigisariaqarpoq qulaani oqaatigineqartut pineqaraluartut illit nammineq suliat ingerlassimagit, taannalu illit tunginnit kukkusumik ingerlanneqarsimavoq, tamannalu illit nammineq akisussaaffigisariaqarpat.

KIIP-ip pisortaanerullu isumaat INI-mut saqqummiunneqarsimapput, taakkulu INI-mut akissuteqaqqinninni tunngavigissagitit qinnuigineqarputit." (Atorfeqarfimmi nutsigaavoq)

KIIP Namminersornerullutik Oqartussat pisortaanerannut 15. august 2003-mi imatut allappoq, assiliner A-mut nassiullugu:

"Naalackersuisut Allattoqarfianni allaffeqarfimmi pisortap ...-p Kultureqarnermut, Ilinniartitaanermut, Iisimatusarnermut Ilageeqarnermullu Pisortaqarfimmi (KIIP-imi) immikkoortortaqarfimmi pisortamut e-mailikkut 25. marts 2003-mi nassiussaaticut nalunaarutigineqarpoq ...-p A-p inissiamik pisortanut inissiatut immikkoortinneqarsimasumik tunineqarnissaanik KIIP-ip qinnuteqaataa 23. januar 2003-

meersoq Naalakkersuisut Allattoqarfiata suliarisimagaa, qinnuteqaallu pisortaanerup ...-p akuersimagaa. Aalajangerunerup taassuma nassataraa A inissiamik pisortanut inissiatut immikkoortinneqarsimasumik tunineqarnissamik utaqqisut allattorsimaffiannut ilanngunneqassasoq, taamatuttaarlu inissiamik sisamanik initalimmik innersuunneqareersumik tigusinissaminut pisussaaffeqanngitsoq. E-mailikkut nassiusaq manna Ineqarnermut Attaveqarnermullu Pisorta qarfirmi allaffeqarfirmi pisortamut ....-mut aamma nassiuunneqarpoq.

A/S Inissiatileqatigiiffik INI-p allagaasigut 17. juni 2003-meersutigut ...-mik normoqartutigut A inissiamik sulisunut inissiatut immikkoortinneqarsimasumik, imaanngitsoq inissiamik pisortanut inissiatut immikkoortinneqarsimasumik, innersuunneqarpoq. KIIP-ip A/S Inissiatileqatigiiffik INI-mut aamma Ineqarnermut Attaveqarnermullu Pisorta qarfirmut allakkiamigut 20. juni 2003-meersukkt 1539-mik normoqartukkt pisoq tamanna malugeqquaa, e-mailikkut 25. marts 2003-mi nassiuunneqartoq innersuussutigalugu, tassanilu A-p inissiamik pisortanut inissiatut immikkoortinneqarsimasumik tunineqarnissaa KIIP-imit akuersissutigineqarsimavoq.

Allakkatigut 11. juli 2003-meersutigut ...-mik normoqartutigut, assiliner ilanngullugu nassiuunneqartukkt, Ineqarnermut Attaveqarnermullu Pisorta qarfiup aalajangiusimavaa A pisortanut inissiamik innersuunneqarsinnaanngitsoq, Inatsisartut peqqussutaat nr. 3, 15. april 2003-meersoq 1. juni 2003-mi atuutilersoq aamma pisortaanerup "Sulisunut inissianik innersuussisarnermut atatillugu tunaartarisassat" ilaatigut pisorta qatigiinnut allakkiaa 30. april 2003-meersoq, ilaatigut "Piffissami peqqussutip atuutilerissaata tungaanut ingerlasumi sulisunut inissianut peqqussummi malittarisassat nutaat malillugit inniminnerneqartassapput"-mik oqaasertalernerneqarsimasoq innersuussutigalugit.

KIIP-ip tamanna pillugu oqaatigissavaa qulaani oqaatigineqartutut pisortaanerup akuersissutaa 25. marts 2003-meersoq pigineqarmat, tassalu allakkia 30. april 2003-meersup saqqummenera sioqqullugu, taamaattumillu Ineqarnermut Attaveqarnermullu Pisorta qarfiup itigartitsinera akuersissummut pigineqartumut assortuutuulluni. KIIP isumaqarpoq peqqussummi nutaami 15. april 2003-meersumi malittarisassat aamma aqutsinikkut tunaartarisassat 30. april 2003-meersut akuersissut 25. marts 2003-meersoq eqqarsaatigalugu atorunnaarsitsinermik sunnuteqarsinnaanngitsut.

Taamaattumik KIIP-ip qinnutigissavaa pisortaanerup akuersissutaa KIIP-imut mailikkut 25. marts 2003-meersukkt nalunaarutigineqartoq A-llu inissiamik pisortanut inissiatut immikkoortinneqarsimasunik tunineqarnissamik utaqqisut allattorsimaffiannut ilanngunneqarneranik nassataqartoq Ineqarnermut Attaveqarnermullu Pisorta qarfik eqqarsaatigalugu suli atuutsinniarneqassasoq." (Atorfeqarfirmi nutsigaavoq)

Inissiatileqatigiiffiup KIIP-imut allagaasigut 18. september 2003-meersutigut inissiaq pingasunik initalik ... illoqarfiup K-p ilaaniittoq A-mut sulisunut inissiatut neqeroorutigaa.

Naalakkersuisut pisortaanerat KIIP-imut 22. september 2003-mi imatut allappoq:

"Matumuuna uppersarnerneqarpoq A-p, KIIP, inissiamik pisortanut inissiatut immikkoortinneqarsimasumik tunineqarnissamik utaqqisut allattorsimaffiannut ilanngunneqarnissaa suli atuutsinneqartoq. Ineqarnermut Attaveqarnermullu Pisor-

taqarfik allakkat uku assilinerannik nassinneqarnermigut tamatuminnga malugin-neqquneqarpoq.

Inassuteqaatiga mailikkut 25. marts 2003-meersukkut nalunaarutigineqartoq matumuuna uppernarsarpara." (Atorfeqarfimmi nutsigaavoq)

Ineqarnermut Attaveqarnermullu Pisortaqarfik KIIP-imut 16. oktober 2003-mi imatut allappoq, assiliner a pisortaanermut nassiullugu:

"A-p sulisunut inissiamik innersuunneqarnini pillugu mailikkut nassiussai Ineqarnermut Attaveqarnermullu Pisortaqarfiup tigusimavai.

Pisortaqarfiup erseqqissassavaa sulisitsisoq tassaammat atorfeqartitaasumut inissiamik innersuussisuusq. Taamaalluni KIIP sulisitsisutut tassaavoq inissiamik inniminniinermi A/S Inissiaatileqatigiiffik INI-mut aamma Ineqarnermut Attaveqarnermullu Pisortaqarfimmut attaveqartartuusoq, taamaattutullu paasisutissat inissiamik inniminniissummiittut atugassiaasumiittut eqqortuunerannut akisussaasuuq.

Inissiamik inniminniissummi pisortaqarfimmut nassiunneqartumi paasisutissiisutiginerpoq inoqutigiit tassaasut A, nulia meeqqallu marluk. INI-p (aqutsineq pillugu isumaqatigiissummi peqqussutigineqartut) nalinginnaasumik misissuinerani paasineqarpoq inoqutigiit tassaaginnartut A nulia. KIIP kaammattorneqarsimavoq inniminniissut nassiunneqartoq aaqqiissuteqarfigeqqullugu.

A immikkut pisinnaatitaaffinni qitiusumik aqutsisoqarfimmi allaffeqarfimmi pisortanut atuuttuni pineqartunut ilaaqqaanngikkaluarpoq. Immikkut pisinnaatitaaffik taanna tassaavoq inissiamik pisortanut inissiatut immikkoortinneqartumik inoqutigiit amerlassusiannit marlunnik amerlanerusunik initalimmik innersuussisoqarsinnaanera.

KIIP-illi inissiamik pisortanut inissiatut immikkoortinneqarsimasumik ...-mut A-mut tunniussisoqarnissaanik qinnuteqaataa pisortaanerup mailikkut 25. marts 2003-meersukkut akuerisimavaa.

Taamaattumik A pisortanut inissiamut sisamanik initalimmut pisortanut inissiatut immikkoortinneqarnissamik utaqquisut allattoqarsimaffiannut allanneqarpoq. Inissiamilli, matumani sulisunut inissiat ilanngullugit eqqarsaatigalugit, innersuussisarneq pillugu malittarisassat nutaat 1. juni 2003-mi atuutilerput. Malittarisassat nutaat taakku malillugit allaffeqarfimmi pisortat taamaallaat inissiamik inoqutigiit amerlassusiannit inimik ataatsimik amerlanerusunik initalimmik tunineqarsinnaapput. Allaffeqarfimmi pisortat inissiamik sulisunut allanut sanilliullutik siulliullutik massakut tunineqartalerput, tamannalu siusinnerusukkumut sanilliullugu erseqqissumik pitsanngoriaataavoq.

A inissiamik (pingasunik initalimmik) ...-miittumik kingullermik innersuunneqarsimavoq, taannalu qitiusumik aqutsisoqarfimmi immikkoortortaqarfimmi pisortanut siusinnerusukkut atorneqarsimavoq, inissiarlu taanna inissianut pisortanut inissiatut immikkoortinneqarsimasunut ilaavoq.

A-p inissiamik sisamanik initalimmik kissaateqarnini mailikkut saqqummiussimavaa. Kissaatigisaq taanna akuerineqarsinnaanngilaq, tassami inoqutigiit amerlassusiata inissiamik taamatut angissuilimmik pisinnaatinngimmagu. Oqaatigineqasaaq inissianik attartortitsisarneq pillugu peqqussummi apeqqut taanna eqqarsaatigalugu immikkut akuersissuteqarnissamut periarfissaqanngimmat. Inissianik attartortitsisarneq pillugu Inatsisartut peqqussutaanni § 5 aamma takuuk (ilisimatitsisutitut ilanngullugu nassiunneqarpoq).

KIIP qinnuigineqarpoq INI ullut tallimat qaangiutsinnagit nalunaarfigeqqullugu sulisunut inissiaq taanna A-p tigungjaneraa, imaluunniit A sulisunut inissiamik ini-

taarniarlutik utaqqisut allattorsimaffiannit peerneqassanersoq. Pisortaqarfik suliami annertunerusumik iliuuseqaqqissanngilaq.

KIIP qinnuigineqarpoq inissianik attartortitsisarneq pillugu peqqussut kiisalu allakkat uku A-mut ilisimatitsissutigeqqullugit." (Atofeqarfimmi nutsigaavoq)

Ineqarnermut Attaveqarnermullu Pisortaqarfik Namminersorerullutik Oqartussat pisortaanerannut ulloq taanna imatut allappoq:

"Ineqarnermut Attaveqarnermullu Pisortaqarfiup allakkat 22. september 2003-meersut tiguisimavai, taakkunatigullu KIIP nalunaarfigineqarpoq ... A inissiamik pisortanut inissiatut immikkoortinneqarsimasumik tunineqarnissamik utaqqisut allattorsimaffiannut ilanngunneqassasoq.

Pisortaqarfiup tamanna pillugu makku oqaatigissavai:

A inissianik attartortitsisarneq pillugu Inatsisartut peqqussutaata allanngortinneqarneranik Inatsisartut peqqussutaata nr. 3-p, 15. april 2003-meersup nassatarisaa-nik sulisunut inissianik innersuussisarneq pillugu malittarisassat allanngortinneqar-mata allaffeqarfinni pisortat inissiamik pisortanut inissiatut immikkoortinneqarsi-masunik tunineqarnissamik utaqqisut allattorsimaffianniittut allat assigalugit sulisu-nut inissiamik tunineqarnissamut utaqqisuni salliutinneqarluni inissiamik inner-sunneqarsimavoq.

Aammattaq A sulisunut inissiamik qitiusumik aqutsisoqarfimmi immikkoortor-taqarfimmi pisortanit siusinnerusukkut najugaqarfigineqarsimasumik innersunne-qarsimavoq.

Taamatuttaaq Ineqarnermut Attaveqarnermullu Pisortaqarfiup oqaatigissavaa su-lisunut inissianik innersuussisarneq pillugu malittarisassat inissianik attartortitsisar-neq pillugu peqqussummi qulaani taaneqartumi aalajangersarneqarsimammata, pi-sortaqarfillu peqqussummi sulisunut inissianik innersuussisarneq pillugu malittari-sassat saneqqunnissaannut periarfissaqanngimmat." (Atofeqarfimmi nutsigaavoq)

Naalackersuisut Allattoqarfiata oqarasuaatikkut apeqqutinnut akilluni oqaatigaa Ineqarnermut Attaveqarnermullu Pisortaqarfiup allagai Allatto-qarfiup akisimangikkai, suliarlu Naalackersuisut Siulittaasuannit, pi-sortaanermit Allattoqarfimmilluunniit tamatuma kingornatigut suliarineqarsi-manngitsoq.

Ineqarnermut Attaveqarnermullu Pisortaqarfiup A e-mailikkut 16. okto-ber 2003-meersukkut nalunaarfigaa inissiaq ...-miittoq neqeroorutigineqar-toq tassaasoq pisortanut inissiaq.

A-p e-mail imaattoq Ineqarnermut Attaveqarnermullu Pisortaqarfimmut 16. oktober 2003-mi nassiuppa:

"E-mailikkut nassiussaq tulluittuni eqqartorneqartoq KIIP-ip sulisoqarnermut immikkoortortaqarfiani ...-mit tiguara. KIIP-ip sulisoqarnermut immikkoortorta-qarfia qinnuigaara attaveqarfigeqqullutit, tassami pisortanut inissiamik innersuussi-neq pillugit saaffiginnissutinnut akissummik pissarsinnaasimannnginnama.

Suli ataasiarlunga qinnutigeqqissavara pisortanut inissiamik sisamanik initalim-mik inniminniisoqarsimaneranut uppennarsaammik tunineqassasunga.

Pisortaanerup aalajangiineri, kingullermik 22. september 2003-mi, malillugit inissiamik tunineqarnissara aamma qinnutigissavara.

Pisortaanerup aalajangiineranut tunngaviusoq ilisimaneqarpoq, immaqa IAP-p Ineqarnermut Immikkoortortaqarfianit aamma. Inissiamik inoqutigii amerlassusiat tunngavigalugu qinnuteqarpunga, tamannalumi decemberimi inissiamik tunniussi-nermi siullermi aamma akuerineqarpoq, tassa ...-mi inissiamik sisamanik initalim- mik innersuunneqarama.

Taanna tassaavoq atorfinitsinermili neriorsuutigineqarsimasoq. Ataqtigiiinne- qarnermi tassani sukaterisoqarsimanera assigisaallu apeqqutaanngillat, tassami ino- qutigii amerlassusiisa piumasaqaataasut suli eqqortimmatigit!

IAP-p Ineqarnermut Immikkoortortaqarfia ataqtigiiinneqarnermi tassani Inunnik Nalunaarsuiffimmi susassaqartuunera aamma apeqqutaanngilaq. ...-p oqaatigaa I- nunnik Nalunaarsuiffik tamannalu pillugu aalajangersakkat innersuussutigisimagi- tik.

Aammattaq ...-mi inissiamik marlunnik initalimmik 2003-mi junimi neqeroorfi- gineqarpunga, 11. juli 2003-milu allapputit uanga A pisortanut inissiamik inner- sunneqarsinnaanngitsunga, immikkoortortaqarfimmi pisortaanangaluunniit direk- tōriunnginnama!

Pisortaanermit allakkani 15. august 2003-meersuni erseqqissumik oqaatigineqar- poq inissiamik sisamanik initalimmik innersuunneqareersimasumik tigusinissannut pisussaaffeqanngitsunga. Tamanna pissutigalugu tunngaviujuaannarsimavoq inissi- amik sisamanik initalimmik tunineqassasunga, malittarisassat allanngortinneqarsi- manerat apeqqutaatinnagu! Naak malittarisassat kingusinnerusukkut allanngortinne- qarsimagaluartut pisortaanerup aalajangiinini uppernarsarsimavaa, kingullermik 22. september 2003-mi.

...-p e-mailikkut ilinnut 14. august 2003-mi nassiussimasaa malugeqqunngitsuus- sanngilara!

Taamaattuttaq paasisinnaanngilara ilinnut e-mailikkut 23. september 2003-mi ki- ngullermillu 13. oktober 2003-mi nassiussakka sooq akineqarsimannginnerut.

Taamaattumik qinnuigissavakkit pisortaanerup aalajangiinera malillugu pisorta- nut inissiamik sisamanik initalimmik uannut inniminniisoqarsimaneranut uppernar- saammik tuneqqullunga." (Atorfeqarfimmi nutsigaavoq)

A KIIIP-imut 22. oktober 2003-mi imatut allappoq, assilineri Ineqarner- mut Attaveqarnermullu Pisortaqarfimmut nassiullugu:

"Ineqarnermut Pisortaqarfimmi ... pisortamut ...-mut inissiamik ataatigut atsiortu- mut innersuussineq pillugu 16. oktober 2003-mi allassimavoq, allakkat imaasa aam- ma inissianik attartortitsisarneq pillugu peqqussutip uannut ilisimatitsissutigineqar- nissaat qinnutigalugu.

Suliap massakkutut inissisimanera pissutigalugu inissiamik tunniussineq taanna allatut ajornartumik akuerisariaqarpara. Tamatumunngali peqatigitillugu pisortanut inissiamik tunineqarsinnaatitaanera kingusinnerusukkut atuutsinniassamaarpara.

Tamatumunnga ilaatigut pissutaavoq inissiamik sisamanik initalimmik atorfinit- sinneqarnerma nalaani neriorsorneqarsimanera, taamaattumillu inissiamut taamaat- tumut pequtit pisattallu allat nassarsimallugit. Allatut oqaatigalugu pequtit pisattallu taakku inissiamut pingasunik initalimmut tattuupput.

Taamaalillunga pequtit sinneruttut toqqortarineqarnerinut aningaasartuutit matus- useqarnissaannik Ineqarnermut Pisortaqarfimmut piumasaqaateqassamaarpunga.

Malittarisassat taamanikkut atuuttut malillugit aqutsisoqarsimagaluarp, kiisalu pisortaanerup aalajangiinera 26. martsimeersoq malinneqarsimagaluarpat pisoq taanna ullumikkut pilersimassanngikkaluarp. Tassami sisamanik initalimmik ul- lumikkut ineqarsimassagaluarama.

Suliassaqarfimmi tassani malittarisassat nutaat tamatuma kingornatigut atorneqalerput, kingumoortumik sunniteqartinneqartut, taakkulu uanga periarfissannik akuerineqarsinnaanngilluinnartumik killiliisimapput.

Ineqarnermut Pisortaqarfiup allagaanit 16. oktober 2003-meersunit erserpoq inissiamik pisortanut inissiatut immikkoortinneqarsimasumik sisamanik initalimmik tunineqarnissamik utaqqisut allattorsimaffiannut allanneqarsimasunga.

Inissiaq marlunnik initalik 17. juni 2003-mi uannut innersuussutigineqarpoq!

Taamaalillunga aalajangernerup ingerlaannavissumik malinneqarnerata qulakkeerneqannginnera, pisortanulli inissiamut sisamanik initalimmut utaqqisutut allanneqarnera, tamatumunngalu peqatigitillugu pisortanut inissianut sisamanik initalimmut allanneqarnerup aamma uannut neqeroortutigineqartorpiat assigiinngissuteqarnerat aalajangiinermik malinnikkumannginnertut paasisariaqarpara.

Uanga paasinninnera unaavoq inissiamik tunniussineq pillugu suliaq aallaqqaa-terpiaminiit ingasattaajariffiusimasoq. Sulilu manna atuutsinniarpara, tassalu atorfinitsinneqarninnut tunngaviit isumaqatigiissutillu unioqqutinneqarnerat pineqartoq.

Suliamik suliarinninnermi kukkunerpassuit ilungersunartut kukkusumillu paasisutissiisarnerpassuit maluginiarsimavakka, taamaattumillu suliaq Inatsisartut Ombudsmandiannut erseqqinnerusumik misissuiffigisassanngorlugu suliassanngortissamaarpara." (Atorfeqarfimmi nutsigaavoq)

A 11. november 2003-mi uannut naammagittaalliorpoq.

A-p naammagittaalliuutaata suliarineqarnissaa allakkatigut 18. december 2003-meersutigut itigartissutigaa, Ombudsmandi pillugu inatsisimmi § 6, imm. 3-p nassatarisaanik, imatut allallunga:

"Naammagittaalliuut imatut paasivara ilaatigut pisortatut sulisunut inissiamik sisamanik initalimmik tunineqarnak pingasunik initalimmik tunineqarnerit ilaatigullu inissiap ilinnut tunniunneqarneranut innersuussutigineqarneranullu atatillugu suliamik suliarinninneq naammagittaalliuutiginiaritit.

Inatsisartut Ombudsmandiat pillugu Inatsisartut inatsisaanni § 6, imm. 4-kkut aalajangersarneqarpoq naammagittaalliuut misissuineramik aallartitsinnermut pissutigissallugu naammannersoq Ombudsmandip nammineq aalajangissagaa.

Naammagittaalliuutit ilanngussallu naammagittaalliuutinnut ilanngullugit nassissutatit misissoreersimalerpakka, tamannalu tunngavigalugu naammagittaalliuutit suliariniarnagu aalajangerlunga.

Aalajangiininni pingaartillugu isiginiarsimavara illit sulisitsisunnut, tassalu Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfimmut, 22. oktober 2003-mi nalunaarsimasutit inissiaq innersuunneqartoq akuerigit, taamaattorli pisortatut sisamanik initalimmik tunineqarsinnaatitaanerit kingusinnerusukku atuutsinnialersinnaajumagit.

Inatsisartut Ombudsmandiat pillugu Inatsisartut inatsisaanni § 6, imm. 3-kkut aalajangersarneqarpoq aalajangiinerit oqartussaasumit qulliunerusumit allanngortinneqarsinnaasut pillugit naammagittaalliuut oqartussaasoq qulliunerusoq taanna suliami aalajangeereersimatinnagu Ombudsmandimut suliassanngortinneqarsinnaanngitsoq.

Aalajangersakkami tassani tunngavik malillugu isumaqarpunga eqqornerpaasoq uannut naammagittaalliorumanerlutit aalajangiinnginninni Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik sulisitsorisattut inissiamik ilinnut innersuussisuusoq suliami aalajangiippat.

Taamaattumik inissiaq ilinnut innersuunneqartoq pillugu naammagittaaliorumaguit ilitsersorpakkit Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfimmut naammagittaallioqullutit.

Aammattaaq paasinninnera unaavoq inissiamik tunineqarninnut atatillugu suliamik suliarinnineq Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfimmut naammagittaalliussaguit taassuma aalajangiivigineqarneranut ima qanitsigisumik ataneqartoq, naammagittaalliutivit tassunga tunngasortaa massakkut suliarisinnaanagu isumaqarlunga."

A-p sulisunut inissiamik pingasunik initalimmik tunniussineq tamatuma kingornatigut KIIP-imut naammagittaalliutigaa.

Naammagittaalliut KIIP-ip Ineqarnermut Attaveqarnermullu Pisortaqarfimmut aalajangiiffigisassanngorlugu 30. juli 2004-mi ingerlateqqillugu nassiuppaa, makku oqaatigalugit:

"Inissiamik pisortanut inissiatut immikkoortinneqarsimasumik sulisunut inissiamik tunniussisoqarnissaanik A/S Inissiaatileqatigiiffik INI-p (INI-p) aamma Ineqarnermut Attaveqarnermullu Pisortaqarfiup (IAP-p) aalajangiinerat 18. september 2003-meersoq allaffeqarfimmi pisortap A-p Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfimmut allakkatigut 8. januar 2004-meersutigut naammagittaalliutigisimavaa.

Suliami pineqartoq tassaavoq naammagittaalliortoq inissiamik sisamanik initalimmik pisortanut inissiatut immikkoortinneqarsimasumik tunineqarsinnaatitaanersoq. Naammagittaalliut pisortaqarfimmut tunniunneqarsimavoq, Inatsisartut Ombudsmandiannut saqqummiunneqarnermi kingornatigut, taassumalu naammagittaalliortoq 18. december 2003-mi ilitsersorsimavaa suliaq pisortaqarfimmut sulisitsisuusumut saqqummiunneqartariaqartoq, Ombudsmandip suliamik suliarinnissinnaalinnginnerani.

Suliami paasissutissat IAP-mit INI-millu pissarsiareerlugit suliaq pisortaqarfiup naliliiffigaa.

Naliliineq inernilerneqarpoq pisortaqarfik isumaqartoq pisortaqarfik suliami aalajangiinissaminut pisinnaatitaanngitsoq.

Pisortaqarfiup taamatut naliliinermi manna pingaartillugu ilaatigut isiginiarsimavaa, tassalu pisortaqarfik naammagittaalliortumik atorfinitsitsisuugaluartoq, Namminersornerullutilli Oqartussat taamaattut tassaasut naammagittaalliortup sulisitsisui, taamatuttaaq pingaartillugu isiginiarneqarsimavoq pisortaanerup pisortaqatigiinnut allakkiami 30. april 2003-meersumi erseqqissarsimagaa immikkut akuersissuteqartoqarnissaanik siunissami qinnuteqaataajumaartussat Allattoqarfiup suliarisassanngikkai, sulisunullu inissianut tunngasuni suliassat IAP-mit tamakkii-sumik isumagineqassat.

Pisortaqarfiup tamanna tunngavigalugu suliaq IAP-mut suliareqqitassanngorlugu ingerlateqqillugu nassitissavaa.

Tamatumunnga atatillugu paasissutissat INI-mit tiguneqarsimasut assilineri aamma pisortaqarfiup paasissutissaataasa assilineri ilanngullugit nassiunneqarput, pisortaqarfiummi naatsorsuutigimmagu paasissutissat IAP-p siusinnerusukkut nassiussimasaasa assilineri pissallugit pisariaqartinnikkaa.

Pisortaqarfik suliap ingerlateqqillugu nassiunneqarneranut atatillugu oqaaseqaatinik makkuninnga saqqummiussinissaminut pissutissaqarluni isumaqarpoq:

Sulisunut inissianik nalinginnaasunik aamma pisortanut inissianik tunniussinerni suliat pillugit naammagittaalliutit suliarineqartarnerat pillugu malittarisassanik aa-



lajangersaasoqarsimanngitsoq takuneqarsinnaavoq. Taamaattorli pisortaqarfik naliliivoq Inissiaatileqatigiiffimmik pilersitsinissaq pillugu Inatsisartut peqqussutaanni nr. 12-imi, 28. oktober 1993-imeersumi § 1, imm. 2 isumagisassannortitsinertut iluseqartoq, taamaattumillu suliaasaqarfimmi tassani INI-p aalajangiineri oqartussaasumut isumagisassannortitsisumut naammagittaalliutigineqarsinnaasut, tassalu Namminersornerullutik Oqartussanut, suliaasaqarfimmut akissusaaffik IAP-mut inissillugu, tak. pisortaanerup pisortaqatigiinnut allakkiaa 30. april 2003-meersoq.

Naammagittaalliortup inissiamik pisortanut inissiatut immikkoortinneqarsimasumik tunineqarnissaanik qinnuteqaat pisortaanerup 25. marts 2003-mi akueraa. Aalajangerneq taanna pissutsimik ajuusaarnartorujussuarmik matuminnga tunngavilersorneqarsimavoq, tassalu naammagittaalliortup atorfinitsitsiniarluni oqaloqatigineqarnerani pisortamut inissiamik tunineqarnissaanik kukkusumik tunngaveqarluni neriorsorneqarsimaneranik. Allakkiassamut missingiummi ullulerneqarsimanngitsumi oqaatigineqarpoq Inatsisileriffiup naliliinera unaasoq inissiamik pisortanut inissiatut immikkoortinneqarsimasumik tunniussisoqarnissaa isumaliutersuutigineqartariaqartoq, pisortaqarfiup naammagittaalliortumut paasisutissat nassiunneqartut malillugit naammagittaalliortup pisortanut inissiamik atorfimmuut atasumik peqarneranik nalunaaruteqarsimanagera isiginiarlugu. Naammagittaalliuteqartup INI-mi paasisutissiisarnermi pisortatut siusinnerusukkuut sulisimanagera apeqquataatinagu Inatsisileriffiup paasinninnera unaavoq akissarsiat atorfinitsitsinermilu atugassarititaasut pillugit paasisutissat atorfinitsitsiniarluni oqaloqatiginninnermi paasisutissiisutigineqartut naammagittaalliortup tunngaviutissinnaasariaqarai. Aammattaaq I-natsisileriffiup suliami matumani naliliinera unaavoq naammagittaalliortup apeqquut taanna atorfinitsitsinermi allakkatigut erseqqissartinniassallugu pissutissaqarsimanngitsoq.

Pisortaanerup 25. marts 2003-mi aalajangiisimanani allakkatigut 22. september 2003-meersutigut uppersarsimavaa.

Pisortaqarfiup paasinninnera unaavoq pisortaanerup aalajangiinera 25. marts 2003-meersoq tassasoq ingerlatsinermi akuersartumik aalajangiinerit pillugit tunngaviit nalinginnaasut ersererat. Taamaalluni periaatsip atuuttup saneqqunneqarnissaanik immikkut akuersissuteqarneq pineqanngilaq.

Ingerlatsinermi akuersartumik aalajangiinerit piffissamit aalajangiinermi pineqartumut nalunaarutigineqarfimminnit atuutilersarput, atuutiinnartarlutillu malittarisassat kingusinnerusukkuut allannortinneqarnerat apeqquataatinagu, pissutsit taakku ikaarsaariarnermi aalajangersakkatigut taakkuluunniit assigisaasigut aalajangersaavigineqarsimanngippata.

IAP-p pisortaqarfimmut allakkiaanit 16. oktober 2003-meersumit erserpoq naammagittaalliortoq immikkut pisinnaatitaaffinni qitiusumik aqutsisoqarfimmi allaffeqarfinni pisortanut atuuttuni pineqartunut ilaatinneqaaqarsimanngikkaluartoq. Immikkut pisinnaatitaaffik taanna tassaavoq pisortanut inissiamik inoqutigiit amerlasusiannit ininik marlunnik amerlanerusunik initalimmik tunniussisoqarsinnaanera.

Ingerlatsinermi akuersartumik aalajangiineq naammagittaalliortup atorfinitsinneqarnerminut atatillugu tigusa tassaavoq naammagittaalliortoq qitiusumik aqutsisoqarfimmi allaffeqarfinni pisortat assigalugit atorfinitsinneqarnerminut atatillugu pisortanut inissiamik tunineqarsinnaatitaasoq, taamalu init qassiussusii eqqarsaatigalugit immikkut pisinnaatitaaffimmi pineqartunut ilaatinneqartoq.

Inissianik attartortitsisarneq pillugu Inatsisartut peqqussutaannut allannuutip 1. juni 2003-mi atuutilernerata ingerlatsinermi akuersartumik aalajangiinerup imariisaata allannuuteqarnera nassatarinngilaa. Tamanna pisortaanerup allagaasigut 22. september 2003-meersutigut aamma uppersarneqarsimasorinarpoq.



Pisortaqarfiup paasinninnera unaavoq ingerlatsinermi akuersaartumik aalajangiineq naammagittaalliortup atorfinitsinneqarneranut atatillugu nalunaarutigineqartoq suli atuuttusoq, Namminersornerullutillu Oqartussat ingerlatsinermi aalajangiineerup imarisaa malillugu piviusunnngortitsinissaminut pisussaaffeqartut.

Pisortaanerup aalajangiineri 25. marts 2003-meersoq aamma 22. september 2003-meersoq innersuussutigalugit allakkat uku assilinerat pisortaqarfiup Inatsisileriffimmut nassiuppaa.

Taamatuttaaq naammagittaalliortoq allakkat ukua assilinerannik tunineqarnermigut suliap IAP-mut ingerlateqqillugu nassiunneqarneranik ilisimatinneqarpoq." (Atorfeqarfimmi nutsigaavoq)

Pisortaqarfik KIIP-imut 27. september 2004-mi imatut allappoq:

"Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup allagai 30. juni 2004-meersut ilanngussartallit Ineqarnermut Attaveqarnermullu Pisortaqarfiup 2. juli 2004-mi tiguai.

Pisortaqarfiup allakkiaani 16. oktober 2003-meersumi oqaatigineqartut tamaasa allannguuteqartinnagit (in extenso) pisortaqarfiup tunngaviginiarpai. Allakkiap KIIP-imi pisortamut ...-mut siusinnerusukkut nassiunneqarsimasup assilineri ilisimatitsissutitut ilanngullugu nassiunneqarpoq.

Aammattaaq oqaatigineqassaaq Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup aamma Ineqarnermut Attaveqarnermullu Pisortaqarfiup akornanni qullersareqatigiinneq allersareqatiginnerluunniit atuutinnngimmat, taamaattumillu Ineqarnermut Attaveqarnermullu Pisortaqarfik iliutsinit Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup sulisunik atorfinitsitsinissaq siunertaralugu oqaloqatiginninnermi iliuuserisimasaa qilersugaanani. Allatut oqaatigalugu Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik Ineqarnermut Attaveqarnermullu Pisortaqarfimmi pisortanut il.il. sulisunut inissianik tunniussisarnermi aqutsisoqarfimmut naalakkiiinissaminut piginnaatitaanngilaq. Ineqarnermut Attaveqarnermullu Pisortaqarfik inatsisitigut atuuttunit A-p inissiamik tunineqarnerani attuuttunit qilersugaavoq.

Naggasiullugu oqaatigineqassaaq Ineqarnermut Attaveqarnermullu Pisortaqarfik suliame annertunerusumik iliuuseqaqqinniingitsoq." (Atorfeqarfimmi nutsigaavoq)

KIIP A-mut 25. oktober 2004-mi imatut allappoq:

"Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup sulisunut inissiamik tunniussinermik naammagittaalliuit pillugu allagaanut 30. juni 2004-meersunut uiggiullugit Ineqarnermut Attaveqarnermullu Pisortaqarfiup allagaasa 27. september 2003-meersut assilinerat ilanngullugu nassiunneqarpoq.

Ineqarnermut Attaveqarnermullu Pisortaqarfiup allakkamini 27. september 2004-meersuni allakkiaq 16. oktober 2003-meersoq, taamatuttaaq ilanngullugu nassiunneqartoq tunngaviginiarpaa, tassanngalu erserpoq sulisitsisoq tassaasoq sulisunut inissiamik sulisumut innersuussisartuusoq. Ineqarnermut Attaveqarnermullu Pisortaqarfik allappoq pisortaqarfik taanna Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup sulisunik atorfinitsitsinissaq siunertaralugu oqaloqatiginninnerani iliuuserisassatut toqqarneqartunit suliassaqarfimmi tassani qilersugaanngitsoq. Ineqarnermullu Attaveqarnermullu Pisortaqarfik inatsisi-

tigut atuuttunit illit inissiamik tunineqarninni tunngavigineqartunit qilersugaavoq. Ineqarnermut Attaveqarnermullu Pisortaqarfiup naggasiullugu oqaatigaa pisortaqarfik suliami annertunerusumik iliuseqaqqinniingitsoq.

Allakkat 27. september 2004-meersut assilinerat ilisimaneqartut malillugit ilinnut tunniunneqarsimangilaq. Takuneqarsinnaangilaq Ineqarnermut Attaveqarnermullu Pisortaqarfiup allagai 27. september 2004-meersut tassaansert naammagittaalliutit pillugu aalajangiinermik imaqtartut imaluunniit naammagittaalliutit suliarineqarnissaa Ineqarnermut Attaveqarnermullu Pisortaqarfiup itigartitsissutigine-raa, Ineqarnermut Attaveqarnermullu Pisortaqarfik naammagittaalliutinnik suliarinninnissamat imminut pisinnaatitaanngitsutut isigimmat. Taamaattumik Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup Ineqarnermut Attaveqarnermullu Pisortaqarfik oqarasuaatikku attaveqarfisimavaa. Ineqarnermut Attaveqarnermullu Pisortaqarfiup tamatumunnga atatillugu oqaatigaa Ineqarnermut Attaveqarnermullu Pisortaqarfik naammagittaalliutit pillugu aalajangiisimangitsoq, tassami Ineqarnermut Attaveqarnermullu Pisortaqarfiup Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik sulisitsisuusutut isigimmagu.

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik tamanna tunngavigalugu aalajangerpoq naammagittaalliutit suliarinarlugu, tak. tulliuttuni oqaatigineqartut, naak Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup suliaq pillugu aalajangiinissamat pisinnaatitaanera nalorninartuusooq pisortaqarfik isumaqaraluartooq. Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup tamatumani suliaq aalajangiivigineqarnissaanik soqutigisaqarnerit aamma Ineqarnermut Attaveqarnermullu Pisortaqarfiup paasisutissiissutigineqartut malillugit suliaq pisortaqarfiup pineqartut ataanniinnginneranik isumaqarnera pingaartillugit isiginiarsimavai.

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup allakkiaq pisortaanermut 21. januar 2003-mi nassiussimavaa, tassanilu ilaatigut oqaatigineqarluni atorfinitsitsiniarluni 17. december 2001-imi paasitinneqarsimasutit kissaateqarnerit malillugu sulisunut inissiamik illuni uigulukuttuniittumik tunineqarsinnaasutit, atorfillu taanna pisortanut inissiamik tunineqarnissamik pisinnaatitaaffiusooq.

Pisortaaneq 25. marts 2003-mi aalajangiivoq inissiamik pisortanut inissiatut immikkoortinneqarsimasumik tunineqassasutit. Taamatut aalajangiineq atorfinitsitsiniarluni oqaloqatigiinnermi pisortanut inissiamik tunineqarnissannik kukkusumik tunngaveqarluni illit neriorsorneqarsimaninnik tunngavilersorneqarsimavoq.

Pisortaanerup aalajangiinini 25. marts 2003-meersooq allakkatigut 22. september 2003-meersutigut uppersarpaa.

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup paasinninnera unaavoq atorfinitsitsiniarluni 17. december 2001-imi oqaatigineqartut ingerlatsinermi akuersaartumik aalajangiisimanerup ersernergai, tamannalumi pisortaanerup aalajangiinerini 25. marts 2003-meersumi aamma 22. september 2003-meersumi uppersarsarneqarsimasorinarpoq. Taamaalilluni suliamit tamarmit ersertut taamani periaasiusup atuutsinneqannginnissaanik immikkut akuersissuteqarneq pineqanngilaq.

Inissianik attartortitsisarneq pillugu Inatsisartut peqqussutaata allannguutaata 1. juni 2003-mit aallartittumik atuutilernera ingerlatsivimmi akuersaartumik aalajangiinerup imarisaanik allanngortitsisuunngilaq, tamannalumi aamma pisortaanerup allagaanit 22. september 2003-meersunit erserpoq.

Taamaalilluni ingerlatsinermi akuersaartumik aalajangiineq piffissamit aalajangiinerup ilinnut nalunaarutigineqarfianit atuuttuusimavoq, sulilu atuuttuulluni, naak malittarisassat kingusinnerusukkut allanngortinneqarsimagaluartut.

Ineqarnermut Attaveqarnermullu Pisorta qarfiup Kultureqarnermut, Ilinniartitaaner-  
nermut, Ilisimatusarnermut Ilageeqarnermullu PISOQARTARFIMMUT allakkiaani 16. ok-  
tober 2003-meersumi oqaatigineqarpoq immikkut pisinnaatitaaffinni qitiusumik  
aqutsisoqarfimmi allaffe qarfinni pisortanut atuuttuni pineqartunut ilaaqqaarsiman-  
ngikkaluartutit. Immikkut pisinnaatitaaffik taanna tassaavoq pisortanut inissiamik  
inoqutigii amerlassusiannit ininik marlunnik amerlanerusunik tunniussisoqarsin-  
naanera.

Atorfinitsinneqarninnut atatillugu ingerlatsinermi akuersaartumik aalajangiineq  
ilinnut nalunaarutigineqartoq taamaalilluni tassaavoq illit qitiusumik aqutsisoqar-  
fimmi allaffe qarfinni pisortat allat assigalugit atorfinitsinneqarninnut atatillugu pi-  
sortanut inissiamik tunineqarsinnaatitaasutit, taamalu init amerlassusii eqqarsaatiga-  
lugit immikkut pisinnaatitaaffinni pineqartunut ilaatinneqartutit.

Kultureqarnermut, Ilinniartitaaner-  
nermut, Ilisimatusarnermut Ilageeqarnermullu Pi-  
soqartarfik tamatumunnga atatillugu aalajangiivoq ingerlatsinermi akuersaartumik  
aalajangiineq atorfinitsinneqarninnut atatillugu ilinnut nalunaarutigineqarsimasoq  
suli atuuttuusooq, Namminersorerullutillu Oqartussat ingerlatsinermi akuersaartu-  
mik aalajangiinerup imarisaa malillugu piviusunngortitsinissaminnut pisussaaffe-  
qartut.

Taamaattorli Kultureqarnermut, Ilinniartitaaner-  
nermut, Ilisimatusarnermut Ilagee-  
qarnermullu PISOQARTARFIUP tamatumunnga atatillugu ilinnut malugeqqullugu oqaati-  
gissavaa Ineqarnermut Attaveqarnermullu Pisorta qarfik allakkani 27. september  
2004-meersuni oqarsimasooq Ineqarnermut Attaveqarnermullu Pisorta qarfik Kultu-  
reqarnermut, Ilinniartitaaner-  
nermut, Ilisimatusarnermut Ilageeqarnermullu PISOQARTAR-  
fiup sulisunik atorfinitsinissaq siunertaralugu oqaloqateqarnerinut atatillugu ili-  
u-serisassatut toqqagaani qilersugaanani isumaqartoq.

Taamaakkaluartoq Kultureqarnermut, Ilinniartitaaner-  
nermut, Ilisimatusarnermut I-  
lageeqarnermullu PISOQARTARFIUP inniminniissut, assiliner-  
a ilanngullugu nassiunne-  
qartoq, A/S Inissiaatileqatigiiffik INI-mut ullumikkut nassiuppaa, inissiamik pi-  
sortanut inissiatut immikkoortinneqarsimasumik sisamanik initalimmik tunineqarnissat  
siunertaralugu. Aalajangiinerup matuma assiliner-  
a inniminniissummut ilanngullugu  
nassiunneqarsimavoq.

Suliap ingerlaqqinneranik Kultureqarnermut, Ilinniartitaaner-  
nermut, Ilisimatusar-  
nermut Ilageeqarnermullu PISOQARTARFIUP ilisimatittarniarpaatit." (Atorfeqarfimmi  
nutsigaavoq)

A/S Inissiaatileqatigiiffik INI KIIP-imut 2. november 2004-mi allappoq  
suliaq Ineqarnermut Attaveqarnermullu Pisorta qarfirmut inissianik pi-  
sortanut inissiatut immikkoortinneqarsimasunik tunniussisartuusumut sulias-  
sannngortinneqarsimasooq.

Ineqarnermut Attaveqarnermullu Pisorta qarfik KIIP-imut 6. februar  
2005-imi allappoq Ineqarnermut Attaveqarnermullu Pisorta qarfiup KIIP  
suliaq pillugu ataatsimeeqatigiumagaa.

Ineqarnermut Attaveqarnermullu Pisorta qarfik KIIP-imut 21. april  
2005-imi imatut allappoq:

"Pisortanut inissiamik A-mut inniminniissut KIIP-ip A/S Inissiaatileqatigiiffik  
INI-mut nassiussimavaa. Allaffe qarfimmi pisortap A-p piumasaqaatit immikkoor-

tortaqarfimmi pisortatut, direktøritut imaluunniit Naalakkersuisunut ilaasortatut inissiamik inniminniissunneqassagaanni inissianik attartortitsisarneq pillugu Inatsisartut peqqussutaata allanngortinneqarneranik Inatsisartut peqqussutaanni nr. 3-mi, 15. april 2003-meersumi § 4-mi piumasaqaataasut eqqortissimangilai.

IAP-p A/S Inissiaatileqatigiiffik INI A-p inissiamik inniminniinermi tunineqar-nissamik utaqqisunut allattorsimaffimmut ilanngunneqarsinnaannginnera allakkati-gut matumuuna ilisimatitsissutigaa." (Atorfeqarfimmi nutsigaavoq)

KIIP A-mut 1. september 2005-imi imatut allappoq:

"Sulisunut inissianik tunniussinermik naammagittaalliuutit Kultureqarnermut, Ilinniartitaanermut, Ilisimatusarnermut Ilageeqarnermullu Pisoqartarfiup allakkati-gut 25. oktober 2004-meersutigut aalajangiiffigaa. Aalajangiinnermit erserpoq atorfi-nitsinneqarninnut atatillugu ingerlatsinermi akuersaartumik aalajangiineq ilinnut na-lunaarutigineqartoq sulii atuuttuusoq, Namminersornerullutillu Oqartussat ingerlat-sinermi akuersaartumik aalajangiinerup imarisaata piviusunngortinneqarnissaanut pisussaaffeqartut.

Taamaattorli Kultureqarnermut, Ilinniartitaanermut, Ilisimatusarnermut Ilagee-qarnermullu Pisortaqarfiup tamatumunnga atatillugu ilinnut malugeqqullugu oqaati-gisimavaa Ineqarnermut Attaveqarnermullu Pisortaqarfik allakkani 27. september 2004-meersuni oqarsimasoq Ineqarnermut Attaveqarnermullu Pisortaqarfik Kultu-reqarnermut, Ilinniartitaanermut, Ilisimatusarnermut Ilageeqarnermullu Pisortaqar-fiup sulisunik atorfinitsitsinissaq siunertaralugu oqaloqateqarnerinut atatillugu iliu-serisassatut toqqagaanit qilersugaanani isumaqartoq.

Aalajangiinnermut 25. oktober 2004-meersumut uiggiullugu inissiamik inniminni-ssut Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup A/S Inissiaatileqatigiiffik INI-mut nassiuppaa, inissiamut pisortanut inissiatut immikkoortinneqarsimasumik sisamanik initalimmik tunineqar-nissat siunertaralugu.

A/S Inissiaatileqatigiiffik INI-p allakkatigut 2. november 2004-meersutigut nalu-naarutigaa suliaq Ineqarnermut Attaveqarnermullu Pisortaqarfimmut isumagisas-sanngortinneqarsimasoq, tassami pisortaqarfik taanna tassaamat inissianik pisorta-nut inissiatut immikkoortinneqarsimasunik innersuussisartuusoq.

Ineqarnermut Attaveqarnermullu Pisortaqarfiup allakkiakkut 21. april 2005-meersuk-kut (assilineru ilanngullugu nassiunneqartukkut) oqaatigaa piumasaqaatit immikkoortortaqarfimmi pisortatut, direktøritut imaluunniit Naalakkersuisunut ilaa-sortatut inissiamik inniminniissunneqassagaanni inissianik attartortitsisarneq pil-lugu Inatsisartut peqqussutaata allanngortinneqarneranik Inatsisartut peqqussutaan-ni nr. 3-mi, 15. april 2003-meersumi § 4-mi piumasaqaataasut eqqortissimangikkiti-t.

IAP-p A/S Inissiaatileqatigiiffik INI illit inissiamik inniminniinermi tunineqar-nissamik utaqqisunut allattorsimaffimmut ilanngunneqarsinnaannginninnik ilisima-tissimavaa.

Kultureqarnermut, Ilinniartitaanermut, Ilisimatusarnermut Ilageeqarnermullu Pi-sortaqarfiup tamanna tunngavigalugu ajoraluartumik nalunaarutigisariaqarpaa pi-sortaqarfik suliaq pillugu annertunerusumik iliuuseqaqqissinnaanngitsoq. Taamaa-lilluni pisortaqarfiup nalunaarutigisariaqarpaa sulisunut inissiamik tunniussineq pil-lugu naammagittaalliuutit akuersaarneqarsinnaanngitsoq.

Taama kingusitsigisumik akissuteqarneq naggasiullugu ajuusaarutigissavara." (Atorfeqarfimmi nutsigaavoq)

A uannut tamatuma kingornatigut naammagittaalliorpoq.  
KIIP-imut 25. oktober 2005-imi imatut allappunga:

"Pisortaqarfik ... qinnuigaara naammagittaalliuut pillugu oqaaseqaateqaqqullugu, tassungalu atatillugu pisortaqarfik aamma qinnuigaara isumaliutersuutit suut aallaavigalugit pisortaqarfik suliami annertunerusumik iliuuseqaqqinnissaminut tunngavissaqarnani isumaqarnerisq nassuiaqqullugu.

...

Aammattaq tusarniaaninnut pisortaqarfiup akissuteqarnissaanut atugassatut ajornartorsiut matumani pineqartumut assingusooq pillugu ... 11. marts 2005-imeersup naqitanngortinneqarnera ilanngullugu nassiunneqartoq innersuussutigaaara."

KIIP-ip 1. november 2005-imi imatut akivaanga:

"Allakkatigut 25. oktober 2005-imeersutigut Inatsisartut Ombudsmandiata Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik qinnuigaa sulisunut inissiamik sisamanik initalimmik innersuunneqarneq pillugu A-p naammagittaalliuutaa pillugu oqaaseqaateqaqqullugu. Ombudsmandip pisortaqarfik qinnuigaa suliami iliuuseqaqqinninnissamik pisortaqarfiup isummerneranut isumaliutit suut tunngaviunersut nassuiaateqarfigeqqullugit. Suliamut assingusumut Ombudsmandip 11. marts 2005-imi oqaaseqaatini ilanngussimavaa.

Suliaq taanna, inatsimmik allannguinnermik pisoqartillugu, iluaqutissatut iliuusissamik - Aqutsinnermut Pisortaqarfiup oqartarneratut, pisinnaatitaaffeqarnermik naatsuuutiginninneq - malinnittussaataitaanermut tunngavoq.

Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup A-mut allakkamini 1. september 2005-imeersuni oqaatigaa Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfik allakkatigut 25. oktober 2004-meersukkut aalajangiisimasooq iluaqutissatut iliuusissaq A-p atorfinitsinneqarneranut atatillugu nalunaarutigineqarsimasooq suli atuuttoq iliuusissallu imarisaanik eqquutsitsinissamut Namminersornerullutik Oqartussat pissaaffeqartut.

Ineqarnermut Attaveqarnermullu Pisortaqarfik allakkiakkut 21. april 2005-imeersukkut nalunaarpoq, immikkoortortaqarfinni pisortanut, pisortanut imaluunniit naalakkersuisunut ilaasortanut inniminnerneqarsimasumik innersuunneqarnissamut pisutissaatitaasunik, Inissianik attartorneq pillugu inatsisartut peqqussutaata allanngortinneqarneranik inatsisartut peqqussutaanni nr. 3, 15. april 2003-meersumi § 4-mi takuneqarsinnaasunik, A eqquutsitsinngitsoq. Taamaattumik Ineqarnermut Attaveqarnermullu Pisortaqarfiup A/S Inissiaatileqatigiiffik INI nalunaarfigisimavaa inissiamut inniminnerneqarsimasumut utaqqisut allattorsimaffiannut A allanneqarsinnaanngitsoq.

Tamatuma kingorna Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiup allakkatigut 1. september 2005-imeersukkut oqaatigaa tamanna tunngavigalugu pisortaqarfik suliami iliuuseqaqqissinnaanngitsoq, taamaattumillu sulisunut inissiamik tunineqarneq pillugu naammagittaalliuut akuerineqarsinnaanani.

Pisortaqarfiup 1. september 2005-imi aalajangiinera inissianut tunngassuteqartut, matumanittaaq Namminersornerullutik Oqartussani sulisunut inissianut, Ineqarnermut Pisortaqarfimmit oqartussaaffigineqarnerannut takussutissaavoq. Tamatumali peqatigisaanik aalajangiineq iluaqutissatut iliuusissamik malinninnissamut (eqquutsitsinissamut) pissaaffik pillugu Ineqarnermut Attaveqarnermullu Pisortaqarfiup aamma Kultureqarnermut, Ilinniartitaanermut, Ilisimatusarnermut Ilageeqar-

nermullu Pisortaqarfiup akornanni isumaqatigiinnigissuteqarnermut takussutissaa-voq.

Tassunga atatillugu oqaatigineqassaaq Kultureqarnermut, Ilinniartitaanermut, Iisimatusarnermut Ilageeqarnermullu Pisortaqarfiup suliarinninnerani tunngaviummat iluaqutissatut iliuusissamik malinninissaq suliami matumani A-p soqutigisari-gaa, aningaasanik piumasaqaateqarsinnaaneq pingaanninnerutilugu.

Tamatumalumi kingunerigunagaanik aningaasanik piumasaqaataasinnaasunut takussutissamik A-miit Kultureqarnermut, Ilinniartitaanermut, Iisimatusarnermut Ilageeqarnermullu Pisortaqarfik tigusaqarsimangilaq.

Allakkap uuma assinga A-p tigusimavaa."

Ineqarnermut Attaveqarnermullu Pisortaqarfimmu tamatuma kingorna-tigut 16. marts 2006-imi imatut allappunga:

"A-p naammagittaalliutaa 24. oktober 2005-imi tiguara.

Kultureqarnermut, Ilinniartitaanermut, Iisimatusarnermut Ilageeqarnermullu Pi-sortaqarfiup suliamik suliarinninneranik misissuineq siullertut aallartippara, tassami pisortaqarfik taanna suliami tassani 1. september 2005-imi aalajangiisimammatt.

Kultureqarnermut, Ilinniartitaanermut, Iisimatusarnermut Ilageeqarnermullu Pi-sortaqarfiup tusarniaanermut akissutaa 11. november 2005-imi tiguara.

Misissuinnini Ineqarnermut Attaveqarnermullu Pisortaqarfiup suliamik suliarin-ninnera aamma ilaatilearniarlugu massakkut aalajangerpunga.

Tamatumunnga pissutaavoq Ineqarnermut Attaveqarnermullu Pisortaqarfiup Kultureqarnermut, Ilinniartitaanermut, Iisimatusarnermut Ilageeqarnermullu Pi-sortaqarfimmu allakkiami 21. april 2005-imeersumi imatut nalunaaruteqarsimanera:

"Allaffeqarfimmi pisortamut A-mut pisortamut inissiamik innersuusseqquisstut KIIP-p A/S Inissiaatileqatigiiffik INI-mut nassiussimavaa. Immikkoortortaqar-fimmi pisortatut, pisortatut Naalakkersuisunulluunniit ilaasortatut inissiamik inni-minnerneqarsimasumik innersuunneqarnissamut piumasaqaatit inissianik attartor-neq pillugu Inatsisartut peqqussutaata allangortinneqarneranik Inatsisartut peqqus-sutaanni nr. 3-mi, 15. april 2003-meersumi § 4-mit ersertut A-p eqqortinngilal.

IAP-p A/S Inissiaatileqatigiiffik INI allakkatigut ukunuuna ilisimatippaa A inissi-amut inniminnerneqarsimasumut utaqquisut allattorsimaffiannut ilanngunneqarsin-naannitsoq." (Atorfeqarfimmi nutsigaavoq)

Suliamit aamma erserpoq Namminersornerullutik Oqartussat pisortaanera Kultu-reqarnermut, Ilinniartitaanermut, Iisimatusarnermut Ilageeqarnermullu Pisortaqar-fimmu allakkatigut 26. marts 2003-meersutigut aamma 26. juni 2003-meersutigut aalajangiisimasooq A pisortamut inissiamik utaqquisut allattorsimaffiannut ilanngun-neqassasoq.

Tamatumunnga atatillugu oqaatigineqarsimavoq pisortaanerup suliami aalaja-ngiinera A-p atorfinitsitsinermut atatillugu oqaloqatigiinnermi inissiamik taamaattu-mik tunineqarnissaanik neriorsuisimanermik tunngaveqarsinnaasariaqartoq. Taa-maalilluni pisortaanerup aalajangiinera attartorneq pillugu peqqussummi § 4-mik tunngaveqanngilaq.

Suliami siusinnerusukkut suliarisanni, Ineqarnermut Attaveqarnermullu Pisorta-qarfiup j. normua ..., attartorneq pillugu peqqussummi atuuttumi § 3, imm. 1, nr. 6-ip A-p qinnuteqaataata pisortaqarfimmit suliarineqarnerata nalaani aamma atuuttu-sup, tak. § 1, imm. 5, qanoq paasineqarnissaa pillugu pisortaqarfiup akissutaa imaat-toq 26. juni 2003-mi tiguara:

"Ombudsmandip inissiat ataasiakkaat inissianit immikkut siunertanut ataatsimoortunit immikkoortinneqartarnerat pillugu allagai pillugit pisortaqarfik imaattunik oqaaseqaatissaqarpoq:

Inatsisartut 2003-mi upernaakkuta ataatsimiinneranni inissianik attartorneq pillugu Inatsisartut peqqussutaata allanngortinneqarneranik Inatsisartut peqqussutaat nr. 3, 15. april 2003-meersoq nutaaq akuerineqarpoq. Peqqussummi nutaami tassani aalajangersagaq nutaaq § 3, imm. 1, nr. 6-imi ikkunneqarpoq, tassanilu aalajangersarneqarluni illuni Namminersornerullutik Oqartussanit kommuniilluunniit pigineqartuni inissiat inigineqanngitsut siunertanut immikkut ittunut immikkoortinneqarsinnaasut.

Pisortaqarfik isumaqarpoq aalajangersagaq taanna Naalakkersuisut inissianik siunertanut immikkut ittunut assigiinngitsunut atugassanik innersuussisinnaanerannut inatsisitigut naammattumik tunngavissaqartoq, taamaattumillu inatsisitigut tunngavissaqannginermik ajornartorsiutit aaqinneqarsimasussaalluni." (Atorfeqarfimmi nutsigaavoq)

Pisortaqarfik suliami tassani allakkatigut 12. februar 2004-meersutigut imaattunik aamma oqaaseqaateqarsimavoq:

"Pisuni sorlerna § 1, imm. 5 atuutsinneqarsinnaassava.

§ 1, imm. 5 assersuutigalugit ilisimatuunut inissanut atuutsinneqartoq eqqarsaatingineqarsinnaavoq, kisianni § 1, imm. 5 aamma atuutsinneqarsimavoq assersuutigalugu Nanortalimmi aatsitassarsiorfimmi sulisunut inissianik immikkoortitsinermut.

§ 1, imm. 5 pisortanut inissianut immikkoortitsinermut atuutsinneqassappat, aalajangersagaq § 4, imm. 2-mut tunngatillugu namminerisamik imaqarnerasoq Pisortaqarfimmut nassuaqqussavara.

Pisortanut inissianut inissianik immikkoortitsisoqartillugu § 4, imm. 2-mi aalajangersagaq inatsisitigut toqqammavigineqartarpoq, taannami § 1, imm. 5-mut tunngatillugu immikkut inatsisiliornikkut malittarisassaammat nalinginnaasumit anner-tunerusoq, taannalu malillugu inissianik siunertanut aalajangersimasunut immikkoortitsisoqarsinnaalluni."

Suliami allami, Ineqarnermut Attaveqarnermullu Pisortaqarfiup j. normua ...-mi, pisortaqarfimmut 30. marts 2004-mi imatut allappunga:

"Ineqarnermut Attaveqarnermullu Pisortaqarfiup allagai 15. marts 2004-meersut Ombudsmandip tiguai.

Pisortaqarfik ilaatigut imatut allappoq:

"Atorfeqartitaasoq atorfinitsitsinermi isumaqatigiissut malillugu "malittarisassat sukkulluunniit atuuttut" malillugit inissiamik tunineqarsinnaatitaavoq. Tamanna imatut paasineqassaaq malittarisassat ataavartumik inissiap innersuussutigineqarnerani atuuttuusut atorneqassasut. Tamatumunnga atatillugu sulisitsisup ulloq inissiamik inniminniissummik nassiussivia sunniuteqanngilaq. Taamaallitut atorfeqartitaasut 1. juni 2003-p kingornatigut inissiamik innersuunneqartut tamarmik Inatsisartut peqqussutaanni nr. 3-mi 15. april 2003-meersumi malittarisassat atuuttut malillugit inissiamik innersuunneqartarput." (Atorfeqarfimmi nutsigaavoq)

Tamanna pillugu oqaatigaara Inatsisartut peqqussutaannit nr. 3-mit 15. april 2003-meersumit takuneqarsinnaanngitsoq peqqussummi § 5, imm. 2 kingumoor-tumik atuutilersumik sunniuteqassasoq. Tamanna aalajangersakkap taassuma piareer-sarneqarnerani sulianit aamma takuneqarsinnaanngilaq.



Taamaattumik paasinneqqaarnera unaavoq inuit attartorneq pillugu peqqussutip allannguutaata 1. juni 2003-mi atuutilerana sioqqullugu atorfinitsinneqartut malittarisassat piffissap atorfinitsinneqarfiusup nalaani atuuttut malillugit inissiamik tunineqarsinnaatitaasut, atorfinitsitsineq pillugu isumaqatigiisummi oqaatigineqartut apequtaatinnagit.

Tamatumunnga uiggiullugu oqaatigaara sulisunut inissiamik tunineqarsinnaatitaaneq piffissaq atorfinitsinneqarfik aallarnerfigalugu anguneqartarmat, atorfinitsitsinerullu nalaani inissiamik naleqquttumik ataavartumillu innersuussisoqarsinnaannginnerata immi atorfinitsitsineri oqartussaasoq pisinnaatilinnikkaa sulisunut inissiat pillugit malittarisassat atorfinitsinneqartup inissiamik ataavartumik tunineqarnissaa sioqqullugu allannguuteqarsinnaanerata naatsorsuutigissallugu.

Taamaalilluni atorfinitsitsineq pillugu isumaqatigiisummi atorfeqartitaasup inissiamik ”malittarisassat sukkulluunniit atuuttut” malillugit tunineqarsinnaatitaanerani oqaasertaliineq sunniuteqartussaannngilaq.

Tamakkua saniatigut attartorneq pillugu peqqussut inissiamik aalajangersimasumik angissusilimmik tjenestemandit pillugit isumaqatigiisutit, ataatsimoortumik isumaqatigiisutit imaluunniit atorfinitsitsinerit ataasiakkaat pillugit isumaqatigiisutit nassatarisinnaasaannik isumaqatigiisuteqartarneq pillugu inatsiseqartitsineq malillugu pisussaaffigisatut tunniussinissamut pisussaaffimmik atorfinitsitsineri oqartussaasup eqqortitsinissaanut akornutaanngitsoq takuneqarsinnaavoq.

Matumani Inatsisartut peqqussutaanni nr. 3-mi 15. april 2003-meersumi § 1, imm. 2 innersuussutigaa: ”Peqqussut atuutinnngilaq attartornermut inatsisit immikkut itut malillugit aqunneqartunut, imaluunniit inigisanut Naalakkersuisunit Namminersornerullutik Oqartussat inissiaataannit attartortittakkanit immikkoortinneqarsimasunut.” aamma § 1, imm. 5: ”Namminersornerullutik Oqartussat imaluunniit komuni siunertanut aalajangersimasunut inissianik immikkoortitsinnaapput.”

Aammattaq tamanna tunngavigalugu paasinninnera unaavoq inuit attartorneq pillugu peqqussutip allannguutaata atuutilernerata kingornatigut atorfinitsinneqartut atorfinitsitsinerimilu oqartussaasup inissiamik aalajangersimasumik angissusilimmik tunniussinissamik isumaqatigiisuteqarfisimasaa inissiamik taamaattumik tunineqarnissani atorfinitsitsineri oqartussaasumut piumasaqaatigisinnaagaa.

Pisortaqarfik qinnuigaara qulaani taaneqartut pillugit oqaaseqaateqaqqullugu.”

Pisortaqarfiup 3. august 2004-mi imatut akivaanga:

”...

Ombudsmandip ... oqaatigaa ... tjenestemandit isumaqatigiisutit, ataatsimut isumaqatigiisutit imaluunniit ataasiakkaanut isumaqatigiisutit malitsigisaanik inissiamik aalajangersimasumik angissusilimmik atorfillip tuninissaanut atorfinitsitsisutut oqartussaasup inatsisitigut isumaqatigiisuteqarnermigut pisussaaffimmi naammassinissaanut attartorneq pillugu peqqussut akornutaasariaqanngitsoq, taamaalilluni attartorneq pillugu peqqussummi § 1, imm. 2 aamma 5 Ombudsmandip innersuussutigai.

Qulaani taaneqartut Ombudsmandip apeqqutai atorfinitsitsineri inatsisinut tunngasummata taamaalillunilu pisortaqarfiup suliassaasa avataanniillutik Ombudsmandip apequtaasa tassunga tunngasortai aqutsinermut pisortaqarfimmit akissuteqarfisassanngorlugit ingerlateqqinneqarput.

Naggataatigut Ombudsmandi isumaqarpoq attartorneq pillugu peqqussutit allannguutaata atuutinneqalererata kingorna aammalu inissiamik aalajangersimasumik angissusilimmik tunineqarnissamut atorfinitsitsisutut oqartussanik isumaqatigiisuteqarsimasunut atorfinittut atorfinitsitsisutut oqartussanit inissiamik taama ittumik tunineqarnissaminnut piumasaqaateqarsinnaasut.



Atorfinitsisisutut oqartussat malittarisassat qaqugukkulluunniit atuuttut malillugit ineqartitsinissamik isumaqatigiissuteqarsimappata atorfilik ineqartitaasussaati-taaneramik Ombudsmandip oqarnera pisortaqarfiup isumaqatigaa.”

Pisortaqarfik tamanna tunngavigalugu qinnuigaara naammagittaalliut pillugu oqaaseqateqaqullugu, makkulu assilineri ilanngullugit nassiuppakka:

- A-p uannut naammagittaalliutaa,
- Kultureqarnermut, Ilinniartitaanermit, Ilisimatusarnermut Ilageeqarnermullu Pisortaqarfiup aalajangiinera 1. september 2005-imeersoq, A-p naammagittaalliutaanut ilanngullugu tigusara.
- Kultureqarnermut, Ilinniartitaanermit, Ilisimatusarnermut Ilageeqarnermullu Pisortaqarfiup tusarniaaninnut akissutaa,
- Namminersorerullutik Oqartussat pisortaanerata allagai 26. marts 2003-meersut aamma 22. september 2003-meersut, A-p naammagittaalliutaanut ilanngullugit tigusakka,
- A-p naammagittaalliutaa pillugu Inatsisileriffiup Namminersorerullutik Oqartussat pisortaanerannut allakkiaa ullulerneqarsimanngitsoq, A-p naammagittaalliutaanut ilanngullugu tigusara.

Pisortaqarfiup akissutaa A-mut suliami illua'tungiusumut tusarniaatit saqqummiunneqarsinnaavoq."

Ineqarnermut Attaveqarnermullu Pisortaqarfiup 6. april 2006-imi imatut akivaanga:

"Ineqarnermut Attaveqarnermullu Pisortaqarfiup Ombudsmandip A-p KIIP-imeersup maalaarutaa pillugu allagaa 16. marts 2006-imeersoq, j.nr. 11.01.24.01/-098-05, tiguaa.

Ombudsmandip pisortaqarfik A-p Ombudsmandimut maalaarutaa oqaaseqarfigequllugu qinnuigaa.

A Ombudsmandimut maalaarummini isumaqarnerarpoq inissiamik sisamanik initalimmik tunineqarnissamut pisinnaatitaaffeqarluni, tunniunneqartut pingasunik initalimmik pinnani.

Tamatumunnga tunngatillugu pisortaqarfimmiit ilisimatitsissutigineqassaaq A Inatsisartut peqqussutaanni nr. 3-mi, 15. april 2003-meersumi maleruagassat atuuttut naapertorlugit inissiamut innersuunneqarsimammat. A allaffimmi pisortatut inissiamit sulisunit allanit salliutinneqarluni tunineqarpoq, tak. attartortitsineq pillugu peqqussummi § 4, imm. 1, nr. 3, aammalu attartortitsineq pillugu peqqussummi § 5, imm. 1 aamma 2 naapertorlugu inissiamik pingasunik initalimmik tunineqarpoq, inoqutigiinni inuit amerlassusaat eqqortut marluunerisa kingunerisaanik.

A maalaarummini suliap Ineqarnermut Attaveqarnermullu Pisortaqarfimmi suliarineqarnera pillugu naammagisimaarinninnginnerminik saqqummiussivoq.

Pisortaqarfiup KIIP-p A-p inissaanut inniminniissut inissianut inniminniissutit allat assigalugit suliaraa. Pisortaqarfiup innersuussinermini taamaallaat inatsit atuuttoq tunngavigaa, taamaattumillu atorfinitsiniarluni oqaloqatiginninnermi KIIP-mit neriorsuutaasimasinnaasut eqqarsaatigisimanagit.

Kiisalu inissianut innersuussinissamut oqarsinnaatitaaffik taamaallaat Ineqarnermut Attaveqarnermullu Pisortaqarfiup ataaniippoq.

Naggasiutigalugu A isumaqarpoq, Namminersornerullutik Oqartussat ingerlatsinermi iluaqutissatut pisortanut inissiamik tunineqarsinnaatitaaneq, atorfinitsiniarluni oqaloqatigiinnermi neriorsuutigineqartoq qilersorsimaffigisariaqaraat.

Ineqarnermut Attaveqarnermullu Pisorta qarfimmi isuma unaavoq A atorfinitsiniarluni oqaloqatigiinnermi pisortanut inissiamik, A-p pisinnaatitaaffiginngisaa-nik, taamaattumillu Ineqarnermut Attaveqarnermullu Pisorta qarfimmit tunniunneqarsinnaanngitsumik tunineqarnissamik neriorsorneqarsimappat, tamanna atorfinitsisartut, KIIIP-p aamma A-p akornanni ingerlanneqartariaqartoq."

KIIIP aamma Ineqarnermut Attaveqarnermullu Pisorta qarfik allakkatigut 31. maj 2006-imeersutigut qinnuigaakka mappit allagaatinik A-mut tunngasunik imallit misissugassanngorlugit tigu jumallugit.

KIIIP-ip mappiutai suliami allagaatinik imallit 6. juni 2006-imi tigu-akka, kiisalu Ineqarnermut Attaveqarnermullu Pisorta qarfiup mappiutaa suliami allagaatinik imalik 19. juni 2006-imi tigullugu.

*Tamatuma kingornatigut imaattunik oqaaseqaateqarpunga:*

**"Misissuinerma killissalersorneqarnera.**

*Misissuinerma apeqquutit uku aallaavigalugit aallartinniarlugu aalajangerpunga:*

- *Ineqarnermut Attaveqarnermullu Pisorta qarfik KIIIP-ip inissiamik sisamanik initalimmik inniminniissutaanik malinninnginnissamut pisinnaatitaasimanersoq.*
- *Ineqarnermut Attaveqarnermullu Pisorta qarfik pisorta anerup aalajangiinera apeqquataatinnagu A-p pisortanut inissiamik sisamanik initalimmik kingullermik allakkatigut 21. april 2005-imeersutigut pimasutut itigartitsinissaminut pisinnaatitaasimanersoq, aamma*
- *KIIIP suliamik A-mut allakkatigut 1. september 2005-imeersutigut pimasutut inaarsaalluni suliarinninnissamut pisinnaatitaasimanersoq.*

*Misissuinerup immikkoortua siulleq apeqqummut uunga tunngasuuvog, tassalu KIIIP pisinnaatitaasimanersoq A/S Inissiaatileqatigiiffik INI imaluunniit Ineqarnermut Attaveqarnermullu Pisorta qarfik pisortanut inissiamik sisamanik initalimmik pisorta qarfimmu atugasseeqqullugit peqqusisuteqarnissaminut pisinnaatitaasimanersoq, tak. KIIIP-ip A-mut allagai 25. oktober 2004-meersut qulaani issuarneqartut.*

*Misissuinerma immikkoortuisa aappaat ilaatigut Namminersornerullutik Oqartussat pisorta anerata aalajangiinerata 25. marts 2003-meersup pisorta anerup 22. september 2003-mi aalajangiusimasaata pingaaruteqarnera pillugu apeqqummut ilaatigullu Ineqarnermut Attaveqarnermullu Pisorta qarfiup aalajangiinermut tassunga atatillugu misissuisussaataane-ranut tunngasuuvog.*

*Misissuinerma immikkoortuisa pingajuanni KIIP-imut tunngasumi sulisitsisup sulisunut inissiamik innersuussinermut atatillugu pisussaaffiunut akisussaaffiinullu apeqquiti ilaatinneqarput.*

*Piffissaq eqqarsaatigalugu, tak. Ombudsmandi pillugu inatsimmi § 6, imm. 5, suliami paasissutissat naammagittaalliuuteqarnissamut piffissaliussaq sioqqullugu kingumut ukiumik ataatsimik pisoqaassusillit, tak. Ombudsmandi pillugu inatsimmi § 6, imm. 2, ilanngunnissaat pisariaqartutut isigisimavara, tassami A-p pisortanut inissiamik innersuunneqarnissaanik aalajangeeqaarneq KIIP-ip aalajangiineranut 25. oktober 2004-meersumut tunngaviusoq Naalakkersuisut pisortaanerata 25. marts 2003-mi aalajangiineratigut pisimammat.*

**Ineqarnermut Attaveqarnermullu Pisortaqarfik KIIP-ip pisortanut inissiamik sisamanik initalimmik inniminniissutaanik malinninnginnisaminut pisinnaatitaasimanersoq.**

*A-p inissiamik pisortanut inissiatut immikkoortinneqartumik tunineqar-simanginnerminik naammagittaalliuutaata suliarineqarnissaanik KIIP-ip qinnutigisaa Ineqarnermut Attaveqarnermullu Pisortaqarfiup 27. september 2004-mi itigartitsissutigaa, KIIP-ip Ineqarnermut Attaveqarnermullu Pisortaqarfimmik naalakkiinissaminut piginnaatitaanninnera innersuussutigalugu.*

*KIIP-ip A-mut allagaani 25. oktober 2004-meersuni oqaatigineqarpoq Ineqarnermut Attaveqarnermullu Pisortaqarfik KIIP-imut oqarasuaatik-kut oqarsimasoq naammagittaalliuut KIIP-imit, A-mut sulisitsisusumit, aalajangiivigineqassasoq.*

*KIIP allakkani taakkunani 25. oktober 2004-meersuni aalajangiivoq A pisortanut inissiamik sisamanik initalimmik innersuunneqassasoq.*

*Tamannali Ineqarnermut Attaveqarnermullu Pisortaqarfiup KIIP-imut allakkani 21. april 2005-imeersuni itigartitsissutigaa.*

*Ineqarnermut Attaveqarnermullu Pisortaqarfik tusarniaaninnut akis-summini suliap 27. september 2004-mit ingerlasimanera pillugu oqaaseqateqarsimangilaq.*

*Namminersorerullutik Oqartussat pillugit Inatsimmi § 3, imm. 2-kkut aalajangersarneqarpoq suliasat Naalakkersuisut Siulittaasuata Naalakkersuisunut ilaasortanut agguataassagai, tak. Inatsisartut Naalakkersuisullu pillugit Inatsisartut inatsisaanni nr. 11-mi, 20. oktober 1988-imeersumi § 4, imm. 3, pisortaanerup suliamik paasinninneranik uanga nalilii-ninnut aamma pingaaruteqartoq, tak. kinguliani oqaaseqaatikka.*

*Suliasaqarfinnik tassani aalajangersaanerup nassataraa Naalakkersuisunut ilaasortat ataasiakkaat taakkulu aqutsisoqarfii Namminersorerullutik Oqartussat aqutsisoqarfiannut naalakkiinissamut piginnaatitaanninnerat, tamanna Naalakkersuisut Siulittaasuannit aalajangerneqarsi-mannigippat.*

*Taamaalillutik KIIP aamma Ineqarnermut Attaveqarnermullu Pisortaqarfik oqartussaasutut sanileriillutik naligiittut isigisariaqarput, qullersareqatigiinnermi allersareqatigiinnermilu aallaavittut imminnut attuumasuteqanngitsutut.*

*Taamaattumik tamanna pissutigalugu KIIP-ip inissiamik inniminniissutaanik Ineqarnermut Attaveqarnermullu Pisortaqarfiup malinninnissamik pisussaaffeqanngitsutut imminut isigisimanera pillugu oqaaseqaatissaqanngilanga.*

**A-p pisortanut inissiamik sisamanik initalimmik kingullermik allakkatigut 21. april 2005-imeersutigut pisimasutut itigartitsinissaminut Ineqarnermut Attaveqarnermullu Pisortaqarfik pisinnaatitaasimanersoq.**

*Inatsisitigut tunngavigisaq:*

*Sulisunut inissianik innersuussisarneq 31. maj 2003-p tungaanut taanalu ilanngullugu inissianik attartortitsisarneq pillugu Inatsisartut peqqussutaannik 31. maj 2001-imeersumik tunngaveqarsimavoq.*

*Tassannga erserpoq:*

*"§ 5. § 4 malillugu inigisanut taartissanik innersuussinissamut pisariaqartitat akuersissutigineqareepata, utaqqisut allattorsimaffiannit § 3-mi taaneqartumit salliutillugit inissiat inigineqanngitsut imatut tulleriinnilerlugit innersuussutigineqasapput:*

*1) pisortat sullissiviini sulisunut inissiat ataatsimut sulisunut inissiatut immikkoortinneqarsimasunut pissarsinneqarsinnaatitaasunut sulisunut inissiat, tak. § 6,*

*2) ... aamma*

*3) ...*

*Imm. 2. ...*

*§ 6. Ataatsimut sulisunut inissianut atugassanngortitat kommunini tamani Naalakkersuisut aalajangersagaannik inissianik amerlassusilerlugit agguanneqasapput.*

*Imm. 2. Kommunini, ataatsimut sulisunut inissianut atugassanngortitat inissiat attartortittakkat tamarmiusut amerlassusiinut naleqqiullugu annertuumik amerlaffigisaanni inissianik atorneqanngitsunik innersuussisarnermut § 5 malillugu tullerii-aarisarneq pillugu Naalakkersuisut kommunillu akornanni immikkut innersuussisarnissamik isumaqatigiissuteqartoqarsinnaavoq."*

*Peqqussutissatut siunnersuummi § 6 pillugu oqaaseqaatit imaattut ilaatigut ilaapput:*

*"Aalajangersakkap nassataraa, pisortat suliffeqarfiutaannut ataasiakkaanut inissiat qassiunissaannik Naalakkersuisut aalajangersaasarnissaat."*

*Taamaattumik Namminersornerullutik Oqartussat pisortaanerata 25. marts 2003-mi aalajangiinerata nalaani inatsisitigut tunngavigisaq imaap-*

poq aqutsisoqarfiup sulisunut inissiaatai Naalakkersut namminneq aggua-taarsinnaagaat.

*Inissianik attartorneq pillugu Inatsisartut peqqussutaata allanngortin-eqarneranik Inatsisartut peqqussutaat nr. 3, 15. april 2003-meersoq 1. juli 2003-mi atuutilerpoq.*

*Inatsisartut peqqussutaat taanna aalajangersakkanik suliamut matu-munnga pingaaruteqartunik imaattunik imaqarpoq:*

"§ 1.

*Inissianik attartorneq pillugu inatsisartut peqqussutaanni nr. 5, 31. maj 2001-meersumi inatsisartut peqqussutaatigut nr. 18, 12. november 2001-meersukkut, aamma nr. 2, 21. maj 2002-meersukkut allanngortinneqartumi makku allannguuti-gitinneqassapput:*

*1. Kapitali 1 ima oqaasertaqassaaq:*

*"Kapitali 1.*

*Atuuffissaa kiisalu innersuussisarnermi maleruagassat*

*§ 1. ...*

*Imm. 5. Namminersornerullutik Oqartussat imaluunniit kommuni siunertanut aa-lajangersimasunut inissianik immikkoortitsisinnaapput."*

*Inissianik attartortitsisarneq pillugu Inatsisartut peqqussutaat nr. 2, 12. maj 2005-meersoq suli massakkut atuuttoq 1. juli 2005-imi atuutilerpoq.*

*Tassani ilaatigut imaattunik allassimasoqarpoq:*

*"§ 5. ...*

*Imm. 2. ...*

*Imm. 3. Namminersornerullutik Oqartussat kommuneluunniit siunertanut aalaja-ngersimasunut atugassanik inissianik inniminniisinnaapput, tassunga ilanngullugit inissiat atorfinnut aalajangersimasunut atugassiissutigineqartussat."*

*Inissianik attartortitsisarneq pillugu peqqussutissatut siunnersuut mas-sakkut atuuttoq pillugu oqaaseqaatit ilaatigut imaattunik ilaqarput:*

*"§ 5-imut*

*...*

*Namminersornerullutik Oqartussat kommuneluunniit inissianit attartortittakka-niit inissiaq ataaseq amerlanerusulluunniit siunertanut immikkut ittunut atugassatut immikkoortissinnaavaat, assersuutigalugu inissiatut atorfinnut aalajangersimasu-nut atugassatut imaluunniit pisortanut inissiatut. Kiisalu Namminersornerullutik Oqartussat kommuneluunniit inissianik immikkut inuussutissarsiornermut suliassa-qartitsiniarnermulluunniit atugassanik inniminniisinnaapput. Assersuutigalugu ta-manna suliffeqarfinnik nutaanik aallartitsinermi sulisunik immikkut piginnaanilin-ik pileritsatsitsiniarnermut imaluunniit inunnik isumagininnermut suliffeqarner-mullu naalakkersuinikkut ingerlatsinerup tamakkiisup iluani suliniuteqarnermut ikorfartuutitut pisinnaavoq. Inissiat inniminnerneqartunut tunngatillugu inissianik attartornermi peqqussummi maleruagassat malinneqassapput."*

**Naalakkersuisut pisortaanerata aalajangiinera 25. marts 2003-meersaq, pisortaanerup 22. september 2003-mi aalajangiusimasaa.**

Ilaatigut apeqqutaavoq aalajangiinerit taakku inissianik attartortitsisarneq pillugu peqqussummik tunngaveqarnersut, ilaatigullu pisortaaneg inissianik innersuussisoqarnissaanik Ineqarnermut Attaveqarnermullu Pisortaqarfiup aalajangiinernik malinninissamut pisussaaffeqarneranik nassataqartunik aalajangiinissaminut pisinnaatitaanersaq.

Inatsisitigut tunngavigisamik apeqqut eqqarsaatigalugu oqaatigaara inissianik attartortitsisarneq pillugu peqqussummi 2001-imeersumi, pisortaanerup 25. marts 2003-mi aalajangiinerata nalaani atuuttumi aalajangersakkamik Naalakkersuisut atorfeqartitaasunut pisussaaffinnik pineqartunik eqqortitsinissaq siunertaralugu inissianik ataasiakkaanik atuinissaannut akornusiisumik peqanngitsaq.

Pisortaanerup siusinnerukkut aalajangiinini 22. september 2003-mi aalajangiusimavaa, tamannalu inissianik attartortitsisarneq pillugu peqqussutip allannguutaasa 2003-meersut atuutilernerisa kingornatigut pivog.

Taamaalilluni aamma apeqqutaavoq inissianik attartortitsisarneq pillugu peqqussutip allannguutaani 2003-mi atuutilersuni innersuussisarneq pillugu malittarisassat issuarneqartut atortinneqannginnissaannik Naalakkersuisut immikkut akuersissuteqarsinnaasimanersut.

Tunngaviuttipara innersuussisarneq pillugu malittarisassat nalinginnaasut inissiamik siunertamut immikkut ittumut atugassatut inniminniinisamik Naalakkersuisut aalajangiinissaat akornusinngikkaat, tak. inissianik attartortitsisarneq pillugu peqqussutip allannguutaani 2003-meersumi § 1, imm. 5, taannami innersuussisarneq pillugu malittarisassat nalinginnaasut atortinneqannginnissaannik Naalakkersuisut immikkut akuersissuteqarsinnaanerattut paasisariaqarmat.

Tamatununga atatillugu aalajangersakkap qanoq paasineqarnissaa Ineqarnermut Attaveqarnermullu Pisortaqarfiup uannut allakkamini 26. juli 2003-meersuni, pisortaqarfiullu taassuma 16. marts 2006-imi tusarniaaviginerani issuakkanni, oqaatigisaa innersuussutigaara.

Pisortaanerup suliami isummenera 22. september 2003-meersaq oqaatigineqartutut pisortaanerup siusinnerusukkut aalajangiinerninik 25. marts 2003-meersumik aalajangiusimanninneratut erserpoq.

Aalajangiineq 25. marts 2003-meersaq Allattoqarfiup inatsisilerisoqarfianit inassuteqaat qulaani issuarneqartoq malillugu imaattunik tunngavilersorneqarsimavoq:

"KIIP-ip A-mik atorfinitsitsiniarluni oqaloqateqarnermi kingusinnerusukkullu atorfinitsisnermi manna tunngaviutissimavaa, tassalu allaffeqarfimmi pisortamut akissaateqarfimmi 36-mi akissarsiaqartumut naapertuuttumik akissarsiaqartitsisogassasog, isumaqarlunilu periaasiusumik taassuminnga kingusinnerusukkut sukaterineq inunnut atorfeqartitaareersunut ajoqusiisusariaqanngitsaq.

A atorfinitsitsiniarluni oqaloqatigiinnermi KIIP-imit oqarfigineqarsimavoq pi-sortanun inissiamik tunineqarsinnaasoq, atorfimmi akissaateqarfimmut 36-mut naa-pertuuttumik akissaateqarluni atorfinitsinneqaruni. A tjenestemanditut atorfinitsinneqarnani isumaqatigiissuteqarneq tunngavigalugu akissaatit qaffariartuaarne-ranni inissisimaffimmi 41-mi immikkut tapilimmi tjenestemanditut atorfimmu taamatut inissisimasumut naapertuuttumi atorfinitsinneqarsimavoq.

...

Immikkoortorta qarfiulli pisortaata ...-p Naalakkersuisut Allattoqarfiannut oqaa-tigaa atorfinitsitsiniarluni oqaloqateqarnermi A-mut neriorsuutigisimagini inissia-mik pisortanun inissiatut immikkoortinneqarsimasut ilaannik innersuunneqassasoq.

...

A sulisullu allat kikkugaluartulluunniit akissarsiat atorfinitsitsinermilu atugas-sarititaasut pillugit paasissutissanik atorfinitsitsiniarluni oqaloqatigiinnermi saq-qummiunneqartunik akissarsiat atorfeqartitaanermilu atugassarititaasut akuerinis-saannut tunngaviginnissinnaanerminnik pissutissaqartumik naatsorsuutiginnissin-naasimassapput. Ineqarsinnaatitaanermik apeqqut atorfimmik inuttassarsiulluni allagarsiussami eqqaaneqarsimannigilaq, taamaattumillu apeqqutip atorfinitsitsini-arluni oqaloqatigiinnermut atatillugu oqaluuserineqarsimanera pissusissamisoor-tuulluni. Atorfinitsitsinermi allakkat assigiiaartunik oqaasertalersugaapput, atorfi-nitsinneqartup inissiamik pisortanun inissiatut immikkoortinneqartumik imaluunniit inissiamik nalinginnaasumik inissaqarsinnaatitaanera apeqqutaatinnagu ator-ne-qartartumik. Taamaattumik A pissutsip taassuma atorfinitsitsinermi allakkani er-seqqissartinniarnissaanut pissutissaqarsimannigilaq.

Inissiamik pisortanun inissiatut immikkoortinneqartunit KIIP-ip inniminniissu-taata suliarineqarnerani inissiamik pisortanun inissiatut immikkoortinneqartunit tunniussisarneq pillugu tunaartarisassat tunngavigalugit itigartitsisoqarpoq, tas-sami atuartitsinermik nakkutilliisutut atorfiup tunaartarisassat nalinginnaasut eq-qortinnngimmagit. Aqutsinermulli Pisorta qarfik - massakkut Ineqarnermut Pisorta-qarfik - tunngavissaq alla tunngavigalugu inissiamik pisortanun inissiatut immik-koortinneqartumik innersuussinissamut tunngavissaqassanersoq imaluunniit tunngavissaqartariaqarnersoq naliliissalluni periarfissaqarsimannigilaq.

Inatsisileriffiup naliliinera unaavoq inissiamik pisortanun inissiatut immikkoor-tinneqarsimasumik innersuussisoqarnissaa isumaliutersuutigineqartariaqartoq, KIIP-ip paasissutissat nassiunneqartut malillugit inissiamik pisortanun inissiatut immikkoortinneqarsimasumik atorfimmu atasoqarneranik A-mut nalunaaruteqarsi-manera eqqarsaatigalugu. A-p INI-mi ...-tut siusinnerusukku sulisimanera apeqqu-taatinnagu Inatsisileriffiup paasininnera unaavoq akissarsiat atorfeqartitaaner-milu atugassarititaasut pillugit paasissutissat atorfinitsitsiniarluni oqaloqateqar-nermi saqqummiunneqartut atorfinitsinneqartup tunngavigisinnaasariaqarai. Aam-mattaaq suliami matumani Inatsisileriffiup naliliinera unaavoq A apeqqutip taas-suma atorfinitsitsinermi allakkatigut erseqqissartinniarnissaanut pissutissaqarsi-mannigisoq." (Atorfeqarfimmi nusiqaavoq)

Aalajangiinerup 22. september 2003-meersup aalajangiusimaneqarnera inissianik attartortitsisarneq pillugu peqqussummi § 1, imm. 5-imut inatsi-sitigut tunngavittut innersuussummik imaqanngilaq, uangali paasinnin-nera unaavoq pisortaanerup aalajangiinera tunngavimmik matuminnga tunngaveqartoq, tassalu A inissiamik pisortanun inissiatut immikkoortinne-qarsimasumik innersuunneqassasoq, neriorsuut ingerlatsineq pillugu inat-siseqartitsinermi ingerlatsinermi akuersaartumik aalajangiinerit pillugit



malittarisassat imaluunniit isumaqatigiissuteqartarneq pillugu inatsiseqartitsinermi malittarisassat malillugit qilersuisuusoq tunngavigalugu.

Malittarisassat taakku inissianik attartortitsisarneq pillugu Inatsisartut peqqussutaanni saneqqunneqarsimanngimmata isumaqarpunga Naalakkersuisut peqqussutip allannguutaata 1. juni 2003-mi atuutilernerata kingornatigut A-p inissiamik pisortanut aalajangersimasunut immikkoortinneqarsimasumik ingerlatsineq pillugu inatsiseqartitsinermi pisussaaffik eqqortinniarlugu innersuunneqarnissaanik peqqussummi § 1, imm. 5 tunngavigalugu aalajangiinissaminut tunngavissaqarsimasut.

Tamatuma kingornatigut apeqqutaalerpoq Naalakkersuisut pisortaane rat taamatut aalajangiinissaminut pisinnaatitaasimanersoq.

Oqaatigaara inissianik attartorneq pillugu peqqussummi 2001-imeersumi § 6-ikkut aalajangersarneqarmat sulisunut inissiat aqutsinermut oqartussaasunut agguataarneqarnerat Naalakkersuisut isumagissagaat.

Peqqussummi 2003-meersumi § 1, imm. 5-ikkut aalajangersarneqarpoq inissiat immikkut siunertanut atugassat inniminnerneqarnissaat Naalakkersuisut aalajangissagaat.

Inatsisiliortut suliassamik Naalakkersuisunut isumagisassannqortitsineranni Namminersorerullutik Oqartussat pillugit inatsimmi § 3-imi oqaaseqatigiit aappaat imaattunik oqaasertaqartut atuuttarput:

"Landsstyrip siulittaasuata suliassat Landsstyrip ilaasortaanut agguataassavai."

Aalajangersagaq taanna Inatsisartut Naalakkersuisullu pillugit Inatsisartut inatsisaanni nr. 11-mi, 20. oktober 1988-imeersumi § 4, imm. 3-kkut aalajangersaqqinneqarsimavoq.

Taamaalilluni suliassamik Naalakkersuisunut ilaasortanut taamalu pi-sortaqarfinnut ataasiakkaanut qitiusumillu aqutsisoqarfiup ataani oqartussaasunut allanut agguataarineq Naalakkersuisut Siulittaasuata aqutsinermini suliassaanut ilaavoq.

Naalakkersuisut Siulittaasuata tamatumunnga ilaatillugu aalajangersinnaavoq suliap suliassat agguataarneqarsimanerat eqqarsaatigalugu Naalakkersuisunut ilaasortap allap suliassa qarfiata ataaniittup sularineqarnera tiguniarlugu.

Pisortaaneq tassaavoq Naalakkersuisut Allattoqarfiata pisortaa, suliassat agguataarneqarnerat eqqarsaatigalugu Naalakkersuisut Siulittaasuata ataaniittoq.

Namminersorerullutik Oqartussat pillugit inatsit imaluunniit Namminersorerullutik Oqartussat inatsisiliaat malittarisassamik ingerlatsineq pillugu inatsiseqartitsinermi oqartussaasup iluani suliassamik isumagisassannqortitsineq pillugu malittarisassamik nalinginnaasunik saneqqutsisunik imaqanngillat, taamatuttaarlu suliani aalajangersimasuni suliassa qarfinnik agguataarineq Naalakkersuisut Siulittaasuata piginnaatitsineratigut saneqqunneqarsinnaanngitsoq inatsisitigut aalajangersarneqarsimanani.



Taamaattumik pisortaanerup suliani ataasiakkaani suliassaqarfinnik agguataarinermik atuuttumik saneqqutsinissaa Naalakkersuisut Siulittaa-suata piginnaatitsissutigisinnaangikkaa ilimagissallugu tunngavissaqanngilanga.

Aamma oqaatigaara inissianik pisortanut inissiatut immikkoortinneqarsimasunik innersuussisarnerup Ineqarnermut Attaveqarnermullu Pisortaqarfimmit suliassanik nalinginnaasumik agguataarinerup nassatarisaanik aqunneqarnera inissiamik pisortanut inissiatut immikkoortinneqarsimasunik innersuussineq pillugu suliap pineqartup suliarineqarnera Naalakkersuisut Siulittaa-suannit imaluunniit qitiusumik aqutsisoqarfimmi oqartussaasumit Naalakkersuisut Siulittaa-suannit taamaaliornissamut piginnaatinneqartumit tiguneqarsinnaanera mattutinngikkaa.

Taamaattumik tunngaviutippara Ineqarnermut Attaveqarnermullu Pisortaqarfik pisortaanerup aalajangiinerata 25. marts 2003-meersup malinneqarnissaa aallaavigissallugu pisussaaffeqarsimasoq.

Aammattaaq pineqartoq tassaavoq aalajangiinerup taassuma A-mut nalunaarutigineqarsimanera (pisortaanerup 22. september 2003-mi aalajangiisimanninnera eqqarsaatigalugu A-p Ineqarnermut Attaveqarnermullu Pisortaqarfimmut e-mailikkut 16. oktober 2003-mi nassiussaa qu-laani issuarneqartoq innersuussutigaara).

Tamatuma nassataraa aalajangiinerup A eqqarsaatigalugu ingerlatsinermi akuersaartumik aalajangiinertut iluseqartup Ineqarnermut Attaveqarnermullu Pisortaqarfimmit tamatuma kingornatigut utertinneqarsinnaasimanninnera imaluunniit pisortaanerup aalajangiineranit annertunerusumik A-mut ajoqusiisunngortillugu allannngortinneqarsinnaasimanninnera.

Suliaq 2003 pillugu ukiumoortumik nalunaarutima kalaallisuuani qupperneq 69-imi tulliinilu, qallunaatuuanilu qupperneq 56-imi tulliinilu allaaserineqartoq matumani innersuussutigaara.

Apeqqut alla tulliuuttuni suliarisara tassaavoq Ineqarnermut Attaveqarnermullu Pisortaqarfiup suliami aalajangiisimani pisortaanerup aalajangiinerinut akerliusimanersut.

### **Suliamik Ineqarnermut Attaveqarnermullu Pisortaqarfimmi suliarinnineq.**

Ineqarnermut Attaveqarnermullu Pisortaqarfiup KIIP-imut allakkani 16. oktober 2003-meersuni qulaani issuarneqartuni (A-mut ilisimatitsissutigeqqullugit KIIP-imut qinnutigineqartuni) nalunaarutigaa A-p pisortanut inissiamik pingasunik initalimmik A/S Inissiaatileqatigiiffik INI-mit neqeroorfigineqarsimanera pisortaqarfiup ilalersinnaagaa, pisortaqarfilli pisortanut inissiamik sisamanik initalimmik A-mut neqerooruteqarnissaminut tunngavissaqanngitsoq.

Aalajangiinerup immikkoortua kingulleq tunngavilersorlugu Ineqarnermut Attaveqarnermullu Pisortaqarfik oqarpoq A inissiamik sisamanik ini-

talimmik tunineqarsinnaatitaanngitsoq, inissianik attartortitsisarneq pillugu peqqussutip 1. juni 2003-mit allanngortinneqarneratigut inoqutigiit amerlassusissaat pillugu piumasaqaatit nassatarisaannik. Pisortaqarfiup aamma oqaatigaa inoqutigiit amerlassusiat pillugu piumasaqaatip atuut-sinneqannginnissaanut immikkut akuersissuteqarnissamut periarfissaqanngitsoq.

*Ineqarnermut Attaveqarnermullu Pisortaqarfiup paasinninnini pisortaanermut ulloq taanna ilisimatitsissutigaa.*

*Ineqarnermut Attaveqarnermullu Pisortaqarfiup aalajangiinera 16. oktober 2003-meersoq aamma pisortaqarfiup tamatumunnga peqatigitillugu pisortaanermut allagai pillugit imaattunik oqaaseqaateqarpunga:*

*A pisortanut inissiamik sisamanik initalimmik atugassinneqassasoq imaluunniit tamanna piumasaqaatigisinnaagaa inatsisileriffiup inassuteqaataani imaluunniit pisortaanerup aalajangiinerani takuneqarsinnaanngilaq.*

*Inoqutigiilli amerlassusiat pillugu piumasaqaatip atuutsinneqannginnissaanik immikkut akuersissuteqartoqarsinnaannginneranik Ineqarnermut Attaveqarnermullu Pisortaqarfiup oqarnera isumaqatiginnilara.*

*Isumaqarpunga Naalakkersuisut inissiat immikkoortinneqarsimasut ilaannik tiguserminni innersuussisarneq pillugu malittarisassanit naliginnaasunit qilersugaanngitsut, tak. qulaani oqaaseqaatikka.*

*Taamaalilluni uanga paasinninnera unaavoq Ineqarnermut Attaveqarnermullu Pisortaqarfiup suliami aalajangiinnginnermini A inissiamik pisortanut inissiatut immikkoortinneqarsimasumik sisamanik initalimmik innersuunneqarsinnaasoq imaluunniit innersuunneqassasoq pisortaanerup aalajangiinerata nassatarineraa pisortaanermut paasiniaqqaassagaa piumasaqaataasimasoq.*

*Ineqarnermut Attaveqarnermullu Pisortaqarfik isumaqarpat pisortaanerup aalajangiinera inatsisunik unioqutitsisuusinnaasoq tamanna pisortaqarfiup pisortaanermut aamma malugeqqusariaqarsimagaluarpa, anertunerusumillu iliuuseqartoqaqqinnginnerani pisortaanerup apeqqut taanna pillugu isummernissaa utaqqimaarlugu.*

*Uanga paasinninnera unaavoq pisortaanerup aalajangiinerata erseqqinnerusumik imarisaanik Ineqarnermut Attaveqarnermullu Pisortaqarfiup qulaajaaniarsimannginnermigut suliaq amigartumik paasissutissartalersorsimagaa, tamannalu isorisariaqartuuvoq.*

### **Ineqarnermut Attaveqarnermullu Pisortaqarfimmu inassuteqaatiga.**

*A-p inissiamik qanoq ittumik tunineqarnissaanik pisortaanerup suliami aalajangiinera tunngavigalugu tunineqarnissaanik aalajangiinnginnermini suliamik Ineqarnermut Attaveqarnermullu Pisortaqarfiup amigartumik paasissutissartalersuisimannginnerata nassatarisaanik inassuteqaatigaara suliaq Ineqarnermut Attaveqarnermullu Pisortaqarfiup suliareqqi-*

*lissagaa, apeqqutip taassuma qulaajarneqarnissaa siunertaralugu, pisortaqarfilla tamatuma kingornatigut nutaamik aalajangiissasoq.*

**KIIP A-mut allakkatigut 1. september 2005-imeersutigut suliamik pisimasutut inaarsaanissaminut pisinnaatitaasimanersoq.**

*KIIP-ip aalajangiinerani 1. september 2005-imeersumi A-p uannut naammagittaalliorneranut aallaaviusumi pineqarpoq Ineqarnermut Attaveqarnermullu Pisortaqarfiup Namminersornerullutik Oqartussat inissiaataannik pisortanut inissiatut immikkoortinneqarsimasumik sisamanik initalimmik innersuussiumasimannginnerata nassatarisaanik KIIP suliami anertunerusumik iliuseqaqqinniingitsoq.*

*Tamanna pillugu oqaatigaara sulisitsisoq inissiamik atorfeqartitaasumut sulisunut inissiamik (aalajangersimasumik) tunineqarnissamik erseqqissumik neriorsorneqarsimasumut atugassinissaminut pisussaaffeqartoq.*

*Matumani pisortaqarfimmu oqaaseqaatiga 11. marts 2005-imeersoq innersuussutigaa, tassanilu paasinnineq Aqutsinermut Pisortaqarfiup suliami pineqartumi oqaatigisaa imaattoq ilalerpara:*

*"Aqutsinermut Pisortaqarfik isumaqarpoq, qanoq iliornikkulluunniit sulisorisag inissiamik qanorluunniit ittumik neriorsorneqarsimaguni tamannalu akuerineqarsinnaappat, sulisorisap tamatuma ilumoorullugu naammassineqarsimanissaa ilimagisariaqaraa. Tamanna atuuppoq, taamaalinerani suliassaqarfimmi tamatumani maleruagassanik aqutsinermilu periaasiusimasinnaasunik qanorluunniit ittunik atuuttoqarsimagaluarpat.*

*Taamaattumik pisortaqarfik isumaqarpoq, inuit pineqartut uppersarsinnaagunikku, atorfinilinneginnerminni inissiamik aalajangersimasumik angissusilimmik neriorsorneqarsimallutik, neriorsuutip tamatuma naammassineqarsimanissaa pingitsoorani pisimasussaasoq. Maannakkorpiag neriorsuineq tamanna pisinnaajunaassagaluarpat, sulisorisap pineqartup sulisorisanut inissiamik anginerusumik pissamaarsimagaluarneminut atatillugu iliuserisaanut aningaasartuutaasimasinnaasut utertinneqarnissaat pisinnaavoq."*

*Oqaaseqaatiga 2004 pillugu ukiumoortumik nalunaarutima kalaallisuani qupperneq 327-mi tulliinilu, qallunaatuuanilu qupperneq 268-imi tulliinilu issuarneqartoq aamma innersuussutigaa. Pingaartumik oqaaseqaammi tassani immikkoortoq 3.1 aamma immikkoortoq 3.2.2 innersuussutigaa.*

*Sulisitsisoq pisortat inissiaataannik attartortittakkanik attartortitsisarneq pillugu Inatsisartut peqqussutaanni malittarisassat malillugit inissiamik (aalajangersimasumik) neriorsuutigineqarsimasumik atugassiinnaannngikkuni tamatuma atorfeqartitaasoq eqqarsaatigalugu qanoq iliuseqarnissamut pissutissaqalersitsinera sulisitsisup isumaliutersuutigisariaqarpaa.*

*Sulisitsisup inissiamik inniminniissutaa Ineqarnermut Attaveqarnermullu Pisortaqarfiup aamma A/S Inissiaatileqatigiiffik INI-p akuerisin-*

*naangippassuk sulisitsisoq atorfinitsitsisarneq pillugu inatsiseqartitsineq tunngavigalugu pisussaaffimmunit qilerussaarneqarnaviangilaq.*

*Taamaattumik KIIIP-ip aalajangiinnermini 1. september 2005-imeersumi A-p naammagittaalliuutaa eqqarsaatigalugu Ineqarnermut Attaveqarnermullu Pisortaqarfiup A-mut pisortanut inissiamik sisamanik initalimmik innersuussiumannginnera tunngavilersuutigalugu annertunerusumik iliuuseqarnissamik itigartitsissutiginninnera isorisariaqartutut isigaara.*

*Taamaattorli suliap amigartumik paasissutissartalersorneqarsimane-rata aaqqinneqarnissaa siunertaralugu Ineqarnermut Attaveqarnermullu Pisortaqarfiup suliamik suliarinneqqilernissaanik uanga inassuteqaate-qarsimaneera isiginiarlugu KIIIP-ip aalajangiinnera 1. september 2005-imeersaq eqqarsaatigalugu annertunerusumik iliuuseqaaqqissanngilanga.*

### **Naggasiutaasumik oqaaseqaatikka.**

*A allakkatigut allatigut allakkat ukua assilinerannik ilaqartinneqartuti-gut suliamik paasinninninnik ilisimatippara.*

*Tamatumunnga peqatigitillugu KIIIP-ip suliami allagaatai aamma Ineqarnermut Attaveqarnermullu Pisortaqarfiup suliami allagaatai atukkiun-neqartut utertillugit nassiuppakka. Immikkut oqaatigaara suliami allagaa-tinik Ineqarnermut Attaveqarnermullu Pisortaqarfimmu utertitsillunga nassiussinera manna tunngavigalugu pisoq, tassalu suliami allagaatit al-laqqaarneri pineqartut, tassami taakku ilaat arlallit pisortaqarfiup naqis-suseeqqaarneratut naqissuserneqartarsimammata, naak pisortaqarfiup su-liami allagaatinik nassiussinermi oqaatigigaluaraa suliami allagaatit assi-lineri uannut nassiunneqartut. Taamaattumik pisortaqarfik eqqortussaq anguniarlugu qinnuigaara mappip suliami allagaatinik imallip tiguneqar-nera uppernarsarlugu atsioqqullugu."*

Mappit allagaatinik A-mut tunngasunik imallit tiguneqarnerannut pisor-taqarfiit uppernarsaatit atsiugaat 21. juli 2006-imi tiguakka.

A-mut sulisunut inissiamik tunniussineq pillugu suliap pisortaqarfimmit suliareqqinneqarneranik pisortaqarfiup KIIIP-imut allagaasa 3. oktober 2006-imeersut imaattunik oqaasertaqartut assilinerat 4. oktober 2006-imi tiguara:

"KIIIP-imut ilisimatitsissutitut oqaatigineqassaaq A-p pisortanut inissiamik tuni-neqarneranik suliaq Ineqarnermut Attaveqarnermullu Pisortaqarfiup suliareqqilersi-magaa, Ombudsmandip oqaaseqaataa 20. juli 2006-imeersaq tunngavigalugu.

Ineqarnermut Attaveqarnermullu Pisortaqarfimmi ... mailikkut ...-mut, KIIIP-imi pisortamut, 22. august 2006-imi saaffiginnissimavoq, A-p pisortanut inissiamik ssa-manik initalimmik tunineqarnissani suli soqutigineraa paasissutissiissutigeqqullugu.

... [Pisortaq] ulloq taanna mailikkut akivoq A-p imminut oqaatigisimagaa pisorta-nut inissiamik sisamanik initalimmik tunineqarnissani suli kissaatigalugu.

A/S Inissiaatileqatigiiffik INI-p KIIIP-imut allakkatigut 30. august 2006-imeer-sutigut illoqarfiup K-p ilaani A-mut pisortanut inissiaq sisamanik initalik innersuus-

sutigisimavaa. INI-p KIIP allakkani taakkunani qinnuigaa inissiaq neqeroorutigineqartoq akuerineqarnersoq 30. august 2006-imit ullut tallimat qaangiutsinnagit allak-katigut uppernarsaqullugu.

KIIP-p INI-mut allakkatigut 26. september 2006-imeersutigut nalunaarutigaa inissiaq neqeroorutigineqartoq A-p akuerisinnaanngikkaa. Inissiamik KIIP-imut neqeroorutip A-mit itigartinneqarnera KIIP-ip ilanngullugu nassiuppaa.

A-p KIIP-imut allakkani 26. september 2006-imeersutigut inissiaq neqerooruti-gineqartoq massakkut itigartitsissutigisimavaa, suliamik Ombudsmandikkoortitsi-nini innersuussutigalugu. A-p KIIP-imut allagaanit erserpoq KIIP-ip A-mut mai-likkut A qinnuigisimagaa INI-p inissiamik neqeroorutaa 25. september 2006 naller-tinnagu isummerfigequllugu.

Suliaq Ombudsmandikkoortoq 20. juli 2006-imi inaarlugu suliarineqarsimasutut Ineqarnermut Attaveqarnermullu Pisortaqarfiup isigaa, tassanimi Ombudsmandi oqaaseqaateqarmat KIIP-imut nassiunneqartumik, assilinera A-mut ingerlatillugu. Ineqarnermut Attaveqarnermullu Pisortaqarfik tamatuma kingornatigut isumaqar-poq A inissiamik allamik innersuunneqarnissamik piumasaqaateqarsinnaanngitsoq, tak. inissianik attartortisisarneq pillugu Inatsisartut peqqussutaanni nr. 2-mi, 12. maj 2005-imeersumi § 20, nr. 2.

§ 20 tamakkerlugu tulliuuttuni issuarneqarpoq:

"§ 20. Sulisunut, tak. §§ 11, 12, 15, 16 aamma 17, inissiamik innersuunneqarsin-naatitaallutik atorfinitsitaasimasunut atuutissapput:

1) Atorfeqartoq pisussaavoq sulisunut inissiaq innersuunneqartoq tigussallugu.

2) Sulisoq sulisunut inissiamik innersuunneqartumik tigusiumanngitsoq inissia-mik allamik innersuunneqarnissamik pisinnaatitaaffeqanngilaq.

3) Sulisoq sulisunut inissiamik innersuunneqartumik tigusiumanngitsoq aammalu utaqqiisaagallartumik inissinneqarsimasoq, utaqqiisaagallartumik ineqartitaanermi-nut ajunngitsorsiasaqaartinneqarunnaassaaq imaluunniit sulisisisup akiligaanik inissinneqarallarnini ingerlateqqissinnaajunnaassallugu.

4) Sulisoq sumiginnaaneq pissutigalugu sulisunut inissiamit anisitaasoq inissia-mut allamut innersuunneqarnissamut pisinnaatitaaffeqanngilaq.

Imm. 2. Naalakkersuisut sulisorisap soqutigisaqaqatigiiffik isumaqatigiinniarsin-naasoq ilaasortaaffigisaa isumaqatigiissuteqarfigisinnaavaa inissianik immikkut it-tunik innersuussisarneq pillugu."

Ineqarnermut Attaveqarnermullu Pisortaqarfiup suliaq taamaalilluni inaarlugu suliarineqartutut isigaa.

Aalajangiineq taanna aqutsinermi allaffissornikkut oqartussaasumut allamut naammagittaalliuutigineqarsinnaanngilaq.

Allakkat ukua assilinerat A-mut Inatsisartullu Ombudsmandiannut nassiunneqar-poq." (Atorfeqarfimmi nutsigaavoq)

Ineqarnermut Attaveqarnermullu Pisortaqarfimmut 13. oktober 2006-imi imatut allappunga:

"A-p sulisunut inissiamik tunineqarnera pillugu suliap pisortaqarfimmit suliareq-qinneqarnera pillugu pisortaqarfiup A-mut allagaasa 3. oktober 2006-imeersut assi-linerat 4. oktober 2006-imi tiguara.

Tassannga erserpoq A/S Inissiaatileqatigiiffik INI-p pisortanut inissiaq sisamanik initalik KIIP-imut 30. august 2006-imi innersuussutigisimagaa, A-mut sulisunut inissiatut tunniunneqartussatut.

Tassannga aamma erserpoq inissiaq neqeroorutigineqartoq A-p KIIP-imut allak-katigut 26. september 2006-imeersutigut tigujumasimannngikkaa, "suliamik Ombudsmandimi ingerlasuuteqarnini" innersuussutigalugu.

Pisortaqarfiup inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 20 innersuussutigalugu KIIP tamatuma kingornatigut nalunaarfigisimavaa, assiliner A-mut uannullu nassiullugu, pisortaqarfik suliami tamatuma kingornatigut annertunerusumik iliuuseqaqqinniannngitsoq, § 20-mimmit innersuussutigineqartumit ilaatigut ersermat atorfeqartitaasoq pisussaasoq sulisunut inissiaq innersuunneqartoq tigussallugu, atorfeqartitaasorlu sulisunut inissiamik innersuunneqartumik tigusiumannngitsoq inissiamik allamik innersuunneqarnisaminik piumasaqaateqarsinnaannngitsoq.

Inatsisilerinermi pisortap Michael Mikkelsenip uannit peqquneqarnini malillugu A oqarasuaatikku 11. oktober 2006-imi aperaa pisortaqarfiup suliamik suliarinneq-qinnera pillugu oqaaseqaatissaqarnersoq.

A-p allakkat KIIP-imut 26. september 2006-imi nassiussimasami, KIIP-illu allakkamini 3. oktober 2006-imeersumi innersuussutigisimasaasa assilinerat uannut 11. oktober 2006-imi nassiuppaa. A-p tamatumunnga peqatigitillugu KIIP-ip pisortaqarfiullu akornanni piffissami 17. august 2006-imi 22. august 2006-imi e-mailikut allaffigeqatigiittarnermi allagaasimasut assilineri uannut nassiuppai. E-mailikut allaffigeqatigiittarnermi allagaasimasut naqitanngortinneri ilanngullugit nassiuppakka.

A-p inatsisilerinermi pisortamut ilassutitut oqaatigaa inissiamik innersuunneqartumik tigusiumanngininnerminut pissutaasoq pisortaanerup aalajangiinera tunngavigalugu inissiamik qanoq ittumik pisinnaatitaanermi pisortaqarfimmit misissorneqarnissaanik uanga inassuteqaatinnut Ineqarnermut Attaveqarnermullu Pisortaqarfiup akissuteqarnissaata utaqqimaarnissaanik kissaateqarnini.

Tamatuma kingornatigut oqaatigaara oqaaseqaatinni 20. juli 2006-imeersumi inassuteqaatigigiga suliaq pisortaqarfiup suliareqqissagaa, pisortaanerup suliamik aalajangiinerata erseqqinnerusumik imarisaa nalunaarutigiginagu pisortanut inissiamik sisamanik initalimmik innersuussinissamik pisortaqarfiup itigartitsinermigut pisortaqarfiup kukkussutigisimasaata aaqqinneqarnissaa siunertaralugu.

Suliami aalajangiinerup nutaap pisortaanerup aalajangiineranut naapertuuttuunera pisortaqarfiup suliarinneqqinneratigut qulaajarneqarsimanersoq takusinnaanngilara.

Taamaattumik pisortaqarfik qinnuigaara apeqqut taanna pillugu nassuiaateqaq-qullugu.

Pisortaqarfik tamatumunnga atatillugu qinnuigaara A-mut pisortanut inissiamik sisamanik initalimmik innersuussinerup nutaap piumasaqaatit inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 20, imm. 1, nr. 2-mi atorfeqartitaasup inissiamik innersuunneqartumik tigusisussaataitaneramik aalajangersaasumi piumasaqaatasut tunngavigalugit pisimanerata pisortaanerup aalajangiineranut naapertuuttuunera pisortaqarfiup misissorsimaneraa nassui-aqqullugu."

Ineqarnermut Attaveqarnermullu Pisortaqarfik allakkani 20. oktober 2006-imeersumi imatut akivoq:

"A pillugu Ombudsmandip allagaa 13. oktober 2006-imeersoq Ineqarnermut Attaveqarnermullu Pisortaqarfiup tiguaa.

Pisortaqarfiup suliamik suliarinneqqinnera tunngavigalugu suliami aalajangiineq nutaaq pisortaanerup aalajangiineranut naapertuuttuusoq Pisortaqarfiup paasinarsissimaneraa Ombudsmandip paasisinnaasimanngilaa, taamaattumillu Ombudsmandip Pisortaqarfimmit tamanna nassuiaatigineqassasoq kissaatigineqarpoq.

A inissianit pisortanut inniminnikkanit inissiamik sisamanik initalimmik tuneqarnissamut pisinnaatitaanera pillugu pisortaneq aalajangiisimavoq. Tamanna tunngavigalugu, aammalu A/S Inissiaatileqatigiiffik INI aqutugalugu suliamut Ombudsmandip oqaaseqaatigisimasaa tunngavigalugu inissiat pisortanut inniminnikkat ilaannut inissiamut sisamanik initalimmut allakkatigut 26. september 2006-imeersutigut A Ineqarnermut Attaveqarnermullu Pisortaqarfiup innersuussimavaa.

Inissiamik pisortanut inniminnikkamik sisamanik initalimmik innersuussinermi attartortitsinermut peqqussummi § 20, imm. 1, nr. 2-mi allassimasut tunngavigalugit atugassaqtitsilluni innersuussisoqarnissaanik nutaami aalajangiineq pisortaanerup aalajangiineranut naapertuunnersoq pisortaqarfiup misissorsimaneraa nassuiarneqassasoq tamatumanissaaq Ombudsmandip kissaatigaa.

Pisortaanerup aalajangiinerani atugassarititaasut suut tunngavigalugit inissianik pisortanut inniminnikkanik innersuussisoqassanersoq isummerfigineqarsimanngilaq, taamaattumillu innersuussineq inatsisit atuuttut malillugit pisimalluni.

Allakkap matuma assilineri KIIP-imut nassiunneqarpoq."

Pisortaqarfiup akissutaa ukiup nalunaarusiuunneqartup naanerani suli isummerfiginngilara.



## 50. Allat

### 1. **Akilerartarnermut Siunnersuisoqatigiit suliamik suliarinninnerat pillugu naammagittaalliuut**

*A-p 2003-mi aamma 2004-mi akileraaruteqaataasussatut isertitaanik K Kommunip amerlassusiliinera aamma kommunip 2005-imi A-p isertitaanik siumoortumik nalunaarsuineranik A-p kukkunnarsiuisuata naammagittaalliuutaanik 12. juli 2005-imeersumik suliarinninnermut atatillugu piffissaq Akilerartarnermut Siunnersuisoqatigiit atugaat A-p allakkatigut 24. november 2005-imeersutigut naammagittaalliuutigaa.*

*Ombudsmandi aalajangerpoq misissuinini A-p 2003-mi isertitaanik amerlassusiliinissamut Akilerartarnermut Siunnersuisoqatigiit kommunimut piginnaatitsinerannik misissuinnermik aamma ilaqartilerniarlugu.*

*Piffissaq suliamik suliarinninnermut atorneqartoq pillugu naammagittaalliuummumut atatillugu Ombudsmandip oqaatigaa suliap Siunnersuisoqatigiit 2005-imi ataatsimiinneranni aalajangiivigineqarnissaa siunertarlugu suliamik suliarinninnermik Akilerartarnermut Siunnersuisoqatigiit allattoqarfiata nukingiussiniansimanissaa kissaatiginartuugaluartoq.*

*Aammattaaq A-p nukingisaarumminut 25. oktober 2005-imeersumut akissummik tigusaqarsimannginnera Ombudsmandip ajuusaarnartutut isigaa.*

*Ombudsmandi aamma isumaqarpoq A-p akiliinerup kinguartinneqarnissaanik qinnuteqaataa Akilerartarnermut Siunnersuisoqatigiit taakkuluunniit allattoqarfiata pisimasumit pilertornerusumik aalajangiivigisimasariaqaraluaraa.*

*Ombudsmandip tamatumunnga atatillugu oqaatigaa akiliinerup kinguartinneqarnissaanik qinnuteqaatip A-p nukingisaarutaanut 25. oktober 2005-imeersumut atatillugu suliarineqarsimannginnera ajuusaarnartorujussuurtut isigigini.*

*Akilerartarnermut Siunnersuisoqatigiit 2003-mi akileraaruteqaataasussatut isertitanik amerlassusiliinerup suliareqqinneqarnissaanik K Kommunimut piginnaatitsissutaannut atatillugu Ombudsmandip oqaatigaa Akilerartarnermut Siunnersuisoqatigiit kommunini akileraaruseriffinni suliat suliareqqinnissaannut Inatsisartut inatsisaanni § 55, imm. 3-mit ersertumit annertunerusumik piginnaatitsisinnaanerannut aningaasarsianit akilerarutit pillugit inatsimmi tunngavissamik nalorninaatsumik peqanngitsoq, § 115, imm. 5-ilu taamatut tunngavissatut isigineqarsinnaanngitsoq.*

*Taamaattumik Ombudsmandi manna inassuteqaatigissallugu tunngavissaqarluni isumaqarpoq, tassalu peqataasinnaanngin-*



*neq aalajangiisimanermut atatillugu pilersoq qanoq iliuuseqar-nissamut pissutissaqalersitsinersoq Akileraartarnermut Siunner-suisoqatigiit isumaliutersuutigissagaat. (J.nr. 11.06.50.04/120-05)*

Suliami makku pineqarput:

2003-mi isertitat 130.914 kr.-nut inaarutaasumik naatsorsorneqarnerat 12.958 kr.-nik utertoorateqarnermik nassataqartoq K Kommunip A-mut 31. august 2004-mi nassiuppaa.

A-p 2004-mi nammineerluni nalunaarutini 24. februar 2005-imi tun-niuppaa.

Kommuni A-mut 29. marts 2005-imi imatut allappoq:

"Pineqartoq: Ukiumut isertitaqarfiusumut 2004-mut ukiunullu allanut nammi-neerlutit nalunaarsukkatit.

Ukiumut isertitaqarfiusumut 2004-mut ukiunullu isertitaqarfiusunut allanut nam-mineerlutit nalunaarsukkavit misissorneqarnerinut atatillugu Akileraaruseriffiup matumuuna qinnuigaatit makku akeqqullugit:

Nammineerlutit nalunaarsukkanni qupperneq 2-mi piginneqataassutinit iluanaa-rutisiatut 12.512 kr.-t nalunaarsorsimavatit. Akileraaruseriffiup qinnuigaatit ani-ngaasat immikkoortiteqqullugit taamaalilluni ingerlatseqatigiiffiit sorliit aningaasa-nik qanoq annertutigisunik iluanaaruteqartitsisimanersut erseqqittunngorlugit.

Taamatuttaa qinnuigineqarputit pappiaranik nalilinnik niuerutaasunut tamanut uppernarsaatit nassiateqqullugit, tassalu piginneqataassutit, obligationit il.il. piffis-sami **1. januar 2000-imit 29. marts 2005-ip tungaanut** ilinnut sinnerlutit niueruti-gisimasatit nassiateqqullugit.

Uppernarsaatit, pappiarat qanoq ittut niuerutigineqarsimasunut, qanoq amerlati-gisut niuerutigineqarsimanerannut, qanga niuerutigineqarsimanerannut, qanoq aki-lersillugit niuerutigineqarsimanerannut kiisalu niueruteqarnernut tamanut atatillugu niuernermi aningaasartuutaasimasunut takussutissaasinnaasut makkuusinnaapput, tassalu assersuutigalugu pisinermi tunisinermilu allagartat tamarmiusut assilineri.

Qulaani taaneqartunut akissutit Akileraaruseriffimmu 14-it qaangiutsinna-git nassiateqquneqarput. Taamaaliortoqanngippat Akileraartarnermut inatsimmi § 55, imm. 5 – akileraartussaataitaasup aningaasarsiaanik missingsuutitigut allan-guinikkulluunniit angissusiliineq – atorneqarsinnaavoq." (Atorfeqarfimmi nutsigaavoq)

A kommunimut 13. april 2005-imi imatut allappoq:

"Ukiumut akileraarfiusumut 2004-mut nammineerlunga nalunaarsukkannut ata-tillugu apeqqutit pillugit allakkasi 1. april tiguakka. Aallaqqaasiullugu oqaatigissa-vara 1975-imili nammineerluni nalunaarsugassat suliarigaangakkit naatsorsuutit aningaaserivinnit tigusama assilinerat nammineerlunga nalunaarsukkannut ilanngul-lugit nassiuttuaannarakkit.

Matumuuna makku ilanngullugit ilissinnut nassiuppakka:

1: Aktianit iluanaarutit 2004-mi tigusama takussutissartaat ilanngullugit nassiunneqarput

Taamatuttaaq piffissami 01.01.2000-imiit 29.03.2005-ip tungaanut pappiarat nalillit niuerutigineqarsimasut uppenarsaataat tamakkerlugit qinnutigaasi.

2: Piffissami 01.01.2003-mit 29.03.2005-imut pappiarat nalillit niuerutigineqarsimasut takussutissartaat 14-it ilanngullugit nassiunneqarput

Piffissamut 2000-imit 2002-p tungaanut niuerutigineqarsimasut allagartaat tiggummiunnaarnikuuakka, aningaaserivilli ... qinnuigaara taakku pissarsiarinissaanut ikiulaaqqullunga, aningaaserivimmiillu tigusaqariiruma taakku aamma assilinerat piaartumik akileraaruseriffimmut nassiutissavakka.

Ilanngullugit nassiunneqarput:

2004-mut iluanaarutit naatsorsuutaasa assilinerat, 2003-mut pisinermi tunisinermilu allagartat assilinerat, 2004-mut pisinermi tunisinermilu allagartat assilinerat aamma 2005-imut pisinermi tunisinermilu allagartat assilinerat.” (Atofeqarfimmi nutsigaavoq)

A kommunimut 19. april 2005-imi imatut allappoq:

”Ukiunut 2000 – 2001 aamma 2002-mut niueruteqarnermi allagartat assilineri aningaaserivimmit ...-mit utaqqimaarlugit nalunaarutiginnillunga Akileraaruseriffimmut allakkakka 13. april 2005-imeersut nangillugit allagartat ullumikkut tigusakka matumuuna ilissinnut ingerlateqqillugit nassiuppakka.” (Atofeqarfimmi nutsigaavoq)

Kommuni A-mut 20. april 2005-imi imatut allappoq:

”Pineqartoq: ...-mik piginneqatigiissutit.

Akileraaruseriffiup allagai 29. marts 2005-imeersut pillugit ilinnit akissutinik marloriarluni akileraaruseriffik tigusaqarpoq. Taamaattorli apeqqutit paasineqanngitsut arlaqarmata Akileraaruseriffiup qinnuigissavaatit akeqqullugit.

Akileraaruseriffimmut nassuiaatinnit erserpoq 2002-p naalerneranit ...-mik pigineqataassutit 19-iusut. Taakku Told & Skatip nakkutilliusutut Akileraaruseriffimmit atorneqarsinnaasup ilisimatitsissutaanut naapertuupput.

Akileraaruseriffimmut nassuiaatinnit erserpoq 2003-mi oktoberimi ...-mik pigineqataassutit 30-t aamma 26-t tunisimagitit, tassa imaappoq katillugit 56-it, aamma 2003-p ingerlanerani ...-mi pigineqataassutinik arlaqartunik pisisimangitsutit.

Fondsbørsip nalunaarutaa malillugu ...-p aamma ...-p kattunnerannut aamma pigineqataassutit tunineqarsinnaalernerannut ...-imik pigineqataassutillit 2003-mi junimi pigineqataassutinut tamanut pigineqataassummik ataatsimik kiisalu pigineqataassummut ataatsimut 330 kr.-nik tunineqarput.

Apeqqutaalersoq unaavoq, qanoq ilillutit 2003-mi oktoberimi ...-mi pigineqataassutit 56-it tunisinaasimaneritit massa 2002-p naalernerani ...-mi 19-inik pigineqataassuteqarlutit. Taakku ...-mi pigineqataassutit 19-it ...-mi 38-nik pigineqataassutinngorput, taamaattorli ...-mi pigineqataassutit 56-it tunineqarsimapput. Assigiinngissutaa qanoq ililluni nassuiarneqassava (56 - 38)= 18?

Qulaani taaneqartumut kattunnermut atatillugu piginneqataassummut ataatsimut 330 kr.-nik tigusaqarsimavutit?

Taamaassimassappat qasseriarlutit 330 kr.-nik tigusaqarpit? Aningaasat uppernarsaquneqarput. Uppernarsaat tassaasinnaavoq soorlu ingerlatseqatigiiffimmit imaluunniit aningaaserivimmit attaveqarfigisannit allagaatit suliamut attuumassutilit.

Qulaani taaneqartunut akissutit ullut 14-it qaangiutsinnagit Akileraaruseriffimmut nassiuteqquneqarput.

Taamaaliortoqanngippat Akileraartarnermut inatsimmi § 55, imm. 5 – akileraartussaataitaasup aningaasarsiaaaniq missingersuusiunnarnikkut allannuinnikkulluunniit angissusiliineq – atorfeqarsinnaavoq.” (Atorfeqarfimmi nutsigaavoq)

A kommunimut 2. maj 2005-imi imatut akissuteqarpoq:

”Qaammatisiutit ukiuanni 2003-mi pingaartumik ...-mi aamma ...-mi piginneqataassutikka niuerutikkalu pillugit apequteqaatersi 22. april tiguara. Tamatumunnga imaattumik oqaaseqaateqassaanga:

...-mi siulersuisut namminneq aningaasaatitigut piginneqataassutinik nalikillilii-niarlutik 2000-imi aalajangerput. Tamatuma 1.285.064 kr.-nik pissaqalersippaanga aningaasalli tunniunneqanngillat tamanna suliffeqarfiup akiliisinnaassusianut pisariaqanngitsumik artukkisussaammat, aningaasalli ukiut tamaasa ukiunut 2000-imut, 2001-imut aamma 2002-mut nammineerluni nalunaarsuiffimmi qupperneq 4-mi pigisat ataanni nassuiaasertarpakka.

25. maj 2003-mi suliffeqarfiup akiliisinnaassusia imaappoq aningaasat pisasakka tunniunneqarsinnaalerlutik. Tamannalu pivog ilaatigut aningaasanngorlugit tunniussinikkut ilaatigullu aningaaserivimmik ...-mik piginneqataassutinik 70-inik kiisalu ...-mik piginneqataassutinik 9-nik uannut tunniussisoqarneratigut.

2003-mut takussutissiami siusinnerusukkat nassiussannut tunniussineq taanna ilanngutinngilara ukiumut 2003-mut niuruteqarminnik allagartat misissorneranni niuruteqarnermi allagartanik pigisaqannginnama piginneqataassutit ...-p toqqorsivianit uanga toqqorsivinnut nuunneqarnikumumata. Piginneqataassutit tunineqarsinnaalernerannut atatillugu aningaasat qassit uannut tunniunneqarsimanersut apeq-qutissinnut atatillugu oqaatigisinnaavara 19.06.2003-mi kontonnut ikineqartut 28 x 330 kr. = 9.240 kr.-niummata.” (Atorfeqarfimmi nutsigaavoq)

Suliami allagaatini Akileraartarnermut Siunnersuisoqatigiinnit tigusanit, tamatumalu kingornatigut A-mut allakkani 26. maj 2005-imik ullulerneqartuni (immersugassaq Kalaallit Nunaannut akileraarut S21a aningaasarsiat akileraaruteqaataasussaasut pillugit Nalunaarut) ilaavoq. Allakkat qulaatigut assaannarmik qulequtserneqarsimapput: „piginnaatitsissutitut missingiut“:

”Akileraartarnermi oqartussaasoq ataani oqaatigineqartutut ANGISSUSILII-LERSAARPOQ

...

Piginneqataassutinik pisinerit tunisinerillu eqqarsaatigalugit Akileraartarnermut inatsimmi § 55, imm. 3 naapertorlugu ukiumut 2003-mut aningaasarsiorfiusup sulia-reqqinnissaanut Akileraaruseriffik pissutissaqalersinneqarpoq. Uppernarsaatit suliamilu paasisutissat allat nassiunneqartut misissoreerlugit Akileraaruseriffiup paasin-nera unaavoq piginneqataassutit iluanaapallanniarlutit pissarsiarisimagitit, taa-

maattumillu aningaasanngorlugit nalingisigut iluanaarutitigut aningaasarsiatit akileraaruteqaataasussaasut katillugit 434.118 kr.-nik annertusineqassasut, tak. Akileraartarnermut inatsimmi § 24, imm. 1, nr. 2, pkt 2.

...

Aningaasarsiat akileraaruteqaataasussat annertussusaat, 583.512 kr.

Annertussusiliineq Akileraartarnermut Siunnersuisoqatigiinnit immikkut piginnaatinneqarneq malillugu pivoq.

**Suliami pissusiviusut (piviusut).**

Akileraaruseriffiup allakkatigut 29. marts 2005-imeersutigut qinnuigaatit ilaati-gut piffissami 1. januar 2000-imit 29. marts 2005-ip tungaanut pappiaranik nalilini-k niueruteqarninni uppernarsaatit tamakkerlugit nassiateqqullugit

...“ (Atorfeqarfimmi nutsigaavoq)

2003-mi akileraarusiinerup suliareqqinneqarnissaa pillugu kommuni A-mut 31. maj 2005-imi allappoq. Allakkat uku allakkat 26. maj 2005-imeersut qulaani issuakkat assigaat.

Kommuni A-mut 2004-mi akileraarusiineq pillugu 31. maj 2005-imi imatut allappoq:

”Akileraartarnermut oqartussaasoq ataani oqaatigineqartutut ANGISSUSILII-LERSAARPOQ

...

Uppernarsaatit suliamilu paasissutissat allat nassiuqqartut misissoreerlugit Akileraaruseriffiup paasinninnera unaavoq piginneqataassutit iluanaapallanniarlutit pissarsiarisimagitit, taamaattumillu aningaasanngorlugit nalingisigut iluanaarutitigut aningaasarsiatit akileraaruteqaataasussaasut katillugit 434.118 kr.-nik annertusineqassasut, tak. Akileraartarnermut inatsimmi § 24, imm. 1, nr. 2, pkt 2.

...” (Atorfeqarfimmi nutsigaavoq)

Aammattaq kommuni A-mut 2005-imi siumoortumik nalunaarsuiner-mik kommunip allanngartitsilersaarnera pillugu 31. maj 2005-imi allappoq. Allakkat taakku assilinerat suliami allagaatini Akileraartarnermut Siunnersuisoqatigiinnit tigusanni ilaangillat, ilisimatitsissutigineqartorli suliamut atatillugu allaffigeqatigiittarnernit erserpoq.

A-p kukkusersuisua kommunimut 23. juni 2005-imi imatut allappoq:

**”Piumasaqaat**

Qulaani taaneqartoq akileraartartoq sinnerlugu 2003-mut aamma 2004-mut akileraaruseriffiup isertitat akileraaruteqaataasussanik allanngartitsiniarnera kiisalu 2005-imut siumoortumik nalunaarsuinerup allanngartinneqarnera matumuuna naammagittaalliutuigaarput.

**Tunnjavilersuut**

Akileraaruseriffiup ilanngussatut ilanngunneqartumi nassuiaataa innersuussutigineqarpoq. Inerniliussamat isumaqataanninnerput eqqaassanngikkaanni akileraaruseriffiup nassuiaataanut piviusunik akerliliissutissaqanngilagut.

Siullermik paasinneqqaarnerput unaavoq piginneqataassutininik tunisiner-mi pissarsiat akileraaruteqartinnissaannut inatsisitigut tunngevissaqanngitsoq, tak. § 14. imm.

3, tassani erseqqissarneqarpoq piginneqataassutininik tunisisoqarneratigut iluanaarutit annaasallu ingerlatseqatigiiffiit ilanngullugit naatsorsortassagaat. Tamatumali malit-sigaa inuit pissarsianit piginneqataassutinilluunniit annaasanit akileraaruteqartus-saatitaannginnerat.

§ 24, imm. 1, nr. 2, pkt 2-mut innersuussineq paasinninnerput malillugu piginne-qataassutit eqqarsaatigalugit attuumassuteqanngilaq, tassami

- piginneqataassutit nalingisa qaffannissaannik kinaluunniit ilimasunngitsoq pi-ginneqataassutininik pisiunnaangimmat
- piginneqataassutininik pisinissamut tangeqartitsinissaq imaluunniit aningaasan-nanniarneq kisiisa eqqarsaatigalugit ingerlatseqatigiiffiit pisinissamut pissutissa-qarmata, tassami ingerlatsiviup aningaasarsiorinissaq siunertarisarmagu.

§ 14, imm. 3-p 1986-imi atuutilerneratigut inatsisiliornermi oqartussaasut erseq-qissumik isummerput inuit namminersortut pinnatik ingerlatseqatigiiffiilli kisimik tamatuma kingorna piginneqataassutininik pissarsianut annaasanulluunniit akileraaru-teqartinneqartassasut.

Paasinninnerput malillugu tamanna allanngortitsisoqassappat inatsisilik allan-gortitsisoqartariaqassaaq.

Aappaattut paasinninnerput unaavoq A-p piginneqataassutininik niueruteqarnermi-gut pissarsisarnera iluanaapallanniarnermut immini tunngavigineqarsinnaanngitsoq. Pappiaranik nalilinnik amerliartuaartitsineq matumani pineqarpoq, tassami nammi-neq aningaasaatit taamaallaat atorlugit pisisoqarmat. Pigisanik nalilinnik amerliar-tuaartitsinermit aamma ilaavoq akinik appaanissaq ilimanarsippat pappiaranit nali-linnit assigiinngitsunit pigisanit tunisineq.

Assersuutissarpassuarnik ilisimasaqarpugut akileraartartut piginneqataassutininik annertuunik niueruteqarsimasut "iluanaapallanniarnermi akileraartinneqarsiman-ngitsunik".

A tassunga taarsullugu pisiniartartoqatigiinnut eqqortunut aningaasat taakku atorlugit aningaasaliisimagaluarpat imaluunniit namminersortumut soraarnerussuti-siaqalernissamut nammineerluni aningaasaliisimagaluaruni pigisat nalillit ineriartornerat taannaaginnarsimassagaluarpoq akileraaruseriffiup tungaanit iluanaapallan-niarneregaanissamullu pissutissaqartitsisariaqarani.

Aamma ingerlatseqatigiiffiit piginneqataassutininik pisiffigineqarsimasut ilisarnaat-igisarpaat "ingerlatsiviukkajuttaramik iluanaapallanniarnarfiunngitsut", ingerlatsiviil-li qangaaniilli akit nikerarneratiguunngitsoq ingerlatseqatigiiffiilli namminneq ani-ngaasarsissutigisartakkamikkut piginneqataassutininik pisisartuminnut aningaasanik nalilinnik pilersitsisarput ingerlatseqatigiiffiit niueruteqarneranni qaffariaatitigut app-ariaatitigullu taamaallaat pilersinneqartartunit. Taamaattumik piffissami pisinerup nalaani iluanaapallanniarnermik siunertaqarneragaaneq pillugu akileraaruseriffiup tunngavilersuutaa ilumoorunneqassappat piginneqataassutininik taama ittunik pisisi-masoqarnaviannikkaluarpoq.

Isummat pingaernerit pingaannginerillu aallaavigalugit 2003-mut 2004-mullu isertitanut, kiisalu 2005-imut isertitassanut siuumoortumik nalunaarsukkanut akile-raarutaasussaasut qaffanneqarnissaannut tunngavissaqanngilaq." (Atorfeqarfimmi nutsigaavoq)

K Kommuni Akileraartarnermi Pisortaqarfimmut 24. juni 2005-imi ima-tut allappoq:

"Pineqartoq: Piginnaatitsinikkut suliaq/suliat.

Matumuuna isertitanut akileraarusigassanut annertussusileriikkanut allannguute-qartitsinissamat pisinnaatitsissut qinnutigineqarpoq:

AKILERAARTARTOQ: REG: NR.:/PNR: UKIOQ ISERTITAQARFIUSOQ:  
A... .. 2003

S21-mut missingiut ilanngullugu nassiunneqartoq malillugu. (quppernerit pingasut). Tamatuma saniatigut ilanngullugit nassiunneqarput makku assilineri:

1. S21a 31. maj 2005-imeersut (quppernerit arfineq pingasut) ilanngussaq ataaseq ilanngullugu (qupperneq ataaseq)
2. Akileraartartup kukkunersiuisuata ...-p allagai junip 23-aneersut (quppernerit marluk).” (Atorfeqarfimmi nutsigaavoq)

Pisortaqarfik 29. juni 2006-imi kommunimut akivoq:

”Akileraaruseriffik S21-mik nassiussinermigut qinnuiginnippoq A-, ..., ukiumut 2003-mut isertitaanit akileraarusigassanut angissusilikaminik aalajangiusimannin-nissaminut pisinnaateqqulluni.

Isertitat annertussusissaattut siunnersuut, 583.512 kr.

S21 ”suliaareersumut” siunnersuut nassiunneqartoq misissoreerlugu matumuuna annertussusiliinerup oqaatigineqartut aalajangiusimanissaanut pisinnaatitsissut tunniunneqarpoq.

Inaarutaasumik naatsorsuutip allangortitap assilineri pisortaqarfimmut faxikkut nassiunneqassaaq journal nr. qulaani taaneqartoq allallugu.” (Atorfeqarfimmi nutsigaavoq)

Kommunip allakkani 29. juni 2005-imeersuni A-p 2003-mi akileraarutissaanut angissusiliineq imaallillugu allangortippaa:

”Akileraartarnermi oqartussaasut ataani annertussusiliineq taaneqartoq SULIA-RAAT

Angissusiliineq ISUMAQATAAFFIGERUSUNNGIKKUKKU tamanna akileraaruseriffimmut allakkatigut oqaasiinnakkulluunniit saaffiginnikkut pissaq ulloq \_\_\_\_ nallertinnagu. Piffissaliunneqartoq qaangiutsinnagu isumaqataannin-nerit nalunaarutiginnikkukku angissusiliineq pineqartoq suliarineqareersutut isigineqassaaq.

Akileraartarnermi oqartussaasut angissusiliinerat pillugu NAAMMAGITTAAL-LIORTOQASSAAQ 29. juni 2005-imit sapaatit akunneri sisamat qaangiutsinnagit tunniunneqassaaq - uungalugu tunniunneqassalluni

Akileraartarnermi Siunnersuisoqatigiit, Postboks 1605, 3900 Nuuk, naammagittaalliut allakkatigoortuussaaq tunngavilersugaassallunilu.

ANGISSUSILIINEQ AKUERISINNAAGUKKU ANNERTUNERUSUMIK ILIUUSEQARNISSAT PISARIAQANNILAQ.

Angissusiliineq ima saqqummerpoq:

Kukkunersiuisuit allagai 23. juni 2005-imeersut Akileraaruseriffiup tiguai, allak- katigut taakkunuuna sinnerlutit 2003-mut aamma 2004-mut isertitanik akileraarusi- gassaatitaasunik Akileraaruseriffiup allannguiniarnera kiisalu 2005-imut siumoortu- mik nalunaarummik allangortitsererenera kukkunersiuisuit naammagittaalliuti- gaa. Tulliini suliaq ukiumut isertitaqarfiusumut 2003-mut tunngasoq taamaallaat su- liarineqassaaq.

Kukkunersiuisuit oqaatigaa § 14, imm. 3-kkut erseqqissarneqarpat piginneqataasutininik tunniussisoqarneratigut iluanaarutit annaasallu ingerlatseqatigiiffiit ilanngulugit naatsorsortassagaat tamatumali malitsigissavaa inuit ataasiakkat pappialat aningaasanik nalillit nalingisigut iluanaarutaat imaluunniit piginneqataassutinit annaasat akileraaruteqaataasussaanninnerat.

Akileraaruseriffiup paasinninnera unaavoq, akileraartarneq pillugu inatsimmi § 14, imm. 3 oqaatigineqartutut iluseqartoq ingerlatseqatigiiffiit isertitanik akileraaruteqaataasussanik naatsorsuinerminni iluanaarutit annaasallu tamakkerlugit ilanngulugit naatsorsuisarnissaat erseqqissarniarlugu. § 14-imi inuit ataasiakkaat akileraartarnermut tunngatillugu suliarineqartarnissaat oqaatigineqanngilaq, inunnulli ataasiakkaanut kattutissagaanni taava oqaatigineqarsinnaavoq piginneqataassutininik niueruteqarnermi iluanaarutit annaasallu tamakkerlugit inuit ataasiakkaat naatsorsuinerminni ilannguttariaqanngikkaat, taamaallaalli iluanaarutit annaasallu imaattut, tassalu inuussutissarsiordermit imaluunniit iluanaapallanniarnermi pissarsiat” tak. Akileraartarnermut inatsimmi § 24, imm. 1, nr. 2, pkt 2. Ingerlatseqatigiiffiit inuillu ataasiakkaat assigiinngissutaat taamaalluni imaappoq, tassalu ingerlatseqatigiiffiit piginneqatigiissutinit pappialat aningaasanik nalillit nalinginik iluanaaruteqarsimgaangata iluanaarutaat akileraaruteqartinneqartartut inuillu ataasiakkaat immikkut piumasagaatinik naammassinnissimgaangata aatsaat akileraaruteqartinneqartarlutik.

Aammattaq kukkunersiuisuit oqaatigaa § 24, imm. 1, nr. 2 pkt. 2-mut innersuus-sineq piginneqataassutit eqqarsaatigalugit attuumassuteqanngitsoq, tassami kinaluunniit piginneqataassutininik pisinaviannngimmat piginneqataassutit nalingisa qaffannissaannik ilimasuuteqanngikkuni.

Piginneqataassutit nalingisa qaffannissaannik ilimasuuteqarluni piginneqataassutininik pisisarnermut Akileraaruseriffik isumaqataavoq. Piviusorsiuinngitsorujussuarmilli taamatut ilisimasaqarneq akileraarutitigut iluanaapallanniarnermik oqartarnerup piviusunngortinniarnarani kisimiissinnaanngilaq. Akileraaruseriffiup aalajangiissamaarnerminik ilinnut allagaani 31. maj 2005-imeersumi immikkoortut aalajangersimasut assigiinngitsut arfineq marluk tamarmik iluanaapallanniarnermut tunngasuunersut aalajangiiffigineqannginneranni ataatsimut naliliinermi ilaatinneqartussat misissorneqassapput. Taamaattumik piviusoq imaappoq, tassalu pisuni ataasiakkaani ilisarnaatit akileraartartut siunertaannut atoneqartartut. Ajornartorsiut aamma imatut oqaatigineqarsinnaavoq, piginneqataassutinit pigisat (annikitsut) iluanaapallannissaq siunertarlugu tuneqqinneqarnissaannik siunertarluni pisigaluaaraanniluunniit akileraartarneq eqqarsaatigalugu iluanaapallanniarnerusariaqanngitsoq, tassami iluanaapallanniaraanni annertussutsip aalajangersimasup angusimanissaa pisariaqarmat. Taamaattumik Akileraartarnermut inatsimmi § 24, imm. 1, nr. 2, pkt. 2, inatsisitigut tunngavittut pisut ilaanni piumasagaatit aalajangersimasut naammassineqarsimatillugit iluanaapallanniarnernup akileraaruteqartitsisinnaaneranut – aamma piginneqataassutininik niueruteqarsinnaanermut attuumassuteqarpoq. Taamaattumik Akileraaruseriffik isumaqarpoq piginneqataassutit iluanaapallanniasutaalluartarnerat eqqarsaatigalugu Akileraartarnermut inatsimmi § 24, imm. 1, nr. 2, pk 2 tassaasoq piginneqatigiissutit eqqarsaatigalugit immikkut tassunga attuumassuteqartoq.

Kukkunersiuisut allappoq ingerlatseqatigiiffik piginneqataassutininik pisinermini inuussutissarsiornissamit imaluunniit iluanaapallannissamit allaanerusumik siunertaqarunnannngitsoq, tassami ingerlatseqatigiiffinnit aningaasarsiornissaq siunertaa-sarmat. Suliamut ilinnut tunngasumut atatillugu qulaani taaneqartumut attuumassuteqarnera Akileraaruseriffiup takusinnaanngilaa, tassami ingerlatseqatigiiffiunak inuugavit.



Kukkunersuisut isumaqarpoq taamaallaat ”pappiaranik nalilinnik amerliartuaar-titsisutit”, taamaattumillu akitigut appaasoqassamaaleraangat pappiarat nalillit assi-giinngitsut tunineqartartut.

Akileraaruseriffiup oqaaseq ”pappiaranik nalilinnik amerliartortitsineq” iliuse-qarfigissanngilaa, taamaallaalli maluginiarlugu piffissap sivisunngitsup iluani arla-lippassuariarlutit pisillutillu tunisaqartarsimasutit. Tassunga pingaartumik ingerlat-seqatigiiffimmit ataatsimit, tassalu ...-mik/...mik piginneqataassutinik arlaleriarlutit pisillutillu tunisisarsimanerit ilanngullugu. Taamaallitut piginneqataassutinik niue-riteqarnermut atatillugu iluanaapallanniartutut isigineqarnissamut Akileraaruserif-fiup paasinninnera malillugu piumasaqaatinik naammassinnissimavutit.

Kukkunersuisut allappoq tassunga taarsullugu pisiniartortoqatigiinnut eqqortu-nut aningaasat taakku atorlugit aningaasaliisimagaluaruit imaluunniit soraarnerussu-tisiaqalernissamut namminersortumut nammineerlutit aningaasaliisimagaluaruit pi-gisat nalillit ineriartornerat taannaaginnarsimassagaluarpoq akileraaruseriffiup tu-ngaani iluanaapallanniarneregaanissannik pissutissaqalersitsinngitsumik.

Akileraaruseriffiup paasinninnera malillugu pisoq piviusorsiuunngitsorujussuaq pineqarpoq. Siullermik pisiniartortoqatigiit aqutugalugit pinnak toqqaannartumilli inuttut pisiniarsimavutit. Aappassaanik pisiniartortoqatigiinnik ilittulli annaasaqar-nissamik qunussuteqanngitsunik nassaarnissaq ajornakusoortussaavoq. Assersuuti-tut oqaatigineqarsinnaavoq 2004-p naalernerani nammineerlutit nalunaarutinni qup-perneq 4 malillugu piginneqataassutit pappiarat nalillit nalingisigut katillugit 2.947.970 kr.-nik + 1.646.894 kr.-nik + 831.124 kr.-nik nalillit pigigitit. Aningaasat taaneqartut kingulliit ...-mik piginneqataassutinut sanaartornermut inissimasor-piatut isigineqartumut attuumassuteqarput. Taamaattumik piginneqatigiissutit pigi-satit allat (2.947.970 kr. + 1.646.894 kr.) = 4.594.864 kr.-upput. Taakkunaannga ... ki-siat eqqarsaatigalugu piginneqataassutini pappiarat nalillit nalingi Told & Skatimi R 75 malillugu (1.222.224 kr. + 2.218.110 kr.) = 3.440.434 kr.-iupput. Taamaattumik ...-mik piginneqataassutitit (3.440.434 kr.-iusut/ 4.594.864 kr.-iusut) pappiarat nalil-lit assigiinngitsut pigisavit = 74,9%-eraat. Pigisat ilaat qanoq annertutigisut inger-latseqatigiiffinnut inissinneqarnissaannut pisiniartortoqatigiinnit malittarisassaqaq-artinreqarajuttarput. Piginneqataassut taanna 5%-iulluniluunniit 10%-iugajuttarpoq. Taamaaliortoqartarpoq annassaqaataasinnaasut killilerniarlugit. Pingajussaannik pi-siniartortoqatigiiffiup pappiarat nalillit nalinginik iluanaaruteqartitsikkajuttartup pi-ginneqataassutinik piginnittunut pappiarat nalillit nalinginik akileraaruteqaataasus-sanik tunniussisariaqartarnera Danmarkimi akileraartarnermut malittarisassatigut qularnaarreqartarpoq, akileraartarnerlu eqqarsaatigalugu tamanna soqutaanngilaq.

Kukkunersuisuit allagaani titarnertaap kingulliup tulliani, ”ingerlatseqatigiiffin-ni iluanaapallanniarnarfiusartuni” pisisimanninnerarlutit oqarnera Akileraaruseriffiup isumaqatiginngilaa. ...-mi pappiarat nalillit nalinginik nikerartoorujussuarternermi-gut ilisimaneqarpoq, illillu pisiniariaatsit - ingerlatseqatigiiffimmi ataatsimi piginne-qataassutinik pisisarnerit/tunisisarnerit - iluanaapallanniarnermik pissusilersornertut isikkoqarpoq. Taamaattumik Akileraaruseriffiup akileraartarneq eqqarsaatigalugu iluanaapallanniartutut isigineqarnerit aalajangiusimavaa.” (Atorfeqarfimmi nuts-i-gaavoq)

Akileraaruseriffiup angissusiliineq ulloq taanna 2004-mut allanngartip-paa.

Tamatuma kingornatigut A-p kukkunersuisuata 2005-imi angissusilii-nermik allanngartitsineq sumoortumillu nalunaarsuineq naammagittaal-liuutikkut 12. juli 2005-imeersukkut Akileraartarnermut Siunnersuisoqati-giinnut saqqummiuppaa:



**“A-p (cpr. nr. ...) ukiunut 2003-mut aamma 2004-mut akileraartarnissaanut angissusiliineq kiisalu 2005-imut siumoortumik nalunaarut pillugu naammagittaalliut.**

Akileraartartup qulaani taaneqartup 2003-mut 2004-mullu isertitassatut nammineerluni nalunaarutai K Kommunip 29. juni 2005-imi angissusiliinermigut qaffappai kiisalu 2005-imut siumoortumik nalunaarutit imatut qaffallugit:

	<b>Siumoortumik nalunaarutit</b>		
	<b>2003</b>	<b>2004</b>	<b>2005</b>
Isertitat namm. nalunaarsukkat/ siumoortumik nalunaarsukkat	30.914	272.263	8.000
Piginneqataassutinit pissarsianit akileraarutit	434.118	788.119	1.037.891
...-p ingerlatseqatigiiffiisa kattunneqar- nerannut atatillugu aningaasat iluanaa- rutitit tunniunneqartut		18.480	
Tunniunneqartutut nammineerluni nalu- naarutigineqartut assigiingissutaat			-1.122
Tamatuma kingornatigut akileraarusi- qassatut isertitanut aningissusiliussat	583.512	1.059.260	1.045.891

**Piomasagaat**

Matuma kingornatigut tunngavilersuut naapertorlugu aningissusiliinermut isumaqataa ngilagut, taamaattumillu A sinnerlugu aningaasanut nammineerluni nalunaarutaqaqaartunut isertitat nammineerluni nalunaarutigineqartut/siumoortumik nalunaarutigineqartut apparneqarnissaat piomasagaatigaarput, taamaattorli aningaasat iluanaarutit amerlanaarlugit 2004-mut nalunaarutigineqartut pinnagit.

**Akileraarutit akilernerqarnissaannik kinguartitsineq**

Naammagittaalliummut matumunnga peqatigitillugu suliap akileraartarnermi aalajangiisartut aalajangeereernissaannut akileraarutit akilernerqarnissaasa kinguartinneqarnissaat piomasaraarput.

**Piomasagaammut tunngavilersuut**

Iluanaapallanniarnermut akileraarusiinissaq pillugu piomasagaatitsinnut tunngavilersuutit marluk oqaatigissavagut immikkut tamarmik akileraaruseriffiup qaffaaniarneranik itigartitsinermik kinguneqartitsisariaqartut, tassalu makkuninnga itigartitsinerit

1. iluanaapallanniarnerep pineqarnera
2. iluanaapallanniarnermik isiginninneq, tak. Akileraartarnermut inatsimmi § 22, imm. 1, nr. 2, pkt 2, piginneqataassutinik tunisinermi iluanaarutininut annaasanullu atorneqarsinnaammata.

**1) pillugu**

Akileraaruseriffiup qaffaanermut tunngavilersuutaa tassaavoq iluanaapallanniarnerep pineqarneranut uppernarsaatit/ilimatsaassinerit niuerutigineqartut annertussusaatigut pilersimmamata, tak. Akileraartarnermut inatsimmi § 24, imm. 1, nr. 2, pkt 2.

Isumaqarpugut pigisanik pappiaranik nalilinnik amerliartuaartitsineq, niuerutigineqartullu annertussusaat suli annertuallaanngitsutut isigineqarnerat pigisat pappiaranik nalillit ukiut ingerlaneranni annertusiartuinnarnerannik takussutissaaginnar-toq. Tassunga ilanngullugu nuussinerit ilaat eqqarsaatigalugit pinngitsaaliinikkut ti-gusititsinerit soorunalimi inisseqqinneqartussat pineqarput.

Pigisat pappiaranik nalillit amerliartuaartinneqarnissaasa pineqarnerat ilaatigut nammineq aningaasaatit atorlugit pisinerup, soorluttaarlu piffissap ingerlanerani ingerlatseqatigiiffinni piginneqataassutininik ungasissoq isigalugu pisisoqartarnera ilisarnaataajuaannarsimasoq piginneqataasut namminneq iluanaarutaasigut „aningaasaataasa“ naleqquttumik ernialersuinikkut naleqarnerulersitsinissamut upper-narsaataasoq.

Akileraaruseriffiup „piginneqataassummik tunisaqaqqinnikkut iluanaaruteqarnis-saq siunertaralugu pisinerup iluanaapallanniarnertut paasineqarnera...“ pillugu ataatsimut isiginninnera matumunnga atatillugu eqqunngilaq, tassami ingerlatseqati-giiffinni niuertut niueqatigiittarfianni nalunaarsorsimasuni piginneqataassutininik tu-niseqqinnikkut annaasaqarnissaq siunertaralugu kialuunniit pisinissaa takorloorumi-naammat.

Isiginnineq illumik inigitinneqarnermigut tunineqaqqinermigullu iluanaarute-qarnissaq siunertaralugu pisinermut attuumassuteqarsinnaavoq, isiginninnerli pigin-neqataassutininik pisineq pineqartillugu attuumassuteqanngilaq.

## **2) pillugu**

§ 14, imm. 1-p 1986-imi atuutilerneratigut inatsisiliornermi oqartussaasut erseq-qissumik aalajangiipput piginneqatigiissutininik pappialat aningaasanik nalillit nali-ngisigut iluanaarutit annaasalluunniit ingerlatseqatigiiffinnit siunissami (siusinneru-sumut taarsiullugu) akileraaruserneqartassasut.

Aalajangersakkamut tassunga peqatigitillugu toqqaannanngitsumik aalajanger-sarneqarpoq inuit piginneqataassutininik iluanaarutitigut iluanaarutaat annaasaalluun-niit akileraaruteqaataasussaassanngitsut.

Ingerlatseqatigiiffik ingerlatseqatigiiffiit pillugit inatsisit naapertorlugit inuussu-tissarsiutit sullivimmik ingerlatsinikkut iluanaaruteqarnissaq siunertaralugu inger-latsissaq, taamaattumik § 24, imm. 1, pkt. 2 piginneqataassutininik atorneqarsinnaa-neranik paasinnikkaanni, taava piginneqataassutininik iluanaarutit ingerlatsiviit akile-raartussaanerit pillugu § 14, imm. 3 atulersinneqarsimasariaqanngikkaluarpoq, tas-sami inuussutissarsiorneq imaluunniit iluanaapallanniarneq tamatumani pineqartus-saasuannassammat.

Isumaqarpugut inuit piginneqatigiissutininik iluanaarutaat annaasaallu akileraar-u-siinikkut arsaarinnissutigineqarsinnaanngitsut inuussutissarsiutaanerit eqqarsaati-galugu inatsisitigut allannguisoqanngippat.

Taamaattumik tunngavilersuut 1 2-luunniit malinneqanngikkaluarpataluunniit isertitat aningaasanut nammineerluni nalunaarsoriikkanut/siumoortumik nalunaar-soriikkanut appartinnissaat piumasaraarput.

## **Iluanaarutininik akileraarusersuineq**

2003-mut 18.483 kr.-nut qaffaaneq eqqarsaatigalugu makku oqaatigaagut: Akile-raaruseriffiup § 70, imm. 2-mut innersuussinera kukkuneruvoq, tassami ingerlatse-qatigiiffik kalaallit pigisaat matumani pineqanngimmat. Kattussinermit atatillugu piginneqataassutininik nuussinermut ataatsimut 330 kr.-t tunniunneqartoq aaqqiissu-taavoq kattussinerup sionatigut kingornatigullu piginneqataassutit nalingisa nalim-massarnissaat pissutigalugu. Akileraartarnermut inatsimmut sanilliussissagaanni kattusseqatigiinneq pillugu inatsimmi § 24, imm. 2 innersuussutigineqarsinnaavoq.

Isumarput malillugu piginneqataassuteqaataaqaartunit ilaatigut akileraaruteqaataasussaanngitsunik aningaasanik tunniussineq pineqarpoq." (Atorfeqarfimmi nutsigaavoq)

Akileraartarnermi Pisortaqarfiup K Kommuni 27. juli 2005-imi qinnuigaa naammagittaalliuut pillugu oqaaseqaateqaqqullugu kiisalu 2003-mi 2004-milu suliani paasissutissat nassiuteqqullugit.

Kommunip Akileraartarnermi Pisortaqarfik 3. august 2005-imi imatut akivaa:

"Akileraartarnermi Pisortaqarfiup allagai 27. juli 2005-imeersut (suliaq nr. ...) akileraaruseriffiup tiguai, akileraaruseriffillu taakkunani qinnuigineqarpoq akileraartartup naammagittaalliuutaa tunniunneqartoq pillugu oqaaseqaammik kiisalu ukiuni isertitaqarfiusuni 2003-mi 2004-milu suliani paasissutissanik nassiusseqqullugu.

Ukiuni isertitaqarfiusuni 2003-mi 2004-milu suliani paasissutissat ilanngullugit nassiunneqarput. Akileraaruseriffiup oqaaseqaataa:

Akileraartartup naammagittaalliuutaa 12. juli 2005-imeersaq akileraaruseriffiup tiguua.

Akileraaruseriffik isumaqarpoq akileraartartup naammagittaalliuutaa paasissutissanik nutaanik pingaaruteqartunik imaqaanngitsoq. Taamaattumik akileraaruseriffik suliaq pillugu oqaaseqaatissaqaanngilaq." (Atorfeqarfimmi nutsigaavoq)

A-p Akileraartarnermut Siunnersuisoqatigiit naammagittaalliuut pillugu akissuteqarnissaannik nukingisaarlugillu akiliinerup kinguartinneqarnissaanik allakkani 25. oktober 2005-imeersuni imatut qinnuteqarfagai:

"K Kommunip tulleriinneri malillugit 2003-mi 2004-milu akileraaruteqaataasus-satut isertitannik amerlassusiliisimaneranik kiisalu 2005-imi siumoortumik nalunaarsukkanik qaffaasimaneranik kukkunersuisora ... aqqutigalugu 12. juli 2005-imi naammagittaalliuuteqarpunga. Siunnersuisoqatigiit naammagittaalliummut peqatigitillugu qinnuigaakka akiliinissaq suliap Akileraartarnermut Siunnersuisoqatigiit suliami aalajangiinissaata tungaanut kinguartinneqarsinnaanersoq.

Naammagittaalliuutima nassiunneqarnerata kingornatigut massakkut qaammatit pingasut sinnerlugit ingerlareersut naammagittaalliuutima Akileraartarnermut Siunnersuisoqatigiinnit tiguneqarsimaneranut kiisalu Siunnersuisoqatigiit naammagittaalliummik qaqugu suliarinninniarnerannut Akileraartarnermut Siunnersuisoqatigiit Allattoqarfiannit uppernarsaammik tigusaqarsimannnginnama naammagittaalliuut tiguneqarsimansoq suliallu qaqugu suliarinissaa Siunnersuisoqatigiit naatsorsuutigineraat nalunaarutigeqqullugu matumuuna inussiarnersumik qinnutigissavara.

Taamatutaaq akiliinissap suliamik aalajangiiffigninnissap tungaanut kinguartinneqarnissaanik qinnutigisara akeqqullugu inussiarnersumik qinnutigissavara, tassami aningaasat uannut amerlaqisut pineqarmata. Konto pillugu takussutissiaq erniallisarnermik takutitsisoq K Kommunimi akiliisitsiniartarfimmit ingerlaavartumik tigusarpara." (Atorfeqarfimmi nutsigaavoq)

A uannut allakkatigut imaattunik oqaasertaqartutigut 24. november 2005-imi naammagittaalliorpoq:

## **"Akileraarutitut Akitsuutinullu Pisortaqarfik pillugu naammagittaalliut.**

Ataatigut atsiortunga ..., inuttut normora: ..., Kalaallit Nunaanni Akileraartarnermut Siunnersuisoqatigiit pillugit Inatsisartut Ombudsmandiannut matumuuna naammagittaalliorniarpunga.

Naammagittaalliutima nassiunneqarneranut tunngaviusoq unaavoq.

K Kommuni allakkatigut 31. maj 2005-imi nalunaarfigaanga ukiumi akileraarfiusumi 2003-mi nammineeurlunga nalunaarutigisakka 583.512,00 kr.-nut, ukiumi akileraarfiusumi 2004-mi nammineeurlunga nalunaarutigisakka 1.059.260 kr.-nut kiisalu 2005-imi siumoortumik nalunaarutigisakka 429.090,00 kr.-nut qaffanneqalersaartut. Akileraaruseriffiup tamatumunnga peqatigitillugu malugeqquaa allannguutit saqqummiunneqartut isumaqatiginngikkukkit aalajangiineq taanna 28. juni 2005 nallertinnagu naammagittaalliutiginnaagiga.

Aalajangiineq taanna kukkunersuisora ... aqutugalugu allakkatigut 23. juni 2005-imeersutigut K Kommunimut naammagittaalliutigaara. Akileraaruseriffiup aalajangiinini allakkatigut 29. juni 2005-imeersutigut aalajangiusimavaa, tamatumunngalu peqatigitillugu nalunaarutigalugu allannguutit suli isumaqatiginngikkukkit akileraartarnermi oqartussaasut amerlassusiliinerat 29. juni 2005-imit sapaatit akunneri sisamat qaangiutsinnagit Kalaallit Nunaanni Akileraartarnermut Siunnersuisoqatigiinnut naammagittaalliutiginnaagiga.

Naammagittaalliutiga kukkunersuisora aqutugalugu Akileraartarnermut Siunnersuisoqatigiinnut 12. julimi nassiuppara, nammineeurlunga nalunaarutigisakka/siumoortumik nalunaarutigisakka nammineeurluni nalunaarutigineqaaqartutut amerlatigilersillugit appartinneqarnissaat piumasaaqatigalugu. Matumani oqaatigineqasaaq nammineeurlunga nalunaarutigisannik allannguinerit uanga tunginnit ilanngusinnitsoornernik akileraarutitigulluunniit pequserlunniarnermik tunngavilersorneqanngitsut, taamaallaalli akileraartarnermi oqartussaasup tungaanit kinaassusersortumik naliliinermik tunngavilersorneqarlutik.

Akileraartarnermut Siunnersuisoqatigiit tamatumunnga peqatigitillugu qinnui-gaakka akileraarutitut qaffaatigitinneqartunik akiliinissaq suliap aalajangiivigineqarnissaata tungaanut kinguartikkumallugu.

Naammagittaalliutip nassiunneranit qaammatit pingasut sinnerlugit qaangiunne-ranni suli tusagaqannginnama Akileraartarnermut Siunnersuisoqatigiinnut nukingi-saarut 25. oktober 2005-imi nassiuppara, tassami K Kommuni akileeqqusilluni nu-kingisaarutai tigoorartuarakkit.

Suliami matumani Ombudsmandimut saaffigininnissannik toqqaaninnut tunngavilersuutiga tassaavoq inatsisiliortut tungaanit naammagittaalliorfissalisoqarsimamat, tassalu Akileraartarnermut Siunnersuisoqatigiinnut, misigisimavungali naammagittaalliorfissaq taanna akisussaaffimminik eqqortitsinngitsoq, naammagittaalliutip tiguneqarnera nalunaarutigineqanngilluinnarmat, imaluunniit suliamik uannut tunngasumik Siunnersuisoqatigiit qaqugu suliarinninnissaat naatsorsuutigineqarnerisooq paasissutissiisoqanngimmat." (Atorfeqarfimmi nutsigaavoq)

Suliamik suliarinnittora Akileraartarnermut Siunnersuisoqatigiinnut 5. december 2005-imi imatut allappoq:

"Naammagittaalliutip Akileraartarnermut Siunnersuisoqatigiinnut kukkunersuisumit naalagaaffimmit akuerisaasumit ...-mit A sinnerlugu 12. juli 2005-imi nassiunneqarsimasup Akileraartarnermut Siunnersuisoqatigiinnit suli akineqarsiman-

nginnera pillugu naammagittaalliut, assiliner ilanngullugu nassiunneqartoq, Ombudsmandip tiguaa, naammagittaalliutillu taassuma aamma imaraa akileraarutininik akiliinissap kinguartinneqarnissaanik qinnuteqaatip Akileraartarnermut Siunnersuisoqatigiinnit akineqarsimannginnera. A-p nukingisaarutaata 25. oktober 2005-imeersup akineqarsimannginnera A-p aamma naammagittaalliutigaa.

Naammagittaalliutip Atorfeqarfimmi kalaallisuumut nutserneqarnera ilanngullugu aamma nassiuppara.

Akileraartarnermut Siunnersuisoqatigiit tamatumunnga atatillugu qinnuigaakka naammagittaalliut pillugu oqaaseqaateqaqqullugit, taamaatuttaarlu Akileraartarnermut Siunnersuisoqatigiit qinnuigaakka A-p naammagittaalliutaa pillugu suliaq allagaatinik imalik misissugassanngorlugu uannut nassiuteqqullugu.

Akileraartarnermut Siunnersuisoqatigiit akissutaat A-mut suliami illua'tungiusumut tusarniaatit saqqummiunneqarsinnaavoq.

Qulaani taaneqartut saniatigut 2003-mi akileraaruteqaataasussatut isertitat pillugit K Kommuniq nalunaarutaanit (S21a-mit) 29. juni 2005-imeersumit erserpoq amerlassusiliineq Akileraartarnermut Siunnersuisoqatigiinnit immikkut piginnaatinneqarneq tunngavigalugu pisimasoq. Tamanna A-p naammagittaalliutaani ilanngullugu oqaatigineqanngikkaluartoq taamaattoqarnera misissuinermik aallartitsinerumut pissutaasinnaanersoq Ombudsmandip isumaliutersuutigaa.

Pissuseq kingullertut taaneqartoq pillugu Ombudsmandip isumaliutersuuteqarnerani atugassatut Akileraartarnermut Siunnersuisoqatigiit qinnuigaakka K Kommuniq piginnaatissisutut assiliner uannut nassiuteqqullugu."

Akileraartarnermut Siunnersuisoqatigiit Allattoqarfiata akileraarutininik akiliinissap kinguartinneqarnissaanik aalajangiineq pillugu suliaq ingerlasimaneraniq allaaserinninnera 10. december 2005-imeersoq imaattunik oqaasertaqarpoq:<sup>5</sup>

#### **"Aallaqqaasiut**

A ...ApS-mi pisortaavoq. Akileraartartoq ukiut ingerlaneranni aktianik, nunanit allaneersuunerusunik, pisiortorsimavoq.

#### **Amerlassusiliineq naammagittaalliutigineqartoq**

Akileraartarnermi oqartussaasup ukiuni isertitaqarfiusuni 2003-mi 2004-milu amerlassusiliinera kiisalu ukiuni isertitaqarfiusumi siumoortumik naatsorsuineri ... illoqarfimmi K-miittup allagaasigut 12. juli 2005-imeersutigut naammagittaalliutigineqarpoq.

Akileraarutaasussanik amerlassusiliinikkut akileraarutaqqittussanngortut akilerneqarnissaasa suliaq Akileraartarnermut Siunnersuisoqatigiinnit aalajangiivigineqarnissaata tungaanut kinguartinneqarnissaa kukkunerisuiusup qinnutigaa. Illoqarfimmi K-mi akileraaruseriffiup (...p) 12.12.2005-imi nalunaarutigaa 2003-mi akileraarutaqqittussat 203.287 kr.-t akilerneqarsimasut, 2004-milu akileraarutaqqittussanit - 3 x 116.668 kr.-nit - naafferartumik akilersorneqartussanit naafferartumik akiliutissat pingajui 116.668 kr.-t ullumikkut akilerneqarsimasimangitsut.

---

5. Suliami allagaatit Akileraartarnermut Siunnersuisoqatigiit 21. december 2005-imi aamma 11. juli 2006-imi allagaani ilanngullugit nassiunneqanngillat, oqarasuaatikkulli 25. oktober 2006-imi pissarsiariniarneqarlutillu ulloq taanna telefaxikkut nassiussatut tiguneqarput.

2005-imi B-tut akileraarutit akilerneqarsimapput.

Naammagittaalliortut naammagittaalliummut tunngavilersuummik paasinninnerat.

Akileraaruteqaataasussanik amerlassusiliineq kukkunersuiisup isumaqatiginngilaa, amerlassusiliinerullu aningaasat nammineeeluni nalunaarutigineqartut amerlassusiattut amerlassuseqalersillugit allangortinneqarnissaat kissaatigalugu. Tamatumma pissuseqataa ukiumi isertitaqarfiusumi 2005-imi siumoortumik nalunaarsuinnermut atuuppoq.

### **Akileraartarnermi oqartussaasup inassuteqaataa**

Akileraartarnermi oqartussaasoq kinguartitsinissaq pillugu oqaaseqaateqanngilaq.

### **Inatsisini malittarisassanut innersuussineq**

1. Inatsisini malittarisassanut innersuussineq

Aningaasarsianit akileraarutit pillugit Inatsisartut inatsisaanni § 67.

"§ 66 malillugu naammagittaalliorneq kiisalu angissusiliinnermut naammagittaalliornerit § 55, stk. 6, § 56, stk. 2, § 57, stk. 1 aamma § 59, stk. 1 malillugit pisut naammagittaalliortup akileraarutit akiligassanngorfiini akiliinnginnissamut tunngavigineqarsinnaanngillat. Pissutsit immikkut ittut pisariaqartippassuk taamaattoq qinnuteqartoqarneratigut akileraarutit ilaannik naammagittaalliummut tunngasunik akiliinnginnissamik tamakkiisumik ilaannakortumilluunniit kinguartitsinermik akileraartarnermut siunnersuisoqatigiit nalunaaruteqarsinnaapput."

2. Eqqarsaatersuutitut periaatsimullu innersuussineq

Pissutsinik immikkut ittunik naliliinermit Akileraartarnermut Siunnersuisoqatigiit ilaatigut manna pingaartillugu isiginiartarpaat, tassalu naammagittaalliortoq pissutsimi naammagittaalliutiginetartumi suliamik naliliineq aallaavigalugu tamakkiisumik ilaannakortumilluunniit akuersarneqarsinnaanersoq.

Imaaliallaannaq akuersarnermi suliamik suliarinninnermi kukkunernik anner-tuunik ersarissunik kukkusoqarsimanera malugineqarsinnaassaaq, imaluunniit amerlassusiliinerup naammagittaalliutiginetartup erseqqissumik kukkuneqartumik tunngaveqarluni pisimanera malugineqarsinnaassalluni.

Pissutsinik immikkut ittunik naliliinermit akileraarutaqqittussat aningaasartaasa amerlassusiat ilanngullugu isiginiarneqarsinnaavoq. Aammattaq akileraarutaqqittussanik akiliineq akileraartartup nammineq aningaasaqarneranut qanoq sunniuteqartigisoq pingaartillugu isiginiarneqarsinnaavoq. Akileraartartoq akileraarutaqqittussanik akilerneqartussanngorsimasunik akiliisinnaajumalluni pigisanik aalaakkaasunik tuniniaasariaqalerpat akiliinissamik kinguartitsisoqarsinnaavoq, pisariaqarpat aningaaseriviup aningaasanik tigoraaannarnik tunniussisinnaanermik qularnaveeq-qusiussaata nassiunneratigut.

### **Allattoqarfiup naliliinera tunngavilersuutaalu**

Siumoortumik nalunaarsuineq eqqarsaatigalugu naammagittaalliorfissaq eqqortoq tassaavoq illoqarfimmi K-mi akileraartarnermi oqartussaasoq, tak. akileraartarneq pillugu inatsimmi §§-it 47 aamma 48. Pissuseq tamanna inuussutissarsiutigalugu kukkunersuiisup ilisimasariaqaraluarpa. Qinnuteqaat aningaasat akileraartartumut amerlagunaqisut pineqarnerannik tunngavilersorneqarsimavoq.

Ukiuni isertitaqarfiusuni 2003-mi 2004-milu akileraarusiisimanermik misissueqqaarneq akileraartarnermi oqartussaasup amerlassusiliinerini kukkunernik amigaatinillu nassaarfiusimangilaq.

### **Allattoqarfiup naliliigallarnera**

Suliamik pissutsinillu ilinnut tunngasunik ataatsimut naliliinerup kingornatigut Akileraartarnermut Siunnersuisoqatigiit Allattoqarfiat isumaqarpoq pissutsinik immikkut ittunik taamaattunik atuuttoqanngitsoq. Allattoqarfilli isumaqarpoq aningaaseriviup aningaasanik tigorianaannarnik tunniussisinnaanermik qularnaveeqqusiussaanik nassiussisoqarpat akiliinermik kinguartitsinissaq akuerineqarsinnaasoq.

Oqaatigineqassaag aalajangiinermi matumani pissutsit naammagittaalliutiginetartut isummerfigineqanngimmata, akileraartartorlu naammagittaalliordermini ilalernerqanngippat akileraarutaqqittussanut akiitsut erniaat naatsorsorneqassapput, nalinginnaasumik inaarutaasumik naatsorsuinerit akilerneqarsimaffissaasa ulluinit sunniteqalersumik.

---oo0oo---

Ernialersuinissamut siunnersuut.

Suliarineqarpoq, immikkullu allagaatitut isigineqassalluni." (Atorfeqarfimmi nutsigaavoq)

Akileraartarnermi Pisortaqarfiup A-mut allagai 12. december 2005-imeersut imaattunik oqaasertaqarput:<sup>6</sup>

### **"Akileraarutaqqittussanik akiliinerup kinguartinneqarnera**

K Kommunimi akileraartarnermi oqartussaasup ukiuni isertitaqarfiusuni 2003-mi 2004-milu akileraaruteqaataasussatut isertitatit 583.512 kr.-nut aamma 1.050.260 kr.-nut amerlassusilersimavai.

Amerlassusiliinerit 2003-mi akileraarutaqqittussanik 203.287 kr.-nik aamma 2004-mi 350.004 kr.-nik nassataqarsimapput.

K Kommunimit ullumikkut oqaatigineqarpoq 2003-mi akileraarutaqqittussat akilerneqarsimasut, 2004-milu akileraarutaqqittussanut naafferartumik akiligassat marluk kr. 233.336 kr.-t akilerneqarsimasut. Taamaalillutik 2004-mi naafferartumik akiligassat pingajui 116.668 kr.-t kisimik akilerneqarsimangillat.

Akileraarutininik akiliinissavit suliap Akileraartarnermut Siunnersuisoqatigiinnit aalajangiiffigineqareernissaanut kinguartinnissaa Akileraartarnermut Siunnersuisoqatigiinnut allakkani 12. juli 2005-imeersuni qinnutigisimavat.

Aningaasat ilinnut amerlagunaqisut pineqarnerat qinnuteqaammut tunngavilersuutigisimavat.

Akileraaruteqaataasussanik amerlassusiliinerimut atatillugu akileraarutaqqittussanik akiliinissamik kinguartitsinermik akuersissuteqarnissamut inatsisitigut tunngavigisaq aningaasarsianit akileraarutit pillugit Inatsisartut inatsisaanni nr. 5-imi, 19. maj 1979-imeersumi (akileraartarneq pillugu inatsimmi) § 67-imit erserpoq:

---

6.) Suliami allagaatit Akileraartarnermut Siunnersuisoqatigiit 21. december 2005-imi aamma 11. juli 2006-imi allagaani ilanngullugit nassiunneqanngillat, oqarasuaatikkulli 25. oktober 2006-imi pissarsiariniarneqarlutillu ulloq taanna telefaxikkut nassiussatut tiguneqarput

"§ 66 malillugu naammagittaalliorneq kiisalu angissusiliinermut naammagittaalliornerit § 55, stk. 6, § 56, stk. 2, § 57, stk. 1 aamma § 59, stk. 1 malillugit pisut naammagittaalliorlut akileraarutinin akiligassangorfiini akiliinninnissamut tungavigineqarsinnaangillat. Pissutsit immikkut ittut pisariaqartippassuk taamaattoq qinnuteqartoqarneratigut akileraarutit ilaannik naammagittaalliummut tunngasunik akiliinninnissamik tamakkiisumik ilaannakortumilluunniit kinguartitsinernik akileraartarnermut siunnersuisoqatigiit nalunaaruteqarsinnaapput."

Pissutsinik immikkut ittunik naliliinermi Akileraartarnermut Siunnersuisoqatigiit ilaatigut manna pingaartillugu isiginiartarpaat, tassalu naammagittaalliortoq pissutsimi naammagittaalliuutigineqartumi suliamik nalileeqqaarneq aallaavigalugu tamakkiisumik ilaannakortumilluunniit akuersaarneqarsinnaanersoq.

Imaaliallaannaq akuersaarnermi suliamik suliarinninnermi kukkunernik anner-tuunik ersarissunik kukkusoqarsimamala malugineqarsinnaassaaq, imaluunniit amerlassusiliinerup naammagittaalliuutigineqartup erseqqissumik kukkuneqartumik tunngaveqarluni pisimamala malugineqarsinnaassalluni.

Pissutsinik immikkut ittunik naliliinermi akileraarutaaqqittussat aningaasartaasa amerlassusiat ilanngullugu isiginiarneqarsinnaavoq. Taamatuttaaq akileraarutaaqqittussanik akiliineq akileraartartup nammineq aningaasaqarneranut qanoq sunniuteqartiginersoq pingaartillugu isiginiarneqarsinnaavoq. Akileraartartoq akileraarutaaqqittussanik akilernerqartussangorsimasunik akiliisinnaajumalluni pigisanik aalaakkaasunik, pappiaranik aningaasanik nalilinnik taakkualuunniit assigisaannik tuniniaasariaqalerpat akiliinissamik kinguartitsisoqarsinnaavoq, pisariaqarpat aningaaseriviup aningaasanik tigoriaannarnik tunniussisinnaanernik qularnaveeqqusiissaanik nassiussinikkut.

Suliamik pissutsinillu ilinnut tunngasunik ataatsimut naliliinerup kingornatigut Akileraartarnermut Siunnersuisoqatigiit Allattoqarfiat isumaqarpoq pissutsinik immikkut ittunik taamaattunik atuuttoqanngitsoq. Taamaattumik ukiumi isertitaqarfiusumi 2004-mi akileraarutaaqqittussanik 116.668 kr.-nik akiliinerup kinguartinneqar-nissaanik akuerineqanngilatit.

Allattoqarfili isumaqarpoq aningaaseriviup aningaasanik tigoriaannarnik tunniussisinnaanernik qularnaveeqqusiissaanik nassiussiguit akiliinernik kinguartitsinissaq akuerineqarsinnaasoq.

Oqaatigineqassaaq aalajangiinermi matumani pissutsit naammagittaalliuutigineqartut isummerfigineqanngimmata, akileraartartorlu naammagittaalliornermini ilalernerqanngippat akileraarutaaqqittussanut akiitsut erniaat naatsorsorneqassapput, nalinginnaasumik inaarutaasumik naatsorsuinerit akilernerqarsimaffissaasa ulluinit sunniuteqalersumik.

Suliaq naammagittaalliuutinnut tunngasoq Akileraartarnermut Siunnersuisoqatigiit 2006-imi aprilip majilluunnii qaammataani ataatsimiinneranni suliarineqassasoq naatsorsuutigineqarpoq." (Atorfeqarfimmi nutsigaavoq)

Akileraartarnermi Pisorta qarfiup allakkatigut 21. december 2005-imeer-sutigut imatut akivaanga:

"...

Akileraartarnermut Siunnersuisoqatigiit Allattoqarfiata Akileraartarnermi Pisorta qarfik qinnuigaa Ombudsmandip saaffiginnissutaa akeqqullugu.

Taamatut piumaffigineqarneq malillugu suliami naammagittaalliummut tunngasumi pisimasut ullulersorneqarnerannik takussutissiaq ilanngullugu nassiunneqarpoq, taamatuttaarlu pisorta qarfiup K Kommunimut piginnaatissisutitut allagaasa



28. juni 2005-imi ullulerneqarsimasut assilinerat ilanngullugu nassiunneqarpoq. Oqaatigineqassaaq akileraarutaaqqittussanik akiliinermik kinguartitsinissamik qinnuteqaat pillugu aalajangiinermi qinnuteqaat naammagittaalliortumit 12. december 2005-imi nassiunneqarsimammat.

Akileraartarnermut Siunnersuisoqatigiit Allattoqarfiata uppenarsaatitut allakkanik naammagittaalliortumut kukkunikkut nassiussisimannginnera Akileraartarnermi Pisorta qarfiup ajuusaarutigissavaa.

Suliaq naammagittaalliummut tunngasoq pineqartoq Ombudsmandimut misissugassanngorlugu ilanngullugu nassiunneqarpoq.

Allakkat ukua kalaallisuunngortinneqarnerat kingusinnerusukkut nassiunneqarumarpoq." (Atorfeqarfimmi nutsigaavoq)

Pisimasut ullulersorneqarnerannut takussutissiaq imaattunik imaqarpoq:

"Pineqartoq: Suliaq A-p (inuttut normua ...) naammagittaalliutaanut tunngasoq

29. juni 2005: Ukiuni isertitaqarfiusuni 2003-mi 2004-milu akileraaruteqaataasussanik allanngortitsineq pillugu aalajangiineq, K Kommunimit nassiunneqartoq.

18. juli 2005: Naammagittaalliut Akileraartarnermi Pisorta qarfimmi tiguneqarlu nilu nalunaarsorneqarpoq.

27. juli 2005: Oqaaseqaateqaqqusissut amerlassusiliinerlu pillugu paasissutissanik nassiuseqqusissut, Akileraartarnermi Pisorta qarfimit nassiussaq.

9. august 2005: K Kommunip oqaaseqaataa amerlassusiliinerlu pillugu paasissutissiissutai tiguneqarput.

31. oktober 2006: A Akileraartarnermut Siunnersuisoqatigiit ilaatigut naammagittaalliutit tiguneqarnerannut uppenarsaammik ilaatigullu akileraarutaaqqittussat akilernerqarnissaasa kinguartinneqarnissaanik qinnuteqarpoq.

6. dec. 2005: Ombudsmandi oqaaseqaateqaqqusivoq, naammagittaalliullu pillugu suliaq tamaat misissugassanngorlugu nassiuteqqullugu.

12. dec. 2005: Akileraarutaaqqittussat akilernerqarnissaasa kinguartinneqarnissaanik qinnuteqaat pillugu suliaq ingerlasimaneranik allaaserinninneq.

12. dec. 2005: Akileraarutaaqqittussat akilernerqarnissaasa kinguartinneqarnissaanik qinnuteqaammut akissutissatut missingiut suliarineqarpoq. Aalajangiineq naammagittaalliortumit 12. december 2005-imi nassiunneqarpoq.

#### **Naatsorsuutigineqarpoq:**

April/maj 2006: Suliaq Akileraartarnermut Siunnersuisoqatigiinnut aalajangiiffigissatut saqqummiunneqassaaq." (Atorfeqarfimmi nutsigaavoq)

Akileraartarnermi Pisorta qarfik Akileraartarnermut Siunnersuisoqatigiinnut allattoqarfittut A-mut 23. marts 2006-imi imatut allappoq:

"Akileraartarnermut Siunnersuisoqatigiit Allattoqarfiata ukiuni 2003-mi 2004-milu akileraaruteqaataasussatut isertitanik amerlassusiliinerit aningaasarsianit akileraarutit pillugit Inatsisartut inatsisaanni nr. 5-imi, 19. maj 1979-imeersumi, Inatsisartut inatsisaatigut nr. 6-ikkut, 11. november 2004-meersuklut kingullermik allanngortinneqarsimasumi § 115, imm. 5 tunngavigalugu suliarisimavai.

Naammagittaalliummik suliarinninneq aningaasarsianit akileraarutit pillugit Inatsisartut inatsisaanni § 56, imm. 6 tunngavigalugu pisimavoq.

Tamatumunnga atatillugu nalunaarutigineqassaaq akileraaruteqaataasussatut isertitavit imatut amerlassusilerneqarnissaat Allattoqarfiup inassuteqaatigilersaaraa:

**Ukioq isertitaqarfiusoq 2003**

Isertitanik massakkut amerlassusiliineq	583.512 kr.
Aktianik taarsiinermut atatillugu aningaasanik tigoraa-narnik tunniussineq 1. januar 2003 sioqqullugu aktianik pisinermut tunngasutut isigineqarpoq	<u>-18.480 kr.</u>
Akileraaruteqaataasussatut isertitanut amerlassusiliussat	565.032 kr.

**Ukioq isertitaqarfiusoq 2004**

Isertitanik massakkut amerlassusiliineq	1.059.260 kr.
Allangortinnagit amerlassusiliunneqarput	

Aktianik tunisinermi iluanaarutininik annaasanillu akileraartussaataasutut isigineqarputit, tak. aningaasarsianit akileraarutit pillugit inatsimmi § 24, imm. 1, nr. 2-mi oqaaseqaatigiit aappaat, tassami 1. januar 2003-p kingornatigut pisisimanerit iluanaarniapallanneq siunertaralugu pisisimanertut isigineqarmat.

Suliaq, inatsimmi malittarisassat Allattoqarfiullu naliliinerinik tunngavilersuutaanillu allaaserinninnerit eqqarsaatigalugit suliamik allaaserinninneq ilanngullugu nassiuunneqartoq innersuussutigineqarpoq.

Aalajangiinissatut siunnersuut siuliani taaneqartoq tamakkiisumik ilaannakortu-milluunniit eqqunngitsutut isigigukku akerliliissutissat ullumikkumiit sapaatit akun-neri sisamat qaangiutsinnagit nassiuuteqquneqarput, paasisutissanik uppersaati-nillu erseqqinnerusunik ilaqartillugit.

Isummavit aalajangiisoqannginnerani Akileraartarnermut Siunnersuisoqatigiit tullianik ataatsimiinneranni saqqummiunnissaannut periarfissaqarputit. Akileraar-tarnermut Siunnersuisoqatigiinnut sassarnissat kissaatigigukku qinnuigineqarputit Allattoqarfimmut ullumikkumiit sapaatit akuneri sisamat qaangiutsinnagit saaffi-ginnequllutit.

Suliaq Akileraartarnermut Siunnersuisoqatigiit 2006-imi aprilip qaammataata naanerani ataatsimiinneranni suliarineqarmissaa naatsorsuutigineqarpoq.

Kukkunersuiisorisat, ... aalajangiilersaarneq pillugu allakkat ukua assilinerannik nassinneqarpoq." (Atorfeqarfimmi nutsigaavoq)

Suliaq "suliaq allaaserineqarnera pillugu allakkiamik" taaneqartumik 6. maj 2006-imeersumik imaattumik aammattaq imaqarpoq:<sup>7</sup>

"Suliaq immikkoortut makkua allannguutaannut tunngasuuvoq:

1. Pappiaranik aningaasanik nalilinnik iluanaapallanniarnermik akileraarusiineq
2. Kattunermut atatillugu aguaaneq

**Aallaqqaasiut**

Naammagittaalliut ukiunut isertitaqarfiusunut 2003-mut 2004-mullu tunngasu-voq. Akileraartarnermi oqartussaasup aktiat tunineqartut iluanaapallanniutitut isiga-lugit akileraarusersimavai.

**Amerlassusiliineq naammagittaalliutigineqartoq****Ukioq isertitaqarfiusoq 2003 pillugu**

Isertitat nammeneq nalunaarutigisat	130.914 kr.
-------------------------------------	-------------

7. Suliami allagaatini Akileraartarnermut Siunnersuisoqatigiinnit tigusanni ilaan-gilaq

Aktianik tunisinermi iluanaarutit, akileraartarneq pillugu inat-simmi § 24, imm. 1, nr.-mi oqaaseqatigiit aappaat tunngavigalugit akileraaruteqaataasussatut isigineqartut	434.118 kr.
...-p aamma ...-p kattunnerannut	
atatillugu aktiat 56-it pillugit aningaasannorlugit tunniunneqartut, tak. akileraartarneq pillugu inatsimmi § 70, imm.2	<u>-18.480 kr.</u>
Akileraaruteqaataasussatut isertitanut amerlassusiliussat	583.512 kr.

### **Ukioq isertitaqarfusooq 2004 pillugu**

Isertitat nammineq nalunaarutigisat	272.263 kr.
Aktianik tunisinermi iluanaarutit, tak.akileraartarneq pillugu inatsimmi § 24, imm. 1, nr. 2-mi oqaaseqatigiit aappaat:	
...	788.119 kr.
Aktianit pissarsiat nikingassutaat	<u>-1.122 kr.</u>
Akileraaruteqaataasussatut isertitanut amerlassusiliussaq	1.059.260 kr.

### **Naammagittaalliuuteqartut paasinninnerat naammagittaalliummullu tunngavilersuutaat**

Akileraaruteqaataasussanik amerlassusiliineq kukkunersuiisoqarfiup ...-p (siusinerusukkut ...-p) illoqarfimmi K2-miittup allakkani 12. juli 2005-imeersuni naammagittaalliuutigaa, makkulu oqaatigalugit:

"..."  
"..."

### **Akileraartarnermi oqartussaasup inassuteqaataa**

Illoqarfimmi K-mi akileraartarnermi oqartussaasooq allakkani 3. august 2005-imeersuni imaattunik oqaaseqaateqarpoq:

"..."

### **Suliami pissusiviusut**

#### 2001-ip naanerani aktiat uninngasuutit

...

Ukiup ingerlanerani tallimariarluni niuertoqarsimavoq. Pisinerit pingasut tunisinerillu marluk.

...

#### 2002-p naanerani aktiat uninngasuutit

...

Ukiup ingerlanerani ataasiarluni niuertoqarsimavoq.

...

#### 2003-p naanerani aktiat uninngasuutit

...

Ukiup ingerlanerani 12-eriarluni niuertoqarsimavoq. Pisinerit qulingiluat tunisinerillu pingasut.

...

#### 2004-p naanerani aktiat uninngasuutit

...

Ukiup ingerlanerani 20-riarluni niuertoqarsimavoq. Pisinerit qulit tunisinerillu qulit.

...

Aningaasartuutaasunik toqqagaasunik piffissaq piginniffiusimasoq imatut isikko-qarpoq:

Ateq	Amerlass.	Ukioq tunisiffik	Piffissaq piginniffiusoq
...	...	...	...

### **Inatsisini malittarisassanut innersuussineq**

1. Inatsisini malittarisassanut innersuussineq

Inatsisartut inatsisaat nr. 5, 19. maj 1979-imeersoq Inatsisartut inatsisaatigut nr. 2-kkut, 27. marts 2006-imeersukkut kingullermik allanngortinneqartoq.

"§ 13. Aningaasarsiat akileraaruteqaataasussat § 1, stk. 2 aamma § 2, stk. 2 oqaa-seqatigiit siullit malillugit ilaassusaatitaanngitsut killiliinerillu kisiisa pinnagit tassaapput akileraartussaaitap ukiumut aningaasarsiai tamarmiusut, Kalaallit Nunaanni pisuugunik pisuunngikkunillu assigiimmik aammalu aningaasaagunik imaluunniit pigisaagunik aningaasanik nalillit assigiimmik."

"§ 14. Aningaasarsiat akileraaruteqaataasussat soorlu makkuupput:

- 1) ...
- 2) ...
- 3) aktianit anpartinillu ... aningaasarsiat ..."

"§ 24. Aningaasarsiat akileraaruteqaataasussat naatsorsorneqarneranni ilanngunneqassanngillat:"

...

"2) iluanaarutit annaasalluunniit akileraartussaaitap pigisaanik tunisinermit pisut, tamanali atuutinnigilaq pigisat nalikillilerneqarsinnaatitaasut aammalu pigisat akileraartussaaitap inuussutissarsiuutaanut atasumik imaluunniit iluanaarniapallannissaq siunertaralugu pineqarsimasut tunineqarsimappata,"

### **Allattoqarfiup naliliineri tunngavilersuutaalu**

Aningaasarsianit akileraarutit pillugit inatsimmi § 24, imm. 1, nr. 2-kkut aalajangersarneqarpoq iluanaarutit akileraartartup pigisaanik tunisinerneersut akileraaruteqaataasussaannngitsut, taamatuttaarlu tamatumunnga atatillugu annaasat ilanngaatigineqarsinnaatitaanatik. Ilaatinneqanngitsulli tassaapput pigisat aningaasanik nalillit nalikilliliivigineqarsinnaatitaasut kiisalu pigisat akileraartussaaitaasup inuussutissarsiornerani imaluunniit iluanaapallannissaq siunertaralugu pisiarineqarsimasut. Taamaattumik inuussutissarsiornerup imaluunniit iluanaapallanniarnepup qaqugukkut pineqarnera pingaaruteqarpoq.

Akileraartartoq pigisamik aningaasamik nalilimmik pineqartumik nioqqutissanik pisisarnermik tuniniaasarnermillu inuussutissarsiutigalugu sulinermut ilaatillugu pisisimappat, pigisarlu aningaasanik nalilik taanna iluanaaruteqarnissaq siunertaralugu tuneqqissimappagu tassani inuussutissarsiorneq pineqarpoq.

Iluanaapallanniarnep pineqartutut isigineqartarpoq pigisamik aningaasamik nalilimmik pisinerup annertuumik siunertaa tassaappat iluanaaruteqarnissaq siunertaralugu tuniseqqinneq. Pigisamik pineqartumik aqqissuussaasumik nioqquteqarneq pineqanngippat, ataasiakkaatigullu iliuuseqarnertut.

Iluanaapallanniarnep naliliivigineqarnerani pissutsit makku pingaartillugit isiginiarneqartarput:

1. Pappiaranik aningaasanik nalilinnik siusinnerusukkut pisineq tunisinerlu, kiisalu akileraarutit eqqarsaatigalugit qanoq isummertoqarsimanera. Akulikitsunik annertuunillu nioqquteqartarnerup pigisat aningaasanik nalillit tuniniaqqinneqar-

- nissaat siunertaralugu pisiarineqartarsimanissaat ilimanarsisippaa, siusinneru-sukkullu iluanaapallanniutinut akileraarusiisarsimaneq "atuutiinnassalluni".
2. Piffissap piginniffiusup siviussusia. Piffissap piginniffiusup sivikissusiata iluanaapallanniarneq ilimanarsisissinnaavaa, piffissallu piginniffiusup siviussusiata uppernarsarsinnaavaa tuniseqqinnissamik siunertaqarneq piffissami akunniliutumi taamaatinneqarsimasoq.
  3. Nammineq aningaasaatit taarsigassarsialluunniit atorlugit pisineq, aningaasallu taarsigassarsiat atorlugit pisinerup iluanaapallanniarnerpiaq pineqartoq ilimanarsisippaa.
  4. Akileraartartup aktianik pisineq tuniniaanerlu eqqarsaatigalugit paasisimasaqarnera, ilisimasaqarnera misilittagaqarneralu.
  5. Tunniussinermi pissusiusut tuniniaaqqinissamik siunertaqannginneq uppernarsarsinnaavaat.

Akileraartartup iluanaapallanniatut isigineqarsinnaanerani, taamaappallu piffissaq suna aallarnerfigalugu taamatut isigineqalersinnaanerani erseqqissumik naliliineq suliap immikkoortut taaneqartut ilaatillugit ataatsimut naliliiffigineqarnerani tunngaveqartussaavoq.

Allattoqarfiup paasininnera unaavoq inatsimmi § 24, imm. 1, nr. 2-mi oqaaseqaatigiit aappaat erseqqilluinnartuusut, iluanaapallannissarlu siunertaralugu pisinerani akileraarusersuinissamat periarfissiisuusut.

§ 14, imm. 3-p aningaasarsianit akileraarutit pillugit inatsimmut 1986-imi ilanngunneqarnera pappiarani aningaasanik nalilinnik pisuni tamani tunniussinermi ingerlatseqatigiiffiit il.il. iluanaarutaannik akileraarusersuinissaq siunertaralugu pisimavoq, siusinnerusukkt inuussutissarsiorneq iluanaapallanniarnerluunniit kisimik pineqarsimagaluartut, tak. § 24, imm. 1, nr. 2. Allannguut aammattaq § 14, imm. 2-mut 1985-imi ikkunneqartumut ataneqartillugu isigineqassaaq.

### **Allattoqarfiup inassuteqaatigigallagaa**

Allattoqarfiup akileraartarnermi oqartussaasoq isumaqatigaa oqarmat aktiatigut ingerlatsinerit ukiumit isertitaqarfiusumit 2003-mit annertuumik allannguuteqarsimasoq. Aktiamik pisisarneq tunisisarnerlu akulikinnerulersimapput, piffissarlu piginniffiusartoq siusinnerusukkt siviunerusarsimagaluartoq, assersuutigalugu ... ukiunit arfineq pingasut pisoqaanerusoq, ... ukiut tallimat missaannik ...-lu ukiut tallimat missaannik pisoqaanerusoq, ukiumit isertitaqarfiusumit 2003-mit sivikinneralaarsuannngorsimalluni.

Ukiumi isertitaqarfiusumi 2001-imi 400 tkr.-t missaannik nalilinnik aktiasisoqarsimavoq, aktiallu 900 tkr.-it missaannik iluanaarutigalugit tunineqarsimallutik. Ukiumi isertitaqarfiusumi 2002-mi taamaallaat aktianik 400.000 kr.-t missaannik nalilinnik tunisisoqarsimavoq.

Ukiumi isertitaqarfiusumi 2003-mi 4 mio. kr.-t missaannik nalilinnik aktiasisoqarsimavoq, aktiallu 3,3 mio. kr.-t missaannik iluanaarutigalugit tunineqarsimallutik, kiisalu ukiumi isertitaqarfiusumi 2004-mi 5,2 mio. kr.-t missaannik nalilinnik aktiasisoqarsimavoq, aktiallu 5,5 mio. kr.-nik missaannik iluanaarutigalugit tunineqarsimallutik.

Ukiumi isertitaqarfiusumi 2003-mi tunineqartunut piffissaq piginniffiusoq, assersuutigalugu ...-nik piginniffiusoq qaammatit tallimat missaannik siviussuseqarpoq, aktianillu allanik piginniffiusut qaammatit 24-it missaannik, qaammatit 28-t missaannik aamma qaammatit 31-t missaannik siviussuseqarlutik.

Ukiumi isertitaqarfiusuni 2004-mi tunineqartunut piffissaq piginniffiusoq, assersuutigalugu ...-nik piginniffiusoq qaammatit arfineq pingasut missaannik, ...-nik piginniffiusoq qaammatit arfineq pingasut missaannik, ...nik piginniffiusoq qaammatit

tallimat missaannik, ...nik piginniffiusoq qaammatit sisamat missaannik, ...nik piginniffiusoq ...-nillu piginniffiusoq qaammatit sisamat missaannik sivilissuseqarput.

Ukiuni isertitaqarfiusumi tunineqartunut piffissaq piginniffiusoq, assersuutigalugu ...-nik piginniffiusut qaammatit qulingluat missaannik qaammatillu 12-it missaannik ...llu qaammatit 22 missaannik sivilissuseqarput.

Paasissutissanik, assersuutigalugu piffissaq piginniffiusoq sivikitsaq, akulikitsumik pisisarneq tunisisarnerlu il.li. pillugit paasissutissanik, pigineqartunik erseqqisumik nalileereerluni Allattoqarfiup paasinninnera unaavoq aktiat 1. januar 2003-p kingornatigut pisiarisimasatit iluanaapallanniarneq siunertaralugu pisiarineqarsimasutut isigineqartut, taamaattumillu aktianik 1. januar 2003-p kingornatigut pisinik-kut tunisinikkullu aningaasannorlugit iluanaarutitut annaasanullu tamanut akileraartussaataasutit, tak. aningaasarsianit akileraarutit pillugit inatsimmi § 24, imm. 1, nr. 2.

1. januar 2003 sioqqullugu aktianik pisinikkut iluanaarutit akileraaruserneqassanngillat.

Allattoqarfik aalajangerallarpoq Akileraartarnermut Siunnersuisoqatigiinnut inassuteqaatiginiarlugu 1. januar 2003-p kingornatigut aktianik pisinitit iluanaapallanniarneq siunertaralugu pisimasut, tak. aningaasarsianit akileraarutit pillugit inatsimmi § 24, imm. 1, nr. 2-mi oqaaseqatigiit aappaat.

Aktianik paarlaassinnermut atatillugu aningaasannorlugit tunniunneqartut 1. januar 2003 sioqqullugu pisinernut tunngasuunerupput, taamaattumillu tunniunneqartut akileraaruserneqassanatik.

Illoqarfimmi K-mi akileraartarnermi oqartussaasup akileraarutaasussanik amerlassusiliinera imatut amerlassusiliinerugallassasoq inassuteqaatigineqarpoq:

...

#### **Naammagittaallortup suliamik allaaserinnineq pillugu oqaaseqaatai**

Oqaaseqaatinik tigusaqartoqarsimannigilaq.

#### **Akileraartarnermut Siunnersuisoqatigiit aalajangiinerat**

Allattoqarfiup inassuteqaataa Akileraartarnermut Siunnersuisoqatigiit 27. april 2006-imi ataatsimiinnerminni akueraat." (Atorfeqarfimmi nutsigaavoq)

Kiisalu suliaq aalajangiinermik 9. maj 2006-imeersumik A-mut ingerlatinneqartumik imaattumik imaqarpoq:

"Akileraartarnermut Siunnersuisoqatigiit akileraartarnermi oqartussaasup isertitanik amerlassusiliinera tunngavigalugu akileraaruteqaataasussatut isertitatit imatut amerlassusilersimavaat:

Ukioq		2003	2004
	kr.	565.032	1.059.260

...

Illoqarfimmi K-mi akileraartarnermi oqartussaasup ukiuni isertitaqarfiusuni 2003-mi 2004-milu akileraaruteqaataasussatut isertitatit tulleriinneri malillugit 583.512 kr.-nik aamma 1.059.260 kr.-nik amerlassusilersimavai.

Akileraartarnermut Siunnersuisoqatigiit Allattoqarfiata aningaasarsianit akileraarutit pillugit Inatsisartut inatsisaanni (akileraartarneq pillugu inatsimmi) nr. 5-imi, 19. maj 1979-imeersumi, Inatsisartut inatsisaatigut nr. 2-kkut, 27. marts 2006-imeersukkut kingullermik allannorlunneqartumi, § 56, imm. 1, tak. akileraartarneq pillugu inatsimmi § 116, imm. 5, ukiuni isertitaqarfiusuni 2003-mi 2004-milu akileraa-

ruteqaataasussatut isertitannik akileraarusiinera pillugu naammagittaalliuutit sulia-  
raa.

Allattoqarfiup aalajangiissamaarneq pillugu allakkat aamma suliap allaaserine-  
qarnera 23. marts 2006-imi nassiuppai, naammagittaalliuullu Akileraartarnermut  
Siunnersuisoqatigiit 27. april 2006-imi ataatsimiinnerminni suliaaraat imatullu akile-  
raarusiillutik:

### **Ukioq isertitaqarfusoq 2003**

Akileraartarnermi oqartussaasup amerlassusiliinera	583.512 kr.
Aktianik paarlaassinermi aningaasanngorlugit tun- niunneqartut	<u>-18.480 kr.</u>
Akileraaruteqaataasussatut isertitanik amerlassu- siliineq	565.023 kr.

### **Ukioq isertitaqarfusoq 2004**

Akileraartarnermi oqartussaasup amerlassusiliinera	1.059.260 kr.
Allangortinnagit amerlassusiliunneqartut.	

Aktianik 1. januar 2003-p kingornatigut pisinikkut tunisinikkullu aningaasan-  
ngorlugit iluanaarutitut annaasanullu tamanut akileraartussaataitaasutut isigineqar-  
putit, tak. aningaasarsianit akileraarutit pillugit inatsimmi § 24, imm. 1, nr. 2, tas-  
sami 1. januar 2003-p kingornatigut pisinitit iluanaapallanniarneq siunertaralugu pi-  
simasutut isigineqarmata.

Suliap, inatsisini malittarisassat kiisalu Allattoqarfiup naliliineri tunngavilersuu-  
taalu pillugit paasissutissat erseqqinnerusut eqqarsaatigalugit suliamik allaaserin-  
ninneq ilanngullugu nassiunneqartoq innersuussutigineqarpoq." (Atorfeqarfimmi  
nutsigaavoq)

Akileraartarnermi Pisortaqarfimmi immikkoortortaqarfimmi pisortap ..-  
p oqarasuaatikkut 25. oktober 2006-imi apeqquteqaatinnut akissutitut o-  
qaatigaa Akileraartarnermut Siunnersuisoqatigiit ukiumut pingasoriarlutik  
nalinginnaasumik ataatsimiittartut, tassalu april/majimi, septemberimi  
aamma decemberimi. Tamanna 2005-imi 2006-imilu aamma atuuppoq.

Akileraartarnermut Siunnersuisoqatigiit A-p akileraarutissaanik amer-  
lassusiliinerup suliareqqinneqarnissaanut K Kommunimut piginnaatitsine-  
rannik apeqqut pillugu allakkatigut imatut attaveqarfisarpakka:

Akileraartarnermut Siunnersuisoqatigiinnut 6. januar 2006-imi imatut  
allappunga:

"Mappit allagaatinik A-p Akileraartarnermut Siunnersuisoqatigiinnut naamma-  
gittaalliuutaanut tunngasunik imallit aamma suliap ingerlasimanera pillugu nassui-  
aat Akileraartarnermut Siunnersuisoqatigiit sinnerlugit Akileraartarnermi Pisorta-  
qarfimmit suliarineqarsimasoq 21. december 2005-imi tiguakka. A-p 2003-mi iserti-  
taasa qaffanneqarnissaannik K Kommunimut piginnaatitsissutip 29. juni 2005-  
imeersup assilineru tamatumunnga peqatigitillugu tiguara.

Piffissaq Akileraartarnermut Siunnersuisoqatigiit suliamik suliarinninnermut atu-  
gaat pillugu naammagittaalliuut eqqarsaatigalugu oqaatigaara misissuinnerma piffis-  
sap sivikinnerusup iluani naammassineqarsinnaanissaa naatsorsuutigigiga.

Kommunimut piginnaatissummik apeqqut eqqarsaatigalugu oqaatigaara piginnaatissisummut tassunga inatsisitigut tunngavigisamik nammineerluni misissuiffiginninnermik immikkut aallartitsinissannut tunngavissaqarlunga isumaqartunga, tak. Inatsisartut Ombudsmandiat pillugu inatsimmi § 6, imm. 5.

Akilerartarnermut Siunnersuisoqatigiit tamatumunnga atatillugu qinnuigaakka manna pillugu nassuiaateqaqqullugit:

Aningaasarsianit akilerartarutit pillugit Inatsisartut inatsisaanni § 55, imm. 3-mit ersepoq Akilerartarnermut Siunnersuisoqatigiit kommunimi akilerartarnermut oqartussaasoq piginnaatissinnaagaat akilerartaruteqaataasussanik amerlassusiliinissamut piffissaliunneqartup naanerata kingornatigut amerlassusiliinissamut imaluunniit akilerartaruteqaataasussanik amerlassusiliinerit allangortinnissaannut.

Inatsisissatut siunnersuummi aalajangersagaq taanna pillugu oqaaseqaatit imaapput:

"Kommunimi akilerartarnermi oqartussaasut akilerartarutissanik angissusiliinermik suliaraqarnissamut allangortitsinissamulluunniit Akilerartarnermut Siunnersuisoqatigiinitt piginnaatinneqarsinnaanissaannik siunnersuut ilaatigut pisuni akilerartarutissaatitaasup naammagittaalliuuteqarnermini qularnaatsumik ilumoornerani atorneqartussatut eqqarsaataavoq. Taamaalilluni piffissaq naammagittaalliorfiusoq sivitsorneqassanngilaq, tassami aalajangiinissaq Akilerartarnermut Siunnersuisoqatigiit ataatsimiinissaannut utaqqinneqartariaqassanngimmat."

Taamaalilluni suliamit pineqartumit ersepoq 2003-mi isertitat qaffannissaannut Akilerartarnermut Siunnersuisoqatigiit (Akilerartarnermi Pisortaqarfik aqutigalugu) kommuni piginnaatissimagaat, tamannalu Akilerartarnermut Siunnersuisoqatigiinut kingusinnerusukkut naammagittaalliuutigineqarsimasoq.

Akilerartarnermut Siunnersuisoqatigiit tamanna tunngavigalugu qinnuigaakka kommuni Akilerartarnermut Siunnersuisoqatigiit piginnaatitsinerat tunngavigalugu A-p 2003-mi isertitaasa qaffannissaannut inatsisitigut pisariaqarneratut tunngavissaqarsimaneranik apeqqut pillugu oqaaseqaateqaqqullugit."

Akilerartarnermi Pisortaqarfiup akissut imaattoq uanut 17. januar 2006-imi nassiuppaa:

“... ”

Akilerartarnermut Siunnersuisoqatigiit Akilerartarnermi Pisortaqarfik qinnuigaat Ombudsmandip apeqqutai akeqqullugit.

Taamatut piuffigineqarneq tunngavigalugu Ombudsmandimut nalunaarutigineqassaaq ukiumi isertitaqarfiusumi 2003-mi A-p aningaasarsiaasa akilerartaruteqaataasussat qaffanneqarnissaannut pineqartumut kommunip inatsisitigut tunngavigisaa tassaasoq aningaasarsianit akilerartarutit pillugit Inatsisartut inatsisaanni § 115, imm. 5, tassanngalu ersepoq Akilerartarnermut Siunnersuisoqatigiit allattoqarfitsik Siunnersuisoqatigiit sinnerlugit nammineerlutik sulianik suliarinneqqinnissamut kommunini akilerartaruseriffiit piginnaatissinnaagai.

Akilerartarnermi Pisortaqarfiup paasininnera tunngavigalugu aalajangersakkami suliat, aningaasarsiat akilerartaruteqaataasussat qaffannerannik aamma aningaasarsiat akilerartaruteqaataasussat apparnerannik kinguneqartitsisut, suliareqqinnerat pineqartoq nalorninaatsuuvoq.

Taamatuttaq Akilerartarnermi Pisortaqarfik isumaqarpoq aningaasarsianit akilerartarutit pillugit Inatsisartut inatsisaanni § 55, imm. 3-mi aalajangersakkami suliat,



anigaasarsiat akileraaruteqaataasussat qaffannerannik aamma anigaasarsiat akileraaruteqaataasussat appannerannik kinguneqartitsisut, suliareqqinnerat pineqartoq nalorninaatsuusooq, aamma tak. Akileraartarnermut Siunnersuisoqatigiit kommunit tamanut, akileraartarnermi oqartussaasunut aamma kommuninut akileraarfiusunut immikkoortortaqaarfimmut allagai 25. august 2005-imi ullulerneqarsimasut ilanngullugit nassiunneqartut.

Taamatuttarlu allakkani qulaani taaneqartuni ersertutut anigaasarsianit akileraarutit pillugit Inatsisartut inatsisaanni § 55, imm. 3 tunngavigalugu piginnaatitsisut tassaavoq suliani ajornartorsiutitaqanngitsuni ataasiakkaani piffissap akileraarusiiffiusup qaangiutereerneratigut akileraarutininik angissusiliinissamut imaluunniit allannguinnissamut kommunini akileraarusiinnermut oqartussaasunut nalinginnaasumik piginnaatitsissut. Sulianut allanut tamanut atuuppoq piffissap akileraarusiiffiusup qaangiutereerneratigut akileraarutininik angissusiliinissaq imaluunniit akileraarutininik allannguinnissaq pillugu anigaasarsianit akileraarutit pillugit Inatsisartut inatsisaanni § 115, imm. 5 tunngavigalugu kommunimi akileraarusiinnermut oqartussaasut piginnaatitaanissamik qinnuteqaateqassasut.

Kiisalu Ombudsmandimut ilisimatitsissutitut oqaatigineqassaaq akileraartarnermi suliaasat tamarmik 1. januar 2007-imit qitiusumik suliarineqartalernissaat naatsorsuutigineqarmat, taamaalilluni piginnaatitsisartuusut atorunnaarsinneqassallutik, akileraarutinillu siusinnerusukkut angissusilikkanik suliarinneqqinnermut malittariassanit taarserneqassallutik.” (Atorfeqarfimmi nutsigaavoq)

Piginnaatitsissut tusarniaanermut akissummut ilanngullugu nassiunneqartoq imaattunik oqaasertaqarpoq:

**"Ukiuumut anigaasarsiorfiusumut 2003-mut ukiunullu siusinnerusunut piginnaatitsineq.**

Nalinginnaasumik piginnaatitsineq

Matumuuna anigaasarsianit akileraarutit pillugit inatsimmi § 55, imm. 3 naaperlorlugu Akileraartarnermut Siunnersuisoqatigiit kommunini akileraartarnermut oqartussaasut piginnaatippaat piffissap angissusiliinissap kingorna akileraarutitigut angissusiliinissamik imaluunniit akileraarutitigut angissusiliisimanermik allannguinnissamik suliaqarsinnaanerannik, ataani taaneqartunut innersuunneqarsimasunut:

1. Sulineramik inuussutissarsiutillit, nammineeeluni nalunaarsuiffimmik 1. januar 2005 kingoqqullugu tunniussisimasut.
2. Sulineramik inuussutissarsiutillit, akissarsiat allagartaat kingusinnerusukkut takkuttut taakkuluunniit naqqiissutaat tunngavigalugit angissusiliiffigineqartussat.
3. Sulineramik inuussutissarsiutillit, killilimmik akileraartussaataitanermit tamakkiisumik akileraartussanngortinneqartut, killormulluunniit.
4. Sulineramik inuussutissarsiutillit, uppersaatit kingusinnerusukkut takkuttut tunngavigalugit angissusiliiffigineqartussat.
5. Inuit akileraartussaataasut, ilanngaammik aalajangersimasumik aamma/imaluunniit anigaasarsiat B-t akileraaruteqaataasussaannngitsunik kukkussuteqarfigineqarsimasunik aaqqiivigineqartussat.

Maleruagassat kukkuneqannginnissaat anguniarlugu makku tamatigut naammassineqarsimassapput:

- A. Allanguissamaarneq pillugu akileraartartoq aningaasarsianit akileraarutissat pillugit nalunaarut S 21a atorlugu ilisimatinneqassaaq, taannalu angissusiliiner-mik "suliariumavaa"-mik krydsiliiffineqassalluni.
- B. Allanguissamaarneq tunngavilersorneqassaaq, pisariaqarpat inatsimmut inner-suutitalerlugu.
- C. S 21a-p assiliner piffissap naammagittaalliorfissaritaasup naanissaata tungaanut toqorneqassaaq. Inaarutaasumik naatsorsuineq siumoortumik allangortin-neqassanngilaq.
- D. Akerliliissummik takkuttoqanngippat inaarutaasumik naatsorsuineq allangortil-lugu suliarineqarsinnaalissaaq nassiunneqarlunilu. Allanguissamaarneq pillugu akerliliissuteqartoqarpat, soorlu ilaatigut takussutissanik uppernarsaatissanik tunniussinikkut, taava S 21a nutaaq suliarineqassaaq, taannalu "suliarereersima-va"-mik krydsiliiffineqassalluni.

S 21a nutaaq "suliarereersimavaa"-mik krydsiliiffissalik inaarutaasumillu naat-sorsuineq allangortitaq ataatsikkut nassiunneqassapput.

Nalinginnaasumik piginnaatitsissut 1. september 2006-ip tungaanut atuuppoq.

Ukiumut aningaasarsiorfiusumut 2004-mut piginnaatitaanerit pillugu.

Aningaasarsianit akileraarutit pillugit inatsimmi § 55, imm. 2 naapertorlugu aki-leraartarnermut oqartussaasut angissusiliisimanerit nangeqqissinnaavaat immik-koortumi 1-5 naapertorlugu 1. september 2006-ip tungaanut.

S 21a-ni tamani nalinginnaasumik piginnaatitsissut naapertorlugu suliarineqar-tuni nalunaarutigineqassaaq aningaasarsianit akileraarutit pillugit inatsimmi § 55, imm. 2 naapertorlugu suliarineqarsimasut – Akileraartarnermut Siunnersuisoqati-giinnit piginnaatitaaneq naapertorlugu suliarineqarnikuunngitsut.

Nalinginnaasumik piginnaatitaaneq naapertorlugu allangguineri S 21a-t aam-malu inaarutaasumik naatsorsuutit allangortitat assilineri Akileraartarnermut Siun-nersuisoqatigiinnut nassiunneqassanngillat.

Ukiumut aningaasarsiorfiusumut 2004-mut, ukiunullu siusinnerusunut immikkut piginnaatitaaneq pillugu

Suliassat eqqarsaatigalugit - soorlu naatsorsuusioortussaataasut sulinermillu i-nuussutissarsiutillit immikkoortumi 1-5-imi pineqanngitsut eqqarsaatigalugit allan-guutit taakkununga tunngasut aatsaat suliarineqarsinnaapput immikkut piginnaa-titaanermik allakkat akuersissutit pissarsiarineqareernerisigut.

Siunnersuutit allangortitat immikkut piginnaatitaanermik tunngasumik suliarineqartut immikkoortuni A-D-mi taarneqartuni assingusumik atuutsinneqarpat.

Allanguinerit S 21a-mi aningaasarsianit akileraarutit pillugit inatsimmi § 115, imm. 5 naapertorlugu Akileraartarnermut Siunnersuisoqatigiinnit immikkut pigin-naatitsinikkut suliarineqarsimasut nalunaarutigineqassapput.

Allanguissamaarneq pillugu akerliliissuteqartoqarpat, soorlu ilaatigut takussu-tissanik uppernarsaatissanik tunniussinikkut, taava S 21a nutaaq suliarineqassaaq, taannalu "suliarereersimavaa"-mik krydsiliiffineqassalluni.

Piginnaatitsissummik nutaamik qinnuteqartoqassaaq.

S 21a nutaaq "suliarereersimavaa"-mik krydsiliiffissalik inaarutaasumillu naat-sorsuineq allangortitaq ataatsikkut nassiunneqassapput.

Inaarutaasumik naatsorsuinermit allangortitami suliarineqarnerata assilnera Akileraartarnermut Siunnersuisoqatigiinnut nassiuuneqassaaq.

Immikkut piginnaatitsissut 1. september 2006-ip tungaanut atuuppoq.

Nalinginnaasumik immikkullu piginnaatitaanermut atatillugu maluginiaqquneqassaaq aningaasarsianit akileraarutit pillugit inatsimmi § 55, imm. 5 naapertorlugu akerliliisinnaatitaaneq sap. ak. sisamanit sivikinnerusinnaanngimmat."

Suliami allagaatit Akileraartarnermi Pisorta qarfiup oqarasuaatikkut qinnuiginninnerata kingornatigut Akileraartarnermut Siunnersuisoqatigiit suliamik suliarinninneranni atugassatut nassiuppakka, suliamilu allagaatit Akileraartarnermut Siunnersuisoqatigiit suliamik suliarinnereerneranni tiqoqqinissaat qinnutigalugu.

Akileraartarnermut Siunnersuisoqatigiinnut 31. maj 2006-imi imatut allappunga:

"Akileraartarnermi Pisorta qarfiup qinnuiginninneratigut Akileraartarnermut Siunnersuisoqatigiit suliami allagaataat A-p naammagittaalliuutaata suliarinerani atorneqarsimasut allakkatigut 7. marts 2006-imeersutigut utertippakka. Tamatumunnga peqatigitillugu Akileraartarnermut Siunnersuisoqatigiit suliaq suliarereerpassuk suliami allagaatit tunniuteqqinissaat qinnutigaara.

Tamatuma kingorna Akileraartarnermi Pisorta qarfiup tusagaqanngilanga, taa maattumik Akileraartarnermut Siunnersuisoqatigiit suliaq suliarereerpassuk suliami allagaatit atoqqinissaat pillugu kissaatiga eqqaasitsissutigaara.

Tamatumunnga atatillugu suliaq suliaq misissugassatut kingullermik tiganerani suliami allagaatit suliamut ilanngunneqarsimasut ilanngullugit, Akileraartarnermullu Siunnersuisoqatigiit aalajangiisimappata taanna ilanngullugu, tunniunneqar-nissaat qinnutigaara.

Suliami allagaatit tigoriarukkit Ombudsmandip suliaq suliaralugu naammassissa-gaa naatsorsuutigaara."

Allakkakka 31. maj 2006-imeersut allakkatigut 6. juli 2006-imeersutigut pisorta qarfiup eqqaasitsissutigaakka.

Akileraartarnermut Siunnersuisoqatigiit suliami allagaataat 11. juli 2006-imi tiguakka.

*Tamatuma kingornatigut imaattunik oqaaseqaateqarpunga:*

"Piffissaq Akileraartarnermut Siunnersuisoqatigiit suliamik naammagittaalliuummum tunngasumik suliarinninnerminnut atugaat.

*Akileraartarnermi Pisorta qarfiup tusarniaanermut akissutaani 21. december 2005-imeersumi paasissutissiisutiginetartut suliami allagaatinut ataneqartillugit tunngaviutippara suliami allagaatit Akileraartarnermut Siunnersuisoqatigiit K Kommunimit 9. august 2005-imi tigusimagai, Akileraartarnermullu Siunnersuisoqatigiit A Akileraartarnermut Siunnersuisoqatigiit Allattoqarfiata suliami inassuteqaataa pillugu suliami illua'tu-*

ngiusutut isumaanik 23. marts 2006-imi tusarniaavigisimagaat, suliarlu Siunnersuisoqatigiit 27. april 2006-imi ataatsimiinnerminni aalajangiivigisimagaat.

A-p ilaatigut aalajangiisoqarnissaanik nukingisaarutaa Akileraartarnermut Siunnersuisoqatigiit 31. oktober 2005-imi tiguaat, A-llu piffissaq suliamik suliarinninnermut atorneqartoq pillugu uannut naammagittaalliuteqarneranut atatillugu tusarniaanera Siunnersuisoqatigiit 6. december 2005-imi tiguaat.

Aningaasarsianit akileraarutit pillugit Inatsisartut inatsisaatigut aalajangersarneqarpoq Akileraartarnermut Siunnersuisoqatigiit sulinerat ataatsimiinnertigut ingerlanneqassasoq, Siunnersuisoqatigiillu siulittaasuannut allattoqarfianulluunniit taamaallaat pisuni immikkut ittuni aalajangiinissamik isumagisassanngortitsisoqarsinnaasoq.

Suliani naammagittaalliutitut tunngasuni siusinnerusukkut suliarisanni piffissaq Akileraartarnermut Siunnersuisoqatigiit suliamik suliarinninnermut atugaat isummerfigisarpa. Suliani 1998-imi nalunaarutinni suliatut 28-1-itut aamma 2001-imi nalunnaarutinni suliatut 28-1-itut naqineqartuni ingerlatsineq pillugu inatsiseqartitsinermi piffissaq suliamik suliarinninnermut atorneqartoq akuerineqarsinnaasumik sivilissuseqartoq pillugu nalinginnaasumik piumasaqaataasut erseqqinnerusumik nassuiarpakka.

Suliami pineqartumi akuerineqarsinnaasup suunera illua'tungaani suliat ataatsimiinnerni aalajangiivigineqartussaanagerat sulianillu misissuineq pillugu piumasaqaatit illua'tunganilu suliap pilertortumik aalajangiivigineqarnissaanik naammagittaalliortup soqutigisaanik isiginninneq aallaavigalugit aalajangiivigineqartariaqarpoq.

Ataatsimiittarnerit eqqarsaatigalugit 1998-imi nalunaarutinni oqaaseqaammi suliami 28-1-imi oqaatigaara ataatsimiinnerit Siunnersuisoqatigiit sulianik suliarinneriaasiata "kinguarsaaviulernissaa" pinngitsoortinniarlugu qanoq amerlatigisariaqarnerisut Akileraartarnermut Siunnersuisoqatigiit isumaliutersuutigisariaqaraat.

Aamma pisortaqarfiup uannut oqarasuaatikkut 25. oktober 2006-imi paasissutissiissutaa aallaavigalugu tunngaviutippara Siunnersuisoqatigiit 27. april 2006-imi ataatsimiinnertik sioqqullugu 2005-imi decemberip qaammataani ataatsimiissimasut.

Oqartussaasup naammagittaalliutigineqartup paasissutissaatai pisariaqartut 9. august 2005-imi tiguneqarsimmata uanga paasinninnera unaavoq Akileraartarnermut Siunnersuisoqatigiit allattoqarfialu suliap Siunnersuisoqatigiit 2005-imi decemberip qaammataani ataatsimiinneranni aalajangiinissaq siunertaralugu suliamik suliarinninnermik nukingiuissimanissaat kissaatiginartuusimagaluortoq.

Tamatumunnga atatillugu oqaatigaara Akileraartarnermut Siunnersuisoqatigiit ataatsimiinnernik piffissanut aalajangersimasunut aalajangersaasimanerata immiini Siunnersuisoqatigiit allattoqarfiat suliamik piareer-

saasuusoq suliamik suliarinninnermik kinguartitsinissaanut pisinnaatingikkaa, tassami Akileraartarnermut Siunnersuisoqatigiit allattoqarfiata suliat Siunnersuisoqatigiinni sapinngisamik pilertornerpaamik suliarineqarnissaannut piareerlugit piareersartariaqarmagit.

A-p 23. marts 2006-imit siusinnerusukkut suliami illua'tungiusutut isumaanik tusarniaavigineqarnera suliap siusinnerusukkut aalajangiivigineqarneranik nassataqarsimasinnaagunaralarpoq.

A-p nukingisaarutaanut 25. oktober 2005-imeersumut akissuteqarneq.

Akileraartarnermut Siunnersuisoqatigiit tusarniaaninnut akissutaa suliami paasissutissat sinnerinut ataneqartillugu imatut paasivara A-p nukingisaarutaa Akileraartarnermut Siunnersuisoqatigiit 31. oktober 2005-imi tigusaat akineqarsimangitsoq.

Ingerlatsinermi ileqqorissaarnermut ilaavoq suliami illua'tungiusup nukingisaarutai piffissaq suliamik suliarinninnermut atorneqartoq pillugu naleqquttumik tunngavilersorneqarsimasut nalinginnaasutut ingerlaanartumik akineqartariaqartut. Inatsisileriffiup suliassat suliarineqartarnerat pillugu inatsit pillugu ilitersuusisaani december 1994-imeersumi imm. 207 innersuussutigaa.

Nukingisaarutip tiguneqarnerata Akileraartarnermut Siunnersuisoqatigiinnit uppersarneqarsimanginnera isiginiarlugu A uanga paasinninnera malillugu Akileraartarnermut Siunnersuisoqatigiinnut pisimasutut nukingisaarinissaminut pissutissaqarsimavoq.

Tamanna tunngavigalugu isumaqarpunga A-p nukingisaarumminut akissummik tigusaqarsimanginnera ajuusaarnartuusoq.

Akiliinerup kinguartinneqarnissaanik qinnuteqaatip suliarineqarnera.

Paasissutissat pigineqartut aallaavigalugit tunngaviutippara akiliinerup kinguartinneqarnissaanik qinnuteqaat akileraarutaasussanik amerlasusilineq pillugu 12. juli 2005-imi naammagittaalliummut atatillugu tiguneqartoq Akileraartarnermut Siunnersuisoqatigiinnit 12. december 2005-imi suliarineqarsimasoq.

Aningaasarsianit akileraarutit pillugit Inatsisartut inatsisaanni § 67-ik-ut aalajangersarneqarpoq akileraarutininik akiliinerup kinguartinneqarnissaa Akileraartarnermut Siunnersuisoqatigiit sulianut naammagittaalliutinut atatillugu akuersissutigisinnaagaat.

A-p qinnuteqaataa eqqarsaatigalugu piffissap suliamik suliarinninnermut atorneqartup naliliivigineqarnerani manna aallaavigisariaqarpara, tassalu akileraarutininik akiliinerup kinguartinneqarnissaanik qinnuteqaatit aalajangiivigineqarneri Akileraartarnermut Siunnersuisoqatigiit allattoqarfimminnut isumagisassanngortissinnaagaat, tak. aningaasarsianit akileraarutit pillugit Inatsisartut inatsisaanni § 115, imm. 5, taannalu kingusinnerusukkut issuarpara.

Aalajangiinermillumi 12. december 2005-imeersumit aamma erserpoq aalajangiineq Akileraartarnermut Siunnersuisoqatigiit allattoqarfianni pisimasoq.

Aningaasarsianit akileraarutit pillugit Inatsisartut inatsisaanni § 67-imi akiliinermik kinguartitsineq suliamik naammagittaalliummut tunngasumik suliarinninnermut ilaatillugu pineqarmat akiliinerup kinguartinneqarnissaanik qinnuteqaatit pilertortumik suliarineqartarnissaat pissutsimi tassaneereerpoq. Akileraartartumit naammagittaalliorneq apeqqutaatinnagu akiliisussamik mianerinnittussaaneq aamma oqimaalutaanermi aalajangiisuusumik takutitsivoq suliat taamaattut pilertortumik suliarineqartasasut.

Suliami matumani piffissap suliamik suliarinninnermut atorneqartup naliliiviginerani manna pingaartillugu isiginiartariaqarpara, tassalu aalajangiinermut naammagittaalliuutigineqartumut tunngaviusoq pillugu paasissutissat atorneqartussat Akileraartarnermut Siunnersuisoqatigiit K Kommunimit 9. august 2005-imi tigusimagai.

Aammattaaq manna tunngaviuttippara, tassalu suliami paasissutissat A-p kommunimit 2003-mi aamma 2004-mi akileraaruserneqarnera pillugu paasissutissat Akileraartarnermut Siunnersuisoqatigiinnit tigusakka anertoorsuunnngitsut.

Taamaattumik isumaqarpunga A-p akiliinerup kinguartinneqarnissaanik qinnuteqaataa Akileraartarnermut Siunnersuisoqatigiit taakkualuunniit allattoqarfiata pisimasumit pilertornerusumik aalajangiiffigisimasariaqaraluaaraat.

Matuma immikkut oqaatiginissaanut pissutissaqarpunga, tassalu akiliinerup kinguartinneqarnissaanik qinnuteqaatip suliarineqarnissaa A aalajangiisoqarnissaanik 25. oktober 2005-imi nukingisaarimmat Akileraartarnermut Siunnersuisoqatigiit suliniutigisimannngimassuk ajuusaarnartorujussuartut isigigiga.

Naammagittaalliuutip tiguneqarnerata uppernarsarneqarnera.

Naammagittaalliuutip Akileraartarnermut Siunnersuisoqatigiinnit tiguneqarnerata naammagittaalliortumut uppernarsarneqarsimannnginnera Akileraartarnermut Siunnersuisoqatigiit allattoqarfiata tusarniaanermut akissummini 21. december 2005-imeersumi uannut ajuusaarutigaa.

Akileraartarnermut Siunnersuisoqatigiit allattoqarfiat isumaqatigaara oqarmat Siunnersuisoqatigiit ajuusaarnartumik kukkussuteqarsimasut.

Kukkuneq A-mut aamma ajuusaarutigineqarsimasariaqaraluarpoq.

Suliarinneqqinnissamut inatsisitigut tunngavigisaq pisinnaatitaanerlu:

*Akilerartarnermi Pisortaqarfiup tusarniaaninnut akissummini 17. januar 2006-imeersumi oqaatigaa A-p 2003-mi akileraaruserneqarneranik suliarinneqqinnissamut Siunnersuisoqatigiit K Kommunimut piginnaatitsissutaat akilerartarneq pillugu inatsimmi § 115, imm. 5-imik tunngaveqartoq.*

*Pisortaqarfiup aamma oqaatigaa § 55, imm. 3 sulianut akileraaruteqaa-taasussatut isertitanik appartitsinissaq siunertaralugu suliareqqinneqartunut killiligaanngitsoq.*

*§ 115, imm. 5 imaattunik oqaasertaqarpoq:*

*"Imm. 5. Skatterådip allattoqarfini rãdi sinnerlugu naammagittaalliutunik, naammagittaalliortoq tamakkiisumik isumaqatigineqartillugu appartitsinnaanermut, nammineerluni suliassanik suliareqqiinissamut, kommunini kommissioninik akileraarusiisartunik namminneerlutik suliassanik suliareqqiinissaannut piginnaatitsinnaanermut, kiisalu pissutsit immikkut ittut atuutsillugit naammagittaalliutigineqartunut akileraarutissat, tamakkiisumik ilaannakortumilluunniit akilinngikkallar-nissaannik nalunaaruteqarsinnaanermut piginnaatissinnaavaa. Allattoqarfiup aalajangiineri il.il. rãdip tullissaanik ataatsimiinnerani saqummiunneqartassapput."*

*Aalajangersagaq taanna Inatsisartut inatsisaatigut nr. 9-kkut, 29. oktober 1999-imeersukkut ikkunneqartoq inatsisissatut siunnersuut pillugu oqaaseqaatinik imaattunik ilaqartinneqarpoq:*

*"Inatsisartut Ombudsmandiata suliassanik aalajangersimasunik suliaqarnermi-nut atatillugu uparuarsimavaa Skatterådip allattoqarfini (Akilerartarnermi Pisortaqarfik) inatsisitigut erseqqissumik tunngavissaqarani aalajangiinissanut periar-fississimagaa. Taamaattumik Ombudsmandip inassutigisimavaa Skatterådip allatto-qarfia suliassani Skatterãdi sinnerlugu aalajangiisinnaanissaa kissaatigineqar-pat, inatsisini taamaattumik periarfissiisogarnissaa isumagineqassasoq.*

*Suliani arlaqartuni periusaasarsimavoq aammalumi suli periusaasarluni rãdi ataatsimiigiaqquneqanngikkaluartoq Skatterådip aalajangigassaanik aalajangi-i-soqarsinnaanera. Taamaattumik siunnersuutigineqarpoq suliassat aalajangersima-sut aalajangiiffigisarnissaannut Skatterådip, ilaatigut siulittaasuminut ilaatigullu allattoqarfimminut piginnaatitsinnaanissaa inatsisitigut erseqqissumik aalaja-ngersagaliunneqassasoq. Aalajangersakkap imarissavaa Skatterådip suleriaasiata maannakkut atorneqartup imarissaa."*

*Aalajangersagaq oqaasertalersugaanini piareersarneqarlunilu suliari-neqarnini malillugu Akilerartarnermut Siunnersuisoqatigiit allattoqar-fimminnut isumagisassanngortitsinnaanerat pillugu aalajangersagaa-voq, immiini sulianik aalajangiivigineqareersunik suliarinneqqinnissamut inatsisitigut tunngavissaliisuungitsoq.*

*Taamaallilluni Akilerartarnermut Siunnersuisoqatigiit kommunini aki-leraartarnermi oqartussaasunut sulianik akilerartarnermut tunngasunik suliarinneqqinnissamut piginnaatsinissamut inatsisitigut tunngavissaqar-nerat aalajangersakkami tunngaviusariaqarpoq.*



Taamaattumik pisuni suni siusinnerusukkut amerlassusiliinerit suliareq-qinneqartarnissaannut Akileraartarnermut Siunnersuisoqatigiit kommunini akileraaruseriffinnut piginnaatitsisarnissaat aningaasarsianit akileraarutit pillugit Inatsisartut inatsisaata tamanna pillugu qanoq aalajangersaanera tunngavigalugu aalajangerneqartariaqarpoq.

Aningaasarsianit akileraarutit pillugit Inatsisartut inatsisaat §§-ini 55-imi aamma 57-imi, Inatsisartut inatsisaatigut nr. 6-ikkut, 11. november 2004-meersukkut suliarinneqqittarneq pillugu malittarisassanik imaattunik imaqarpoq:

"§ 55. Akileraarutininik angissusiliineq ukiup aningaasarsiorfusup angissusiliiffigisap tulliani qaammatisiutit malillugit ukiumi kingusinnerpaamik 1. september naammassineqareersimassaaq (piffissaq akileraarusiiffimmut killiliussaaq). Kommunemi akileraartarnermut oqartussaasut akileraarutininik angissusiliinernik piffissap akileraarusiiffiup ingerlanerani allannngortitsisinnaapput.

Imm. 2. Siusinnerusukkut angissusiliineq nakkutilliinerimi paasissutissat, uppernarsaatissat taakkunungaluunniit aaqqiissutissat kingusinnerusukkut tiguneqarnerat pissutigalugu, ilanngaata aalajangersimasooq aningaasarsialluunniit B-t akileraaruteqaataasussaangitsut kukkusumik ilanngaatigineqarsimanera pissutigalugu imaluunniit akileraartussaataitanerup allannguuteqarnera pissutigalugu allannngortinneqassappat, kommunimi akileraartarnermut oqartussaasut angissusiliineq ukiup aningaasarsiorfusup pineqartup naanerata kingorna qaammatisiutit malillugit ukiup akileraarusiiffiup tulliani ulloq 1. september tikillugu suliareqqissinnaavaat.

Imm. 3. Skatterådip kommunimi akileraartarnermut oqartussaasut, piffissap akileraarusiiffiusup qaangiutereerneratigut akileraarutininik angissusiliinissamut imaluunniit allannguinissamut piginnaatissinnaavai.

Imm. 4. Skatterådi akileraarutininik angissusiliinernik isummerfignissimatillugu kommunimi akileraartarnermut oqartussaasut angissusiliinissaanngillat allannngortitsisinnaanatilluunniit. Aamma akileraarutininik angissusiliineq Skatterådimit suliarineqartillugu kommunimi akileraartarnermut oqartussaasut angissusiliinissaanngillat allannngortitsisinnaanatilluunniit. Oqaaseqatigiit aappaanni taaneqartutut ittunik pisoqartillugu kommunimi akileraartarnermut oqartussaasut allannngortinniagartik pillugu Skatterådi ilisimatissavaat.

...  
57. Skatterådip kommunini akileraartarnermut oqartussaasut angissusiliineri misissugassanngorlugit allannngugassanngorlugillu qaqqeqissinnaavai. Angissusiliinernik qaffaaneq, angissusiliineq missingersuutaannarmik tunngaveqartillugu pisinnaanngilaq ukiup aningaasarsiorfiup pineqartup naaneraniit ukiut tallimat qaangiutereersimatillugit.

..."

Inatsisartulli inatsisaata nr. 9-p, 29. oktober 1999-imeersup akuerineqarnerata nalaani §§-it 55 aamma 56 suliarinneqqittarneq pillugu malittarisassanik imaattunik imaqarput:

"§ 55 ...

Imm. 5. Pisortat akileraarusiisartut angissusiliineq kingusinnerusukkut suliareq-qillugu allannngortissinnaavaat. Suliarinneqqinneq inereersimassaaq stk. 7 malil-



lugu periarfissaq qaangiutsinnagu. Pisortat akileraarusiisartut angissusiliinermik allannortitsitinnatik akileraartussaataitaq periarfississavaat allakkatigut oqaloqatigiinnikkulluunniit isumaqatigiinniarnikkut oqaaseqateqarnissaanik. Taamatut pisoqartillugu akileraartussaataitamut angissusiliinerup allanngornera pillugu kalerriinermi allannortitsinerup peqquutigisaanik kiisalu stk. 6 malillugu naammagittaalliorsinnaanermut ilitsersuutininik nalunaarutiginnittoqassaaq.

...

Imm. 7. Aningaasarsianik akileraaruteqaataasussanik angissusiliineq aamma stk. 6 malillugu naammagittaalliuutinik suliaqarneq inereersimassapput kingusinnerpaamik 1. september ukiumi qaammatisiutit malillugit ukiup aningaasarsiorfiusup angissusiliiffissap tulliani.

§ 56. ...

Imm. 5. Skatterådip pisortat akileraarusiisartut angissusiliinerat misissoqqissallugu allannortissallugulu tigusinnaavaa. Angissusiliinermik qaffaaneq angissusiliineq missingersuutaannarnik tunngaveqartillugu pisinnaannigilaq ukiup aningaasarsiorfiup pineqartup naaneraniit ukiut pingasut qaangiunnerat akimorneqarsimatillugu. Skatterådi aalajangiisinnagu pisortanit akileraarusiisartunit oqaaseqaammik piniartoqassaaq, taamatullu akileraartussaataitaq periarfissinneqassaaq oqaloqatiginninnikkut skatterådemik isumaqatiginninniarnissaanut. Skatterådip aalajangiinera nalunaarutiginninnikkut suliarineqassaaq, tassanilu pissutaasut kiisalu § 57 malillugu naammagittaalliorsinnaanermik ilitsersuut ilanngunneqassalluni.

Imm. 6. Skatterådip suliaasat stk. 3 aamma stk. 5 malillugit aalajangiiffigineqarsimasut suliareqqissinnaavai. Suliarinneqqinnermi stk. 5-imi aalajangersakkat atuutissapput."

Inatsisartut inatsisaat nr. 9, 29. oktober 1999-imeersoq siunnersuisoqatigiit allattoqarfiata kommunini akileraarusiisarnermi oqartussaasut akileraarusiinermik sulianik suliarinneqqinnissaannut piginnaatitsisinnaaneranik Akileraartarnermut Siunnersuisoqatigiit § 115, imm. 5-imi inatsisitigut tunngavigineqarnerartumik imalik Inatsisartunit akuerineqarmat aningaasarsianik akileraarutit pillugit Inatsisartut peqqussutaanni malittarisassanik akileraarusiinissamut piffissaliunneqartup qaangiunnerani kommunini akileraarusiinermut oqartussaasunut sulianik suliarinneqqinnissamut tunngavissiisunik peqanngilaq.

Inatsisartut inatsisaat malittarisassanik Akileraartarnermut Siunnersuisoqatigiit kommunini oqartussaasunut sulianik akileraartarnermut tunngasunik suliarinneqqinnissamut piginnaatitsisunik aamma imaqaanngilaq.

Uanga paasinninnera unaavoq akileraarusiinissamut piffissaliunneqartup naanerata kingornatigut sulianik suliarinneqqissinnaaneq taamaallaat Akileraartarnermut Siunnersuisoqatigiinnut tunngatinneqartoq, tak. § 56, imm. 5 aamma imm. 6 siusinnerusukkat atuuttut.

Tamatumani pingaartumik makku pingaartillugit isiginiarpakka:

§ 56, imm. 5 imarisani malillugu tassaavoq kommuninut akileraarutit pillugit Kalaallit Nunaanni inatsisikkut nr. 412-ikkut, 13. juni 1973-imeersukkat, kingusinnerusukkat allannguuteqartinneqarsimasukkat inatsise-

qartitsinermik atuuttumik ingerlatitseqqinneq, tak. § 50, imm. 5 imaattunik oqaasertaqartoq:

*"Angissusiliineq kingusinnerusukkut akileraartarnermi qullersaasut misissoqqil-lugulu allannqortissinnaavaat, eqqoriaaginnarlunili qaffaasoqarsinnaanngilaq ukiup aningaasarsiorfiup pineqartup qaangiunnerata kingornagut ukiut pingasut sinnerlugit qaangiussimappata. ..."*

*Inatsimmi aalajangersagassatut kingulliullugu isuarneqartutut siunner-suut pillugu oqaaseqaatinit erserpoq aalajangersagaq taanna inatsimmi § 50, imm. 3-mut ataneqartillugu isigineqassasoq, tassanimi aalajangersar-neqarmat kommunit akileraarusiinerat aalajangiigallarnerusoq, Akile-raartarnermullu Siunnersuisoqatigiit inaarutaasumik akileraarusiisartuu-sut. Oqaaseqaatinit aamma erserpoq § 50, imm. 5 nunamut tamarmut aki-leraarutit pillugit inatsimmi § 3, imm. 5 assigigaa. Nuna tamakkerlugu aki-leraarutit pillugit eqqartuussivik pillugu inatsimmi § 3, imm. 5 Danmar-kimi akileraaarutitigut aqutsineq pillugu inatsimmi suliarinneqqittarneq pil-lugu malittarisassanit taarserneqarsimavoq.*

*Nuna tamakkerlugu akileraaarutit pillugit eqqartuussivik pillugu inatsit (inatsit nr. 108, 31. marts 1938-meersoq kingusinnerusukkut allannqute-qartinneqartarsimasoq) qallunaallu akileraaarutitigut aqutsineq pillugu i-natsiseqqaavat, inatsit nr. 281, 8. juni 1977-imeersoq akileraarusiineq eq-qarsaatigalugu pisinnaatitaanerup kommunini aamma naalagaaffimmi akileraartarnermut oqartussaasut akornanni agguataarneqarneranik tun-ngaveqarpoq.*

*Nuna tamakkerlugu akileraaarutit pillugit eqqartuussivik pillugu inat-simmi aalajangersarneqarpoq nuna tamakkerlugu akileraaarutit pillugit eq-qartuussiviup suliat aalajangiivigineqartut suliareqqissinnaagai.*

*Akileraaarutitigut aqutsineq pillugu inatsisaaqqaartukkut aalajangersar-neqarpoq akileraarusiinissamut piffissaliussap iluani sulianik suliarinneq-qinnissamut pisinnaatitaaneq kommunit akileraartarnermut oqartussaasu-iiittoq, pisinnaatitaanerli akileraarusiinissamut piffissaliussap naanerata kingornatigut Statsskattedirektoratimiilluni, taassumalu kommunit akile-raarusiisarnermi oqartussaasuisa akileraarusiineri pillugit naammagita-alliutit suliarineq ajorpai, sulianilli akileraartarnermut tunngasunik su-liarinneqqinnissamut kommunini oqartussaasut piginnaatissinnaallugit.*

*Taamaattumik uanga paasinninnera unaavoq aningaasarsianit akile-raaarutit pillugit Inatsisartut inatsisaanni § 56, imm. 5-ikkut akileraarusii-nermut piffissaliussap naanerata kingornatigut suliarinneqqissinnaaner-mut pisinnaatitaanerup qitiusumik oqartussaasumiinneranik, Akileraartar-nermut Siunnersuisoqatigiinniinneranik, aalajangersaasuisoq, taamaattu-millu suliarinneqqissinnaanermik pisinnaatitaaneq Akileraartarnermut Siunnersuisoqatigiit kommuninut isumagisassannqortissinnaanngikkaat.*

*Tamanna naammagittaalliutinik suliarinnittarneq pillugu malittarisas-sanut ataneqartillugu isigineqartariaqarpoq, taakkunanimi aalajangersar-*

neqarmat Akileraartarnermut Siunnersuisoqatigiit tassaasut (tassaasimalutillu) kommunit akileraarusiineri pillugit naammagittaalliorfissat.

Akileraartarnermut Siunnersuisoqatigiit akileraarusiinerimik kommunit suliarinneqqissinnaanerannik Akileraartarnermut Siunnersuisoqatigiinnut kingusinnerusukkut naammagittaalliuutigineqarsinnaasumik piginnaatitsinerimik aaqqissuussineq oqartussaasut marloqiusanik pisinnaatitaasinnaannginnerannik inatsiseqartitsinermi tunngaviusumut nalinginnaasumut assortuuttuusussaavoq, tamannalu inuit ataasiakkaat sulianik suliarinninnermi peqataasinnaannginnerat eqqarsaatigalugu suliassat suliarineqartarnerat pillugu inatsimmi § 3, imm. 1-imi nr. 4-kkut aalajangersarneqarpoq:

"3. Kinaluunniit pisortatigut ingerlatsinerimik suliaqartoq suliassami aalajangersimasumi peqataasinnaanngilaq,

...

3) ingerlatseqatigiiffiup, peqatigiiffiup siulersuisuini ilaasortaaguni imaluunniit tamakkununga imaluunniit inuinnarmut allamat inatsisunik paasisimasalimmut, suliap qanoq inerneqarnissaanik soqutiginnilluinnartumut, allatigut qanilluinnartuuguni,

4) suliassaq pisortatut oqartussaaffiup allap misissuisutut imaluunniit nakkutiliisutut sulineranut tunngasuuppat tamatumunngaluunniit naammagittaalliuutaappat, naammagittaalliorlorlu taanna suliassarineqartumut taannaluunniit tunngavigalugu pineqaatissiissutaasut nammassineqarnissaannut oqartussaaffimmi tassani siusinnerusukkut aalajangeeqataasimappat, imaluunniit

..."

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaata nr. 9-p, 29. oktober 1999-meersup oqaasertaani imaluunniit taassuma piareersarlugu suliarineqarnerani peqataasinnaanngineq pillugu malittarisassat saneqqunneqarnissaat Inatsisartut siunertarisimagaat takuneqarsinnaanngilaq.

Tamanna tunngavigalugu manna ilimananngitsutut isigisariaqarpara, tassalu aningaasarsianit akileraarutit pillugit Inatsisartut inatsisaanni § 115, imm. 5 suliame akileraartarnermut tunngasuni suliarinneqqinnissamik pisinnaatitaanerup Akileraartarnermut Siunnersuisoqatigiinnit kommunini akileraarusiisarnermi oqartussaasunut isumagisassanngortinneqarsinnaaneranut inatsisitigut tunngavissamik tunngaveqartoq.

Akileraartarnermut Siunnersuisoqatigiit allattoqarfiannut § 115, imm. 5-imi piginnaatitsinerup imarisaa tamatuma kingornatigut erseqqarlutto-rujussuartut saqqummerpoq.

Tulliulluni apeqqutaaleroq inatsisitigut tunngavissaq tamatuma kingornatigut akileraartarnermut inatsimmi § 55-ip (aamma § 57-ip) allannguutaatigut aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaata nr. 6-ip, 11. november 2004-meersup Inatsisartunit 12. januar 2005 aallarnerfigalugu atuutilersumik akuerineqarneratigut pissarsiarineqarsimanersoq.

§ 55, imm. 1-ikkut aalajangersarneqarpoq akileraarusiineq ukiup aningaasarsiorfiusup pineqartup tulliani 1. september qaangertinnagu inaarutaasuunngitsaq.

Kommunit akileraarusiinernik paasissutissat nutaat nassatarisaannik suliarinneqqinnissaminnut ukiup aningaasarsiorfiusup tulliani 1. september tungaanut § 55, imm. 2-kkut periarfissinneqarput.

Akilaartarnermut Siunnersuisoqatigiit akileraarusiinnermut piffissa-liussap naanerata kingornatigut suliat aalajangiiffigineqartut suliareqqinnissaannut kommunini akilaartarnermi oqartussaasunik piginnaatitsinissaminnut § 55, imm. 3-kkut inatsisitigut tunngavissalerneqarput.

Inatsisip allannguutissaatut siunnersuut aalajangersagaq taanna pilugu oqaaseqaatinik imaattunik ilaqartinneqarpoq:

"Kommunimi akilaartarnermut oqartussaasut akileraarutissanik angissusiliinermik suliaqarnissamat allangortitsinissamulluunniit Skatterådimit piginnaatinneqarsinnaanissaannik siunnersuut ilaatigut pisuni akileraartussaataitasup naammagittaalliuuteqarnermini qularnaatsumik ilu Moornerani ator neqartussatut eqqarsaataavoq. Taamaalluni piffissaq naammagittaalliorfiusoq sivitsorneqassanngilaq, tassami aalajangiinissaq Skatterådip ataatsimiinnissaanut utaqqinneqartariaqassanngimmat."

Tamatuma saniatigut inatsisissatut siunnersuut pillugu oqaaseqaatinin nalinginnaasunit makku erseerput:

"Siunnersuutikkut anguniagaasoq pingaarneq tassaavoq siumoortumik nalunaarsuinerup, akileraarusiinerup naammagittaalliuutinillu suliaqartarnerup, tassa imaappoq akileraaruserinerup tamarmiusup pisariillisarneqarnissaa, aqqissuuteqqinneqarnissaa pitsanngorsarneqarnissaalu, kiisalu aningaasat annertussusile-riikkatut pisariaqartitsinerlu naapertorlugu ikiorsiussutitut kommuninit tunniunneqartartut akileraaruserneqartussaanninnerisa atorunnaarsinneqarnissaat.

...

Piffissaq akileraarusiiffik allangortinneqanngilaq, siunnersuutaavorli nakkutiliinermi paasissutissanik nutaanik saqqummertoqartillugu kommunini akileraaruseriffiit angissusiliineq piffissami aningaasarsianik angissusiliiffiusup qaangiutereer-neranit ukioq ataaseq tikillugu suliareqqissinnaassagaat. Maleruagassamik taamaattumik peqarnikkut akileraaruseriffiup, angissusiliinerup allangortinneqartariaqarnera ersaritsillugu angissusiliinermik allangortitsiniarluni Skatterådimit piginnaatitsissummik qinnuteqarnissaa pisariaarutissaaq. Aammattaaq siunnersuutigineqarpoq Skatterådip, angissusiliinerup kukkusuu-nera ersaritsillugu akileraaruseriffiit angissusiliinermik allangortitsinissamat piginnaatissinnaassagai. Taamaaliornikkut naatsorsuutigineqarpoq Skatterådimit naammagittaalliuutit annertuumik amerlinaviannngitsut, tassami kommunini akileraaruseriffinnut naammagittaallio-riinnissamat piffissaliussaq naalineqassamat."

Oqartussaasut marloqiusanik pisinnaatitaasinnaanninnerannik malit-tarisassat saneqqunneqarnissaat Inatsisartut siunertarisimagaat inatsisip allannguutaani tassani aamma takuneqarsinnaanngilaq.

§ 115, imm. 3-mi piginnaatitsinissamut periarfissaq tamatuma kingornatigut suliani nalorninissamut pissutissaqalersitsinningsuni piffissamik aqut-sinermi allaffissornikkut suliarinninnermi atorneqartumik tamarmiusumik sivikillitsiniarnermik siunertaqartutut isikkoqarpoq, taamaalillutik kommunit akileraarusiineri kukkusut piffissaliussat § 115, imm. 1-imi aamma imm. 2-mi aalajangersarneqartutut qaangiunnerisa kingornatigut aaqqiniarlugit Akileraartarnermut Siunnersuisoqatigiinnit suliarineqartariaarullugit.

Tamatumani manna tunngaviusariaqarpoq, tassalu § 55, imm. 3 tunngavigalugu piginnaatitsineq suliap Akileraartarnermut Siunnersuisoqatigiinnut kingusinnerusukkut suliassanngortinneqannginnissaa aallaavigalugu nalunaarutigineqassasoq.

Taamaattumik Akileraartarnermut Siunnersuisoqatigiit isumaqatigin-gilakka oqarmata § 55, imm. 3 suliani Akileraartarnermut Siunnersui-soqatigiit ajornartorsiutitaqanngitsut naliligaannaanni piginnaatitsinissamut ataatsimut tunngavissaliisuusoq.

Taamatut ilimaginninissamut inatsisip oqaasertaani inatsisilluunniit piareersarlugu suliani tunngavissaqanngilaq.

Tamatuma kingornatigut pineqartoq tassaavoq suliani akileraarusiiner-mut tunngaviusumik akileraartartup kommunillu akileraarfiusup akor-nanni isumaqatigiinnigiffiusuni, taamaalillunilu kommunip akileraarusii-nerata allanngortinneqarneranik Akileraartarnermut Siunnersuisoqati-giinnut kingusinnerusukkut naammagittaalliuutigineqarsinnaasuni Akile-raartarnermut Siunnersuisoqatigiit akileraarusiineramik suliarinneqqinnis-samut kommunimut § 55, imm. 3 tunngavigalugu piginnaatitsinissanaasus-saannginnera.

Aammattaaq § 55, imm. 3 tunngavigalugu piginnaatitsinissamut periar-fissaqassappat naammagittaalliummik Akileraartarnermut Siunnersui-soqatigiinnut tunniussinissamut piffissaliussaq naasimassasoq, tassami su-liat Akileraartarnermut Siunnersuisoqatigiinnut naammagittaalliuutigine-qarsimasut suliarineqarnerat kommunit § 55, imm. 4 tunngavigalugu nangissinnaanngimmassuk.

A-p 2003-mi akileraaruserneqarnerata suliareqqinneqarnissaanik Aki-leraartarnermut Siunnersuisoqatigiit piginnaatitsissutaat.

K Kommunip A-mut allagaanit 31. maj 2005-imeersunit aamma 29. juni 2005-imeersunit ersertutut A-p 2003-mi akileraaruserneqarnera kommunip Akileraartarnermut Siunnersuisoqatigiit piginnaatitsinerat tunngavi-galugu suliareqqilersimavaa.

Aningaasarsianit isertitat pillugit Inatsisartut inatsisaanni § 116, imm. 5-ikkut aalajangersarneqarpoq Akileraartarnermi Pisortaarfik Akile-raartarnermut Siunnersuisoqatigiinnut allattoqarfiussasoq.

Kommunip allagaani 31. maj 2005-imeersuni oqaatigineqarpoq allan-guiner-mut tunngaviusoq tassaasoq "aktianik pisinitit tunisinitillu pillugit

uppernarsaatit kiisalu suliami paasissutissat allat nassiunneqartut misis-sorneqarnerat" (Atorfearfimmi nutsigaavoq). Allakkani tamatuma sania-tigut paasissutissat kommunip ukiumut akileraarfiusumut 2004-mut akile-raarusiinermut atatillugu allakkani 29. marts 2005-imeersuni A-mit pis-sarsiariniarsimasai innersuussutigineqarput.

Kommunip aalajangiinera taamaalilluni paasissutissat nutaat tunngavi-galugit naliliinerup allanngortinneqarneratut isikkoqarpoq.

Kommunip aalajangiinera 29. juni 2005-imeersoq Akileraartarnermi Pisortaqarfiup ulloq taanna piginnaatitsissutaanik suliap allaaserineqar-nerani issuarneqartumik tunngaveqartoq naatsorsuutigaa. Akileraartar-nermi Pisortaqarfiup oqaasiinnartigut 23. oktober 2006-imi nalunaarfi-gaanga piginnaatitsineq aalajangiissamaarneq pillugu allakkani 31. maj 2005-imeersuni eqqaaneqartoq Akileraartarnermi Pisortaqarfimmi nas-saassaangitsoq.

Siullertut oqaatigaara kommunip aalajangiissamaarneq pillugu allak-kani 31. maj 2005-imeersuni aningaasarsianit akileraarutit pillugit inat-simmi § 55, imm. 3-mut aamma suliarinneqqilernerup Akileraartarnermut Siunnersuisoqatigiit piginnaatitsinerat tunngavigalugu pineranut inner-suussinera kommunip suliarinneqqilerneranut tunngaviusumik nalornissu-tiginnilersitsisoq.

Tamatumani manna aallaavigaara, tassalu Akileraartarnermut Siunnersuisoqatigiit allattoqarfiata uannut oqaatigigaa piginnaatitsineq Inatsisar-tut inatsisaanni § 115, imm. 5-imik tunngaveqartoq.

Uanga paasinninnera aamma unaavoq aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inat-sisaanni nr. 6-imi, 11. november 2004-meersumi § 55, imm. 2-kkut siusin-nerusukkut akileraarusiinernik kommunini akileraarusiisarnermi oqartus-saasut ukiup aningaasarsiorfiusup tulliani 1. septemberip tungaanut sulia-rinneqqinnissaannut periarfissiisumik allannguut ukiumut aningaasarsior-fiusumut 2003-mut sunniuteqanngitsoq.

Tamanna matumunnga ataneqarpoq, tassalu Inatsisartut inatsisaat nr. 6, 11. november 2004-meersoq 1. januar 2005-imi atuutilersup, § 55, imm. 5-ilu, tak. imm. 7 piffissaq taanna sioqqullugu atuutilersup taamaallaat suli-anik ukiup aningaasarsiorfiusup tulliani qaammatisiutit ukiuanni 1. sep-temberip tungaanut suliarinneqqissinnaaneq tunngavissikkaa. Aalajanger-sagaq taanna qulaani issuarneqarpoq.

Taamaalilluni kommunip 2003-mi akileraarusiinermik suliarinneqqin-nissamut periarfissaa 1. september 2004-mi naasimavoq.

Inatsisartut inatsisaata nr. 6-ip, 11. november 2004-meersup oqaaser-taani taassumaluunniit piareersarneqarnerani sulianni ukiut marluk iluanni suliarinneqqaarnissamut periarfissap tassani inatsisitigut tunngavissaler-neqartup ukiumut akileraarfiusumut 2003-mut atuuttussaaniisaanut tunngavissaqanngilaq, taamaalillunilu suliarinneqqissinnaanermut periarfis-saq naareersoq atuleqqissinnaanani.



Taamaattumik kommunip 2003-mi amerlassusiliinerit kisiisa suliareq-qissinnaavai, tamatuma oqartussaasumit allamit piginnaatitsineq tunngavigalugu pisinnaanera inatsisitigut tunngavissinneqarsimappat.

Qulaani oqaatigineqartutut uanga paasinninnera unaavoq Akileraartarnermut Siunnersuisoqatigiit kommunini akileraaruserifinnik suliat suliareqqinnissaannut Inatsisartut inatsisaanni § 55, imm. 3-mit ersertumit anertunerusumik piginnaatitsinerannut aningaasarsianit akileraarutit pillugit inatsimmi tunngavissamik nalorninaatsumik peqanngitsoq, § 115, imm. 5-ilu taamatut tunngavissatut isigineqarsinnaanngitsoq.

§ 55, imm. 3-mi piginnaatitsineranut periarfissami, qulaani aamma allaaserisattut, pisut akileraarusiineranut inatsisitigut tunngavigisamik akileraartartup akileraarusiinermillu oqartussaasup oqartussaasullu naliliineranik isumaqatigiinngiffiusut, kommunillu aalajangiinerata Akileraartarnermut Siunnersuisoqatigiinnut naammagittaalliuutigineqarnissaanik ilimagineqarsinnaasut ilaatinneqanngillat.

Taamaattumik uanga naliliinera unaavoq 2003-mi aningaasarsianik amerlassusiliinernik suliarinneqqinneq Akileraartarnermut Siunnersuisoqatigiit namminneq aningaasarsianit akileraarutit pillugit Inatsisartut inatsisaanni § 57 (siusinnerusukkut § 56, imm. 5) tunngavigalugu suliamik suliarinneqqilerneratigut, aamma sulianik paasissutissartalersuisarneq pillugu ingerlatsinermik inatsiseqartitsinerimi malittarisassat ilaatigut nalinginnaasut suliami paasissutissanik tamarmiusunik misissuisussaataitaa-nermik nassataqartut naapertorlugit.

Sulialli suliareqqinneqarnissaanut kommunip inatsisitigut tunngavissaqannginnera akileraarusiinerup atuunneranut sunniuteqarnaviangilaq, tassami inaarutaasumik aalajangiineq Akileraartarnermut Siunnersuisoqatigiit aalajangiinerimmassuk.

Taamaattumik inatsisitigut tunngavissaqannginnerup malitsigisaanik akileraarusiinerup atuuttuunngissinnaanera pillugu apeqqut Akileraartarnermut Siunnersuisoqatigiit eqqarsaatigalugit naliliiffigisassaavoq.

A-p 2003-mi aningaasarsiaanik amerlassusiliinerup suliareqqinnissaannut Akileraartarnermut Siunnersuisoqatigiit allattoqarfitsik aqutigalugu kommuni piginnaatissimavaat, kommunip aalajangiilersaarnermik allakkamini 31. maj 2006-imeersumi suliamik nammineq paasinninnera aamma A-p suliami illua'tungiusup isumaanik tusarniaanermut akissutaa kisiisa tunngavigalugit.

Uanga paasinninnera malillugu tamatuma nassataraa Akileraartarnermut Siunnersuisoqatigiit isummersimasut naammagittaalliuutip suliarineqarneranut atatillugu Akileraartarnermut Siunnersuisoqatigiit aalajangiinnerminni 9. maj 2006-imeersumi Siunnersuisoqatigiit arlaannaannulluunniit illersuisuunnginneranik nalornissutiginnilersitsisinnaasumik.

Oqaatigaara peqataasinnaaneq pillugu apeqqummik naliliiffiginninninni makku pingaartillugit aamma isiginiarsimagikka, tassalu aningaasarsianit akileraarutit pillugit Inatsisartut inatsisaanni § 115, imm. 5-imi

oqaaseqatigiitsigut kingullertigut aalajangersarneqartoq allattoqarfiup aalajangiineri Akileraartarnermut Siunnersuisoqatigiinnut saqqummiunneqartassasut, aamma Akileraartarnermut Siunnersuisoqatigiit aalajangiinerat 9. maj 2006-imeersoq Siunnersuisoqatigiit allattoqarfiata inassuteqaataa malillugu pisimasoq.

Akileraartarnermut Siunnersuisoqatigiit aalajangiinerat A-p aktianik niuernera pillugu erseqqissumik naliliinermik pingaarnertigut tunngaveqarpoq, suliamilu allaganngorlugit paasissutissani paasissutissanik Akileraartarnermut Siunnersuisoqatigiit K Kommunimut piginnaatitsinerata suliamik aalajangiinermut sunniuteqarsimanninneranut tikkuussisunik peqanngilaq.

Taamaattumik inassuteqaatigaara peqataasinnaannginneq aalajangiismanermut atatillugu qanoq iliuuseqarnissamut pissutissaqalersitsinersoq Akileraartarnermut Siunnersuisoqatigiit isumaliutersuutigissagaat.

Naggasiutaasumik oqaaseqaatika.

Inatsisartut Akileraaruserinermik ingerlatsineq pillugu Inatsisartut inatsisaat nr. 11, 2. november 2006-imeersoq akileraartarnermut tunngasuni nammagassanik suliassanillu agguataarinerup allanngortinneqarneranik nassataqartoq, kommunillu akileraaruseriffiini suliassat Namminersornerrullutik Oqartussat ingerlatsiviannut nuunneqarnerannik nassataqartoq Inatsisartut 2006-imi ukiakkut ataatsimiinneranni akueraat.

Taamaattumik isumaqarpunga aningaasarsianit akileraarutit pillugit Inatsisartut inatsisaanni § 115, imm. 5-ip, pingaartumik Akileraartarnermut Siunnersuisoqatigiit allattoqarfiata akileraarusiinernik suliarinneq-qinnissamut kommuninut piginnaatitsinnaanera eqqarsaatigalugu Inatsisartut inatsisaanni akileraarusiinernik suliarinneqqittarneq pillugu aalajangersakkanut naapertuuttuunnginneranik, tak. qulaani oqaaseqaatika, Inatsisartunut Naalakkersuisunullu nalunaaruteqarnissaq pisariaqanngitsosq.

Aamma maluginiarpara Akileraartarnermut Siunnersuisoqatigiit allattoqarfiata suliamik allaaserinninnera A-llu akiliinerup kinguartinneqar-nissaanik qinnuteqaataa pillugu inassuteqaataa 10. december 2005-imeersoq siumoortumik nalunaarsuinerup Akileraartarnermut Siunnersuisoqatigiinnut naammagittaalliuutigineqarsinnaannginnera pillugu oqaaseqaatini imaqartoq.

Akileraartarnermut Siunnersuisoqatigiit taamatut paasinninnerat isumaqatigaara.

2005-imili siumoortumik nalunaarsuineq A-p kukkunersiuisuata naammagittaalliuutaani 12. juli 2005-imeersumi aamma ilaammat isumaqarpunga naammagittaalliuutip tassunga tunngasortaa Akileraartarnermut Siunnersuisoqatigiit immikkut isummerfigisimasariaqaraluaat.

A uanga paasinninninnik allakkatigut allatigut allakkat ukua assilinerannik ilaqartinneqartutigit ilisimatippara.



*Akilerartarnermut Siunnersuisoqatigiit suliame allagaataat utertillugit nassiuppakka, atukkiunneqarnerat qujassutigalugu."*

Akilerartarnermut Siunnersuisoqatigiinnit ukiup nalunaarusiuunneqartup naanerani suli tusagaqanngilanga.

## 66. Inuussutissarsiutit

### 1. Arctic Umiaq Line A/S-ip pigisaanik tunisineq pillugu naammagittaalliuut

*A-p Ombudsmandi qinnuigaa Arctic Umiaq Line A/S-ip pigisaanik Naalakkersuisut tunisinerat ingerlatseqatigiiffimmik atorunnaarsitsinerunninnersoq imaluunniit tunisinerunninnersoq nalileeqqullugu.*

*Naalakkersuisut aktiaateqarlutik piginneqataasutut ingerlatseqatigiiffiup atorunnaarsinneqarnissaanik taamaallaat ataatsimeersuarnermi aalajangiisinnaanerat ilaatigut isiginiarlugu, Ombudsmandillu ingerlatseqatigiiffimmut tunngasut, matumani ingerlatseqatigiiffiup ataatsimeersuarnera, siulersuisui pisortaqarfialu ilanngullugit eqqarsaatigalugit, pillugit naammagittaalliuutinik suliarinninnissamut pisinnaatitaannginnera ilaatigut isiginiarlugu Ombudsmandip nalunaarutigaa pissutsit A-p saqqummiussai pillugit naammagittaalliuutit suliarinissaannut Ombudsmandi pisinnaatitaanngitsoq. (J.nr. 11.29.66.30/131-05)*

Naammagittaallioraq Naalakkersuisut aktiaateqarlutik piginneqataasutut 2005-imi iliuuseqarnerat pillugu naammagittaalliuutip suliarineqarnissaanik itigartitsissutinnut, tak. 2005-imi ukiumoortumik nalunaarutinni imikkoortoq 3, qupperneq 32 tulluulu, uiggiullugu allakkatigut 14. december 2005-imeersutigut saaffiginneqippoq. Saaffiginnissummit erserpoq:

"...

Aningaasaqarnermut ataatsimiititaliap apequtaanut 9. november 2005-imeersumut Naalakkersuisut Siulittaasuata akissutaa Ombudsmandip innersuussutigimmagu malugeqqussavara Naalakkersuisut Siulittaasuata akissummini atugassatut alalamini qupperit sisamaanni allassimammat Arctic Umiaq Line A/S-ip (AUL-ip) tunineqarnera pineqartoq, naak Naalakkersuisut Siulittaasuata apeqquummut 1-imut akissummini uppernarsaraluaraa tunisinermi ingerlatseqatigiiffiup pigisai imaanngitsoq aktiaatai pineqartut.

Pigisat tunineqarnerisa kingornatigut AUL-imi suut sinnerussimanerat sumiluunniit takuneqarsinnaanngimmat Ombudsmandi inussiarnersumik qinnuigissavara pigisanik tunisineq Arctic Umiaq Line A/S-imi atorunnaarsitsinerpiaannginnersoq nalileqqullugu. Apeqquut imaappoq: Pigisat tunineqarnerisa kingornatigut AUL-imi suut sinneruppat? Apeqquummut tunngaviusoq tassaavoq suliffeqarfimmik pisortat pigisaanik tunisineq ilumut pineqannginnersoq, AUL ullumikkutut isikkoqalersimappat, tassa ingerlatseqatigiiffik timitaqanngitsoq, Namminersornerullutik Oqartussat aktiaateqarlutik piginneqataaaffigisaat." (Atorfeqarfimmi nutsigaavoq)

Suliap suliarineqarnissaa allakkani 2. januar 2006-imeersuni itigartitsissutigaa, imaattunik oqaaseqateqarlunga:

"Arctic Umiaq Line A/S-ip pigisaanik tunisineq ingerlatseqatigiiffimmik atorunnaarsitsinerunersoq imaluunniit tunisinerunersoq misissuiffigisinnaaneriga naliliiffigeqqullugu A-p allakkatigut 14. december 2005-imeersutigut qinnuigaanga. Naalakkersuisut Siulittaasuata oqalugiaammuni oqaaserisimasaa, tassalu Arctic Umiaq Line A/S tunineqartoq, A-p innersuussutigaa.

Arctic Umiaq Line A/S-ip pigisaanik tunisinermut atatillugu Naalakkersuisut aalajangiisimanerat pillugu A-p siusinnerusukkut naammagittaalliummik tunniussineranut tunngatillugu allakkakka 18. november 2005-imeersut aallaqqaasiutitut innersuussutigaa.

Apeqqutit Inatsisartunut imaluunniit Inatsisartut Ataatsimiititaliaannut tunngasut uanga suliarisinnaanagit allakkani taakkunanani nassuiarpara.

Aammattaq ingerlatseqatigiiffiup oqartussaasui, tassalu ingerlatseqatigiiffiup ataatsimeersuartarneri, siulersuisui qullersaqarfialu, pillugit naammagittaalliuutit suliarinissaannut uanga pisinnaatitaannginnera nassuiarpara.

Ingerlatseqatigiiffiup pigisaanik tunisinerup Naalakkersuisut ingerlatseqatigiiffimmik atorunnaarsitsiniarlutik aalajangernerannut naligitinneqarsinnaanera pillugu apeqqummut atatillugu matuma kingorna oqaatigaara:

Aktiaateqarluni ingerlatseqatigiiffiit taamaallaat atorunnaarsinneqarsinnaapput aktieselskabit pillugit inatsimmi kapitali 14 (§ 116-imit § 128-mut) tunngavigalugu, tamatumalu ingerlatseqatigiiffiup pigisaanik tunisineq ingerlatseqatigiiffiup atorunnaarneranik imaaliiallaannaq kinguneqartariaqannginnera nassataraa.

Aktiaateqarluni ingerlatseqatigiiffik atorunnaarsinneqartariaqarnerisooq aktieselskabit pillugit inatsimmi § 116, imm. 1 tunngavigalugu ataatsimeersuarneq aallaavigalugu aalajangerneqartariaqarpoq.

Taamaattumik ingerlatseqatigiiffik atorunnaarsinneqassasooq Naalakkersuisut ingerlatsinermi oqartussaasutut aalajangiisinnaanngillat, tamannali pillugu aalajangiisoqassappat Naalakkersuisut piginneqataasutut ataatsimeersuarnermi aalajangiisinnaapput.

Taamatuttaaq ingerlatseqatigiiffiup pigisaminik tunisinerata ingerlatseqatigiiffiup atorunnaarsinneqarneranik kinguneqartariaqarnera pillugu naliliineq uanga pisinnaatitaanerma aamma avataaniippoq.

Arctic Umiaq Line A/S-ip pigisaanik tunisinerup ingerlatseqatigiiffimmik tunisinermut naligitinneqarsinnaaneranik apeqqut pillugu oqaatigaara Naalakkersuisut Allattoqarfianni immikkoortotami pisortaq ... oqarasuaatikkut 27. december 2005-imi apeqquteqarfigigakku tassannga paasissutissiissutigineqarmat Arctic Umiaq Line A/S-ip pigisaanik tunisinermi iluanaarutaasut ingerlatseqatigiiffimmik nakkassasut, taamaalillutillu pisisunit Nunatta Karsianut akilerneqassanatik.

Taamaattumik ...-mit apeqqutigineqartoq akissagaanni pigisanik tunisinerup piginneqataasutit nalingannut qanoq sunniuteqarnera erseqqinnerusumik misissor-neqaaqartariaqarpoq.

Aningaasaqarnermut tunngasunik taamatut misissueqqissaarneq uanga sulinerma avataaniippoq, tassami uanga suliassara tassaammat inatsisini malittarisassat atuutut Namminersornerullutik Oqartussanit aamma kommuninit malinneqarnerannik nakkutillineq.

Aktiaateqarluni ingerlatseqatigiiffiup aningaasatigut ingerlanneqarnerani kukkunerit inatsisitigut akisussaaffigineqarnerat ingerlatseqatigiiffiup oqartussaasuisa piginneqataasullu akisussaaffigaat, tak. aktieselskabit pillugit inatsimmi kapitali 16 (§ 140-mit § 146-mut).

Taarsiissuteqartoqarnissaa piumasaqaatigalugu eqqartuussivikkoortumik sulias-siissuteqarnissamik aalajangiineq ataatsimeersuartut pisussaaffigaat, tak. aktieselskabit pillugit inatsimmi § 144.

Taamaattumik ingerlatseqatigiiffiup pigisaanik tunisinerup piginneqataassutit nalingannut qanoq sunniuteqarsimanera imaluunniit Naalakkersuisut, Arctic Umiaq Line A/S-imik piginnittuusutut, aalajangiussat tunngavigalugit taakkununnga aningaasatigut annaasaqarnermut akisussaanerup atortuutinniarneqarnissaanut tunngavissaqarneranik apeqqut aamma misissuiffigisinnaangilara.

Taamaalilluni Naalakkersuisut piginneqataasutut piginnaatitaaffimminnik Inatsisartut akuersissutaat naapertorlugit atuinerannik nakkutilliineq Inatsisartut namminneq pisussaaffigaat.

Pissutsit A-p saqqummiussaasa misissornissaannut pisinnaatitaannginnama ...-p allagaanut 14. december 2005-imeersunut atatillugu annertunerusumik iliuseqaq-qissanngilanga."

## 99. Allat

### 1. **Tusagassiorfiit allagaatinik paasitinneqarsinnaatitaanerat**

*Ilassinnissutininik atuineq pillugu suliami Naalakkersuisunut ilaasortat Rasmus Frederiksenip aamma Jens Napaattuup eqqartuussissuserisuisa allagarisimasaannik kiisalu Naalakkersuisut Allattoqarfiata akissutaanik tamanik paasitinneqarnissamik qinnuteqaat Naalakkersuisut Allattoqarfiata itigartimmagu A-p tusagassiortuusup naammagittaalliuutigaa.*

*Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 13, imm. 1, nr. 5 innersuussutigalugu itigartitsisoqarpoq, tassami pisortat suliami tassani aningaasaqarnikkut annertuumik illersugassaqarnerat Allattoqarfiup innersuussutigimmagu, aningaasaqarnikkullu soqutigisag taanna pisariaqarneratut illersorneqarsinnaanngimmat Allattoqarfiup suliamik eqqartuussissuserisunut ingerlaavartumik oqaloqatiginnissutai tamanut saqqummiunneqarpata.*

*Ombudsmandi isumaqarpoq suliami allagaatit paasitinneqarsinnaatitaaneq pillugu inatsimmi § 13, imm. 1, nr. 5 innersuussutigalugu paasissutissiissutigineqartussanut ilanngutinngitsoorneqarsinnaanerit ilimananngilluinnartoq, tassami pissutsit Allattoqarfiup allagaatinik paasitinneqarnissamik § 13, imm. 1 nr. 5 tunngavigalugu itigartitsinermini tunngavilersuutitut oqaatigisai pissutsimikkut aalajangersakkami pineqartunut ilaasutut isigineqarsinnaanngimmata.*

*Ombudsmandip tamatuma kingornatigut inassuteqaatigaa A-p qinnuteqaataa Naalakkersuisut Allattoqarfiata suliareqqissagaa. Ombudsmandip aamma oqaatigaa isumaqarluni suliami allagaatit Naalakkersuisut Allattoqarfiannit piumasarisami ilaannai tigusunngit. (J.nr. 11.01.99.08/104-05)*

Ilassinnissutininik atuineq pillugu suliami Naalakkersuisunut ilaasortat Rasmus Frederiksenip aamma Jens Napaattuup eqqartuussissuserisuisa allagarisimasaannik kiisalu Naalakkersuisut Allattoqarfiata akissutaanik tamanik paasitinneqarnissamik qinnuteqaat Naalakkersuisut Allattoqarfiata itigartitsissutigisimammagu A-p tusagassiortuusup allakkatigut 7. november 2005-imeersutigut naammagittaalliuutigaa.

Naalakkersuisut Allattoqarfiata itigartitsissutaa 24. oktober 2005-imeersuq imaattunik oqaasertaqarpoq:

”Ilassinnissutininik atuineramik suliamut atatillugu Rasmus Frederiksenip Jens Napaattuullu eqqartuussissuserisuisa allakkatigut attaveqatigiittarnerannit kiisalu Naa-

lakkersuisut Allattoqarfianit akissutaasimasunik paasitinneqarnissat e-mailikkut alakkatigut 15. oktober 2005-imeersutigut qinnutigisimavat.

Allagaatinik paasitinneqarsinnaatitaaneq pillugu malittarisassat pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumiippit (suliami illua'tungiusup paasitinneqarsinnaatitaanera pillugu malittarisassani) aamma pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumiippit (nalinginnaasumik paasitinneqarsinnaatitaaneq pillugu malittarisassani).

Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 2-mi, imm. 1 sulianut ingerlatsinermit oqartussaasumit aalajangiiffigineqarsimasunut aalajangiivigineqartussanulluunniit atuuppoq.

Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 1-imi, imm. 1 sulinermut Kalaallit Nunaanni Namminersornerullutik Oqartussat kommunillu ataanni ingerlanneqartumut tamarmut atuuppoq.

Suliami matumani Naalakkersuisut Allattoqarfiat naliiivoq paasitinneqarnissamik qinnuteqaat pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersuq tunngavigalugu suliarineqassasoq. Taamaaliornermi suliami illua'tungiuungitsutut inissisimanerit tunngaviutinneqarpoq.

Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 1, imm. 1-imit erserpoq inatsit taanna Kalaallit Nunaanni Namminersornerullutik Oqartussat kommunillu ataanni sulianut pisortatigut ingerlanneqartunut tamanut atuuttusoq.

§ 15, imm. 1-imi oqaaseqatigiit aappaanni aalajangersarneqarpoq allagaatinik paasitinneqarnissamik qinnuteqaat oqartussaasumit allagaatinik tiggummissaqartumit aalajangiivigineqassasoq.

§ 4, imm. 1-imit erserpoq §§-ini 7-14-imi ilaatinneqanngitsutut taaneqarsimasut saniatigut kinaluunniit allakkianik ingerlatsinermit oqartussaasumi allaffikkoortumik suliamik ingerlatsinermit atatillugu apuussimallutilluunniit suliarineqarsimasunik paasitinneqarumalluni piumasaqarsinnaasoq.

Naalakkersuisut Allattoqarfiata allagaatinik paasitinneqarumallutit qinnuteqaatit ima tunngavilersuuteqarluni itigartillugu matumuuna nalunaarfigaatit:

§ 13, imm. 5-imit erserpoq paasitinneqarsinnaatitaaneq killilernerqarsinnaasoq pisortat aningaasaqarnikkut soqutigisaasa immikkut mianerineqarnissaasa illersorneqarnissaannut tamanna pisariaqarpat, matumani pisortat niuernermik suliaqarnerat ilanngullugu eqqarsaatigalugu.

Aalajangersagaq pillugu oqaaseqaatinit erserpoq: "Aalajangersakkap pingaartumik pisortat isumaqatigiissuteqartarneranni aamma pisortat akissarsiat sulisoqarnermullu tunngasut pillugit isumaqatigiinniarnanni atorineqartarnissaa eqqarsaatigineqarpoq. Tamatuma saniatigut naatsorsuutigineqarpoq manna tikillugu pisarnertut innuttaasut paasitinneqarsinnaanerisa killilersimaarsinnaanerannut periarfissaqassasoq, pisortat suliffeqarfiiisa namminersorlutik inuussutissarsiutitigut suliffeqarfinnut atugassarititaasut assinginik atugassaqartitaallutik ingerlanissaat, imaluunniit suliffeqarfinnik taamaattunik inuussutissarsiutitigut suleqateqarnissamik isumaqatigiissuteqartarnissaat."

Inatsit pillugu oqaaseqaatinit nalinginnaasunit erserpoq Inatsisartut inatsisissaatut siunnersuut taanna qallunaat paasitinneqarsinnaatitaaneq pillugu inatsisaat 1. januar 1987-imi atuutilersuq aallaavigalugu suliarineqarsimasuq.

Tamanna tunngavigalugu paasininneq unaavoq qallunaat aalajangersagaanni aalajangersakkat taakku pissuseqataanni tunngaviumik isuma pisortat ingerlatsine-

rat pillugu paasitineqarsinnaatitaaneq pillugu Kalaallit Nunaanni Inatsisartut inatsisaanni aalajangersakkat qanoq paasineqarnissaannik nassuiaanermi tunngaviutin-neqarsinnaasoq.

Qallunaat taassuma pissuseqataannik aalajangersagaanni aalajangersakkamut tunuliaqutaasoq pillugu imaattunik allassimasoqarpoq: "Naalagaaffik kommunillu niuernikkut imaluunniit aningaasaqarnikkut ingerlataqarpata pisortat aningaasaqarnerat pingaartumillu isumaqatigiissutinut tunngasuni illua'tungiusutut inissisimane-rat mianerisariaqartumik, taava taamatut suliaqarneq paasissutissiisoqarnissaanut il-lersorneqartariaqarpoq." (Atorfeqarfimmi nutsigaavoq)

Aamma allassimavoq "naatsorsuutigineqarsinnaanngitsoq aalajangersagaq taan-na allagaatit pineqartut pisortat isumaqatigiinniarnermut isumaqatigiinniarnernul-luunniit massakkut ingerlanneqartumut/-nut atatillugu soqutigisaasa kisimik iller-sorneqarnissaat, aammali pisortat kingusinnerusukku isumaqatigiinniarnernut ata-tillugu soqutigisaat aalajangersakkami tassani pineqartunut ilaatinneqartutut isigine-qartariaqarlutik." (Atorfeqarfimmi nutsigaavoq)

Kiisalu erserpoq aalajangersakkami nr.- 5-ip atuuffiani aningaasaqarnikkut soqu-tigisat piffissamut isumaqatigiissutip atorunnaarfiata kingornaniittumut isumaqati-giissuteqarsimanerullu kingunerisaanik eqqartuussivikkoortumik suliarinnittoqarsi-mappat taakku suliarineqarnerisa nalaanniittumut attuumassuteqartut pineqartunut ilaatinneqartut. "Offentlighedsloven med kommentarer"-mi, 1998-imi pingajussaa-nik naqitertinneqartumi quppernerit 244-mit 250-imut ataatsimut innersuussutigine-qarput.

Allagaatinik paasitineqarnissamik qinnuteqaammik itigartitsinermi manna pi-ngaartillugu isiginiarneqarsimavoq, tassalu eqqartuussissuserisut Naalakkersuisullu Allattoqarfiata allaffigeqatigiittarneranni allagaatit ilassinnissutinik atuinerup ki-ngunerisaanik aningaasatigut kinguneqartitsinermut atatillugu oqaloqatigiinnernut tunngassuteqarnerat. Suliami tassani pisortat aningaasaqarnikkut soqutigisap anner-tuup taassuma pisortat eqqartuussissuserisunut isumaqatigiinniarnernisa il.il. inger-laavartut avammut saqqummiunnagit isumagineqarsinnaanerisa illersorneqarnissaat pisortat pingaarluinnartutut isigisimavaat. Taamatut avammut saqqummiussinerup pisortat isumaqatigiinniarnermi inissisimane-rat sanngiillsittussaavaa, aningaasaqar-nikkullu annaasaqarsinnaaneq nassatarisussaallugu.

Aammattaq manna pingaartillugu isiginiarneqarsimavoq, tassalu paasinnineq unaasoq Naalakkersuisut Allattoqarfiata suliami matumani sulinera tassaasoq "i-ngerlatsinermik suliaqarnivik". Naalakkersuisut Allattoqarfiata ilassinnissutinik a-tuinerup kingunerisaanik aningaasaqarnikkut kinguneqartitsineq pillugu oqaloqati-gininneq aallartissimavaa. Taamaalluni pineqartoq tassaavoq Naalakkersuisut Al-lattoqarfiata akiliisitsiniarnermik eqqartuussissuserisumut isumagisassanngortinne-qarsimasinnaagaluartumik suliaqarnera.

Kiisalu manna aamma pingaartillugu isiginiarneqarsimavoq, tassalu qinnuteqaat itigartissallugu pisariaqarsimasoq, sulianut taakkununga assingusut massakkut siu-nissamilu suliaasinnaasut sapinngisamik sukumiinernaamik tunngaveqarluni suliar-neqarsinnaannerannik pisortat soqutigisaqarnerannik illersuinissap qulakkeerneqar-nissaa eqqarsaatigalugu. Taamaalluni naliliineq unaavoq siunissami suliani taa-maattuni Naalakkersuisut Allattoqarfiat eqqartuussissuserisumik oqaloqateqarnissa-minut sukumiisunik tunngavissaqarnavianngitsoq, assersuutigalugu eqqartuussissu-serisup isumaqatigiinniarnermut tunngavissiaa imaluunniit suliamik naliliinera pil-lugu allagaatinik paasitineqarnissamik qinnuteqaat Allattoqarfiup akuerisariaqarsi-mappagu.

§ 4, imm. 2-mi oqaaseqaatigiit aappaanni annertunerusumik paasissutissiisarneq pillugu malittarisassat malillugit allagaatinik paasitineqaannarsinnaannginnersutit Naalakkersuisut Allattoqarfiata isumaliutersuutigisimavaa.

Naalackersuisut Allattoqarfiat tamanna pillugu nalileereerluni isumaqarpoq anertusisamik paasisutissiisarneq pillugu malittarisassat malillugit allagaatinik paasitinneqarnissannut periarfissaqanngitsoq. Allattoqarfiup aalajangiinnermini tunngavilersuutit qulaani taaneqartut assingi pingaartillugit isiginiarsimavai, allallu allaffigeqatigiittarnermi allagaatinik paasitinnagit aaqqiagiinnngissummut aaqqiissutaasinaasut pillugit illua'tungiusut eqqartuussissuserisuiunut Naalackersuisut allaffigeqatiginnissinnaanerat annertuumik pingaaruteqartuusutut isiginiarsimallugu." (Atorfeqarfimmi nutsigaavoq)

Naalackersuisut Allattoqarfiannut 17. november 2005-imi imatut allappunga:

"A-p naammagittaalliutaa, assilinera ilanngullugu nassiunneqartoq, Ombudsmandip tiguaa.

Ombudsmandip naammagittaalliut imatut paasivaa Rasmus Frederiksenip aamma Jens Napaattuup eqqartuussissuserisuisa aamma Naalackersuisut Allattoqarfiata ilassinissutinik atuineq pillugu allaffigeqatigiittarneranni allagaatinik paasitinneqarnissamik itigartitaasimanini A-p naammagittaalliutitiginiaraa.

Naalackersuisut Allattoqarfiat qinnuigaara Rasmus Frederiksenip aamma Jens Napaattuup ilassinissutinik atuineri pillugit suliani Naalackersuisut Allattoqarfiata allagaatai atukkiuteqqullugit.

Naalackersuisut Allattoqarfiat aamma qinnuigaara suliamik paasinninnini aamma aalajangiinnermut inatsimmi tunngavigineqartumik paasinninnini pillugit nassuaateqaqqullugu. Naalackersuisut Allattoqarfiat tamatumunnga peqatigitillugu qinnuigaara A-p paasitinneqarnissamik itigartinneqannginnerani allagaatit ataasiakkaarlugit immikkut nalilisoqartarsimanersoq nalunaarutigeqqullugu.

Naalackersuisut Allattoqarfiata itigartitsissutaanit 24. oktober 2005-imi ulluleneqarsimasumit erserpoq:

"§ 13, imm. 5-imit erserpoq paasitinneqarsinnaatitaaneq killilerneqarsinnaasoaq pisortat aningaasaqarnikkut soqutigisaasa immikkut eqqarsaatigineqarnissaasa illersorneqarnissaannut tamanna pisariaqarpat, matumani pisortat niuernikkut ingerlatsinerat ilanngullugu eqqarsaatigalugu.

..." (Atorfeqarfimmi nutsigaavoq)

Aamma tassanga erserpoq matumani manna pingaartillugu ilanngullugu isiginiarneqarsimasoaq, tassalu pisortat allaffigeqatigiittarneranni allagaatinik tamanut saqqummiussinerup pisortat isumaqatigiinniarnermi inissisimanerat ajorseriartissagaa, aningaasatigullu annaasaqarsinnaaneq nassatarissagaa. Tamatuma saniatigut oqaatigineqarpoq Naalackersuisut Allattoqarfiat "niuernernikkut ingerlatsinivimmik ingerlataqartoq". Kiisalu itigartitsisoqartoq suliat taamaattut massakkut ingerlasut siunissamilu ingerlalersinnaasut sapinngisamik sukumiinnerpaamik tunngaveqarlutik ingerlanneqarsinnaasarnissaat eqqarsaatigalugit. Naalackersuisut Allattoqarfiata matumani innersuussutigaa eqqartuussissuserisup sukumiisumik tunngaveqarluni oqaloqatigineqarsinnaanera naatsorsuutigineqarsinnaanngitsoq, eqqartuussissuserisup suliaq pillugu isumaqatigiinniarnissamut tunngavissiaa naliliineraluunniit pillugu paasitinneqarsinnaatitaaneq atuutsinneqarsinnaappat.

Paasitinneqarsinnaatitaaneq pillugu pingaarnertut malittarisassaq pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 4-miippoq. Tassani aalajangersarneqarpoq §§-ini 7-imit 14-imut ilaatinneqassanngitsutut taaneqarsimasut saniatigut allagaatinik inger-



latsinermut oqartussaasumi aqutsinermi allaffissornikkut suliamik ingerlatsinermut atatillugu apuussimasumik pilersinneqarsimasumilluunniit paasitinneqarumalluni kinaluunniit piumasaqarsinnaasoq.

Aallaavik taanna ilaatigut § 13, imm. 1 tunngavigalugu killilernerqarsinnaavoq, pissutsit nr. 1-6-imi taaneqartut eqqarsaatigineqarnissaasa illersorneqarnissaat pisariaqarpat.

Paasitinneqarsinnaanermik § 13, imm. 1-imi nr. 1-imit 6-imut tunngavigalugit killiliisoqassappat killiliinerup isiginiagassat pingaaruteqartut illersorneqarnissaanut pisariaqartuusimanissaa piumasaqaataavoq.

Taamaattumik Naalakkersuisut Allattoqarfiat qinnuigaara paasitinneqarnissamik itigartitsinerup soq pisariaqarsimanera kiisalu immikkut isiginiagassat suut taamaaliornikkut illersorniarneqarsimanerat pillugit nassuiaateqaqqullugu.

Oqaatigaara allagaatinik paasissutissanilluunniit § 13, imm. 1-imi nr. 1-imit 6-imut tunngavigalugit ilaatitsinngitsoqassappat manna piumasaqaataasoq, tassalu pisortat inuilla ataasiakkaat soqutigisaasa annertuumik isiginiartariaqarnerat paasissutissanik allagaatinilluunniit pineqartunik paasitinneqarsinnaatitaanermi suliani ataasiakkaani naliliinikkut salliutinneqartariaqartoq. Taamaalluni allagaatinik paasitinneqarnissamik qinnuteqaat taamaallaat itigartinneqarsinnaavoq soqutigisat taaneqartut annertuumik ajoquserneqarnissaat ilimanarlunnarpat.

Pisortat ingerlatsinerat pillugu paasitinneqarsinnaatitaaneq pillugu inatsimmi § 13, imm. 1-imi nr. 5 pillugu oqaaseqaatinit erserpoq:

”Aalajangersakkap pingaartumik pisortat isumaqatigiissuteqartarneranni aamma pisortat akissarsiat sulisoqarnermullu tunngasut pillugit isumaqatigiinniarnaranni atorneqartarnissaa eqqarsaatigineqarpoq. Tamatuma saniatigut naatsorsuutigineqarpoq manna tikillugu pisarnertut innuttaasut paasitinneqarsinnaanerisa killilersimaarneqarsinnaanerannut periarfissaqassasoq, pisortat suliffeqarfiisa namminersorlutik inuussutissarsiutitigut suliffeqarfinnut atugassarititaasut assinginik atugassaqartitaallutik ingerlanissaat, imaluunniit suliffeqarfinnik taamaattunik inuussutissarsiutitigut suleqateqarnissamik isumaqatigiissuteqarsinnaanissaat.”

Taamaattumik Naalakkersuisut Allattoqarfiat qinnuigaara pisortat aningaasaqarneranni isiginiagassat annertuut, matumani niuernermik suliaqarneq ilanngullugu eqqarsaatigalugu, suut paasitinneqarnissamik itigartitsinissaq pisariaqartilersimaneeraat paasissutissiissutigeqqullugu. Naalakkersuisut Allattoqarfiat matumani ilanngullugu aamma qinnuigaara makku pillugit nassuiaateqaqqullugu, tassalu erseqqisumik naliliinerup kingornatigut aningaasaqarnikkut soqutigisat annertuumik ajoquserneqarnissaat ilimanaateqarluarnerasoq, aamma paasitinneqarnissamik qinnuteqaat akuerineqarpat aningaasaqarnikkut soqutigisat qanoq ilillutik ajoquserneqassanersut.

Naalakkersuisut Allattoqarfiat tamatumunnga peqatigitillugu qinnuigaara paasitinneqarnissamik qinnuteqaatip akuerineqarneratigut pisortat aningaasaqarnikkut soqutigisat qanoq ilillutik ajoquserneqassanersut paasissutissiissutigeqqullugu.

Tulliullugu oqaatigaara manna uannut imaaliallaannaq paasiuminaatsutut immat, tassalu Naalakkersuisut Allattoqarfiat pisumi matumani niuernikkut qanoq ililluni ingerlatsinersoq. Naalakkersuisut Allattoqarfiat qinnuigaara tamanna pillugu oqaaseqaateqaqqullugu.

Naggasiullugu oqaatigaara Naalakkersuisut Allattoqarfiata paasinninnera manna isumaqatigigiga, tassalu pisortat ingerlatsinerat pillugu paasitinneqarsinnaatitaaneq pillugu Kalaallit Nunaanni inatsimmi aalajangersakkat qanoq paasineqarnissaannik paasiniaanermi qallunaat taamaatut aalajangersagaat pillugit isumaliutersuutit tunngaviutinneqarsinnaasut.

Naalakkersuisut Allattoqarfiata akissutaa Ombudsmandip suliamik suliarinninnerminik inaarsaannginnerani A-mut saqqummiunneqassasoq naatsorsuutigineqarpoq."

Naalakkersuisut Allattoqarfiat allakkannut 17. november 2005-imeersunut akissuteqaqqullugu allakkatigut 20. december 2005-imeersutigut aamma 20. januar 2006-imeersutigut nukingisaarpara.

Naalakkersuisut Allattoqarfiat allakkatigut 26. februar 2006-imeersutigut akivoq. Akissummit makku erserput:

"Inatsisartut Ombudsmandiata allakkani 17. november 2005-imeersuni oqaatigaa naammagittaalliut qulaani taaneqartoq Ombudsmandip tigusimagaa. Ombudsmandip Naalakkersuisut Allattoqarfiat tamatumunnga atatillugu arlalinnik qinnuigisimavaa.

1. Ombudsmandip Naalakkersuisut Allattoqarfiat qinnuigaa ilassinissutinik atuineq pillugu suliat Rasmus Frederiksenimut aamma Jens Napaattuumut tunngasut atukkiuteqaqqullugit.

Ilassinnissutinit kontomi aningaasat pissutissaqanngitsumik atorneqarsimasut utertillugit akilernerqarnissaannik piumasaqaatini Allattoqarfiup aamma Naalakkersuisunut ilaasortaasimasut taakku marluk taakkualu eqqartuussissuserisuisa allaffigeqatigiittarsimaneranni allagaatit Naalakkersuisut Allattoqarfiata tunniussinnaavai. Naalakkersuisulli Allattoqarfiat taakkua saniatigut Naalakkersuisunut ilaasortaasimasut marluk taakku ilassinissutinik atuisimanerat pillugu sulianik tigummiqaqqingilaq, tassami suliami allagaatit (naatsorsuutinit ilanngussaagajuttartut) pisortaqarfinni pineqartuniimmata. Aamma ilassinissutinik atuineq pillugu suliami Naalakkersuisunut ilaasortat taakkua marluk eqqartuussissuserisuisa allagarisimasaanik kiisalu Naalakkersuisut Allattoqarfiata akissutigisimasaanik paasitinneqarnissaq kisimi qinnutigineqarsimasoq takuneqarsinnaavoq.

Piffissamit piumasaqaatit Naalakkersuisunut ilaasortaasimasunut marlunnut taakkununga saqqummiunneqarfiannit allagaatinik paasitinneqarnissamik qinnuteqarnerup tungaanut allagaasimasut assilineri ilanngullugit nassiunneqarput.

2. Ombudsmandip Naalakkersuisut Allattoqarfiat qinnuigaa suliamik paasinninini pillugu nassuiaateqaqqullugu, aalajangiinermullu inatsisikkut tunngavigineqartumik paasinninnini pillugu erseqqinnerusumik nassuiaateqaqqullugu.

Ilassinnissutinik atuineq pillugu suliami allagaatit (naatsorsuutit pillugit paasissutissat il.il.) oqaatigineqartutut pisortaqarfinni ataasiakkaani suliarineqarlutillu pigineqarput. Suliani nammineri allagaatinik paasitinneqarnissamut qinnuteqaatit Naalakkersuisut Allattoqarfiannut nassiunneqaraangata tamanna naapertorlugu pisortaqarfinnut pineqartunut ataasiakkaanut ingerlateqqillugit nassiunneqartarput.

Taamaallilluni Naalakkersuisut Allattoqarfiata ilassinissutinik atuinerup kingunerisaanik aningaasaqarnikkut kinguneqartitsinermut atatillugu oqaloqatiginninnerit kisiisa isumagisimavai. Tassa imaappoq Naalakkersuisut Allattoqarfiat Naalakkersuisunut ilaasortaasimasut marluk taakku eqqartuussissuserisuisalu ilassinissutinik pissutissaqanngitsumik qanoq atuisimatigisinaanerannik missiliuussinerat tusarniarlugu. Eqqartuussissuserisut akissutaat Naalakkersuisut Allattoqarfiata tigusimavai. Naalakkersuisut Allattoqarfiata suliaq tamatuma kingornatigut eqqartuussissuserisumut tunniussimavaa, suliap inaarlugu suliarineqarnissaa siunertaralugu.

Aalajangiinermi ersertut Allattoqarfiup paasinninna unaavoq ilassinnissutini atunerup kingunerisaanik aningaasatigut kinguneqartitsineq pillugu oqaloqati-giinnerit tassaasut akiliisitsiniarnermik suliaqarnermut assersuunneqarsinnaasut, eq-artuussissuserisumut aallaqqaataaniilli tunniunneqarsimasinnaagaluartut.

Qallunaat aalajangersagaanni matuma pissuseqataanni aalajangersakkap tunulia-qtua pillugu imaattunik innersuussiffiusoq pillugu oqaaseqaatit aalajangernermi innersuussutigineqarput: "Naalagaaffik kommunillu niuernikkut imaluunniit aningaa-saqarnikkut ingerlataqarpata pisortat aningaasaqarnerat pingaartumillu isumaqati-giissutinut tunngasuni illua'tungiusutut inissisimanerat mianerisariaqartumik, taava taamatut suliaqarneq paasissutissiisoqarnissaanut illersorneqartariaqarpoq." (Atofeqarfimmi nutsigaavoq)

Aamma allassinavoq "naatsorsuutigineqarsinnaanngitsoq aalajangersagaq taana allagaatit pineqartut pisortat isumaqatigiinniarnermut isumaqatigiinniarnernul-luunniit massakut ingerlanneqartumut/-nut atatillugu soqutigisaasa kisimik iller-sorneqarnissaat, aammali pisortat kingusinnerusukku isumaqatigiinniarnernut ata-tillugu soqutigisaat aalajangersakkami tassani pineqartunut ilaatinneqartutut isigine-qartariaqarlutik." (Atofeqarfimmi nutsigaavoq)

Taamaattumik aalajangiinermi ilaatigut aamma pingaartillugu isiginiarneqarpoq qinnuteqaammik itigartitsinissaq pisariaqartuusooq, sulianut taakkununga assingu-sut massakut siunissamilu suliaasinnaasut sapinngisamik sukumiinerpaamik tunngaveqarluni suliarineqarsinnaanerannik pisortat soqutigisaqarnerannik illersuinis-sap qulakkeerneqarnissaa eqqarsaatigalugu. Taamaallilluni naliliineq unaavoq eqqar-tuussissuserisup sukumiisumik tunngaveqarluni oqaloqatigineqarsinnaanera naat-sorsuutigineqarsinnaanngitsoq, eqqartuussissuserisup suliaq pillugu isumaqatigiin-niarnissamat tunngavissiaa naliliineraluunniit pillugu paasitinneqarsinnaatitaaneq atuutsinneqarsinnaappat.

Ombudsmandip Naalakkersuisut Allattoqarfiat qinnuigaa aalajangiinermut inat-sisikkut tunngavigineqartumik paasinninnini pillugu erseqqinnerusumik nassuiaate-qaqqullugu. Naalakkersuisut Allattoqarfiata aalajangiineq innersuussutigaa, taan-nami Allattoqarfiup paasinninna malillugu sukumiisorujussuummat, malittarisas-sanut atorneqartunut, taakku pillugit oqaaseqaatinut, qallunaat aalajangersagaannut taakku pissuseqataannut aamma itigartitsinermut tunngaviusunut kiisalu annertusi-samik paasitinneqarnissamik itigartitsinermut tunngaviusunut innersuussutitaqar-mat.

3. Ombudsmandip Naalakkersuisut Allattoqarfiat qinnuigaa A-p allagaatinik paa-sitinneqarnissamik qinnuteqaataata itigartinneqannginnerani Naalakkersuisut Allat-toqarfiat allagaatit ataasiakkaarlugit naliliisimanersoq paasissutisseeqqullugu.

Aalajangiinermi allagaatit ataasiakkaarlugit naliliisoqarsimavoq.

4. Allagaatinik paasitinneqarnissamik qinnuteqaatip itigartinneqarnissaa soq pi-sariaqarsimanersoq nassuiarneqassasoq kiisalu mianerisassat suut matumani iller-sorneqartussaasimanersut nassuiarneqassasoq Ombudsmandip qinnutigisimavaa.

Aalajangiinermi ersertut paasinninneq unaavoq suliami tassani aningaasaqar-nikkut soqutigisap annertuup taassuma pisortat eqqartuussissuserisunut isumaqati-giinniarnnerisa il.il. ingerlaavartut avammut saqqummiunnagit isumagineqarsinnaa-nerisa illersorneqarnissaat pisortat pingaarluinnartutut isigisimagaat. Taamatut avammut saqqummiussinerup pisortat isumaqatigiinniarnermi inissisimanerat san-giillissittussavaa, aningaasaqarnikkullu annaasaqarsinnaaneq nassatarisussaallugu.

Aningaasaqarnikkut kinguneqartitsineq matumunnga tunngavoq, tassalu Naalak-kersuisunut ilaasortaasimasut marluk taakku ilassinnissutini atonerluisimanersut, matumani Kalaallit Nunaanni Namminersornerullutik Oqartussat tamatumunnga

atatillugu Naalakkersuisunut ilaasortaasimasunut marlunnut taakkununnga aningaasaniq piumasaqaateqarsinnaanerit ilanngullugu eqqarsaatigalugu.

Tassalu aningaasaqarnikkut soqutigisaq taanna tassaavoq isumagineqartussaq, pisortat eqqartuussissuserisunut ingerlaavartumik isumaqatigiinniarnerat il.il. tamanut saqummiutinngikkaluarlugu.

5. Ombudsmandip Naalakkersuisut Allattoqarfiat qinnuigaa pisortat aningaasaqarneranni mianerisassat annertuut, matumani niuernermik suliaqarneq ilanngullugu eqqarsaatigalugu, suut paasitinneqarnissamik itigartitsinissaq pisariaqartilersimaneeraat paasissutissiissutigeqqullugu.

Pisortat aningaasaqarnikkut soqutigisaat eqqarsaatigalugit mianerisassat annertuut suut allagaatinik paasitinneqarnissamik qinnuteqaatip itigartittariaqarneranut pissutaasut eqqarsaatigalugit immikkoortup 4-p ataani akissummi oqaatigineqartut innersuussutigineqarput.

Pisortat aningaasaqarnikkut soqutigisaat eqqarsaatigalugit mianerisassat annertuut suut allagaatinik paasitinneqarnissamik qinnuteqaatip itigartittariaqarneranut pissutaasut eqqarsaatigalugit immikkoortup 2-p ataani akissummi oqaatigineqartut innersuussutigineqarput.

6. Ombudsmandip suliami nalilliinerup kingornatigut aningaasaqarnikkut soqutigisat annertuumik ajoquserneqarnissaat ilimanaateqarluarnersoq, aamma paasitinneqarnissamik qinnuteqaat akuerineqarpat aningaasaqarnikkut soqutigisat qanoq ilillutik ajoquserneqassansut nassuarneqassasoq qinnutigisimavaa.

Aalajangiinermi ersertutut paasissutissiinerup pisortat isumaqatigiinniarnermi inissisimaneerat ajornerulersittussavaa, aningaasaqarnikkullu annaasaqarneq nassatarisinnaallugu. Aaqqiagiinnngissutaasuni aningaasat pillugit oqaloqatigiinnerit aaqqiissutaasinnaasutullu piusut pillugit, matumani Naalakkersuisunut ilaasortaasimasut marluk taakku isumaqatigiinniarnissamut tunngavissiaat ilanngullugit eqqarsaatigalugit, paasinninneq unaavoq imaassinnaasoq suliami matumani isumaqatigiinniqaqqinnissat mattunneqartut imaluunniit ajornakusuulersinneqartut. Tamatuma imini aningaasaniq annaasaqarsinnaaneq nassatarissavaa.

Aningaasaqarnikkut soqutigisat ajoquserneqassapput pisortat eqqartuussivikkoortumik suliaasiissuteqarnissamut pinngitsaalineqarsinnaanerisigut, tassami suliap avammut saqummiunneqarnerata suliaq pillugu isumaqatigiinniqaqqinnerit mattussinnaammagit.

7. Ombudsmandip qinnutigaa paasitinneqarnissamik qinnuteqaatip akuerineqarneratigut pisortat aningaasaqarnikkut soqutigisaat qanoq ilillutik ajoquserneqassansut paasissutissiissutigeqqullugu.

Immikkoortup 5-ip ataani akissut innersuussutigineqarpoq.

8. Ombudsmandip Allattoqarfik qinnuigaa Naalakkersuisut Allattoqarfiat pisumi matumani niuernermik qanoq ililluni suliaqarnera pillugu oqaaseqaateqaqqullugu.

Immikkoortup 2-p ataani akissut innersuussutigineqarpoq.

Taama kingusitsigisumik akissuteqarneq Allattoqarfiup ajuusaarutigissavaa, tamannalu Allattoqarfiup inatsisilerisoqarfiata 2005-imi ukiamiilli sulisunik amigaa-teqarsimanerujussuanik pissuteqarpoq." (Atorfeqarfimmi nutsigaavoq)

Naalakkersuisut Allattoqarfiata allagai A-mut suliami illua'tungiusumut taassuma isumaanik tusarniaatitut allakkatigut 27. februar 2006-imeersutigut nassiuppakka.

A 10. april 2006-imi allappoq naammagittaalliutimi uannit suliarinegarnerata ingerlaqqinnissaa kissaatigigini. A Naalakkersuisut Allattoqarfia allagai pillugit oqaaseqaatinik nassiussingilaq.

*Tamakku tunngavigalugit imaattunik oqaaseqaateqarpunga:*

*"Aallaqqaasiutitut oqaatigaara Naalakkersuisut Allattoqarfiaq isumaqatigigiga oqarmat qallunaat aalajangersagaat taakku pissuteqataat pillugu isumaliutersuutit pisortat ingerlatsinerat pillugu paasitinneqarsinnaatitaaneq pillugu Kalaallit Nunaanni Inatsisartut inatsisaata qanoq paasineqar-nissaanik nassuiaanermi tunngaviutinneqarsinnaasut.*

### 1. Inatsisitugut tunngavigisaq.

*Allagaatinik paasitinneqarsinnaatitaaneq pillugu malittarisassat pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumiippat.*

*Pingaarnertut malittarisassaq § 4, imm. 1-imiippoq, taannalu imaattunik oqaasertaqarpoq:*

*"§ 4. §§ 7-14-imi ilaatinneqanngitsut taaneqarsimasut saniatigut allakkianik ingerlatsineranut oqartussaasumi allaffikkoortumik suliassamik ingerlatsineranut atatillugu apuussimallutilluunniit suliarineqarsimasunik paasitinnegarumalluni kinaluunniit piumasaqarsinnaavoq. Ingerlatsineranut oqartussaq annertunerusumik paasissutissiisinnaavoq nipangiussimasussaataaneq il.il. pillugit malittarisassat allanik aalajangersaasimangippata."*

*Allagaatinik paasitinneqarsinnaatitaaneq pillugu pingaarnertut malittarisassat §§-ini 7-imit 14-imut taaneqarsimappat.*

*Suliami matumani allagaatinik paasitinneqarnissaq § 13, imm. 1, nr. 5 tunngavigalugu itigartitsissutigineqarsimavoq. § 13-ikkut makku aalajangersarneqarput:*

*"§ 13. Paasitinneqarsinnaatitaaneq killilerneqarsinnaavoq, tamanna pisariaqarpat makku immikkut eqqarsaatigineqarnissaasa illersorneqarnissaannut:*

*1) Naalagaaffiup isumannaatsuunissaa illersorneqarnissaaluunniit,  
2) naalagaaffiup nunanut allanut naalakkersuinikkut aningaasarsiornikkullu soqutigisai, tassunga ilanngullugit naalagaaffinnut inuiaalluunniit assigiinngitsut akornanni suliffeqarfinnut pissusiusut,*

*3) inatsisinik unioqutitsineramik pinaveersaartitsinerit, paasiniaanerit malersuinerillu, pinerluttulerinermi inatsisit tunngavigalugit eqqartuussissutit assigisaasalu naammassineqarneri, kiisalu suliassani pinerluttulerinermi inatsisinik imaluunniit ileqqussanik unioqutitsinernut tunngasuni unnerluussanik, ilisimannittunik allanil-luunniit illersorneqarnissaat,*

*4) pisortatigoortumik nakkutilliinerup, naleqqussaanerup imaluunniit pilersaar-siorluni sulinerup imaluunniit akileraarutit akitsuutillu pillugit inatsiseqar-neq tunngavigalugu qanoq iliuuserilersaakkat piviusunngortitaanissaat,*

5) pisortat aningaasaqarnikkut soqutigisaat, matumani pisortat niuernikkut ingerlatsineri ilanngullugit, imaluunniit

6) namminersortut pisortallu soqutigisaat, pineqartup pissusia immikkut ittoq pissutigalugu isertuussinissaq pisariaqarpat.

Imm. 2. Eqqarsaatigisariaqartut imm. 1-imi taaneqartut allakkiap ilaannaanut atuuppata allakkiap imarisaata sinnera pillugu pineqartoq paasitinneqassaaq."

*Inatsisissatut siunnersuummi § 13, imm. 1 pillugu oqaaseqaatinit erserpoq:*

*"Inatsisissatut siunnersuummi § 13 paasitinneqarsinnaatitaanermi ilanngunneqartussaangitsunik arlalinnik imaqarpoq, tassani pisortat soqutigisaat pingaartumik eqqarsaatigineqarlutik.*

*Imm. 1-imi aalajangersakkat inatsimmi atuuttumi § 2, imm. 2 annertuutigit assiqaat. Aalajangersakkamulli aallaqqaasiutip allannqortinneqarnissaa siunnersuutigineqarpoq erseqqissarniarlugu qinnuteqartup allakkianik paasitinneqarnissamik soqutigisai aalajangersakkami mianerisariaqartut taagorneqarsimasut paasitinneqarsinnaatitaanerup erseqqissumik oqimalutaavigineqarnerani ilaatinneqassanngitsut.*

...

*Nr. 5-imi aalajangersakkap inatsimmi atuuttumi § 2, imm. 2, nr. 3 assigaa, taamaalillunilu inatsisitigit manna tikillugu atuuttut atuutiinnarnissaat aallaavigalugu. Aalajangersakkap pingaartumik pisortat isumaqatigiissuteqartarneranni aamma pisortat akissarsiat sulisoqarnermullu tunngasut pillugit isumaqatigiinniarnaranni atorneqartarnissaa eqqarsaatigineqarpoq. Tamatuma saniatigit naatsorsuutigineqarpoq manna tikillugu pisarnertut innuttaasut paasitinneqarsinnaatitaanerisa killilersimaarneqarsinnaanerannut periarfissaqassasoq, pisortat suliffeqarfiisa namminersorlutik inuussutissarsiutitigit suliffeqarfinnut atugassarititaasut asinginik atugassaqartitaallutik ingerlanissaat, imaluunniit suliffeqarfinnik taamaatunik inuussutissarsiutitigit suleqateqarnissamik isumaqatigiissuteqarsinnaanis-saat."*

*Pisortat ingerlatsinerat pillugu paasitinneqarsinnaatitaaneq pillugu qallunaat inatsisissaattut 1970-imeersutut siunnersuummi (pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaata massakkut atuuttup tungaanut Kalaallit Nunaannut atuussimasumi) § 2, imm. 2, nr. 3 pillugu oqaaseqaatinit makku erserput:*

*"Naalagaaffik kommunillu niuernermik imaluunniit aningaasaqarnikkut allatigit suliaqarnermik ingerlatsisuutillugit pisortat aningaasaqarniarnerannik mianerinninnerup, pingaartumillu pisortat isumaqatigiissutinut tunngasuni illua'tungiunerannik mianerinninnerup nassataara taamatut suliamik ingerlataqarnerup avammut saqqummiussinissamut illersorneqartariaqarnera. Nr. 3-mi aalajangersagaq taamaallaat niuernermik ingerlataqarnermuinnaq killilerneqartariaqanngitsaq isumaqartoqarsimavoq. Taamaalilluni paasitinneqarsinnaatitaanermik tunngavik aalajangersimasumik killilersuiffigineqartariaqarpoq, assersuutigalugu pigisanik aalaakkaasunik pigisanillu aalaakkaanngitsunik pisortani oqartussaasut nalinginnaasut atugassaattut neqeroortugineqartut, pisineq tunisinerlu, taarsigassarsineq il.il. eqqarsaatigalugit, kiisalu isumaqatigiinniarnarit akissarsiat sulisoqarnermullu tun-*

*ngasut il.il. pisortat ingerlataat eqqarsaatigalugit paasitinneqarsinnaatitaanermik tunngavik killilersuffigineqartariaqarluni." (Atorfeqarfimmi nutsigaavoq)*

*Paasitinneqarsinnaatitaaneq pillugu inatsisip allanngortinneqarnera (paasitinneqarsinnaatitaaneq pillugu (qallunaat) massakut inatsisaannut tunngaviusoq) pillugu isumaliutissiisummi nr. 857/1978-imi qupperneq 284-imi oqaatigineqarpoq:*

*"... aalajangersakkap taassuma pingaartumik pisortat isumaqatigiissuteqartarnerat kiisalu pisortani atorfeqartitaasut akissarsiaat sulisoqarnermullu tunngasut allat pillugit isumaqatigiinniuteqarnerit eqqarsaatigalugit atorneqarnissaa eqqarsaatigineqarpoq." (Atorfeqarfimmi nutsigaavoq)*

*kiisalu*

*"Ataatsimiititaliami isumaqatigiissutigineqarpoq pisortat aningaasaqarneranni annertuumik mianerisariaqartut paasitinneqarsinnaatitaaneq pillugu inatsit tunngavigalugu paasitinneqarsinnaatitaanermik killilersuinermut aamma suli tunngavilersuutaasinnaasariaqartut.*

*Ataatsimiititaliali tamatumunnga peqatigitillugu uparuarniarpa isumaqatigiissuteqarnerit pisortat suliami illua'tungiuuffigisaat tamarluinnarmiunngitsoq paasitinneqarsinnaatitaanermi pineqartunut soorunalimi ilaatinneqanngissinnaanngitsut, kisiannili ilanngussinngitsoortoqassappat tamatumunnga erseqqilluinnartumik tunngavilersuisoqarnissaa piumasaqaatigineqarsinnaasariaqartoq. ..." (Atorfeqarfimmi nutsigaavoq)*

*John Vogterip atuakkiaani "Offentlighedsloven med kommentarer", Jurist- og Økonomforbundip 1998-imi pingajussaanik naqitertitaani § 13, imm. 1 pillugu oqaaseqaatinit qupperneq 232-miittunit tulliniittunillu makku erserput:*

*"Imm. 1, nr. 1-6-mi aalajangersarneqarpoq allagaatinik paasitinneqarnissamik qinnuteqaat itigartinneqarsinnaasoq, suliami allagaammiluunniit paasissutissanik paasitinneqarsinnaatitaaneq erseqqissumik naliliinerup kingornatigut pisortat inuillu ataasiakkaat soqutigisaat pingaarteqartut erseqqinnerusumik taagorneqartut eqqarsaatigalugit tunulluittariaqartut isumaqarfigineqarpat. Aalajangersakkap oqaasertalersugaanerata nassataraa allagaatinik paasitinneqarnissaa aatsaat itigartitsissutigineqarsinnaasoq, soqutigisat taaneqartut annertuumik ajoquserneqarnissaat ilimanaateqarluinnarpat, tak. F. T. 1985/86, ilanngussaq, B, sp. 122, aamma isumaliutissiisut 325/1963, qupperneq 61. Allagaatinik paasissutissiisogassanersoq aalajangiinermi qinnuteqartup paasissutissanik paasitinneqarnissamik soqutigisaqarnera isiginiarneqassanngilaq, ingerlatsineq pillugu inatsimmi § 15 aamma ataani imm. 2-p akерlianik.*

*Allagaatit paasissutissalluunniit ilaatinngitsoornissaannut aatsaat inatsisitigut tunngavissaqassaaq mianerisassat taaneqartut taamatut ilanngussinngitsoornissamik pisariaqalersitsippata. Allaavoq imm. 1-imi nr. 1-imit 6-imut aalajangersakkat oqaasertalersugaanitik malillugit suliami allagaatit tamarmik ilaatinngitsoorneqarnissaannut pisut apequtaatillugit inatsisitigut naammattumik tunngaviliisuusutut naatsorsuutigisariaqarnerat, allagaatinik ilaannakortumik paasissutissiisogarnis-*



saanut akuersinerup pissuseq pissutsilluunniit aalajangersakkat tunngavigalugit isertuunneqartut susassaqaanngitsunut paasitittoorneqarnerat toqqaannanngikka-luamik nassatarissappagu, tak. Eilschou Holm, Ufr B. 158.

...

Nr. 5 pillugu

1. § 13, imm. 1-ikkut aalajangersarneqarpoq allagaatinik paasitinneqarsinnaati-taaneq killilerneqarsinnaasoq, pisortat aningaasaqarnikkut soqutigisaasa anner-tuumik mianerisariaqarnerat illersorniarlugu tamanna pisariaqarpat, matumani pi-sortat niuernermik suliaqarnermik ingerlatsinerat ilanngullugu eqqarsaatigalugu. Taamatut suliaqarneq ingerlatseqatigiiffiit pisortat aktiaateqarlutik piginneqataaf-figisaat, soqutigisaqarfisaaat assigisaalluunniit aqquqigalugit ingerlanneqarpat paasitinneqarsinnaatitaaneq pillugu inatsit ataatsimut aallaavittut atorneqarsin-naasussaannigilaq, tak. § 1, imm. 1 pillugu oqaaseqaatini oqaaseqaatigiinni 3c.

2. Paasitinneqarsinnaatitaaneq pillugu ataatsimiititaliarsuup isumaliutissiisu-taani (325/1963) qupperneq 61-imi aalajangersakkap tunuliaqutaa pillugu ilaatigut makku oqaatigineqarput:

"Naalagaaffik kommunillu niuernermik imaluunniit aningaasaqarnikkut allatigut suliaqarnermik ingerlatsisuutillugit pisortat aningaasaqarniarnerannik mianerin-ninnerup, pingaartumillu pisortat isumaqatigiissutinut tunngasuni illua tungiune-rannik mianerinninnerup nassataraa taamatut suliamik ingerlataqarnerup avam-mut saqqummiussinissamat illersorneqartariaqarnera. Nr. 3-mi aalajangersagaq taamaallaat niuernermik suliaqarnermuinnaq killilerneqartariaqaanngitsaq isuma-qartoqarsimavoq. Taamaalluni paasitinneqarsinnaatitaanermik tunngavik aalaja-ngersimasumik killilersuiffigineqartariaqarpoq, assersuutigalugu pigisanik aa-laakkaasunik pigisanillu aalaakkaanngitsunik pisortani oqartussaasut nalinginnaa-sumik atugassaattut neqeroorutigineqartut, pisineq tunisinerlu, taarsigassarsineq il.il. eqqarsaatigalugit, kiisalu isumaqatigiinniarnit akissarsiat sulisoqarnermullu tunngasut il.il. pisortat ingerlataat eqqarsaatigalugit paasitinneqarsinnaatitaaner-mik tunngavik killilersuiffigineqartariaqarluni."

Tunngavigisaq pillugu oqaaseqaammit ersertut § 13, imm. 1, nr. 5-imi ilaatit-sinngitsoorsinnaaneq pillugu aalajangersakkap, niuernermik suliaqarneq eqqaas-sanngikkaanni, pisortat isumaqatigiissuteqarnerminnut atatillugu inissisimanageran-ik illersuinissap qulakkeerneqarnissaa pingaartillugu isiginiarlugu atorneqassa-soq eqqarsaatigineqarsimavoq, matumani akissarsiat sulisoqarnermullu tunngasut pillugit pisortani atorfeqartitaasut kattuffiitut isumaqatigiinniarnit aamma ilan-ngullugit eqqarsaatigalugit.

...

3. Pisortat niuernermik suliaqarneri eqqarsaatigalugu aalajangersakkat atorne-qarnerat eqqarsaatigalugu oqaatigineqarpoq Finansministereqarfiup nalunaarutik-kut nr. 4-kkut, 4. januar 1993-imeersukkut naalagaaffiup pisiniartarneq pillugu isu-maqatigiissutai allagaatinik paasitinneqarsinnaatitaanermi pineqartunut ilaajun-naarsissimagai.

4. Pigisanik aalaakkaasunik pisinerni tunisinerniluarlalinni ilaatitsinngimmissaq pillugu aalajangersakkap atorneqarsinnaanera pillugu apeqquq saqqummiunneqar-tarsimavoq, ass. tak.

...



Paasitineqarsinnaatitaaneq pillugu inatsimmi 1970-imeersumi § 2, imm. 2-mi nr. 3-p sumut killeqarnera eqqarsaatigalugu Justitsministereqarfiup ilaatigut oqaatigisimavaa:

"Aalajangersagaq taanna niuernermik suliaqarnermuinnaq atuuttussatut killilerneqarsimangilaq. Assersuutigalugu pigisanik aalaakkaasunik pisinermi tunisinermilu neqeroorutigineqartut eqqarsaatigalugit aamma atorneqarsinnaasussaavoq, tak. Eilschou Holm, a. st. qupperneq 47. Isumaqatigiissuteqarnerit pillugit suliat eqqarsaatigalugit naatsorsuutigisariaqarpoq paasitineqarsinnaatitaanerup aalajangersagaq taanna tunngavigalugu itigartitsissutigineqarsinnaanera, qinnuteqaatip akuerineqarneratigut pisortat isumaqatigiissuteqarnermut tunngasumi pineqartumi suliami naligititaasutut illua'tungiuissaminnut mattunneqassappata. Isumaqatigiissuteqarneq sioqqullugu isumaqatigiinniarnernerup nalaani allagaatinik paasisstissiineq Justitsministereqarfiup paasinninnera malillugu malittarisassatut pingaarnertut tamanut itigartitsissutigineqarsinnaasussaavoq, matumani suliami illua'tungiusut ilanngullugit eqqarsaatigalugit. Isumaqatigiissulli isumaqatigiissutigineqareersimappat pisumi pineqartumi mianerisassaq taanna aallaavittut atuutsinniarneqarsinnaasussaangilaq, pisortat pisumi pineqartumi isumaqatigiinniarnermi illua'tungiusutut inissisimanertik illersussallugu pisariaqartikkunnaarsimassappasuk."

5. Pisuni arlalinni pisortat pisiniarnerminnut assigisaannullu atatillugu inuussutissarsiortunik namminersortunik neqerooruteqartitsisarput. Assersuutigalugu kommunip atuarfiinut, utoqqaat illuinut il.il. ikummatissatut oliamik tunniussisarnernerup suliariumannittussarsiuunneqarnerani taamaaliortoqarsinnaasarpog. Pisumi taamaattumi neqerooruteqartut piumasaqaatigigajuttarpaat neqerooruteqartut allat allallu neqeroorut pillugu paasitineqassanngitsut. Ajornartorsiutip taassuma pisuseqataa kommunit karsimiiniittuutiminnik aningaaserivinnut inissiiniarnernannut atatillugu saqqummertarsimavoq. Inuussutissarsiummik ingerlataqartut allat allalluunniit allat neqeroorutaannik paasitineqarnissaminnut periarfissineqarpata oqartussaasup tullianik neqerooruteqartitsineranut atatillugu neqeroorutunik saqqummiussinngitsoortoqarsinnaalluarpoq. Pisuni taamaattuni ilanngussinnginnissamik aalajangersagaq pisut qanoq ittuunerat apeqqutaatillugu atorneqarsin'naasussaavoq.

...

8. Pisortat niuernermik tunngaveqarlutik sulinerisa ilaat erseqqissumik killilerneqarsimasog suliffeqarfinnut namminersortunut tamakkiisumik unammillernermi atorneqarpat pappialanik niuernermut tunngasunik paasitineqarsinnaatitaanermi pineqartunut ilaatitsinnginnissamat annertuumik tunngavissaqarsinnaavoq, tak.

...

9. Pisortani oqartussaasup aamma namminersortumut isumaqatigiissummi illua'tungiusup akornanni eqqartuussivikkoortunik suliassanngorititsisoqarpat illua'tungiusup namminersortup allalluunniit allagaatinik pisortat iluinnaanni atorneqartunik misissuissussaataasutut ataatsimiititaliap il.il. apeqqutaanut oqartussaasup akissuteqarnerani atorneqartunik qanoq annertutigisumik paasitineqarsinnaatitaanerat nalornilersitsisinnaavoq. Tak. § 13, imm. 1-imi nr. 5-imi aalajangersakkap atorneqarnera pillugu assersuut, FOB 1994, qupperneq 414 tulliilu. Tassani oqaatigineqarpoq nr. 5-imi aalajangersakkap atuuffiani aningaasaqarnikkut soqutigisat piffissamat isumaqatigiissuteqarnerup kingornaniittumut tunngasut pineqartunut aamma ilaatinneqartut, tassa imaappog isumaqatigiissuteqarnerup nammineq

ingerlanera, isumaqatigiissutip atorunnaarnera aamma isumaqatigiissummut tungasut nassatarisaannik eqqartuussivikkoortumik suliaasimasinnaasut eqqarsaatigalugit.

..." (Atofeqarfimmi nutsigaavoq)

## 2. Allagaatinik paasitinnegarneq.

Allagaatinik paasitinnegartarneq pillugu pingaarnertut malittarisassaq pisortat ingerlatsinerat pillugu paasitinnegarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 4-miippoq. Tassani aalajangersarneqarpoq kinaluunniit §§-ini 7-imit 14-imut aalajangersakkat nassatarisaannik ilaatinnegartussaannngitsutut taaneqartut saniatigut allagaatinik oqartussaasuni allaffikkoortumik suliamik suliarinninnermut atatillugu apuussimallutilluunniit pilersinneqarsimasunik paasitinnegarnissaminik piumasqaateqarsinnaasoq.

Taamaalilluni aallaaviusoq tassaavoq allagaatinik ingerlatsinermi oqartussaasup suliamik suliarinninneranut atatillugu pissarsiarineqarsimasunik pilersinneqarsimasunilluunniit paasissutissiisoqarsinnaasoq.

Suliami matumani Naalakkersuisut Allattoqarfiata allagaatinik paasissutissiinissaq itigartitsissutigisimavaa, paasissutissat taakku pisortat ingerlatsinerat pillugu paasitinnegarsinnaatitaaneq pillugu Inatsisartut inatsisaanni § 13, imm. 1-imi nr. 5 tunngavigalugu paasissutissiinermi pineqartunut ilaatinneganngitsoorsinnaanerata tunngavilersuutigalugu.

## 3. § 13, imm. 1-imi nr. 1-imit 6-imut tunngavigalugit ilaatitsinngitsoorneq.

§ 13, imm. 1-imi nr. 1-imit 6-imut aalajangersarneqarpoq allagaatinik paasissutissiineq killilerneqarsinnaasoq, pissutsit nr. 1-imit 6-imut taaneqartut ilaata ataatsip mianerisariaqarnerata illersorneqarnissaalu pisariaqarpat.

Paasitinnegarsinnaatitaaneq pillugu inatsimmi oqaaseqaatitalkami § 13, imm. 1 pillugu oqaaseqaatinit, quppernermi 17-imi issuarneqartumit erserpoq:

"Aalajangersakkap oqaasertalersugaanerata nassataraa allagaatinik paasitinnegarnissaq aatsaat itigartitsissutigineqarsinnaasoq, soqutigisat taaneqartut anertuumik ajoquserneqarnissaat ilimanaateqarluinnarpat....

Allagaatit paasissutissalluunniit ilaatinngitsoornissaannut aatsaat inatsisitigut tunngavissaqassaaq isiginiagassat taaneqartut taamatut ilanngussinngitsoornissamik pisariaqalersitsippata." (Atofeqarfimmi nutsigaavoq)

Naalakkersuisut Allattoqarfiat allakkanni 17. november 2005-imeersuni qinnuigaara allagaatinik paasissutissiinerup itigartitsissutiginissaa sooq pisariaqarsimanersoq kiisalu taamaaliornikkut annertuumik mianerisassat suut illersorneqartussaannersut nassuiaqqullugu.

*Naalackersuisut Allattoqarfiata allakkatigut 26. februar 2006-imeersutigut akivaanga. Akissummit (qulaani issuarneqartumit) ersepoq Naalackersuisut Allattoqarfiat isumaqartoq pisortat aningaasaqarnikkut soqutigisaata annertuup taassuma pisortat eqqartuussissuserisunut isumaqatigiinniarnerisa il.il. ingerlaavartut avammut saqqummiunnagit isumagineqarsinnaanerisa illersorneqarnissaat pisortat pingaarluinnartutut isigisimaagaat, tassami avammut saqqummiussinerup pisortat isumaqatigiinniarnermi inissisimanerat taamaalilluni sanngiillisittussavaat, aningaasaqarnikkullu annaasaqarsinnaaneq nassatareratarsinnaallugu.*

*Allagaatinik paasissutissiinermi ilanngussinngitsoortoqassappat tamatumani piumasaqaataavoq paasitinneqarsinnaatitaaneq pisuni ataasiakkaani naliliinerup kingornatigut illersuinissamik soqutigisanit "annertuumik mianerisariaqartunit" tunulliutinneqartariaqartoq isummertoqarsimassasoq. Annertuumik mianerisariaqartumik oqarnermi manna siunertarineqarpoq allagaatinik paasitinneqarnissamik qinnuteqaat aatsaat itigartinneqarsinnaasoq, soqutigisat taaneqartut (matumani aningaasaqarnermut tunngasut ilanngullugit eqqarsaatigalugit) annertuumik ajoquserneqarnissaat ilimanaateqarluartoq suliani naliliisoqarsimappat.*

*Uanga paasinninnera unaavoq pisortat aningaasaqarnerannik illersuinissap pineqarnera pissutigalugu § 13, imm 1-ip atorneqarnissaa naammanngitsaq. Taamaalilluni soqutigisap taassuma annertuumik mianerisariaqarnera pineqassaaq. Aammattaaq aningaasaqarnikkut soqutigisap suup illersorneqarnissaa pineqartoq kiisalu annertuumik mianerisassat suut aningaasaqarnikkut soqutigisap pineqartup paasissutissiissutigineqarnissaanut illersorneqarnissaanik pisariaqalersitsinerat oqartussaasup nassuiarsinnaasussaassavaa.*

*Uanga paasinninnera malillugu immikkut mianerisassat taamaattut paasissutissiinermi ilanngussinngitsoornissamik pisariaqalersitsisut Naalackersuisut Allattorfiata oqaatigisimannilai. Tamatumunnga atatillugu uanga paasinninnera unaavoq pisortat aningaasaqarnikkut soqutigisaat annertuumik ajoquserneqassasut Naalackersuisut Allattoqarfiata uppernarsarsimannikkaa.*

#### 4. Aningaasaqarnikkut soqutigisat, § 13, imm. 1-imi nr. 5.

*Naalackersuisut Allattoqarfiata itigartitsissutaa 24. oktober 2006-imeersoq nalunaarutigineqarsimavoq, pisortat aningaasaqarnikkut soqutigisaat tunngavilersuutigalugit, matumani niuerneramik suliaqarneq ilanngullugu eqqarsaatigalugu. (Allakkat taakku qulaani issuarneqarput).*

*Paasitinneqarsinnaatitaaneq pillugu inatsimmi § 13, imm. 1-imi nr. 5-ip piareersarlugu suliarineqarnerani oqaaseqaatit kiisalu qallunaat paasitinneqarsinnaatitaaneq pillugu inatsisaata 1970-imeersup (pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaata massakkut atuuttup atuutilernissaata tungaanut Kalaallit Nunaannut atuuttup) piareersarneqarnera pillugu John Vogterip oqaaseqaatai kiisalu*

*isumaliutissiissut (qallunaat) paasitinneqarsinnaatitaaneq pillugu inatsisaannut 1986-imeersumut massakkut atuuttumut tunngaviusoq qulaani tuliiñilu issuarpakka.*

*Issuakkanit taakkunanga erserpoq aningaasaqarnikkut soqutigisat ilersorneqarnissaat kissaatigineqartut pingaartumik tassaasut pisortat akissarsianik sulisoqarnermullu tunngasunik isumaqatigiinniarnerni, isumaqatigiissuteqarnerni, pigisanik aalaakkaasunik aalaakkaasuunngitsunillu pisinermi tunisinermilu, taarsigassarsinermi assigisaannilu mianerisassat. Niuernermik suliaqarneq eqqarsaatigalugu kissaatigineqarsimavoq pisortat pisuni suliffeqarfinnut allanut tamakkiisumik unammillerlutik iliuuseqarfigisaanni imaluñniit pisortat suliffeqarfinnik taamaattunik inuussutissarsiornikkut suleqateqarfigisaanni pisortat suliffeqarfinnut inuussutissarsiornermik namminersorlutik ingerlatsisunut naligitinneqasasut.*

*Naalackersuisut Allattoqarfiata itigartitsissummi 24. maj 2005-imeersumi itigartitsinermut tunngavilersuutit makku oqaatigai:*

- *Ilassinnissutinik atuinerup kingunerisaanik aningaasaqarnikkut kinguneqartitsineq pillugu oqaloqatigiinnerit pineqartut,*
- *pisortat illersuinissaminnut aningaasaqarnikkut annertuumik soqutigisaqartut,*
- *tamanut saqqummiussineq pisortat isumaqatigiinniarnerni inissisimannernik ajornerulersitsissasoq, aamma tamatuma aningaasatigut anaasaqarnermik nassataqarnissaa ilimanarsinnaasoq,*
- *"niuernermik suliaqarnivik" pineqartoq, tassami Naalackersuisut Allattoqarfiat akiliisitsiniarnermik suliaqarnermut assingusumik ingerlataqarmat,*
- *itigartitsineq pisariaqartuusooq, suliat taakku taakkununngalu assingusut siunissami oqaloqatigiissutigineqarnerisa sapinngisamik sukumiinnerpaamik tunngaveqarluni ingerlanneqartarnissaannik pisortat soqutigisaqarnerat qulakkeerniarlugu.*

*Pissutsit Naalackersuisut Allattoqarfiata allagaatinik paasissutissiinsamik § 13, imm. 1-imi nr. 5 tunngavigalugu itigartitsinermi tunngavilersuutit oqaatigisai uanga paasinninnera malillugu pissusertik malillugu § 13, imm. 1-imi nr. 5-imi ilaatitsinngitsoornissaq pillugu aalajangersakkami pineqartunut ilaatinneqarsinnaanngillat.*

*Tunngavilersuummi "niuernermik suliaqarnivik" taaneqartoq eqqarsaatigalugu oqaatigaara eqqartuussissuserisup taamatut suliaqarnermik (aningaasanik akiliisitsiniarnermik) ingerlataqarsimasinnaanera imaanngitsoq pisoq taanna § 13, imm. 1-imi nr. 5-imi pineqartunut ilaatinneqassa-soq.*

*Aamma oqaatigaara eqqartuussissuserisunut allaffigeqatiginnittarnermi allagaatit pineqarnerat immi § 13, imm. 1, nr. 5-imi ilaatitsinngitsoornissamut aalajangersakkamik atuisinnaalersitsinngitsoq.*

*Tamatuma kingornatigut oqaatigaara allagaatit Naalakkersuisut Allattoqarfiannit tigusakka misissoreerlugit isumaqartunga allagaatit paasitinneqarsinnaatitaaneq pillugu inatsimmi § 13, imm. 1, nr. 5 tunngavigalugu allagaatinik paasitinneqarsinnaatitaanermi pineqartunut ilaatinngitsoorneqarsinnaanerata nalorninarluinnartuusoq.*

*Taamaattumik inassuteqaatigaara Rasmus Frederiksenip aamma Jens Napaattuup eqqartuussissuserisuinik allaffigeqatiginnittarnermi kiisalu ilassinnissutinik atuineq pillugu suliami Naalakkersuisut Allattoqarfiata akissuteqartarnerani allagaatinik paasitinneqarnissamik A-p qinnuteqaataa Naalakkersuisut Allattoqarfiata suliareqqissagaa.*

### 5. Oqaaseqaatit allat.

*Aamma oqaatigaara allakkanni 17. november 2005-imeersuni Naalakkersuisut Allattoqarfiat qinnuigigiga Rasmus Frederiksenip aamma Jens Napaattuup eqqartuussissuserisuinik allaffigeqatiginnittarnermi kiisalu ilassinnissutinik atuineq pillugu Naalakkersuisut Allattoqarfiata mappiutai suliani allagaatinik imallit atukkiuteqqullugit.*

*Suliami paasissutissat assilineri kisiisa tiguakka. Siusinnerusukkut oqaatigisarsimavara suliami allagaatinik atukkiusseqqusinikka qanoq aki-neqartassasut. 1996-imi ukiumoortumik nalunaarutima kalaallisuuani qupperneq 29 innersuussutigaa. Tassannga makku erseput:*

*"Pingaartumik Atorfeqarfiup sulianut mappinik misissorumallugit piumasaqartarnera nalornisoortitsisarsimavoq, oqartussaaffimmi ilaasa suliami allagaatit assilinerinik nassiussisarsimmata imaluunniit "suliami allagaatinik takussutissanik suliassamut attuumassuteqartunik nassiussisarsimallutik, naak Atorfeqarfiup suliap suliamiluunniit allagaatit misissugassanngortinnissaat qinnutigisimagaluaraa.*

*Imaattumik erseqqissaavigiminnissannut pissutissaqarsoraanga, tassa oqartussaasut suliami allagaatinik nassiuseqqusakka suliami allagaatit sorliit suliami allagaatit suliamut attuumassuteqarnerisa nalilernissaannut pisinnaatitaanngimata. Ingerlatsivimmik nakkutilliininnut aalajangiisuulluni tunngavissaavoq suliami paasissutissat tamarmik uannit ilisimanegalernissaat.*

*Taamaattumik suliami allagaatinik misissugassanngorlugit nassiuseqqusisuttikka, qinnutigisanni allamik erseqqissumik allasimasoqanngippat, suliami mappiittut allaqqaagaanerinik imaluunniit suliami mappit imaat tamaasa ilanngullugit oqartussaaffimmit nassiuseqqutitut paasineqassapput."*

*Nangillunga oqaatigaara suliami allagaatit tamaasa tigusimanerikka qularalugu isumaqartunga. Taamaalilluni Naalakkersuisut Allattoqarfiata Jens Napaattuumut allagaatit 2. september 2005-imeersunit kiisalu Rasmus Frederiksenimut allagaatit ulloq taanna ullulerneqarsimasunit ersepoq Nuna Eqqartuussissuserisut allagaasa tulleriinneri malillugit 30. au-*

*gust 2005-imeersut aamma 1. september 2005-imeersut assilineri ilanngullugit nassiunneqartut. Aammattaaq allakkanit taakkunanga erserpoq Naalakkersuisut ilassinnissutininik atuinerannik kukkunersuisoqarfiup ...-p misissuinerata 16. august 2005-imeersup assilineri ilanngullugu nassiunneqarsimasoq.*

*Allakkat qulaani taaneqartut assilinerinik allaqqaarnerinilluunniit tigusaqanngilanga.*

*Taamaattorli A-p allagaatinik paasitinneqarnissamik qinnuteqaataata Naalakkersuisut Allattoqarfiannit suliareqqinneqarnissaanik inassuteqaateqarnera isiginiarlugu tamanna pillugu annertunerusumik iliuuseqaqqinnissannut pissutissaqarnanga isumaqarpunga.*

*Naalakkersuisut Allattoqarfiat qinnuigaara Naalakkersuisut Allattoqarfiata suliamik suliarinneqqinneranik ilisimateqqullunga. Pisortat ingerlatsinerat pillugu paasitinneqarsinnaatitaaneq pillugu inatsimmi § 16 Allattoqarfimmut aamma malugeqquara, tassanimi aalajangersarneqarmat allagaatinik paasitinneqarnissamik qinnuteqaat akuerineqassanersoq piaarnerpaamik aalajangiivigissagaa.*

*Kiisalu oqaatigaara Naalakkersuisut Allattoqarfiat 17. november 2005-imi qinnuigisimagiga A-p allagaatinik paasitinneqarnissamik itigartitsineq pillugu naammagittaalliuutaanut atatillugu qinnutigisat arlallit akeqqullugit. Allattoqarfiup akissutaa aatsaat 27. februar 2006-imi tiguara. Piffissap taamaalinerani Naalakkersuisut Allattoqarfiat akissuteqaqqullugu 20. december 2005-imi kiisalu 20. januar 2006-imi nukingisaaruteqarsimavunga.*

*A allakkat uku assilinerannik nassinneqarpoq."*

Naalakkersuisut Allattoqarfiat A-mut 3. oktober 2006-imi imatut allapoq, allakkat assilinerat uannut nassiullugu:

"Inatsisartut Ombudsmandiata Naalakkersuisut Allattoqarfiannut allagai 30. juni 2006-imi ulluleneqartut assilinerat paasissutissiissutigineqartut tigusimasat inner-suussutigineqarpoq.

Ilassinnissutininik atuineramik suliamut atatillugu Rasmus Frederiksenip Jens Naapaattuullu eqqartuussissuserisuisa allagarisimasaat kiisalu Naalakkersuisut Allattoqarfiannit akissutaasimasut pineqartut Naalakkersuisut ilassinnissutitut kontoini aningaasartuutinit atugaasa ilaannik Namminersornerullutik Oqartussat akileeqqusinerannut atatillugu suliamut ilaapput.

Allagaatinik paasitinneqarnissamik qinnuteqaativit itigartinneqarnissaanik Naalakkersuisut Allattoqarfiata aalajangernerani 24. oktober 2006-imi ulluleneqartuni mianerisassatut pingaartillugit isiginiarneqarsimasut atuukkunnaarput.

Ilassinnissutininik atuineramik suliamut atatillugu Rasmus Frederiksenip Jens Naapaattuullu eqqartuussissuserisuisa allakkatigut attaveqatigiittarnerannik kiisalu Naalakkersuisut Allattoqarfiannit akissutaasimasunik paasitinneqarnissamik qinnuteqaatit Naalakkersuisut Allattoqarfiata tamanna tunngavigalugu akueraa, allagaatillu assilineri ilanngullugit nassiullugit." (Atorfeqarfimmi nutsigaavoq)

Naalakkersuisut Allattoqarfiannut 19. oktober 2006-imi imatut allappunga:

”Inassuteqaatinnut 30. juli 2006-imeersumut akissutitut Allattoqarfiup A-mut allagaasa 3. oktober 2006-imeersut assilinerat tiguara, Allattoqarfiullu tassani nalunaarutigaa ilassinnissutinik atuineramik suliaq pillugu Rasmus Frederiksenip aamma Jens Napaattuup eqqartuussisusserisuisa allagarisarsimassaannik aamma Naalakkersuisut Allattoqarfiata akissutigisarsimasaanik paasitinneqarnissamik A-p qinnuteqaataa akuerineqartoq.

Aallaqqaasiutitut oqaatigaara oqaaseqaatinni 30. juni 2006-imeersumi A-p qinnuteqaataanik Allattoqarfiup suliarinneqqinnissaanik inassuteqaateqarninnit Allattoqarfiup 3. oktober 2006-imi aalajangiinerata tungaanut qaammatit pingasut sinnerlugit ingerlasimasut.

Tamanna uanga paasinneqqaarnera malillugu pisortat ingerlatsinerat pillugu paasitineqarsinnaatitaaneq pillugu Inatsisartut inatsisaanni nr. 9-mi, 13. juni 1994-imeersumi § 16, imm. 1-imut naapertuuttuunngilaq, tassanimi aalajangersarneqarmat allagaatinik paasitinneqarnissamik qinnuteqaatit, taamalu aamma sulianik taamaattunik suliarinneqqinnerit, pilertornerpaamik suliarineqartassasut.

Allattoqarfiup aalajangiinerminut 3. oktober 2006-imeersumut tunngavilersuummini manna innersuussutigaa, tassalu isiginiagassat A-p qinnuteqaataata itigartinneqarneranik Allattoqarfiup aalajangiinerani 24. oktober 2005-imeersuni atuuttut atuukkunnaarsimasut, taamaattumillu A-p qinnuteqaataa massakkut akuerineqartoq.

Allattoqarfiup akissutaa imatut paasivara Allattoqarfiup tunngavilersuutigeqqaakkani nutaamik aalajangiinermini aalajangiusimagaa. Oqaaseqaatiga 30. juni 2006-imeersoq tamatumunnga atatillugu eqqaasitsissutigaa, tassanimi oqarama isumaqarlunga A-p allagaatinik paasitinneqarnissamik qinnuteqaataanut Allattoqarfiup itigartitsinera tunngavissaqanngitsoq.

Taamaartorli A qinnutigisamisut paasitinneqarnissamik akuerineqarnerata massakkut nalunaarutigineqarnera isiginiarlugu suliami annertunerusumik iliuuseqaq-qissanngilanga.”



## 11.10 - Kommunit

### 05. Inummut tapit

#### 1. **Pisortanit ikiorsiissutininik qinnuteqaammut atatillugu suliamik suliarinninnermi kukkunerit**

*Isumaginninnermik ingerlatsivimmut allakkani pisortanit ikiorsiissutininik qinnuteqaataasut kommunimit akineqarsimanninnerat A-p Ombudsmandimut naammagittaalliuutigaa.*

*A-p allagaanut 8. december 2003-meersunut, 17. september 2004-meersunut aamma 14. oktober 2004-meersunut kommunip akissuteqarsimanninnera Ombudsmandip isornartorsiorpaa, tamatumunngalu peqatigitillugu inassuteqaatigalugu A-p allagai kommunip piaarnerpaamik akissagai, kommunillu tamatumunnga atatillugu A-p allagaanik allanik akineqarsimannigitsunik kommunip akisassaaniq peqarnerseq kommunip misissussagaa.*

*Ombudsmandip aamma oqaatigaa A-p allagaasa 17. september 2004-meersut aamma 14. oktober 2004-meersut allakkat akineqanngitsut akineqarnissaannik nukingisaarutaasutut iluseqartut tiguneqarnerannut atatillugu A-p allagaanik pisoqaanerusunik akineqarsimannigitsunik peqarnerseq kommunip misissussallugu pisussaaffigisimagaa.*

*Kiisalu Ombudsmandip oqaatigaa piffissap suliamik suliarinninnermut kommunip atugaata sivisussusia pillugu A-p naammagittaalliuutaanik Ombudsmandip suliarinninnera innersuussutigalugu suliamik A-mut tunngasumik suliarinninnerminik unitsitsinnermigut kommuni erseqqissumik kukkussuteqarsimasoq. (J.nr. 11.10.05.04/099-05)*

Isumaginninnermik ingerlatsivimmut allakkani pisortanit ikiorsiissutininik qinnuteqaataasut kommunimit akineqarsimanninnerat A-p uannut allakkamini 21. oktober 2005-imeersuni naammagittaalliuutigaa.

Suliami pisimasut imaapput:

A kommunip isumaginninnermi ataatsimiititaliaanut 8. december 2003-mi imatut allappoq:

"Innaallagissamut akiligassarujussuarmik 6.500,- kr.-t missaannik massakut qaammamut 500,- kr.-nik naafferartumik akilersulikkannik tigusaqarpunga.

... ikiortigalugu innarluutilinnut inissiamut nuuppunga. Tassami innarluutinnut naleqqutinngimmat, pequtininik assartuisartut nammineq akissarsiannit 1725,- kr.-nik akilertariaqarsimavakka, isumaginninnermik ingerlatsiviup akilerumariarlugit akilerumajunnaarmagit.



Kiisalu junimi ineqanermut akiliutit 4.000 kr.-t akilernerqarsimangillat, uangalu nammineq akilertariaqarsimavakka. (...) septemberimi akilerpara, ineqarnermullu tapiissutiniq 896 kr.-nik tapiiffigineqarlunga, siusinaartumillu soraarnerussutisiaqarlunga. Tamanna naammaginarsinnaava?

Meeqqama angajoqqaannit paarineqarnerat sooruna malinnaavigineqannitsoq? Isumaginninnermik ingerlatsivimmit ikierneqartariaqarpunga. Isumaqarama meeqqat pingaartorujussuusut. Pingaartumik nappaammit qaqutigooortumit eqqugaagama, ukiorlu sinnerlugu napparsimagama, peqqissivinnanga, naluaralu peqqississanerlunga. 2004-mi Rigshospitaliliaqqissaanga, misiligutaasumillu inissiami ineqassallunga, nerisakka nammineq akilersorlugit. Naluara qanoq siviisutigisumik ...-miissanerlunga.

Atortussat atorfissaqartitakka akuersissutigineqartut sumut-uku pisut? Atorfissaqartinnerpaasara tassa mini crosser (knallert) suli takkussimangilaq. Kiisalu illup iluani atortussat." (Atorfeqarfimmi nutsigaavoq)

Allakkat ataatigut imaattut assammik allanneqarsimapput:

"Suliamik suliarinnittukkuusaaq." (Atorfeqarfimmi nutsigaavoq)

Suliami allagaatit tulliit tassaapput kommunimut allakkat uku 14. juni 2004-meersut, Danmarkimi Kalaallit Napparsimasut Illuanneersut:

"Pineqartoq: A, inuttut normua ...

A saaffiginnippoq, iningaasaqarnini ikiorsiiniutillu aallartinneqarsimasut qulaa-jarneqarnissaanni ikioqqulluni.

A oqaluttuarpoq ineqarnermut innaallagissamullu akiliutinut akiitsoqarluni, qanorlu akiitsoqartiginersaq misissoqqullugu qinnuigaakkit.

A oqaluttuarpoq iluaqusersuutiniq tunineqarnissani akuersissutigineqarsimasoq, isumaqarlunilu akuersissutigineqarsimasut tunniunnarneqarnerat sivitsuttoq. Taamaattumik tusarusuppara iluaqusersuutit suut akuersissutigineqarsimanersut, taamalu siviisutigisumik utaqqineqarnerannut suna pissutaasinnaanersoq?

A aamma oqaluttuarpoq nalunaaquttap akunnerini sisamani sulisarlu, misigisimallunilu napparsimanini pissutigalugu tamanna ingasappallaartoq. Sulisarnera nalunaaquttap akunnerinut pingasunut appartinneqarsinnaanersoq apeqqutiginiarpara.

Aammattaq A oqaluttuarpoq angerlarsimaffimmi ikiorteqarsimagaluarluni taana unitsinneqarsimammat ajuusaarutigeqalugu, tassami eqqiaaneq nammineq sape-ramiuk. Taamaattumik A uteqqippat angerlarsimaffimmi ikiorteqartinneqarnissaa isumaginninnermik ingerlatsivimmut qinnutiginiarpara." (Atorfeqarfimmi nutsigaavoq)

Kommuni napparsimasut illuannut 25. juni 2004-mi imatut allappoq:

"Pineqartoq: A ... pillugu allakkannut 14.06.04-imi ullulernerqarsimasunut akissut

- 1) A Nukissiorfinnut 249,55 kr.-nik akiligassaqarpoq, akiliiffissaq kingulleq 31.07.-05
- 2) A/S INI-mut 1912,59 kr.-nik akiligassaqarpoq, A/S INI-p ilanngussaa takuuk
- 3) Iluqaqtersuutit eqqarsaatigalugit akineqarnissani suliamik suliarinnittup sulinngiffeqarnerminut uternissaata tungaanut utaqqisariaqarpaa

- 4) A-p piginnaangorsaqqinneqarneranut nalunaaquttap akunneri atorpeqartut pil-lugit aningaasaqarnermut pisortaq ...-lu oqaloqatigaakka, oqarput A nammineq sukkassutsini atorlugu sulisartog, taannalu ingerlatiinnarsinnaagaa. Nalunaaqut-tallu akunnerisa sisamaanissaat piumasaqaataangitsoq.
- 5) Angerlarsimaffimmi ikiorteqartitsineq eqqarsaatigalugu angerlarsimaffimmi i-kiorteqartitsineranut allaffiup akissuteqarnissaa utaqqimaarparput, qularinngila-rali ajornartorsiutitaqanngitsumik aallarteqqinneqarsinnaasoq." (Atorfeqarfimmi nutsigaavoq)

A-p kommunimut e-mailikkut nassiussaata 17. september 2004-meersup naqitanngortinneqarnera imaattoq tulliulluni ilaavoq:

"Suliaq uannut tunngasoq pillugu paasiniaaneq:

2003-mi junip missaani qinnuteqaatinnut qaqugu akissuteqartoqassava, tassa ...-mi isumaginninnermi siunnersortip allagaanut?

Kiisalu allakkanut nassiussimasannut suli akissummik tigusaqarfigisimangisan-  
nut.

Nappaatiga ajorteqqissimammat ajorteqqittuartussaammallu nappaarinniarnera ajornartorsiutigiuartussaavara, nappaatiga tassaavoq avatitigut nukillunermik nap-paat kiisalu epilipsi.

Atortussat qinnutigisakka massakkorpiarlu atorfissaqartitakka sumut-uku pisut? Taakku akuersissutigineqarsimasut.

Massakkut allaqqippunga, neriullunga piaarnerpaamik pisoqarumaartoq!!!!!!"  
(Atorfeqarfimmi nutsigaavoq)

A kommunimut 14. oktober 2004-mi imatut allappoq:

"Allakkakka suli akineqarsimangillat, taamaattumik inussiarnersumik qinnui-gaakkit qinnuteqaatikka apequtikkalu akeqqullugit.

Innaallagissamat akiitsut 6500,- missaasa qaammatit tamaasa 500,- kr.-nik akiler-sukkama isumakkeerneqarnissaat pillugu 19.03.2004-meersut. Tamatumunnga pis-sutaavoq tamatuma nalaani Rigshospitalimiinninni isumaginninnermut ingerlatsivim-mi suliamik uannut tunngasumik ingerlatsisut ..., massakkut soraarnikuusoq aamma ... oqarnikummata innaallagissamat akiligassat isumageqqunagit akilerniarlugillu, taamanimi akiligassakka malinnaaffiginnginnakkit. Inussiarnersumik qinnuigaakkit allakkat taakku ullut 14-it qaangiutsinnagit akeqqullugit.

Kiisalu B...-mit innarluutilinnut inissiamut nuunneq, tassanilu pequtinik assartui-sartog ...-nammineq 1900 kr.-nik akilertariaqarsimavara. ... neriorsuivoq uanga nam-mineq akilissanngikkiga. Aamma qinnuigaakkit manna akeqqullugu, tassalu B...-mut septemberimut ineqarnermut akiliutit 4000 kr.-t nammineq akilersimavakka, ineqarnermullu taamaallaat 810 kr.-nit missaannik tapiiffigineqarlunga, 2003-mi si-susinaartumik soraarnerussutisiaqaleqqammerlunga.

Aamma Rigshospitalimit innarluuteqarninnut 2003-mi junimi julimiluunniit ilua-qusersuutininik qinnuteqartoqarpoq, taakkulu akuerineqassasut oqarpoq. Atortussalli atorfissaqartitakka suli tigusimangilakka. Tamanna pillugu allannikuuvunga, akis-summilli suli tigusaqarnanga, taamaattumik ullut 14-it qaangiutsinnagit akineqarnis-sara kissaatigaara.

Allakkat arlallit nassiunnikuuvakka, akineqarsimannigitsut. Taakku sapinngisamik piaarnerpaamik akineqarnissaat aamma kissaatigaara." (Atorfeqarfimmi nutsigaavoq)

A tamatuma kingornatigut uannut 21. oktober 2005-imi naammagittaalliiorpoq. A-p naammagittaalliutata imaattunik oqaasertaqarpoq:

"Isumaginninnermik ingerlatsivik pillugu naammagittaalliut:

Rigshospitalimi 2002-mi oktoberimit 2003-mi septemberimut uninnganikuuvunga, avatitigut nukillunna pissutigalugu ...-mi sungiusaqqittariaqarsimallunga, tassami nappaat qaqutigoortuummat, piffissamilu tassani aningaasaqarnera iluamik malinnaaffigisimangilara.

Illoqarfimmut K-mut uterlunga tikikkama paasitineqarpunga innaallagissamut 6.530,67 kr.-nik akiitsoqartunga. Oqarfigineqarsimagaluarungami innaallagissamut akiligassat isumakuluutigissanngikkikka, tamanna oqarasuaatikkut pivog kommuni akiliiumammat. Salluusimavorli, tassami aningaasat taakku qaammatit tamaasa 500,00 kr.-nik 01.04.2005-imit naafferartumik akilersortariaqarsimavakka. 01092003-mit siusinaartumik soraarnerussutisiaqalernikuuvunga. Innaallagissamut akiligassap akilertannginnissaanik isumaginninnermi ataatsimiititaliamut arlaleriarlunga allattarsimagaluarungu, akineqanngisaannarlungali. Taamaattumik ilissinnut allappunga neriullunga marlunnik 18-it inorlugit ukiulinnik meeraqarama ikiorneqarsinnaassallunga. Napparsimanerma nalaani K Kommunimit ikiorserneqarsimannigillat, angajoqqaamali ukioq sinnerlugu paarivaat. Kisianni isumaginninnermik ingerlatsiviup angajoqqaarsiassarsissussimavai paarsaqarneriutunik akilertakkaminik. Angajoqqaakkali ikiorneqanngisaannarsimapput. Meeqqama ...-p ... -p ... aamma ...-p ..., nerisassaat atisassaallu namminneq akilertariaqartarsimavaat. Uanga kisermaatut anaanaavunga.

Innarluutilinnut inissiamut nuuttariaqarsimavunga, neriorsorneqarlunga assartuinnermut akilunneqassasunga, tupinnartumilli 1900 kr.-t assartuisartumut uanga nammineq akilissavakka, isumaginninnermi siunnersortip isummani allannortissimamagu.

Isumaginnittoqarfimmut isumaginninnermilu ataatsimiititaliamut allakkatigut arlaleriarlunga naammagittaalliortarsimagaluarungu, akineqanngisaannarsimallungali.

Neriuppunga ikiorsinnaagissinga." (Atorfeqarfimmi nutsigaavoq)

A-mut 31. oktober 2005-imi imatut allappunga:

"Naammagittaalliutit Ombudsmandip massakut naliliiffigereerpaa, aalajangerlunilu naammagittaalliutit ilaa innaallagissamut akiligassiissutit aamma assartuisartoqarfiup akiligassiissutaata matussutissaannik aningaasanik ikiorserneqarnissamik allakkatigut qinnuteqaativit kommunimit akineqartarsimanninnerannut tungasoq misissuiffigiinarlugu.

Kommunimut allakkama assilinerat ilanngullugu nassiuppaa, isumaginninnermillu ingerlatsiviup suliaataa aamma kommunip akissutaa misissoreerukkit uterfiqeqissavakkit.

Meeqqavit paarineqarnerannut angajoqqaavit ikiorserneqarsimanninnerannik naammagittaalliutit eqqarsaatigalugu oqaatigaara naammagittaalliutit allat sinner-

lugit suliaassiissutigineqartut, allakkatigut piginnaatitsissummik ilaqanngikkaangata, Ombudsmandip suliarigajunnikkai.

Taamaalilluni naammagittaalliutit tassunga tunngasortaa Ombudsmandip suliarisinnaassappagu angajoqqaavit namminneq naammagittaalliummik Ombudsmandimut nassiussaqaarnissaat imaluunniit angajoqqaavit piginnaatitsissutaanik illit Ombudsmandimut nassiussaqaarnissat pisariaqartussaavoq, piginnaatitsissummilu takuneqarsinnaasaaq illit angajoqqaatit sinnerlugit naammagittaalliornissannut piginnaatinneqartutit.

Tamatumunnga peqatigitillugu oqaatigaara aalajangiinerit aqutsinermi oqartusaasumut allamut naammagittaalliutigineqarsinnaasut Ombudsmandip suliarisinnaanngikkai.

Angajoqqaatit meeqqavit paarineqarnerannut ikiorserneqarsinnaanngitsut kommuni aalajangiisimappat aalajangiineq taanna Isumaginninnermi Naammagittaalliuteqartarfimmut naammagittaalliutigineqarsinnaassagunarpoq. Taamaattoqarpit naammagittaalliut Isumaginninnermi Naammagittaalliuteqartarfik aalajangeereertinnagu Ombudsmandip suliarisinnaanngilaa.

Taamaattumik illit angajoqqaatilluunniit siunnersorusuppassi angajoqqaavit Ombudsmandimut naammagittaalliorusunnerlutik isumminnginnerani erseqqinnerusumik ilitsersoqqullusi uunga saaffigineqqullusi: Isumaginninnermi Naammagittaalliuteqartarfik, Boks 1015, 3900 Nuuk, oqarasuaat 34 50 00."

### Kommunimut tamatumunnga peqatigitillugu imatut allappunga:

"Naammagittaalliut, assiliner ilanngullugu nassiunneqartoq, Ombudsmandip tiguaa.

A-p saaffiginnissutaa innaallagissamut akiligassiissutip aamma assartuisartoqarfiup akiligassiissutaata matussutissaannik aningaasanik ikiorserneqarmissamik allakkatigut A-p qinnuteqaataasa kommunimit akineqarsimanginnerat pillugu naammagittaalliummik Ombudsmandip misissuinissaanut pissuttissaqalersitsivoq.

Kommuni qinnuigaara naammagittaalliut pillugu oqaaseqaateqaqqullugu, isumaginninnermillu ingerlatsiviup suliaataa allagaatinik A-mut tunngasunik imalik Ombudsmandimut misissugassanngortillugit nassiuteqqullugit.

A allakkatigut allatigut allakkat uku assilinerannik ilaqartinneqartutit suliaq Ombudsmandimut suliarineqarneranik ilisimatippara.

Kommunip akissutaa A-mut suliami illua'tungiusumut tusarniaatit saqqummiunneqarsinnaanera naatsorsuutigineqarpoq."

Kommuni akissuteqarmissaanik 7. december 2005-imi eqqaasippara.

Kommunip e-mailikkut 23. december 2005-imi nalunaarfigaanga saaffiginnissutiga kommunip sapinngisamik piaarnerpaamik akiniaraa.

Kommunip akissutaa imaattoq 6. januar 2006-imi tiguara:

"A-p naammagittaalliutaa pillugit allakkat 7.12.05-imeersut, 11401-imik normoqartut illoqarfimmi K-mi isumaginninnermik ingerlatsiviup tiguai.

Suliaq A-mut tunngasoq misissorpara. Suliaq isumaginninnermi siunnersortimi suliamik A-mut tunngasumik suliaqartumiippoq, kingusinneruskulli paasivara sulianik allanik marlunnik suli peqartoq, tulleriinneri malillugit suliamik suliarinnittumi allamiittumik aamma suliami suliani innarluutilinnut tunngasuniittumi. Mappit suliani allagaatinik imallit misissorpakka:

11.11.03

Isumaginninnermik ingerlatsivik aalajangerpoq A utertitassanngorlugit 6.530,67 kr.-nik innaallagissamut akiligassanut atugassanik ikiorserniarlugu, sulianilli suliarinnittartoqatigiit ulloq taanna aalajangerput nuunnermut aningaasartuutiniq qinnuteqaat itigartinniarlugu, A-p inissiamut innarluutilinnut naleqqussakkamut nuunginnermi isumaginninnermik ingerlatsivimmuut saaffiginnissimanginnera pissutigalugu.

8.12.03

A-p innaallagissamut akiligassanut 6.500 kr.-nik aningaasatigut ikiorserneqarnissamik aamma inissiamut inarluutilinnut naleqqussagaasumut nuunnissamut 1.725,00 kr.-nik aningaasatigut ikiorserneqarnissamik qinnuteqaatai.

A aningaasatigut ikiorserneqarnissamik siusinnerusukku qinnuteqarsimassaaq, tassami qinnuteqaat isumaginninnermik ingerlatsiviup 11.11.03-mi suliarisimamagu. Qinnuteqaat suliami nanisinnaangilara.

14.6.04

Kalaallit Napparsimasut Illuanni isumaginninnermi siunnersorti ... ineqarnermut akiliutitut akiitsut, innaallagissamut akiligassat, innarluutilimmuut iluaquersuutit, K Kommunimi nalunaquttap akunnerini sisamani sulisarnissaq aamma angerlarsimaffimmi ikiorteqartitsisarnerup unitsinneqarsimasup aallarteqqinneqarnissaa A sinnerlugu qinnutigai.

25.6-04

Allakkat qulaani taaneqartut 14.6.04-meersut suliamik suliarinnittup akivai.

14.10.04

A allakkami akineqarnissaat nukingisaarutigaa. Aammattaq septemberip qaamataani ineqarnermut akiliutiniq akiliunneqarnissaq innarluutilinnullu iluaquersuutit qinnutigai. Tamatuma saniatigut allappoq arlaleriarluni allassimagaluarluni, akineqarsimangitsunik.

14.11.04

Sulianik suliarinnittartoqatigiit aalajangerput 10.10.03-mit qaammatini arfinilinni piginnaanngorsaaqqinnerup ingerlanneqarnera akueriniarlugu. A ullumikkut sulii piginnaanngorsaaqqinnermik ingerlatsivoq.

A-p allagai allakkatigut akineqarsimangillat, suliamilu allattuiffimmi aamma allaaserineqarsimanatik. Aqutsinnermi pisortap, isumaginninnermi siunnersortit suliamillu suliarinnittut suliaq oqaluserisimavaat, aalajangersimallutillu suliaq nutaamik suliareqqinneqassasoq, suliamik suliarinninnermi kukkusoqarsimanera pissutigalugu." (Atorfeqarfimmi nutsigaavoq)

Kommunip mappiniq suliami allagaatinik imalinnik nassiussinissaa oqarasuaatikkut kommunimut 10. januar 2006-imi nukingisaarutigaa.

Kommunip akissutaa imaattoq 16. januar 2006-imi tiguara:

"Oqarasuaatikkut ippassaq oqaloqatigiinnerput tunngavigalugu suliami allagaatit uku nassiunneqarput:

11.11.03

Pequtinik assartuinissamik qinnuteqaat pillugu sulianik suliarinnittartoqatigiit aalajangiinerata assilinerata kiisalu akiligassiissutip 4.11.02-meersup assilinerata, quppernerit marluk.

11.11.03

Utertitassanngortillugit ikiorsiissutinik akiliiumanermut uppernarsaatip assilinerata, 6.530,67, qupperneq ataaseq.

08.12.04

A-p allagaasa (nukingisaarutaasut) assilinerata, quppernerit marluk.

08.12.04

...-p (nukingissaarutitut) allagaasa assilinerata, qupperneq ataaseq.

25.06.04

Illoqarfimmi K-mi isumaginninermik ingerlatsiviup allagaasa assilinerata, qupperneq ataaseq.

17.09.04

A-p e-mailikkut nassiussaata assilinerata, qupperneq ataaseq.

14.10.04

A-p allagaasa (nukingisaarutaasut) assilinerata, qupperneq ataaseq.

Aammattaq ataatigut atsiortutut allakkakka 5. januar 2006-imeersut innersuussutigissavakka. Aataatigut atsiortunga ingerlatsivimmilu pisortaagallartoq aalajangersimagaluarpuq suliaq suliareqqinniarlugu, Ombudsmandilli misissuinerata utaqqi-maarniarlugu massakkut aalajangerluta." (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*"Suliap uannut paasissutissartalersorneqarnera malillugu A-p allagai pingasut kommunip akisimanngisai pigineqarput: Allakkat 8. december 2003-meersut, allakkat 17. september 2004-meersut aamma allakkat 14. oktober 2004-meersut.*

*Allakkat akineqannginnerannut pissutaasoq kommunip uannut akissumini oqaatigisimanngilaa.*

*Siullertut matuma oqaatiginissaanut pissutissaqarlunga isumaqarpunga, tassalu A-p allagai 8. december 2003-meersut kommunip Kalaallit Napparsimasut Illuannut allagaasigut 25. juni 2004-meersutigut akineqarsimasutut isigineqarsinnaanngitsut, tassami allakkani taakkunani A-p kommunimut allagaani 8. december 2003-meersuni qinnutigineqartut isummerfigineqanngimmata.*

*Tamatuma kingornatigut oqaatigaara innuttaasoq pisortanit ikiorsiissutinik imaluunniit sulianik aalajangiivigineqarsimasunik suliarinnileqqusilluni qinnuteqartoq qinnutigisani pillugit akineqartussaammat, qinnutigine-*

*qartup akuerineqarsinnaanera akuerineqarsinnaannginneraluunniit apeq-  
gutaatinnagu.*

*Tulliullugu oqaatigaara suliassat suliarineqartarnerat pillugu inatsit  
piffissamat oqartussaasut sulianik suliarinninneranni atorneqartumut kil-  
lissarititaasut pillugit aalajangersakkanik imaqanngitsoq.*

*Sulialli pisariaqarneratut pilertortigisumik suliarineqartarnissaat i-  
ngerlatsinermi ileqqorissaarnermut ilaavoq.*

*Tamanna eqqarsaatigalugu Inatsisileriffiup suliassat suliarineqartarne-  
rat pillugu inatsit pillugu ilitsersuusaaani december 1994-imeersuni immik-  
koortut uku innersuussutigaaakka:*

*"199. Suliassat tamarmik pisortat ingerlatsiviiniit suliarineqartut soorunami sa-  
pinngisamik pisariitsumik, sukkasuumik aningaasartuutaavallaanngitsumillu sulia-  
rineqartarnissaannik piunasaqaat pingaartumik atuuppoq suliassanut inuit ataasi-  
akkaat imaluunniit namminersorlutik ingerlatseqatigiiffiit, suliffeqarfiit, peqatigiif-  
fiit il.il. attuumassuteqarfisaanni.*

*...*

*Suliassat suliarineqartarnerat pillugu inatsit suliassat qanoq sivilutigisumik sulia-  
rineqartarnissaat pillugu nalinginnaasunik aalajangersagaqanngilaq. Tamatu-  
munnga ilaatigut tunuliaqutaavoq suliassat pisortat ingerlatsiviiniit suliarineqartar-  
tut assigiinneqeqimmata assigiinneqeqisunillu annertussuseqartarlutik, taamaattumik  
inatsisikkut pisortat ingerlatsiviini qanoq sivilutigisumik suliarineqartarnissaasa  
aalajangersimasumik maleruagassiornissaat ajornarluinnassalluni, tassa eqqar-  
tuussivinni ajornarpallaanngitsumik atortinniarneqarsinnaasunik.*

*Kisiannili Folketingip Ombudsmandiata oqaaseqaatigisartagai tunngavigalugit  
nalinginnaasumik ingerlatsinermi ileqqut kusanartut malinniarneqarnissaanni suli-  
assat qanoq sivilutigisumik suliarineqartarnissaat pillugu tunngavigineqarsinnaa-  
sunik suliassat suliarineqartarnissaasa aaqqissugaasarnissaat pillugu maleruagas-  
saqartitsineqarpoq, matuma ataani suliamut tunngassuteqartup suliap qanoq sivi-  
lutigisumik suliarineqassanganneqarneranik ilisimatinneqartarnissaa pillugu.*

*Ombudsmandip aammattaaq aalajangikkat ilaanni tikkuaavigisarsimavaa suli-  
at sivilusumik aalajangiivigineqaratik uninngatinneqartarnissaat pinaveersaarniar-  
lugu kiisalu puigortoorneqarlutik aalajangiivigineqanngitsoortarnissaat pinaveer-  
saarniarlugu oqartussaasut naammattumik atorsinnaalluurtunik suli-  
at uterfigineqartarnissaannut allattuiffiliortarnissaat."*

*Siusinnerusukkut suliani arlalinni, nalunaarutinni eqqartorneqartuni,  
suli-  
at pilertortumik suliarineqartarnissaannik piunasaqaat pillugu oqaase-  
qaateqartarsimavunga. Taamaalillunga 1995-imi nalunaarutinni suliaq  
16-1, 1996-imi nalunaarutinni suliaq 04-2, 1997-imi nalunaarutinni suliaq  
04-01, 1998-imi nalunaarutinni suliaq 4-3 aamma suliaq 24-1, 2000-imi  
nalunaarutinni suliaq 24-6, 2001-imi nalunaarutinni suliaq 28-3 aamma  
2002-mi nalunaarutinni suliaq 11.73/01-4 innersuussutigaaakka.*

*Kommunip paasissutissiissutai malillugit tunngaviutittariaqarpara A-p  
allagai kommunip suli akisimangikkai, tamannalu isorisarialerujussuar-  
tut isigaara.*

*A-p allagai 17. september 2004-meersut aamma 14. oktober 2004-meersut imarisamikutt allakkat kommunimut siusinnerusukkut nassiunneqarsimasut akeqquillugit nukingisaarutaapput.*

*Taamaalilluni A-p allakkami juni 2003-meersut aamma 19. marts 2004-meersut akineqarnissaat nukingisaarutigaa. Allakkat taakku suliami allagaatinut kommunimit tigusannut ilaangillat, taamaattumillu allakkat qulaani taaneqartut 8. december 2003-meersut, 17. september 2004-meersut aamma 14. oktober 2004-meersut saniatigut A-p allagaanik allanik akineqarsimannngitsunik kommunimiittoqarnerisq isummerfigisinnaangilara.*

*Oqaatigineqartutulli allakkat 17. september 2004-meersut aamma 14. oktober 2004-meersut kommunip akisimannngisai pineqarmata allakkat taakku pillugit immikkut oqaatigaara:*

*Ingerlatsinermi ileqqorissaarnermut ilaavoq suliami illua'tungiusup nukingisaarutitut allagaasa piffissamik suliap suliarineqarneranut atorneqartumik pissutissaqarluni tunngavilersugaasut ingerlaannartumik akineqartarnerat. Tunngavik taanna suliaasat suliarineqartarnerat pillugu inatsit pillugit ilitsersuummi taaneqartumi imm. 207-imi allaaserineqarpoq.*

*Tamanna tunngavigalugu isumaqarpunga kommuni A-p allagaasa 17. september 2004-meersut aamma 14. oktober 2004-meersut tiguneqarneranut atatillugu suliami allakkanik pisoqaanerusunik akineqarsimannngitsunik peqarnerisq misissuinissaminut pisussaaffeqarsimasoq.*

*Taamaattumik inassuteqaatigaara A-p allagai 8. december 2003-meersut, 17. september 2004-meersut aamma 14. oktober 2004-meersut kommunip piaarnerpaamik akissagai, kommunillu tamatumunnga atatillugu A-p allagaanik allanik akineqarsimannngitsunik kommunip akisassaanik peqarnerisq misissussagaa.*

*Kommunip tusarniaanermut akissutaani 16. januar 2006-imeersumi imaattoq aamma maluginiarpara:*

*"Ataatigut atsiortunga ingerlatsivimmilu pisortaagallartoq aalajangersimagaluarpugut suliaq suliareqqinniarlugu, Ombudsmandilli misissuina utaqqimaarniarlugu massakkut aalajangerluta." (Atorfeqarfimmi nutsigaavoq)*

*Oqaatigaara kommuni ingerlatsinermi oqartussaasutut sulianik suliarinninnerminut akisussaasuusoq.*

*Kommunip sulianik suliarinninnissamut pissussaaffeqarnera innuttaasup suliamik kommunimi suliarinninnermik Ombudsmandimut naammagittaalliuuteqarneratigut atorunnaarsinneqarneq ajorpoq.*

*Taamaattumik isumaqarpunga A-p piffissaq kommunip suliamik suliarinninnermut atugaa pillugu naammagittaalliuutaanik uanga suliarinninnera innersuussutigalugu kommunip suliarinninnerminik unitsitsigallarsi-manera immini kukkunerisq erseqqissoq.*

*A allakkatigut allatigut allakkat uku assilinerannik ilaqartinneqartutigit qulaani taaneqartunik ilisimatippara."*



Kommuni suliamik allakkatigut 17. oktober 2006-imeersutigut eqqaasippara.

Kommunimit ukiup nalunaarusiuunneqartup naanerani suli tusagaqanngilanga.

## 09. Allat, pisortanit ikiorsiissutit

### 1. Sipaarniuteqarneq pissutigalugu soraarsitsineq

*Sunnigiffimmi sammisassaqartitsivimmi pisortatut atorfimmit soraarsitsinissamik kommunip allakkatigut 25. maj 2003-meersutigut aalajangernera aamma kommunip tamatuma kingornatigut sulisutut, imaanngitsoq pisortatut, atorfinitsitseqqinnissamik kommunip neqerooruteqarnera A-p naammagittaalliuutigaa.*

*Ombudsmandi isumaqarpoq illua'tungiusup isumaanik tusarniaasarneq pillugu malittarisassat misissoqqaarnagit kommunip Amik sunngiffimmi sammisassaqartitsivimmi pisortatut atorfimmit soraarsitsisimanera isorisariaqartuusoq.*

*Tulliullugu Ombudsmandi isumaqarpoq kommunip suliffeqarfiini sulisunik atorfinitsitsisarneq kommunip aqqissuuttariaqaraa suliffeqarfiit matugallernerini sulisunik naliliineq tunngavigalugu soraarsitsisarnerit sapinngisamik pinngitsoorneqarsinnaalersilugit.*

*Ombudsmandip aamma oqaatigaa sulisut soraarsinneqarsimasut atorfinitsitseqqinnissaannik kommunip pissutissaqarnani neriorsuineri taarsiissuteqartarneq pillugu inatsiseqartitsinermi malittarisassat nalinginnaasut malillugit taarsiissuteqarnissamut akissusaanermik nassataqarsinnaasoq.*

*Taamatuttaaq Ombudsmandi isumaqarpoq sunngiffimmi sammisassaqartitsivimmi pisortatut atorfinitsitseqqinneqarnissamik A-p qinnuteqaataanik itigartitsinnginnermini A-p suliami illua'tungiusutut isumaanik tusarniaavigineqarnissaa kommunip isumaliutersuutigisimasariaqaraluaruaa. Taamatuttaarlu kommunip aalajangiinnerminik tunngavilersuisimanninnera Ombudsmandip isorisariaqartutut isigaa. (J.nr. 11.10.09.30/150-03)*

Sunnigiffimmi sammisassaqartitsivimmi ...-mi pisortatut atorfimmit soraarsitsinissamik kommunip allakkatigut 25. maj 2003-meersutigut aalajangernera aamma kommunip tamatuma kingornatigut sulisutut, imaanngitsoq pisortatut, atorfinitsitseqqinnissamik kommunip neqerooruteqarnera pillugu A-p naammagittaalliuutaa 9. oktober 2003-mi tiguara.

Suliami pisimasut imaapput:

K Kommunip A kommunip sunngiffimmi sammisassaqartitsiviani ...-mi pisortatut allakkatigut (ullulernerqanngitsutigut) imaattutigut 1. februar 2003 aallarnerfigalugu atorfinitsippaa:

"Fritidsklubbimi ...-mi pisortatut atorfinitsinneqarputit ulloq 1. februar 2003 aallarnerfigalugu.

Sulinermik Inuutissarsiuteqartut Kattuffiata aamma Kalaallit Nunaanni Naalakersuisut isumaqatigiissutaat klubbinut atuuttoq 26. november 2001-imeersoq tunngavigalugu atorfinitsinneqassaait.

Akissarsiaqartinneqassaait isumaqatigiissummi § 7 imm. 2 malillugu; tassani saapatip akunneranut 40 tiimini sulisarteq 1. april 2002-mi qaammammut akissarsiaqartinneqarpoq 14.679,25. Akissarsisinneqartassaait qaammammut kingumoorumik.

Soraarniuteqarnermi isumaqatigiissummi tunngavigineqarpoq § 28, tassani aalajangerneqarsimavoq sulisitsisoq pisinnaatitaasoq soraarsitsinissaminut qaammammik ataatsimik sioqqutsilluni, tamannalu malinneqartarpoq sulisuusoq qaammatin arfinilinni sulereersimatillugu. Piffissaq sivisunerusoq sulisuusoq sulisorineqarsimappat soraarsitsinissami qaammatit pingasut tunngavigineqassapput. Soraarsitsinissamat piffissarititaq ukiut pingasukkaarlugit qaammammik ataatsimik ilaneqartarpoq; kisianni soraarsitsinissamat piffissarititaasup qaammatit arfinillit qaanger-sinnaanngilai.

Illit nammineeirlutit soraarniuteqassaguit qaammammik ataatsimik piffissalerner-qartussaavutit.

Malugeqqarput isumaqatigiisut § 21-a tassani allanneqarmat qaammatini aq-qaneq marlunni malittuinnarni katillugit ulluni 120-ni akissarsiaqarlutit napparsima-simaguit sulisitsisoq pisinnaammat soraarsitsinissaminut qaammammik ataatsimik piffissaqartillutit. Soraarsitsinermili tunngavigineqartarpoq ullut napparsimaffiusut 120-t anguneqarsimatillugit aammalu sulisuusoq piffissami ingerlareersumi peqqis-simanngippat, akerlianilli isumaqatigiisut atorunnaartarpoq soraarsitsereernerup kingornagut sulisuusoq suliffimmut uteqqikkaangat.

Erseqqissassavarpullu sulinermut atasumik pissutsit tusartakkallu nipangiussima-neqartussaammata avammullu tusarliunneqassanngimmata. Nipangiussisussaaneq atuuttarpoq suliffik suliffigiunnaareersimagaluaanniluunniit.

Atorfinitsitaanermi qulaani tunngavigineqartussat isumaqatigigukkit uuma assili-nerani (kopi) atsiugassaq atsiussavat maangalu allaffimmut utertillugu."

Kommuni A-mut 25. maj 2003-mi imatut allappoq:

"Fritidsklubbimi ...-mi 1. juuli 2003-miit ammasarnerit annikilliserujussuarnis-saat pissutigalugu ajoraluartumik suliunnaarsittariaqarpatsigit.

Ulloq suliffiususaaq kingulleq tassaassaaq 30. juuni 2003.

Suliunnaarsitsinissamik ilimasaarut pivoq klubbini suliffeqartut pillugit isumaqa-tigiissummi § 28 imm. 2 malillugu."

Kommunip tamatuma kingornatigut pisortatut atorfik aamma sulisutut atorfiit inuttassarsiorlugit allagarsiuppai, qinnuteqarnissamat 27. august 2003 kingullertut piffissaliullugu.

A-p qinnuteqaat imaattoq kommunimut 15. august 2003-mi tunniuppaa:

"Pineqartoq:Fritidsklubbimi ...-mi pisotaq aamma sulisut

Ataani atsiortunga klubbimi pisortassatut qinnuteqaqqippunga suliffik assut nuannarigakku. Minnerunngitsumillu meeqqat inuusuttullu sullikkumagakkit. Aam-malu suli ingerlaqqikkusukkama.

Anguniaqqusaasut assigiinngitsut piviusunngortissimavagut suleqatigiinnitsinni. Taakkua nangillugit ingerlaqqikkusukkama, suleqatigiinneq sulis nukittorsarlugu, sulineq aallartissallugu kiisalu massakut misilittagaqarnerulluta ingerlanissatsinnut.

Neriuppunga suliffik unamminartoq pisinnaasallugu. Pisinnaanngikkukku sulisutut inissikkusuppunga, suliffik nuannarigakku. Isertartullu qanimut ilisarismalluarakkit"

Kommunip sunngiffimmi sammisasaqartitsinermi pisortaata kommunip ...-mut ataatsimiititaliaanut inassuteqaataanit erserpoq pisortatut atorfirmut qinnuteqartut allat A-p saniatigut sisamaasut, sulisullu atorfiinut qinnuteqartut allat A-p saniatigut arfiniliusut.

Inassuteqaammit tunngavilersugaanngitsumit aamma erserpoq sunngiffimmi sammisasaqartitsinermi pisortap qinnuteqartut ilaata ataatsip pisortatut atorfinitsinneqarnissaa kiisalu A aamma qinnuteqartut allat marluk sulisutut atorfinitsinneqarnissaat inassuteqaatigisimagaa.

A allakkani "ledende skoleinspektør, ... og skoleinspektør"-imut ingerlatinneqartuni 15. september 2003-mi imatut allapoq:

"Matumuuna allakkatigut qinnutigaara akissarsiasagut tigorussullugit juuli-august 2003. Tassani toqqammavigaara suliunnaarsitaanermi matuersaatit ilissinnit tiguneqannginneri. Kiisalu oqaatsitigut isumaqatigiissuterput eqqutittariaqarmat! Ima oqarfigineqaratta: "Sulisut tamassi klubbi ammaqqippat suleqqissaasi!" Aammalu uannut oqartoqanngilaq sulisuinnartut sulilissasutit. Tamanna isumaqatigiissutitsinni aamma allassimangilaq. Kiisalu minnerunngitsumik soraarsitsigallarnermi suliffiup atorutuatai tamarmik allakkatigut piumasaqaatigalugit utertinneqartussaamata! Soraasitsigallarnermi! Tamanna pisimannigmat akissarsiasagut tigorussukkaluarpakka, taammaanngippat suliaq allamut ingerlateqqissagakku! Kiisalu atorfinitsineq eqqunngitsumik pisoq takusinnaagakku! Ilami naalakkatut qinnuteqartut Ilaa tiganagit sulisutut inissinnerat. Tamanna inatsisitigut periarfissaqanngilaq! Kiisalu sulisussarsiornermi allagartaliussaq isumaarulluni!

Sunngiffimmi pisortap ilisimatippaanga ukiaanerani klubbi ammaqqippat sulinerput aallarteqqissasoq. Tamanna uanga ima paasivara pisortatut ingerlaqqissallunga, taamak ersaritsigisumik oqarfigineqarama, uanga nammineq isumalluaraluarama. Paasivara allarluinnarmik pisoqartoq, erseqqissaatigissavara isumaqatigiissut isumaqatigiissutaammat, allagaaguni oqaasiuguniluunniit. Tamanna inuit pisinnaati-taaffiisa lnatsisaaniimmat!

Neriuppunga piaarnerpaamik akineqassallunga, akineqassanngikkuma suliaq allanut ingerlateqqissagakku."

Kommuni A-mut 22. september 2003-mi imatut allapoq:

"Matumuuna nalunaarutigissavarput ...-ip ataatsimiititaliaa ataatsimiimmat marlunngorneq 2. september 2003.

Ataatsimiinnermi qinnuteqaatit eqqartorneqarpoq, nuannaarutigalugulu nalunaarutigisinnaavarput qinnuteqaatit akuerineqarmat, taamaalilluni sukisaarsartarfimmi sulisutut atorfinitsinneqarlutit."

Aammattaq suliami ilaapput A-p kommunimi atuarfiup pisortaaneranut aamma sunngiffimmi sammisassaqartitsinermi pisortamut allagai ullulerneqarsimangitsut imaattut:

"Qulaani taaneqartut innersuussutigalugit isumaginninnermik ingerlatsiviup pisortaanit ...-mit pisortanit ikiorsiissutinut atatillugu oqarfigineqarpunga ilaqtut tama uangalu affaannarmik tunineqartugut, tassami atuarfiup pisortaata isumaginninnermik ingerlatsiviup pisortaa ilisimatissimmamagu sulisutut atorfinitsinneqarnissanut atorfinitsinermi allakkiaq atsiorumasimangikkiga, taamaattumillu soraarsitaasimasunga. Suliffinnit soraarsinneqarninnik allakkatigut oqaasiinnartigulluunniit paasitinneqarsimangilanga, tassami sunngiffimmi sammisassaqartitsiviup ...-p aasaanerani matoqqanerani allakkatigut soraarsinneqarsimagatta, matuersaatillu tunniunnialuarakkat sunngiffimmi sammisassaqartitsiviup pisortaanit oqarfigineqarpunga matuersaatit tigungmiinnassagikka, tassami junimit augustimut aasaanerani sulinngiffik qaangiuppat atorfinitseqqinneqartussaagama, oqartoqanngilarlu sulisutut atorfinitseqqinneqassasunga, sunngiffimmilu sammisassaqartitsivimmi pisortatut soraarissannik arlaannaatigulluunniit ilimasaarneqarsimangilanga.

Atuarfiup pisortaaneranut, sunngiffimmi sammisassaqartitsinermi pisortamut ...mullu ataatsimiititaliamut allakkakka innersuussutigalugit erseqqissassavara SULI AKISSUTISISIMANNGITSUNGA, misigisimavungalu suliami matumani eqqunngitsumik pineqarlunga.

Aamma erseqqissarneqassaaq atuarfiup pisortaanera ... ilisimatikkiga sulisutut atorfinitsinneqarnissamik isumaqatigiissutip atsiorinissaa suliamik misissuereernerma kingornanut utaqqisinniariga, uannullu taarsiullugu allamik atorfinitsitsisoqarsimaneramik allakkatigut oqaasiinnartigulluunniit ilisimatinneqarsimangilanga, isumaginninnermillu ingerlatsiviup uannut nuliannullu oqaatigaa atsiorumasimangitsunga, taamalu pisortanit ikiorsiissutisinnissatsinnut mattussaasugut, taamaallaallu 900 kr.-t ilaqtariinnut inersimasunik marlunnik meeqqanillu sisamanik inuttaqartunut ulluni 14-ini ikiorsiissutigineqarput, taamaalillutillu meeqqavut kaassimallutik. Ikiuumasoqarsimangilaq. Tamanna inuppalaanngilluinnarpoq, taamaattumillu suliami tassami inatsisit tunngavigalugit taarsiivigeqqussaanga, Inatsisartullu peqqusutaat malillugu aasaanerani sulinngiffiup nalaani akissarsiaqartussaasimagaluarpuunga, matuersaatimmi tigungmiinnarakkat.

Oqaluttuunneqarpunga meeqqanut sisamanut nuliannullu napparsimasumut pilersuisutut annikinnerpaamik ukiumi ataatsimi akissarsiat annaasat taarseqqullugit qinuteqassasunga.

Sunngiffimmi sammisassaqartitsivimmi pisortatut qaammammut 14.679,25 kr.-sisarpunga, ukiumullu ilivitsumut qinnutigaaqka:

$$14.679,25 \times \text{qaammattit } 12 = 176.151 \text{ kr.}$$

Kiisalu inuttut malersorneqarneq, eqqunngitsumiik pineqarneq anniartitaanerlu, ataqqinassutsikkut innarligeaneq pillugu taarsiivigineqarnissaq, taannalu eqqartuusiviup aalajangissavaa. Neriuppunga tamatumunnga piaartumik aaqqiivigineqassalunga." (Atorfeqarfimmi nutsigaavoq)

A-p naammagittaalliutaa 9. oktober 2003-mi tiguara.

Kommunimut 19. oktober 2003-mi imatut allappunga:

"Assilinerá ilanngunneqartumik (kalaallisuunngorlugu nutserneranik ilaqartil-lugu) naammagittaalliut takussutissartalik tiguara.

Naammagittaalliut imarisamigut pissutsinut arlaqartunut tunngasuvoq.

Misissuinerma A-p sunngiffimmi klubbimi ...-mi pisortatut atorffimmit soraarsin-neqarneranut tunngasumik apeqqummik kommunillu A-mik 15. september 2003-miit klubbimi ikiortitut atorfinitsiniarluni aalajangerneranik misissuinissamat kil-lilernissaa qinersimavara.

Pissutsinut allanut A-p pisimaneragaanut (taarsiiffineqarnissamik piumasaqaat pisortanillu ikiorserneqarnissamik itigartitsineq) tunngatillugu aalajangiinnermut, suliami naliliinera malillugu, A-mik soraarsitsineq inatsisinik unioqquitsinerun-ginnersoq imaluunniit tunngavissaqarnersoq apequtaassaaq. Tamanna tunuliaqu-taralugu, aammalu Ombudsmandip sulineranut killissarititaasut tunngavigalugit pis-sutsinik taakkuninnga suliarinnissinnaannginnera ilimanarsinnaammat, A-p taarsiif-figineqartussaananeranut imaluunniit pisortanit ikiorsiissutinik pisassaqsinnaanera-nut tunngasunik apeqqutit suliarissanngilakka.

A-p soraarsitaanera pillugu naammagittaalliummut kommunillu A-mik klub-bimi ikiortitut atorfinitsinissamik aalajangerneranut atatillugu kommuni qinnui-gaara apequtinut makkununnga nassuiaateqaqullugu:

- A-p 25. maj 2003-mi soraarsinneqarnerani kingusinnerusukkut atorfinitsinnissaa kommunip ilimagisimaneraa?
- Soraarsitsinermik aalajangernermi kommunip sunngiffimmi klubbip ammasar-nerata 1. juli 2003-mit annikillineqarnera innersuussutigaa. Kommuni qinnuigi-neqarpoq ammasarnerup annikillineqarneranut pequtaasooq, aamma 15. septem-ber 2003-p (kommunip A-mik klubbimi ikiortitut atorfinitsitsiviginiarsimasaata) kingornatigut, piffissamat 1. juli 2003 sioqqullugumut sanilliussilluni annikilli-samik suli ammasarfeqartitsineqarnersoq nassuiaateqarfigeqqullugit.
- Kommunip A-mik klubbimi pisortatut atorfinitsitsinianninneranut pissutaasooq, aamma A pissutaasumik tamatuminnga kommunimit ilisimatineqarsimansooq, tamannalu pillugu suliami peqataasutut, kommuni pineqartumik klubbimi ikiorti-tut atorfinitsitsiniarluni aalajangiinninnerani, oqaaseqarnissamat periarfissinne-qarsimansooq.
- Soraarsitsinissamik aalajangerneq sioqqullugu A suliami peqataasutut tusarniaa-vigineqarsimansooq aammalu suliami peqataasumut tusarniaaneq pisimanngip-pat tamatumunnga pissutaasooq.

Tamatumunnga peqatigitillugu kommuni qinnuigaara A-mut tunngasumik suli-suuneranut atatillugu suliami mappi uannut nassiateqqullugu.

Kommunip suliamut nassuiaataa A-mut suliami peqataasumut tusarniaassutitut saqqummiunneqarsinnaajumaarpoq."

Kommunip akissutaa imaattoq 17. november 2003-mi tiguara:

"Pineqartoq: A-p, CPR-nr. ..., illoqarfimmi K-mi fritidsklubbimi pisortatut atorfi-nitsinneqaqqinngitsoornerminut naammagittaalliutaa.

Skoleinspektør ... atorffimminut atatillugu angalammat ataani atsiortunga skole-inspektørilu sinnerlugu nassuiaateqassaanga.

Ukiq 2003 apríilmili kingusinnerusukkullumi klubbimi pisortaq A sulisullu ..., ... aamma ... oqaloqatigiissutigisalereerpavut ukiup sinnerani fritidsklubbip inger-lanneqarnissaa, aningaasartuutissat ammasarfissaalu.

Oqaloqatigiissutigisartakkatta ilagaat klubbimi sulisunut aningaasartuutissat ukiup sinnerani sipporlugit atuisannigitsugut, taamaattumillu aasat tamaasa iliuuserisartagarput malissagipput tassaasoq aasaanerani juulimi aggustimilu matoqqagal-lartarneq, taamaallaalli sap.ak. marloriarluni diskotekimik ammatitsisarneq ingerlaannarluni.

Aasaanerani matoqqagallartarneq pissuteqarpoq aningaasartuutissat ukiumoortut akuersissutaasarmata aasami matoqqasussaanaera naatsorsuutigereerlugu aamalu aasaanerani illoqarfiup inukillisarnera klubbimillu atuisut ikilisarnerat pillugit.

Pilersaarusiornitsinnittaag isumaqatigiissutigaarput fritidsklubbi ukiakkut pisarnerut ammasaleqqissasoq septembarimi.

Kingusinnerpaamik maajip aallartinnerani pisortaq sulisullu nalunaarfigaakka klubbip aasaanerani matoqqanissaa pissutigalugu juunip naanerani asoortittariaqarlugit, Kalaallit Nunaanni Naalakkersuisut aamma Sulinermik Inuussutissarsiuteqartut Kattuffiata akornanni klubbini suliffeqartut pillugit isumaqatigiisummi § 28 imm. 2 malillugu sulisitsisut taama pisinnaatitaammata.

Pissutsit tamakku sulisunit tamanit pissusissamisoortutut isigineqarput.

Asoortitsineq pivoq allakkatigut 25. maj 2003-mik ullulerneqarsimasuni. Tassunga ilanngullugu sulisut aamma pisortaq oqaasiinnartigut erseqqissaaffigaakka ukiamut klubbimi atorfiit inuttassarsiuteqqinneqartussaammata qinnuteqarsinnaasut tassani sulileqqinnissaminut periarfissaqassammata. Taamaattumik A neriorsorsimangisaannarpara pisortatut atorfineqqissasoq.

Tamatuma kingorna aasaanerani diskotekertarnissami sulisussanik tiimimusialinik pissarsiorpugut. Pisortaq sulisullu nalunaarfigaakka perusupata tassani sulisusarsiornermi salliutinneqqassasut.

Juunip 18-ianni aallartussaagama juunip aallartinneranili sulisut oqarfigereerpakka aasaanerani kikkut sulissanersut paaseqqaarlugu matuersaatiminnik utertitsiu-maartut.

Diskotekimi suliniarlutik kissaateqartunit sulisooreersut pingasut toqqarneqarput. A feerartussaani aallartussaaniinilu pillugit suliumanngilaq.

Fritidsklubbi ukiakkut ammaqquittussanngormat atorfiit inuttassarsiuullugit allagarsiineqarpoq. Allagarsiussap assilineri sulisooreersimasunut immikkut tunniunneqarpoq.

A qinnuteqartunut ilaavoq. Qinnuteqaammimi pisortatut atorfik qinnutigaa, qinnuteqaatini ima ilallugu: ... pisinnaanngikkukku sulisutut inissikkusuppunga ... (ta-kuuk ilanngussaq).

Atorfinittussatut siunnersuutikka ...-udvalgimut (siornatigut kultur- og undervisningsudvalgimik taaguuteqaraluartumut) saqqummiuppakka. Innersuusutikka atorfinittussatut aalajangiinneqarput, klubbimi sulisooreersimasut pingasut A, ... aama ... sulisutut atorfinittussanngorlugit (sisamarigaluat qinnuteqanngilaq).

Qinnuteqartut tamarmik atorfimmuut tunngasumik ilinniagaqarsimasuunngimma-ta pisortassamik toqqaniarnermi pingaartinneqarpoq atorfinittussaq tassaassasoq klubbimik atuisunit ataqineqartoq naalagarsiorfigineqartorlu, atorfimmilu tassani ilaatigut artornarlunilu tamaviaarnartumi naalanngisarfiusinnaasumilu aqutsilluar-sinnaasoq, meeqqat inuusuttullu eqqarsaatigalugit qanoq iliuusissanik pilersaarusi-orluni aallarniisinnaassuseqartoq isumassarsiorlorlu kiisalu suleqatikkuminartoq.

Tamakku tunngavigalugit ... pisortassatut toqqarneqarpoq. A soorlu qinnuteqaammimi oqartoq pisortatut atorfik pisinnaanngimmagu sulisutut atorfimmik neqer-oorfigineqarpoq. Tassunga tunngatillugu A-p oqarfigaanga immaqa sulilinnngilaarallassalluni qalipaasumi suligami suliaasaqimmat iluatigalugu.

Klubbip ammarnissaa ullalunnik sioqqullugu sulisunngortussat tamaasa ataasimeeqatigaakka, pisariaqartut oqaluseralugit pisortartaarluni ilisaritillugu. Isumaqa-

tigiippugut pisortartaap klubbimi pissutsinik suliassanillu paasiniaanerani tapersersorluassagaat, suleqatigiilluarnissarlu pingaartillugu erseqqissarpara.

Tamatuma kingorna eqqumiigisatsinnik paasiuminaatsitatsinnillu pisoqarpoq. A-p allakkat isornartorsiutit 15. september 2003-mik ullulerneqarsimasut skoleinspektørimum tunniuppai.

Allakkani uparuartuinerit skoleinspektørilu oqaloqatigiissutigereerlutigik A uanga allaffinni allagaani isornartorsiugai pillugit oqaloqatigaara. Tassani erseqqissumik isornartorsiugai tamaasa ataasiukkaarlugit pisuutitsiniaanertut ilumuunngitsutut oqaatigaakka, oqarfigalugulu uagut sulisitsisutut iliuusissat periusissallu eqqortut malissimagivut aalajangiisimanerlu allannortinnaviannngikkipput. Taamaattumik A oqassannilaq allakkani akissuteqarfigisimannngikkivut.

Uagut sulisitsisusugut A-p taamatut iliuuseqarluni periuseqarnera ajuusaarnartut naapertuilluannngitsutullu isigaarput.

9. oktober 2003 A allakkatigut nalunaarfigaarput atorfik allamut neqeroortuginiarlutigu."

#### A-mut 8. januar 2004-mi imatut allappunga:

"Kommunip akissutaa, assilineri ilanngullugu nassiunneqartoq, 17. november 2003-mi tiguara. Tamatumunnga peqatigitillugu paatsoortoqaqqunagulu kommunip allagaasa qallunaatumut Atorfeqarfimmi nutserneqarnera ilanngullugu nassiuppaa.

Kommunip akissutaa pillugu oqaaseqaatissaqaruit qinnuigineqarputit oqaaseqaatit sapinngisamik allakkatigut uannut nassiuteqqullugit.

Tulliullugu oqaatigaara suliami ilanngussat pigineqartut misissoreerlugit maluginiariga Sulinermik Inuussutissarsiuteqartut Kattuffiata (tulliuttuni S.I.K.-mik taaneqartartussap) aamma Kalaallit Nunaanni Naalakkersuisut isumaqatigiissutaat 26. november 2001-imeersoq tunngavigalugu klubbimi pisortatut atorfinitsinneqarsimasutit.

Isumaqatigiissummi tassani saqitsaannernik pissutissaqannngitsumillu soraarsitsinernik apeqqutit pillugit § 29-mi aalajangersakkanit erserpoq apeqqutit taamaattut suliatigut saqitsaannerit pillugit malittarisassat malillugit suliarineqartassasut.

Kalaallit Nunaanni Naalakkersuisut, Aningaasaqarnermut Ministereqarfiup aamma S.I.K.-p suliatigut saqitsaannernik suliarinnittarneq pillugu isumaqatigiissutaat 1. august 1997-imeersoq malillugu isumaqatigiissummi illua'tungiusut tamarmik saqitsaannerup pineqartup saqitsaannernik isumaqatigiissitsiniartarfikkoortillugu suliaritinnissaanut pisinnaatitaaffeqartut. Saqitsaannernik isumaqatigiissitsiniartarfimmi tassani ilaasortaasut tassaasarput isumaqatigiissummi illua'tungiusut, siulittaasumit aqunneqartut, siulittaasullu taassuma Kalaallit Nunaata Eqqartuussiviani eqqartuussisut siulittaasuattut sulisinnaanermut piumasaqaatit eqqortissimasussava. Isumaqatigiissitsiniartarfiup aalajangiineri eqqartuussivinnut suliassannortinneqarsinnaanngillat.

Taamaalilluni suliani suliatigut saqitsaannerit suliarineqartarnerat pillugu malittarisassat malillugit suliarineqarsinnaasuni pineqartoq tassaavoq atorfeqartitaasup inatsisitigut illersugaanikkut toqqqissisimanartumik ilusilersugaasumik, imminullu aningaasartuutaanngitsumik suliap misiliivigineqarnissaanut periarfissaqarnera.

Taamaattumik suliat suliatigut saqitsaannernik isumaqatigiissitsiniartarfikkoortumik suliarineqarnissaannut periarfissaqartillugu pissutsit Ombudsmandip misissorumaneq ajorpai, tak. Ombudsmandi pillugu inatsimmi § 6, imm. 4.

Paasinninnera malillugu pineqartoq tassaavoq naammagittaalliutinni suliap ingerlasimanera pineqartoq, qinnuteqaataanngitsumik soraarsitsinernik tamatumalu



kingornatigut atorfirmi appasinnerusumi atorfinitsitseqqinnermik ilaqartog, suliati-  
gut saqitsaannernik isumaqatigiissitsiniartarfikkoortumik suliarinnittarnerit pillugit  
aalajangersakkat malillugit suliarineqarsinnaassagunartog.

Taamaattumik naammagittaalliutinnik suliarinninnera ingerlateqquissinnaassa-  
gukku tassani tunngaviuvoq isumaqatigiissummi illua'tungiusut suliati-  
gut saqit-  
saannernik isumaqatigiissitsiniartarfikkoortumik suliarinninnissamik piumasaqas-  
sannngitsut.

Oqarasuaatikkut 7. januar 2004-mi saaffiginnikkama K Kommunip oqaatigaa  
kommunip suliati-  
gut saqitsaannernik isumaqatigiissitsiniartarfikkoortumik suliarin-  
nittoqarmissaa suliniutigilersaannngikkaa.

S.I.K. suliati-  
gut saqitsaannernik isumaqatigiissitsiniartarfikkoortumik suliarin-  
neqqusinnissamut aamma pisinnaatitaaffeqarmat suliati-  
gut saqitsaannernik isumaqa-  
tigiissitsiniartarfikkoortumik suliarinneqqusisoqarmissaa atuunnersog S.I.K. apeqqut  
taanna pillugu tusarniaavigigukku aatsaat qulaajarsinnaavara.

Apeqqummilli taassuminnga S.I.K.-mut saqqummiussissaguma S.I.K. suliati-  
gut saqitsaannernik isumaqatigiissitsiniartarfikkoortumik suliarinninnissamik suliniute-  
qarniarnersog S.I.K. oqaaseqaateqaqqullugu qinnuigissagiga illit allakkatigut akuer-  
sisimanissat piumasaqataavoq.

Taamaalillunga inatsiseqartitsinermi tunngaviit nalinginnaasut malillugit innut-  
taasumit uannut naammagittaalliorsimasumit allakkatigut akuersissummik peqan-  
ngikkuma naammagittaalliummik suliaq pillugu paasissutissanik namminersortut  
kattuffiannut ingerlateqquissinnaanngilanga, matumani sulisartut kattuffii ilanngul-  
lugit eqqarsaatigalugit.

Suliap suliati-  
gut saqitsaannernik isumaqatigiissitsiniartarfikkoortumik suliarin-  
nitarneq pillugu malittarisassat malillugit suliarineqarmissaa S.I.K.-p suliniutigi-  
niarneraa aperinissamut allakkatigut illit akuersissutinnik tigusaqanngikkuma pe-  
riarfissap taassuma atuunna qulaajarsinnaanngilanga, taamaattoqarpallu suliap su-  
liarineqarmissaa Ombudsmandip itigartitsissutigisariaqassavaa.

Taamaattumik inussiarnersumik qinnuigaakkit suliaq kattuffiup suliati-  
gut saqit-  
saannernik isumaqatigiissitsiniartarfikkoortumik suliarinnittarneq pillugu malittari-  
sassat malillugit suliariniarneraa S.I.K. aperissagiga akuerinerit allakkatigut nalu-  
naarfigeqqullunga."

A-p allakkatigut ullulerneqarsimannngitsutigut telefaxikkut nassiussati-  
gut 20. januar 2004-mi tigusakkut akivaanga suliap saqitsaannerni isuma-  
qatigiissitsiniartarfikkoortumik suliarineqarmissaa kissaatigigini.

Aammattaq kommunip oqaaseqaataa pillugu oqaaseqaatini imaattut A-  
p 22. januar 2004-mi nassiuppai:

"Matumuuna allakkatigut K Kommuuni akissuteqarfiginarpara imatut:

Siullermik paasinninnera malillugu piffissaagallartillugu naammagittaalliute-  
qarpunga siullermik suliffissarsiuussisarfimmi siunnersorti peqatigalugu. Taassuma  
kingornagut Inatsisartut Ombudsmandiannut suliaq nangitsillugu. Suliffissarsiuusi-  
sarfiup inatsisitigut pisussaaffini malillugu iliuuseqaraluaq, atuarfiup pisortaata kii-  
salu Fritidsinpektørip naammaginannngitsumik suliaq ingerlammassuk. Taava ki-  
ngorna uanga nammineerlunga inatsisitigut periarfissaqarnersog Inatsisartut Om-  
budsmandiannut suliakkiissutigaa. Toqqammavissaqarnersog soraarsitaanera! Si-  
unnersorneqanngilagut allatigut taamatut pisoqarnerani, uagut sumut naammagit-  
taallioqqissinnaanitsinnik K Kommuunimit.

Isumagatigiissutit uanga nammineerlunga sulissuteqarnikkut K Kommuunip a-tuutilersippai, februaarip aallaqqaataa aallarnerfigalugu. Uanga nammineerlunga nalunninnakku peqartoq, isumaqatigiissummik allaat sulisut ilaat ukiut arlerlugit sulisuusut aatsaat uanga suliniuteqarnikkut sapaatip akunneri marlukkaarlugit akisarsisarunnaarput! Sullissiviillu allat assigalugit malitassaqaalerlutik!

Kiisalu illua'tungima paasiumanngisaa pisortat suliffeqarfiinut tunngasoq Inatsiartut inatsisaat. Tassani uanga illersugaagama, S.I.K.-p Namminersornerullutillu Oqartussat isumaqatigiissutaat uanga ima paasigakku! Tiimit suliffissat annertussissaat kiisalu qanoq akissaasersorneqarnissamut tunngasut!

Kiisalu matuersaatiniq qaammatit marluk sinnerlugit paarsaqarninni pisassakka aningaasanut tunngasut piaartumik tigorussukkaluarpakka! Tassani aamma pinngitsaalilluta feeriarimattigit kingornalu fritidsklubbi ammaqqillugu! Tassani uanga paasiniaanikkut sulileqqikkusussimanngilanga atsiugassarlu atsiorumanagu sulisunnartut sulileqqikkumananga! Massakut allaat Fritidsinspektøri ilassiussaarmat naak taammaaneq ajoraluarluni qangaaniillu ilisarismagakku, immaqa suliaakkiissutinnut tunngatillugu naluara? Neriuppunga suliffik orniginaraluaqisoq uterfigiumaarlugu. Kiisalu allakkat siulliit innersuusutigaakka, siusinnerusukkut nassiuttar-nikkuusakka! Massakut allaat Borgmester ...-p ernerata oqarfiginikuuuanga uanga-gooq suliffinnik allaat soraasitaasasunga tassani ...-p nipangiussisussaataaani aamma unioqqutimmagu, uanga nammineerlunga nalunnikkaluarpara inuk allat tamakkua pillugit ilissinnut suliaakkiissuteqarnikuusoq massakut pisortatut atorfilik. Pissutsit taammaakkamik! Ulluinnarni aqutsisut atuarfup pisortaa maleruutiinaram! Fritidsinspektørilu. Kiisalu atorfinitsitsineq ajortuusooq aamma nassuerutigineqarmat allakkatigit isumaqarpunga arlaatigit kinguneqartariaqartoq! Kiisalu aningaasarsisassakka ukioq iluitsoq pissarsiarissagikka qinnuteqaatigaara! Tassami eqqartuusi-vimmuut tunniussinnaangikkikka allani ersermat! Tamanna naammassi-sariaqarpoq, uannut toqqissimanangimmat ilaqutannullu! K Kommuuni pillugu allakkiat siul-liit tiggummisasi innersuusutigaakka."

S.I.K.-mut 4. marts 2004-mi imatut allappunga:

"Kommunip sunngiffimmi sammisassaqaartitsiviata ...-p sulinnigiffeqarnerup na-laani matoqqanerani sunngiffimmi sammisassaqaartitsiviup pisortaatus atorfimmit K Kommunip qinnuteqaataannigsumik 25. maj 2003-mi soraarsitsineranik, tamatu-malu kingornatigit sunngiffimmi sammisassaqaartitsivimmi tassani ikiortitit atorfi-nitsitseqqinnissamik 15. september 2003-mi neqerooruteqarneranik A-p naamma-gittaalliutuata massakut suliaaraa.

Suliamit erserpoq A sunngiffimmi sammisassaqaartitsivimmi pisortatut S.I.K.-p aamma Kalaallit Nunaanni Naalakkersuisut sunngiffimmi sammisassaqaartitsivinnut tunngasut pillugit isumaqatigiissutaat 26. november 2001-imeersoq tunngavigalugu atorfinitsinneqarsimasooq.

Isumaqatigiissummi tassani saqitsaannernik pissutissaqaannigsumillu soraarsitsi-nernik apeqqutit pillugit § 29-mi aalajangersakkanit erserpoq apeqqutit taamaattut suliatigit saqitsaannerit pillugit malittarisassat malillugit suliarineqartassasut.

Kalaallit Nunaanni Naalakkersuisut, Aningaasaqarnermut Ministereqarfiup aamma S.I.K.-p suliatigit saqitsaannernik suliarinnittarneq pillugu isumaqatigiissu-taat 1. august 1997-imeersoq malillugu isumaqatigiissummi illua'tungiusut tamar-mik saqitsaannerup pineqartup saqitsaannernik isumaqatigiissitsiniartarfikkoo-til-lugu suliaritinnissaanut pisinnaatitaaffeqartut. Saqitsaannernik isumaqatigiissitsi-niartarfimmi tassani ilaasortaasut tassaasarput isumaqatigiissummi illua'tungiusut, siulittaasumit aquneqartut, siulittaasullu taassuma Kalaallit Nunaata Eqqartuussi-

viani eqqartuussisut siulittaasuattut sulisinnaanermut piunasaqaatit eqqortissimasussaavai. Isumaqatigiissitsiniartarfiup aalajangiineri eqqartuussivinnut suliaassanngortinneqarsinnaanngillat.

Taamaalilluni suliani suliatigut saqitsaanerit suliarineqartarnerat pillugu malittarisassat malillugit suliarineqarsinnaasuni pineqartoq tassaavoq atorfeqartitaasup inatsisitigut illersugaanikkut toqqissisimanartumik ilusilersugaasumik, imminullu aningaasartuutaanngitsumik suliap misiliivigineqarnissaanut periarfissaqarnera.

Taamaattumik suliat suliatigut saqitsaanernik isumaqatigiissitsiniartarfikkoortumik suliarineqarnissaannut periarfissaqartillugu pissutsit misissorumaneq ajorpakka, tak. Ombudsmandi pillugu inatsimmi § 6, imm. 4.

Paasinninnera malillugu pineqartoq qinnuteqaataanngitsumik soraarsitsinermik tamatumalu kingornatigut atorfimmi appasinnerusumi atorfinitsitseqqinnermik ilaqartoq, suliatigut saqitsaanernik isumaqatigiissitsiniartarfikkoortumik suliarinnittarnerit pillugit aalajangersakkat malillugit suliarineqarsinnaassagunartoq.

Taamaattumik naammagittaalliummik suliarinninnera ingerlateqqissinnaassagukku tassani tunngaviuvoq isumaqatigiissummi illua'tungiusut suliatigut saqitsaanernik isumaqatigiissitsiniartarfikkoortumik suliarinninnissamik piunasaqasannngitsut.

Oqarasuaatikkut 7. januar 2004-mi saaffiginnikkama K Kommunip oqaatigaa kommunip suliatigut saqitsaanernik isumaqatigiissitsiniartarfikkoortumik suliarinnittoqarnissaa suliniutigilersaanngikkaa.

Tamatununga atatillugu S.I.K.-p suliame pineqartumi saqitsaanernik isumaqatigiissitsiniartarfikkut suliarinneqqusiumanissaanik apeqqut pillugu oqaaseqaateqaqqunissaanut A-p allakkatigut akuersinera pissarsiarisimavara. A-p akuersinerata assilnera ilanngullugu nassiuuppara.

Taamaattumik S.I.K. qinnuigaara kattuffik saqitsaanernik isumaqatigiissitsiniartarfikkoortumik suliassiisuteqarniarnersoq nalunaarfigeqqullunga."

A-p 2. november 2004-mi ilisimatippaanga S.I.K.-p allakkatigut 21. oktober 2004-meersutigut nalunaarfigisimagaani suliap saqitsaanerme isumaqatigiissitsiniartarfikkut suliarineqarnera kattuffiup aallartinniannngikkaa.

Taava kommunimut 9. december 2004-mi imatut allappunga:

"A-p assilnera ilanngunneqartumik 9. oktober 2003-mi naammagittaalliuutaa Ombudsmandip tiguua.

Inatsisartut Ombudsmandiat pillugu Inatsisartut inatsisaanni nr. 7-imi 13. juni 1994-imeersumi § 6, imm. 4 naaportorlugu Ombudsmandip pissutsit suliat pillugit saqitsaanerme eqqartuussivimmut suliassanngortinneqarsinnaasut misissuiffiginannnginnamigit, Ombudsmandip K Kommuni S.I.K.-lu qinnuigisimavai suliame illua'tungeriit arlaata suliaq suliat pillugit saqitsaanerme eqqartuussivimmut suliassiisutiginiarneraat nalunaarutigeqqullugu.

K Kommunip suliaq suliat pillugit saqitsaanerme eqqartuussivimmut suliassanngortinniarnagu nalunaarutigaa.

S.I.K.-p nalunaarutigaa soqtigisaqatigiiffiup suliaq suliat pillugit saqitsaanerme eqqartuussivimmut suliassanngortinniarnagu.

S.I.K.-lli kingusinnerusukkat Ombudsmandi nalunaarfigisimavaa, soqtigisaqatigiiffiup suliaq suliat pillugit saqitsaanerme eqqartuussivimmut suliassanngortinniarnagu.

Tamanna tunuliaqutaralugu Ombudsmandi aalajangersimavoq suliaq suliariniarlugu.

Misissuinerma A-p sunngiffimmi sammisassaqtitsivimmi ...-mi pisortatut atorfimminit soraarsinneqarneranut tunngasumik apeqqummik kommunillu A-mik klubbimi ikiortitut 15. september 2003-miit atorfinitsitsiniarluni aalajangerneranik misissuinissamat killeqartinnissaa toqqarsimavara.

Taamaammat K Kommuni qinnuigaara naammagittaalliummut oqaaseqaateqaq-qullugu.

Aamma K Kommuni qinnuigaara apeqqutit uku akissuteqarfigeqqullugit.

- A 25. maj 2003-mi soraarsitsinissamik aalajangiineq sioqqullugu suliami illua'-tungiusutut tusarniaavigineqarpa, taamaassimannippallu, suna tamatumunnga tunngaviuva.
- A-p soraarsinneqarnerata nalaani kingusinnerusukut atorfinitseqqinnissaa kommunip ilimagisimavaa. Taamaassimappallu klubbimi pisortatut atorfimmi.
- A-p sunngiffimmi sammisassaqtitsivimmi ...-mi pisortatut atorfimmit soraarsinneqarneranut ammasarfiup sivikillineqarnerata saniatigut allamik pissuteqarpa.
- K Kommunip A-mik klubbimi pisortatut atorfinitsitseqqikkusunnginneranut suna tunngaviuva, A-lu tamatumunnga pissutaasumik ilisimatinneqarsimava, aamalu tamatumunnga kommuni klubbimi ikiortitut atorfinitsiniarlugu aalajangiitinnagu oqaaseqaateqaammik saqqummiussinissamat periarfissinneqarsimava.

K Kommunip akissutaa Ombudsmandip suliamik inaarsaalluni suliarinninnginnerani naammagittaalliortumut saqqummiunneqarnissaa naatsorsuutigineqarpoq.

Naammagittaalliortoq allakkat uku assilinerinik nassinneqarnermigut matuma qulaani eqqartorneqartut pillugit ilisimatinneqarpoq."

Tusarniaanermut akissut qulaani issuarneqartoq 17. november 2003-mi tigusara kommunip 20. december 2004-mi nassiateqqippaa.

Kommunimut 10. januar 2005-imi imatut allappunga:

"A-p sunngiffimmi sammisassaqtitsivimmi pisortatut atorfimmit soraarsitaaneranut tunngasumik suliaq matumuuna uterfigaara.

K Kommunip allagai 20. december 2004-meersut tiguakka.

Allakkani kommunip oqaatigaa allakkani 9. december 2004-meersuni kommunimut apeqqutigisakka suliami sullissisumit oqaaseqaammi siusinnerusukut nassiu-neqartumi allaaserineqarsimasut.

Uanga isumaga malillugu kommunip apeqqutigisakka tamaasa akisimanngilai, taamaattumik K Kommuni qinnuigaara apeqqutit akeqqullugit.

K Kommunip apeqqutit akissannippagit, suliaq tunngavissat pigineqareersut tunngavigalugit inaarneqassaaq."

Kommunip akissutaa imaattoq 1. marts 2005-imi tiguara:

"Matumuuna fritidsinspektørimit allakkatigut nassuiaataasimasut ullulerneqarsimasut 28. oktober 2003 nangillugit apeqqutit akissavagut.

A soraarsitsinissamik aalajangiineq sioqqullugu tusarniaaffigineqartarsimavoq soorlu siullermik ataatsimiinnermi januar 2003 pisumi fritidsklubbimi aningaasar-

tuutissat atuutilermata sulisut pingasut, pisortaagallartorlu A fritidsinspektørímíllu peqataaffigineqartumik fritidsklubbip ingerlanissaa, aningaasartuutissat ammarsarfissaalu oqaluuseralugit. Tassani fritidsklubbip aasaanerani pisarneq malíllugu qaammatit marluk matoqqanissaa ilanngullugu paasisitsissutigineqarpoq.

Aammalu aprílimi ataatsimiinnermi sulisut pisortallu najuuffigisaanni skoleinspektøríp fritidsinspektørímíllu aningaasartuutissat naatsorsoreerlugit nalunaarutaat apuunneqarpoq. Tassani erseqqissarneqarpoq sulisunut aningaasartuutissat sipporneqassanngippata fritidsklubbi juulimi augustímíllu matoqqasariaqartoq.

Maajíp aallartinnerani aamma sulisut ataatsimeeqatigínerani sulisut pingasut písortarlu A nalunaarfigineqarput 1. juuli atorfímínit asortinneqassasut tamarmik qulaani taaneqartut píssutigalugit. Tamanna píllugu písortaq erseqqissaavoq tamanna ajorinagu aningaasartuutissanik qaangeequsaanngílluinneq píssutigalugu. Píssutsit tamakku sulisunit tamanit píssusissamisoortutut ísigineqarput. Akerlíulluni oqaaseqartoqanngílaq. Tamannalu aalajangerneq 25. maj 2003 allakkatígut nalunaarutigineqarluni. Fritidsklubbip ammarsarnerata aasaanerani anníkillísinnissaa kísiat píssutigalugu sulisut aamma písortaq asortinneqarput.

25. maj 2003 asortítsínermut tunngatíllugu sulisut erseqqissaaffigineqarput úkiakkut ammaqqínissaanut inuttassarsíuussínissamut qinnuteqarsinnaasut suléqqínissamínnut qinnuteqartutut allatulli periarfíssaqaassammata, tassa atorfínítsíníarneq písarnerut íllóqarfímí allagarsííníkkut ingerlanneqartussaasoq sulisut tamarmik nalunaarfigineqarput. Kommuni neríorsuuteqanngílaq A písortatut atorfínítseqíinneqassasoq.

Inuttassarsíuussínerlu augústími pívoq, tassanílu A aamma qinnuteqartunut ílavoq. Qinnuteqaamní písortatut atorfík ímaluunníit taanna písinnaanngíkúníuk sulíuinnartut atorfík qínnutígaa, taamatullu qinnuteqarnerata takutíppaa fritidsinspektøríp nassuíaatígísimasai qinnuteqaruník qinnuteqartutut allatulli periarfíssaqaassalluni paasisímgaa.

Klubbímí úkíoq 2003 sulisut tamarmik atorfímmut tassunga ílínííagaqarsímasuunngíllat, ínuttaleeqqíníssamí píngaartíneqarpoq atorfímmut ílínííagaqarsímasut sállíutíneqassasut, soorlu allagartálíussamí takuneqarsínnasooq. Taamaattumík sulísuník atorfímínnut uterníssaaník nerorsuísoqanngílaq. Qinnuteqartoqarnerani paasínarsívoq ílíníarsímasuník qinnuteqartoqanngítsoq; Taamaattumík ...-p písortatut atorfínítsíníarnermí píukkunerúsartík qínerpaat atorfínítsíllugulu."

Kommuníp akíssutaa íssuarneqartoq kíngulleq sulíamí íllua'tungíusup ísumaaník tusarníaatítut A-mut allakkatígut 10. marts 2005-ímeersutígut nassíuppara.

A-p oqarasuaatíkkut 28. júlí 2005-ímí nalunaarfigaanga sulíamí síusínínerusukkut oqaaseqaatígísimasani tunngavígíníaríní.

Kommuni allakkatígut 3. október 2005-ímeersutígut ímaattutígut qínnuígaara ílassutaasumík nassuíateqaqqullugu:

"Kommuni 9. decembar 2004-ímí qínnuígaara A-p naammagíttaallíuutaa píllugu oqaaseqaateqaqqullugu.

Kommuni tamatumunnga atatíllugu ílaatígut qínnuígaara apeqqutit úku akeqqulugit:

"- A-p sunngíffímí sammsíssaqaatítsívímí ...-ímí písortatut atorfímít soraarsíinneqarneranut ammarsarfiup sívíkíllíneqarnerata saníatígut allamík píssuteqarpa.

- K Kommunip A-mik klubbimi pisortatut atorfinitsitseqqikkusunnginneranut suna tunngaviuva, A-lu tamatumunnga pissutaasumik ilisimatinneqarsimava, aamma tamatumunnga kommuni klubbimi ikiortitut atorfinitsinniarlugu aalajangiitinnagu oqaaseqaateqaammik saqqummiussinissamut periarfissinneqarsimava.”

Kommunip akissutaa 28. oktober 2004-meersaq 17. november 2003-mi aamma tigoreersimasara 23. december 2004-mi tiguara. Akissut ilaatigut imaattunik ima-qarpoq:

“... ”

Ukioq 2003 apriliimili kingusinnerusukkullumi klubbimi pisortaq A sulisullu ..., ... aamma ... oqaloqatigiissutigisalereerpavut ukiup sinnerani fritidsklubbip ingerlanneqarnissaa, aningaasartuutissat ammasarfissaalu.

Oqaloqatigiissutigisartakkatta ilagaat klubbimi sulisunut aningaasartuutissat ukiup sinnerani sipporlugit atuisanngitsugut, taamaattumillu aasat tamaasa iliuse- risartagarput malissagipput tassaasoq aasaanerani juulimi aggustimilu matoqqagallartarneq, taamaallaalli sap.ak. marloriarluni diskotekimik ammatitsisarneq ingerlaannarluni.

Aasaanerani matoqqagallartarneq pissuteqarpoq aningaasartuutissat ukiumoortut akuersissutaasarmata aasami matoqqasussaanera naatsorsuutigereerlugu aammalu aasaanerani illoqarfiup inukillisarnera klubbimillu atuisut ikilisarnerat pillugit.

Pilersaarusiornitsinnittaag isumaqatigiissutigaarput fritidsklubbi ukiakkut pisar- nertut ammasaleqqissasoq septembarimi.

Kingusinnerpaamik maajip aallartinnerani pisortaq sulisullu nalunaarfigaakka klubbip aasaanerani matoqqanissaa pissutigalugu juunip naanerani asoortittariaqar- lugit, Kalaallit Nunaanni Naalakkersuisut aamma Sulinermik Inuussutissarsiuteqar- tut Kattuffiata akornanni klubbini suliffeqartut pillugit isumaqatigiissummi § 28 imm. 2 malillugu sulisitsisut taama pisinnaatitaammata.

Pissutsit tamakku sulisunit tamanit pissusissamisoortutut isigineqarput.

... ”

Tamatuma kingorna aasaanerani diskotekertarnissami sulisussanik tiimimusialin- nik pissarsiorpugut. Pisortaq sulisullu nalunaarfigaakka perusuppata tassani sulisus- sarsiornermi salliutinneqassasut.

... ”

A qinnuteqartunut ilaavoq. Qinnuteqaammimi pisortatut atorfik qinnutigaa, qin- nuteqaatini ima ilallugu:...Pisinnaanngikkukku sulisutut inissikkusuppunga... (ta- kuuk ilanngussa).

Atorfinittussat siunnersuutikka ...-udvalgimut (sionatigut kultur- og undervis- ningsudvalgimik taaguuteqaraluartumut) saqqummiuppakka. Innersuussutikka ator- finittussatut aalajangiunneqarput, klubbimi sulisooreersimasut pingasut A, ... aam- ma ... sulisutut atorfinittussanngorlugit (sisamarigaluaq qinnuteqanngilaq).

Qinnuteqartut tamarmik atorfimmuq tunngasumik ilinniagaqarsimasuunngimma- ta pisortassamik toqqaaniarnermi pingaartinneqarpoq atorfinittussaq tassaassasoq klubbimik atuisunit ataqqineqartoq naalagarsiorfigineqartorlu, atorfimmilu tassani ilaatigut artonarlunilu tamaviaarnartumi naalanngisarfiusinnaasumilu aqutsilluar- sinnaasoq, meeqqat inuusuttullu eqqarsaatigalugit qanoq iliussissanik pilersaarusi- orluni aallarniinnaassuseqartoq isumassarsiorlorlu kiisalu suleqatikkuminartoq.

Tamakku tunngavigalugit ... pisortassatut toqarneqarpoq. A soorlu qinnute- qaammimi oqartoq pisortatut atorfik pisinnaanngimagu sulisutut atorfimmik neqe- roorfigineqarpoq.

... ”

Kommunimut allakkani 10. januar 2005-imeersuni allappunga uanga paasinnin-nera imaattoq apequtima ilaannai kommunip akisimagai, taamaattumillu kommuni qinnuigeqqillugu apequtit akeqqullugit.

Kommunip tusarniaaneq pillugu akissutaanit 21. februar 2005-imeersumit ilaati-  
gut makku erseput:

“A soraarsitsinissamik aalajangiineq sioqqullugu tusarniaaffigineqartarsimavoq soorlu siullermik ataatsimiinnermi januar 2003 pisumi fritidsklubbimi aningaasar-  
tuutissat atuutillermata sulisut pingasut, pisortaagallartorlu A fritidsinspektørimillu  
peqataaffigineqartumik fritidsklubbip ingerlanissaa, aningaasartuutissat ammasar-  
fissaalu oqaluseralugit. Tassani fritidsklubbip aasaanerani qaammatit marluk pisar-  
neq malillugu matoqqanissaa ilanngullugu paasisitsissutigineqarpoq.”

Suliami allagaatit massakut misissoqqereerpakka, apequtinillu arlalinnik sul-  
iakineqanngitsoqarpoq, kommunilu qinnuigaara taakku akeqqullugit.

Fritidsklubbimik sulinngiffeqarnermi matoqqatitsisarnermut atatillugu kommu-  
nup periaasia pillugu apeqqut.

Kommunip tusarniaaneq pillugu akissutaani issuarneqartumit kingullermit erse-  
poq fritidsklubbip aasaanerani ileqquusutut matoqqatinneqartartoq.

Kommuni tamatumunnga atatillugu qinnuigaara sulisut ukiuni siuliini (tassalu  
2002-mi ukiunilu siusinnerusumi) sulinngiffeqarnerup nalaani matoqqatitsinissaq  
sioqqullugu soraarsinneqartarsimanersut, taamaattoqarpallu atorfiit sulinngiffeqar-  
nerup kingornatigut inuttassarsiuteqqinneqartarsimanersut nassuiaqqullugu.

Kommunip atorfinitsitsineq sioqqullugu A-mut ilisimatitsissuteqarnera pillugu  
apeqqut.

Fritidsklubbip aasaanerani ileqquusumik matoqqatinneqartarneranik kommunip  
paasisutissiissutigisaa aallaavigalugu kommuni qinnuigaara A fritidsklubbimi pi-  
sortatut 1. februar 2003-mi atorfinitsinneqarneranut atatillugu sulinngiffeqarnermi  
matoqqatitsinermut atatillugu soraarsinneqarnissani naatsorsuutigisariaqaraa kom-  
munip ilisimatissimaneraa paasisutissiissutigeqqullugu. Taamaattoqarpat kommuni  
qinnuigaara tamatumunnga uppernarsaammik nasseqqullunga.

Kommunip suliamik uppernarsaasersuina.

Kommunip tusarniaaneq pillugu akissummini 2003-mi ataatsimiinnerit pingasut  
fritidsklubbip sulinngiffeqarnermi matoqqatinneqarnissaa pillugit sulisunut ilisima-  
titsissuteqarfignissamasani eqqaavai. Taakku tassaapput 2003-mi januarimi ataatsi-  
miinneq, 2003-mi aprilimi ataatsimiinneq kiisalu 2003-mi majip aallartinnerani a-  
taatsimiinneq.

Kommuni qinnuigaara ataatsimiinnermi taakkunani pisimasut pillugit imaqarnili-  
amik allakkiamilluunniit nasseqqullunga.

A-p atorfinitseqqinneqarnissamik qinnuteqaataanik kommunip suliarinninnera.

Kommunip A-mut allagaanit 22. september 2003-meersunit ersepoq A qinnute-  
qaat tunniunneqarsimasoq tunngavigalugu fritidsklubbimi sulisutut atorfinitsinne-  
qarnissamik neqeroorfigneqartoq.

A-lli pisortatut atorfik inuttassarsiunneqartoq paasisutissiissutigineqartut malillu-  
git aamma qinnuteqaatigisimavaa.

Kommuni qinnuigaara A-p sulisutut atorfinitsinneqarnissaanik kommunip neqe-  
rooruteqarneranut atatillugu pisortatut atorfimmi atorfinitsinneqarnissaanik neqe-



roofigineqannginneranut kommunip A-mut tunngavilersuuteqannginnera pillugu nassuiaateqaqqullugu."

Kommunip akissutaa imaattoq 21. november 2005-imi tiguara:

"Ombudmandip allakkamini 03-10-2005-imik ullulerneqarsimasuni apeqqutaa-nut akissutit.

Fritidsklubbimik sulinngiffeqarnermi matoqqatitsisarnermut atatillugu periaasia pillugu apeqqut.

Ukioq 2003 sioqqullugu fritidsklubbimi sulisut tamarmik tiimimusiaqarlutik ullut 14-ikkaarlugit akissarsiaqarlutik sulisorineqartarput. Sulisut tamarmik juunip naaneraani asortinneqartarput, ukiakkullu augustip qeqqata kingorna ammaqqinnissamut qinnuteqartitsinikkut sulisussarsioqqittoqartarpoq.

Qaammammusalinnik atorfinitsisarneq aallarnerpoq 1. februar 2003.

Kommunip atorfinitsitsineq sioqqullugu A-mut ilisimatitsissuteqarnera pillugu apeqqut.

A-p 1. februar 2003 atorfinitsinneqarnerani aasaanerani matoqqatitsinissami so-raarsinneqarnissaa allaganngorlugu nalunaarutigineqanngilaq, oqaloqatigiinnermili skoleinspektørimit erseqqissarneqarluni pisarneq malillugu aasami fritidsklubbi matuppat sulisui suliunnaassasut ukiakkullu atorfiit inuttassarsiuunneqaqqissasut. Periaaseq taanna erseqqinnerusumik paasissutissiisututigineqanngilaq A-p fritidsklubbimi pissutsit ilisimalluarmagit atorfinitsinneqarnissami tungaanut tiimimusialittut fritidsklubbimi sulisuugami sulilernissamilu tungaanut klubbestyrelsimi ilaasortaalluni 21. april 1998 allarnerfigalugu.

Kommunip suliaminik uppernarsaasersuina.

2003-mi ukiakkut pisortannortup, 2004-mi pisortannortup allap aamma 2005-mi pisortannortup allap sulisuisalu pappiarakujuppassuit qangarsuarli uningasuutigisat initoqutaaginnartutut nalilikkatik imminnnulluunniit tunngassuteqarsorinngisatik iluarsaassinermiinnut atatillugu eqqarsimavaat. Maannakkut pisortaasoq ikiortigalugu 2003-mi ataatsimiittarnerni imaqarniliaasarsimasut pappiaqqallu allat uunga pineqartumut tunngassuteqarsinnaasut ujarneqaralarput, fritidsklubbilli pigiunnaarsimavai pappiaqqanut nutaanngitsunut ilanngullugit iginneqarsimagunarmata, diskettillu imaqarniliat immiunneqarfigisinnaasaat periarfeerussimallutik. Tamanna pisortaqqarfimmit assut ajuusaarutigaarput.

A-p atorfinitseqqinneqarnissamik qinnuteqaataanik kommunip sularinninnera.

Pisortatut atorfinitsinneqannginneranik kommune allakkatigut tunngavilersuuteqanngilaq pissutigalugu qinnuteqaammimi allassimmagu pisortatut atorfik pisinnaanngikkuniuk sulisutut inissikkusulluni. Kommunip pisortatut atorfirmut piukkunnarnerusorisani toqqarpaa.

Aamma pissutaavoq kommunip ilisimaarimmagu A pisortaanerme nalaani sulisorisami ilaannik suleqatigiinnerup tungaatigut ajornartorsiuteqarnini pillugu siusinerusukku oqaaseqarnikuusoq pisortatut atorfik tamaviaarnarpallaartutut oqimaatsutullu isigigini sulisutullu atorfeqaleruni iluariinnassallugu. Oqaaserisimasai taaku kommunip tunngavilersuuteqannginneranut pissutaqaataapput."

Allagaat ingerlatsivimmi pisortamit ...-mit atsiorneqarsimasoq ullulerneqarsimannitsoq imaattoq allakkanut ilanngullugu nassiuunneqarsimavoq:



"2003 ukiakkut fritidsklubbimut atorfinnik inuttassarsiuussinerup nalaani sulisuus-sanillu toqqaanerup nalaani A nalorninaateqanngitsumik pissusilersorluni peqataavoq, pisortatut sulisutulluunniit ikkunneqarnissaminut ernerluttuliorfiunngitsumik piareersimasutut pissusilersorluni, sulisitsisorilerumaakkami tungaanut pissusilersornerani paasinarluni sulisuinnartut atorfinitsinneqassagaluaruni piareersimaffigil-luinnaraa.

Atorfinittussat toqqarneqarmata isumaqatigiinngissutaanngitsumik akерleriin-gissutitaqanngitsumillu sulisuinnartut sulilernissaminut piareersimalluni ilaavoq, oqarlunili immaqa qalipaasuni sulilaaqqaarallarsinnaalluni iluatinnaqimmat. Ta-manna sulisitsisussat A-llu akornanni paaseqatigiilluni akaareqatigiillunilu aaqqin-neqarsinnaasutut isummiunneqarpoq.

A-p atorfininnissaminut allagaq tiguua, tassanilu akissarsiasami annertussis-saa takullugu (pisortap akissarsiasaanit annikinnerungaatsiartoq).

Taava sulisitsisunut quarsaarnartumik tatiginninnermillu pakatsisitsisumik isu-maa kaajallappoq pissusilersorneralu allangorluinnarluni. Ulloq ataaseq-marluk qaangiummata naammagittaalliutit skoleinspektørimut tunniuppai.

Suliaq A-mut tunngasoq tassangaanniit aallartippoq."

*Tamatuma kingornatigut imaattunik oqaaseqaateqarpunga:*

*"Misissuina ajornartorsiutinut marlunnut ukununnga tunngatinneqar-poq:*

*Kommunip sunngiffimmi sammisassaqaartitsiviata sulinngiffeqarnermut atatillugu matoqqatinneqarnerani A-p sunngiffimmi sammisassaqaartitsi-vimmi pisortatut atorfinnit kommunimit soraarsinneqarnera inatsisinut naapertuuttuunersoq imaluunniit eqqortuunersoq, aamma sammisassaqaar-titsiviup sulinngiffeqarnerup kingornatigut kommunip A-mik pisortatut atorfinitsitseqqinnginnera.*

*A-mik soraarsitsineq pillugu oqaatigaara:*

*Paasissutissiissutigineqartut malillugit tunngaviutippara A-p soraarsin-neqarnissaanik kommunip aalajangernerana aningaasaqarnikkut isiginia-gassanik tunngaveqartoq, tassami sulisut aasaanerani akissarsinneqan-ginnissaat kommunip sunngiffimmi sammisassaqaartitsivik pillugu missi-ngersuutaani tunngavigineqarmat.*

*Kommunip aammattaq paasissutissiissutigaa sammisassaqaartitsiviup 2003-mi matuneqarnerani ukiunut siusinnerusunut sanilliulluni sulisoqar-nikkut allaassutaasoq unaasimasoq sunngiffimmi sammisassaqaartitsivimmi sulisut tamarmik 1. februar 2003-p tungaanut nalunaaquttap akunnermusi-aqartuusimanagerat, A-li ulloq taaneqartoq kingulleq aallarnerfigalugu aa-lajangersimasumik atorfeqaartitaalersimalluni (qaammammusiaqartutut).*

*Tamakkua saniatigut A-p manna paasissutissiissutigaa, tassalu sulisut soraarsinneqartut sunngiffimmi sammisassaqaartitsivimmut matuersaati-minnik tunniussinissaat kommunip piumasaaqatigisimannikkaa, tassami*

*kommuni oqarsimammat sulisut sulinngiffeqarnermi matoqqatitsinerup kingornatigut atorfinitseqqinneqarniartut.*

*Oqaatigaara sipaaruteqarnerup sulisunik aqutsinikkut soraarsitsineq sipaaruiteqarnerup nassatarisaa inatsisinik unioqqutitsinerunngitsoq.*

*Taamaattumik missingersuutit eqqortinniarlugit kommunip sunngiffimmi sammisassaqartitsivimmi sulisunik soraarsitsisimanera kommunimik isornartorsiuinissannut pissutissaqalersitsisinnaangilaq.*

*Sipaarniuteqarnerullu nassatarisaaanik soraarsitsisoqarnissaanik aalajangiinerit ingerlatsineq pillugu inatsiseqartitsinermi malittarisassat tungavigalugit aalajangiinerupput.*

*Suliassat sularineqartarnerat pillugu inatsimmi suliami illua'tungiusup isumaanik tusarniaasarneq pillugu malittarisassat malinneqarnissaat tamatuma nassataraa.*

*Suliassat sularineqartarnerat pillugu inatsimmi § 19 imaattunik oqaasertaqarpog:*

*"§ 19. Suliassami (illuatungiulluni) peqataasooq paasissutissanik aalajangersimasunik suliassami pisimasuinnut tunngasunik oqartussaasut pigisaqarnerannik ilisimasaqarsorinangippat aalajangiisoqassangilaq peqataasooq taanna paasissutissanik tamakkuninnga oqartussaasunit ilisimatinneqartinnagu oqaaseqaateqarnissaanullu periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqutaasussaassanngippata suliallu aalajangiiffiginissaanut annertuumik pingaaruteqarpata. Oqartussaasut oqaaseqaateqarnissamut taaneqartumut piffissamik killiliisinnaapput.*

*Imm. 2. Imm. 1-imi aalajangersagaq atortuussanngilaq*

*1) paasissutissat pissuserisaat suliassallu suussusia naapertorlugit tigummiariikkat tungavigalugit suliami aalajangiinissaq nangaanartutut isumaqarfiginangippat,*

*2) kinguartitsineq kinguneqassappat suliassap aalajangiiffiginissaanut inatsisitigut killiliussap qaangerneqarneranik,*

*3) peqataasup taassuma suliassap aalajangiiffigineqarnissaata kinguartinneqarnissaanik soqutiginninnera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minnerutittariaqartutut isumaqarfiginarpat,*

*4) kapitali 4-mi maleruagassiat malillugit peqataasooq taanna paasissutissanik suliassamut tunngasunik tamakkuninnga ilisimatinneqarnissamut pisussaannngippat,*

*5) paasissutissanik peqataasumut saqqummiussineq annertuumik ajornartorsiutissartaqassappat, matumani aalajangernermi inuppassuit peqataasutut inissisimasut ilaatinneqartussaanagerat pissutigalugu, imaluunniit*

*6) inatsisitigut immikkut ittunik aalajangersagaqarpat peqataasup aalajangiineq pitinnagu aalajangiinissamut eqqarsaatigineqartumut tunngaviusunik ilisimatinneqarnissaanut pisussaalersitsisunik.*

*Imm. 3. Naalackersuisut maleruagassaliorsinnaapput suliassaqarfiit erseqqinnerusumik taaneqartut, imm. 2, nr. 2-mi imaluunniit 5-imi aalajangersakkat nalinginnaasumik atortuuffigisassa, imm. 1 -imi aalajangersakkami pineqartunut ilaatinneqartussaannnginnerannik."*

*Sipaarniuteqarnerit pissutigalugit soraarsitsineq pillugu suliani suliami illua'tungiusup isumaanik tusarniaanissamut pisussaaffimmi sipaarniutit soraarsitsinernik pisariaqalersitsisut pillugit paasissutissat pineqartunut aallaavittut ilaapput.*<sup>8</sup>

*Kommunip paasinninnera malillugu A kommunip sulisunik 2003-mi januarimi aprilimilu ataatsimeeqateqarnerini suliami illua'tungiusutut isumaanik tusarniaavigineqarsimavoq.*

*Aamma tunngaviutippara A-p ilaatigut 1998-imiilli sammisassaqaqtitsivimmi siulersuisunut ilaasortaanermigut ilaatigullu sammisassaqaqtitsiviup missingersuutai pillugit paasissutissiilluni ataatsimiittarnertigut sammisassaqaqtitsiviup julimi augustimilu ukiuni siusinnerusuni aalajangersimasumik ileqquusutut matoqqanissaa pillugu ilisimatinneqarsimasoq.*

*Tamanna pillugu oqaatigaara suliami illua'tungiusup isumaanik tusarniaanerup ingerlanneqarsimanerata uppernarsarneqarnissaa kommunip ingerlatsinermi oqartussaasutut akisussaaffigaa.*

*Sipaarniuteqarnissat ilisimatitsissutigineqarsimanerat paasissutissiilluni ataatsimiissutigineqarsimanerat kisiat kommunip suliami matumani nassuiarsimavaa, taamatuttaarlu sunngiffimmi sammisassaqaqtitsiviup sulinnigiffeqarnermi matoqqatinneqartarneranik A-p ilisimaqasaqarenera kommunip paasissutissiissutigineqartut malillugit pingaaruteqartutut isiginiarsimallugu.*

*Tamanna uanga paasinninnera malillugu suliami illua'tungiusup isumaanik tusarniaanerup imarisai pillugit piumasaqaataasut eqqortinneqarnissaannut naammanngilaq.*

*Suliami illua'tungiusup isumaanik tusarniaaneq ingerlanneqassaaq tusarniaanerup pineqarnera tusarniaavigineqartumit nalornissutigineqarsinnaajunnaarsillugu, tamatumani piumasaqaataavoq tusarniaavigineqartoq aalajangiinermut tunngaviusoq pillugu oqaaseqaateqarnissaminut imaluunniit naqqiissuteqassaguni naqqiissuteqarnissaminut periarfissaqarnerminik naammaginartumik piffissaqartitaalluni ilisimatinneqarsimassasoq.*

*Aammattaaq paasissutissat ataqatigiissitsinermi tassanerpiaq suliami illua'tungiusup isumaanik tusarniaanermik pisariaqalersitsisumi pineqartumi paasissutissanik tusarniaatigineqartussanik suliami illua'tungiusup ilisimaqarneranik oqartussaasup ilimaginninnerata oqartussaasoq suliami illua'tungiusup isumaanik tusarniaanissamut pisussaaffiingilaa.*

*Aamma oqaatigaara suliami illua'tungiusup isumaanik tusarniaasus-saatitaaneq suliap paasissutissartalersorneqarnissaanik siunertaqarnermi saniatigut innuttaasut inatsiseqartitsinikkut innarlitsaalineqarnissaannik siunertaqarmat.*

---

8. Hans Gammeltoft-Hansen allallu, "Forvaltningsret", aappassaanik naqitertitaq, 2002, qupperneq 234

*Malugaara suliami illua'tungiusup isumaanik tusarniaanissamut pisisaaffeqarneq kommunip eqqortissimannigikkaa, tamannalu isorisariaqartuuvoq.*

*Suliami illua'tungiusup isumaanik tusarniaasussaataitanerup saniatigut pissutsinut naapertuuttumik tunngaveqarneq kommunip suliamik suliarinninnermini eqqortittussaavaa.*

*Tunngavimmi tassani erseqqinnerusumik pineqartoq tassaavoq kommuni aalajangiinerup imarisaanik ilusilersuinissamut periarfissatigut arlalitsigut innuttaasunut siunertaasumit annertunerusumik nanertuutaasumik iliuuseqannginnissaminut pisisaaffeqarnera.<sup>9</sup>*

*Tamatumunnga atatillugu oqaatigaara atorfeqartitaasumik soraarsitsineq qisuariaataamat sulisitsisup atorsinnaasaa nanertuisuunerpaaq.*

*Suliami matumani soraarsitsineq kommunip suliffeqarfiutaata piffissami suliffeqarfiup qaammagini marlunni matugallarfigisartagaani, suliffeqarfiullu ukiuni siusinnerusuni matoqqavigisarsimasaani atorneqarsimavoq.*

*Uanga paasinninnera unaavoq kommunip sulisoqarnermik ingerlatsinini aaqjissuutissallugu pisisaaffigigaa, taamaalilluni kommunip suliffeqarfiini sulisunik atorfinitsitsinermi piffissat suliassaaleqiffiusut suliffeqarfinilluunniit kommunip naliliineq tunngavigalugu soraarsitsinissamut pinsinnaatitaanerata atorneqarnera killilerniarlugu matusiffiusartut sapinngisamik annertunarpaamik sillimmaanneqartalersillugit.*

*Taamaalilluni kommunip makku immikkut misissortariaqarpai, tassalu sulisut piffissamut aalajangersimasumut atuuttumik atorfinitsinneqarsinnaanersut, akissarsiat aalajangersarneqarneranni piffissat suliffiusanngitsut sillimmaanneqarsinnaanersut, sulisut atorfinitsitsiffiusartumi piffissakkaartuni matusinermi sulianut allanut nuutsitsiffiusinnaasuni atorfinitsinneqarsinnaanersut, imaluunniit atorfinitsitsinermi sulisut matusinerup nalaani kommunimit sulisorineqalersaannginnerat sillimmaanneqarsinnaanersaq.*

*Qulaani taaneqartunut uiggiullugu, naallu apequt taanna A eqqarsaatigalugu sunniuteqanngikkaluartoq, isumaqarpunga matuma oqaatiginissaanut suli annertunerusumik tunngavissaqarlunga, tassalu piffissakkaartumik matusinernut atatillugu sulisunik nalunaaquttap akunnermusialinnik soraarsitsinerup pisariaqassusia imaaliallaannaq takujuminaatsikkiga, tassami sulisut nalunaaquttap akunnermusiallit suliffiginngisamik nalaani akissarsiaqarneq ajormata.*

*Kommuni qinnuigaara suliami illua'tungiusup isumaanik tusarniaasarneq aamma pissutsinut naapertuuttumik tunngaveqarnissamik oqaaseqaatikka kommunip qanoq iliuuseqarnissaanik pisariaqalersitsinersut nalunaarfigeqqullunga.*

---

9. Hans Gammeltoft-Hansen allallu, "Forvaltningsret", aappasaanik naqitertitaq, 2002, qupperneq 372 tullialu

*Ilanngullugu oqaatigaara allagaateqarfeqarneq pillugu Inatsisartut inatsisaanni nr. 22-mi, 30. oktober 1998-imeersumi makku aalajangersarneqarsimammata:*

"§ 6. Suulluuniit paasissutissartallit pisortat sullissiveqarfiini sulinikkut pilersinneqartut taakkuluunniit aqutigalugit pilersinneqartut toqqorneqassapput.

§ 7. Pisortat sullissiveqarfiutaasa toqqortaamik qaqugukkulluunniit isuman-naatsumik suliarineqarnissaat toqqortarineqarnissaallu isumagissavaat.

...

§ 14. Toqqortaatinik atortussaajunnaarsitsineq Nunatta Katersugaasiviata Allagaateqarfialu allakkatigut akuersineratigut aatsaat pisinnaavoq imaluunniit § 13 naapertorlugu ilitersuutitut maleruagassiarineqarsimasut naapertorlugit."

*Taamaattumik kommunip paasissutissiissutigisimasaatut sunngiffimmi sammisassaqartitsivimmi allagaatit arlallit kasiilerneqarsimanerat kukkuneruvoq, kommunip suliamik suliarinninnermi ingerlasimaneranik imaaliallaannaq uppersaasersuinissaanut periarfissaanik ajornakusuulersitsisoq.*

**Kommunip A-p sammisassaqartitsivimmi pisortatut atorfinitseqqinne-ganninnissaanik aalajangiinera** pillugu oqaatigaara:

*Pisortani atorfinnik inuttaqanngitsunik inuttaliinermi suliamik paasissutissartalersuineri aallaaviusoq unaavoq atorfik qinnuteqartumik piukkunnarnerpaamik inuttalernerneqassasoq.*

*Atorfii tamatumunnga ilaatillugu tamanut ammasumik allagarsiussinikkut inuttalernerqartartussaapput.*

*Taamaattumik inuit aalajangersimasut atorfinitseqqarnissaannik neriorsuineq inatsisinik unioqqutitsinerugajuttussaavoq.*

*Suliffeqarfimmi pineqartumi manna tikillugu siusinnerusukkulluunniit sulisimaneq uanga paasinninnera malillugu qinnuteqartut arlallit akornanni kia atorfimmu pineqartumut naleqqunnerpaaneranik naliliinermi taamaallaat ilaasinnaavoq.*

*Isiginiagassalli taamaattut atorfiup isiginiagassat allat mattunneqarnerannik sunniuteqartumik inuttalernerqarnerani immikkut pingaaruteqartil-lugit isiginiarneqarsinnaanngillat.<sup>10</sup>*

*Taamaattumik A-p suliffeqarfimmi pisortatut atorfinitseqqinneqarnis-saanik neriorsuutaasimasinnaasumik kommunip piviusunngortitsisiman-ginnera isornartorsinnaanngilara.*

---

10. Tak. Danmarkimi inatsiseqartitsinikkut atuuttoq, kalaallit inatsisaanni saneq-qunneqanngitsoq: Folketingip Ombudsmandiata 1983-imi ukiumoortumik nalunaa-rutaani qupperneq 185 tullilu.

*Imaanngilarli A-p pisortatut atorfinitseqqinneqarnissaanik neriorsuisoqarsimappat neriorsuut taamaattoq kommunimut pisussaaffiliisuunngitsoq.*

*Taamaalilluni pineqartoq tassaavoq kommunip kukkusumik ilitersuisimaneq imaluunniit inatsisinik unioqqutitsilluni aalajangiisimanerit pissutigalugit taarsiisuteqartarneq pillugu inatsiseqartitsinerimi malittarisassat nalinginnaasut malillugit akisussaatinneqarsinnaanera.*

*Suliami matumani kommunip A pisortatut atorfinitseqqinneqarnissaanik neriorsorsimaneraa erseqqarluppoq.*

*A-p paasissutissiissutaanit erserpoq kommuni oqarsimasoq sunngiffimmi sammisassaqartitsiviup 2003-mi septemberimi ammaqinnerani atorfinitseqqinneqarniartoq, immikkullu oqarfineqarsimasoq suliffeqarfiup matuersaatai soraarsitsinermut atatillugu utertillugit tunniutissanngikkai.*

*Kommunilli paasissutissiissutigaa sulisut pineqartut taamaallaat ilisimatinneqarsimasut atorfiit inuttassarsiuunneqartut qinnutigeqqissinnaagaat, atorfinitseqqinneqarnissartik kissaatigigunikku, A-lu pisortatut atorfinitseqqinneqarnissaanik neriorsorneqarsimanngitsoq.*

*Suliffeqarfiup matuersaatai eqqarsaatigalugit kommuni tamanna pillugu nassuiaavoq matuersaatit utertillugit tunniunneqassappata tamatumani matuma qulaajarneqarnissaa utaqqimaarneqartoq, tassalu sulisut soraarsinneqartut suliffeqarfimmi aasaanerani aaqqissuussinernut aalajangersimasunut atatillugu taartaasartutut atorfinitsinneqassanersut.*

*Sulisut atorfinitseqqinneqarnissaanik kommuni neriorsuuteqarsimansoq suliami pisimasutut paasissutissartalersuisimaneq aqutigalugu erseqqinnerusumik qulaajarneqarsinnaanngilaq, tassami kommunip qulaani oqaatigineqartutut sunngiffimmi sammisassaqartitsiviup aqunneqarnera pillugu allagaatit arlallit kukkunikkut kasiilersimammagit.*

*Taamaalilluni kommunip sulisunut soraarsinneqarsimasunut paasissutissiinermini akisussaaffeqalersitsisumik iliuuseqarsimanera erseqqinnerusumik qulaajarneqassappat tamanna uppernarsaasersuinerimik ilisimannittunik apersuinerimik eqqartuussivinni ingerlanneqartussamik tunngaveqartussaavoq, tamannalu uanga sulininnut sinaakktassaritinneqartut avataanniippoq.*

*Tamatuma saniatigut apeqqutaavoq A sunngiffimmi sammisassaqartitsiviup pisortaatus atorfinitseqqissallugu kommuni pisussaaffeqarsimanersoq.*

*Tamanna oqaatigineqartutut qinnuteqartup sorliup piukkunnarnerpaaneraniq naliliinerimik tunngaveqarpoq. Naliliineq taamaattoq taamaallaat misilissinnaavara naliliineq inatsiseqartitsinikkut eqqortumik pisimanersoq apeqqut kisiat eqqarsaatigalugu.*

*Tamatumunnga peqatigitillugu pineqartoq tassaavoq pisortani atorfinit-sitsinerit pillugit aalajangiinerit - aamma atorfinitsinneqarnissaanik qinnuteqaatit itigartinneqarnissaat pillugu aalajangiinerit - tassaammata suliaasat suliarineqartarnerat pillugu inatsit tunngavigalugu aalajangiinerit.*

*Kommunip qinnuteqartumut kommunip itigartissimasaanut suliami illua'tungiusup isumaanik tusarniaanissaminut pisussaaffeqarnera tamatuma nassataraa.*

*Tamatumunnga atatillugu A-p pisortatut atorfinitseqqinneqannginnissaanik kommunip aalajangiineranut tunngavigisaq pillugu kommunip tusarniaanermut akissutaa qulaani issuarneqartoq imaattoq maluginiarpara:*

*"Pisortatut atorfinitsinneqannginneranik kommuni allakkatigut tunngavilersuuteqanngilaq pissutigalugu qinnuteqaammuni allassimammagu pisortatut atorfik pinsinnaanngikkuniuk sulisutut inissikkusulluni. Kommunip pisortatut atorfimmuut piukkunnarnerusorisani toqqarpaa.*

*Aamma pissutaavoq kommunip ilisimaarimmagu A pisortaanermi nalaani sulisorisami ilaannik suleqatigiinnerup tungaatigut ajornartorsiuteqarnini pillugu siusinnerusukku oqaaseqarnikuusoq pisortatut atorfik tamaviaarnarpallaartutut oqimaatsutullu isigigini sulisutullu atorfeqaleruni iluariinnassallugu. Oqaaserisimasai taakku kommunip tunngavilersuuteqannginneranut pissutaaqataapput."*

*Pisumi matumanisut ittumi kommunip aalajangiinerisa qinnuteqartup siusinnerusukku suliffigisimasaa pillugu paasissutissanik qinnuteqartup atorfinnut qinnuteqaatip aalajangiivigineqarnerani ilanngunneqartussatut ilisimasaaqarfigigai naatsorsuutigineqarsinnaanngitsunik tunngaveqartumi uanga paasinninnera malillugu kommunip aalajangiinnginnerani qinnuteqartup suliami illua'tungiusutut isumaanik tusarniaavigineqarnissaa kommunip isumaliutersuutigisimasariaaqaralarpaa.*

*Kommunip paasissutissiissutai, issuarneqartunit kingullernit ersertut, A-p suliami illua'tungiusutut isumaanik tusarniaanikkut uppernarsarniarneqarsimannikkunik, uppernarsaasersuineq eqqarsaatigalugu nalorni-nartortalerujussuartut saqqummerput.*

*Tamatuma saniatigut manna atuuppoq, tassalu kommunip aalajangiinini suliasat suliarineqartarnerat pillugu inatsimmut naapertuuttumik tunngavilersussagai.*

*Taamaalilluni suliasat suliarineqartarnerat pillugu inatsimmi § 22-mit erserpoq:*

*"Aalajangiineq allakkatigut nalunaarutigineqaruni aalajangiinermut tunngaviusumik ilaqartinneqassaaq, suliami peqataasumut tassunga tapersiisuulluinnanngikkuni."*

*Kommunip uannut paasissutissiissutigaa aalajangiineq kommunip tunngavilersorsimannikkaa, A pisortatut atorfimmu atorfinitsinneqanngikkuni sulisutut atorfinitsinneqarnissaminik qinnuteqarsimammatt.*

*Tamatuma pisortatut atorfimmu qinnuteqaatip itigartinneqarneranut tunngavilersuinissamik kommunip pisussaaffiaasuuneranik kommunip oqarnera isumaqatiginngilara, tassami A pisortatut atorfimmu qinnuteqaat eqqarsaatigerpiarlugu itigartinneqarmat.*



*Taamaalilluni atorfinnut arlalinnut qinnuteqaat kommunip imatut paa-sissallugu tunngavissaqaangilaq, tassalu atorfiit qinnutigineqartut arlaan-nut sorlermut qinnuteqartup atorfinitsinneqarnera qinnuteqartumut apeq-qutaanngitsoq.*

*Suliamili matumani pineqartoq tassaavoq A-p qinnuteqaataa imatut tul-leriinnilerneqarsimasooq, tassalu pisortatut atorfik pingaarnertullugu qin-nutigisimagaa, taannalu pisinnaanngikkuniuk sulisutut atorfik qinnutigisi-mallugu.*

*Kommunip tunngavilersuisussaataitaanermik eqqortitsisimannginnera isorisariaqartutut isigaara.*

*Kommuni qinnuigaara kommunip suliami illua'tungiusup isumaanik tu-sarniaanissamat pisussaaffimmik eqqortitsisimannginnera aamma aalaja-ngiinnerminut tunngavilersuinissaminik eqqortitsisimannginnera pillugit oqaaseqaatika kommunip qanoq iliuuseqarnissaanut pissutissaqalersitsi-nersut nalunaarfigeqqullunga.*

*A allakkatigut allatigut allakkat uku assilinerannik ilaqartinneqartutigut qulaani taaneqartunik ilisimatippara."*

A-p saaffiginninneranut atatillugu oqarasuaatikkut oqaloqatigiinneq pil-lugu allakkianni 12. marts 2006-imeersumi imatut allappunga:

"A-p oqarasuaatikkut 10. marts 2006-imi attaveqarfigaanga, tassami isumaqa-rami ukiumi ataatsimi akissarsiat amerlaqataannik taarsiivigeqqusinnaalluni, Om-budsmandip oqaaseqaataata nassatarisaanik.

A ilitsersorlugu oqarfigaara A-p kommunimit taarsiivigineqarnissamik piumasa-qaateqarsinnaanera Ombudsmandip isummerfigisimanngikkaa, tassami taamaalius-sappat apequtaammat pisortatut atorfinitseqqinneqarnissaminik neriorsorneqarsi-manini imaluunniit kukkunerit Ombudsmandip kommunimut isornartorsiutigisima-saasa nassatarisaannik annaasaqarsimanini uppersarsinnaaneraa.

Kukkunerit paasineqartut suliami illua'tungiusup isumaanik tusarniaasimanngin-nermut kommunillu suliffinnik piffissani aalajangersimasuni matusisarneranut ata-tillugu ataatsimut soraarsitseriaasianut tunngasut isummerfigineqarnissaannik inas-uteqaammut akissuteqartoqarnissaa Ombudsmandip utaqqimaarpaa.

A kommunimit taarsiiffigeqqussaguni Ombudsmandip oqaaseqaataanut kommu-nip akissuteqarnissaa utaqqeqaarnagu taamaaliorinnaavoq, isumaqaruni taarsiivi-geqqunissaminut tunngavissaqarluni."

K Kommuni allakkatigut 28. marts 2006-imeersutigut imatut akivoq:

"Misissuinerpit inernilerneqarnera allakkatigut 6. marts 2006-imeersutigut tigusi-mallugu K Kommunip matumuuna nalunaarutigissavaa.

Kommunip suliaq pillugu oqaatigissavaa A-p soraarsinneqarnissaanik aalajangi-ineq kiisalu A-p sunngiffimmi sammisassaqaartitsivimmi ...-mi sulisutut atorfinitsin-neqarnera K Kommunip aalajangiusimagai.

Suliffeqarfinnik matusigallartarnerit kingunerisaannik naliliinikkut soraarsitsi-sarnerit pinngitsoortinneqarsinnaalerlugit aqqissuisarsimannginnermik isornartor-siuneq pillugu kommunip oqaatigissavaa kommuni sulisunik aasaanerani sulinnigif-



fiup nalaani sulinngiffeqartussaataasunik 2004-mi oktoberimiilli atorfinitsitsisaler-simasoq, soraarsitsigallartarnerit pingitsoorneqarnissaat anguniarlugu.

Kommunip taamatutaaq ilisimatitsissutitut oqaatigissavaa soraarsitsinerit mia-nersoqqusinerilluunniit eqqarsaatigalugit sulisuni sulisunut tunngasuni suliami illua'tungiusup isumaanik tusarniaasarneq nalinginnaasumik atortaraa, taamaattorli suliami matumani ataatsimiinnerit kommunip suliami illua'tungiusup isumaanik tusarniaanertut isigisai pillugit imaqarnilianik ajoraluartumik saqqummiussisinnaannginnera ajuusaarnartuuvooq, taakkumi siusinnerusukkut oqaatigineqartutut nassaar-ineqarsinnaanngimmata. Aammattaaq oqaatigineqassaag ingerlatsivik aqutsineq pil-lugu inatsimmi § 42 tunngavigalugu pisariaqartumik akuersissuteqartoqarsimatina-gu iliuseqarsinnaanngimmat. 2003-mi missingersuutit klubbip aasaanerani ma-toqqasarnissaa tunngavigalugu kommunalbestyrelsip akuerisimavai.

Taamatutaaq kommunip oqaatigissavaa atuarfimmud tunngasut, matumani sunngiffeqarnermut tunngasut ilanngullugit eqqarsaatigalugit, kommunip 1. januar 2001 aallarnerfigalugu tigusimammagit, taamaattumillu suliaassarfik taanna kom-munimut nutaajulluni, taamaattumillu pisortat Meeqqat, Inuusuttut Kultureqarnerlu pillugit Ingerlatsiviup ataani atorfeqartitaasut suliassat suliarineqartarnerat pillugu inatsit pillugu pikkorissarniarlugit iliuseqarniarluni.

Kommunip sunngiffimmi sammisassaqtitsivik allagaateqarfeqarneq pillugu I-natsisartut inatsisaat nr. 22, 30. oktober 1998-imeersoq pillugu ilisimatissimavaa, al-lagaatinik ukiut kingulliit pingasut ingerlaneranni pisortat paarlagaannerisa kingu-nerisaanik ajoraluartumik kasiilliisarnerit amerlanerusut pinngitsoortinniarlugit." (Atorfeqarfimmi nutsigaavoq)

## Kommunimut 12. juli 2006-imi imatut allappunga:

"Suliami inassuteqaatinnut kommunip akissutaa 28. marts 2006-imeersoq 21. ap-ril 2006-imi tiguara.

Siullermik kommunip suliffeqarfinni sulisunik sulinngiffeqarfiup nalaani soraar-sitsisarunnaarnera tusaatissatut tiguara.

Kommunip allagaatinik toqqortarinittarneq pillugu inatsisip malinneqarnissaa-nik sunngiffimmi sammisassaqtitsivimmut erseqqissaateqarsimanera tamatumun-ga peqatigitillugu tusaatissatut tiguara.

Suliami illua'tungiusup isumaanik tusarniaasarneq pillugu malittarisassat malin-neqarnerannik apeqqut eqqarsaatigalugu kommunip oqaatigaa A-p soraarsinneqar-nera kommunip aalajangiusimagaa, naak suliami illua'tungiusup isumaanik tusar-niaanerup malittarisassat malillugit ingerlanneqarsimanera kommunip uppersarsar-sinnaanngikkaluaraa.

Oqaaseqaatinni nassuiarsimasattut suliami illua'tungiusup isumaanik tusarniaa-sussaataaneq kommunip suliamik uppersarsaasersuinissaanik siunertaqarlunilu in-nuttaasut inatsisitigut innarlitsaaliineqarnissaanik siunertaqarpoq.

Suliamik paasissutissartalersuinerud atattillugu pineqartoq tassaavoq kommunip suliami illua'tungiusup isumaanik tusarniaannginnermigut manna ilimanarsisikkaa, tassalu aalajangiineq eqqortuunngitsoq, taamaattumillu soraarsitsineq kommunip aalajangiusimaniaruniuk manna uppersarsassallugu pisussaaffigigaa, tassalu suliaq suliami illua'tungiusup isumaanik tusarniaasoqaraluarpuunniit allatut inernilerne-qarnavianngitsoq.

Tamanna kommunip uannut uppersarsarmanngilaa, suliamilu illua'tungiusup isumaanik tusarniaaneq tamatumunnga peqatigitillugu inatsisitigut innarlitsaaliinis-samik siunertaqarmat uanga paasinninnera suli unaavoq suliami illua'tungiusup isu-maanik tusarniaasoqarsimannginnera kommunip isiginngitsuusaaginnarsinnaan-

ngikkaa, kukkunerli taanna qanoq iliorluni aaqqinneqarsinnaanersoq kommunip erseqqissumik isummerfigisariaqaraa.

Taamaattumik inassuteqaatiga manna qalleqqippara, tassalu suliami illua'tungiusup isumaanik tusarniaasimanginnerup sumik nassataqartariaqarnera kommunip isummerfigissagaa.

Aamma oqaatigaara A-p kommunimi sulisutut atorfinitseqqinneqarnissaanik aalajangiisoqanginnerani A-p suliami illua'tungiusutut isumaanik tusarniaasoqarsimanginneranut aamma A-p pisortatut atorfimmi atorfinitsinneqanginnissaanik aalajangiinerup kommunimit tunngavilersorneqarsimanginneranut atatillugu qanoq iliuuseqarnissaq isummerfigeqqullugu kommuni qinnuigigiga.

Inassuteqaammut tassunga kommunip akissutaanik tigusaqanngilanga, taamaatumillu akissuteqartoqarnissaa eqqaasitsissutigaaara."

Kommuni suliamik allakkatigut 30. august 2006-imeersutigut eqqaasippara.

Kommunip akissutaanik suli tigusaqannginnama kommunimut 6. november 2006-imi imatut allappunga, borgmesterimut ingerlatitaasunik:

"Kommunimut 30. august 2006-imi imatut allappunga:

"Allakkanni 12. juli 2006-imeersuni kommunip sunngiffimmi susassaqartitsiviani pisortatut soraarsitaanissaa sioqqullugu A-p illua'tungiusutut tusarniarneqarsimanginnerata qanoq nassataqartariaqarneranik kommunip isummernissaa inassutigaaara.

Tamatuma kingorna kommunimit tusagaqannginnama suliaq eqqaasitsissutigaaara.

Aamma oqaatigaara A-p kommunimi sulisutut atorfinitseqqinneqarnissaanik aalajangiisoqanginnerani A-p suliami illua'tungiusutut isumaanik tusarniaasoqarsimanginneranut aamma A-p pisortatut atorfimmi atorfinitsinneqanginnissaanik aalajangiinerup kommunimit tunngavilersorneqarsimanginneranut atatillugu qanoq iliuuseqarnissaq isummerfigeqqullugu kommuni qinnuigigiga.

Inassuteqaammut tassunga kommunip akissutaanik suli tigusaqanngilanga, taamaatumillu akissuteqartoqarnissaa eqqaasitsissutigaaara.

Kommuni piffissap sivikitsup iluani akissuteqarsinnaanngippat tamatumunnga pissutaasumik aamma inassuteqaatinnut akissummik qaqugu tigusaqarnissara ilmagisinnaaneriga kommunip ilisimatissagaanga naatsorsuutigaaara."

Ombudsmandi kommunimit suli tusagaqanngilaq.

Tamatumunnga atatillugu kommunimut malugeqquara kommuni Ombudsmandip saaffiginnissutaanut akissuteqannginnarpat kukkunerit kommunip kukkussutigisimasai kommunip aaqqinniannikkai Ombudsmandip tunngaviutissagaa kommunip naatsorsuutigisariaqaraa.

Pineqartoq tassaavoq A-p sunngiffimmi sammisassaqartitsivittut klubbimi pisortatut atorfianit soraarsinneqarnissaanik kommunip aalajangiinera sioqqullugu A-p suliami illua'tungiusup isumaanik kommunip tusarniaasimanginnera.

Aammattaaq pineqartoq tassaavoq A-p sunngiffimmi sammisassaqartitsivittut klubbimi sulisutut atorfinitsinneqarnissaanik pisortatullu atorfimmi atorfinitsinneqarnissaminik qinnuteqaataata itigartinneqarnissaanik kommunip aalajangiinera sioqqullugu A-p suliami illua'tungiusutut isumaanik kommunip tusarniaasimanginnera.

Kiisalu pineqartoq tassaavoq aalajangiinerup taaneqartup kingulliup tunngaviler-sorneqarsimannginnera.

Kommunip kukkunerit kommunip aalajangiinerisa eqqortuunerannik inatsisinillu unioqutitsisuunnginnerannik qularnaveeqqusiinermi maleruaqqusanik sumigin-naanertut iluseqarput, taamaattumillu kukkunerit taakku aaqqinneqarnissaat pingaa-ruteqarpoq.

Kukkunerit kommunip aaqqikkumanngippagit Ombudsmandi Inatsisartunut Naa-lakkersuisunullu, matumani Nakkutilliisoqarfik ilanngullugu eqqarsaatigalugu, Om-budsmandi pillugu inatsimmi § 10 tunngavigalugu pissutsit taamaannerannik nalu-naarutiginnittariaqalersinnaavoq.

Kommuni tamanna tunngavigalugu qinnuigaara Ombudsmandip allagai akeqqul-lugit."

Kommunip akissutaa imaattoq 17. november 2006-imi tiguara:

"...-p ingerlatsivianit taamaalillunilu K Kommunimit matumuuna nalunaarutigis-savarput A-p illua'tungiusutut tusarniarneqannginnera qanoq nassataqassanersoq pillugu akissuteqartoqarnissaanik nukingisaarut tigugatsigu.

Siullermik K Kommuni sinnerlugu utoqqatsissutigissavara saaffiginnissumminut siusinnerusukkut Ombudsmandi akissutisisimanngimmat, tamanna assut ajuusaar-narpoq pingaartumillu ataatigut atsiortup sissuinnginneranik pissuteqartoq.

Suliamik Ombudsmandip nassuiaataa siusinnerusukkut nassiuunneqartoq tamatu-munngalu K Kommunip akissutaa innersuussutigalugit allakkat nr. ..., 28. marts 2006-imi ullulernerqartut ingerlatsivimmilu pisortaaasimasumit ...-mit atsiorneqartut innersuussutigaakka.

K Kommunip kukkunini nassuerutigai, innersuussummulli qulaani taaneqartu-mut annertunerusumik ilassutissaqarani." (Atorfeqarfimmi nutsigaavoq)

Kommunip akissutaa ukiup nalunaarusiuunneqartup naanerani suli isummerfiginngilara.

## 12. Meeqqanut inuusuttunullu ikiorsiissutit

### 1. Paarsaqarnissamut akuersissummik utertitsineq

*Paarsaqarnissamut akuersissummik A-mut tunniunneqartumik kommunip utertitsineranut paarsaqarnissamullu akuersissummik ilaqutariinnut paarsaqartussanut allanut nuussinermut atattillugu K Kommunip suliamik suliarinninnera A-p Ombudsmandimut naammagittaalliuutigaa.*

*Ombudsmandi isumaqarpoq P-p inissinneqarfiata allannqortinneqarnissaanik aalajangiinerup eqqortuussusiata misilinneqarnissaanut tunngavissaqanngitsoq, tassami aalajangiineq taanna aqutsinermi allaffissornikkut naliliinermik Ombudsmandip misilissinnaanngisaanik tunngaveqarmat.*

*Meeqqap A-mit peersinneqarnissaanik aalajangiineq sioqqullugu kommunip suliamik paasissutissartalersuinerata tamakkisuunngitsutut saqqummerneru Ombudsmandip pitsaanngitsutut isigaa.*

*Ombudsmandi tulliullugu isumaqarpoq paarsaqarnermik suliaq paasissutissanik naammattunik imaqqanngimmat kommunip paarsaqarnermik suliamik allanut tunniussinera A-mik angajoqqaarsiatut soraarsitsinermut sanilliuttariaqarnersoq kommunillu taakku suliami illua'tungiusutut isumaannik tusarniaavigisariaqarsimanerai naliliiffigisinnaanagit.*

*Ombudsmandi isumaqarpoq P-mik paarsaqarnerup taamaatinissaanik kommunip isumaliutersuutaanut A kommunimit oqaaseqartinneqarsimagaluarpat tamanna mianerinninnerpaallunilu ingerlatsinermi ileqqorissaarnermut naapertuunnerpaasimassagaluartoq.*

*Kiisalu Ombudsmandi innuttaasup kinaassutsimi isertuunneqarnissaanik qinnuteqarsimanera pillugu tamatumalu saniatigut suliami allagaatinik paasitinneqarnissamik qinnuteqaammik kommunip oqarasuaatikkut suliarinnissimanera pillugu oqaaseqaatinik arlalinnik saqqummiussivoq. (J.nr. 11.10.12.01/025-04)*

A-p naammagittaalliuutaa imaattoq 8. marts 2004-mi tiguara:

"Matumuuna K Kommunimi socialforvaltningimiit pineqarnerput naammagittaalliuutiginiarsigtu suliaasaq ingerlateqqipparput.

Neriulluta ersarissummik sukumiisumillu paasitinneqassalluta.

Siullermik meeraq P mikisunnguusorli nularalu tiguarpud taamanikkulli nammineq meeqqatut isigilerparput, soorlumi nammineq ataataartorluta anaanaartoraatigut, nammineq meeraqaleratta nukappiaqqamik taakku marluullutik imminnut qatannqutimisulli isigippud soorlu qatannqutigii allat taamaattartut.

Novemberip 4-raani socialimit kalerrinneqarpugud panippud (tamatum taasaratsigtu) qaammatini pingasuni inunnut allanut nuukkallassasoq uagunngooq qasuersaar-

tinneqarallassagatta, qaammatinngooq pingasut qaangiuppata uagutsinnut uterumaarmat, soorunalumi uaguulluni nuanninngilaq ukiuni tigungminerata nalaani ataa-siaannarlutaluunniit taamatut pineqarsimannginnatta, nularalu aliasoqaagut, soorunami pigisutut isigigatsigu qullilinnigitsuunngilagut, uagummi taanna ernerpullu ilungersorluta perorsarniarsaringatsigu. Ungasinngitsukkut socialimit kalerrinneqarpugut panipput maannakkut najortigisaminut nuulluaannassasoq uagutsinniikkunnaarluni. Aliasunneq aatsaat taama annertutigilerpoq, sunalu pillugu ulloq manna ersarivissumik paasitinneqarata taama pisoqarneranik.

Meeqqap ajornartorsiornera minnerulinngilaq ungasinngitsumi atuarfimmi qialersimagami angajoqqaaminut angerlarusulluni. Taama pisoqalermat ilinniartitsuisa paasilersimavaat inunnut allanut nuutinneqarsimanagera.

Sapaassuit aallartimmata uagutsinni ilagilaarusussimavarput aqqaluaalu ernerput nereqatigilaarniassagatsigu, kisiannili maanna angajoqqaarsiaasa oqarfigaatigut oqaloqatiginneqqaarlutik aatsaat pulaartissinnaallugu. Soorunami aliasunneraasiit milliallanngilaq.

Paasineq saperparput sooq uagutsinnulluunniit pulaartinneqarsinnaanngitsoq. Ernitta ajornartorsiut milliallatsinngilaa apersortarami sooq aleqani uatsinniinngimat?

Paaserusunnarpoq ilumut sociali inatsisitigut tunngavissaqarnersoq taamaaliussalluni, sooq sunalu pillugu taamaaliornersut?

Eqqarsaatigisariaqarpoq meeqqap maqaasisinnaanera, tamatumalu kingunerissavaa meeraq suli ajornartorsiornerulersoq, tassami ukiut amerlereersut tigungmineranit angajoqqaamisut isigimmatigut, ernerpullu qatanngutimisu isigalugu.

Uatsinnut meeqqanullu toqqissisimananngilaq, meeraq aamma inuuvoq, aamma taanna pisinnaatitaaffeqarpoq. Isumaqarpugullu meeraq ajornartorsiorinneqassanngippat uagusinnut utertittariaqartoq. Tarnikkut eqqungaasimanagera eqqarsaatigineqartariaqarluinnarpoq. Uaguusuni eqqarsarnarpoq toqqissisimanaranilu meeqqap taama pineqarnera."

A meeqqamik P-mik isumaqatigiissutikkut imaattuklut 23. juni 1997-imeersuklut paarsaqartussanngortinneqarpoq:

"ILAQUTARIINNUT INISSIINERMI ISUMAQATIGIISSUT

Angajoqqaarsiat: A, cpr.nr. ...

Adresse: Illoqarfik K

Qitornarsiaq: P

Cpr.nr.: ...

Qitornarsiasamat akuersisuuvoq: Socialudvalg Ulloq: 23. juni 1997

Aningaasarsiat: 3.233,- kr. qaammammut Aallartippoq: 27.6.97

Aallartinnermi aningaasartuutit immik. aningaasartuutit il.il

Suuneri allakkut:

Sillimmasiisarfik: Police nr.:

Sillimmasigaq suna: Soorlu meerarsiap angajoqqaarsiami pigisaanik aseruisimanagera.

Nakkutilliisoq: Socialforvaltningen K Kommuni

Sullissivimmi tlf.: ...

Takusaaneq siulleq:

Oqaaseqaatit allat:

Isumaqatigiissut inissinerup siunertaanik, angajoqqaarsiat suliassaat, angajoqqaatut oqartussaasumik suleqateqarneq, nakkutilliineq, siunnersorteqarneq il.il.

SULINERMUT PAPPIARAT immersorneqassapput, tamassuminnga erseqqinnerusumik nassuiaanneqassaaq.

Sulinermut pappiarat isumaqatigiissummut uunga ilanngunneqassapput.

ATAATIGUT ATSIORNERIT:  
 Kommuniip inissiisup atsiornera  
 ....  
 Soc. udv. formand

Ulloq: 23. juni 1997  
 Angajoqqaarsiat atsiornerat  
 A

Angajoqqaarsiat uppersarparaat ilisimatinneqarsimallutik meeqqanik inuusuttu-  
 nullu ikiorsiisarneq pillugu Inatsisartut peqqussutaannik nr. 12-imik aamma mee-  
 qat inuusuttullu ilaqutariinnut inissinneqartarannut kaajallaasitaq nr. 177 pisimal-  
 lugu "Ilaqutariinnut inissiinermut ilitersuut".

Ilaqutariinnut inissiinermi iliuusissanut pilersaarussiaq imaattoq kommu-  
 nip 4. juli 1997-imi aalajangersarpaa:

"A. PINEQARPOQ

Isumaginninnermi ilaqutariit inissiiviit

B.PAASISSUTISSAT TUNNGAVIUSUT

Meeqqap aqqa: P

Inuup normua: ...

b.1 Angajoqqaat:

Ataataasup aqqa: ...

Inuup normua: ...

Aanaasup aqqa: ...

Inuup normua: ...

b.2 Angajoqqaatut oqartussaassusilik:

Ateq: ...

Inuup normua: ...

b.3 Kommuni uninngavigisaq: Illoqarfik K

Ulloq: 25.6.97

Kommuni najugarivitaq: Illoqarfik K

Ulloq: 25.6.97

b.4 Uninngavigisaq:

Meeraq sumiippa? ...

Piffissami 23.9.96-26.6.97 meeraq nunaqarfimmi K ilaqutariinni inissisimasima-  
 voq.

Ilaqutariit inissiiviusut A ulloq 27.6.97-miit.

C. IKIORSIISSUTIT AALLARTINNEQARNERANNUT TUNULIAQUTAA-  
 SOQ ...

Anaanaasok 1995-imiilli tarnimigut nappaateqalersimavoq meeqqani paarisin-  
 naajunnaarallarsimallugit ataataasullu kisimiilluni meeqqani paarisinnaangilai,  
 angajoqqaajusut annertunerusumik oqaloqatigiinneq ajorput. Meeraq september  
 1996-miit nunaqarfimmini ilaqutariinni inissisimasimavoq, kisiannili utaqqiisaan-  
 naasumik, anaanaasup tarnimigut pissusaata nalilerneqarnissaata tungaanut. Paasi-  
 neqarsimavoq anaanaasup tarnimigut erloqissuteqarnera naatsorsuutigisamiit sivisu-  
 nerusok anaanaasorlu ...-miittussannqorsimavoq ukiup affaa 4.7.97-imiit.

Anaanaasup meeqqaminik paarisinnaalernissaata tungaanut perorsaasinnaaler-  
 nissaatalu tungaanut meeraq toqqissisimasumik inissisimasariaqarpoq. Ilaqutariit  
 inissiiviusimasut meeraq ikioqqissinnaanngilaat. Anaanaasup tarnimigut erloqissu-  
 teqarnermini ernumaleraangami meeraq ersigilertarsimavaa.

Annertunerusumik annikinnerusumilluunniit inuttut kinguarsimavoq, anaanaasup  
 tarnimigut erloqissuteqarnerani nerisaminik amigarsisimavoq annertunerusumillu  
 sammineqartarsimanani illoqarfimmilu ilaqutariinni inissiineq tulluurtutut isigine-  
 qarpoq, meeraq - ukiukinnera eqqarsaatigalugu - asaneqarnissamik toqqissisimanis-  
 samillu pisariaqartitsimmat aammalu meeqqanut ulluunerani paaqqinnittarfimmiis-  
 sinnaalluni, perorsaankkut sammineqarnissamik periarfissaqarluni.

Meeraq siusinnerusukkut piffissami juli 1995 - april 1996 angajoqqaat angajoqqaarsiallu akunnerminni isumaqatigiinneranni ilaqutariinni pineqartuni inissisimasimavoq.

#### D. IKIORSIISSUTEQARNERMI SIUNERTARINEQARTOQ

...

Toqqissisimasumik inissisimanissaa anaanaasup tarnimigut toqqissisimalernissaata ulluinnarnilu angerlarsimaffimmi nammineersinnaalernissaata tungaanut.

Meeqqap perorsarneqarnissaa, ukiuminut naleqquttumik malinnaasinnaanias-sammatt sammineqarnissaa.

Ullup nalinginnaasumik ingerlasarnera ilikkarniassammagu.

#### E: IKIORSIISSUTEQARNERMUT NASSUIAAT:

...

Meeraq sammineqarnissaminik pisariaqartitsivoq ukiuminut naleqquttumik malinnaasinnaaniassagami.

e.1 Aallartiffik.

Qaqugu ikiorsiineq allartissava?

26. juni 1997

e.2 Suliamik malinnaaneq.

Qaqugu suliaq ikiorsiissut nalilerneqaqqissava?

Naliliinissaq ukiup affaata ingerlanerani pissaq.

#### F: AKUERINEQARPOQ ISUMAGINNINNERMI ATAATSIMIITITALIAMIT

Isumaginninnermi ataatsimiititaliap ulloq 23. juni 1997 ataatsimiinnermini akuerivaa.

#### G: ANGAJOQQAATUT OQARTUSSAT SULEQATIGINEQARNISSAAT.

Isumaginninnermi allaffeqarfiup angajoqqaatut oqartussat qanoq akulikitsigisumik attaveqarfigisarpai?

Angajoqqaajusut meeqqap ilaqutariinnut inissinneqarnissaa akuerivaat.

Anaanaasup meeqqanik paarsisinnaalernissaata tungaanut meeqqat angerlarsimaffiup avataani inissisimanissaa isumaqataaffigaat.

Pisariaqaleraangat attaveqarfigineqartarsimapput.

g.1 Meeqqap najorneqartarnissaanut isumaqatigiissutit:

...

Angajoqqaat attaveqartarnissaat telefonikkut pisinnaavoq. Anaanaasoq piffissami 4.7.97-miit ukiup affaata missaa ...-miissooq Nuummi, ... Ataataasup attaveqartarnissaa telefonikkut pisinnaavoq, taassuma saniatigut illoqarfimmut pigaangami ilaqutariinnut meeraq pulaartarsinnaavaa. Ataataasup angerlarsimaffimmini telefon nr. ...

Angajoqqaatut oqartussaassuseqartoq qanoq akulikitsigisumik inissinneqarfiimit attavigineqartarpa?

Ilaqutariit inissiiviusut angajoqqaallu akunnerminni isumaqatigiissutigisassavaat.

#### H. SULEQATIGISAT:

Suliat oqartussaasoqarfiit assigiinngitsunik suliallit ataatsimiinnerini november 1996-imiilli qaammat allortarlugu oqaluuserineqartarsimavoq.

Inissiinarnermi Isumaginninnermi Pisortaqrarfiup ...-mi immikkoortortaqrarfia siunnersortitut atorneqarsimavoq.

#### I: ISUMAQATIGIISST:

Ataani atsiortunga qanoq iliuseqarnissamik pilersaarutip matuma imarisaa akue-  
ralugu nalunaarutigaa:

...

Angajoqaatut oqartussaq  
... suliamik ingerlatsisooq

Ulloq:  
4/7-97"

8. april 1999-imit 15. april 1999-imut atorfimmu atattillugu angalaneq  
pillugu Isumaginninnermi Pisortaqarfiup ...-mi immikkoortortaqarfiata al-  
lakkiaa imaattoq kommunip telefaxikkut 16. juni 1999-imi tiguaa:

"P, ...

Suliaq oqartussaasut assigiinngitsunik suliallit suleqatigiiffianni 13.4.99-imi oqa-  
luuserineqarpoq. Isumaginninnermik ingerlatsivimmit ilaqutariinnut 1997-imi  
inissinneqarsimavoq, siusinnerisukkut nammineq suliniuteqarneq tunngavigalugu  
inissisimaffiguarsimasamini. ... oqarpoq ilaqutariinni ajornartorsiuqarnera arnar-  
siaasup sapaatit akunneranni qaangiuttumi nalunaarutigisimagaa. Uiusoq imertoru-  
jussuannorsimavoq, suliffinilu paarilluarunnaarsimallugu. Ajunngitsorsuusimaga-  
luarpoq.

Anaanaasooq 16-inik ukiulimmik erneqarpoq, aappariit meeraqarput 2-3-nik ukiu-  
limmik, ilaqutariillu meerassaat 1998-imi juulli sioqqullugu naartumik katatsinikkut  
annaaneqarsimalluni.

Oqartussaasut assigiinngitsunik suliallit suleqatigiiffianni isumaqatigiissutigine-  
qarpoq ilaqutariit angajoqqaarsiallu oqaloqatigiissinniarnissaat ...-p isumagissagaa,  
kiisalu P immaqalu angajoqqaarsiat meeqqat angerlarsimaffianni (børnehjemmimi)  
misissorneqassallutik sivikinnerusumik inissinneqanissaat isumaginninnermik i-  
ngerlatsiviup isumaliutersuutigisariaqarjaa.

Pissutsit arllallit P-p ulloq unnuarluk paaqqinniffimmu inissikkallarneqarnissaanut  
imaluunniit ataavartumik inissinneqarnissaanut ikorfartuisut atuupput:

- \* Angajoqqaarsiat qaammatalunnguit matuma siornatigut meeqqaminnik annaa-  
saqarsimanertik pissutigalugu aliasuuteqassapput. Piffissami aalajangersimasu-  
mi angerlarsimaffiminni eqqissisimanissartik pisariaqartissinnaavaat.
- \* P pillugu ajornartorsiuutit assigiinngitsut siusinnerisukkut nalunaarutigineqartar-  
simapput, timikkut pissusilersorneratigullu - meeqqat nakorsaata nalunaarusiaa  
sept. 1998-imeersoq aamma DNI-p meeqqanut tarnikkut nakorsaata misissuisi-  
manera pillugu nalunaarusiaq takukkit (nalunaarusiat taakku ...-mi immikkoor-  
tortaqarfiup pigingilai; nalunaarusiat taakku suliami isumaginninnermik inger-  
latsivimmiissinnaapput, imaluunniit napparsimmavimmi P pillugu allattukaniis-  
sinnaallutik).
- \* P-p angajui marluk ... aamma ... Nuummi Røde Kors Børnehjemmimut inissinne-  
qarsimapput, taamaattumillu P-p tassunga inissinneqarnissaa pissusissamisoor-  
nerpaagunarluni." (Atorfeqarfimmi nutsigaavoq)

Isumaginninnermi ataatsimiititaliap 1. november 1999-imi ataatsimiin-  
nera pillugu imaqarniliamit makku erserput:

"Ilaqutariinnut pisortanit suliniutigineqartumik inissiinerup malitseqartitsinera.

P ...-p ..., nunaqarfik K aamma ...-p ..., illoqarfik K panigaat. P pingasunik qatan-  
nguteqarpoq, taakkulu tamarmik angerlarsimaffiup avataanut inissinneqarsimapput.



P ilaqtariinnut pisortanit suliniutigineqartumik A-mut illoqarfimmi K-mi 27. juni 1997-imili paaqqinninersiutininik 50%-inik qaffatanik paaqqinninersiutisisartunut inissinneqarsimavoq. Paarsaqarneq taanna 20. oktober 1999-imi ilaqtariinnut pulaarnikkut malinnaavigineqarsimavoq, tassanilu angajoqqaarsiat P-lu najuussimallutik. Angajoqqaarsiat oqarput isumaqarlutik P annikitsunnguakkuutaanik siumut aallariartarsimasoq, tamannalu meeqqeriviup imminnut uppersarsarsimagaa. Kamarujussuassaangajassimavoq, sapaatilli akunnerisa arfinillit ingerlaneranni unnuat tamaasa siniffimmut quisarsimalluni, sumik pissuteqarneranik nalunartumik, taamaatumillu ullut tamaasa errorsisoqartariaqarlunilu atisai taarsertariaqartarsimallutik. Atisani suli "erisarlugit" alittortarpari, taamaatumillu atisanut immikkut aningaasartuutaalluni, nerrersoqaluni ekioqortussutsiminullu tulluannngitsumik kinguaassiuutit tungaasigut pissusilersuuteqartarluni. Angajoqqaarsiat akisussaafferujussuaq tuniunneqarsimasoq eqqarsaatigalugu isumaginnittoqarfimmit sumiginnagaasutut misigisimapput. P asarujussuuat annaajumanagulu, naak inuttut ilaqtariittullu nukissarpassuarnik atuisariaqaraluarlutik. Inersimasut meeqqallu akornanni qanimut pitsaasumillu ataqatigiinneq malunnarpoq. Isumaginninnermik ingerlatsiviup tapersersortitullu ikiortip suleqatigineqarneranni aalajangersimasunik isumaqatigiissuteqartoqartarnissaa kiisalu assersuutigalugu napparsimmavimmit, tarnip pissusiinik ilisimasalinnit il.il. ilitsersorneqarnissaa tapersersorneqarnissarlu pisariaqartinneqatorujussuupput. ...-mi immikkoortortaqrifiup suliamut atatillugu angalaneq pil-lugu siusinnerusukkt nalunaarusiarisimasaani Nuummi Røde Kors Børnehjemmi ataavartumik aaqqiissutitut taaneqarsimavoq, tamannali angajoqqaarsiaasut kissaatiginnngilluinnarpaat. Angajoqqaarsiat ingerlalluurtuupput, kiisalu nukissarpassuaqarlutik pitsaqaqterpassuaqarlutillu, P-mullu akisussaaffik P-mullu atatillugu piumasaqaatit nukippassuarnik atuinissamik piumasaqaateqarfiupput. Angajoqqaaviinut attaveqarniarneq ajornartorsiutitaqartarpoq, ataataasoq eqqarsaatigalugu, taassumami P-mut pulaassaguni meeqqap piareersarneqarnissaa eqqarsaatigalugu siumut isumaqatigiissuteqareertartussaani ataqinngimmagu. Nalunaaruteqaqqaarnani takkutarpoq, amerlanertigut imersimalluni, meeqqamullu allanartumik pissusilersortarluni. P taamatut pulaarnerata kingornatigut ulluni arlalissuarni sunnerneqarsimasarpoq toqqissisimangittarlunilu, angajoqqaarsiallu taamatut pulaartarnerit pilersaarusiorneqartarnissaannik ataataasumut piumasaqaateqarnerminni isumaginninnermik ingerlatsivimmit tapersersorneqarnissartik kissaatigaat. Anaanaasoq masakkut ajornartorsiutigineqanngilaq, takkutinngisaannangajakkami; aappariit taakku ataatsimut illoqarfimmi K-mi initaarniarlutik qinnuteqalinnguatsiarput. A-p piffisami ajornartorsiorfiogisumi angerlarsimaannartunngorniarluni isumaliutersuutigisarsimavaa, P isumaginiarlugu, meeqqerivimmili ilorraap tungaanut ineriartornera utaqqimaarallarlugu. Ilaqtariit meeravissiartaarnissaa siusinnerusukkt isumaliutersuutigisarsimavaat, eqqarsaatilli taakku taamaatiinnarsimallugit. Meeqqerivimmi tapersersortitut ikiortimut sapaatip akunneranut nalunaaquttap akunneri 30-it (meeqqanik isumaginninnermi aningaasartuutitut) akuersissutigineqarsimapput, P-ili perorsaanikkut suliarineqarnerani iliuusissanut pilersaarusiortoqarsimangilaq (tapersersortitut ikiortip nalunaarusiaanik suliami peqanngilaq). Massakkut isumaqatigiissutigineqarpoq isumaginninnermik ingerlatsiviup, angajoqqaarsiat, tapersersortitut ikiortip peqqissaasullu ajornartorsiutit, anguniagaq siunissamilu suleqatigiinneq oqaloqatigiissutigissagaat, iliuusissanut ataatsimut pilersaarusiap ilusilersorneqarnissaa siunertaralugu. Meeqqat tarninginik ilisimasalik ... nalunaarusiami 30. august 1999-imeersumi inermiliilluni nalilivoq P ukiumit kingullermit ingerlalluarerulaa-raluarluni perorsaanikkut isumagineqarnikkullu sammivilersugaasumik suliniuteqarfineqarnissani suli assut pisariaqartikkaa, tassami siusinnerusukkt alliar-nermini piaartumik ajoqusiisumillu atugarisaminik ilungersunartumik sunnerneqarsimamat, allaammi ataavartumik ajoqutissarsisimasinnaammat. 1999-imi 2000-

imiluunniit atualernissani sioqqullugu PPR-imi atuarfimmi tarnip pissusiinik ilisimasalimmit misissorneqartariaqarpoq. Suliami nalunaarusiat angajoqqaarsiaasunillu oqaloqatiginnineq tunngavigalugit naliliisoqarpoq perorsaanikkut isumaginnikkullu immikkut ittumik suliniuteqarnissamik angajoqqaarsiaasunut piumasaqaateqarnerup paarsaqarnersiutit 100%-inik qaffanneqarnissaat tunngavissaqalersikkaa; aammattaaq naliliisoqarpoq atisanut, oqorutit puuinut, atisanik errorsinermut timimillu eqqiluitsuutitsinermut (atisanut nalinginnaasumik) aningaasartuutit taakku paaqqinninersiutit nalinginnaasumik matussusertagaannit qaffasinnerusut. Angajoqqaarsiat ilitsersorneqassapput isertitatigut tunngaviusut allannguuteqarnerat akileraaruserivimmut nalunaarutigissagaat. Isumaginninnermi ataatsimiititaliamut inassuteqaatigineqarpoq: Paarsaqarneq ingerlaqqissasoq, Inatsisartut peqqussutaat nr. 9, 30. oktober 1992-imeersoq tunngavigalugu, kiisalu paaqqinninersiutit 15. oktober 1999-imit kingumut atuutilersumik qaffanneqassasut, kiisalu atisanut, oqorutit puuinut, atisanillu errorsinermut immikkut aningaasartuutit matussutissaat angajoqqaarsiaasunut ataasiaannartumik ikiorsiissutit tunniunneqassasut, tak. peqqussummi § 35 aamma nalunaarummi nr. 2-mi, 18. januar 1993-imeersumi §§-it 13, 14 aamma 15. Angajoqqaaviusunut attaveqarneq eqqarsaatigalugu inassuteqaatigineqarpoq meeqqap atugarissaarnissaa eqqarsaatigalugu angajoqqaat siunissami pulaartarnissaannut tunaartarisassat erseqqissut (siumoortumik aalajangersimasumillu isumaqatigiissutit eqqortinneqartussat, imigassartorsimanngilluinnarnissaq, nakkutigineqarluni najoqatigiinneq, meeqqap papatsassaarisumik/nalinginnaannngitsumik timikkut attorneqartannnginnissaa) angajoqqaanut nalunaarutigineqassasut, tak. peqqussummi § 22. Naggasiullugulu inassuteqaatigineqarpoq angajoqqaat akiliuteqartinneqartalissasut, tak. peqqussummi § 44 aamma nalunaarummi nr. 2-mi, 18. januar 1993-imeersumi §§-it 17, 18 aamma 19, tassa imaappoq ikinnerpaamik meeqqanut akilersuutit sukkulluunniit atuuttut amerlaqataannik.

Aalajangiineq: Inassuteqaatigineqartut akuerineqarput. ... suliap suliarineqarnerani peqataasinnaassuseqanngilaq, suliallu suliarineqarnerani najuunnani." (Atorfeqarfimmi nutsigaavoq)

Isumaginninnermik ingerlatsiviup allattuiffiutaani 26. november 1999-imi makku ilanngunneqarsimapput:

"Angajoqqaarsiat kissaateqarnerat malillugu angerlarsimaffiannut nal. 14.00 pu-larpakka. Tamarmik najuupput, P meeqerivimmiippoq.

Massakkut ingerlluarpoq. Isumaginninnermi ataatsimiititaliap aalajangiinera iluarisimaaqaat, matumani angajoqqaaviusunut piumasaqaataasut ilanngullugit eqqarsaatigalugit.

Angajoqqaat najoqatigiinniarluni pulaartarnissaat pillugu. Isumaginninnermi ataatsimiititaliap aalajangiinerni isummat assigiinnngitsut itisilernerqarput nassuiarneqarlutillu. Tamatumunnga atatillugu oqaatigaat isumaginninnermi ataatsimiititaliap allagai namminneq suli tigusimanngikkitik. Ataatigut atsiortup allaffimmut uterne-rani paasinarsivoq allakkat qallunaatut allanneqarsimagaluartut, arlaannilli pissuteqartumik nutserneqarsimanngitsut. Allakkat e-mailkkut nutsigassatut ingerlaannaq nassiunneqarput (...-mut).

Meeqqap august 2000-imi atualernissaa angajoqqaarsiat kissaatigaat – atuarfimiinnerani tapersersortitut ikiorteqartinneqarsinnaanera innersuussutigineqarpoq.

P-p atuarfimmi tarnip pissusiinik ilisimasalimmit misissorneqarnissaa kissaatigineqarpoq, tak. meeqqat tarnikkut pissusiinik ilisimasallip ...-p kaammattuutaa. Pia-reersimanersoq illoqarfiup K-p avataani (...-mi, ...-mi?) misissorneqarnera ingerlan-

neqassappat P-mut massakut marluullutik ingiaqataatinneqarnissartik pingaartip-paat.

Anaanarsiaasoq massakut suliffeqanngilaq. Ulluunerani angerlarsimaffimmi paarsisartunut manna tikillugu taartaasarsimavoq, tamatumalu P-p saniatigut sulia-tut pitsaanerpaannginnera oqaluuseraarput. A-p allamik suliffeqalernissani kissaati-gaa, ajornanngippat ullup ilaannaanut, ilinniagaqarsimanngilarli, taamaattumillu pe-riarfissat killeqarlutik. A isimigut nappaatimi (grå stær) ajorsartupiloorunarnera ernumassutigaa.

Angajoqqaarsiat oqaatigaat ulluunerani angerlarsimaffimmi paarsaqartitsiner-mut/meeqerivimmiittuuteqarnermut akiliutinut akiitsoqarlutik. Qularinngilaat P-p meeqqerivimmi akiliunneqartarnera imminnut akiligassanngortinneqartarsimasoq.

Suliaq naqqa tikillugu misissorneqassaaq, imaagunarporli pasitsaassimasaat ilu-moortoq. 1999-imi kukkusumik/inatsisunik unioqquutitsisumik akiliutit 1998-imi aki-liutitut aaqqinneqarnissaannik kommunalbestyrelsen aalajangiineranik ilisimatip-pakka.

Isumaqatigiissutigineqarpoq isumaginninnermi ataatsimiititaliap meeqqamik ila-qutariinnut inissiinerannut atatillugu manna tikillugu P-mut aallaqqaataaniit pisiari-simasatik/aningaasartuutigisimasatik annertunerusut utertillugit akilerneqarsima-sussaagalugit allattussagaat. Taamatut pisinnaatitaaffeqarnerminnik isumaginnin-nermilu ataatsimiititaliap tamatumunnga atatillugu pisussaaffinik paasitinneqarsi-mangisaannarnertik innersuussutigaa.

Ilisimatinneqarput tarpersersortit ikiortaas ... meeqqerivimmi atorfinniarluni qinnuteqarsimasoq, isumaginninnermillu ingerlatsivik tapersersortitut ikiortimik nutaamik, ... (kinguliaa?) pissarsiortoq. Pineqartoq pitsaasutut ilisarimasavaat, isu-maqarlutilli taamatut suliaqarnissaminut tunuarsimaarpallaarlunilu ittuutuaallaartoq. Tassungaa taarsiullugu A-p qatanngutaa aamma A-mik atilik (kommunip qarasaasia-qarfiani ...-p nulia) taamatut suliaqarnissamik ilinniarsimasoq P-lerillaqqilluinnar-torlu siunnersuutigaa. Tamanna isumaliutersuutigineqartariaqarpoq. A-kkut anger-larsimaffinni peqqissaasoq isumaqatigiissuteqarfigisimavaat qaammammut ataasi-arluni oqaloqatigisassagaatik/pulaartassagaatik, tamannalu nuannaarutigaa. Pine-qartup iliuusissanut pilersaarusiortoqarnissaa siunertaralugu ataatsimeeqatiginissaa-nut ataatigut atsiortoq periarfissarsiussaaq./..." (Atorfeqarfimmi nutsigaavoq)

Allattuiffimmi makku 3. december 1999-imi ilanngunneqarsimapput:

"Pisarisimasaminnik assigiinngitsunik allattuiffik A-ip tunniuppa; misissorne-qassaaq, takuinnarluguli utertitsilluni akiliinissamut periarfissarpassuaqarunangi-laq. Allakkat allaqqaarneri isumaginninnermi siulittaasup atsiugai A-mut tunniup-pakka. Tapersersortitut ikiorteqarnermut tunngasunik ilisimatippara, meeqqerivim-milu piffissami misiliigallarfiusumi tapersersortitut ikiorteqarneri ingerlagallarnissa-mik meeqqerivimmut isumaqatigiissuteqarsimaneq uppennarppaa. Kaammattor-pakka tamatuma P-mut kingunerisinnaasai eqqumaffigilluinnaaqqullugit, kinguneru-sinnaasut ajornartorsiutinngunnginnerini tapersersortitut ikiortiliisoqarnissaa isuma-qatigiissutigineqarsinnaaqqullugu. A-p suliffissaqarsinnaanera P-millu angerlarsi-maffimmi paarsisinnaanera apeqquutigineqarmat Namminersornerullutik Oqartussat nalunaarutaanni nr. 2-mi, 18/1-93-imeersumi § 15-imi angajoqqaarsiat arlaata angerlarsimaannarluni meeqqamik paarsinissaa isumaginninnermi ataatsimiititalia-mit piumasarineqarpat paaqqinninnerisutit 200%-inik qaffanneqarnissaannut periar-fissaq ilisimatitsissutigaa. Aaqqiissut una takorloorneqarsinnaavoq, tassalu meeq-qerivimmi ullup affaanoortarnissaa isumaginninnikkut perorsaanermit tunngasut eqqarsaatigalugit, tamannali sulianik ilisimasaqartunit oqartussaasullu assigiinngit-

sunik suliallit suleqatigiiffiannit nalilersuiffigeqqissaarneqassaaq, taamaaliortoqas-sappallu iliuusissanut pilersarusiamut ilanngunneqassalluni - atuarfimmi aallareri- arneranut atatillugu aaqqiissutaasinnaasoq?/..." (Atorfeqarfimmi nutsigaavoq)

Allattuiffimmi 30. januar 2002-mi makku ilanngunneqarsimapput:

"Tarnip pissusiinik ilisimasalimmit misissugassanngortinneqarpoq. Angajoqqaavimminit ullut 14-ikkaarlugit ualikkut pulaarneqartassaaq. Najugaqaaqatigiiffimmi sulisunit nakkutigineqartumik. Pulaartoqannginnerani angajoqqaaviit/angajoqqaarsiat oqaloqatigineqarnermikku piareersarneqartassapput.

Angajoqqaarsiat naleqqutissusiat piaarnerpaamik naliliiffigeqqinneqassaaq." (Atorfeqarfimmi nutsigaavoq)

Suliami allattuiffimmi imaattut 26. november 2002-mi ilanngunneqarsimapput:

"Qulaani pineqartoq pillugu atuarfimmit ... sianersimavoq oqaloqateqarusulluni. Aggerpugullu ... -lu.

Oqalussimavoq unnummut imminut kapiniarluni, taannalu pillugu aggersarneqarluta. Piaartumik angerlarsimaffianit peerneqarnissaa anguniarlugu. P inisseqaarneranili ... akerliusimangaluarpog meeraq allamut inissineqassasoq, aningaa-sannanniutigiinnarlugu paarineqarmat.

Allakkanik ilassuteqaataat kiisalu kingullermik tværfagligemi eqqartorneqarmat ullut tamaasa qanoq iliorneranut takussutissamik allattaqqusimavaat tamannalu tungavingalugu allattaaveeqqanik ilanngussipput. Kiisalu kioskinut pineqartoq eqqaavikusiortarsimavoq tamoraasaakunillu oqummiussisarsimalluni, tillinniartarsimalluni, atuareernerminilu tammartarsimalluni, unnukkaa aatsaat arnaata nanisarsimallugu. Ilaatigut aamma palaamik kammattaarsimavoq illuanut ornillugu mamakujunik tunisarmani pulaartarsimallugu. Kiisalu anitsiarfimmi meeraqatiminik qunutitsisarsimavoq isaannarminik sanngiinnerusunik, ... sernissorniartarsimavaa anaana-amigooq taama oqarfignarmani ... kamaanneqaraangat sernigisassangaa, asuli P-mut akornutaannaasumik. Qatanngutissaanut nukappiaqqamut pinngitsoorani arlaatigut sunniuteqartassaaq akornuserneqarluni immikkut pineqarnera. Akutsitut inisikkallarneqarnissaa meeqqat angerlarsimaffianut utaqqiisaasumik inissarsiuunneqarneranut angajoqqaarsiaanit peersillugu. Imminornissaminik eqqarsaateqartuarmat.

Annaannginnerani taama ukiukitsigaluni arlaatigut qanoq ileriaannaammat. Inunik isumaginnittoqarfimmiit kingullermik tværfaglige ataatsimiimmat aamma eqqaaneqarsimavoq angajoqqaavi oqaloqatigisarneri aallartissasut, suliniuteqarfigneqarniarlutik. Pisariaqalermat meeraq ikiorneqapallannissaa. Nalunnginneqarporli atuarfimmiit siornali ...-mi inissaqarsimangaluartoq kommunimit akilersorneqarluni, kisiannili atorneqarsimannngimmat, iluamik suliniutigineqannngimmat uffali isumaginnittoqarfimmiit nalunnginneqarluni, suleqatikkuminaattutut oqaatigineqarluni isumaginnittoqarfik. Kisianni qujarupparput suliaq aallaqqaataaniinngikkaluarlugu angajoqqaarsiai oqaloqatigineqassasut, kiisalu taanna pillugu avannaata immikkoortaqarfianut sianerlunga ilisimatippara angajoqqaarsiai ilisimatinneqassasut inner-suunneqarlunga. Soc. udv. formandia aggersarneqarpoq ilisimatinneqarlunilu susoqarneranik maannakkulli ataatsimiikami aqangumut kinguartillugu.

Allakkat najoqqutaralugit angajoqqaarsiat oqaloqatigineqassapput ilisimatillugit meeraq allamut inissinneqassammat meeqqamut ajornerusoq anguneqannnginnerani, imaluunniit aallartillugu./..."

Kommunimi isumaginninnermi ingerlatsiviup pisortaata suliami P-mut tunngasumi allattukkat imaattut ilanngussimavai:

"08.09.2003 nal. 9.00 allaffimmi ataatsimiinseq.

... oqarpoq P (...-, meeraq kommuni inissitaa) sapaatip akunnerata naanerani kingullermi inuissiorsimasoq. Ataatarsiaa unnuk taannaagunartoq annersaasimavoq, arnarsiaalu nammineq meeqqani ilagalugit qimaasimalluni, P-li ataatarsianilu angerlarsimaffimmiiginnarsimallutik. Ilaqutariit ilisarimasasa ilaat P-p aamma anis-saanik ataatarsiaasumut oqaloqatiginneriaraluartoq aamma ataatarsiaasumit annersarneqarsimavoq. Politiinut unnerluutiginnittoqarsimavoq. ... isumaqarpoq meeraq ilaqutariinnut allanut inissineqartariaqartoq, siullermik nukinginnartumik inissii-nerut, tamatumalu kingornatigut ...-mi inissaqarnersoq misissorlugu.

10.09.2003 nal. 09.00 allaffimmi ataatsimiinseq.

... isumaqarpoq P ilaqutariinnit massakkut najukkaminut allanut nuutsinneqartariaqartoq (ataataasup annersaasimanera pillugu unnerluutiginninneq pissutigalugu). Suliami nivarsiaqqamut tassunga tunngasumi allagaatit ... peqatigalugu ullumi kingusinnerusukkat misissussavakka, pingaartumik ilaqutariinni taakkunani annersaa-soqartarneranik nalunaarusiortoqarsimasinnaanera takuniarlugu.

10.09.2003 nal. 09.00 Mappimik allagaatinik P-mut tunngasunik imalimmik ... peqatigalugu misissuineq.

...-p sapaatip akunerata naanerani kingullermi pisimasumik allaaserinninnera. Paa-sinarsivoq P-p ataatarsiaata nuliani annersarsimagaa. Nulia meeqqap aappaa ilaga-lugu qimaasimavoq, P-li qimassimallugu. Nuliaasup illuata, ...-p, P ataatarsiaasumit aasimagaluarppaa, annersarneqarsimallunili. Annersaaneq taanna politiinut unner-luussissutigineqarsimavoq, ...-lu napparsimmavimmut misissortikkiartorsimalluni.

Paasinarsivoq mappimi allagaatinik imalimmi annersaanermik nalunaarutiginninnernik allanik peqanngitsoq, ...-lli, ilinniartitsisup, ilaqutariinni ajortoqarnera ar-laleriarluni kalerriuttarsimavaa, tassami P-p eqqumiitsumik pissusilersornera "ikioq-qulluni suaartarnertut" paasineqarsinnaammat.

1999-imi pisimasoqarpoq, P-p uluaata illua pullassimalluni, immaqali qivallaar-neranik pissuteqartumik. P-p meeqquvimmip tapersorsortitut ikiortaata ilaqutariit apersorsimavaat, arnarsiaalu oqarsimavoq P imminut tillussimasoq. Aamma oqaati-giniarneqarpoq P aqaluaata annersartaraa. Tapersorsortitut ikiortip apersunerata kingornatigut sapaatip akunnera ataaseq qaangiuttoq angajoqqaarsiat P-p allamik tapersorsortitut ikiorteqartinneqalernissaa kissaatigisimavaat.

17.09.2003, nal. 14.00 TFU-p napparsimmavimmi ataatsimiinera.

- Peqataasut: ... (atuarfik), ... (atuarfik), ... (napparsimmavik), ... (napparsimma-vik), ... (isumaginnittoqarfik), ... (politiit).
- Imm. 1. P: Atuarfik oqarpoq ilinniartitsisut ilaasa P aqussinnaanngikkaat, pi-ngaartumik ilinniartitsisut angutit. Immikkut ilinniartitsinnermi siunnersorti ...-neersoq tikittussaavoq, P-lu oqaloqatiginiarlugu. ... oqarpoq 07.09-mi ilaquta-riinni annersaaneq pillugu nalunaarut tassaasoq inersimasut akornanni oqqanneq, imaanngitsoq P annersarneqarsimasoq. Inassuteqaat: "Isumaginnittoqarfiup ila-qutariit paarsaqartut meearlu paarsaat sapinngisamik piaarnerpaamik oqaloqati-gilissagai, meeqqap taassuma ilaqutariinni atugarissaarnerata aamma ilaqutariit meeqqanut angajoqqaarsiaaginnarnissaminut naleqqutuussusiisa naliliffigine-qarnissaat siunertarlugu. Meeqqap atuarfimmi tarnip pissusiinik ilisimasalimmit oktoberimi oqaloqatigineqarnissaa inassuteqaatiginiarpaa, tassani lu meeraq ila-

qutariinni atugarissaarnersoq misissorneqassalluni". Suliaq P-mut tunngasoq TFU-p tullianik ataatsimiinnerani oqaluuserisassanut ilaassaaq.

28.10.2003, nal. 12.00, ...-mik oqarasuaatikkut oqaloqateqarneq.

P TFU-p september 2003-mi ataatsimiinnerani oqaluuserisarput pillugu oqarpoq pitsaanngitsorujussuartut ittoq. Ikittaatip gassissaanik naamaarsimavoq, oqarsimal-lunilu imminorniarluni. P-p ... oqaluttuussimavaa massakkut angajoqqaarsiamini na-jugaqarfigisamini assut tujormilluni.

...-p kaammattorpaanga TFU ataatsimiigiaqqoqqullugu. ... attaveqarfigaara paa-sillugulu aqagu napparsimmaviup ataatsimiittarfiani nal. 14.00 ataatsimiissinnaasu-gut. Aqagu ataatsimiinissaq pillugu paasissutissaq ...-mut ilivara. Isumaqrpunga allakkat ataatsimiigiaqquissutit nassiunnissaannut kingusinaareersoq. ...-p atuar-fimmi toqqaannartumik oqarasuaataa: ...

29.10.2003, nal. 14.00, napparsimmavimmi ataatsimiinneq.

- Peqataasut: ..., ..., ..., ..., ..., ..., ...

Ataatsimiinneq immikkut ittuuvoq, tassami P-p pissusilersornera imminorniartu-tullu pinera atuarfiup isumakuluutigisorujussuummagu. Atuarfik saqqummiussivoq, tassanilu allassimavoq P-p pissusilersornerata takutikkaa massakkut angajoqqaar-siaminiinnini assut tujormissutigalugu.

- Pisut atuarfiup pisutut ilungersunartutut isigai, ilaqutariinnit aqunneqarsinnaan-ngitsut. Atuarfiup tikkuarlugu oqaatigaa P atuarfimmi massakkut tapersersortitut ikiorteqanngitsoq. Tapersersortitut ikiortaa, klasselæreria, ...-mut massakkut aal-larsimavoq.

Ilinniartitsisut P aqukkuminnaatsippaat.

Tarnip pissusiinik ilisimasallip illoqarfimmi K-miissimasup P-mik misissueqqin-nissaq pisariaqanngitsutut isigisimavaa, tassami ukiup ataatsip matuma siorna misis-sorneqareersimammat.

Napparsimmavik oqarpoq P angajoqqaarsiaaluunniit attaveqarfigineqangaarsi-mannngitsut.

Angajoqqaarsiat ...-p siusinnerusukkut oqaloqatigisarsimavai. Isumaqrpoq ila-qutariit avammut kusarnartumik saqqummerniartarsimasut. Meeqqap soqutigisaa-nik isumaginnittutut imminnut saqqummiuttarsimapput.

... isumaqrpoq angajoqqaarsiat isumaginnittoqarfiup oqaloqatiginiarlugit sapin-gisamik piaarnerpaamik aggeqqusariaqarai, oqaluttuullugillu pisut taamatut inger-laannarsinnaanngitsut. Angajoqqaarsiaasut TFU-p september 2003-mi ataatsimiin-nerata P pillugu aamma oqaluuserinniffiusup kingornatigut isumaginnittoqarfimmit attaveqarfigineqarsimannginnerat ajuusaarutigaa. Septemberip aallartinnerani an-nersaanerup nalunaarutigineqarnerata kingornatigut ataatarsiaasumik oqaloqatigin-nissimanagera oqaluttuaraara. P-p inuussiornerani imigassartorsimalluni kamassima-nini kingornatigullu inummik allamik P-mik aallersumik annersaasimanini ataatarsi-aasup ajuusaarutigerpasippaa. Taamaattorli P-p ilaqutariinni ajunnginnera uannut qalleqqissaqattaarpaa.

Aammattaq oqaatigaara Isumaginninnermi Naammagittaalliuteqartarfimmi Nuummiittumi inatsisilerituumut attaveqarsimasunga, meeqqamik arsaarinninneq ilaqutariinnullu allanut imaluunniit ulloq unnuarlu paaqqinnittarfimmut inissiineq eqqarsaatigalugu angajoqqaarsiat angajoqqaaviiullu assigiimmik pisinnaatitaaffeqan-ginnerat qulakkeerniarlugu. Inatsisilerituumit oqarfigineqarpunga ilaqutariit anga-joqqaarsiaasut kommunimut isumaqatigiissut tunngavigalugu sulisuusut, sulinermi-nullu atatillugu akissarsisarlutik. Taamaattumik ilaqutariit paarsaqarnissaannik isu-

maqatigiissut kommuniip sukkulluunniit atorunnarsissinnaavaa, isumaqaruni meeraq ikiorsiinuummik allaasumik pisariaqartitsisoq.

Atuarfiup tikkuarlugu oqaatigaa P-mik ajornartorsiutit ilaqutariinnilu taakkunani inissisimanerani ajornartorsiutit ukiorpassuit matuma siornatigulli aallartissimasut. Piffissap sivisuup taassuma ingerlanerani angajoqqaarsiat atuarfimmit attaveqarfigineqartarsimapput, pissutsilli pitsanngoriarsimanatik. Atuarfiup neqeroorutigaa angajoqqaarsiat atuarfimmi oqaloqatigineqarnissaannut aggeqqujumallugit, tamatu-malu kingornatigut uatsinnut nalunaarusiorumallutik.

...p tikkuarlugu oqaatigaa isumaginnittoqarfiup angajoqqaarsiat taakku taamatut-taaq qangarsuarli attaveqarfigisarsimagai. Aammattaaq isumaginnittoqarfimmi suli-sut ilaqutariinnut pulaartarsimapput, P angajoqqaarsiamini qanoq innersoq paasini-arlugu. Pasitsaanneqarsimavoq ilaqutariinni pissutsit pissusissamittut inngitsut, ila-qutariilli avammut saqqummertarnerminni ajunngitsutut imminnut saqqummiuttar-mata ajornartorsiutit qulaajarnissaat ajornarluni. ... isumaqarpoq isumaginnittoqar-fik, imaangitsoq atuarfik, tassaasoq suliamik massakkut suliarinninnissamat pisus-saaffeqartoq.

...-p tikkuarlugu oqaatigaa angajoqqaarsiat qanoq pitsaatiginerat ajortiginer-aluunniit immaqaa isiginiartariaaruttoq. P meeraaraanermini alianartunik misigisa-qartarsimanini pissutigalugu ilaqutariit taakku neqeroorutigisinnaasaannit allaaneru-sunik immaqaa pisariaqartitsivoq.

... isumaqarpoq angajoqqaarsiat taakku immaqaa oqaluuseriunnaartariaqalerigut. Immaqaa annertunerusumik iliuuseqartariaqalerpugut, assersuutigalugu P ilaqutariin-ut allanut inissillugu. Peqataasut tamarmik isumaqaleriartuinnarput oqaloqatigin-ninnernit misissuinerinilu allaasunik iluuseqarnissamat massakkut piffissanngortoq.

Isumaqatigiippugut P-p ilaqutariinnut allanut inissinneqarnissaanut periarfissat isumaginnittoqarfiup misissussagai. Taamatuttaaq isumaqatigiippugut iliuuseqarto-qaqqinnissaanik aalajangiisoqannginnerani P oqaloqatigineqassasoq. P-p qanoq pi-neqarniarnini aamma sooq taamatut pisoqarnera ilisimassavai, uatsinnillu tusassal-lugit. P-mut paasitinniassavarput atugarissaarnissaa siunertaralugu iliuuseqalersaar-tugut. Isumaqatigiissutigineqarpoq isumaginnittoqarfiup atuarfik suleqatigalugu P atuarfimmi sapinngisamik piaarnerpaamik oqaloqatigissagaa. ...-p siunnersuutigaa allakkatigut inassuteqaat suliarissagipput, tassanilu tikkuarlugu suliami matumani paasissutissat pigineqartut tunngavigalugit isumaqartugut P-p perorsarneqarnera eq-qarsaatigalugu suliassaq angajoqqaarsiaasut artoraat.

Tamatta isumaqatigiippugut taamatut inassuteqaasiortoqassasoq, isumaginnitto-qarfillu P-mut pitsaanerpaasussaq anguniarlugu massakkumiit iliuuseqalersinnaa-soq, tamannalu pisariaqartoq paasinarsippat P-p angajoqqaarsiassaanik naleqqunne-rusunik allanik nassaarniarsinnaalissasoq.

03.11.2003, nal. 09.00, allaffimmi ataatsimiinneq.

P-mut iliuusissanut pilersaarusiaq suliarineqarpoq, angajoqqaaviisalu ilaqutariin-ut allanut inissinissaq akueriniarpaat. P-p angajoqqaarsiai nuutsitsineq eqqarsaati-galugu suleqataaqkullugit kaammattorneqartariaqarput." (Atorfeqarfimmi nutsigaa-voq)

Iliuusissanut pilersaarusiavit 3. november 2003-meersumit makku er-serput:

"Ikiorsiissuteqarnermi siunertarineqartoq.

P-p ullumikkut angajoqqaarsiaminiinnerani toqqissisimananngitsumik ukiuni ar-finilinni suliaq uninngasimammat. Ullumikkut P misigissutsimigut annertuumik er-



sersitsisarpoq toqqissisimanginnerminik ersiutunik aallaaveqartumik imminorniarnerit kiisalu innermik pinnguartarnermigut oqaasertalersukkamillu takutitsisarmat. Meeqqamut ersiutaavoq ulluinnarni angajoqqaarsianik annertuumik sakkortusaarfingineqartarnek atugaalersimammat "ulluinnarsiutitut". Qaammata pingasuni imikkut inissinneqarnissaa TFU-mit aaliangguiffingineqarsimammat ilaqutariinnut allanut inissin[neqassasoq]."

Kommunip A-mut allagai 3. november 2003-meersut imaattunik oqaasertaqarput:

"Matumuuna allakkatigut aggersarneqarput Inunnik isumaginninnermut allafimmut ulloq 04.11.03 nal. 10.30.

Aggersaanermut tunngaviuvoq P-p ulluinnarni atukkamigut killiffia."

Isumaginninnermik ingerlatsiviup pisortaata A-p 4. november 2003-mi ataatsimeeqatigineqarnera pillugu allakkiaanit makku erserput:

"04.11.2003, nal. 11.30, A-mik, P-p massakut angajoqqaarsiaanik ataatsimeeqateqarneq.

P-p nuutsinneqarnissaanik aalajangiinerup qanoq ililluni piviusunnngortinneqarsimanagera angajoqqaarsiaasunut paasissutissiissutigaa.

P-p angajoqqaarsianut nutaanut nuutsinneqarnerata kingornatigut angajoqqaarsiaasimasunut attaveqarneq pillugu apeqqut. Oqarpunga tamatuma sapinngisamik pisisissamisoornerpaamik pinissaa kissaatigigiga.

- P-p pigisani angajoqqaarsiartaamini atorfissaqartitani nassarsinnaavai. Nuutsisineq ullumikkut nal. 16.30 pissaaq.
- Nuutsitsinerup taama tassanggaannartiginera A-p naammagittaalliuutigaa.

Qatannugataa P-mut inuulluaqqusinnisamat periarfissaqartinneqassanersoq pillugu apeqqut.

Oqaloqatigiinnerup kingornatigut ...-p oqarfigaanga A oqaloqatigiinnerup nalaani kamassimarpasillunillu naalagaaniarpasissimasoq." (Atorfeqarfimmi nutsigaavoq)

Isumaginninnermik ingerlatsiviup pisortaata angajoqqaarsianik nutaanik oqaloqateqarnini pillugu allakkiaanit 4. marts 2003-meersumit erserpoq pineqartut P qaammata pingasuni paarsarigallassagaat, kommunilu tamatuma kingornatigut inaarutaasumik aalajangiiniartoq.

Isumaginninnermik ingerlatsiviup pisortaata 20. november 2003-mi imaattut allassimavai:

"20.11.2003, nal. 13.30, A-mik P-p siusinnerusukut angajoqqaarsiaanik oqarasuaatikut oqaloqateqarneq.

A sianerpoq isumaginninnermik ingerlatsiviup siusinnerusukut aggeqqusisimanageranut tunngasut paasiniarlugit. Oqarpunga sianergera suliami allagaatinik paasitinneqarnissamik qinnuteqarnertut paasigiga. Kaammattorpara isumaginninnermik ingerlatsivimmu allakkatigut saaffiginnequllugu. Oqarpunga mappimi allagaatinik imminut tunngasunik imalimmi aamma suliami illua'tungiusutut inissisimaffigi-



simasamini suliami allagaatinik imalimmi allagaatinik soorunalimi sukkulluunniit paasitinnegarsinnaatitaasoq. Taamaaliornissaanut qanoq pitsaanerpaamik iliorluta periarfississinnaaneripput paasiniaannassavarput. Taamatuttooq isumaginninnermi ataatsimiititaliap siulittaasua pineqartup kissaatigisaanik ilisimatinniarpara, pineqartoq allakkatigut saaffiginnippat." (Atorfeqarfimmi nutsigaavoq)

Isumaginninnermik ingerlatsiviup pisortaata allakkiaanit 21. november 2003-meersumit makku erserput:

"21.11.2003, nal. 14.00, P angajoqqaarsiartaavinik angajoqqaarsiarisimasaanillu ataatsimeeqateqarneq.

- Peqataasut: ... aamma .... - angajoqqaarsiartaat, A-kkut - siusinnerusukkut angajoqqaarsiaasut, ... aamma ...

...-p ataatsimiinneq aallernerlugu P-p ilaqutariinnit paarsaqartunit ilaqutariinnut allanut nuutsinneqarneranut tunuliaqutaasoq oqaluttuaraa.

A oqarpoq atuarfimmitt piffissami kingullermi saaffiginnissuteqartoqarsimannginnera tupigalugu, naak P atuarfimmi ajornartorsiutaasimagunaruortoq. A oqarpoq isumaqarluni P pillugu aalajangiinerit namminneq suliamut akuliutsinnatik pi-sarsimagunarnerat kusananngippallaartoq.

Oqarpunga ataatsimiinneq manna pisut massakkumiit qulaajarniarneqarnerannut pingaarnerpaatut atorneqassasoq, taamaattumillu A taamatut oqarnera angajoqqaarsiartaat atuarfimmitt attaveqartarnissaat eqqarsaatigalugu pingaaruteqarunartoq.

...

Ataatsimiinneq naggaserlugu oqaatigaara angajoqqaarsiat kissaatigisaat ... sisamangornermi tullianik ataatsimeeqatigigutsigu atuarfimmitt ingerlatinniarigut. Tikkuarlugu oqarpunga ilanngullugu oqaatigisariaqariga P inatsit malillugu massakut nutaanik angajoqqaarsiartaarsimasoq, tassa imaappoq angajoqqaarsiaasimasut paaqqinninnerisiutisarisartagaat angajoqqaarsiartaat massakkumiit allamik aalajangiisooqarnissaata tungaanut pisartagarilissagaat. Paaqqinninnerisiutit P-p atugarissaarnissaanut akisussaaffimmik malitseqarput. Akisussaaffik taanna massakkumiit angajoqqaarsiartaaniilerpoq. Kommuniip siusinnerusukkullu angajoqqaarsiaasimasut paarsaqarneq pillugu isumaqatigiisutaat massakut atorunnaarsinneqarpoq, taamaattumillu taakku P-p atugarissaarneranut akisussaaffeqarunnaarput.

A oqarpoq pisimasoq imatut paasisimagini massakut pisoq oqilisaassinerinnarut pisimasoq. Akivara meeqqamik taannaasumik angajoqqaarsiani marlunni kommunip aaqqissuussaamik paarsaqartitsinnermik aaqqissuussinissamut periarfissaqangitsoq. Taamaattumik A massakkumiit allamik aalajangiisooqarnissaata tungaanut angajoqqaarsianut nutaanut inissinneqarsimasoq, siusinnerusukkullu angajoqqaarsiaasimasut inatsit malillugu P-p angajoqqaarsiaatut akisussaaffeqarunnaarput." (Atorfeqarfimmi nutsigaavoq)

Isumaginninnermik ingerlatsiviup pisortaata allakkiaani 9. december 2003-meersumi allassimavoq meeqqap taassuma angerlarsimaffiup avataanut inissinneqarnera pillugu allagaat nutaaq ilaasoq. Allagaat taanna suliami allagaatini meeqqamut tassunga tunngasumi tigusanni ilaangilaq.

Iliusissanut pilersarusiamit kommunip suliarisimasaanit isumaginninnermi ataatsimiititaliap 11. december 2003-mi akuerisimasaanit makku erserput:

"Uninnavigisag:

Meeraq sumiippa (sumiiffia allallugu ullulerlugulu)? Ulloq unnuarlu angerlarsimaffik Kommunal børnehjem illoqarfik K 30.01.04

Ikorsiissutip aallartinneqarneranut tunuliaqutaasoq:

(Ikorsiissuteqarnerup tunuliaqutaa nassuiaruk)

Kommunal børnehjemmit inissinneqarneranut tunngaviuvoq siusinnerusukkut ilaqutariinnut inissinneqarsimanera, ilaqutariillu inissiiffiusut nukissaarummata ilaqutariinnut allanut inissinneqarsimavoq, inissiinerlu pinartumik pisimalluni. Ilaqutariit massakkut inissiiffiusimasut qaammatini pingasuni atorneqartussat aalajangerneqarsimavoq, tamatuma kingorna nalilernaqqittussat, ilaqutariit inissiiffiusut kingullit kissaatigisimavaat 30/01.04 tungaanut taamaallaat meeraq tigummissallugu.

Ikorsiissuteqarnermi siunertarinqartoq:

(Ikorsiissuteqarnikkut suna anguniarneqarnerosq nassuiaruk)

Meeqqap ukiuminut naleqquttumik inuuneqarlernissaa, kiisalu ulloq unnuarlu angerlarsimaffiup siunertaa tunngavigalugu P persosaariaaseq allanneqassalluni tasani lu suleqatigineqassapput angajoqqaat, inunnik isumaginninnermut allaffik, atuarfik, tarnit pissusaanik ilisimasallit kiisalu isumaginninnermut ataatsimiititaliaq. P-ip ersiutai aallaavigalugit ilaatigut imminut ulorianartorsiortitarnermigut annertunerusumik malinnaaffigineqarnissaa siunertaralugu persosaariaatsimillu aalajangersimasumik aallunneqarnissaa.

Ikorsiissuteqarnermut nassuiaat:

(Ikorsiissutip qanoq ingerlanneqarnissaa nassuiaruk)

P ullumikkutut inissisimatillugu ulloq unnuarlu angerlarsimaffimmiinnissaa pisariaqarpoq.

Persosaariaatsimik aalajangersimasumik perorsarneqarnissaaq pisariaqartippaa.

Aallartineq:

Qaqugu ikorsiissuteqarnissaaq aallartissava? 30.01.04

Malitseqartitsineq:

Ikorsiissuteqarneq qaqugu naliliiffigineqarqissava? 25. august 2004"

Kommunip isumaginninnermi ataatsimiititaliaani siulittaasup isumaginninnermik ingerlatsiviup pisortaanut allakkiaanit 15. januar 2004-meersumit makku erserput:

"Pingasunngornermi 14.01.2004-mi inummik oqaloqateqarneq pillugu allakkiaq.

A isumaginninnermi ataatsimiititaliap siulittaasuanik oqaloqateqarnissaminut piffissamik inniminniisimavoq, pingasunngornermilu nal. 12.40 takkulluni. P pillugu suliaq pillugu makku saqqummiuppai:

- atuarfiup angajoqqaarsiatut avaqqullutik isumaginninnermik ingerlatsivik attaveqarfigisimagaa
- P-p aaneqarnissaa (nuutsinneqarnissaa) nal. akunnerinik 5½-iinnarnik sioqqullugu isumaginninnermik ingerlatsivimmit ilisimatinneqarsimallutik

- suliaq oqaasiinnartigut ingerlanneqarsimasoq

Suliaq oqaasiinnartigut ingerlanneqarsimanera angajoqqaarsiaanissamullu nalequtinngitsutut nalilerneqarsimanertik tarnikkut aliasuutigisorujussuuat.

Suliami allagaatinik paasitinneqarumalluni saaffiginnissimavoq, taamatuttaarlu tamatumunnga akuersisinnaanermik neriorsorneqarsimalluni, tamannali piviusunngunngisaannarsimavoq.

Isumaqarpunga qinnutigisani pisinnaagai, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-mi. 1. juni 1994-imeersumi kap. 4 tunngavigalugu." (Atorfeqarfimmi nutsigaavoq)

Isumaginninnermik ingerlatsiviup pisortaata isumaginninnermi ataatsimiititaliap siulittaasuanut akissutitut allakkiaanit 22. januar 2004-meersumit makku erseput:

"A-p ilinnut isumaginninnermi ataatsimiititaliap siulittaasuanut 14.01.-2004-mi saaffiginnissutaa pillugu allakkiaat 14.01.2004-meersoq P-p (...-) angajoqqaarsianut nutaanut nuutsinneqarnera pillugu oqaaseqaatitalik tunngavigalugu imaattunik oqaaseqaatissaqarpunga:

1) Atuarfiup namminneq angajoqqaarsiatut avaqqullutik isumaginninnermik ingerlatsivimmu saaffiginnissimanera pillugu A-p isornartorsiuinera. Isornartorsiui-neq taanna atuarfiup, imaangitsoq isumaginninnermik ingerlatsiviup, akisariaqar-paa. Uanga isumaga unaavoq atuarfik (taamatuttaarlu napparsimmavik politiillu) su-liat meeqqanut inuusuttunullu tunngasut tamaasa pillugit saaffiginninnissaminut ti-killuaqqunartorujussuusut. Tamanna oqartussaasut assigiinngitsunik suliallit suleqa-tigiiffitta suleqatigiinnerannut ilaavoq, taamatuttaarlu atuarfiup annertusisamik na-lunaaruteqartussaataitaneramik tunngaveqarluni. Isumaginninnermik ingerlatsivik tassaavoq suliami illua tungiusunut susassaqartunut ilisimatitsinissamik pisussaaffe-qartoq, siullerpaatulli pisussaaffippu atuarfiup angajoqqaatut oqartussaasuteqartunut nalu-naaruteqartussaataitanisinniippoq, imaangitsoq angajoqqaarsiaasunut.

2) Meeqqamilli angajoqqaarsianut nutaanut nuutsitsinnginnitsinni angajoqqaarsi-anut sivikitsuararsuarmik piffissaqartitsisimanerput pillugu isornartorsiui-neq paa-silluarsinnaavara, tamannalu ataatsimut tusaatissatut tigullugu. Taamaattorli tikkuar-lugu oqaatiginiarpara suliaq taanna takisoorujussuarmik oqaluttuassartaqarunartoq. Pissutsit meeqqap atugai 2003-mi ikinnerpaamik marloriarluta oqaluuseraagut. Su-liaq september 2003-mi (ataatarsiaasup annersaasimagunarneramik nalunaarutigini-nneq pissutigalugu) oqaluuserigatsigu isumaginninnermik ingerlatsivik suleqati-giissitaliami suleqatigisartakkaminit sakkortuumik isornartorsiorneqarpoq inissii-nera tassanilu ajornartorsiutinut qisuariarsimannginnera pillugu. Tamatuma kingu-nitsiannguatigut A uanga nammineq oqaloqatigaara, oqarfugalugulu meersaiaat ila-qutariinni ajunngitsumik ingerlanersoq qularutigineqartoq. ...p atuarfimmit 28.10.2003-mi oqarasuaatikkut saaffiginnikkami kaammattorpaatigut oqartussaasut assigiinngitsut suleqatigiiffiattut suleqatigiissitaliaq ingerlaannartumik ataatsimii-giaqqoqqullugu, tassami pissutsit oqaluuserineqarnissaannik kinguartiteriinnarto-qarsinnaajunnaarmat. Suleqatigiissitaliap taassuma ataatsimiinnera pillugu imaqar-niliami imaattunik allassimasoqarpoq:

"Paasissutissat (pingaartumik atuarfimmit isumaginnittoqarfimmillu paasissutis-sat) pigineqartut tunngavigalugit peqataasut tamarmik isumaqatigaat P-p massakkut

angajoqqaarsiaasa perorsaaneq eqqarsaatigalugu suliassartik artoraat. Taamaattumik P-p naleqquttumut inissinneqarnissaanut periarfissat allat isumaginnittoqarfiup missorlugit sapinngisamik piaarnerpaamik aallartissaq. Isumaginnittoqarfiup atuarfik suleqatigalugu P oqaloqatigissavaa. P isummaminik oqaatiginninnissaminut periarfissaqassaaq, qanorlu aamma soq taamatut pisoqarniarneranik paasitinneqassaluni. Iliuserineqartut tamarmik P-p pisariaqartitaanik aallaaveqassapput."

Inassuteqaatip taassuma meeqqap sapinngisamik piaarnerpaamik nuutsinneqarnissaanik kaammattorpaatigut, taamaattumillu allatut iliuuseqarnissatsinnut periarfissaqavissimannigilagut. Tamannali sioqqullugu inatsisilerituumut Isumaginninnermi Naammagittaalliuuteqartarfimmi sulianik suliarinnittumut sianerpunga meeqqap angajoqqaarsiat akuersiteqqaarnagit angajoqqaarsianut allanut inatsisinik unioquttitsinani inissinneqarsinnaanera qulakkeerniarlugu. Inatsisilerituup uppernarsarpaa kommunip aaqqissuussaanik ilaqutariinnut inissiineq tassaasoq akissarsiaqaatigalugu (matumani qaammammut 6.500 kr.-t sinnerlugit) kiffartuussineq. Taamaattumik kommunip meeraq angajoqqaarsiat akuersiteqqaarnagit nammineq nuut-sissinnaavaa, taamaaliorneq meeqqamut pitsaanerpaasoq kommuni naliliippat. Suliaq oqartussaasut assigiinngitsut suleqatigiiffianni 29.10.2003-mi ataatsimiinnerup kingornatigut meeqqanut inuusuttunullu tunngasunik suliaqartunit tiguneqarpoq, sulisullu pilertortumik iliuuseqarniaqqullugit kaammattorpakka. Nuunneqarnissamut sivisuumik utaqqineq meeqqap qanoq tigussaneraa aamma angajoqqaarsiat meeraq nuussineq pillugu qanoq oqaluutissaneraat nalornissutigisorujussuusimavara. Meeqqamut pitsaanerpaassaaq qitiutittuarsimavara, pingaarnepaatillugulu isiginiagara tassaasimavoq meeqqap isummani oqaatigissagaa, angajoqqaarsiartaassatullu toq-qarneqartut suliassamik naammassinninnissamut naleqquttut naliliiffigineqarsimassasut. Nassuerutigisariaqarpara "angajoqqaarsiatoqqat" aalajangiinitsinnik naammagisimaarinninnginnersut (-simanersut) naammagisimaarinninnersut (-simanninnersulluunniit) uannut pingaannginnerujussuusimasoq, sulilu taamaalluni. FN-ip meeqqat pisinnaatitaaffii pillugit isumaqatigiissutaani aamma meeqqanik inuusuttunillu ikiorsiisarneq pillugu peqqussummi meeqqat inuusuttullu qitiutinneqarput, uagullu taamaaliorpugut.

3) Suliaq ukiuni arlalinni oqaasiinnartigut ilaatigut immaqa ingerlasimavoq, kisianni meeqqap inuuianiugunartoq 2003-mi septemberip aallartinnerani angajoqqaarsiani annersaasoqarneranik nalunaarfigineqarnitta kingornatigut taamaakkunnaarpoq. Paasissutissanik arlalippassuarnik allakkatigoortunik peqarpugut, uangalu nammineq atugassatut allattukkakka (tassami imaappoq isumaginninnermik ingerlatsiviup pisortaata ullorsiutai) ilinnut aamma atugassanngortissinnaavakka.

4) A-kkut tarnikkut aliasuuteqartutut misigisimanagerat soorunalimi ajuusaarutigaa. Taamaattorli uppernarsaaviginiarpakka meeqqap nuutsinneqarnerata kingornatigut oqaaseqaatit suleqatinnit tusartakkakka malillugit meeraq ajunngilluinnartumik ingerlasoq. Meeqqap november 2003-p kingornatigut ingerlalluarnera tamanna nuannaarutigisorujussuuarput. Neriuppunga A-kkut nuannaarumaartut tusarunikku meeraq ingerlalluortoq amigaateqanngitsorlu. Tamanna taakkununga uatsinnutulli pingaaruteqartigisussaavoq.

5) A-kkut angajoqqaarsiatut naleqquttuunersut uanga naliliiffigerusunngilara. Oqaasertaliineq oqartussaasut assigiinngitsut suleqatigiiffiata ataatsimiinnera pillugu imaqarniliamit 29.10.2003-meersumit saqqummertoq taamaallaat tikkuarusuppara, tassanilu allassimavoq meeqqamik perorsaaneq eqqarsaatigalugu suliassartik artoraat. Oqaaseqaat taanna uanga isumaga malillugu oqaatigineqarneratut paasine-

qassaaq, tassa imaappoq meeraq pineqartoq eqqarsaatigalugu, ataatsimut isiginnilluni oqarnertut paasineqartariaqanngitsoq.

6) Mappi suliami allagaatinik imminut tunngasunik imalik imaluunniit mappit allagaatinik suliani nammineq illua'tungiusutut inissisimaffigisimasamini allagaatinik imallit atuariartorlugit A isumaginninnermik ingerlatsivimmut saaffiginninnissaminut soorunalimi tikilluaqquasaasorujussuuvoq. Tikkuarlugu oqaatiginia para tamanna A-mik oqarasuaatikkut 20.11.2003-mi nal. 13.30 oqaloqateqarninni eqqaasimagiga. Oqaloqatigiinneq taanna pillugu allakkiami maattunik allassimasoqarpoq: "A sianerpoq isumaginninnermik ingerlatsiviup siusinnerusukku aggeqqusisimaneri paasiniaarlugit. Oqarpunga sianereri suliami allagaatinik paasitinneqarnissamik qinnuteqarnertut paasigiga. Kaammattorpara isumaginninnermik ingerlatsivimmut allakkatigut saaffiginneqqullugu. Oqarpunga mappimi allagaatinik imminut tunngasunik imalimmi aamma suliami illua'tungiusutut inissisimaffigisimasamini suliami allagaatinik imalimmi allagaatinik soorunalimi sukkulluunniit paasitinneqarsinnaatitaasoq. Taamaaliornissaanut qanoq pitsaanerpaamik iliorluta periarfississinnaanerippit paasinaannassavarput. Taamatuttaaq isumaginninnermi ataatsimiititaliap siulittaasua pineqartup kissaatigisaanik ilisimatinniarpara, pineqartoq allakkatigut saaffiginnippat."

Takusinnaasakka malillugit A-p allagaatinik paasitinneqarnissamik allakkatigut qinnuteqaataanik ulloq manna tikillugu tigusaqarsimanngilanga. Siunnersuutigaa A isumaginninnermi siunnersortit pisortaannut ...-mut imaluunniit fuldmægtig ...-mut allakkatigut saaffiginnissasoq, taakkulu allagaatinik qaqugu qanorlu iliorluni paasitinneqarnissani pillugu isumaqatigiissuteqarfigissagai. Allagaatit assilineqarneri eqqarsaatigalugit akiliutitut aalajangersakkat allattoqarfimmi pissarsiarineqarsinnaasussat innersuussutigineqarput.

7) Isumaginninnermi Naammagittaalliuteqartarfimmi sulianik suliarinnittumit inatsisilerituujusumit paasissutissiissutigineqartoq eqqortuunersoq eqqarsaatigalugu paarsaqarnerup unitsinneqarnissaanik meeqqallu angajoqqaarsianut allanut nuutsinneqarnissaanik aalajangiinerput A-p nuliatalu Isumaginninnermi Naammagittaalliuteqartarfimmut naammagittaalliutigisinnaanngilaat, tassami taamatut nuutsisineq angajoqqaarsiat akuersiteqqaarnagit kommuni sukkulluunniit iliuuserisinnaasaatut ilumut isigineqareermat. Isumaginninnermilli ingerlatsiviup aalajangiinera A-p isumaginninnermi ataatsimiititaliamut naammagittaalliutigisinnaavaa, taamaaliorsimagunarlunilumi 14.01.2004-mi saaffiginninnermigut. Aammattaaq isumaginninnermik ingerlatsivik Inatsisartut Ombudsmandiannut soorunalimi naammagittaalliutigisinnaavaa." (Atorfeqarfimmi nutsigaavoq)

A uannut tamatuma kingornatigut naammagittaalliorpoq.

Kommunimut 12. marts 2004-mi imatut allappunga:

"A-p naammagittaalliutaanik Ombudsmandi tigusaqarsimavoq.

Naammagittaalliut imatut paasivara A-p meeqqamut P-mik atilimmut, A-p ilaqtanaanut paarisassanngorlugi inissinneqarsimasumut, tunngatillugu K Kommuni tungaanit suliamik suliarinninneq naammagittaalliutiginiaraa.

Taamaattumik kommuni naammagittaalliut pillugu oqaaseqaateqaqqullugu qinnuigaara.

Aammattaaq kommuni qinnuigaara suliami mappimik mappinilluunniit P-mut tunngasumik suliap suliarineqarfigisimasaanik atukkiusseqqullugu.

Naammagittaalliortoq allakkat uku assilinerinik nassinneqarnermigut matuma qulaani oqaatigineqartut pillugit ilisimatinnearpoq."

Kommuni akissuteqarnissaanik allakkatigut 19. april 2004-meersutigut eqqaasippara.

Kommunip allakkatigut 26. april 2004-meersutigut imatut akivaanga:

"Matumuuna allakkatigut nassiunneqarput suliamut J.Nr. ... –mut tunngatillugu paasissutissat.

Allakkatigut nassiunneqartut suliamut tunngatillugu paasissutissat annertunerusut nassiunneqanngillat, pissutigalugu naammagittaalliutip imarisai saaffiginnissuteqarnissinni ersarissarneqanngimmata, allakkatigut nassiunneqartut naammaginngikkussigit naammagittaalliutaasimasut ersarissarneqarnissaat kissaatigineqarpoq.

Ilanngullugu ilisimatitsissutigissavarput naammagittaalliutaasimasut ersarissarneqarsimasuuppata paasissutissat allat nassiunneqarsinnaalissamata."

A-p saaffiginnissutaa imaattoq 8. juni 2004-mi tiguara:

"Inatsisartut Ombudsmandiannut 6/6-04 imatut allappunga:

Naammagittaalliutiga siullesq P-mik arsaagaasimanerput pillugu novemberip 4-niit qaammatit pingasut qaangiuppata nalilernerqartussaagaluaq suli tusagaqannginnatta naammagittaalliuteqaqqippunga.

Påskimi pinsikkunnilu nereqatigiinnitsinni aggequsaanngittuaannarpoq, aqqusinermi naapikkaangatsigu qaqugu angerlarnissani apeqqutigiuannarpaa, tamanna uatsinnut toqqissisimananngilaq.

P-mik arsaagaanitsinni tunngasut suli manna tikillugu pappiaqqanik takusaqanngilagut, suna tamarmi oqaasiinnakkut ingerlanneqarnikuugami, atsiortinneqannginnattaluunniit, atsiornissarput pisariaqarsimannginnerluni?

Utertinnissaa kissaatigigaluarparput, neriullunga tusarneqarumaarlunga."

Kommunimut 17. juni 2004-mi imatut allappunga:

"A-p naammagittaalliutaa matumuuna uterfigaara.

./. Naammagittaalliutaaqqaartup kiisalu allakkat itisilerutaasut 7. juni 2004-meersut assilineri ilanngullugit nassiuppakka.

Naammagittaalliut imatut paasivara meeqqap A-p ilaqaataa paarsarisimasaata inissinneqarfiata allannortinneqarneranik kommunip aalajangiineranut atatillugu K Kommunip suliamik suliarinninnera A-p naammagittaalliutiginiaraa.

Naammagittaalliut suliarilerniarlugu Ombudsmandi massakkut aalajangerpoq –siullermik makku pingaartillugit isiginiarlugit:

1.

Meeqqamut iluaqutaanerususaaq inissiiviup allannortinneqarneranik aalajangiinnermit allaasumik aalajangiinnikkut isumagineqarsinnaanersoq kommunip qanoq annertutigisumik isumaliutersuutigisimavaa?

Matumani meeqqanik inuusuttunillu ikiorsiisarneq pillugu Inatsisartut peqqussutaanni nr. 1-imi, 15. april 2003-meersumi § 32, imm. 1 innersuussutigaa:

”Inissiinerup atuunnerani kommunalbestyrelsip inissiivimmik attaveqarnermigut meeqqamut tunngassuteqartut malinnaavigissavai aammalu inissiiviup, katsorsaa-nerup assigisaasaluunniit allannorgonissaa[nnik] pisariaqarpat aalajangiissalluni.”

2.

Meeqqap paarsarineqartup inissinneqarfianik allannguinnissaq pillugu kommunip isumaliutersuuteqarnerani A-p ilaqtai qanoq annertutigisumik peqataatinneqarsi-mappat?

Taamaattumik kommuni qinnuigaara naammagittaalliut pillugu oqaaseqaate-qaqqullugu.

Aammattaaq kommuni qinnuigaara kommunip suliamik suliarinninnerata inger-lasimanera allaasereqqullugu, matumani suliami iliuuserineqartut ilaqtariinnut qa-noq annertutigisumik ilisimatitsissutigineqarsimanerat ilanngullugu eqqarsaatigalu-gu.

Kiisalu kommuni qinnuigaara kommunip mappiutaa suliami allagaatinik imalik atukkiuteqqullugu.

Naammagittaalliortoq allakkat uku assilinerinik nassinneqarnermigut qulaani taa-neqartunik ilisimatinneqarpoq."

Kommuni akissuteqarnissaanik 2. august 2004-mi eqqaasippara.

Allakkat 6. september 2004-meersut suliami allagaatinik arlalinnik ila-qartinneqartut kommunip uannut nassiuppai:

"Matumuuna suliamut ...-mut tunngatillugu paasissutissat piumasarisimasasi nas-siunneqarput.

Allakkanut ilanngullugu ilisimatitsissutigissavarput allakkassinni ulloqartuni 02.08.04 naammagittaalliuteqarsimasoq A meeraanngimmat meerarlu tassaammat P.

Pappiaqqanut paasissutissanut amingaateqarussi allakkatigut attaveqaqqikku-maarpusi."

Kommunimut 13. oktober 2004-mi imatut allappunga:

"P-p, inuttut normua ..., inissinneqarfigisaata allannortinneranut tunngasumik suliami kommunip allagaatai 14. september 2004-mi tiguakka.

Maanna kommuni qinnuigaara P-mik paaqqinninnerup angajoqqaarsianut allanut tunniunneqarnissaanik kommunip aalajangiinninnerani kommuni A-mik suliami illua'tungiusutut tusarniaaviginnissimanersoq nassuiaateqarfigeqqullugu, taamaas-simappallu illua'tungiusumik tusarniaanermut uppernarsaat nassiateqquneqarpoq.

Kommunip suliami allagaataani erserpoq A-kkut 4. september 2003-mi ataatsi-miinnermi ilisimatinneqarsimasut suliaq allanut tunniunneqartoq, kommunilu qin-nuigaara tamanna sioqqullugu kommunip – oqaasiinnartigut allakkatigulluunniit – A-kkut aalajangermissamik eqqarsaat pillugu ilisimatissimanerai aalajangernermullu tunngavigisap oqaaseqarfiginissaanut periarfissillugit.

Kommunilu aamma qinnuigineqarpoq paaqqinninnerup ilaqtariinnut allanut tunniunniarlugu kommunip aalajangernera A-mut allakkatigut nalunaarutigineqarsi-manersoq taamaassimappallu taamatuttaaq kommuni qinnuigineqarpoq aalajanger-nerup assilineranik nasseqqullunga.

Kiisalu kommuni qinnuigineqarpoq A-kkut P-mut angajoqqaarsiannngortinneqarnerat pillugu aamma paarsinermut akissarsiaqartinneqarnissaannik aalajangernerit pigineqartut assilinerinik nasseqqullunga."

Kommuni akissuteqarnissaanik allakkatigut 16. december 2004-meersutigit aamma 12. juni 2005-imeersutigit eqqaasippara.

Akissummik tigusaqanngiinnarama kommunimut 28. september 2005-imi imatut allappunga:

"Allakkani 13. oktober 2004-meersuni kommuni qinnuigaara ataani pineqartoq pillugu nassuiaateqaqquillugu,

"Maanna kommuni qinnuigaara P-mik paaqqinninnerup angajoqqaarsianut allanut tunniunneqarnissaanik kommunip aalajangiinnnginnerani kommuni A-mik suliammi illua'tungiusutut tusarniaaviginnissimansoq nassuiaateqarfigeqqullugu, taamaassimappallu illua'tungiusumik tusarniaanermut uppersaat nassiateqquneqarpoq."

Aamma

"ataatsimiinnermi ilisimatinneqarsimasut suliaq allanut tunniunneqartoq, kommunilu qinnuigaara tamanna sioqqullugu kommunip – oqaasiinnartigit allakkatigulluunniit – A-kkut aalajangerinissamik eqqarsaat pillugu ilisimatissimanerai aalajangernermullu tunngavigisap oqaaseqarfiginissaanut periarfissillugit."

Aamma kommuni qinnuigaara ilisimatitsissutigeqqullugu,

"Kommunilu aamma qinnuigineqarpoq paaqqinninnerup ilaqutariinnut allanut tunniunnarlugu kommunip aalajangernera A-mut allakkatigut nalunaarutigineqarsimansoq taamaassimappallu taamatuttaaq kommuni qinnuigineqarpoq aalajangernerup assilineranik nasseqqullunga."

Kiisalu kommuni qinnuigaara,

"Kiisalu kommuni qinnuigineqarpoq A-kkut P-mut angajoqqaarsiannngortinneqarnerat pillugu aamma paarsinermut akissarsiaqartinneqarnissaannik aalajangernerit pigineqartut assilinerinik nasseqqullunga"

Allakkani 16. december 2004-meersuni kommuni akissuteqarnissaanik eqqaasippara.

Allakkani 12. juli 2005-imeersuni kommuni akissuteqarnissaanik eqqaaseqqippara.

Kommunimit suli tusagaqanngilanga taamaattumillu saaffiginnissutinnut kommuni akissuteqarnissaanik eqqaaseqqippara.

Malugequara Inatsisartut Ombudsmandiat pillugu Inatsisartut inatsisaanni § 7-imi, imm. 1-imi ima allassimasoqarmat:

„Oqartussat pisussaapput Ombudsmandi paasissutissanik nalunaarfigissallugu aammalu uppersaatinik allattaavinnillu atorfini naapertorlugi piumasarsaanik saqqummiussiffigissallugu.“



Kommunimit akissutisinnikkuma Inatsisartunit peqquneqarnittut suliassaq K Kommunimut tunngasoq Ombudsmandip sularisinnaangilaa.

Tassa imaappoq pissutsit pillugit Ombudsmandi Inatsisartunut ilisimatitsissuteqartariaqassasoq, soorluttaaq aamma peqatigitillugu Ombudsmandimut kommuni akissuteqarnissaminut pisussaaitaaffimminik malinninngitsaq kommunit nakkutiliisoqarfiannut siunnersuisoqatigiinnut ilisimatitsissuteqarnissaq naatsorsuutigineqartariaqartoq.

Taamaattumik allakkanit 13. oktober 2004-meersunit qinnuiginnissutinut issuakkannut qulaani taaneqartunut piaarnerpaamik kommunip akissuteqarnissaa naatsorsuutigaara."

Qulaani taaneqartut kommunimut allakkani 7. december 2005-imeersuni qalleqqillugit oqaatigaakka.

Inatsisartut aamma Naalakkersuisut allakkatigut 10. april 2006-imeersutigut nalunaarfigaakka saaffiginnissutikka kommunip akineq ajorai.

Kommuni e-mailikkut nassiussakkut 19. april 2006-imeersukkut imatut akivoq:

"A-p K Kommuni pillugu naammagittaalliuutaani pillugu Inatsisartut Ombudsmandiata Kalaallit Nunaanni Naalakkersuisunut allagaasa 10.-04.2006-imeersut asilinerat ataatigut atsiorup tiguua.

Ombudsmandimut allakkakka 14.09.2004-meersut (ataani ilanngussatut) nassiu-teqqippakka. Suliaq taanna pillugu mappini allagaatinik suliamut tunngasunik imalinni allagaatinik suliamut attuumassuteqartunik nassiunneqareersimasut saniatigut allanik peqarsorinngilaq, taamaattumillu kommuni Ombudsmandimut amerlane-rusunik nassiussisinnaangilaq. Iisimasakka malillugit meerarsiaq taanna angajoqqaarsiani taakkunani 1996-97-imi inissinneqarsimavoq, angajoqqaarsiallu meeqqamut tassunga marloriaatinik paaqqinninersiutisarsimallutik, meeqqap november 2003-mi nuutsinneqarnerata tungaanut.

Tikkuarlugu oqaatiginiarpara suliame tassani nutaamik allannguutit Ombudsmandip illoqarfimmut K-mut misissuiartorluni siorna tikeraarnerani Ombudsmandimillu 08.09.2005-imi nal. 11.15 ataatsimeeqateqarninni oqaloqatiginnissutiginiarsimagaluariga. Eqqaamasinnaasakka malillugit Ombudsmandip suliaq piffissap tamatuma nalaani soqutigisimangilaa.

Isumaginninnermik ingerlatsiviup isumaa unaavoq naammagittaalliuut qulaani taaneqartoq nukinginnartutut isigisariaaruttoq, tassami A-kkut angajoqqaarsiaanisa-mut naleqquttutut massakkut isigineqarsinnaaganngimmata. Inooqatigiinnerat 2005-imi martsip aallartinneranili kipsisimavoq, aappariinnermi ajornartorsiutit sak-kortoqisut, ataatarsiaasup imigassamik ajornartorsiutai annersaaniartarneralu pissu-taagunarlutik. Nalunngisakka malillugit isumaginninnermik ingerlatsiviup sulisuisa oqartussaasullu assigiinngitsunik suliallit suleqatigiiffianni suleqatitta meerarsiap taassuma angajoqqaarsiani taakkunani atugarliornera 2003 sioqquteqaluguli equ-maffigisimavaat, meerarli ikiorniarlugu qanoq iliornissartik immaqa ilisimalluarsi-managu. Ingerlatsivik aatsaat oktober/november 2003-mi aalajangerpoq meeqqap soqutigisai aallaavigalugit iliuuseqarniarluni. Meerarsiaq taanna 2004-mi aprilip aallartinneraniit ...-mi meeqqat najugaqatigiiffiannut inissinneqarsimavoq (kom-munip meeqqanik inuusuttunillu ulloq unnuarlu paaqqinniffiani), suliamillu ilisima-saqartut akornanni isuma siammarsimasoq unaavoq meeraq angajoqqaarsiani pine-qartuniikkallarnerminut massakkut atugarissaarnerujussusoq (paaqqinniffik qinnui-gisinnaavara meeqqap killiffia pillugu nalunaarusiamik nassiusseqqullugu, tamanna

Ombudsmandip kissaatigippagu). Nalunngisagut malillugit A-kkut meeqqamut 2005-ip aallartinneranit sukkut tamaanaanaq attaveqartarsimapput.

Suliaq taanna pillugu pisortatigoortumik piumasaqaatit assigiinngitsut K Kommunip arajutsisimappagit tamanna assut ajuusaarutigaa. Ombudsmandip oqaaseqaatai tusaatissatut tiguakka, suliamilu tassani suliap amigaateqartumik suliarineqarnerisimaneranut pingaarnerusutigut akisussaaffik tamaat tigullugu. Ombudsmandip Naalakkersuisulluunniit isornartorsiuumaarnissaat utaqqimaarpara. Taamaatorli tamatumunnga peqatigitillugu tikkuarniarpara meersiap nuutsinneqarnissaa-nik aalajangiinini illoqarfimmi K-mi isumaginninnermik ingerlatsiviup allannortinniannikkaa, suliamilu tassani suliamik suliarinneq inaarlugu suliarineqarsimasutut isigalugu." (Atorfeqarfimmi nutsigaavoq)

Kommunip allagaasa 14. september 2004-meersut imaattut siusinnerusukkut tigusimanngisama assilinerat kommunip akissutaanut ilanngunneqarsimavoq:

"A-p ilaqaataa paarsarisimasaata inissinneqarfiata allannortinneqarneranik kommunip aalajangiineranut atatillugu K Kommunip suliamik suliarinninnera A-p naammagittaalliutaa" tunngavigalugu Ombudsmandip allagaanut 17.06.2004-meersunut qujavunga. Taama kingusitsigisukkut akissuteqarnera tamatumunnga peqatigitillugu ajuusaarutigaa.

Suliaq pineqartoq pillugu kommunip mappiutaa suliami allagaatinik imalik ilanngullugu nassiuppara, taamatuttaarlu 2003-mi septemberip aallartinneranit 2003-mi novemberip naaneranut nammineq atugassatut allattukkakka suliamut attuumassuteqarsinnaasut nassiullugit. Allattukkat taakku "Isumaginninnermik ingerlatsiviup pi-sortaata ullorsiuata"-neersuupput, K Kommunimi 01.01.2003-mi atorfinitsinneqaramali ingerlassimasannit. Allattukkat ilaanni Ombudsmandimut ilisimatitsissutitut inuit taaneqartut aqqi tamakkerlugit atorfiisalu taaguutaat ilannguttarsimavakka. Allattukkat isummamikkut oqaaseqatigiiliorneqarnermikkullu kukkuneqarsimappata tamanna ajuusaarutigisorujussuara.

Tikkuarlugu oqaatiginiarpara uanga K Kommunimi isumaginninnermi ataatsimiititaliamut allatsitut suliap ingerlanera isumaginninnermi ataatsimiititaliamut soorunalimi ilisimatitsissutigisimagia.

Aammattaq Ombudsmandimut malugeqqullugu oqaatiginiarpara meeraq P (...) A-p paarsarisimasaa meeqqat najugaqatigiiffiannut kommunip meeqqanik inuusuttunillu ulloq unnuarlugu paaqqinniffiutigisaanut 13.01.2004-mi nuutsinneqarsimammatt, taannalu perorsaanermik ilinniagaqarsimasunik sulisoqarluni katsorsavittut ilinniarsimasunit aquanneqarpoq.

Isumaginninnermi ingerlatsivik naliliivoq P ilaqutariinni A-kkunni paarsarinearqarluni inissisimanermi atugaqarnerminut pitsaanerujussuarmik massakut inissinneqarfisimasamini atugaqarmat. Naliliineq taanna A-p ilaqaataasalu inissiiviusut isornartorsiorneqarnerattut isigineqassanngilaq, taamaallaalli meeqqap meeqqanik inuusuttunillu ikorsisarneq pillugu Inatsisartut peqqussutaanni nr. 1-imi, 15. april 2003-meersumi § 9, imm. 2-mi pkt. 10 tunngavigalugu ikorsiiinummi allamik immikkut pisariaqartitaminut pitsaanerumik matussusiinnaasumik atorfissaqartitsisimaneratut, taamaattumillu isumaginninnermik ingerlatsiviup peqqussummi tassani § 31, imm. 1 tunngavigalugu iliuuseqarsimaneratut paasineqassalluni.

Qulaani taaneqartut pissutigalugit uanga K Kommunimi isumaginninnermik ingerlatsivimmi pisortatut meeqqap A-mut utertinneqarnissaa isumaliutersuutigisinaanngilara, naak ingerlatsiviup tungaanit Inatsisartut peqqussutaanni tassani § 32,

imm. 1 tunnngavigalugu siusinnerusukkut suliarinninnermi iliuuserineqarsimasut ami-gaateqaraluartut.

Uanga isumaga unaavoq inissiivimmik allannortitsineq Inatsisartut peqqussu-taanni qulaani taaneqartumi § 1, imm. 1-ikkut aalajangersakkamut massakkut atane-qartinneqarsinnaasussaangitsoq, tassa imaappoq taamatut allannguinnermi siusinne-rusukkut angajoqqaarsiaasut pisariaqartitaat, imaangitsoq meeqqap pisariaqartitai, aallaavigineqarsimassagaluartut." (Atorfeqarfimmi nutsigaavoq)

Kommunip isumaginninnermik ingerlatsiviani pisortaq oqarasuaatikkut 14. juni 2006-imi qinnuigaara A-kkut angajoqqaarsiatut atorfinitsinneqar-nerat pillugu suliami allagaatit pigineqartut assilineri uannut nassiteqqul-lugit.

Kommunip ulloq taanna e-mailikkut nassiussakkut imatut akivaanga:

"Oqarasuaatikkut ullumi oqaloqatigiinneq innersuussutigalugu (ataani ilanngus-satut) allagaatit arlallit nassiuppakka, neriuppungalu taakku tunuliaqutaasunik ilisi-masatut P-p (...) angajoqqaarsianut allanut nuutsinneqarnissaanik isumaginninner-mik ingerlatsiviup 2002-mi novemberip aallartinnerani aalajangiinneranik A-p naam-magittaalliuutaanik Ombudsmandip naliliinerani atorneqarsinnaasasut. Ataqati-giinneqarnermi tassani pingaartumik manna tikkuarniarpara, tassalu allakkanik 08.09.2003-meersunik (allakkat taakku ataani ilanngunneqarput) allattusup kinaas-sutsimi isertuunneqarnissaa isumaginninnermik ingerlatsivimmut qinnutigisima-gaa." (Atorfeqarfimmi nutsigaavoq)

Suliami allagaatinut kommunip uannut nassiussaanut ilaavoq paarsaqar-nissaq pillugu isumaqatigiissut 23. juni 1997-imeersoq iliuusissanut piler-saarusiaq paarsaqarnerup pilersinneqarneranut atatillugu suliarineqarsima-soq, taamatutaaq qulaani issuarneqartoq.

Isumaginninnermi ataatsimiititaliap allakkiaa 19. januar 2004-meersoq, qulaani issuarneqartoq, siusinnerusukkut tigusimanngisara 4. juli 2006-imi pissarsiariniarsimavara.

*Tamatuma kingornatigut imaattunik oqaaseqaateqarpunga, uangalu nammineq suliamik suliarinninnerma sivitsoruttoornera aallaqqaasiulluguajuusaarutigaa:*

*"Misissuinnerma annertussusia.*

*Misissuinnini apequtit makku ilaatinneqarsimapput:*

- *meeqqamut iluaqutaanerpaasussap inissiivimmik allannortitsinnermit allaasunik aalajangiinikkut isumagineqarsinnaanera kommunip qanoq annertutigisumik isumaliutersuutigisimanageraa, tak. meeqqanik inuusut-tunillu ikiorsiisarneq pillugu Inatsisartut peqqussutaanni nr. 1-imi, 15. april 2003-meersumi § 32, imm. 1 imaattunik oqaasertaqartoq:*

*"Inissiinerup atuunnerani kommunalbestyrelsip inissiivimmik attaveqarnermigut meeqqamut tunngassuteqartut malinnaavigissavai aammalu inissiiviup, katsorsaanerup assigisaasaluunniit allanngornissaa pisariaqarpat aalajangiissalluni."*

- *kommunip suliamik misissuina,*
- *P-mik paarsaqarnermik suliassap angajoqqaarsianut allanut suliassanngortinneqarnissaanik kommunip aalajangiinninnerani A-p suliami illua'tungiusutut isumaannik kommunip tusarniaavigisimanerai.*

*Kommunip meeqqanik inuusuttunillu ikiorsiisarneq pillugu Inatsisartut peqqussutaanni § 32, imm. 1-imik atuinera.*

*Suliami paasissutissiissutigineqartut malillugit P-p inissinneqarfiata allannngortinnissaanik kommunip aalajangiinera allaffissornikkut naliliinermik aallaaveqartoq meeqqanik inuusuttunillu ikiorsiisarneq pillugu Inatsisartut peqqussutaanni § 31, imm. 1 aamma § 32, imm. 1 malillugit kommunip suliarisimasaa tunngavilersuutigaara.*

*Naliliineq tamanna misilissinnaanngisannik aalajangersimasumik, tasunga ilanngullugu uppernarsaatitigut naliliinermik tunngaveqarmat, meeqqap pisariaqartitaasa naammassineqarnissaannut inissinneqarfiata nutaap pitsaaneruneranik tunngaveqarluni meeqqap inissinneqarfiata allannngortinneqarnissaa pillugu kommunip aalajangiinerata isornartorsionnissaanut tunngavissaqaangilanga.*

*P-p inissinneqarfiata allannngortinneqarnissaa pillugu aalajangiinissaq sioqqullugu kommunip suliamik misissuina.*

*Suliami paasissutissiissutigineqartunit erserpoq meeqqap inissinneqarfianik allannngortitsinissamik kommunip aalajangiinera A-kkut suliassamut naleqquttuunngitsutut kommunip isiginninneranik annertuumik tunngaveqartoq, tamannalu kommunip paasissutissiissutigineqartut malillugit isumaginninnermik ingerlatsivimmut nalunaarutiginninneq aamma angajoqqaarsiat angerlarsimaffiannut pulaarsimanermik kommunip tunngavilersorsimavaa.*

*Uanga paasinninnera unaavoq kommuni paarsaqarnermik suliassamik naammaginangitsumik isumaginninneq pillugu nalunaarutiginninnermik tigusaqarpat paasissutissat pineqartut kommunip misissortariaqarai, paasissutissat taakku misilinneqanngitsut tunngaviutiinnarnagit.*

*Paasissutissiissutinit pigineqartunit ersinnigilaq angajoqqaarsiaasunik 4. november 2003-mi ataatsimeeqateqarnissaq sioqqullugu assersuutigalugu angerlarsimaffimmuut pulaarnermikkut imaluunniit allatut angajoqqaarsiaasanut attaveqarnermikkut nalunaarutigineqartunik ingerlatsiviup tigusaanik kommuni misissuiniarsimanersaq pingaartumik atuarfiup nalu-*

naarutaanik, takuuk allakkiaq 26. november 2002-meersoq aamma isumaginninnermik ingerlatsiviup allakkiai 2003-mi septemberimeersut.

Tamanna pitsaanningsutut isigaara, tassami meeqqap inissinneqarfianik allannortitsinissamik kommunip aalajangiinera sioqqullugu suliamik paasissutissartalersuineq sukumiisuunningsutut isikkoqarmat.

Angajoqqaarsialli aallaavittut meeqqap inissinneqarfia pillugu apeqqummi suliami illua'tungiusutut inissisimannginnerat isiginiarlugu taanna eqqarsaatigalugu annertunerusumik iliuseqaqqissanngilanga.

P-mik paarsaqarnermik suliassap angajoqqaarsianut allanut suliassanngortinneqarnissaanik kommunip aalajangiinnnginnerani A-kkut suliami illua'tungiusutut isumaannik kommunip tusarniaavigisimanerai.

Misissuinerup ilaa taanna meeqqanik inuusuttunillu ikiorsiisarneq pillugu Inatsisartut peqqussutaannit allaasumik tunngaveqarluni A-kkut P-mik paarsaqarnermik suliassamik arsaarneqarnerat sioqqullugu suliami illua'tungiusutut isumaannik tusarniaaviginissaannut kommunip pisussaaf-feqarsimanagera pillugu apeqqummut tunngasuvoq.

Kommunip isumaqatigiissutikkut 23. juni 1997-imeersukkut qulaani isuarneqartukkut P-mut kommunimut angerlarsimaffiup avataanut inissinneqarsimasumut angajoqqaarsiassatut A-kkut atorfinitsippai. Tamatumunnga atatillugu paaqqinninnersiutit qaammammut 3.233 kr.-iussasut aalajangersarneqarpoq.

Kommunip allakkiaanit 3. december 1999-imeersumit erserpoq paarsinnermik suliassaq immikkut piumasagaateqarfiusoq, kommunillu isumaliutersuutigaa A paaqqinninnersiutinik 200 pct.-inik qaffatanik neqeroorfiginiarlugu, A piffissaq tamaat paarsinnermik suliassamik tiguspapat.

Isumaginninnermik ingerlatsiviup pisortaata isumaginninnermi ataatsimiititaliap siulittaasuanut allakkiaanit 22. januar 2004-meersumit erserpoq angajoqqaarsiat paaqqinninnersiutinik qaammammut 6.500 kr.-sisartut.

Meeqqanik inuusuttunillu ikiorsiisarneq pillugu Inatsisartut peqqussutaanni § 21-mit makku erserput:

"§ 21. Ilaqutariit paarsisussat paarsinnermi suliassamik sukumiisumik ilitsersorneqartussaapput. Ilaqutariit inuusutissarsiuutigalugu aamma nalinginnaasumik paarsisussat angerlarsimaffiup avataanut inissiinnermi iliuisissanik pilersaarummik tunngaviusumik peqassapput. Taamatullu sulinnermi atugassarititaasut akiliuteqarnissarlugu pillugit ilaqutariit paarsisussat kommunalbestyrelsip isumaqatigiissusiorfigissallugit. Ilaqutariit paarsisussat pikkorissarnissamik ingerlaavartumillu nukit-torsarneqarnissamik neqeroorfigineqarsinnaapput.

Imm. 2. Ilaqutariit paarsisussat sulineranni pissutsit, aningaasarsiaqarnerat paaqqinninnersiuteqarnerallu pillugit Naalakkersuisut aalajangersaassapput."

Peqqussutissatut siunnersuummi aalajangersagaq taanna pillugu oqaa-seqaatinit ilaatigut makku erserput:

"Angajoqqaarsianik nalinginnaasumik ilaqutariinnik paarsisartunik aamma inuussutissarsiutigalugu paarsisartunik kommuni atorfinitsitsisuussaaq. Taamatullu angajoqqaarsiat inuussutissarsiutigalugu paarsisartussatut piukkunneqartut pisari-aqartumik pikkorissarnissaannik neqerooruteqarnissamik kommuni akisussaasuvooq. Pisortaqarfiulli akisussaaffigaa inuussutissarsiutigalugu paarsisartunut pikkorissaanernik naleqquttunik peqarnissaa.

Ilaqutariit inuussutissarsiutigalugu paarsisartut pillugit aalajangersakkat nutaa-jupput, taamaattumillu suliassamut tassunga akissaateqartitsinissaaq aalajangersarneqartussaavoq, tassaasinnaalluni nalinginnaasumik sulinikkut aningaasarsiaqarnermut nallersuussinnaasoq. Siunertaavoq ilaqutariit inuussutissarsiutigalugu paarsisartut inuussutissarsiornermi allanik isertitaqarnissamik pisariaqartitsinnginnissaat taarsiullugulu angerlarsimaannarnissaat meeqqamut inissinneqartumut sumiginnagaasimasumut artorsaateqartumullu piareersimajuarlutik.

Inuussutissarsiutigalugu paarsisartunut atorfeqarnermi atugassarititaasut pillugit erseqqinnerusunik aalajangersaanissamik imm. 2-imi Nalakkersuisut pisinnaatinneqarput. Pisinnaatitaaneq taanna nalunaarusiornikkut atorneqassaaq, tassani angajoqqaarsiat ataasiakkaat qanoq piumasaqarfigineqarnissaat pillugu nalinginnaasumik atugassarititaasut aalajangersarneqassallutik."

Naalakkersuisut meeqqanik inuusuttunillu ikiorsiisarneq pillugu nalunaarutaanni nr. 17-imi, 1. juli 2003-meersumi, ilaatigut meeqqanik inuusuttunillu ikiorsiisarneq pillugu Inatsisartut peqqussutaanni § 21, imm. 2 tunngavigalugu, makku aalajangersarsimavaat:

"§ 13. Meeqqap inuusuttulluunniit ilaqutariinnut inuussutissarsiutigalugu paarsisartunut inissinneqarnerani paarsinissamut isumaqatigiissusiortoqassaaq, tassani paarsinermi pissutsit pillugit piumasaqaatit isumaqatigiissutaasut ersersinneqassallutik. Tamatuma saniatigut iliuusissanik pilersaarussiaq meeqqap inuusuttulluunniit ilaqutariinnut paarsisartunut inissinneqarnerani siunertanik imalik allaganngorlugu ilaqutariinnut paarsisussanut tunniunneqassaaq.

§ 14. Ilaqutariinnut inuussutissarsiutigalugu paarsisartunut aningaasarsiat atorfininnermilu pissutsit allat kattuffimmut naleqquttumut isumaqatiginninniansinnaatitaasumut isumaqatigiissutit malillugit aalajangersarneqassapput.

Imm. 2. Angajoqqaarsianut nalinginnaasunut paaqqinninnerstiutit qaammammut kingumoorumik tunniunneqassapput. Paaqqinninnerstiutit angajoqqaarsiaasunut akissarsiasatut taamaallaat eqqarsaataapput meeqqap inuusuttulluunniit pilersorneranut atugassaanatik. Paaqqinninnerstiutit annertussusaat aningaasat isumagininnikkut tunniunneqartartut atuuttut pillugit Ilaqutariinnermut Pisortaqarfiup kaajallaasitaani nalunaarutigineqartarpoq.

§ 15. Perorsaanissaaq isumassuinissarlugu eqqarsaatigalugit angajoqqaarsiat imikkut itumik sulinituteqarnissaat piumasaqaataappat akissarsiasat 50%-imik imaluunniit 100%-imik kommunalbestyrelsip qaffassinnaavai.

Imm. 2. ..."

Vestre Landsret-ip eqqartuussutaani Ugeskrift for Retsvæsenimi issuarneqartumi ima inerniliisoqarpoq tassalu paarsaqarnissamik isumaqatigiisummik atorunnaarsitsineq paarsaqarnerup pissusaanik, paaqqinninnerstiutit annertussusaannik aamma paarsaqarnerup ingerlanerani kommunip peqqussutaanik naliliineq aallaavigalugu suliamut matumunnga assingusumi malittarisassat pisortani atorfilinnik soraarsitsinermi atuuttut malil-



lugit pingaartumik ilaqutariit paarsaqartut illua'tungiusutut tusarniarneqarnissaat eqqarsaatigalugu suliaq suliarisariaqartoq.

Tamanna tunngavigalugu naliliivunga meeqqanik inuusuttunillu ikior-siisarneq pillugu Inatsisartut peqqussutaat malillugu ilaqutariinnik paarsaqartussanik atorfinitsitsineq angajoqqaarsianik soraarsitsinermi suliamik suliarinninneq pillugu apeqqummut atatillugu kommunimi allatut atorfinitsitsinernut naligitinneqartariaqartoq.

Tamanna pinngitsoorani atuutissaaq akissarsiutigalugu paarsineq pineqarpat imaluunniit paarsaqarneq ima annertutigippat angajoqqaarsiaasut ulloq naallugu suliffeqarsinnaanatik paaqqinninneriutillu angajoqqaarsianut akissarsiarititatut naatsorsuussaappata. Tamatuma saniatigut paaqqinninnerup nalaani kommunip ilitsersuisussaatitaanerata pisussaaffiisalu allat annertussusiat isiginiartariaqarpoq.

Suliami paasissutissani pigineqartuni pissutsit tamakku paarsaqarnerup atorfeqarnermut sanilliunneqarsimasinnaanerata oqaaseqarfiginissaanut tunngavissatut pisariaqartinneqartut ilisimatitsissutigineqarnerat annikip-pallaarput.

Erseqqissumik oqaatigaara angajoqqaarsiaasut aappaata angerlarsimaannarnissaanik pisariaqartitsineq pillugu kommunip isumaliutersuutai pillugit ingerlatsiviup allakkiaani 3. december 1999-imeersumi ilisimatitsissutigineqartut tamatuma kingornatigut suliami allagaatini erseqqissarneqarsimanngitsoq.

Aamma suliami uppernarsaatit A-kkut paaqqinninnerat pillugu kommunip ilitsersuina nakkutilliineralu killeqartutut isikkoqarpoq.

Taamaattumik isumaqarpunga pisortani atorfilinnik soraarsitsisarneq pillugu malittarisassat malillugit paarsaqarnermik isumaqatigiisummik atorunnaarsitsinermi angajoqqaarsiat illua'tungiusutut isumaannik tusarniarneqarnissaat piumasqaataasimanersoq oqaaseqarfiginiarnagu.

Taamaattorli ingerlatsinermi oqartussaasut qanoq iliuuseqarnissamik pilersaarusiunnginnerminni, soorlu innuttaasunik ilungersuuteqartutut imaluunniit akuliuffigineqartutut isigineqartunik sapinngisamik innuttaasut pineqartut qanoq iliuuseqarnissamik pilersaaruteqarneq pillugu oqaaseqartitsinissamik periarfissiineq pillugu tamatigut malitseqartitsineq ingerlatsinermi pissuserissaarneruvoq.

Pisumi matumanisut pissutsit kommunip angajoqqaarsianut pisuutitsisutai pissutigalugit paarsaqarnermik atorunnaarsitsinissamik kommunip suliniuteqarnermini P-mik paarsaqarnerup taamaatinnissaanik kommunip eqqarsaatersuutaanut A-kkut kommunimit oqaaseqartinneqarsimagaluar-pata tamanna innimittarnerullunilu ingerlatsinermi pissuserissaarnermut naapertuulluarnerusimassagaluarpoq.

#### Naggasiutaasumik oqaaseqaatikka.

Maluginiarpara kommunip akisummini 14. juni 2006-imeersuni oqaatigigaa innuttaasoq P-p paarineqarnerani pissutsinik isorisariaqartunik a-

tuuttoqarneranik nalunaarutiginnittoq kinaassutsimi isertuunneqarnissaa-  
nik isumaginninnermik ingerlatsivimmum qinnuteqarsimasooq.

Tamanna pillugu oqaatigaara paasissutissat kommunip pisortat inger-  
latsinerat pillugu paasitinneqarsinnaatitaaneq pillugu Inatsisartut inatsi-  
saat tunngavigalugu pissarsiarisimasai imaluunniit suliassat suliarineqar-  
tarnerat pillugu inatsimmi suliami illua'tungiusunut paasissutissiisarneq  
malillugu paasissutissiisutigissallugit pisussaaffigisani pillugit kinaassut-  
simik isertuussinissaq kommunip innuttaasumut neriorsuutigisinnaanngik-  
kaa.

Tamanna innuttaasooq paasissutissat pineqartut pillugit suliami illua'tu-  
ngiusutut isumaanik tusarniaavigineqartussa qqqarsaatigalugu immikkut  
atuuppoq. Paasissutissat ingerlatsinermi aalajangiinernut paasissutissani  
pineqartumut akornusiisunut tunngavittut atorineqartut pillugit suliami il-  
lua'tungiusup isumaanik tusarniaanissaq nalinginnaasumik pisussaaffiu-  
sussaavoq.

Isumaginninnermik ingerlatsiviup pisortaata isumaginninnermi ataatsi-  
miititaliap siulittaasuanut allakkiaanit 22. januar 2004-meersumit qulaani  
issuarneqartumit makku erserput:

"Mappi suliami allagaatinik imminut tunngasunik imalik imaluunniit mappit al-  
lagaatinik suliani nammineq illua'tungiusutut inissisimaffigisimasamini allagaati-  
nik imallit atuariartorlugit A isumaginninnermik ingerlatsivimmum saaffiginninnis-  
saminut soorunalimi tikilluaqqusaasorujussuuvooq. Tikkuarlugu oqaatiginiarpara  
tamanna A-mik oqarasuaatikkut 20.11.2003-mi nal. 13.30 oqaloqateqarninni eq-  
qaasimagiga. Oqaloqatigiinneq taanna pillugu allakkiami imaattunik allassimasoo-  
qarpoq: "A sianerpoq isumaginninnermik ingerlatsiviup siusinnerusukku aggeq-  
qusiisimani paasiniaarlugit. Oqarpunga sianerpera suliami allagaatinik paasitin-  
neqarnissamik qinnuteqarnertut paasigiga. Kaammattorpara isumaginninnermik  
ingerlatsivimmum allakkatigut saaffiginneqqullugu. Oqarpunga mappimi allagaati-  
nik imminut tunngasunik imalimmi aamma suliami illua'tungiusutut inissisimaffi-  
simasamini suliami allagaatinik imalimmi allagaatinik soorunalimi sukkulluunniit  
paasitinneqarsinnaatitaasooq. Taamaaliornissaanut qanoq pitsaanerpaamik iliorluta  
periarfississinnaaneripput paasiniaannassavarput. Taamatuttaaq isumaginnin-  
nermi ataatsimiititaliap siulittaasua pineqartup kissaatigisaanik ilisimatinniarpara,  
pineqartoq allakkatigut saaffiginnippat."

Takusinnaasakka malillugit A-p allagaatinik paasitinneqarnissamik allakkatigut  
qinnuteqaataanik ulloq manna tikillugu tigusaqarsimanngilanga. Siunnersuutigaa-  
ra A isumaginninnermi siunnersortit pisortaannut ...-mut imaluunniit fuldmægtig ...-  
mut allakkatigut saaffiginnissasooq, taakkulu allagaatinik qaqugu qanorlu iliorluni  
paasitinneqarnissani pillugu isumaqatigiissuteqarfigissagai. Allagaatit assiliner-  
neri eqqarsaatigalugit akiliutitut aalajangersakkat allattoqarfimmi pissarsiarine-  
qarsinnaasussat innersuussutigineqarput." (Atorfeqarfimmi nutsigaavoq)

Tamanna pillugu oqaatigaara suliassat suliarineqartarnerat pillugu i-  
natsimmi § 9 (suliami illua'tungiusut paasitinneqarsinnaatitaanerat pil-  
lugu aalajangersagaq) imaluunniit paasitinneqarsinnaatitaaneq pillugu  
inatsimmi § 4 (nalinginnaasumik paasitinneqarsinnaatitaaneq pillugu aa-



*lajangersagaq) paasitinneqarnissamik qinnuteqarnerup qanoq iluseqarnissaanik piunasaqaatitaqanngimmata.*

*Tamatuma nassataraa qinnuteqaatip allakkatigut oqaasiinnartigullu nassiunneqarsinnaanera, matumani oqarasuaatikkut qinnuteqarneq ilanngullugu eqqarsaatigalugu.*

*Taamaattumik paasitinneqarnissamik oqaasiinnartigut qinnuteqaatip qinnuteqaatip ilusaa innersuussutigalugu nalinginnaasumik itigartinneqarsinnaanngillat, kommunilli qinnuteqartoq innersuussinnaavaa paasitinneqarnissamik allakkatigut qinnuteqaqqullugu, tamanna immikkut pisariaqartinneqarpat, assersuutigalugu paasitinneqarnissamik qinnuteqaatip annertussusiata erseqqissarneqarnissaa pisariaqartinneqarpat, imaluunniit paasitinneqarnissamik apeqqut oqartussaasunut allanut saqqummiunneqassappat.*

*A-p paasitinneqarnissamik oqarasuaatikkut qinnuteqaataa akuerisariaqarsimanersoq paasissutissiissutigineqartut aallaavigalugit naliliiffigisinnaanngilara.*

*Misissuinerma inernera A-mut allakkatigut allatigut allakkat ukua assilinerannik ilaqartinneqartutigit ilisimatitsissutigaa.*

*Suliami allagaatit allaqqaarneqarneri kommunip uannut 6. september 2004-mi nassiussai atukkiunneqarnerat qujassutigalugu utertillugit nassiuppakka tamatumunngalu peqatigitillugu kommuni qinnuigalugu suliami allagaatit allaqqaarneqarnerisa tiguneqarnerat matumunnga malitsigitillugu allakkani ilanngunneqartuni uppersarsaqqullugu. Kommuni qinnuigaara allakkat uppersarsaatitalit uannut uterteqqullugit."*

## 21. Pisussaaffiit, pineqaatissiinerit soraarsitsinerlu

### 1. **Atorfeqartitaasup atorfeqartitaasoq alla pillugu naammagittaalliuutaanik kommunip suliarinninnera**

*Nunaqarfimmi K-mi ulluunerani paaqqinniffiup pisortaata A-p piffissaq nunaqarfiup B-p allaffiani sulisup allap A-p suliamik ingerlatsinera pillugu naammagittaalliuutaanik K Kommunip suliarinninneranut atorneqartoq B-llu naammagittaalliuutaata aki-niaaniarluni tunniunneqarsimanera Ombudsmandimut naammagittaalliuutigai.*

*Ombudsmandi siullertut isumaqarpoq B-p A pillugu naammagittaalliuutaanut tunuliaqutaasumik misissuineq Ombudsmandip sulinerata avataaniittoq. Kommunip suliamik suliarinninneranut atatillugu Ombudsmandip oqaatigaa pisortani atorfeqartitaasoq pillugu naammagittaalliuummik oqartussaasup tigusaqarnerata immi atorfeqartitaasup suliami illua'tungiusutut inissisimaler-nera nassatarinngikkaa. Ombudsmandili isumaqarpoq A-p suliamik ingerlatsinera pillugu B-p angajoqqaallu paaqqinniffimmi I-mi meeraatillit allat naammagittaalliuutaannik suliarinninnerup inernilerneqarneranik kommunip A ilisimatissimasariaqaralua-  
raa.*

*Ombudsmandi aammattaaq isumaqarpoq A-p naammagittaalliuutaa kommunip pisimasumit pilertornerusumik suliarisimasariaqaraluaaraa.*

*Ombudsmandip tamatumunnga peqatigitillugu oqaatigaa pisortani atorfeqartitaasup paasissutissanik inunnut allanut ingerlatitseqqinnera nipangiussisussaatanermik unioqqutitsinertut isigineqarsinnaanngitsoq, pisortani atorfeqartitaasoq pineqartoq paasissutissanik taakkuninnga paasitinneqarsinnaatitaasimappat.*

*Ombudsmandi isumaqarpoq B isumaginninnikkut suliami allagaatinik panimminut tunngasunik kommunip allaffianiittunik paasitinneqarsinnaatitaaneq pillugu malittarisassat aamma suliap suliarineqarnerani peqataasinnaatitaaneq pillugu malittarisassat malinnagit pissarsisimansoq kommunip erseqqinnerusumik misissorsimasariaqaraluaaraa. Ombudsmandili isumaqarpoq annertunerusumik iliuseqarnissamut pissutissaqarnani, tassami malittarisassat taakku kommunip B-mut erseqqissaatigisimammagit. (J.nr. 11.10.21.16/060-04)*

A-p naammagittaalliuutaa 24. juni 2004-meersoq imaattoq 5. juli 2004-mi tiguara:

"Saaffiginnippunga ikioqqullunga, K Kommunimut saaffiginnikkaluarama januarimili 2004 iluamik akineqannginnama ippassaq oqaloqatigisara oqarmat nasuussinnaagiga.

Ima saaffiginnissuteqarniarbunga, ukioq 2003 nunaqarfiup K-p meequeriviani pisortaatilunga soraarsitsiniartoqalerpoq, sunaaffa nunaqarfiup allaffiani pisortartaaq saginik misissuerialuni, paniminut allagaqaasiut takusimariamiuk, nammineq allagaqaasioriarluni angajoqqaat atsiorteqattaarlugit soraarsitiniarneq aallartimagu, nalussagaluarpara angajoqqaap ataatsip oqarfiginngitsuuppanga suna aallaavioq. oqarlunilu akiniaaniarluni taamaliortoq. Tassami socialsagit taama pineqartussaangillat, atuariarlugit angajoqqaarpasuarunut ingerlallugit. Tamanna pillugu Økonomiudvalginut saaffiginnissutigaluarpara kinguneqanngitsumik, allagaat ilannguppara uanga sianigisaqanngitsuga suliaq matorialuarumassuk, tassami suliaq personalechefip taavalu kommunaldirektørip ilisimalluarpaat. Januara 2004 suliakkiissutigivara maalaarama aprilimi aatsaat akineqarpunga, naluara økonomiudvalgip ataatsimiissutigisimaneraa. Allagaat uterteqqippakka taamannak suliakkiussaq matuarneqassanngimmat uanga sianigisaqavinningsunga."

Kommunip A nunaqarfimmi K-mi ulluunerani paaqqinniffimmi I-mi pisortatut 1. august 2003-mi atorfinitsippaa.

Meeqqat paaqqinniffimmiittut angajoqqaavi arlallit (matumani B ilanngullugu eqqarsaatigalugu) naammagittaalliuut imaattoq kommunimut 12. september 2003-mi nassiuppaat:

"Angajoqqaarpasuit naammagittaannarneq sapilerpugut maani nunaqarferujusuarimi meequeriviup meequerivittulli allatut ingerlanneqartariaqarpoq.

Meequerivimmuut isertitsigaani pinngitsoorani malittarisassat tunniunneqartarput, maani nunaqarfimmi K-mi meequerivimmuut isertitsigaanni malittarisassanik tunniussisoqanngisaanarpoq, tassa imaaginnarpoq meeraq iserami tassa sinnera namminneq ingerlatilissavaat.

Kiisalu erseqqittarpallaarjussuurtarpoq meeqqanik immikkoortitsineq kiap meerarineraa apeqqutaatillugu. Assersuutigalugu imaluniit piviusut taassagutsigit ningiuusup pania immikkut meeqqanut anginernut ningiuutinneqarpoq. Angajoqqaat tamatta ilisimavarput meeqqat aatsaat tallimanngornermi angerlarsimaffimmiit nasartitaasinnaasut, kisiannili taanna sukkulluuniit nassarsinnaatitaavoq.

Qaammatit tamarluinnaasa akiliisinneqartarluta meeqqatta kaatsinneqarnissaat kissaatiginngisaannarparput angajoqqaajusugut, kiisalu inuit tamatta mamarinngisagut nerinissaat ornigineq ajorparput, meeraq pinngitsaalillugu kialuunniit nerisinnavianngilaa soq ullaakorsiutit mamarinngippagit allanik tunineqarsinnaangila?? Il-lua'tungaani lu pania nammineq qanorsuaq taquaqarsinnaalluni. Sulisut allanik nerivimmuut ilisinissatik qunugivaat taakkugooq aaliangiunneqareersimasut pinngitsooratik nerisariaqarpaat. Inersimasut agguissisut kaffi thelu pisinnaasarpaat kiisalu saniatigut kaageqartillugu kaagi, meearluuniit tamussernissaa mianernarpoq sulisoq tunisisoq naveersissammat. Suliffeqarfimmi sumiluuniit suliffeqarfimmut tunngasuteqanngitsunik pisoqaraangat unioqquitsinertut nalilerneqartarpoq.

8. september ataasinngorneq immaqa ulloq taanna meequerivik "I"-mi sulisunut nujalerivik ammartarsimanerpoq. Ima taaguteqalersarluni meequerivik nujaleriviuutigisooq. Tulluarnarluni meequerivimmi nujaleritinneq, tassa ningiuata namminermut tunngammat ajornaquteqanngitsumik taamaaliortoq.

Kiisalu nerinerup nalaani meeraq kinaluniit pisasaqartinnani nikueqattaqqusaa-neq ajorpoq, kisiannili pania taanna sukkulluuniit nammineq naalagaasarpooq. Tassa

sukkulluuniit aneernermi sukkulluniit takuneqarsinnaasarpog meeraq taanna mee-  
raqatiminut sulisunullu aqutsisuusartoq.

Malunnartumik sulisut ningiuminnut arlaatigut qunussuteqarlutik sulipput, asser-  
suutigalugu ningiuata feeriarnerni ningiumut taartaasup akisussaaffini tigummineq  
ajorpaa tassa pisussaataangilaq arlaatigut aaliangiinissaminut aatsaat ningiortik  
feeriartoq mobilikkut atassuteqarfigeqqaarlugu akuersissummik peqqaarluni aatsaat  
aaliangiinnaasarpog, isumaqarpugut sumiluunniit suliffeqarfimmiit feeriaraanni  
akisussaafik tullersortimut tunniunneqartartoq.

Meeqquerivinni sumiluunniit malittarisassat malillugit ingerlasoqarpog.

Kiisalu naammagisinnaangilluinnarparput taamatut sakkortigisumik aqutsissagu-  
ni ulloq naallugu suliffini nakkutigisariaqarpaa ilisimaneqareersutummi ullup af-  
faanna meeqqerivimmi sulisarpog ullullu affaa atuarfimmiittarluni.

Sulisut ataasiakkaat ataasiaratik ullaakut piffissaq eqqornagu suliartortut ilisima-  
neqarpog, taamaattumik taamak sakkortutigisumik sullississaguni ammarnerniit  
matunissaanut sulisariaqarpog.

Uagut angajoqqaajusugut meerarput pillugit saaffiginnissuteqassagaangatta i-  
ngerlaanaq ningiuusup isikkuatigut takusinnaangortarparput ingerlaanaq naqissu-  
serneqareerluta. (Qingulunneq). Sulisut aperigaani kisianni ningiu apereqqaarlugu  
namminneq pisinnaaneq aaliangiinnaaneq atorneqanngilaq.

Ilinniarsimasunik tigusiumanninneranut pissutaasarpog nammineq appasinneru-  
lernissani qunugigamiuk, kiisalu sulisut arlaannut pikkorissarnissamik neqeroorfigi-  
neqarpata tapersersornagit illua'tungaanut nakkartinniarsarisarpai.

Angajoqqaat ingerlatitsigaangatta (K Kommunimut) ima nalilerneqartarpogut  
sallugooq atorlugu taamaaliorpogut. Isumaqarpogut pissutsit tamakkua naammaler-  
sut sallu atorlugu nammineq annaateriarneq pigivaa. Tamanna angajoqqaat ilaannit  
uppersaatissaqareerpoq.

Angajoqqaajusugut meeqqerivimmi ataatsimiititsisoqaleraangat pisariaqartinneq  
ajorparput ornigunnissarput pissutigalugu oqallisigitinniakkagut tamarmik qata-  
ngiinnartarput appasinnerpaamut ingerlaannartumik inissinneqareertaratta. Kiisalu  
ataatsimiititsinissaminut piffissaliunneqartartoq angajoqqaat ulapinnerat eqqoriar-  
neqartarpoq malunnartumik, imaaginnarpoq aggersussat ikinneruniassammata.

Taamaattumik pissutsit tamakkua qaangerniassagutsigit isumaqarpogut sulisut  
arlaatigut ammartinniarniartariaqalersut. Pissutsit tamakkua qaangerneqartariaqaler-  
put. Piarnernaamik imaluunniit ingerlaanartumik ningiua allamik taarserneqartaria-  
qalerpoq.

Maani socialmedhjælperitut naammassinikut arlallit qinnuteqartaluarput sulif-  
fissarsiorlutik sulisut amigaleraangata, kisiannili tiguneqanngisaannarput.

Ilinniarsimangitsuinnarnik tiguisarpoq naak pisariaqartilluinnarneqaraluartog  
maani meeqqerivimmi ilinniarsimasunik sulisoqarnissaq.

Taqqavani akisussaasusut ninguanut tunniutiinarsimanagerat naammalerpoq."

Suliami allakkiaq imaattoq kommunip 8. oktober 2003-mi suliarisima-  
vaa:

"Suliffiup iluani atugassatut allakkialiaq: Pineqartoq: Nunaqarfimmi K-mi naam-  
magittaalliummik suliaq. Manna tikillugu suliami imatut pisoqarsimavoq:

Sisamannorneq ulloq 2. oktober naammagittaalliuut nerrivinnut apuunneqarpog,  
aallarniutigalugu nunaqarfimmi K-mi immikkoortortami pisortaq A attaveqarfiga-  
ra, naammagittaalliuutip assilineranik pisimaneqsoq qularnaarniarlugu. Paasinarsi-  
vorli naammagittaalliuut A-p tiguisamangikkaa, sisamannogermilu faxikkut nas-  
siutsipparput.

Naammagittaalliuut faxikkut nassiunneqareermat sulisut ataatsimiisinnegarnisaat A-p kissaatigaa, naammagittaalliuut oqaluuseriniarlugu tassani lu aamma naammagittaalliuutigineqartuut issimanerluni nassuiaassalluni. Taamatut pisoqarnerata nalaani oqarfigisariaqarsimavara naammagittaalliuut taamaallaat suliarineqarsinnaasoq uanga atsaat najuutsillunga tamannalu taamaattariaqartoq tassami ataani atsiortup sulisut tamakkua pillugit oqaloqatigisussaammagit.

Tallimangornermi 2. oktober A-mit attavigineqarpunga assut nuannaanngippoq oqarasuaatikkullu qialluni naammagittaalliuullu assut aliasuutigalugu paasisinnaannginnamiuk, tullersortaasup ...-p naammagittaalliuut aamma taamannak nuannaanngissutigaa oqaatigalugu marluullutik paarlakaallutik arlaleriarlutik allaffimmut qiajartortarsimallutik, sulisullu sinneri assut toqqissiviillortut. Isumaqatigippugut sapinngisamik piaartumik nunaqarfimmit K-mukarniarsarissasunga.

Ataasinngornermi 6. oktober sinersortaammut nunaqarfimmit K-mukartumut ilaaniarsarigaluarpunga inissaqanngilarli, tamannalu sulisunut nunaqarfimmi K-miit-tunut nalunaarutigaa, taakkulu tupinnanngitsumik suliap piaartumik suliarineqarsinnaannginnera nikalluallaatigaa, tamannalu assut kipiluttunarnerarlugu.

Marlunngornermi 7. oktober nunaqarfimmi K-mut umiatsiamik ilaaffissarsivungu I-milu sulisunut tamanna nalunaarutigalugu, umiatsiamulli ilaanissara taamaattippara, tassami umiatsiaq mikigami tamatumalu eqqaani anorersuarinissaa ilimasaarutigineqarluni, aallarnissara akunnernik pingasunik sioqqullugu aalisartoq nunaqarfimmit K-mit illoqarfimmut K-mut tikeqqammersoq aamma mianersoqqusivoq aallaqqusinani, nunaqarfimmi K-migoq sila assut ajortorjussuummat. Sulisut tikissinnaajunnaarama assut tamannaajuusaarutigaa, isumaginninnermi pisortarput ... attaveqarfigaara nunaqarfimmit K-mukarluni sinersortaammut ullaap tungaani ilaasimasoq sulisukkalu ikiorseqqullugit, oqaloqatigitillugit, taamaalilluni sulisut eqqarsaasersuutigisaminnik aniatitsiniassammata.

Pingasunngornermi 8. oktober, sulisut ilaannik ... oqaloqatiginnippoq, sulisut ilungersuutigisaminnik aniatitsippot, siunnersorneqarlutillu angajoqqaanut attaveqasasut suna naammagittaalliuutigineqarnersoq paasiniallugu, atorfeqartitaanermut atatillugu peqqusisariaqarsimavunga tamanna uanga najuutsinnanga pissanngitsosq tassami misissuineq tamanna suliamut illua'tungiliuttuunngitsumit ingerlanneqartussaammata.

Tamanna soorunalimi sulisunik assut kipiluttunarsioritseqqilerpoq, A-lu oqarluni kattuffimminut attaveqarnialluni, oqarfigaaralu tamanna pisinnaatitaaffigigaa. Nalunaaqataq qulit missaanni tullersortimit ...-mit attavigineqarpunga, taanna qiaatigaluni oqaluttuarpoq angajoqqaat meeqqat aajortulersimagaat, maannamullu angajoqqaat pingasut tulleriiginnarlutik meeqqatik aasimagaat, nalinginnaasumik aallertarfiusoq sioqquterujussuarlugu sooq meeqqaminnik aallernertik oqaatiginagu.

Angajoqqaalli ilaannit ... akineqarpoq, tassalu nuliame peqqusimammani meeqqat aallugit.

Nalunaaqataq 10.15 PIP-imit sianerfigitippunga naammagittaalliuutip assilinernik perusuttut, naammagittaalliuutip assilinera pisimasartik ersernerluttorjussuummat, PIP-imut allagaqarpunga siunissami qanoq iliornissara allaaseralugu taannalu PIP-imut faxerutigalugu, naammagittaalliuut allakkallu malitsigitinneqartut iluarsaatererlugit.

Nalunaaqataq 11.30 PIP-imit attavigineqarpunga aperineqarlunga: ... taakkua aallartitaattut 14. oktober nunaqarfimmut K-mut ilaaniarpat ajorinnginneriga? Nalunaarpunga tamanna isumassarsiatialaasoq, tassami immikkooortortap I-p ingerlaqqilernissaanut suliniarninni ...-p atorsinnaanissaa neriuutigigakku.

Nalunaaqataq 13.00 I attaveqarfigaara meeqqanik aalleqqittoqarsimanasoralugu ... aamma A meeqerivimmit anereersimapput napparsimasutullu nalunaarsimallutik, suliffeqarfimmi tarnikkut atugassarititaasut pissutigalugit.

Malitsigitillugu tamaasa oqaloqatigaakka uppersarpaallu suliffimmi tarnikkut nuanniilliornerit pissutigalugit angerlarsimallutik.

Pissutsit ullumikkut taamatut inissisimapput.” (Atofeqarfimmi nutsigaavoq)

Angajoqqaat arlallit (matumani B ilanngullugu eqqarsaatigalugu) kommunip paaqqinniffimmi pisortaanut, kultureqarnermut atuartitaanermullu ataatsimiititaliamut, meeqqeriviup siulersuisuinut aamma angajoqqaat meeqqerivimmi sinniisaannut allakkat ingerlatitaasut imaattut 10. oktober 2003-mi allassimavaat:

“... ”

Angajoqqaat tungaannit pissutsit toqqissisimanannigtsut isiginiarneqartut makkuupput:

\* Ningiuusup sulisuminut naqisimanninnerujussua:

Sulisoq nammineq piginnaatitaaffeqanngilaq meeqqanut qanilaarnissaminut, tassamigoq meeraq sulisumut ungaleqinammat tamanna suliffiup iluani pinaveersaartariaqarmat. Soormi meeraq ullaakkut angajoqqaaminut ungasoq sulisumit pakkutarineqaruni toqqissiallaatigissannginneramiuk?

Suliffiup avataani pisut eqqartorneqarpallaartut imaluunniit pingaartinneqarpallaartartut malugerujussuarsimavarput. Angajoqqaat kikkut susinnaappat? Suna tamarmi meeqqat angajoqqaavinut tunngasut qulaajarneqartarsimapput meeqqat eqqaani tusaasut. Imami ingasattajaartarsimatigaaq meeraq apersorneqartarsimavoq angajoqqaavi nakeqqagamingaasiit imaluunniit meeraq oqarfigineqartarsimavoq ililit angajoqqaatit imerajuttuugamik...! Angajoqqaat ajorsartinneqartarput meeqqap pissusaa imaattuummat angajoqqaavi taamaattuusimapput. Uagut angajoqqaajusugut tusanngisannartakkagut uagutsinnut apuuttussaagalutit sulisimasunit tusakkagut assut tupaallaatigivarput soq suliffiup iluani suliasat meeqqamut angajoqqaamullu tunngasut eqqortumik apuunneqartarsimannigtsut.

Sulisut ningiuusup ilaqutaanut nuanninngitsumik suliffiup avataani pisimasoqartillugu suliffimmi "Allaffissuarmini" sulisumut oqaatiginnittarsimavoq ilaqtaminut pissusilersuutit nuannarinagit, aali suliffimmut tunngassuteqanngilluinnaraluartoq.

Sulisut taarserakulanerat maani qatsulluinnalerparput, suna peqqutaanersoq paasinarsimavarput angajoqqaatut susoqarneranik paasinnikkusulluta toqqissisimanatalu. Sulisut sulileraangamik suliffiup iluaniitsillutik ullut siulliit kiinaq nutaaq ammasoq inussiarnersoq qujamasuutigilluinnartaqaarput. Piffissap ingerlanerani sulisoq matujartortutullusoq inussiarniilligaluttuinnartutullu pissusilersoriartortarpoq. Taannartaa angajoqqaat amerlanertigut paasisinnaasimannngilarput soq taamaattoqartarsimanersoq. Kisiat qujanartumik inoqarmat tapersersuisunik aaqeeqataajumasunik kiisalu meeqqat sulinneqarneranut maannakkumut atuuttunik akerliulluinnartunik. Paasivarput ningiuusup sunniisarneraniittoq:

- Sulisoq kukkusimappat arlaatigut meeqqatut ilisitaalluni naveersittarsimavoq.
- Ningiuusup arlaleriaqaluni ullaakkut mersernaqaluni qinngululluni ullaakkut illassinninnermik tunisinani kiisalu kiinaqaruni suliaartortarsimavoq.
- Ilaatigut immaqalu amerlanertigut ullaakkut taamaalluni suliaortorsimagaangami ullup sinnera taamaaffigisinnaasarsimavai, suleqatinut sunniuteqangaartartumik.
- Suleqatigiit iluanni mamarliinerit aallartittarsimavai, nammineq piliani meeqqat tusaasut sulisunut tutsittarsimavai naveersissummik.

- Sulisimasut ilaat ninguiusup aqutsineranut unnerluusserusuttarsimagaluarput kiisalli unitsiinartarsimallugit qunussuteqarnertik pissutigalugu.
- Sulisimasut nassuiaataasa ilagaat ningioq aammalu tullersortaa illoqarfimmut angallammik pisiniarfiliartarsimasut tiimeqarlutik.
- Sulisunik ilinniarsimasunik angajoqqaajusugut kissaateqartarsimagaluarpugut sulisoqarnissaa, ukiut arlaqanngitsut qaangiupput tusalissavarput meeqqerisutut ilinniarsimasut suliffissarsiortarsimagaluartut, akineqartarsimapput ilinniarsimasut K Kommunimit akissaqartinneqanngimmata tigunegarsinnaasarsimangitsut.

Qatanngutimi pania ingerlaannaq akissaqartinneqaleriataarsimavoq ilinniarnini naammassimmat. Tassa soraluaa kusanaatumik meeqqanik sullisseqataasummat ilinniarsimasutut sulilernissaa akuerineqapallassimavoq.

Meeqquerivup ningiuata inooqataa/uia atsiqattaartitsisimaneq pillugu meeqquerivimmi angajoqqaq atsiqataasimasoq uparuarsimavaa sooq atsiqataasimanerarlugu, kiisalu uiusooq angajoqqaamut taassumunnga peqqussuteqarsimavoq tulliani taamaaliussaguni immineq apereqqaqulluni. Uiusooq akuleruttussaanerami?

### **Meeqqanut immikkut pissusilersuutigisimasat:**

Nalusimanaviannigilarsi ninguiusup pania tallimaliisussaq meeqquerivimmeeqataasoq. Aallaqqaamut angajoqqaajusugut maluginialersimavarput meerannguaq taanna immikkuullarissumik pissusilersorfigineqartartoq aali pisuussuteqanngitsooq sunik tamaginnik. Kisiat pissutsit ersarilluinnalingaarmata ima isikkullit:

Sulisut imatullusooq meeqqamut taassumunnga pissusilersortussatut inissigaasimapput: Qanorsuaq meerara ilioraluarpat inernerneqartassanngitsooq, eqqunngitsumik pinnessimappata "allaffissuarmini" naveersissammata. Sulisimasooq marloriarluni allaffimmukartitaasimavoq imalu oqaluunneqarsimalluni: Uima nuannarinngilaa panipput taama pissusilersorfigisagukku, aappasaanik oqaluunneqarsimavoq nammineq anaanatut akuerisinnaanagu panini pissusilersorfigineqarnera.

Sulisut meeraq taanna akuersaarlugu isiginnaaginnartarsimavaat ningiua ilanngulluni meeraqatiminut pinnguanik arsaarinneqattaartoq, sumik qisuariartoqarsimannigilaq. Kisiat panini taama pineqarpat ingerlaannartumik meeqqat naveersittarsimapput.

Nerisoqartillugu meeqqat tamarmik issaatinneqartarput, nereqquneqartarput niqueqqusaanatik inertequtaalluinnarmat ninguiusup pania kisimi nerisassaminik oqummissiguni pisoqaattaarluni arpaqattaarsinnaatitaavoq. Aamma meeqqat peqquneqarsimapput nerisatik pinngitsooratik nungussagaat sukanngassorfigalugit, uparuartarlugillu angajoqqaaminik nerisinneqartarsimanerarlugit. Ninguiusup pania nerisani mamarinngukkunigit qanorsuaq neriunnaarsinnaatitaavoq.

Taava angajoqqaajusut akornanni toqqissisimananngitsorujussuaq saqqummerpoq: Paasisinnaanngilarput angerlarsimaffitsinni meeqquerivimmiittuutitagut unnukut nerilernermi nerrivik sorsuartut isigisarneraat, nukinnik annertuunik atuerusuttullusooq eqqissiveqanngitsutut pissusilersoraangata. Paasisinnaanngilarputtaaq angajoqqaat arlariilluta meeqqavut angerlarsimaffimmi taama assigiitsigisumik qisuariaat takusinnaagatsigu, meeraq naveersinerunngitsumut qisuariaataat sakkortoorujussuaq meeqqamiit anillattarpoq soorlu annersinneqarujussuarsimasutut pisattanik saassutarinninnerit angajoqqaanut uumissuinerit annissorneqartartut naammattoorsimavagut.

Imaanginnerpa meeqquerivimmi meeqqat naqisimaneqarujussuurtut, suaartarfigineqartarlutik ningiuatalu pania isigiutigalugu kiffaanngissuseqartitaarujussuurtuq.

Assersuutigisinnaavarput meeqqat nerinerup nalaani querusullutik oqarunik akineqartarsimasut nerisoqarpoq tamakkuninnga oqaloqqunagit, meeqqat nerisatik aat-



saat nungukkunikkit quiartorsinnaatitaasut anariartorsinnaatitaasulluunniit. Sulisori-simasaq naammattuuisimanerminik ima ilassuteqarpoq tupaallaatigisatsinnik. Meeraq qarlimminut quisimasoq toqqortersimavoq nipaarsaaqqissaarluni paasitinnaveersaartutut pissusilersorluni. Tassamigoq meeraq qarliminut quisimappat naveersittarmat.

Meerartagut anartarnerat annertuumik misigisaqarfigisimavarput imatut: Manngertitserujussartartut allaat iteerai anaarsinnaallutik, timminnerit, nalikkaavisigut aappillersoornerit. Angajoqqaq meeraq pillugu nerisalnissaanut akerliusoq piaarpallaartutut nalilerlugu paasilersimavaa nerisinneqartarsimasoq angajoqqaap peqqussutaa unioqqutillugu.

Misigerujussuarsimavarputtaaq sulitilluta sianerfigineqartarnitsinni meeqqerivimminngaaniit meerarput kissarmat napparsimammatt angerlartinneqartariaqartutut aalleqqussummik, angajoqqaajusugut tupigusuutigisarparput sooq napparsimanageraq meerannguaq angerlaraangami sumik napparsimaneramik malunnaataaruttarner-soq.

Meeqqat isigai qilersortagaappata sulisut oqaaseqartarsimapput angajoqqaat sulinunut pisarissersuisartut angajoqqaallu imminneq suliarinnuassanatigu.

Meeraq ullaakkut meeqqerivialernermi isikkani qilersortakkat atiumanagit ilungersortoq oqarmat naveersissagami isikkat taakku atiumanagit.

Meeraq unnukkut innartilernerani assani qaqillugit anaanani aperisimavaa sooruna assani allineq ajornersut, arnaata nassuiaassimavaa angisuunngoruni alliumaar-tut. Angajoqqaap tupaallaatigivaa taama aperineqarnini meeqqani aperisimavaa sooq taama oqarner-soq, meeraq akisimavoq sulisoq ataaseq atia taallugu taama oqarsimagami.

Meeqqanut perujinnittarsimapput: Pualakullak, marlunnik uttulik, ... Rujuk! Atorneqartarpoq, tipinneraasarput, meeqqap ilaqutaanut assingutitsinerit soorlu sulisoq meeqqamut inequssuippat ningiuusoq oqapallassimavoq meeqqap ilaqutaa taanna inequgigakku?

Meeqqat ataassarsiuunneqartarsimapput anaanaq kisimiittuusimappat kisimiittuusimannigipalluunniit allasiorsimaneramik allamik ataassarsiuunneqartarsimapput.

Meeraq angajoqqaaminut oqarsimavoq nukkani naakuluunittarami erniinnarooq toqujumaartoq, meeraq oqarsimavoq sulisoq taama oqarsimasoq.

Naalungiarsuit mikinerit qiatitaarujussuuartarput sulisumit qisuariarfigineqaratik, imaluunniit oqalorujunneqartartut tusartarpagut una meeraq qiaannartoq!

Meeqqat atiisigut taaneqartarnerat imaappoq **Hey, Hallo! umaak**, atissaarutitsisarnerat ingasappallaappaq.

Meeqqat arlariit kissarnersiummut ersisarsimameri angajoqqaat paasisinnaanngilaat, meeqqat meeqqerivimmik nappaatissaanik ujarlerfigineqartorujussuusut malugisimavarput angerlartinneqaqqaarsarlutillu. Napparsimaveeraqarfiup tamanna nalunngisarilluassavaa! Meeraq ajorsorititaq napparsimaveeraliaakkaangatsigu amerlanerpaatigut børnesår ajoqutaanerarneqarneq ajorput allaat tinupasuaranniguit børnesårinngortinneqartarlutik.

Meeqqat kakkilertasut angerlartinneqartarput, sulisut maluginiarsimasarpaat ningiuusup ilaqutai kakkilertagaluit serpilioraluit meeqqerivimmiittiinneqartarlutik.

Sulisuq ernumanersimavoq ningiortuk feerarieerluni tikinnissaanut meeraq pu-alasooq sanigorsarlugu aallartinniarnissaa ilisimasuutigisimagamaiuk, naak nakorsamiit peqqussummik allagaqaammik takussutissaqaanngikkaluartoq.

Meeraq meeqqeriviup avataani "qatanngutaasani" qiateqataarsimagamaiuk meeqqerivimmi pillagaasimavoq issiavimmi issiatitaalluni, oqaluffigineqarsimavoq qatanngutaasani qiatittarsimammagu taanna maannakkut pillagaasariaqartoq.



Meeqqat meeqqeriviup eqqaani aneersillugit sulisut tummeqqani oqalorusaartarput pujortaatalutik.

Sulisuq ataaseq angajoqqaamut unnerlussimammat meeraa meeqqerivimmi imikkooortitaasoq, sulisuoq ingerlaannartumik soraarsitaasimavoq aali meeqqerivimmi pissutsinik kusanangitsunik isorinnilluni oqariatuutilik.

Kiisalu angajoqqaajusugut arlaanik sulisut tungaasigut isorisaqaraangatta iluarseeqqusummik ingerlaannartumik salluliorneragaalluta malersuisuunerarlutalu qujasuinneragaalluta nalilerneqapallattarpugut. Allaat meeqqagut meeqqerivimmiit piomagutta anisissinnaagigut sulinerat naammagisimaanngikkutsigu.

Sulisuqarpoq ikioqatigiittunik ningiua sulisullu marluusarsimapput, suleqatitik sulinnigiffimmi susimappata nakeqqasimappata sulisuoq siarnertarsimavoq tamaapput taamaapput ...!

Tassa sulisimasut tujormigisartagaat angajoqqaatullu uagut ilissinnut apuukkusutagut, kisiat suli annertuunik maanga apuukkussi meeqqanut peqqinnangitsunik allanik tusarligassaqarpugut.

Uku allakkat misigisanik tusakkanik apersuinernillu immersorneqarpoq, tamakkerlugit allakkaluarutsigut quppererit amerlasoorujussuussapput. Taamaammat oqarfigiinnassavassi pisarialimmik angajoqqaajusugut meeqqerivimmut attuumasuteqartullu tamaasa sukumiisumik tusarniaavigineqarnissarput kissaatigillunnarparput.

Angajoqqaajusugut ernumassutigarpud meertatta meeqqerivimmi atugarisaatigut pinngitsooratik meeqqanut imminermut arlaatigut ikilerneqaatigisinnaassagaat, takusagut misigisagut tusakkagullu tamarmik ataatsimut kattussagaanni annertoorujussuuvuq, pissutigalugu sunnertisimaneri angajoqqaajusugut takusinnaalluaratsigu.

### **Kissaatigaarput:**

Sukumiisumik sulisut oqaloqatigineqarnissaat, nalunngilarput annertuumik nasuernissaminnut qunussuteqarsimassasut ningiortik pillugu.

Kissaatigaarputtaaq sulisut akornanni katsorsaasinnaasumik iliuuseqartoqartariaqartoq (eqqunngitsumik pisunik saliisoqartariaqarpoq) pissutsit piviusut taakkartukavut aallaavigalugit angajoqqaat tamattaalluta siunnersuutigerusunnerpaavarput (Meeqqanik paaqqinnittarfik eqqortumik ingerlissappat).

Meeqqerivimmi ningiuisup meeqqanut tunngassuteqartut tamakkerlugit misissuiffigeqqissaarneqartariaqarput soorlu: Meeqqat angajoqqaaniit avissaartinniarneqartarneri, namminerisamik misissuisarnera immaqa oqalunneq nalusunut, nipaengersimavallaartunut naak meeqqat nipaatsut angerlarsimaffimmi oqalorusaaginnavittarsimasut.

Misissuiffigisariaqarpoq meeqqerivimmi ningiuisup angajoqqaanut meeqqerivimmiittariaqartunut illua'tungiuliuttuusut inissittarneranut.

Meeqqerivimmi sulisimasut (nammineq soraarnuteqarsimasunut soraarsitaasimasunullu kikkunerinik qanorlu annissasaqarnerinik qulaajaasoqartariaqarpoq).

Angajoqqaanut ataasiakkaanut pisariaqartitsivissunik oqaloqateqarnissaq amaffigineqarnissaat kissaatigisatta ilagivaat, takusinnaasarput naapertorlugu angajoqqaat ataasiakkaat sakkortoosujussuarmik atugaqartitaasut.

### **Kissaatigaarputtaaq:**

Meeqqerivik meeqqanut ornikkuminartuusariaqartoq, iserfiginermiit kissalaartoq ammasumik sulisuniit pissusilersorfigineqarnermikkut. Sulisumiit akuersaarneqarnermikkut kinaassutsiminnik, angajoqqaat kikkugaluarpataluuniit immikkoorsineqarluinnanninnissaat.

Kissaatigaarput ilinniarluarsimasumik ningioqarnissaq (Socialpædagog) kiisalu ilinniarsimasumik (Socialmedhjælper).

Sulisunik ilinniarsimangitsunik pikkorissartitsinissaq.

Pissutsinik eqqunngitsunik saliiernerup kingorna malittarisassat ersarissarneqartariaqarput.

Suliffiup piumasai eqqortinnissai angajoqqaasugut pinngitsorta qarata kissaatigiluinnaarparput.

Suliffiup avataani pisunik eqqussuiffigineqannginnissaa.

Meeqqanik assigiingisitsinerup unitsinneqavinnissaa.

Naligiimmik meeqqat angajoqqaallu pineqalernissaat.

Maannakkut uagut angajoqqaajusugut tusaaneqarnissarput pisariaqartitatsinnillu matussuserneqarnissarput uummatikkut kissaatitut ilissinnut piunasaqaatigaarput, pingaarnerpaatut taarusullugu ilumut meeraatigut meeqquerivimmi taama pineqartuassappat inuttut nikassarneqartutut misigititaanikkut naleqanngitsutulluunniit taaneqarsinnaasumik. Sorlartavia uagut nanereerparput pissutsinik piviusunik allagaqaateqarnitsinni takussutissiilluta, taamaammat ilissi suliaasq una pimoorussagissi angajoqqaasunik ataani atsiortuusunit kissaatitut annerpaatut piunasaqaateqarfigivarsi."

Tulliulluni suliami allagaatinut ilaavoq allagaq atsiorneqanngitsoq "A-p ... oqaloqatigineqarnera pillugu imaqarniliaq"-mik taaneqartoq:

"...

Illit B-llu akunnissinni qanoq pisoqarami:

Meeqqap pissusilersuutai pillugit nalunaarusiortoqarsimavoq, nalunaarusiarlu taanna 2000-imi A pillugu naammagittaalliuutinik arlalinnik kinguneqarsimavoq, naammagittaalliuutit taakku piffissami tamatumani atuarfiup pisortarisaanit ...-mit akuersarneqanngillat allakkatigullu 200378-imik normoqartutigit 16. juni 2000-imeersutigit B erseqqissaavigaa sulisut pisoqarnerani eqqortumik iliorsimasut.

Sooq naammagittaalliuutit taakkua pilersimappat:

A-p nalulluinnaarpaa soq taamatut pasillertoqarnersoq. A ilisimatitsivoq B nunaqarfiup allaffiani atorfinitsinneqarami isumaginninnermi sulianik nunaqarfiup allaffiani misissuisimasoq, paasissutissaq tamanna ...-mit A-mut tunniunneqarsimavoq, A-mut oqarsimalluni maannakkut naammagittaalliuutigineqartut B-mit akiniutaa-sut, paasissutissat taakku 3. oktober ...-mit A-mut tunniunneqarsimapput." (Atorfeqarfimmi nutsigaavoq)

Allakkat imaattut kommunip A-mut 15. oktober 2003-mi nassiuppai:

**"Suliami illua'tungiusup isumaanik tusarniaaneq:**

Nunaqarfimmi K-mi nunaqarfiup allaffiani meeqqueriviup siulersuisuisa nalunaqutaq 10.00 ataatsimiinneranni paasivara siulersuisut inatsisit malillugit inissitsiter-simangitsut.

... angajoqqaanut sinniisutut ilaasortaq ataatsimiinnermi ilisimatitsivoq sinniisus-  
satut aallartikkamili siulersuisuni sulisil ataatsimiittoqarsimangitsoq, aamma siulit-  
taasutut toqqarneqartoq siulersuisunut ilaasortaaajunnaarsimasooq, inutaa nunaqar-  
fimmitt K-mit nuussimammatt, meeqqanilu 2001-imi meeqqerivimmiittarunnaarsis-  
simallugu.

Kaajallaasitaq 176 Inatsisartut peqqussutaannik nr. 12-imik, 1. november 1982-  
imeersumik tunngaveqartoq malillugu paaqqinnittarfimmi pisortaasooq pisussaavoq  
siulersuisut inissitsitertissallugit, tamatuma saniatigut pisortaasup pisussaaffigalugu  
siulersuisunut allattaassalluni, aamma siulersuisut ataatsimiinneri pillugit imaqarni-  
liussalluni.

Tamanna pillugu qinnuigissavakkitt kaajallaasitaq 176 ilumut malinneqarsiman-  
ginnersoq allakkatigut nassuiaqqullugu, uangalu pisussaavunga unioqquitsinerup  
taamaattup atorfeqartitaanerup tungaatigut ilungersunartumik kinguneqarsinnaanera  
maannangaq erseqqissaatigissallugu.

...” (Atorfeqarfimmi nutsigaavoq)

Kommunip meeqqanik ukiutigut akuleriiffiusumik paaqqinniffiata pi-  
sortaanit kommunip sulisoqarnermut pisortaanut allakkiaq 20. oktober  
2003-meersooq imaattoq aamma ilaavoq:

**“Pineqartoq: Suliaq sulisumut A-mut tunngasoq.**

Ilannguppakka A-p sulisuinik assigiinngitsutigut paasiniaallunga oqaloqatigin-  
nissimanerna assigiinngitsut naqitanngortinneri, tamatumani lu naammagittaalliui-  
tigitineqartut ilaat ilumoortortaqarnersut qulaaajaaffiginiarsimavakka.

Paasiniaaninni aallaavigisakka makkuupput:

- 1) Naammagittaalliutigitineqartut pillugit sulisut qanoq oqarpat
- 2) Naammagittaalliutigitineqartut pillugit A qanoq oqarpa.
- 3) Siulersuisut qanoq aalajangiissasut sulisut qanoq isumaqarpat.

Paasiniaalluni oqaloqatigininnissaq sioqqullugu sulisut erseqqissaavigineqarput  
oqaloqatigiinneq sulisut atorfeqartitaaneratt eqqarsaatigalugu kinguneqartitaassan-  
ngitsoq, oqaloqatigininnerit oqalutseqarluni ingerlanneqarput, oqaloqatigiinnerlu  
peqatigiiffiit sinniisaannit ataatsimit najuuffigineqarpoq, sulisooq ataaseq peqatigiif-  
fimmi sinniisaanik oqaloqatigiinnermi kisimi najuutsitserusussimangitsoq tassa-  
voq ..., I-mi SIP-mut ilaasortanut sinniisutut toqqagaaqqammersimasooq.

Sulisunik oqaloqateqarninni uanga isummersuutigisara unaavoq, tassalu suline-  
rup iluani sunilluunniit ... pisuutinniarneqarsinnaangitsoq, pissutsit ataasiakkaat pe-  
rorsaanikkut isiginneriaaseq eqqarsaatigalugu allaanerusumik pissusilersorfigine-  
qarsinnaasimagaluarput, meeqqalli qanoq sullinneqassanersut tassani sulisut ataa-  
siakkaat meeqqanik persorsaanikkut isiginneriaasiat apeqqutaavoq, aamma sulisut  
sulinerminni qanoq suleriaaseqartarnerat.

Persorsaanikkut periaatsimik allamik I-mi atuilernissaq siunissami sulissutigeru-  
supparput, taamaalluni siunissami meeqqat naalaqqilernissamik tungaanut issiati-  
taasarunnaarsinniarlugit.

A naammagittaalliutigitineqartut pillugit taamaallaat naatsunguamik oqaaseqar-  
poq, A-llu oqaloqatiginerani isummersuutigisara tassaavoq naammagittaalliutigi-  
neqartunut tunngavissaqartitsinngitsoq.

Ataatsimut inerniliinera tassaavoq:

Naammagittaalliuitit nassiunneqartut timitaqanngillat, piffissamik, sumiiffimik inuit attuumassuteqartut aqqinik allanilluunniit naammagittaalliutigineqartunut tunaartarineqarsinnaasunik peqanngilaq, misissueqqinnissamut periarfissiuisinnaasunik. Naammagittaalliummi taakkartorneqartunut sanilliullugu sulisut aperorneqarnerisigut naammagittaalliutip imarisaanik misissuiniaraluarneq naammagittaalliuitit eqqortuunnginnerannik uannit inernilerneqarpoq.” (Atorfeqarfimmi nutsigaavoq)

Suliami allagaat tulleeq tassaavoq A-p kommunimi aningaasaqarnermut ataatsimiititaliamut allagai 19. januar 2004-meersut imaattut:

"Eqqunngitsumik pineqarsimaneq pillugu.

Nalungisatsituut B nunaqarfimmi K-mi nunaqarfiup allaffiani pisortaavoq. (Takkuninnga ilisimasalinnik oqaloqateqareerlunga allagaqarpunga). Tassami B suliffimminut tunngatillugu unioqqutitsisimasoq qullersanillu sumiginnaasoqartoq, nalunngilarpummi ...-p ilisimavaa qanoq iliuuseqartoq taavalu ...-p. Nipangiussasasq susassaqaanngitsunut ingerlappaa soraarsitsiniutitullu atorlugu.

Pisimasoq ima aallartippog: B-p ...-tut sulilerami nunaqarfiup allaffiani, socialsagit misissorsimavai, uangalu pania allaaserisimallugu, ukiut 3-4 matuma siora allagaqarsimavunga panini sumiginnarmagu oqaloqatigigaluarlugu, sumik allannortoqanngimmat, tassami meeqqerivimmi pisortatut pisussaaffigaara susoqanngippat socialimut ingerlatitsissallunga, taamaaliorpungalu, taamanikkullu B-p nalunngilaa qanoq iliortoqartoq, tassami aamma soraarsitsiniaraluarpoq taamanikkut.

Massakkulli atorfinitsitaagami ukiut 3-4 qaangiuttut pisimasut aallaavigalugit aamma soraarsitsiniutit atorpaa, angajoqqaarpasuit sumik isumaqanngitsut illua'tungaanut saaterujussuarpai, imami iliortarsimavoq angajoqqaat oqalunneratigut paasisakka, nunaqarfiup allaffianut isertut angajoqqaat allatsittarlugit allakkaminut imaluunniit saneqquttut qaaqqusarlugit atsioqqullugit ilaallu paasisaqavinnatik atsiortarlutik, naggataatigut uggorsaatigisaminnik, atsiorniarit meeqqeriviup pisortaa allamik taarsisooq, tassalu angajoqqaanut oqaatigisarsimavaa sooq taamaaliarluni, paasisaangikkaluarpara angajoqqaq ... oqarmat oqartussaananani oqarluni B oqarsimasoq panimminut allagarisimasara nassaarisimallugu socialsagit akornanni taanalu aallaavigalugu taamaaliarluni, ...-lu assut atsiorami ugguarsimalluni takusinnaagamiummi akiniaaniarluni taamaaliortoq. Ulloq allakkat ulluligaapput 12. sept. 03. Aatsaallu tiguarput meeqqerivimmi 03.10.03. ...-lu oqaloqatigaara 04. oktober. Kisiannili B-p angajoqqaat amerlasuut atsiortissimavai soraarsitsiniarnermini, socialsagit taamannak atornerluttussaaneramik? Angajoqqaarpasuarun saqqummiullugit (inunnut susassaqaanngitsunut) tassaniiginnarpoq qanoq unioqqutitsitiginera, taavalu nipangiussisussaataaneq atornerlukkua. Aammalu nunaqarfiup allaffia ataatsimiittarfittut atuutilerpoq, sapaataagaluarpat ulluinnakkut unnukkut meeqqerivimmut ajorinnittunut ataatsimiittarfingorpoq, servicehusilu atortalerpaat aamma taamatorpiaq "meeqqeriviup pisortaanut ajorinnikkuit ataatsimiigiarit".

Kiap servicehusip attartornera akilerpaa, tamanna misissorneqartariaqarpoq. Taamannak ingattalermata ... aperisimavara telefonikkut taamaattoqassanersoq nunaqarfiup allaffiani sulisoq angajoqqaanik qaaqqusilluni ataatsimiittarfigisinnaaneraat, akivorlu qinnuteqarsimagunik ajornanngitsoq, ...-lu apereqqugaluarpaa taamaattoqarnersoq, kisianni taamaaliunngilanga, tamatumami nalaani sanngiillissutigisimaqaa taamak sakkortutigisumik angajoqqaat pissusilersornerat, allaat psykologimik oqaloqateqariarlunga meeqqeriviup pisortaata ...-p oqaloqatissannut nassaaruppaa nga Nuummi psykolog ... Ajorissaangikkaluarpara allakkat eqqortumik allagaasuuppata silaannarmiit nassaarsiugaanatik, tassani takusinnaassagaluarpara kukkus-

sutigisimasakka taavalu aaqqinniarlugit. Kisiannili taamaattoqanngilaq. Suleqatit pineqanngillat inullu ataasiinnaq pivaat, tassalumi B-p aallaavia, taamaasillutik inummut sakkortuumik equivoq. Aali inuit saaffiginnittarfianni atorfinitsitaq, kil-lormut inunnut kinaassusersiortunngorluni, ilaquuttakka ilanngussulerlugit. Tamanna pillugu ulloq 04.11.03 ... telefonikkut oqaloqatigisimavara ilaquuttakka ilanngussorneqarneri nuannarinagu. Oqarporlu aqagu 05.11.03 illoqarfimmit K-mit ti-kerartussaapput tamanna pillugu ... oqaloqatigissallugu, naluara tamanna pisimaner-soq. Tassami anaanaga ... utoqqanngorpoq. Kisiannili 01.11.03 nunaqarfiup allaffia-nut saaffiginnikkaluarpog ullormut marloriarluni naggataatigut telefoni atortariaqar-lugu, iserlunilu B qimaasarmat saaffissaarullugu kiserngoruttarlugu. Tamanna pil-lugu ...-mut allagaqamikuuvoq akineqanngisaannartunik, taamaattussaava? Taa-valu dec. ingerlasoq qatanngutinnut ...-mi niuertoq ...mut sulinermi nalaani faxikkut nassiussivoq aamma meeqquerivimmuut tunngasumik, taavalu ingerlaannaq meeqq. pisortamut ...-mut nassiussimavaa ...-llu ...-mut ingerlallugu. Naak tavhedspligti aamma ...-kut sumiittunuku?

Inuk unioqqutitsuaannartoq tatiginassusia sumiippa? Nipangiussisussaataitanini unioqqutillugu atorpaa sumillu qisuariarfigineqanngitsumik. Paragraf 71 malillugu (pinerluttaalisitsinermi) inummut ajuallatitserujussuarpoq nikassaalluni, sumik i-liuuseqartoqanngippat politiit saaffiginissaat siunnerfiuvoq. Tamanna siulliuneru-suni atorfinitsitanit malugisaqarneq ajorpugut, nunaqatigiinnik tujormisitsisunik, inunnik kinaassusersiortumik sulisunik. "Fortroligt" nalusimaneramiuk, qullersat sumiginnaavallaqaat, malersuinerlu nunaqarfimmi K-miut avataaniillu tusarsima-vaat, aammalu nunaqarfiup aqutsisuisa ilaasa nalunngilluinnarpaat, tapersersuiner-put? Taamaaliortoqarmat akisusaaffimmik qimarratiginnittutut, ilaquatik pingaar-nerutillugit taamaalioqataammata."

A aningaasaqarnermut ataatsimiititaliamut 23. januar 2004-mi imatut al-laqqippog:

"Nipangiussisussaataitanermut unioqqutitsinermik naammagittaalliut.

Ataani atsiortunga ima naammagittaalliutissaqarpunga:

Ukiaanerani 2003 meeqquerivimmi ningiuuninniit soraarsinniarneqarpunga, man-nagoq tunngavigalugu.

Maannakkut nunaqarfiup allaffiani pisortaasup B-p panianut suliaasimasog tun-ngavigalugu.

B-p panianut suliaq nipangiussimasassaavoq, kikkunnuat tamanut, soorunami sulirinnittut, tassalu socialermiut kisimik nalunngittussaavaat, socialudvalgimilu ilaa-sortanit.

B-p panianut suliaq socialimut anngussaq uanga meeqqueriviup ningiuatut sulia-raara ningiuugallarama, ukialuit matuma siornagut, pissutigalugu uanga meeqqe-rivimmi ningiutut pisussaaffigakku meeqqat taamaattut socialimut ingerlateqqit-tussaallugit.

Kisiani ajorluinnartumik ima pisoqarpoq:

Uanga atorfinniit, tassalu nunaqarfimmi K-mi meeqquerivimmi ningiutut soraar-sinniarneqalerpunga 2003 ukiaaneraniinganiit.

Soraarsitsiniartullu nunaqarfiup allaffiani pisortaq B siuttoralugu ima iliorsimap-put!

B-p panimmi sagia inunnut susassaqaanngitsunut amerlasuunut saqqummiuttaqat-taarsimavaa, angajoqqaanut meeqqerivimmiittuutilinnut tamanut.

Angajoqqaat meeqqerivimmiittuutilit nunaqarfiup allaffia saneeqqutileraangas-suk iseqqusarsimavai, suliarlu panimminut tunngasoq matoqqasorlu taakkununnga saqqummiuttarsimallugu. Atuarteriarlugulu atuartoq (angajoqqaq) atsiortittarsi-mallugu uanga soraarsitaanissannik. Angajoqqaallu ilaat suliap qanoq ittuuneranik paasinnippiallannguaratik atsiortarsimapput, atsiorsimanertillu maanna uggorisarlu-gu oqartalerput, ilamigooq allakkap imaa paaserpiarneq ajoramikku, aatsaallu ki-ngusinnerusukkut eqqarsaatigileraanngamikku paasilersarlugu qanoq pisoqarner-soq, sunalu pillugu atsiorsimanerlutik.

B-p paniata sagia matoqqasuummat, atorfilittut (allaffimmi pisortatut) unioqqu-titsineq annertoq allaat eqqartuusaassutigisinnaasaa, soraarsitaanermillu kingune-qartumik.

Iلامي tupinnarluinnarpoq B-p atorfilittut tavshedpligtini sakkortuumik unioqqu-timmagu suliamut matoqqasumut tungatillugu, suliaq kikkunnut tamanut saqqum-miullugu allaat. Taavalu aamma inhabilitet unioqqu-tippaa ima: atorfilittut suliat ila-qutariinnerup iluaniittut B-p saqqummiuttussaanngilai, suliarisussaanngilaa lu qa-norluunniit ikkaluarpata.

Taavalu aamma sakkortunerpaamik uparuarniarpara una, uanga soraarsinniarlun-ga suliaqarnermini angajoqqaat sunnerniapilussimavai.

Nunaqarfiup allaffia soraarsitsiniaaneq siunertarlugu arfininngornertigut sapaa-titigullu kikkut tamarmik (angajoqqaat meeqqerivimmiittuutilit) ataatsimiiffigisar-simavaat.

Ilumoorinnaanerpa nunaqarfiup allaffia taama atorneqassappat?

Tassa imaappoq nunaqarfiup allaffiani pisortap nipangiussisussaataaneq (tavshedspligt) sakkortuumik unioqqu-tippaa. Aammalu inhabilitet sakkortuumik unioq-qu-tillugu. Unioqqu-titsinerit sakkortuut marluk.

Kiisalu aamma naammagittaalliutigivara, ilaqtutima ilaat ima pineqarsimammat B-miit. Ilaqtutima ilaat nunaqarfiup allaffianut pisassaqarluni saaffiginnippoq, su-naaffa B kisimi sulisoq, ilaqtara isermat illumut qimaasimavoq, pujortartarfim-mut, anillakkumajunnaarlunilu, taamaammat aniinarsimavoq sullinneqarumanngin-nami.

Aappasaanik ullu alla aamma saaffiginneqqissimagualarpoq, kisiannili aamma B pujortartarfimmu qimaqqissimavoq anillakkumajunnaarlunilu. Taamaasilluni marloriaq saaffiginnikkaluarami sullinneqanngitsoorluni.

Ilumut nunaqarfiup allaffianiit kinaasusersiungaarluni taama sullissisoqassane-rami? Kanngunaqaq.

Taamaammat piumasaraara suliassaq manna pimoorullugu maannamiit suliarilis-sagissi, tassami ukiaanerani personalchef kiisalu kommunaldirektør nalunngilaat qa-noq pisoqartoq.

Naggataatigut erseqqissaatigissavara uanga meeqqerivimmi ningiuugallarnerma nalaani suliassaq B-p panianut tunngasoq suliarisimagakku, ningiutut pisussaaffiga tunngavigalugu.

Suliarlu uanga atorfinniit soraarsitaaniutitut atornerlunneqarpoq nunaqarfiup al-laffiani pisortamiit, tamannalu marloriaamik inatsisunik unioqqu-titsineruvoq, tassalu tavshedpligt unioqqu-tinneqarpoq kiisalu inhabilitet unioqqu-tinneqarluni atorfilim-miit.

Piumasaraara qulaani pineqartoq eqqortumik pineqassasoq atorfilittuut unioqqu-titsisimanerminik.

Kiisalu eqqarsaatigaara qalaani pineqartoq kiisalu K Kommuni eqqartuuisunut tunniutissallugit.

Naggataagullu aamma oqaatigissavara meeqqurevimmi ningiutut soraarnikuugama."

A-p aningaasaqarnermut ataatsimiititaliaq saaffiginnissutiminut akissuteqaqqullugu 16. april 2004-mi nukingisaarpaa.

Kommunip A allakkatigut ...-mik normoqartutigut, 23. april 2004-meersutigut imatut akivaa:

"Pineqartoq: Allakkatit 16.04.2004-meersut.

Immikkoortortaqaqfimmi pisortaasimasup ...-p siusinnerusukkut nalunaarutigisimavaa suliaq taanna illua'tungeriinnit inaarlugu oqaloqatigiissutigineqareersimasoq, tamannalu B-p aamma A-p akuersaarsimagaat. Taamatut isumaqannginnerit K Kommunip ajuusaarutigaa, kisianni K Kommunip manna nalunaarutigaa:

B suliami illua'tungiusoq suliaq taanna pillugu tusarniaavigereerlugu K Kommuni isumaqarpoq suliami tassani ingerlaqqinnissamut pissutissaqanngitsaq. Tamanna immikkoortortamut pisortap ...-p nunaqarfimmut tikeraarnerani B-mut aamma A-mut oqaasiinnartigut nalunaarutigineqarsimavoq.

B-p inuinnaat saqitsaannerat pillugu eqqartuussivikkut suliaassanngortinneqarnissaa kissaatigissagukku tamanna illit namminerluinnaq aalajangissavat." (Atorfeqarfimmi nutsigaavoq)

A aningaasaqarnermut ataatsimiititaliamut 28. april 2004-mi imatut allappoq:

"Taamannak pineqarnera assut tupassutigivara suliap ingerlanera pillugu. Sumilluunniit uanga oqaloqatigineqarsimanngilanga tamanna pillugu. Sallu atorpeqassanngilaaq, tassami B-luunniit uanga oqaloqatigisimanngisaanarsimavara suliaq pillugu. Sooq taava ingerlatsissuunnga paaseqatigiilluta pisimagutta? Suliassiussara taamannak matuniarneqassanngilaaq uanga sianigisaqanngitsunga. Taamaasillunnaq uterteqqippara suliaq. Qanga ... nunaqarfimmi K-miikkami oqaloqatigalungalu?"

A-p naammagittaalliuunni qulaani issuarneqartoq uannut 24. juni 2004-mi nassiuppaa.

Kommuni A-mut 5. juli 2004-mi imatut allappoq:

"Aningaasaqarnermut Ataatsimiititaliamut allakkat 28. april 2004 ullulernerqarsimasunut akissut. Siullermik uotoqqatsissutigissavarput sivisuumik akissuteqarsimannginnatta.

Ajuusaarutigissavarput paasinerloqatigiittoqarnerani allagaqarfigisimagatsigit 23. april 2004 ullulernerqarsimasuni ... nunaqarfimmi K-miinnermini oqaloqatigisimanerarlusi allassimagatsigu. ... oqaloqatiginerani paasivarput B kisimi oqaloqatigisimaga, piffissamilu nunaqarfimmi K-miinnerani illit aallaqqasimasutit.

Maanna ilisimatissavatsigit B tusarniummik nassinneqassamat nassuiaataalu tunngavigalugu suliaq ingerlateqqinneqarumaarmat.

Erseqqinnerusumik paasisaqarusukkuit ataani atsiortumut saaffiginnissinnaavutit."

Kommuni tamatuma kingornatigut B-mut 9. august 2004-mi imatut allappoq:

**"Pillugu: Tusarniaaneq.**

Aningaasaqarniarnermut ataatsimiitsitaliap allaffigineqarsimanera tunngavigalugu matumuuna makku pillugit tusarniaaffigineqassaait:

Nunaqarfimmi aqutsisut allaffiani sulilernerup kingorna inunnik isumaginninnermut tunngasuni imminermut misissuisimasutut taassumalu kingorna paasisutissat taakku atorlugit meeqqerivimmiititaqartunut sunniinarnermi. Tassani aallaavigineqarput ukiut 3-4 pisimasut. Pineqartumi angajoqqaat sumik isumaqanngitsut illua tungaanut saateriarsimallugit, ilaatigut kommunip allaffianut inserteriarlugit atsiortitarlugit soraarsitsinissamut allakkiamut.

***Uani ersarissumik K Kommunip paasisariaqarpai makku:***

Ilinnut paasisutissat tunngasut inunnik isumaginninnerup iluaniittut illit nammineq atuarsimaneritit?

Ilinnut paasisutissat tunngasut atorsimaneritit soraarsitsiniaanermit?

Angajoqqaat allaffimmut isertillugit paasisutissat ilinnut tunngasut saqqummiussiffiginegarsimappat?

***Tamakku allakkatigut akissuteqarfiginissaat piumasarineqarpoq ulloq 16. august 2004 nal. 15.00 nallertinnagu."***

B-p kommunimut allakkat imaattut 10. august 2004-mi nassiuppai:

"Allakkat Faxikkut nassiunneqarsimasut 9. august tigusannut tusarniaanermit tunngasut pillugit:

Siullermik akissuteqannginninni aningaasaqarnermut ataatsimiititaliamut allagaqaatigineqarsimasut uannut B-mut inummut ataasiinarmut tunngassuteqarsimappata sooq ingerlaannartumik allakkat uannut kopivi ingerlanneqarsimannginneri paaserusupakka, pineqartullu uannut ingerlateqqinnissai piumasaqaatigaara.

Uani allakkani pineqartoq tunngavigalugu akissuteqassaguma ima akissuteqarusuppunga aqutsisut allaffianni sulilernerma kingorna isumaginninnermut tunngasunik misissuisimasutut nalilernerqarsimanera kusaginngilluinnarpara, pissutigalugu sulileramali isumaginninnermut tunngasut inummut kimulluuniit tunngassutillit paasisimasaqarfiginngilluinnarlugit aallartikkama suliffimmut atorfinitsinneqarnera ataqqigakku Socialchefi ... pikkorissaajartornerani paasiniaafigisarsimavara suliat inunnut isumaginninnermut tunngasuteqartut qanoq ingerlanneqartarnersut immi-nermulluuniit tunngassuteqartut soorunami paasitinneqarpunga qanoq qanorlu tamakkununga tunngasuteqatut ingerlanneqartarnerinik.

Allakkami erseqqisumik paaserusuppara ukiut 3-4 pisimasut paasisutissat atorlugit angajoqqaat meeqqerivimmiituutillit qanoq sunalu tunngavigalugu sunniinar-simanersunga !! Tassa aallaavigineqartut suut pineqarpat???

Allakkami paasisakka malillugit angajoqqaat meeqqerivimmiituutilinnut suliaqarsimanitsinnut tunngasuteqarput. Erseqqissaatigeqqissavaralu, tassa siuneratigut Kommunaldirektørerimut erseqqissaatigereernikuuara sumininnguamilluuniit anga-



joqqaat suliaqarsimanitsinni uanga suliffittaannut (Bygdekotoret) attuumassuteqanngilluinnarmata.

Kiisalu atsiortitseqattaarnermi suliffiga atorneqanngilluinnarmat!!

Isumaqarpunga Direktørimut ilisimatitsissutigiginikuusakka (... aqqutigalugu) ilinnutaaq ingerlanikuusut.

K Kommuni ersarissumik paaserusutaanut tunngasoq:

Uannut paasissutissat inunnik isumaginninnermut tunngasut atuarsimanageranut apeqqut: Uani erseqqissaatigeqqissavara uannut inunnik isumaginninnermut tunngassutillit paasisaqarfiginiernerani uannut tunngassutillit takuneqarsinnaanerani paasiniaafigisimavara pikkorissaajartortoq ... taassumallu ingerlaanartumik akivaanga aap: Ajornangilaq inuup kialuuniit imminnermut tunngassutillit alakkassallugit, kisianni soorunami kingusinnerusukku pikkorissaqqinneqarnitsinni paasitsinneqarpugut imminnermut tunngasoq alakkarniaraani qinnutigineqaaqartariaqatoq.

Uannut paasissutissat tunngasut atorlugit soraarsitsiniaasimasunga??

Uanga qanoq ilillunga sunalu tunngavigalugu uannut tunngassutillit atorlugit soraarsitsiniaassagama aamma qanoq ilillunga?

Uanga kisimiillunga nukissaqassagama inuk suliffeqarfimmik taamak angitigisumik tigummialik soraarseriassallugu! Naamik uannut tunngassutillit sumulluuniit atornikuungisaanarpakka soraarsitseriarnermut!!!

Angajoqqaat allaffimmut iserteriarlugit paasissutissat uannut tunngassutillit saqqummiuttarsimanagerikka ??

Qanoq ilillunga angajoqqaat (Innuttaasut) saaffiginnittut uannut tunngassutillinik saqqummiussivigissavakka !! Suliitigalunga!!

Naamik taamak ingasatsigisumik iliuseqanngisaannarnikuuvunga taamaalorsimassaguma unioqquitsinerunnginnami????"

Allakkat uannut tunngasut ingerlateqqinngisaannarneqarnikut imaata ilaata paasiniaavigineqarneranut tunngassutiliugunartut akissutaa ingerlateqqippakka, neriullunga allakkat tigujumaarlugit."

Aammattaq suliama allagaatinut ilaapput allakkat ullulerneqarsimanngitsut nunaqarfimmi K-mi kommunip allaffianit illoqarfimmi K-mi kommunip allaffianut 13. august 2003-mi nassiunneqarsimasut imaattut:

"Ilanngullugit nassiunneqarput ilaqutariinnut uannut nakkarsaataareernikut ilisimatitsissutitullu qalipaammik taartumik qalipannikut.

Ilanngullugu ilisimatitissutigissavara maalaarutigineqarsimasut akissuteqarfige-reerneranni allakkatigunngikkaluartumik ilisimatinneqarnikuugama taakkua ilaqutariit akornanniit allakkanik tiguseqqittoqarusunnginnerani tassa ... ilisimatitsimmat (...-mit ingerlateqquneqarsimasoq).

Suliffeqarfimmi Aqutsisut allaffianni sulileramali nakkarsagaaneq inuttut suliffigalugu aqqutigalugu aallartissimavoq, pissutiginerullugu uanga meeqqerivimmi I-miittuutillit katersortissimavakka meeqqeriviup iluani pissutsit kusaginagit, taavalu angajoqqaat ataatsimoorluta pissutsinik kusanangitsunik iluarseeersimavugut ulloq manna tikillugu nuannaarutigisatsinnik tassa meeqqatta siunissaat eqqarsaatiginerullugu, tamakkulu pissutaallutik massakku uannut nakkarsaanerit ingerlanneqalerput allaat uanga nammineq nalilerusuppakka suliffinniit soraarsitsiniaalersut, naak suliama iluani sumilluuniit attoqillannikuunngisaannarlunga suliffeqarfimmut (Bygdekontor) tunngassutillimik.

Ilanngukusuppara taamatut nakkarsagaajuarnera ulloq manna tikillugu naammagittarlunga pigisara qatsulluinnarakku ingerlariaqqiffissakka ingerlariaqqiffigissa-gakkit tamarmimmi pappilissatigut uppersaatissaqareerput."

Paasisutissat allakkanut kingullernut ilanngullugit nassiunneqartut in-  
nuttaasumit allamit, tassa A-junngitsumit, B pillugu naammagittaallium-  
mut tunngasuunngillat, imarisatillu malillugit A-p naammagittaalliuutaanut  
attuomassuteqarnatik.

Suliami allagaatinut aamma ilaavoq kommunimi sulisoqarnermut pisor-  
tap aamma B-p 17. august 2004-mi oqaloqatigiinnerat pillugu allakkiaq  
imaattoq:

**"B-p, nunaqarfik K, 17. august 2004-mi oqaloqatigineqarnera pillugu ima-  
qarniliaq.**

B sulinngiffeqaraluarluni nunaqarfimmi K-mi kommunip allaffiani ataatigut atsi-  
ortumik oqaloqatiginnikkusuppoq. Oqaloqatigiinnermi suliami illua'tungiusup isu-  
maanik tusarniaaneq K Kommunip pineqartumut 09. august 2004-mi nassiussima-  
saa pineqarpoq.

B-p tamatumunnga peqatigitillugu allagaatinik paasitinneqarsinnaatitaanini ator-  
paa, allakkallu illua'tungerisaanut A-mut nassiunneqarsimasut atuarlugit.

A-p allagai atuareerlugit B nalunaarpoq suliami illua'tungiusumut tusarniaaner-  
mut akissunni aalajangiusimagini, annertunerusunillu ilassutissaqarnani.

Pineqartoq tamatuma kingornatigut nalunaarfigaara akissutaa suliap ingerlaqqin-  
nerani ilaatinneqarumaartoq, makkuninngalu ilisimatillugu:

K Kommunip suliami tassani soqutigisai taamaallaat tassaapput suliamut attuu-  
massuteqartut, allamik naami. Suliaq/suliassat assigisaalluunniit pillugit kukkuso-  
qarsimappat unioqutitsisoqarsimappalluunniit taakku K Kommunip misissussavai  
isummerfigalugillu. Suliami illua'tungiusut soorunalimi tusarniaavigineqassapput,  
allalli sulluunniit A-p aamma B-p namminneq akornanni pissutsinut tunngasut su-  
liamut attuumassuteqanngitsut K Kommunimit attorneqassanngillat, taakkumi i-  
nuit ataasiakkaat akornanni saqitsaassutinik eqqartuussiviup ataaniimmata. Suliami  
illua'tungiusumut tusarniaanermut 09. august 2004-mi nassiunneqarsimasumut akis-  
summinut ilassutissaqannginnini B-p uppersaqqippaa.

Tamatuma kingornatigut nassuiaallunga oqaatigaara akissutaata aamma allakkiap  
matuma assilineri A-mut tunniunneqarumaartut.

..." (Atorfeqarfimmi nutsigaavoq)

Kommuni A-mut 25. august 2004-mi imatut allappoq:

"Paasisakka malillugit paatsoortoqarsimavoq una suliaq suliarineqarnerani. ... al-  
lattoqarfimmi pisortaatilluni nunaqarfimmut K-mut angalatilluni nalunaarutigisi-  
mammagu suliaq naammassisoq kiisalu allamik pisoqarnavianngitsoq. Kisianni al-  
lakkatit tunngavigalugit paasinarpoq illit oqaloqatigineqarsimanngitsutit imaluun-  
niit isumasiorneqarsimanngitsutit. Tamanna ajuusaarnarpoq. Kisianni tamanna tun-  
ngavigalugu suliaq aammaarluni aallarteqqinneqarpoq B-lu illit saqummiussannik  
allakkatigut tusarniaaffigineqarpoq. (Ilanng. tusarniaanerup assinga).

Siullermik erseqqissaatigissavara K Kommunip sulisitsisutut pisut suliamut kisi-  
mik tunngasut iliuuseqarfigisinnaammagit. Sulisoq piginnaatitaaffeqarpoq tusarni-  
aaffigineqassalluni suliamut tunngatillugu maalaaruteqartoqartillugu.

Ilanngullugu nassiuqqarpoq B-p tusarniaanermut akissutaa. Akissutaani ersarissumik B-p pineqartut utertippai eqqunnginnerarlugit.

K Kommuniq suliaq ingerlateqqissappassuk allatut ajornartumik tunngavissaqartariaqarpoq, tassa illit allakkanni angajoqqaat pineqartuniit. Illit allakkanni ... uppernarsaasinnaasutut nammineq taavat. Uanili illit aperissavakkitt akuerissanerit uagut ... attavigissaneripput imaluunniit illit nammineq attavigalugu allakkatigut K Kommunimut uppernarsaasinnaanersaq pisimasunik. Ulloq kiisalu kikkut ilaasimanersut ersarissumik nalunaarutigineqassapput. Neriuppugut tamanna tuaviortumik akissuteqarfigissagitt suliaq ingerlaleritorniassammat.

Erseqqissaatigineqassaaq K Kommunip kisimik soqutigisarimmassuk suliamut tunngatillugu kukkusqaarsimappat. Inuummiit inummumt ajornartorsiutit uagut akuliuffigisinnaanngilarput akuliuffigisussaanaagillu."

A-p allakkat marluk imaattut kommunimut 27. august 2004-mi nassiupai:

"Haluu ...

Allagarisat pillugu. Siullermik B-p akissutaanut allagarsi allassimasooq pillugu allapputit B eqqunngitsumik pineqarsimasooq uanga allagara pillugu, eqqunngitsooq ilu-moornerisooq paaserusullugu, ilaasarsimasut aperaakka allaffiani ataatsimeeqataasarsimanerat pillugu taavalu atsiortippakka, ilumut uppernarserusullugu taamaatoqartoq. Taamaatoqarporlu allaat ilaasa nassuerutigaat sunnernaipilunneqarsimanerminnit ilaasalu eqqartuussisumut unnerlunnissannik siunnersoraluarpaannga. Pisariaqarpa taamannak eqqunnginneraaneq atornerlusallugu B-mit, kanngunaqaaq.

Taavalu apeqqutigerusuppaa aktindsigtimik qinnuteqarsimanersooq saginik misissuilerami, sagbehandlingsloven malissagaani tassami allagaani takuneqarsinnaavoq ...-p akisimanerani taamaaliorisimasooq, misissuisimanerani ...-mut oqarsimamera malillugu saginik misissuilluni takusimallugu paniminut allagaq, ... oqanngitsuuppat naluissimassagaluarpara. ... oqanngitsuuppat naluissimassagaluarpara suna aallaviusooq, qujasarpunga arfininngornermi oktoberip 3-ani niuertarfiup quianut iserlunga ...-p oqaloqatigiumammaga allagaq pillugu, sumik eqqarsannginnama akuaeraa oqarpoq ugguarluni atsiorsimalluni paasigamiuk akiniaaniarluni taamaalioritoq, oqarporlu oqartusaanani oqarluni B oqarsimasooq saginik misissuinermini takusimallugu taana.

Uinnut ingerlaannaq oqaatigaara ...-p uannut oqaasia taamanikkut KNI-mi.

Uanga qanoq isillunga nammineq sanassagaku ...-mut oqarsimamera.

Nalunngilara massakkut ...-kkut B-lu kammagiitorujussuit taamaattumik uanga nammineq attavigigukku nalunngilara akineqarnaviarnanga, taamaatumik pitsannerutippara illit tamanna suliarissagukku.

Ilanngukkusuppaa aamma ataasinngornermi 051003 ... oqaloqatigigaku ... ilagigaku. Ullumilu allatsitsinerma kinguneratigut nal. 18.00 B-p angutiviaa uannut sianermat kamattorujussuulluni atsiortitsinera kamassutigalugu, pisariaqanngilaq aapparisat ilanngussorlugit pissalluta, susasaqanngillammi. Taavalu B-p allassimasaanut sooq soraarsitsiniarnermut siuttuusimaneq pillugu, soormiuna taamaliorneq aallartikkaa naggataatigut miserrataasussanngorlugit, uagummi taamanikkut suliusugut meeqqerivimmi ilisimalluarparput tamanna.

Ataatsimiittarnerillu nunaqarfippat taama annikitsigimmat tusartarparput unnuup ingerlanerinnaani, sunalu pineqarsimasooq. Tupinnaqaaq miserrarimmat, ukiut amerlaqisut sullissivunga K Kommunimi eqqortumik sallu atornagu ingertatsisarsimavunga, aammami sallu atorlugi sulissaguma tatiginassuseq sumiisagami, uangalu nuannarinngilluinnarlugu inuk sallumik ingertatsisooq."

aamma

"Allakkani eqqaaneqartoq pillugu.

Pineqarpoq nunaqarfiup allaffiani ataatsimiittarsimaneq pillugu, ataatsimiinnermi eqqartorneqartarsimavoq meeqqerivik, taavalu ninguat taamanikkut A ningiummat. B allappoq taamaatoqanngitsoq. Allaat kommunaldirektørimut erseqqissarsimavaa, uangalu erseqqissarusuppara taamaaliortarsimanerannut ilaasarsimasut atsiortinnerasigut.

Ulloq 27.08.04.

A, nunaqarfik K

(atsiornerit arfineq pingasut)

P.S. Salluliutigineqarnera naammalermat."

Allakkat ullulerneqarsimangitsut imaattut nunaqarfimmi K-mi kommunip allaffianit kommunip sulisoqarnermut pisortaanut faxikkut 30. august 2004-mi nassiunneqarput:

"Matumuuna uppersarsaammik eqqortumik tunngavilimmik uppersarsaavugut.

Iluoorpoq tallimangormat 27/08-04 A allagaq nassarlugu atsiortiterimmat, alagarlu taanna imminut tunngasuummat atuartinnagu ilaannaalu annikittuaraq nasuiaatigiinnarlugu atsiortiterimmat.

Atuartissinnaangilaa namminermut tunngasuummat.

Neriuppunga allakkakka paasinassasut.

...  
..."

A-p kommunimut allagaanut 27. august 2004-meersunut atsioqataasunut ilaapput ... aamma ... (naggataata sinnera atuarneqarsinnaangilaq).

Aammattaq allakkat imaattut kommunimi sulisoqarnermut pisortamut telefaxikkut 8. september 2004-mi nassiunneqarput:

"Uagut ilaqutariittut attorneqaqqunata tallimangormat ulloq 27/08-04 atsiugari-sarput peersinniarparput aammami allagaq taanna uagulluunniit atuannilarput qanoq imaqarnersoq.

Atsiugaq peerneqarnissaanut qujareerluta ataatigut atsiorpugut.

...  
..."

Taamatuttaaq A-p kommunimut allagaanut 27. august 2004-meersunut atsioqataasut akornanniipput ... aamma ...

Kommuni tamatuma kingornatigut A-mut 10. september 2004-mi imatut allappoq:

"Pillugu: Allakkat 27. august 2004-meersut.

B-p tusarniaaffigineqarsimaneranut akissuteqarlutit ulloq 27. august 2004 allakkatit atsiornernik imaqartoq tiguineqarsimavoq.

Ilanngullugu nassiuppakka angajoqqaat atsioqataasimasut atsiornerminnik utertitsinerat.

Allakkat ulloq 27. august 2004-meersut tunngavissatut atorneqarnissaanut tamanna apeqqustillisoqarmat matumuuna illit nammineq nassuiaateqaqquneqassuutit ilumut allakkat imai takutinnagit atsiortitsisimanersutit. Tamanna angajoqqaat nalunaarutigaa nammineerlutik allallutik.

Ilumut tamanna pisimassappat allatut ajornartumik allakkat 27. august 2004-meersut tunngavissatut atorneqarsinnaanngillat, tassa atsiortinneqarsimasut atsiornertik utertimmassuk. Uagut allakkat atsiortitsinermik tunngavillit kisimik atorsinnaavagut, atsiorsimasut suna atsiorsimanerlugu nalunngipaasuk.

Ilanngullugit nassiunneqarput atsiornermik utertitsisut allagaasa assingi."

Kommunimut 30. september 2004-mi imatut allappunga:

"A-p naammagittaalliuutaa 24. juni 2004-meersoq, assilnera ilanngullugu nassiunneqartoq, [tiguara].

Naammagittaalliuut imatut paasivara piffissaq nipangiussisussaataitanermik unioqqutitsineq pillugu A-p naammagittaalliuutaanik K Kommunip suliarinninnerminut atorsimasaa A-p naammagittaalliuutiginiaara.

Taamaattumik K Kommuni qinnuigaara naammagittaalliuut, assilnera ilanngullugu nassiunneqartoq, pillugu oqaaseqaateqaqqullugu.

Aammattaq K Kommuni qinnuigaara suliami iliuuseqarnerit ullulersorneqarneri malillugit allattorsimaffiat tunniuteqqullugu, suliami iliuuseqarnerit naammagittaallioortumut qanoq annertutigisumik ilisimatitsissutigineqartarsimanerat nalunaarlugu.

Kiisalu K Kommuni qinnuigaara mappi allagaatinik naammagittaallioortumut tunngasunik imalik nassiuteqqullugu.

Naammagittaallioortuq qulaani taaneqartunik allakkat uku assilinerannik nassinneqarnermigut ilisimatinneqarpoq."

Kommunip 26. november 2004-mi imatut akivaanga:

### **"Suliap allaaserineqarnera:**

B-p nipangiussisimasussaataitanerminik unioqqutitsisimaneragaanera pillugu A-p naammagittaalliuutaa K Kommunip tiguua.

Taamani immikkoortorta qarfimmis pisortap ...-p suliap nunaqarfimmit K-mut angalanermi ilaanni oqaloqatiginnissutigisimavaa. Tamanna A-mut 23. april 2004-mi allakkanit aamma erserpoq. Immikkoortorta qarfimmis pisortaq ... oqarpoq suliap qulaajarneqarsimasoq, illua'tungeriillu tamarmik oqaloqatigineqarsimasut. Taamaattumik K Kommuni allakkatigut taakkunuuna akivoq suliami tassani ingerlaqqinnissamut pissutissaqanngitsoq.

K Kommuni 5. juli 2005-imi akivoq suliami illua'tungeriit tamarmik suliami tassani tusarniaavigineqarsimagunangitsut ajuusaarutigalugu paasineqarsimasoq.

Ataatigut atsiortup tamanna paasigamiuk A-mut (09. august 2004-mi) pilertornerpaamik allappoq (suliami illua'tungiusup isumaanik tusarniaaneq). Allakkat taakua assilinerat A-mut nassiunneqarpoq.

Suliami illua'tungiusup isumaanik tusarniaaneq taanna B-p 10. august 2004-mi akivaa.

Suliami illua'tungiusup isumaanik tusarniaanerup taassuma kingornatigut K Kommuni A nalunaarfigaa K Kommuni paasissutissat pigineqartut tunngavigalugit B eqqarsaatigalugu annertunerusumik iliuseqarsinnaanngitsoq.

K Kommuniata tamatuma kingornatigut ataatsimiittarsimaneraanerit aamma angajoqqaat siusinnerusukkut allakkaminnik utertitsinerat pillugu saaffiginnissutit arlallit tiguai.

Tamatuma nassataraa ataani atsiortup nunaqarfimmut K-mukarnera, B-llu 23. august 2004-mi oqaloqatigineqarnera, tassami taanna allagaatinik paasitinneqarnissaminik qinnuteqarsimammat.

Ataani atsiortoq A-mut 25. august 2004-mi allappoq, suliallu ataqatigiinneqarnera nassuiarlugu, B-llu suliami illua'tungiusup isumaanik tusarniaanerit akissutaa ilanngullugu nassiullugu. Tamatumunnga peqatigitillugu allakkanit ersepoq suliaq K Kommuni suliareqqissinnaanngikkaa, tassami pasilliutaasut saqqummiunneqartut uppersaatissaqanngimmata.

K Kommuni 10. september 2004-mi allappoq angajoqqaat arlallit allagarisimasatik il.il. utertissimagaat, tamatumalu nassataraa K Kommuni suliami tassani ingerlaqqissinnaannginnera.

### **K Kommuni suliaq manna pillugu oqaaseqaataa:**

Suliap aallartitsiaannarnerani paatsuuineq pissutigalugu suliaq sivitsuloorunneqarsimavoq. Tamanna 2004-mi julip aamma augustip qaammataanni aaqqinniarnaqarsimavoq.

Suliaq ajornakusoortuusimavoq, tassami inuit akunnerminni aaqqiaginnissuteqarnerat il.il. suliami tassani ilaasimmata. K Kommuni suliap suliareqqinneqalernerata kingornatigut suliami illua'tungiusut tamaasa nalunaarfigisimavai K Kommuni iliuseqarfigisinnaasatuaa tassaasoq B-p sulineranut tunngasoq. Tamanna suliami matumani illua'tungiusunut tamanut ajornakusoortuusimavoq, pingaartumik atorfeqartitarpit B eqqarsaatigalugu, tamannalu tikkuarsimavarput.

Suliami matumani allagaatit pineqartumut tunngassuteqartut tamaasa K Kommuni ilanngullugit nassiuppai." (Atorfeqarfimmi nutsigaavoq)

### **A-mut 13. januar 2005-imi imatut allappunga:**

"24. juni 2004-mi naammagittaalliutit matumuuna uterfigaara.

Kommunimut 4. november 2004-mi allakkannut K Kommuni akissutai 6. december 2004-mi tiguakka.

Kommuni allakkani nalunaarpoq nipangiussisusaanermik unioqquitsinermik oqaatigisanut uppersaatissaqanngitsoq. Kommuni aamma nalunaarpoq suliami angajoqqaajusut allakkatik utertissimagaat, taamaasillunilu kommuni suliap suliarinerata ingerlateqqinnissaanut tunngavissaarulluni.

K Kommuni akissutaata assilinerata allakkanut ukununga ilannguppara.

Suliami paasissutissanik nutaanik allakkanik peqaruit qinnuigaakkat taakku Ombudsmandimut nassiuteqqullugit.

Sapaatit akunneri sisamat qaangiutsinnagit Ombudsmandi ilinnit akissutisinnagipat suliaq tunngavissat pigineqareersut tunngavigalugit naammassineqassaaq.

Ilnnut malugeqqussavara pisortani atorfeqartut nipangiussisussaataaneramik unioqquitsineri Kalaallit Nunaanni Pinerluttulerinermi Inatsimmi § 29 malillugu pineqaatissinneqarsinnaammata. Pisortani atorfeqartup nipangiussisusaanermik unioqquitsisimaneranik isumaqarnerit aalajangiusimaannarukku, tamannalu uppersaatissaqartikkukku, pimasup Kalaallit Nunaanni Politinut nalunaarutiginnissaanut periarfissaqarputit."

## Kommunimut 29. marts 2005-imi imatut allappunga:

"Suliaq kommunip uannut 26. november 2004-mi akissuteqarfigisaa massakkut uterfigaara.

Kommunip akissutaa A-mut saqqummiuppara, taannali ilassutaasunik oqaaseqaateqarsimangilaq.

Tamatuma saniatigut – Ombudsmandip kommunimut 2005-imi martsip qaammaatani tikeraarneranut atatillugu – suliani allagaatinik sulisunut B-mut aamma A-mut tunngasunik imalinni allagaatit assilineri tamaasa tiguakka.

Suliami paasissutissat taamaalillutik pigineqalersut kommunip suliamik suliarininneranik A-p naammagittaalliutai 19. januar 2004-meersoq aamma 23. januar 2004-meersoq pillugit kommunimut apeqqutinik ilassutaasunik arlalinnik saqqumiuussinissannut pissutissaqalersippaanga.

- B-p kommunip immikkoortortaarfiani pisortatut atorfeqartitaanerminut ilaatillugu suliamik isumaginninnermut tunngasunik nammineq illua'tungiuuffigisaminik misissuisimanagera, namminerlu soqutigisaminik malersuinnermini suliami allagaatinik atuisimanagera pillugu apeqqut.

Qulaani taaneqartoq A-p kommunimut naammagittaalliutaani ilaavoq.

B-p suliami illua'tungiusut isummaminik tusarniaavigineqarnerminut akissutaa nit 10. august 2004-meersumit makku erserput:

"Uannut paasissutissat inunnik isumaginninnermut tunngasut atuarsimanageranut apeqqut: Uani erseqqissaatigeqqissavara uannut inunnik isumaginninnermut tunngassutillit paasisaqarfiginiarnerani uannut tunngassutillit takuneqarsinnaanerani paasiniaaffigisimavara pikkorissajartortoq ... taassumallu ingerlaannartumik aki-vaanga: Aap, ajornangilaq inuup kialuuniit imminermut tunngassutillit alakkassallugit, kisianni soorunami kingusinnerusukku pikkorissaqqinneqarnitsinni paasitinneqarpugut imminermut tunngasoq alakkarniaraanni qinnutigineqaaqartariaqatoq."

Kommuni qinnuigaara manna pillugu nassuiaateqaaqqullugu, tassalu A-p naammagittaalliutaanut atatillugu suliaq B-p, A-p kommunimut paasissutissiinera malillugu, illua'tungiuuffigisaanut tunngasoq eqqarsaatigalugu suliasat suliarineqartarnerat pillugu inatsimmi suliami allagaatinik paasitinneqarsinnaatitaaneq pillugu malit-tarisassat B-p suliami illua'tungiusutut eqqortissimanageri kommunip erseqqinneru-sumik misissorsimanagera.

- A-p ulluunerani paaqqinniffimmi pisortatut suliaminik ingerlatsinera pillugu suliarineqarnerani kommunip nunaqarfimmi K-mi immikkoortortaarfiani B-p pisortatut peqataasimanagera pillugu apeqqut.

A-p kommunimut naammagittaalliutaani ilaasutut oqaatigineqarpoq suliamik A-p suliaminik ingerlatsinanageranut tunngasunik suliarinninnermi B peqataasimasoq.

Suliani allagaatini Ombudsmandeqarfimmeersut kommunimut tikeraarnerannut atatillugu tigusimasanni ilaavoq ulluunerani paaqqinniffiup pisortaa pillugu kommunimut naammagittaalliutip 10. oktober 2003-meersup assilineri; naammagittaalliut taanna angajoqqaat 11-t meeqqanik paaqqinniffimmiittuutillit atsiorsima-vaat, matumani B ilanngullugu eqqarsaatigalugu.

A-p naammagittaalliuutaata ilaa tassunga tunngasoq pillugu suliami illua'tungiu-sutut isummaminik tusarniaavigineqarnerminut akissummini qulaani issuarneqar-tumi B imaattunik oqaaseqaateqarpoq:

”Uannut paasissutissat tunngasut atorlugit soraarsitsiniaasimasunga??

Uanga qanoq ilillunga sunalu tunngavigalugu uannut tunngassutillit atorlugit so-raarsitsiniassagama aamma qanoq ilillunga uanga kisimiillunga nukissaqassagama inuk suliffeqarfimmik taamak angitigisumik tigummialik soraarseriassallugu! Naa-mik uannut tunngassutillit sumulluuniit atornikuungisaannarpakka soraarsitseriar-nermut!!!”

Kommuni qinnuigaara manna pillugu nassuiaateqaqqullugu, tassalu B angajoq-qaat 11-t naammagittaalliuutaata qulaani taaneqartup suliarineqarnerani peqataasi-manersoq A-p naammagittaalliuutaanut atatillugu kommunip erseqqinnerusumik misissorsimaneraa.”

Kommuni akissuteqarnissaanik allakkani 20. juni 2005-imeersuni eq-qaasippara.

A e-mailikkut nassiussakkut 28. juni 2005-imeersukkut uannut imatut al-lappoq:

”Ukioq januaarimi Nuummi atuarruttulerlunga allakkat tigusimavakka suliaq i-ngerlaqqinnissaanut tunngavissaaruttoq, assut uannut pakatsinarsimavoq, tassami imatut oqaraani pitsanneraaq nipanngersitaasimavunga pineqartumik B-mik, politi-i-nut tunniussimavaannga malersuiinnaramagooq, personalcheffip ... oqaloqatigeriar-lugu taamaaliorsimavoq politiip oqarnera malillugu, taannalu siorna augustimi pisi-mavoq. Uanga eqqortumik aallaaveqarlunga suliniarpunga, taamannat nipannger-saallutik Polititit aqqutigalugit, uannut assut tujorminarsimavoq.

Aprilimi allagarsigama assut nuannaarsimavunga suliaq suli ingerlammatt, kisi-an-nili utaqqiuvarsimavara K Kommununip akinissaa allagarsi aallaavigalugu, akisoqar-neq ajormat allaffigaakkit, tassami suliamik aallartitsigama qanoq pisoqarner-soq paaserusuppara.”

Kommuni akissuteqarnissaanik allakkani 11. august 2005-imeersuni aamma 4. oktober 2005-imeersuni eqqaaseqqippara.

Kommunip tamatuma kingornatigut 21. oktober 2005-imi imatut akivaan-ga:

”Taamatut kingusissumik akissuteqarneq K Kommunip aallaqqasiutitut ajuusaa-rutigissavaa.

Pissutsit Ombudsmandip allagaani taaneqartut tamaasa K Kommunip B-mut su-liami illua'tungiusumut tusarniaatigisimavai.

Tamatumunnga peqatigitillugu suliassat suliarineqartarnerat pillugu inatsimmi suliami illua'tungiusup allagaatinik paasitinneqarsinnaatitaanera pillugu immikkoo-rtoq B-mut erseqqissarneqarsimavoq.

B-p K Kommuni nalunaarfigaa paaqqinniffiup pisortaa pillugu naammagittaal-liiut nammineq meeraqarnini aallaavigalugu pisimasoq, kiisalu pisut suliffiup ava-taatigut ingerlanneqarsimasut.

Naammagittaalliuut paaqqinniffinnut tunngasunut pisortamut ...-mut nassiuinne-qarsimasoq, B-lu tamatuma kingornatigut suliap suliarineqarnerani peqataasima-



nani, angajoqqaatulli atsioqataasimalluni. Tamatuma kingornatigut inuit allat suliat taakku kaputartuunneqarnissaat kissaatigisimavaat, taamaalillutillu B-p isigineqarnera ajortunnngortillugu." (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

"Misissuinerma annertussusia:

*A-p naammagittaalliuutaa 5. juli 2004-mi tigugakku misissuininni aallaaviusq tassaavoq kommunip nunaqarfimmi K-mi kommunip allaffiani pisortaq B pillugu A-p naammagittaalliuutaanik 19. aamma 23. januar 2004-meersunik suliarinninnerminik kommunip suli naammassinnissimannginnera.*

*Kommunimut 2005-imi martsip qaammataani tikeraarnerma kingornatigut kommunip suliame paasissutissaataanik tamarmiusunik misissuigama misissuinerma A-p kommunimut naammagittaalliuutaata suliarineqarneranut atatillugu suliamek paasissutissartalersuinerup aamma misissorneqarneranik ilaniarlugu aalajangerpunga.*

*Tulliullugu oqaatigaara A-p kommunimut uannullu naammagittaalliuutaanut aallaaviusq tassaasoq B-p naammagittaalliuutaata akiniaaniarneq tunngavigalugu tunniunneqarsimanera.*

*B-p A pillugu naammagittaalliuutaa B-mit nammineq inuttut, tassalu meeqqamut ulluunerani paaqqinnittarfimmiittumut anaanaasutut, imaanngitsoq kommunip sinniisaatut, tunniunneqarsimammat B-p naammagittaalliornerminut sumik tunuliaqutaqarsimaneranik isummerfiginninneq suliassama avataanniippoq.*

*Inatsisartut Ombudsmandiat pillugu Inatsisartut inatsisaanni § 5 imaattunik oqaasertaqartoq innersuussutigaa:*

*"§ 5. Ombudsmandip nakkutigissavaa § 4-mi ingerlatsiviit taaneqartut suliamek ingerlatsinermi kukkunernut naammassinngitsuukkanulluunniit pisuunersut."*

*Piffissaq A-p sulinerminik ingerlatsinera pillugu naammagittaalliuutip suliarineqarneranut atorneqartoq aamma suliap inaarlugu suliarineqarnera.*

*Siullertut oqaatigaara uanga paasinninnera unaasoq A-p 2004-mi januarimi naammagittaalliuutai matuminnga aallaaveqartut, tassalu kommunip ulluunerani paaqqinniffiutaani I-mi nunaqarfimmi K-miittumi A-p pisortatut atorfimminik ingerlatsineranik B-p (allallu) 12. september 2003-mi aamma 10. oktober 2003-mi kommunimut naammagittaalliuutiginnissimaneranik.*

*B-p (angajoqqaallu allat) naammagittaalliuutaannik kommunip suliarinninnera pillugu suliamek paasissutissanit, pingaartumik kommunip allakkiaanit 8. oktober 2003-meersumit, erserpoq A naammagittaalliuut pillugu*

*ilisimatinneqarsimasoq. Taamaattorli kommunip tamatuma kingornatigut A-mut tusarniaanera 15. oktober 2003-meersoq angajoqqaat pineqartut naammagittaalliuutaannut tunngasuunngilaq, kommunillu allakkiaa 20. oktober 2003-meersoq kommunip A-mut allagaanut 5. juli 2004-meersunut atatillugu tunngaviuttippara kommuni isumaqartoq A-p suliaminut atatil-lugu unioqutitsisimanera uppersarneqarsimanngitsoq, sulialli inerni-lerneqarnera A-mut nalunaarutigineqarsimanngitsoq.*

*Pisortani atorfeqartoq pillugu naammagittaalliummik oqartussaasup tigusaqarnerata immi atorfeqartitaasup pineqartup suliami illua'tungiu-lernerata nassatarinngikkaa. Naammagittaalliuut atorfeqartup naalasseriit-suliorneq pissutigalugu iliuuseqarfiginissaanut tunngavissaqarneranik im-mikkut aalajangersaanissamut aatsaat pissutissaqalersitsippat atorfeqarti-taasoq pineqartoq suliami illua'tungiusutut pisinnaatitaaffilerneqartussaa-sussaavoq.<sup>11</sup>*

*Taamaalilluni naammagittaalliuut angajoqqaat A-mik naammagittaal-liuutiginninneranni pisimasutut naalasseriitsuliorneq pissutigalugu iliuu-seqarnissamik pissutissaqalersitsinngippat suliaq atorfeqartitaasoq pine-qartoq naammagittaalliuutigineqartoq eqqarsaatigalugu aalajangiinermik inaarsarneqassanngilaq.*

*Taamaattumik kommunip suliami A eqqarsaatigalugu aalajangiinermik inerniliisimannginnerata isornartorsiuinissannut pissutissaqalersissin-naanngilaanga.*

*Tamannali apeqqutaatinnagu manna pillugu piumasagaat atuuppoq, tassalu ingerlatsinermi ileqqorissaarneq oqartussaasut malissagaat. Tas-sani aamma ilaavoq oqartussaasut sulisoqarnerminnik ingerlatsinerminni mianerinnittumik periaaseqartussaanagerat.*

*Pisumi matumanisut ittumi atorfeqartitaasup (A-p) naammagittaal-liuummik ilungersunaqisumik A-llu soraarsinneqarnissaanik imaqartumik kommunimit ilisimatinneqarfigisimasaani kommuni uanga paasinninnera malillugu matuminnga ilimaginninnissaminut pissutissaqarsimavoq, tas-salu sulinini pillugu naammagittaalliummik taamaattumik kommunip su-liarinninnera ilisimassallugu A-mut immikkut nanertuutaassasoq.*

*Taamaattumik isumaqarpunga suliap A-mut iliuuseqarnissamik isuma-liutersuutitaqanngitsumik inarlugu sularineqarsimaneranik kommunip A-mut nalunaarutiginnissimasariaqaraluarnera ingerlatsinermik ileqqo-rissaarnerup nassatarigaa.*

*A-p B pillugu naammagittaalliuutai 19. aamma 23. januar 2004-meersut A-p nunaqarfimmi K-mi paaqqinniffimmi pisortatut soraarsinneqarnissaa-nik B-p (pissutissaqanngitsumik) suliniuteqarsimagaluarneranik aallaave-qarput.*

---

11. Hans Gammeltoft Hansen allallu, "Forvaltningsret", aappasaanik naqite-tertitaq, 2002, qupperneq 224.

*Qulaani taaneqartunut uiggiullugu isumaqarpunga naammagittaalliuutit taakku angajoqqaat (matumani B ilanngullugu eqqarsaatigalugu) naammagittaalliuutaata suliarineqarnera A-mut nalunaarutigineqarsimangersoq kommunip ingerlaannartumik misissuinissaanik pissutissaqalersit-sisimasariaqaraluartoq.*

*A-p B pillugu naammagittaalliuutaanik kommunip suliarinninnera eqqarsaatigalugu aamma maluginiarpara kommunip suliaq A-mut allakkatigut 10. september 2004-meersutigut qulaani issuarneqartutigut inaarlugu suliarisimagaa.*

*Tamanna pillugu oqaatigaara A uannut 24. juni 2004-mi naammagittaalliormat, taamaalillutillu tamatuma nalaani A-p kommunimut naammagittaalliormatit qaammatit arfinillit missaat ingerlasimallutik.*

*Taamaalinerani A allakkaminut 16. april 2004-meersunut akissuteqartoqarnissaanik nukingisaareersoq kommuni A-mut 23. april 2004-mi allap-poq, allakkallu taakku A-p 28. april 2004-mi akivai.*

*Tamatuma saniatigut uannut naammagittaalliormat kommunip suliamik suliarinninneranik allamik pisoqarsimangilaq.*

*Oqaatigaara piffissaq oqartussaasut sulianik suliarinninnermut atugaat pillugu malittarisassanik aalajangersimasunik atuuttoqanngitsoq.*

*Ingerlatsinermilu ileqqorissaarnerup nassataraa piffissaq suliamik suliarinninnermut atorfeqartoq eqqarsaatigalugu annikinnerpaaffiatigut piumasaqaatit arlallit oqartussaasut eqqortissagaat. Taakku suliasat suliarineqartarnerat pillugu inatsit pillugu Inatsisileriffiup ilitersuusisaani december 1994-imi ilaatigut allaaserineqarsimapput.*

*"199. Suliassat tamarmik pisortat ingerlatsiviinit suliarineqartut soorunami sapinngisamik sukkasuumik aningaasartuutaavallaanngitsumillu suliarineqartarnissaannik piumasaqaat pingaartumik atuuppoq suliassanut inuit ataasiakkaat imaluunniit namminersorlutik ingerlatseqatigiiffiit, suliffeqarfiit, peqatigiiffiit il.il. atuumassuteqarfigisaanni."*

*Tassa ingerlatsivik sulianik tulleriinnilersuinermini suliat ataasiakkaarlugit naliliiffigisartussaavai.*

*Uanga paasinninnera unaavoq pisortani atorfeqartitaasut pillugit naammagittaalliuutit ingerlatsiviup tatigineqarnera eqqarsaatigalugu pilertortumik suliarineqartariaqartut.*

*Tamatumunnga atatillugu isumaqarpunga naammagittaalliuutip taamaattup tiguneqarneranik kommunip qisuariarnissaata tungaanut qaammatit pingasut ingerlasimanagerat naammaginangitsusooq. Aamma isumaqarpunga kommunip suliamik suliarinninnini 5. juli 2004, A-p allagaanik kommunip akisiffigisimasaa, sioqqullugu aallartissimasariaqaraluaaraa.*

*Tassani aamma ilaavoq allakkatigut saaffiginnissutit tiguneqarnerisa oqartussaasunit allakkatigut uppersarneqartarnerisa ingerlatsinermi ileqqorissaarnermut ilaanerat.*

*Taamaattumik isumaqarpunga naammagittaalliuut tiguneqartog kommunip A-mut allakkatigut immikkut nalunaarutigisimasariaqaraluaraa.*

*Kommunip suliamik misissuina.*

*A-p naammagittaalliuutaa siullertut isumaginninnermi ingerlatsiviup B-p panni pillugu allakkanik susassaqaangitsunut takutitsinermigut B-p nipangiussisussaataitanermik unioqquitsisimaneragaaneranut tunngasuuvoq.*

*Tamanna pillugu oqaatigaara B suliami panimminut ukiukinnerusumut tunngasumi suliami illua'tungiuinera qularnaateqaangitsog, taamaattumillu suliasat suliarineqartarnerat pillugu inatsimmi malittarisassat malillugit allagaatinik paasitinneqarnissaminut pisinnaatitaasoq.*

*Pisortani atorfeqartitaasup suliami atorfeqartitaasup pineqartup allagaatinik paasitinneqarnissaminik piumasaqaateqarfigisinnaasaani paasisutissanik ingerlatitseqqinnera nipangiussisussaataitanermik unioqquitsinerunerarneqarsinnaanngilaq.*

...

*Taamattumik uanga paasinninnera unaavoq kommuni A-p naammagittaalliuutaata nassatarisaanik manna misissussallugu pisussaaffeqarsimasog, tassalu B suliami kommunip allaffianiittumi paasisutissanik nammineerluni pissarsisimanersoq.*

*Kommunip B-mut suliami illua'tungiusumut isumaanik tusarniaasimanagera paasisutissiissutigineqartut malillugit aamma kommunip A-mut allagai 24. oktober 2004-meersut kommunip tusarniaanermut akissutaanut 21. oktober 2005-imeersunut ataneqartillugit tunngaviuttippara B-p paasisutissiissutai kommunip imatut paasisimagai B-p suliaq panimminut tunngasog allagaatinik paasitinneqarsinnaatitaanermik malittarisassat unioqqu-tinnagit misissorsimagai.*

*Kommuni paasisutissat pigineqartut tunngavigalugit taamatut inernilii-sinnaasimanersoq imaaliiallaannaq qularnartutut isigaara, tamatumunngalu atatillugu isumaqarpunga kommunip B erseqqissumik aperisimasariaqaraluaraa suliaq taanna allagaatinik paasitinneqarsinnaatitaaneq pillugu malittarisassat malinnagit misissorsimanagera. Taamaattorli malittarisassat kommunip B-mut erseqqissarsimallugit oqaatigimmagu annertunerusumik iliuuseqaqqinnissannut pissutissaqarnanga isumaqarpunga.*

*A-p naammagittaalliuutaani immikkoortup aappaa B-p naammagittaalliuutip angajoqqaatut atsioqataaffigisimasami suliarineqarnerani peqataasimanerarneqarneranut tunngasuuvoq.*

*Suliasat suliarineqartarnerat pillugu inatsimmi § 3, imm. 1-imit aamma imm. 3-mit makku erserput:*

"§ 3. Kinaluunniit pisortatigut ingerlatsinermi suliaqartoq suliassami aalajangersimasumi peqataasinnaangilaq,

1) nammineq immiut eqqarsaatigaluni aningaasalluunniit eqqarsaatigalugit suliaq qanoq inerneqarnissaanik soqutiginnilluinnartuuguni imaluunniit siusinnerusukkut suliami tassani kimulluunniit taamatut soqutiginnittumut sinniisuusimaguni,

...

Imm. 2. ...

Imm. 3. Suliassami pissuteqartumik peqataasinnaangitsoq suliassap suliarineqarnerani aalajangiissanngilaq, aalajangiinermi peqataassanngilaq allatulluunniit peqataassanngilaq."

Taamaattumik suliamik suliarinninnermi peqataasinnaassuseqarneq pillugu malittarisassat kommunip angajoqqaanit pineqartunit naammagittaalliutit suliarinninneranut atatillugu B-mit eqqortinneqarsimanersut kommunip misissortussaasimagaluarpa.

Naammagittaalliut pillugu suliarinninnermi kommunip nunaqarfimmi B-mi allaffiani immikkoortortaqarfimmi allami suliarineqarnerani B peqataasimanngitsoq B-p aamma kommunip paasissutissiissutai pillugit tusarniaaneq pillugu uannut akissutit 21. oktober 2005-imeersup takutimmagu isumaqarpunga A-p naammagittaalliutaata tassunga tunngasortaanik kommunip misissuina isornartorsiussallugu tunngavissaqanngitsunga.

Suliami matuma kingornatigut annertunerusumik iliuuseqaqqissanngilanga.

A suliaq pillugu uanga paasinninninnik allakkatigut allatigut allakkat uku assilinerannik ilaqartinneqartutit ilisimatinneqarpoq."

## 2. **Soraarsitsinermut atatillugu suliami illua'tungiusup isumaanik tusarniaanerup naammanginnera aamma suliaq amigartumik paasissutissartalersorneqarnera**

A-mik suliunnaarallartitsinermut tamatumalu kingornatigut soraarsitsinermut atatillugu kommunip periaasianik eqqartuussisuserisup X-ip peqatigiiffimmit pisinnaatitaasutut A sinnerlugu naammagittaalliuta Ombudsmandip tiguua.

Soraarsitsineq A-p ilaatigut nipangiussisussaataa anermik unioqutitsisimaneranik ilaatigullu suleqatigiinnermi ajornartorsiutitnik kiisalu A-p suliffiup avataani pissusilersorneranik sullitamullu tiinganiartutut oqaluttarsimaneranik tunngavilersorneqarsimavoq.

Ombudsmandi isumaqarpoq K Kommunip suliami illua'tungiusup isumaanik tusarniaanera isorisarialerujussuusoq, inatsisinnillu eqqortitsisuunera apeqquserujussuarneqarsinnaasoq.

Ombudsmandi aammattaaq isumaqarpoq A-p atorfimminut atatillugu nalinginnaasumik nipangiussisussaataanini unioqutis-

*simanngikkaa, taamaattumillu A nipangiussisussaataitanermik unioqutitsineq tunngavilersuutigalugu soraarsinneqarsinnaasimanngitsoq.*

*Ombudsmandi aammattaaq isumaqarpoq suleqatigiinnermi ajornartorsiutit A-mik pissuteqarnerpaanerat naammattumik uppernarsarneqarsimanngitsoq.*

*Kiisalu Ombudsmandi isumaqarpoq atorfeqartitaasup suliffiup avataani pissusilersornera sulisitsisup aallaavittut susassarinnigikkaa, tamatumunngali peqatigitillugu oqaatigalugu pisoqarsinnaasooq atorfeqartitaasup pissusilersornerata soraarsitsinermi tunngavigineqartunut ilaatinneqarfigisinnaasaanik. K Kommuni Ombudsmandip isumaqatiginerarpaa oqarmat A-p tiinganiartutut oqaluttarsimanera suliami soraarsitsinermut tunngasumi ilaatinneqarsinnaasooq, soraarsitsinermi tunngavilersuut taanna pillugu suliami illua'tungiusooq tunngavilersuut taanna pillugu isumaanik naammattumik tusarniaavigineqarsimappat. (J.nr. 11.10.21.01/040-05)*

Eqqartuussissuserisup X-ip naammagittaalliutaanit 3. juni 2005-imeersumit makku erserput:

"Peqatigiiffimmuut eqqartuussissuserisutut peqatigiiffik peqatigiiffimilu ilaasorta A sinnerlugit K Kommunimut atasumi suliffimmi ...-tut atorfanit A-p akissarsiaqartillugu soraarseqattaarneranut tamatumalu kingorna allakkatigut 28. juni 2004-meersukkut suliuunnaarsinneqattaarneranut atatillugu K Kommunip periaa-sia pillugu naammagittaalliut matumuuna saqqummiuppara.

Suliamut atatillugu qanoq pisoqarsimanera eqqarsaatigalugu ullulersorneri malilugit tulleriarlugit allattukkat ilanngullugit nassiunneqartut kiisalu ilanngussat matumani oqaatigineqartut aamma ilanngullugit nassiunneqartut innersuussutigineqarput.

Naammagittaalliummi matumani pineqartut isornartorsiutit imaat eqqarsaatigalugit K Kommunimut allakkakka 13. december 2004-meersut ilanngullugit nassiusakka kommunip allagaasigut 14. februar 2005-meersukkat itigartillugit akineqartut taamatuttaaq ilanngullugit nassiunneqartut innersuussutigaaakka. Allassimasutut suliami K Kommunip aalajangiinerisa atorsinnaassusiisa – tassunga ilanngullugu soraarsitsivinnerup aalajangiiffigineqarnerata nalinginnaasumik isummerfigineqarinnisaat naammagittaalliuteqartumit ilaatigut kissaatigineqarpoq.

Suliap suliarineranut atugassatut paasissutissat amerlanerusut kissaatigineqarpata ikiunnissannut piareersimavunga.

K Kommuni allakkat uku ilanngussat ilanngullugit assilinerannik nassinneqarpoq." (Atorfeqarfimmi nutsigaavooq)

Ilanngussanit ilanngullugit nassiunneqartunit makku erserput:

Ullulersuineq malillugu allakkiaq 3. juni 2005-imi ullulerneqarsimasooq, eqqartuussissuserisup X-ip suliarisimasaa:

1. 1. april 2003: A K-p illoqarfiani suliffimmi atorfinitsinneqarpoq. Ilanngussaq: Atorfinitsitsinermi isumaqatigiissut, atorfiup allaaserineqarnera.
2. 19. april 2004: Allakkiaq A-p pisortartaaq pillugu il.il. allakkiaa nassaarineqarsimasoq pissutigalugu sulisunik immikkut ittumik ataatsimiititsineq. Ilanngussaq: A-p allakkiaa, sulisunik immikkut ittumik ataatsimiigiqqusissut, sulisut ataatsimiinnerat pillugu imaqarniliaq, maanga nassiussinermi allakkat ilanngulugit.
3. 21. april 2004: A ingerlaannavissumik atuutilersumik suliunnaarsinneqarpoq. Ilanngussaq: Suliunnaarsitsineq pillugu allakkat 21. april 2004-meersut.
4. 30. april 2004: Peqatigiiffik K Kommunimut saaffiginnippoq, suliunnaarsitsinerup ingerlaannavissumik atorunnaarsinneqarnissaa piumasaqatigalugu. Ilanngussaq: Peqatigiiffiup K Kommunimut allagai 30. april 2004-meersut.
5. 4. maj 2004: A ataatsimeeqatigalugu suliama illua'tungiusutut isumaanik tusarniaaneq. Ilanngussaq: Suliama illua'tungiusup isumaanik tusarniaanissamut ageqqusissut 28. april 2004-meersoq, ataatsimiinneq pillugu imaqarniliaq.
6. 24. maj 2004: Suliunnaarsitsinermik suliffimmi sulisut ataatsimiinnerannut atatillugu atorunnaarsitsineq. Ilanngussaq: Ingerlatsiviup pisortaata K Kommunimi kommunaldirektørimut allagai, ataatsimiinneq pillugu assaannarmik allattukkarnik (imaqarniliamik) ilaqartinneqartut.
7. 1. juni 2004: A-p tunaartarisassanik aalajangersaavissatut pilersaarutaasumik sulisut ataatsimeeqqinnerannut atatillugu suliunnaarseqqinneqarnera. Ilanngussaq: Ataatsimiinneq pillugu imaqarniliaq, Kommunaldirektørip aamma ingerlatsiviup pisortaata A-mik suliunnaarsitsillutik allagaat 4. juni 2004-meersut.
8. 9. juni 2004: Peqatigiiffik suliunnaarsitseqqinneq pillugu qisuariarpoq. Ilanngussaq: Peqatigiiffiup K Kommunimut allagai 9. juni 2004-meersut.
9. 17. juni 2004: A-p "suliama illua'tungiusutut isumaanik inaarutaasumik tusarniaavigineqarnera." Ilanngussaq: Ulloq taanna ataatsimiinneq siulleq pillugu imaqarniliaq, Peqatigiiffiup kommunaldirektørimut e-mailikkut 24. juni 2004-mi nassiussaa kiisalu taassuma akissutaa 29. juni 2004-meersoq.
10. 28. juni 2004: A-p soraarsinneqarnera, 2004-mi septemberip naanerani. Ilanngussaq: Soraarsitsineq pillugu allakkat 28. juni 2004-meersut.

Soraarsitsisoqarnissaanik aalajangererup kingornatigut suliama illua'tungeriit allagaat pingaarnerit:

- \* Peqatigiiffik aamma A sinnerlugit Eqqartuussissuserisoq X K Kommunimut allagaa 13. december 2004-meersut
- \* K Kommunip allagai 14. februar 2005-imeersut." (Atorfeqarfimmi nutsigaavoq)

Ilanngussat sinneri taakku ullulerneqarsimani malillugit tulluuttuni isuarneqarput:

A-p atorfinitsinneqarnera pillugu allakkiaq, K Kommunimit suliarineqarsimasoq:

"K Kommunip 1. april 2003-mi atuutilersumik ...-tut suliffimmi inissillutit atorfinitsippaatit.

Atorfinitsitsinermi Kalaallit Nunaanni Naalakkersuisut aamma Danmarkimi Ingeniørforbundip, Ansatte Arkitekters Rådip, Ilinniarnertuunngorniarni ilinniarni



titsisut peqatigiiffiata, Dansk Magisterforeningip aamma peqatigiiffiup taassuma ingeniørinut, arkitektinut, Kalaallit Nunaanni Ilinniarnertuunngorniarfinni magisterinut, magisterinut aamma Kalaallit Nunaanni tarnip pissusiinik ilisimasalinnut isumaqatigiissutaat 15. maj 2001-imeersaq atuuppoq.

Isumaqatigiissummi qulaani taaneqartumi § 4, imm. 3 tunngavigalugu akissaateqarfimmi ukiumut ataatsimut atuuttumi 5-17-imi aamma 20-mi inissinneqassaatit.

Sulisimanerpit sivisussusia 1. februar 1991-imit aallarnertumik naatsorsorneqas-saaq, akissaateqarfimmut 17-imut naapertuuttumik, 1. februar 2004-mi akissaateqarfimmut 20-mut qaffariartussamik.

Atorfik isumaqatigiissummi § 7, imm. 5 tunngavigalugu aqutsinermut tapeqartin-neqarpoq. Taamatuttaaq isumaqatigiissummi § 7, imm. 6 tunngavigalugu suliar-toq-quneqaratarsinnaanermut tapeqartitsisoqarpoq, tapillu taakku qanoq sivisutigisumik sulisimaneq naapertorlugu amerlassusiligaapput.

Akissarsiat kingumoortumik qaammammumtunniunneqartartussat 15. maj 2001 aallarnerfigalugu imaalerput:

Akissarsiat	kr.	26.372,42
Suliar-toq-quneqaratarsinnaanermut tapit	kr.	2.790,48
Tapit	kr.	1.330,00
Soraarnerussutisianut nammineq akiliutit	kr.	-1.318,00
Atp	kr.	-32,40
Katillugit	kr.	29.141,88

Akissarsiat kontomut Danmarkimi imaluunniit Kalaallit Nunaanni pilersitassan-nut ikineqartassapput. Konto pilersinneqareerpat taassuma normua paasisstissanik akileraartarninnut tunngasunik ilaqartillugu K Kommunimut nalunaarutigeqqune-qarpoq.

Isumaqatigiissummi § 14, imm. 3 tunngavigalugu soraarnerussutisiaqartitsiner-mik aaqqissuussineq pilersinneqassaaq.

Sulisitsisup soraarnerussutisianut akileeqaataassutai akissarsiat "aamma aqutsiner-mut tapit kiisalu suliar-toq-quneqaratarsinnaanermut tapit" qulaani taaneqartut 10 %-eraat. Soraarnerussutisianut nammineq akileeqaataassutit akissarsiat "aamma aqutsi-nermut tapit kiisalu suliar-toq-quneqaratarsinnaanermut tapit" qulaani taaneqartut 5 %-eraat. Soraarnerussutisianut akileeqaataassutit akissarsianit ilanngaatigineqartas-sapput, soraarnerussutisiaqartitsinermillu aaqqissuussinermut qaammammoortumik akilernerqartassallutik.

Atorfinitsitsinermut matumunnga atatillugu inissiamik innersuunneqarsinnaati-taavutit. Ilaqutariit annertussusiat qinnuteqaammi taaneqartoq tunngavigalugu inis-siamik inniminniisoqassaaq.

Inissiaq innersuunneqartoq pillugu kingusinnerusukkut erseqqinnerusumik tusa-gaqarumaarputit. Inissiaq innersuunneqartoq malittarisassat sukkulluunniit atuuttut malillugit akilersorneqassaaq. Inissiap piaartumik qimanneqarnissaa atorfeqarnerup unitsinneqarneranut atatillugu pisussaaffigaat.

Attartukkap paarinerlunneqarnera pissutigalugu inissiamit anisitaaguit inissiamik allamik atugassinneqarsinnaanngilatit.

Ineqarnermut akiliutit, kiassarnermut akileeqaataassutit siumoortumillu akiliutinut naafferartumik akilersuisoqarpat akilersuutit taakku siumoortumik akilernerqartas-sapput, akissarsianillu unerartinneqassallutik.

Pissutsit atorfeqarninnut atatillugu ilisimalikkatit nipangiussimasussaavatatit, ta-manna pissutsit taamaannerat pissutigalugu piumasaqaataappat, imaluunniit quller-



sarisavit tamanna naalakkiutigippassuk. Nipangiussisussaataitaneq atorfinnit tu-  
nuarnikkut atorunnaarneq ajorpoq.

Qinnuigineqarputit allakkat ukua assilineranni ilanngullugu nassiunneqartumi at-  
siornikkut uppernarsaqullugu piumasaqaatit qulaani taaneqartut paasigetit. Allak-  
kat assilinerat atsiorneqarsimasoq K Kommunimi ingerlatsivimmuot piarnerpaamik  
nassiuteqquneqarpoq." (Atorfeqarfimmi nutsigaavoq)

Atorfiup allaaserineqarnera april 2003-meersoq:

"K Kommunimi atorfeqartitaasut tamarmik K Kommunip siunertai pingaarnar-  
paatut malissavaat. Eqaatsuullunilu naleqqussarnissamut piareersimasariaqarpoq,  
ingerlatani suliassanilu nutaani kommunimi innuttaasunut iluaqutaasumik peqataa-  
sinnaalersinnaajumalluni. Tamakkua saniatigut suliassat ataani taaneqartut ilaapput.

INGERLATSIVIK:	Ingerlatsivik
Immikkoortortaarfik:	Suliffimmi
Atorfiup taaguutaa:	Pisortap tullia, ...-tut
Atorfeqartitaasoq:	A
Akissarsianik aalajangersaaneq:	Isumaqatigiissut

### **I: Atorfiup aaqjissuusaanermut tunngasortaa**

Atorfeqartitaasoq aaqjissuusaanikkut sulinerminilu ingerlatsiviup pisortaata  
ataani inissisimavoq.

### **II: Atorfimmi suliassat, akisussaaffeqarfik pisinnaatitaanerlu**

- Suliffiup ineriartorteqqinneqarnerani peqataaneq.
- Suliffiup pisortaa peqatigalugu ulluinnarni aqutsinermit akisussaqaataaneq
- Periaatsinik ineriartortitsineq, kommunip sulisuinik susasaqartunik (meeqqat/  
inuusuttut/ilaqutariit aamma innarluutillit, angerlarsimaffimmi ikiortit suli-  
sularinnittut il.il. eqqarsaatigalugit tapersersortitut ikiortinik) immersuineq, ilit-  
sersuineq ilinniartitsinerlu, taamaalillutik taakku siunissaq ungasinnerusoq isiga-  
lugu sullitat ataasiakkaat eqqarsaatigalugit pitsaanerusumik nammineernerusu-  
millu sulisinnaaleqqullugit.
- Ineriartortitsinermit suliassani susasaqarfisani peqataaneq, aamma oqartussat  
assigiinngitsut suleqatigiiffianni kiisalu avataani suleqatinik susasaqartunik su-  
leqateqarnermi oqartussat assigiinngitsut suleqatigiinnerannik nukittorsaanermi/  
ineriartortitsinermit peqataaneq.
- kommunimi pingaarnerusutigit siunissarlu ungasinnerusoq isigalugu suliniutit  
anguniagarlu eqqarsaatigalugit killiliissutit erseqqinnerusumik nassuiarneqarsi-  
masut aallaavigalugit pisariaqartitat immikkorluinnaq ittut tunngavigalugit sulli-  
tanik ataasiakkaanik sullissineq.
- sulisunik ineriartortitsineq, ingerlatat il.il. pillugit oqartussat avataaneersut (peq-  
qinnissaqarfik, atuarfik, pinnerluuteqarsimasunik isumaginnittoqarfik, qimar-  
nguik il.il.) eqqarsaatigalugit siunnersuinermit suliagarneq.

Aammattaaq sulisoq pisariaqartitsinerit immikkuullarilluinnartut eqqarsaatigalu-  
git suliassanik naammassineqarnermikkut unittussanik suliqaarsinnaavoq, ilaatigut  
meeqqat ataasiakkaat immikkut, soorlu immikkut ittumik atuartitsineq aqutugalugu  
perorsaanikkut pisariaqartitsinerat pillugu naliliinermut atatillugu." (Atorfeqar-  
fimmi nutsigaavoq)

Suliffeqarfiup pisortaata sulisut 19. april 2004-mi immikkut ittumik ataatsimiinnissaannut aggeqqusissutaa. Tassanga makku erserput:

"Sulisut immikkut ittumik ataatsimiinnissaannut matumuuna aggeqquneqarpusi, allakkanik A-p allassimasaanik pissarsisimanera pissutigalugu, taakkulu nikassarpaseqisunik ilaatigullu eqqunngitsunik assullu kukkusunik imaqarput, sulisoqatiigiinni saqqummiutinngitsoorsinnaanngisannik, illumi maani tatigeqatigiinneq suleqatigiinnerlu eqqarsaatigalugit.

Allakkat eqqaaneqartut assilinerat ilanngullugu nassiunneqarpoq.

Oqaluuserisassat:

1. Suleqatigiinneq - pisortap sulisullu akornanni tatigeqatigiinneq
2. Maanngaannit qanoq ingerlariaqqittoqassava, qanoq pisoqassava aamma qanoq pisoqarsinnaava?
3. Oqaatigisariaqartut allat." (Atorfeqarfimmi nutsigaavoq)

Allakkat ullulerneqarsimannigitsut, sulisut immikkut ittumik ataatsimiinnerannut pissutaasut:

"Nutaamik pisortartaalerluta suliffimmi nalunnigilarput, kisianni siviisuumik tusatsiagaannartigit paasivarput pineqartoq tassaasoq perorsaasoq ... ..-meersoq.

Pisortannortussamit attaveqarfigeqannginnerput inuup taassuma sulisorilerumaakkaminik paasinissinnaassuseqarnera eqqarsaatigalugu ernumalersitsisariaqarpoq.

... .. ingiaqatigalugu tikimmat malunnarpoq imminut tunngasut ammaffiginerulugit suliffik pillugu anguniakkani ammaffiginnginnerugai. Imminornernut marlunnut atatillugu aliasunnini oqaluttuaraa. ...-poq oqaloqatigiuminartumik.

Suniarnersoq erseqqissumik akissutisiffiginngilarput? Sooq maannarpa?

... sulilerluni suliartoqqaarmat suleqatiga ... ullaakkorsiutisiniarsimavoq. ... issi-alluni oqalutsillugu tupaallaatigisannik tusariataarpara ...-p kalaallisut ilitersorpallukkaa. ...-ili imatut oqarsoraara nalunnikkini sullitanut sianernej naleqqutinngitsuusoq. Pingaartumik maluginiagassaavoq ...-p aqunneqarnini paasiuminaatsunngorlugillu attavigineqartarnini akuersaaraa. Inooqatigiinnikkut tarnip pissusiinit isigalugu oqartoqarsinnaagunarpoq ...-p/...-p akornanni pissuseq oqaatigineqarajut-tartutut matumani "killormut qullersareqatigiinnertut" nassuiarneqarsinnaasoq. ...-p "aqunneqarluni" aqutsinissani akuersimavaa.

Tamatuma kingornatigit ...-p nassuiaappaanga "nammineq kingusinnerusukkut oqaloqatigiumallunga". Tamanna ullut 14-it qaangiunneranni suli pisimannigilaq.

Pisortaasup sulisuminik ataasiakkaarlugit oqaloqatiginnikkumanera uanga paasiluarsinnaasorujussuara, kisianni tupaallaatigalugu malugaara ... ..-lu oqaloqatigilerai. Tupaallaatigeqaluguli paasivara perorsaasut taakku marluk peqatigalugit suliffeqarfimmi maani tamatsinnut tunngasunik aalajangiisimasut.

Ullup ilaa kingusinnerusukkut ... oqarpoq pitsaavallaarani. Nuannaarneriarluni tulliuullugu "anersaapiluk" eqqaavaa. Malugaara piaarluni qaangiinnaqattaaraanga.

...-p oqaloqatigiumallunga neriorsuunni eqqortinniarneraa utaqqimaarpara. Taamaattorli piffissap ingerlanerani saaffigaanga oqarlunilu isumaqarluni ... uanga taarserlunga pisortamat tulluuppat pitsaanerusoq.

Tamatuma eqqarsaatiginnissaa pisariaqartillugu oqaatigaara.

Tamatuma nalaani suliffimmi pissaanerup inissisimanerata qanoq iluseqarnera titartarpara, taassumalu ...-mut takutinnessaa siunertaraara, taassumalu oqaloqatiginnessaanut periarfissarsiuminaatsillugu. Titartakkami tunngaviusoq tassaavoq siusin-

nerusukkut pisortaasup maani aqutsisimanagera ... aqputiginerullugu ingerlasimasog:  
... - ... - ... pissaanermik ingerlatsisuupput, uangalu immikkoortilluinnarneqarluga,  
mattus- saaqqillungalu.

Oqaluttuassartamineq: ... suliffimmi pisortatut tunuarumangilluinnaraluarpoq.

Aqutsinermi ajornartorsiuterpassui piffissami sivisuumi ...-p uangalu marluuluta uumigisimavagut.

Pisortatta allamik suliffissarsiornissani nalunaarutigereeraalu ... mumilluinnarpoq.  
Tupaallaatigalugu paasivara pisortatut soraartussaq misigissutsitigut qanimorluinnaq  
pissuseqarfigigaa.

...-p inussiarnisaarfigiuannarsimavaanga, taamaakkaluartoq pingaartumik isumaginninnermik  
ingerlatsivimmi assut ingunneqartartutut misigisimavunga. Pikkorlussutsinnik  
oqaatigineqartut upperilluinnarsimagunarmatigut tupaallaatigaara.

... meeqqanut ...-mit atorfinitsitaavoq. Taassumalu tunuarnerata kingornatigut  
... pisortaagallartutut atorfinitsinneqarpoq, qularnanngitsumik ...-p ...-mut sunniuteqarnera  
aqputigalugu, K-p Illoqarfia killormut qullersareqatigiittunik ulikkaarpoq.

...-p suliami eqikkaanerit tamaasa kalaallisut allattarpai, naammassisimanngisamilu  
meeqquarivimmi perorsaasumut ...-mut tunniunneqarnissaat isumagisarlugu.  
..."(Atorfeqarfimmi nutsigaavoq)

Sulisut immikkut ittumik 19. april 2004-mi ataatsimiinnerat pillugu imaqarniliaq  
20. april 2004-meersoq:

"Najuuttut: ..., ..., ..., A aamma ...

...-p sulisut immikkut ittumik ataatsimiinnissaannut aggeqqusisimasup aallarniiluni  
ataatsimiigaaqqusissut kiisalu A-p allagarisimasai atuagassanngorlugit agguappai.

Tamatuma kingornatigut A-mik qanimut suleqateqarnissamut tatigeqatigiinnissamullu  
ilumut tunngavissaqarneranik ernummateqarnermut tunngavilersuutikka sulisunut  
ilisimatitsissutigineqarput, tassami uanga paasinninnera unaamat A-p suliffimmi  
sulisut suleqatitullu tatigineqarsinnaanera innarlerneqarsimasog.

Aammattaaq allakkat imaat kamaatigeqaakka, taakkumi illumu matumani suleqatigiinnermik  
aqutsinermillu nukillaarsaasinnaammata, tamaattoqartariaqanngilarlu.

Allakkat pingaartumillu allakkat kamasaarutitut sulisunillu avisaartortitsiniutitut  
suliaanngikkunik suliffiup qarasaasiaanut kikkut tamarmik iserfigisinnaasaannut soq  
toqqorneqarsimaneramik apeqput A peqatigalugu oqaluuserineqarpoq.

- Allakkat kimut saaffiginnissutaappat?
- Sumut atorneqartussaappat?
- ... peqatigalugu pulaarnera eqqarsaatigalugu apeqputit akineqanngitsut suut apeqputigineqarsimappat? Suliffimmi aallartinnermi sulisunik ilassinnikkiartorluni illumillu takusaalluni pulaarnermit allaasumik paasineqarsinnaasumik oqartoqarsimava?
- Imminorneq aqputigalugu annaasaqarnera pillugu ammasuunera uannut soq atorneqassava? nakkutilliisuma nikanarsarniarneqarnerat, tamakku soq ilanngunneqarpat?
- Uanga qanoq isumaqartunga sunillu anguniagaqartunga A-p aperisimavaanga? Taama erseqqarlutsigigamik?
- Ilaatigut isummakka malillugit sulilluta aallartissimannginnatta, sulisullu suliffiup anguniagai eqqarsaatigalugit siunissaq ungasinnerusoq isigalugu pilersarutigisakka sulisunut paasitinneqarsimannginnamik? Ulloq manna ullut qulingi-

luassaat suliffigaara, ullut QULINGILUAT ingerlanerinnaanni suut anguneqar-sinnaasutut naatsorsuutigineqarsinnaagamik?

- Paasissaanngitsuliorluni attaveqatigiinneq sunaana? Kalaallisut oqalunneq?
- .../... qanoq ilillutik killormut quillersareqatigiissinnaappat? ... tassaannginner-luni sullitanik ilisimasaqarlunilu nalunngisalik?
- Tassani aqunneqarluni aqutsineq qanoq paasineqassava?
- ...-p oqaloqatigiumavaanga, tamatumali kingornatigut ullut 14-it qaangiunneran-ni suli taamaaliorismanani. - Manna tikillugu ullut tamaasa oqaloqatigiinneq ajo-ratta? Piffissamik annertunerpaamik A-mut atuisarnera tamarmik uppernarsar-sinnaavaat, tamanna tamanut erseqqarinninnami? Pisariaqartitsilluinnaraanni pilersaarutaasutullu ataatsimiinissaq utaqqisinnaanngikkaanni tamanna nam-mineq ujartorneqarsinnaannginnami?
- "Perorsaasunik marlunnik" oqaloqateqarneq kukkunerugami? Qanoq ililluni ta-manna kukkuneruva?
- Pitsaanngikkaluarlunga nuallungalu sulinera ilumoorpoq, tamatumani suna ajo-rami?
- Anersaapiluk, anersaapiluk kinaagami? Tamanna kimut ajornartorsiutaava?
- A-p uannit piaaraluni qaangiataarneqarluni misigisimanera, qanga pisimava?
- Sooq utaqqimaassavaanga, aperineq inertequtaagami, ilisimatinneqarsimavusi sukkulluunniit saaffigisinnaagissinga, maaniami amerlanerunngilagut, suullu ta-marmik taama eqartigiuaannassagamik?
- Nalunaaquttap akunneri suliffigisimasakka tamaasa pillugit nassuiaateqassaga-ma? Malunnanninnami ullut qulingiluaannaat ingerlaneranni aaqqissuussile-reersugut? Sulisut sulinermi peqataatinneqannginnamik?
- Kia pisortap tulliatut atorfinitsinneqarnissaa suli qulaajarneqanngilagut, aaqqitas-sanullu ilaalluni, A pisortap tulliujumalluni sunik tunngavilersuuteqarpa?
- ... pissaanermik ilusiliisuvoq, A-lu mattussaaqilluni. Aap, kialiuona A mattuk-kaa? Uagut imaluunniit nammineq?

Apeqqutit arlallit A-p eqqarsaatigisimanngilai, taamaattumillu sukumiisumik akisinnaanani, tassami allagaq taanna imminuinnag allassimagamiuk, pakatsisima-nermini.

Allakkat suliffiup qarasaasiaanniinnerannut pissutaavoq A-p angerlarsimaffim-mini qarasaasiaata atorneqarsinnaannginnera. Suliffiup qarasaasiaata atorneqarnera pillugu mallittarisassat A-p ujartorpai, imaaginnanngila suliffiup qarasaasiaa kikkun-illuunniit atorneqarsinnaasoq taamaattutullu isigineqassasoq, taamaattumillu mal-littarisassaliorneq pisariaqanngitsaq?

Paasissaanngitsuliorluni attaveqatigiinneq A-p oqarnera malillugu tassa kalaalli-sut oqalunneq.

Pisortamik pisortallu tullianik atorfinitsitsinissaq eqqarsaatigalugu ... kukkusi-magunarpoq, tamannalu uanga isummerfigiuminaatsippara, taamanimi uanga suli atorfinissimanninnama. Sulisut ataasiakkaarlutik pisortamit oqaloqatigineqarnis-saat A-p maqaasisimavaa.

Nerrivik kaajallallugu:

...: A-p allagaanik taasaq ilisaraa, taamatullu allaaserineqaaqittutut misigisimal-luni.

... soraassappat nammineq aamma soraarniarpoq, ... tamakkununnga nukissa-qanngilluinnarpoq, qaammatini marlunni kisimeeqatiginerani nukippassuit A-mut assortuunnernullu uuminartunut atorsimavai. Taamatut ingerlaannartoqarsinnaan-ngilaq.

...: Allagaq atuaramiuk annilaarsimavoq, eqqarsarlunilu uanga qaqugu tulluutis-saanga? A toqqissisimanarinarnaarpaa.

...: Allakkat suliffiup qarasaasiaanut kikkunnit tamanit atuarneqarsinnaallutik sooq inissinneqarsimanersut A nassuiaateqassasoq kissaatigaa. Kamassaarutaassanngippat sooq taava peerneqarsimannigila angerlarsimaffimmiluunniit allanneqarsimannigila imaluunniit diskettequt toqqorneqarsimannigila?

Aamma isumaqarpoq ... piffissap sivikitsuinnaap ingerlanerani angusaqarsimaqisoq. Apeqqutimi akineqarnissaat utaqqisinnaasarpaa, angutitut inersimasuugami ataatsimiinnerullu tullianut utaqqisinnaalluni.

...-p oqaasii A-p tupaallaatigalugillu ajuusaarutigai.

Ataatsimiinnermili manna erseqqissivoq:

...-p A qanimut suleqatigerusunngilaa, tatigeqatigiinneq innarlerneqavissimavoq, suummi tamarmik qanoq allannortiterneqartassappat? A qinnuigineqarpoq allatukkani suliareqqullugit, imaqaarniliaq ...-p pisortaasunut ingerlateqqikkusummagu.

A nuutsinneqanngippat ... nuunniarpoq, tatigeqatigiinneq pilerseqqinneqarsinnaanngilaq, tassami allakkat imarisaat A-llu nassuiaataa naammaginannimmata. Tamanna ajuallannartutut piviusunillu sangutitsinertut misigisimaneqarpoq.

Allakkat ataatsimut isigalugit illumi maani tamanut nikassaasuupput, eqqunngiluinnarlutik kamassaarutaagalutillu, suleqatigiinnerlu tamanna pissutigalugu ingerlanneqarsinnaanngilaq. Tamanna suliffiup matuma mikisuuneranut taamalu eqqoruminartuuneranut ataneqartillugu isigineqassaaq.

Tamatuma taamatut pisariaqarneranik apeqqut suli akineqarsinnaanngilaq. Paa-sissaanngitsuliorlunili attaveqatigiinneq A-p oqarnera malillugu tassaavoq kalaallisut oqalunneq.

Sulisut ataatsimiinnerisa kingornatigut ...-p sianerfigaanga, oqarlunilu inooqaminut A sianersimasooq, sulisut ataatsimiinnerat pillugu.

Toqqissisimanninneq tamatuma annerulersippaa, allanummi kikkunnut sianersimassava, suullu kikkunnut oqaluttuarisimassavai?

Qanoq oqaluserineqarpugut, kikkunnullu??" (Atorfeqarfimmi nutsigaavoq)

Sulisut immikkut ittumik ataatsimiinnerat pillugu imaqaarniliaq K Kommunimi isumagininnermi siunnersortit pisortaannut aamma ingerlatsivimmut 20. april 2004-mi nassiunneqarpoq. Allakkanit ilaatigut makku erserput:

"Taama sakkortutigisut kamassaarutaatigisullu saqqummiunneqarnerat ajuusaarutigalugu inerititaqartumik suleqatigiinneq sunaluunniit illersorneqarsinnaanngilaq ingerlaqqissinnaananilu, taamaattumillu pisortaasut qinnuigaagut akuliuteqqullugit." (Atorfeqarfimmi nutsigaavoq)

K Kommunip A-mut allagai 21. april 2004-mi ullulerneqarsimasut. Taakkunanga makku erserput:

"Ataatigut atsiortup matumuuna uppersarpaa K Kommunimi ...-tut atorfinnit ingerlaannartumik atuutilersumik suliunnaarsinneqaravit.

Tunngavilersuutigineqarpoq tunaartarisassat pillugit arlaleriartumik oqaloqatigineqartareerlutit qullersarisannut, suleqatinnut kiisalu sullitannut pissusilersuutinni pitsanngoriaatinik takutitsisimanninnerit.

Suliami illua'tungiusutut isummannik tusarniaavigineqarnissannut ullut 14-it iluanni aggeqquneqarumaarputit.

Peqatigiiffinnut ilaasortaaffigisannut eqqartuussissuserisumulluunniit attaveqarfiginninnissannut tikilluaqqusaavutit." (Atorfeqarfimmi nutsigaavoq)

K Kommunip A-mut allagai 28. april 2004-meersut. Taakkunannga makku erserput:

"K Kommunimi ingerlatsivimmit allakkat ...-imik normoqartut 21. april 2004-meersut tunngavigalugit suliami illua'tungiusutut isummannik tusarniaavigineqar-nissannut matumuuna aggeqquneqarputit.

Suliami illua'tungiusup isumaanik tusarniaaneq kommunaldirektørip allaffiani marlungornermi 4. maj 2004-mi nal. 10.00 pissaaq.

Peqatigiiffinnut ilaasortaaffigisannut eqqartuussissuserisumulluunniit attaveqarfiginninnissannut tikilluaqqusaavutit.

Kommunimit makku peqataassapput:

Kommunaldirektør ...

Ingerlatsiviup pisortaa ...

Isumaginninnermi siunnersortit pisortaat ..." (Atorfeqarfimmi nutsigaavoq)

Peqatigiiffiup K Kommunimut allagai 30. april 2004-meersut. Taakku-nannga makku erserput:

"Ilaasortarput qulaani taaneqartoq peqatigiiffimmut saaffiginissimavoq, tassami K Kommunimi ...-tut atorfimmunit suliunnaarsinneqarsimagami. A-p oqaatigaa suliunnaarsitsinermut tunuliaqutaasoq tassaasoq suleqataata "...-p qarasaasiami A-p toqorsivianut isersimanera, allakkallu nammineq allattugarisai nassaarisimallugit, taakkulu pisortaanut ...-mut ingerlateqqissimallugit. Allakkani pineqartut paasissutissiisutiginenartut tassaasimapput suliffimmi pissutsit.

A oqarpoq kommunip qarasaasiaataanik atuineq pillugu tunaartarisassanik K Kommuni peqanngitsoq. Peqatigiiffiup paasinninnera unnaavoq nammineq allagaa-sa taassuma toqorsivianiinnerat kommunip A-mut avoqqaarliutigisinnaanngikkaa. Aammattaq peqatigiiffik isumaqarpoq suleqatip tatiginangitsumik pissusilersor-nera tunngavigalugu kommunip suliunnaarsitsinermik iliuuseqarnera akuerineqar-sinnaanngilluinnartoq.

A-p suliunnaarsinneqarnerata ingerlaannavissumik atorunnaarsinneqarnissaa Peqatigiiffiup tamanna tunngavigalugu sakkortunerpaamik inassuteqaatigissavaa. Suliunnaarsitsinerup piaarnerpaamik atorunnaarsinneqarneranut uppernarsaammik nassinneqarnissani peqatigiiffiup qinnutigissavaa." (Atorfeqarfimmi nutsigaavoq)

Suliffimmi sulisut 24. maj 2004-mi ataatsimiinnerat pillugu imaqarniliaq assammik allataq:

"Kommunaldirektøri suliffimmi suleqatigiinneq pillugu suliaq ingerlasoq pillu-gu aallarniivoq.

... - pisortaq - tunaartarisassat - sulianik/sullitanik tigusisarneq.

Avammut allakkat tamarmik (kommunip ilisarnaataanik ilisarnaatillit) pisortap tulliaata aappaanit - ...-mit - atsiorneqartassapput.

Qaraasiat tamarmik tassaapput suliffimmi sulinnermi sakkussat.

Sullitanik sullissineq/attaveqarfiginninneq 8-16-ip iluani pisassaaq. Ataatsimeeqatigiittartut ataatsimiinneri piareersagaasut kisimik piffissap taassuma avataatigut ingerlanneqarsinnaapput.

Sullitat pillugit allattukkat atorfeqartitaasunit tamanit takuneqarsinnaassapput.

Suliaq matuminnga aallartitsisoq pillugu:

A qinnuigineqarpoq oqaluttuaqqullugu.

- A avataaniittutut misigisimavoq. Pisortap allanngornerata kingornatigut pisortamut attaveqarniarneq ajornartorsiutigaa.
- A-p isumaginissaata saniatigut ... allarpassuarnik suliassaqarpoq. A-p oqaatigisai ...-p piviusuunngitsutut isigai.
- A pissutsit assigiinngitsumik isigineqarput - Illuaqqat - massakkut kalaallisut. ... kalaallisut qallunaatullu. Pisortat pisortaapput, kulturi apeqqutaatinnagu. A isumaqarpoq avaqunneqartarluni, tamanna illersorneqarsinnaanngitsutut isigaa. ... A assersuusiornak, A paasinnippoq.  
K Kommuni ...-mik atorfinitsisuuvoq, pisortaq suli pisortaavoq, tassaallunilu aalajangiisartoq.  
... A-p suut tamaasa naammaginngilai.  
... - Tamakku oqaluuserereerpagut. Tupinnarpoq maani uteqqiigatta.  
A aperineqarpoq manna uteqqiinerusooq eqqaasimasinnaaneraa. A naaggaarpoq.  
...: Anaanap - paniup akornanni pissutsit A-p taavai. ..., pissutsit qanoq innissaat siusinnerusukkut oqaatigineqareerpoq.  
A: Sullitaq - sulinermi pissutsit atuuttut pissutigalugit sulineq tamakkiisuunngilaq.  
Dir.: Sullitat suliffiup avataatigut suliarineqarneq ajorput.  
A: Sullitat qallunaatut paasilluarsinnaanngillat.  
...: Innuttaasooq innuttaavoq, sullitaanngilaq, A ingunneqartutut misigisimavoq.  
A: Isumaginninnermut immikkoortortaqaarfimmi ajornartorsiuteqarpoq. Mailinik uumissuerpaluttunik nassinneqartarpoq.  
...: Assersuutigalugu ingutsisarnerit pillugit akissuteqartoqarnissaa amigaatigaa.  
A: Inuit suliarni pinerluttulerinnermut tunngasumi peqataasut eqqaavai.  
...:  
A: Inuk pissutsinik atukkaminut pisuusooq A-minngooq taasisimasooq.  
...: A-p aqqa taaneqartillugu tusarsimanngisaannarpaa.  
A: Nunaqaarfimmi ajornartorsiortoqarnerani ikiorsiinnermut upalungaarsimaneq taavaa.  
...: Pisimasooq nalunaarusiarni oqalutsip suliarisimasaani eqqaaneqartoq taavaa. Tassani oqaatigineqarpoq A illakuluttartoq, sullitanut taakkununga ajuallannartumik.  
...: Ataqtiginiineqarnera takusinnaanngilaa, A-p assigiinngitsut taammagit.  
A: Oqalutsip ajornartorsiortoqarnerani ikiuinnermut atatillugu inissisimaneq pilugu inguppaanga.  
...: Tamanna nalunaarusiarniippoq, ingutsinerunngilarlu.  
A: Oqarpoq oqalutsip pineqartup oqaluttuussimagaani.  
...: Tamanna ingutsinerunngilaq.  
...: Nikeriartoqannginnera pakatsissutigaa - Qanoq iliorluta ingerlariaqqissaagut. Illoqarfimmi naapitaqaraangavit suliut oqaluuserisarnagit.  
A: Taamatut pisoqassanngilaq, naak oqarneq sorraakkaluartoq.  
...: Siunissami qanoq ingerlaqqissaagut?  
A: Oqarpoq suleqatit oqarsimasut A ingerlaqqissappat tamarmik soraarniarlutik.  
...:  
Komm. dir.: Isumaqatigiinnginneq tamatumalu kingornatigut ingerlaqqittariaqarneq pillugu assersuusiortoq.  
A: ...-p akueriumanngilaanga.  
...: Qanoq ilillunga.

A: ...-p isummertarnera ...-p kingornussimavaa.

...: A, qanga qaangiataaginnarpakkit.

A: Siunertaq tunaartarisassallu pillugit taasaqarpoq.

Kom. dir.: A-p ajullatitsineri/...-p qaangiataarsimannngilaatit. Misigissutsit - paatsuinerit

- qanoq iliorlusi ingerlaqqissavisi? Ullaakkut aallartinneq - Tamat oqartussaaqa-taanerat sumiuna amigaataasoq.

- Kom. dir.: Suliffimmi mikisumi oqaloqatigiinnnginnissaq ajornakusoortuuvoq. - Suut oqaluuserineqassasut aalajangerneqarsinnaajuannaarpoq.

- A: ...-p ulluni qulingiluani suleqatigisimavaanga.

- Kom. dir.: Paasisinnaanngilaa A ullut taama ikitsigisut qaangiunneranni isum-mersinnaammatt. ...-p saqqummernera.

- ...: A imminut suliarinersoq apeqqutigaa.

- A: Gruppi - imminut suliarineq.

- ...: Tamanna pisortat suliffeqarfiutaanni pissusiuppat qanoq ingerlariaqqitto-qassava. Tunaartarisassat oqaluuserineqassapput/taaneqassapput.

- A: Tunaartarisassarsuaqarsimannngilaq.

- ...: Oqaluuserigatsigu eqqaamaviuk? Suliat assigiinnngitsut eqqarsaatigalugit qanoq iliorluta suleriaaseqalissasugut.

Tunaartarisassat ...-p suliareqqissavai. A sapaatip akunnera taanna sullitanik ti-gusissanngilaq. Direktørip piumasaraa qanoq ingerlariaqqissanersugut sapaatip akunnerani tassani takutissagipput. 1. juni 2004-mi ataatsimiittoqaqqissaaq. Qas-sinuussanersoq kingusinnerusukkut nalunaarutigineqassaaq.

Meeqqanik - Ilaqutariinnik Sullissivik pillugu tunaartarisassat tunniunneqassap-put.

Ilinniagaqarsimanermut pikkorissarsimanermullu uppersaataat assilineri A-p tunniutissavai." (Atorfeqarfimmi nutsigaavoq)

...-mi sulisut 24. maj 2004-mi ataatsimiinnerat pillugu allakkiaq K Kom-munimi ingerlatsiviup pisortaata ...-p K Kommunimi kommunaldirektøri-mut suliarisimasaa. Tassannga makku erserput:

"Ataatsimiinneq "...-mi nal. 9.00 ingerlanneqarpoq sulisut saniatigut makku pe-qataaffigisaannik:

Kommunaldirektør ...

Ingerlatsiviup pisortaa ...

Ingerlatsiviup pisortaa

Sulisut ataatsimiinnerat suliamut "suliffik"-mi suleqatigiinneq pillugu ingerlasu-mut atatillugu pivoq.

Kommunaldirektørip aallarniilluni A-p suliunnaarsinneqarnerata unitsinneqarne-ra A-llu ullumikkumiit sulileqqissinnaanera nassuiarpaa. A sapaatip akunnerani tas-sani sullitanik tigusaqassanngitsooq aamma aalajangerneqarpoq.

Suleqatigiinneq pitsaanerulersinniarlugu pisortap tunaartarisassat suliarissavai, taakkulu ataatsimiinnermi tullermi 2. juni 2004-mi pisussami saqqummiunneqas-sapput.

Ataatsimiinneq pillugu imaqarniliaq assammik allataq ilanngullugu nassiunne-qarpoq." (Atorfeqarfimmi nutsigaavoq)

Ingerlatsiviup pisortaata ...-p K Kommunimi kommunaldirektørimut suliffimmi sulisut ataatsimiinnerat pillugu allakkiaa 2. juni 2004-meersoq. Tassannga makku erserput:



"Ataatsimiinneq "..."-mi nal. 13.00 ingerlanneqarpoq. "suliffik"-mi sulisut sania-tigut makku peqataapput:

Kommunaldirektør ..., ingerlatsiviup pisortaa ... aamma isumaginninnermi i-ngerlatsiviup pisortaa ...

Sulisut ataatsimiinnerat 24.05.04-mi isumaqatigiissutigineqartut ingerlanneqar-poq.

Kommunaldirektøri aallarniilluni oqarpoq ataatsimiinnermi kingullermi aalaja-ngerneqartoq tunaartarisassat pisortap suliarissagai. Taakkulu saqqummiunneqar-put, pisortarluni nassuiaalluni oqarpoq sulisut suliarinninnermut atatillugu tusarniaa-vigineqarsimasut.

A immikkuaaluttut pillugit apeqquteqarpoq, taakkulu nassuiarneqarput, taamaa-lilluni taakku pillugit paatsoortoqaqqunagu.

Taamaakkaluortoq ataatsimiinneq nangippoq A-p pissutsit ataatsimiinnermut at-tuumassuteqanngitsut pillugit apeqquteqarneratigut, ilaatigut Nunaqarfimmi ajor-nartorsiortunik ikiuineq pillugu nalunaarusiaq pillugu. Aqutseriaatsimi oqaatsitigut ajornartorsiutit kulturikkullu assiinnngissutit pillugit ajornartorsiutit il.il. uteqattaar-neqarput.

Direktøri erseqqissaalluni oqarpoq ataatsimiinnermi pineqartoq tassaasoq suleqa-tigiinnermi ajornartorsiutit aaqqinniarlugit sulisut qanoq iliuseqalersaarnersut. Pi-sortaq aaqqiissutissatut siunnersuummik saqqummiussivoq, tamannali A-p nalornis-utigaa, malikkumanerlugillu erseqqivissumik uppersarsinnaanagu. Misiliumal-lunili.

Suliassat allat isumagiitigalugit A-p paarinissaa pisortap nukissaqarfingngilaa. Tamanna tunngavilersorlugu oqarpoq A misigisimasoo kalaallisut oqaluttoqarpal-laartoq, kalaallisullu oqaatigineqartut tamaasa nutsernissaannut pisortaq nukissa-qanngitsoq.

Nassuiaalluni oqarpoq innuttaasunit A-p pissusilersornera assersuutigalugu con-tainerinik eqqaavissiornera il.il. torersumik pissusilersornertut isigineqarsinnaa-nera akissallugu nalornissutigisani pillugu saaffiginnittoqarsimasooq. Pisortap aam-ma oqaluttuaraa innuttaasup saaffigisimagaani, A-p pissusilersornera pillugu, tassa ilaqqutamik ilaannik ilisereerlutik angerlartillugu A-p nuannaarluni suaarsimagaa soraarsitaanngitsuinnarluni. Direktørip tungaanit erseqqissarneqarpoq nipangiussi-sussaatitaaneq pisussaaffiusooq atorunnaarneq ajortoq. Direktøri erseqqissaalluni oqarpoq A soraarsinneqarnissaanik siorasaarneqarsimanngisaannartoq. "Suliffik"-mi oqalutsi oqaluttuarpooq sullitanik oqaloqateqarnermut atatillugu A-mut oqaluttaa-tilluni nalornilersarluni, A atoqatigiinnermut tunngasunik oqartaleraangat, soorlu unnuami ataatsimi atoqateqarneq qanoq akeqarnersoq.

Ataatsimiinneq unitsinneqarpoq, direktørimi isumaqarmat nikeriarsinnaanngitsu-gut, tassami aalajangerneqartut A-p iluamik isummerfigisinnaanngimmagit." (Ato-reqarfimmi nutsigaavoq)

K Kommunip A-mut allagai 4. juni 2004-meersut, A-lu allakkatigut taakkunatigut suliunnaarsinneqarpoq. Takuneqarsinnaavoq allakkat taakku aatsisartoq aqqutigalugu nassiuunneqarsimasut, A-lli allakkani taakkunani allassimasaanit erserluni taakku 8. juni 2004-mi ualikkut aatsaat tiguneqar-simasut. Allakkanit taakkunanga makku erserput:

"Matumuuna uppersarsarneqassaaq suliffimmi atorfinnit ingerlaannartumik 1. juni 2004-mit atuutilersumik suliunnaarsinneqartutit.

Tamatumunnga atatillugu suliami illua'tungiusutut isummannik tusarniaavigineqarnissaannut sisamanngorpat 10. junimi nal. 9.00 kommunaldirektørip allaffianut aggeqquneqarputit.

Suliunnaarsitsinermut kiisalu suliami illua'tungiusup isumaanik tusarniaanissamut inaarutaasumik aggeqqusinermut makku tunngavilersuutigineqarput:

1. Sulisut ataatsimiinnerini 24. maj 2004-mi kiisalu 1. juni 2004-mi suliffimmi sulisut suleqatigiinnermi ajornartorsiutaannik oqaluuserinniffiusuni ajornartorsiutit sulisut peqatigiillutik aaqitassaas pillugit sukkulluunniit peqataajumasimanginnerit,
2. Tunaartarisassanik qullersarisannit aalajangersarneqartunik ataatsimiinnerni kiisalu ulluinnarni malinninnissat sukkulluunniit arlaleriartumillu kissaatigisimanginnakku,
3. Suliffippit suliat suliarineqarnerannut atatillugu piumasaaqateqarsinnaatitaanera arlaleriarlutit - tunngavilersuutitaqanngitsumik - akueriumanginnakku,
4. Nipangiussisussaataaneq erseqqissarneqarsimasooq illit pillutit siusinnerusukkut oqaloqatigiinnerni ilinnut maleqquneqartoq suliffiup avataani ikinnerpaamik ataasiarlutit unioqutissimagakku,
5. Suliffiup uppersassuseqarnera suliffimmi suliffiullu avataani pissusilersornikkut annikillisarimagakku, ilaatigut oqaloqatigiinnernik kalaallisut ingerlanneqartunik tamanik ilinnut ajoqusiiniutit isiginninnikkut kiisalu illoqarfimmi eqqaavisiortarnerup nalinginnaasumik pissusilersornertut isigineqarnissaanik isummerfiginninnikkut,
6. Inuiaqatigiinnik assut pitsaanngitsumik isiginninninnikkut kiisalu kalaallit suleqativit sulisinnaassusiannik nikaginninnikkut suleqatigiinnermi ajornartorsiutit annertoorujussuarnik pilersitsisimagavit,
7. Arlaleriarluni ingerlariaqqittoqartaraluartoq siusinnerusukkut suleqatigisimasanik pitsaanngitsumik saqqummiussisaravit kiisalu pisimasut pisumut massakut aaqqinniarneqartumut attuumassuteqanngitsunik ilanngussisaravit.

Suliami illua'tungiusup isumaanik inaarutaasumik tusarniaanermi kommunaldirektør ..., ingerlatsiviup pisortaa ... kiisalu isumaginninnermik ingerlatsiviup pisortaa ... peqataassapput. Qinnuigineqarputit sinniisissannik ilinnut illersuisuusinnaasumik peqateqarlutit takkuteqqullutit. Taamatuttaaq qinnuigineqarputit allakkat ukua tiguneqarnerat allakkatigut atsiornikkut uppersarsaqqullugu." (Atorfeqarfimmi nutsigaavoq)

Peqatigiiffiup K Kommunimut allagai 9. juni 2004-meersut. Taakkunannga makku erserput:

"Allakkatit 4. juni 2004-meersut Peqatigiiffiup 8. juni 2004-mi tigusimasai inner-suussutigalugit peqatigiiffik imaattunik oqaaseqaateqassaaq:

Naammagittaalliutit/pasilliutit arlallit arlaannaalluunniit uppersarsasorsorneqarsimangitsut allakkanit erserput. Tamakkaa saniatigut aamma erserpoq A illoqarfimmi eqqaavisiortarsimasooq, kiisalu inuiaqatigiinnut kalaallinullu suleqatiminut pitsaanngitsumik isummersortarsimasooq.

Peqatigiiffiup ilungersunartumik pasilliutit taakku arlallit paasissutissat pigineqartut tunngavigalugit imaaliillaannaq akuerisinnaangilai.

Suliap pissusia aamma Peqatigiiffiup 10. juni 2004-mi najuussinnaanginnera pissutigalugu peqatigiiffiup qinnutigissavaa pasilliutinut uppersarsaatit ataatsimiittoqannginnerani nassiuteqqullugit taamaalilluni A peqatigiiffillu ataatsimiittoqan-

nginnerami taakku pillugit isummernissaminnut periarfissaqarsinnaaqullugit." (Atorfeqarfimmi nutsigaavoq)

Ingerlatsiviup pisortaata K Kommunimi kommunaldirektørimut A-p suliame illua'tungiusumik inaarutaasumik tusarniaavigineqarnissaa pillugu allakkiaa (A-p suliunnaarsinneqarnerani ataatsimiigiaqqusisoqarpoq K Kommunip allagaasigut 4. juni 2004-meersutigut, ataatsimiinnissarli napparsimasoqarnera pissutigalugu kinguartinneqarsimalluni). Tassannga makku erseput:

"Ataatsimiinneq kommunaldirektørip allaffiani sisamannornermi 17.06.04-mi nal. 09.00 ingerlanneqarpoq. A-p saniatigut makku peqataapput:

Kommunaldirektør ...

Ingerlatsiviup pisortaa ...

Isumaginninnermik ingerlatsiviup pisortaa ...

Illersuisoq ...

Ataatsimiinnerup taassuma sakkortusisamik nipangiusimaneqarnissaanik erseqqissaateqarluni kommunaldirektøri aallarniivoq. ...-lu nangippoq: Sulisut 1. juni 2004-mi ataatsimiinnerat unitsinneqarpoq, ingerlariaqqissinnaanninnerput tunngavilersuutigalugu, tassami A aalajangerneqartunut isummersinnaasimannimmatt. A tamatuma kingornatigut ingerlaannartumik atuutilersumik suliunnaarsinneqarpoq, tak. allakkat 4. juni 2004-meersut. A-p suliunnaarsinneqarnera Peqatigiiffiup akerlilerpaa.

... nassuiaalluni oqarpoq ataatsimiinneq soraarsitsinnermik naggaserneqarsinnaasoq, ataatsimiinnerup qanoq inernilerneqarnera apeqquaatillugu. Direktøri oqarpoq A-p nipangiussisussaataani ikinnerpaamik ataasiarluni unioqutissimagaa. A-lumi nassuerpoq soraarsitaanninnini saniliminut oqaatigisimallugu.

A qinnuigineqarpoq allakkat imarisaat pillugit oqaaseqaateqaqullugu.

Tamatuma kingornatigut A 24.05.04-mi aamma 01.06.04-mi ataatsimiinnerit nasuiarlugit aallartippoq. Piffissami tassani "suliffik"-mi sulisunut ilaasutut piniarsimagaluarluni. A oqarpoq tunaartarisassat ilitsersuutillu "suliffik"-mili aallartikkami amigaatigisimallugit.

A nassuiaalluni oqarpoq isumaqarluni tunaartarisassat pisortamit suliarineqarsimasut nammineq suliniuteqarnermi kingornatigut. Nangilluni suliffiup pisortaata tunaartarisassaliaani oqaasertalersuinerit apeqqusersorpai. A-li isumaqarpoq taamaaliornani. A isumaqarpoq suliffimmi aamma inuiaqatigiinni kulturikkut ileqqunik atuuttuusunik iluamik ilitsersuunneqarsimannisaannarluni.

A-p direktørimut allakkat 4. junimeersut pillugit oqaaseqarnermi inuit najuutinngitsut ilanngussuuppai, A oqarpoq ... pitsaasumik suleqatigisimagini.

Tunaartarisassat A-p taaqqippai. Assersuutitullu oqaatigaa ... pisortatut naleqqutinnitsoq, taassumalu perorsaasumik isumaginninnermilu siunnersortimik oqaloqateqarnerata kingornatigut GU-mi arlalinnik imminorniartoqarsimasoq. ... Nunaqarfimmi ikiuineq assersuutitut taaneqarpoq, A-li isumaqarpoq taamani oqaluttasooq nammineq aamma ajornartorsiorsimasoq, piffissami tamatuma nalaani soraartussaani pissutigalugu. A isumaqarpoq meeqqerivimmi perorsaasup ajornartorsiornermut taama annertutigisumut atatillugu ...-mut taarsiullugu atorneqarnera pisariaqanngitsumik ulorianartorsioritissuusimasoq.

... nassuiaavoq ataatsimiinnermi piffissaq 1. april 2004-mit massakkumut ingerlasimasoq aallaavigineqartoq. Piffissami tassani suleqatigiinnermi ajornartorsiutit eqqarsaatigalugit siuariartoqarsimannilaq. Tamanna A-p isumaqatiginngilaa, isu-

maqarlunilu nammineq ilusilersorluagaasumik iliuseqarsimalluni. Aamma isumaqarpoq tunaartarisassat malilluinnarsimallugit.

Suliaq imminut tunngasoq A-p politiinut saaffiginnissutigisimavaa. Isumaqarpoq ... sulianik namminerminut tunngasunik misissuisimasoq, isumaqarami ... qarasaasiami A-p toqqorsiviani misissuisimasoq. ... nassuiaalluni oqarpoq namminerisamik toqqorsiviit kommunip qarasaasiaani atorpeqanngitsut.

... A inuttut pissusilersornera pillugu aperaa, innuttaasunimmi naammagittaalliutigineqarsimammat. A-p kulturikkut assigiinnngissutit nassuiarniarsarai. Inuiaqatigiinnut pitsaanngitsumik isiginninnginnini aamma aalajangiusimavaa. Ilassutitut oqarpoq kingumut qiviarluni nassuiaanneqarneq iluaralugu. A isumaqarpoq kalaallisut oqaloqatigiittarnerit ilaannaat imminut ajoqusiisuusut. Nangilluni oqarpoq taamatut peqquneqarnermi kingornatigut eqqaavissiorunnaarsimalluni.

Allakkat naggataatungaanni sullitamik oqaloqateqarnermi oqalutsip oqarnera malillugu A-p atoqatigiinnermi qanoq akeqartitsinermik aperisimanera pillugu. A nassuiaalluni oqarpoq niviarsiaraq kinguaassiuutitigut atonerlunneqarsimasuusoq. A isumaqarpoq taamatut oqarnermi quiasaarneq niviarsiaqqap paasisimagaa, illarsimasorlu.

A isumaqarpoq direktøri ataatsimiinnermilu kommunimit peqataasut niviarsiaqqap katsorsarneqarnerata ingerlasimaneranik naliliisinnaanngitsut. A isumaqarpoq ...-lik tassaasussaasoq katsorsaanerup ingerlasimaneranik naliliisussa.

Ataatsimiinneq nal. 11.00-ip missaani unitsinneqarpoq, kommunaldirektørillu alaffiani nal. 14.30 naapeqqissaagut." (Atorfeqarfimmi nutsigaavoq)

Peqatigiiffiup kommunaldirektørimut e-mailikkut 24. juni 2004-mi nas-siussaa:

"17. juni 04-mi ataatsimiinneq pillugu imaqarniliaq faxikkut nassiunneqartoq ti-guara. Imaqarniliamit erserpoq ataatsimiinneq unitsinneqarsimasoq, ualikkullu na-ngeqqinneqartussaasoq. Ataatsimiinnerup immikkoortua kingulleq pillugu imaqar-niliamik tigusaqanngilanga, taamaattumillu taanna ingerlaannartumik nassiuteqqul-lugu qinnutigissallugu.

Allakkanni mailikkut 22. juni 2004-mi nassiussanni allappunga A-p nammineq soraarniuteqarumanerluni imaluunniit soraarsinneqarumanerluni aalajangernissami-nut piffissalernerneqarnerata sivikitsuusinnaanerani ...-mit (illersuisumit) ilisimatin-neqarsimasunga. Imaqarniliamilli tamanna ersinngilaq, taamaattumillu taamatut oqarneq peqatigiiffiup paatsuunganartippaa. Tamanna tunngavigalugu piaarnerpaa-mik attaveqarfigeqqullunga qinnuigissavakkit, taamaaliornikkut suliaq naammagi-nartumik paasissutissartalersorneqarsinnaaqqullugu, piaarnerpaamillu inaarlugu su-liarineqarsinnaaqqullugu.

Piaarnerpaamik attaveqarfigineqanngikkuma KANUKOKA-p suliamut akiliutin-neqarnissaa siunertaralugu attaveqarfigineqarnissaa peqatigiiffiup isumaliutersuuti-giniarpaa." (Atorfeqarfimmi nutsigaavoq)

K Kommunip A-mut allagai 28. juni 2004-meersut, A-mik soraarsitsis-sutaasut. Taakkunannga makku erserput:

"Suliami illua'tungiusup isumaanik 17. juni 2004-mi inaarutaasumik tusarniaaneq kiisalu ilinnut eqqarsarfissatut piffissaliunneqartup naanera tunngavigalugit matu-muuna nalunaarutigineqassaaq K Kommunimit soraarsitaasutit.

Soraarsitsineq 1. juli 2004-mit naatsorsuullugu qaammatini pingasuni akissarsiaqartinneqarlutit pivoq. Akissarsiavit kingulliit 2004-mi septemberip naanerani ilinnut tunniunneqarnissaat tamatuma nassataraa. Suliffimmut takkuteqqinnginnissat soraarsitsinerup nassataraa, taamaattumillu qinnuigineqassaait atortussanik il.il angerlarsimaffinniititaqaruit taakku tunniuteqqullugit. Taamatuttaaq inigisannit anisitaavutit, taannalu kingusinnerpaamik 31. juli 2004 nallertinnagu qimanneqarsimassaaq, tamannalu K Kommunimi ineqarnermut immikkoortortaqqarfimmut nalunaarutigineqarpoq. Tamatumunnga atatillugu qinnuigissavatsigit pisattanik assartuisartut pisattavit nuunneqarnissaat siunertaralugu attaveqarfigeqqullugit, kiisalu K-p illoqarfianit aallarsinnaanerit siunertaralugu angalatitsivik attaveqarfigeqqullugu. Taakkunani marluni qinnuigissavatsigit pisattanik assartuisartut sorliit attaveqarfigisimaneritit kiisalu angalanissannik inniminniisimaguit inniminniinermi normu ator-neqartussaq nalunaarutigeqqullugit, tassani aningaasartuutit K Kommunip akilertus-saammagit.

Soraarsitsinermi suliamut tunngasutigut tunngavilersuutit imaapput:

- nipangiussisusaatitaaneq erseqqissarneqarsimasoq illit pillutit siusinnerusukkut oqaloqatigiinnerni ilinnut maleqquneqartoq suliffiup avataani ikinnerpaamik ataasiarlutit unioquttissimagakku,
- suliffiup uppersassuseqarnera suliffimmi suliffiullu avataani pissusilersornikkut annikillarsimagakku, ilaatigut oqaloqatigiinnernik kalaallisut ingerlanneqartu-nik tamanik ilinnut ajoqusiiniutitut isiginninnikkut kiisalu illoqarfimmi eqqaavis-siortarnerup nalinginnaasumik pissusilersornertut isigineqarnissaanik isummer-figinninnikkut,
- inuiaqatigiinnik assut pitsaanngitsumik isiginninninnikkut kiisalu kalaallit sule-qativit sulisinnaassusiannik nikaginninnikkut suleqatigiinnermi ajornartorsiuti-nik annertoorujussuarnik pilersitsisimagavit, matumani manna ilanngullugu eq-qarsaatigalugu, tassalu allaat isumaqaravit suleqativit suliatigut pikkorlunnerisa imminorialuarneq nassatarisimagaat,
- arlaleriarluni ingerlariaqqittoqartaraluartoq siusinnerusukkut suleqatigisimasan-nik pitsaanngitsumik saqqummiussisaravit kiisalu pisimasunik pisumut massak-kut aaqqinniarneqartumut attuumassuteqanngitsunik ilanngussisaravit,
- pisuni ikinnerpaamik ataatsimi sullitamik oqaloqateqartillutit atoqatigiinnermi qanoq akeqartitsineq pillugu taatsiagaqarsimagavit, tamannalu torinngitsumik kanngunartumilluunniit iliornertut illit sukkulluunniit isigisimannnginnakku, naak sullitaq meeraq pineqartoq kinguaassiuutitigut atornerlugaasimanermik tunulia-qutaqaraluartoq.

Qinnuigissavatsigit allakkat uku tiguneqarnerat atsiornikkut uppersarsaqqullu-gu." (Atorfeqarfimmi nutsigaavoq)

Peqatigiiffiup e-mailikkut nassiusaanut 24. juni 2004-meersumut kom-munaldirektørip akissutaa 29. juni 2004-meersoq. Tassannga makku erser-put:

"Suliami A-mut tunngasumi aalajangiineq matumuuna nassiuunneqarpoq. Allak-kat A-mut tunniunneqarput." (Atorfeqarfimmi nutsigaavoq)

Eqqartuussissuserisup X-ip K Kommunimut allagaai 13. december 2004-mi ullulerneqarsimasut. Taakkunanga makku erserput:

"Saaffiginnissutinnut 14. aamma 22. juli 2004-meersunut isumaqatigiissummi pineqartumut § 42-p nassatarisaanik isumaqatigiinniarnissamik qinnutigisap saqqummiunneqartup eqqortuussusianik uppersaaffigisannut oqaarasuaatikkut akissutinut illit oqarasuaatikkut akissuteqarninnut uiggiullugu ... A sinnerlugu Peqatigiiffimmu eqqartuussissuserisutut immikkoortup 1-ip ataani isumaqatigiissutigineqartut soraarsitsisimanerup atuussinnaassuseqarnera pillugu oqaaseqaatinik arlalinnik matumuuna saqqummiussissaanga. Imm. 2-mi pineqartup illua'tungeriit akornanni aaqqitassat qulaajarneqarsimangitsut aalajangersimasut, imm. 3-milu suliame isumaqatigiissuteqarnikkut aaqqiissuteqarnissamut periarfissaq pineqarpoq.

### 1. Soraarsitsisimanerup atuussinnaassuseqarnera

Allakkanni 14. juli 2004-meersuni<sup>12</sup> oqaatigineqareersutut soraarsitsineq uanga paasinninnera malillugu iluseqartitsinikkut tigussaasutigullu imaattunik amigaateqarpoq pisortat pillugit inatsiseqartitsinerme atorfinitsitsiviusartumi tassani inatsisigit inissisimaneq eqqarsaatigalugu atuussinnaassuseqanngitsutut isigisariaqarluni.

Amigaatit taakku tulliuuttuni erseqqinnerusumik nassuiarniarpakka, iluseqartitsinikkulli kukkussutigineqarsimasut siulliullugit sammissallugit, tamatumalu kingornatigit soraarsitsinerme tigussaasutigut amigaatit sammissavakka.

Suliami pisortani sulisunut tunngasuni piumasaqaat immikkut ittoq imaattoq atuuppoq, tassalu suliame illua'tungiusoq aalajangiisoqartinnagu isumaanik annertusisamik tusarniaavigineqassasoq. Atorfinitsitsinerme oqartussaasup qanoq aalajangiilersaarneneranik, ilaatigullu oqartussaasup tamatumani inatsiseqartitsinikkut pissusiviusunilu pissutsinik sunik pingaartitsilluni isiginniniarsimaneranik sulisup pineqartup ilisimatinnegarnissaa tamatuma nassataraa. Sulisoq aalajangiisoqannginnerani paasisutissat suliame illua'tungiusup isumaanik tusarniaanermi oqaatigineqartut tunngavigalugit suliaq pillugu oqaaseqaatiminik saqqummiussinissaminut periarfissaqartinneqassaaq.

Periaatsimi A eqqarsaatigalugu tamatumunnga atatillugu atorneqarsimasumi ajornartorsiutaasoq unaavoq tusarniaaneq pillugu paasisutissani suliame pigineqartuni tusarniaanermut tunngavisorpiap oqaatigineqarsimannginnera - tassa imaappoq soraarsitsissamaartoqarnersoq imaluunniit mianersoqqusisoqaannarniarnersoq allamilluunniit iliuuseqartoqarniarnersoq - taamatuttaarlu inatsiseqartitsinerme mallitarisassat suut matumani atorneqassamaarnersut, imaluunniit pissusiviusut suut suliame tunngaviutinneqarnersut oqaatigineqarsimanatik. Taamatut periaaseqarnerup nassatarisaanik sorpiaap suliarineqarnera suliarinninnerullu A-mut sunik nassataqarsinnaanera suliap ingerlanerani tamarmi erseqqarluttorujussuusimavoq. Taamaattumik tusarniaaneq tusarniaaniviusimanngilaq, tamannalu amigaataavoq anner-toq, soraarsitsinerup atuussinnaassuseqannginneranik nassataqartoq.

Soraarsitsineq sioqqullugu kommunip periaasiata qanoq sunniuteqarneranut asersuutitut suliunnaarsitseqattaarnerni pisimasuni tunuliaqutaasup erseqqarlussusia taaneqarsinnaavoq, suliunnaarsitsinerillu inatsisinik eqqortitsisuunerisa nalornissutigineqarnerat tamatuma nassataraa.

Suliame illua'tungiusup isumaanik tusarniaanermi amigaatinut taaneqartunut ilaavoq kommunip Peqatigiiffimmu soraarsitsineq sioqqullugu ingerlaavartumik ilisimatitsisimannginnera, matumanilu ataatsimiinnerit il.il. ingerlanneqarsimasut pillugit imaqarnilianik nassiusisimannginnera, naak Peqatigiiffik arlaleriarluni paasisutisseqqusisarsimagaluartoq. Aamma suliamik suliarinninneq imatut ingerlanneqarpoq suliap ingerlanerani tamarmi A-p soqutigisaanik Peqatigiiffik pissusissatut

12. Allakkat taakku Eqqartuussissuserisumit X-imit ilanngullugit nassiuunneqanngilat.

isumaginninnissaanut periarfissaqartinnagu, ilaatigut piffissakitsitsisarneq pissutigalugu. Pissutsit taakku amigaatit annertuut aamma isigisariaqarput, suliami ilua'tungeriit isumaqatigiissutikkut pisussaaffii isiginiarlugit, aamma sulisumut pineqartumut pingaaruteqarluinnartumik aalajangiineq sioqqullugu peqatigiiffiup sulisumit ilaasortaaffigineqartup sulisumik pineqartumik illersuinissamut iluamik periarfissaqartinneqarnerata inatsiseqartitsinikkut innarlitsaalineqarnissamut qularnaveequtaanera isiginiarlugu.

Tunngaviit soraarsitsineq pillugu allakkani tunngaviutinneqartut tulluullugit allaserissavakka:

1. "nipangiussisussaataaneq erseqqissarneqarsimasoq illit pillutit siusinnerusukut oqaloqatigiinnerni ilinnut maleqquneqartoq suliffiup avataani ikinnerpaamik ataasiarlutit unioqputissimagakku,"  
Tamanna pillugu oqaaseqaatit: Atorfeqartitaasoq pissutsit imminut tunngasut pillugit nipangiussisussaataaangilaq, taamaaliornissaminullu sulisitsisuminit naalakkarneqarsinnaanani. Taamaalilluni nammineq pilluni oqaaseqaateqarneq nipangiussisussaataaanomik unioqputitsinermut takussutissaangilaq, taamaattu-millu tamanna soraarsitsinermut tunngavilersuutigineqarsinnaanani.
2. "suliffiup uppersassuseqarnera suliffimmi suliffiullu avataani pissusilersornikkut annikillisarsimagakku, ilaatigut oqaloqatigiinnernik kalaallisut ingerlanneqartunik tamanik ilinnut ajoqusiiniutitut isiginninnikkut kiisalu illoqarfimmi eqqaavissiortarnerup nalinginnaasumik pissusilersornertut isigineqarnissaanik isumerfiginninnikkut,"  
Tamanna pillugu oqaaseqaatit: Suliffimmi suliffiullu avataani pissutsit tunngavilersuummi innersuussutigineqarput. Kingullertut taaneqartoq eqqarsaatigalugu atorfeqartitaasup sulinngiffimmini suliffiup avataani sulerinera sulisitsisup sassarinngilaa, taamaattumillu tunngavilersuutip ilaa taanna soraarsitsineq eqqarsaatigalugu tamatumunnga attuumassuteqarani. Pissutsit suliffimmut tunngasut eqqarsaatigalugit oqaatigineqarpoq A-p "suliffiup uppersassuseqarnera ... annikillisarsimagakku, ilaatigut oqaloqatigiinnernik kalaallisut ingerlanneqartunik tamanik ilinnut ajoqusiiniutitut isiginninnikkut". Tamanna pillugu oqaatigineqassaaq suliffiup 'uppersassuseqarnera' sulisut ataasiakkaat imminut eqqarsaatigalutik atorfeqartitaasut allat oqaloqatiginnerat pillugu qanoq isumaqarsinnaaneranit qanoq ililluni annikillisinneqarsinnaanersoq paasinngikkiga. Tunngavilersuut taanna taamaalilluni immini isumaqanngitsutut saqqummerami soraarsitsinermut tunngavittut atorneqarsinnaangilaq. A-p paasininnermik taamatut oqaatiginnissimaneragaanera aamma ilumuunnginnerarneqarpoq.
3. "inuaqatigiinnik assut pitsaanngitsumik isiginninninnikkut kiisalu kalaallit suleqativit sulisinnaassusiannik nikaginninnikkut suleqatigiinnermi ajornartorsiutini annertoorujussuarnik pilersitsisimagavit, matumani manna ilanngullugu eqqarsaatigalugu, tassalu toqqaannartumik isumaqaravit suleqativit suliatiqut pikorlunnerisa imminoriaraluarneq nassatarisimagaat,"  
Tamanna pillugu oqaaseqaatit: Tunngavilersuut taanna A-p ilaatigut inuaqatigiinnik kalaallinik ataatsimut isiginninnera pillugu pasilliutinik/taamaattuuneraanernik uppersaasersugaanngitsunik imaqarpoq. Sulisitsisoq sulisup aalajangersimasup inuaqatigiinnik ataatsimut isiginninnera pillugu eqqartuussisutut imminut inissinnissaminut pisussaangilaq, taamatuttaarlu sulisoq suliamut tunngasumik pissuteqarluni isumaqaruni suliffimmi periaaseq aalajangersimasoq naleqquttuunngitsaq suleqatigiinnermi ajornartorsiutini pilersitsisutut pasiller-



neqanngikkaluarluni akornuserneqarani tamatuminnga saqqummiussisinnaasariaqarluni. Tunngavilersuut taanna tamanna tunngavigalugu soraarsitsinermut attassisinnaasumik tunngavittut tunuartinneqartariaqarpoq.

4. "arlaleriarluni ingerlariaqqittoqartaraluartoq siusinnerusukkut suleqatigisimasanik pitsaanngitsumik saqqummiussisaravit kiisalu pisimasunik pisumut massakut aqqinniarneqartumut attuumassuteqanngitsunik ilanngussisaravit,"  
Tamanna pillugu oqaaseqaatit: Taamaattuuneraanerit arlallit soraarsitsineq pillugu inatsiseqartitsinermut ataneqartillugit imaaliillaannaq paasisassaannngitsut tunngavilersuummi saqqummiunneqarput. Tunngavilersuut tamatuma kingornatigut soraarsitsinermut tunngavilersuutitut attassisinnaannginninni eqqarsaatigalugu suliamut attuumassuteqanngitsutut isigineqartariaqalerpoq.
5. "pisuni ikinnerpaamik ataatsimi sullitamik oqaloqateqartillutit atoqatigiinnermi qanoq akeqartitsineq pillugu taatsiagaqarsimagavit, tamannalu torinngitsumik kanngunartumilluunniit iliornerut illit sukkulluunniit isigisimannginnakku, naak sullitaq meeraq pineqartoq kinguaassiuutitigut atornerlugaasimanermik tunuliaqutaqaraluartoq,"  
Tamanna pillugu oqaaseqaatit: A tamanna pillugu nassuiaateqarsimavoq, tassanilu oqaatigisimallugu quiasarneq sullitamit pineqartumit aamma taamatut paasineqartoq pineqartoq. Pissusilersornerup takutinneqartup akuerineqarsinnaannginnera sulisisup tungaanit aalajangiusimaneqartariaqaraluartoq pissutsinut naapertuuttumik tunngaveqarneq malillugu tamatuma kingunerisaanik soraarsitsisoqarsinnaasussaannngilaq. Taamaattumik tunngavilersuut taanna aamma soraarsitsinermut tunngavilersuutitut attassisinnaanngilaq.

Taamaalilluni eqikkaalluni oqaatigineqarsinnaavoq pissutsit soraarsitsinermut tunuliaqutarineqartutut taaneqartut immikkoorlutik ataatsimoorlutilluunniit atorfeqartitsinerup unitsinneqarneranut inatsisinik unioqquitsinngitsumik tunngaviutinneqarsinnaanngitsut. Taamaattumik soraarsitsineq aamma tigussaasutigut ima amigaa-teqartigaaq atuussinnaassuseqanngitsutut tunuartinneqartariaqarluni.

Soraarsitsineq pillugu allakkanut atatillugu aamma oqaatigineqassaaq sulisup soraarsitsinermut atatillugu inigisaanit ingerlaannartumik atuutilersumik anisinneqarnera inatsisinik unioqquitsinerusoq, tassami sulisunut inissiamik ineqarsinnaatitaaneq soraarsitsinermi piffissaliunneqartup naanerata tungaanut pigineqartarmat, sulinnaarsitsisoqarsimanera apeqquataatinnagu.

Atuussinnaassuseqannginnerup inatsiseqartitsinikkut sunniutaa aallaavittut tasaaavoq aajalangiineq pineqartoq atorunnaarsinneqassasoq. Suliani soraarsitsinermut tunngasumi tamatuma tunngaviusumik una nassatarisarpaa, tassalu atorfeqartitaasoq soraarsinneqartutut isigineqarsinnaanngitsoq, akissarsianili il.il. pigiinnassagai, pi-sortani sulisisup pineqartumik inatsisinik unioqquitsisuunngitsumik soraarsitsinissaata tungaanut.

Atuussinnaassuseqannginneq pissutigalugu ajornartorsiummut atatillugu suliami pineqartumi qanoq isummertoqarnissaa isumaqatigiisummi § 42 tunngavigalugu isumaqatigiinniarumaarnissami qulaajarneqartariaqarpoq. Illua'tungeriit isumaqatigiinngippata apeqquut taanna aalajangersagaq taaneqartoq tunngavigalugu ataatsimiititaliamut suliarisassanngortittariaqarpoq, taarsiisuteqarnerup aalajangiivigineqarnissaanut periarfissaqartumik.

2. Illua'tungeriit akornanni aqqitassat qulaajarneqarsimanngitsut allat

Soraarsitsinerup atuussinnaassuseqannginneranik ajornartorsiutitip saniatigut piunmasaqaatit allat marluk A-p suliamut atatillugu piunmasaqaatigai, tulleriinneri malilugit ukuusut:



a. pisortap tulliatut sulisimanermi aningaasarsiat, aamma

b. Nuummi 18.10-28.10.2003-mi pikkorissarnermut atatillugu ullormusiat kiisalu akunnittarfimmi najugaqarnermut akiliutigineqarsimasut.

a pillugu: Pisortap tulliatut sulisimanermi aningaasarsiaqartariaqarnermut taper-siissutitut makku malugeqquneqarput:

- atorfirmik A-p qinnuteqaatigisaanik pisimasaanillu inuttassarsiuussilluni allagarsiinermi oqaatineqarpoq pisortap tulliatut atorfik pineqartoq
- ingerlatsivimmi pisortaq ... A-mik oqarasuaatikkut oqaloqatiginninnermini oqarsimasoq taanna pisortamut tulliusaasoq
- atorfiup allaaserineqarneranit ingerlatsivimmi pisortap ...-p A-mut tunniussaani erseqqivissumik allasimasoq pisortap tulliatut atorfik tassunga atasunik sulias-sartalik pineqartoq (atorfiup allaaserineqarnerata assilineri ilanngullugu nassiun-neqarpoq)
- ...-p pisortatut aaqqissuussimagaa A immisut, kisianni sulisut allat pisinnaati-taaffiginngisaannik, pisiniarnermi pisiniutissanik atsiuisinnaassasoq
- A pisortap sulinngiffeqarnerata nalaani ...-p aqunneqarnera akisussaaffigisima-gaa
- kommunip piffissami soraarsitsinerup tungaanut ingerlasumi A nalunaarfigisi-magaa pisortap tulliatut sulinini taamaattittariaqaraa, tulliuullugu taamatut suline-ranik arsaarsimagaa.

b pillugu: Nuummi 18.10.2003-mi pikkorissartitsinermi peqataanermut atatillugu ullormusiaqarnissamik taarsiivigineqarnissamillu piumasaqaammut tapersiutitut oqaatigineqarsinnaavoq A pikkorissartitsinermi ... peqataasimasoq, pisortaminit ...-mit erseqqivissumik akuerineqareerluni. Akuerigamiuk Hotel Hans Egedemi naju-gaqassasoq siunnersuutigisimavaa. A-p uterluni angalanermini billetissani kommu-nip akiligaa Arctic Umiq Line A/S-imut aasinnaagaa tulliuullugu aaqqissuussima-vaa, taamaalorsimavorlu. Billeti taanna pisariaqarpat uppersaasatitut saqqummi-unnegarsinnaavoq. Nuummi akunnittarfimmiinnermut aningaasartuutit A-p nammi-neq akilersimavai, katillugit 6.870 kr.-t. Akiliinnermut uppersaasatip assilineri ilan-ngullugu nassiunneqarpoq. Angerlamut tikinnermini taakku taarserneqarnissaat qin-nutigimmagu itigartinneqarsimavoq, pikkorissarnerup pisortat ataatsimiinneranni akuerineqarsimanginnera innersuussutigalugu. ...-li A eqqarsaatigalugu pikkoris-saanermut peqataanissamut akuersissuteqartussatut sulisitsisoq sinnerlugu qularutis-saannigsumik piginnaataasutut inissisimasimammat tunngavilersuut taamaattoq attassisinnaanngilaq.

3. Suliami isumaqatigiissuteqarnikkut aaqqiinissamut periarfissaq.

Atuussinnaassuseqannginneq pissutigalugu ajornartorsiummut atatillugu suliami pineqartumi qanoq isummertoqarnissaa isumaqatigiissummi § 42 tunngavigalugu qulaani taaneqartutut isumaqatigiinniarumaarnissami qulaajarneqartariaqarpoq, il-lua'tungeriillu isumaqatigiinngippata ataatsimiititaliamut suliarisassanngortittaria-qarluni, taarsiissuteqarnerup aalajangiivigineqarnissaanut periarfissaqartumik.

Oqarasuaatikkut ilinnut isumaqatigiissutigineqarsimasutut isumaqatigiissummi § 42 tunngavigalugu isumaqatigiinniarneq K Kommunip aamma Peqatigiiffiup oqara-suaatikkut ataatsimiinnerattut ingerlanneqarsinnaavoq, uanga oqarasuaatikkut aam-ma peqataaffigisinnaasannik. Piffissap ilaatigut Københavniimiissagaluaruit isuma-qatigiinniarneq Peqatigiiffimmi ingerlanneqarsinnaavoq.

Peqatigiiffilli nammineq eqqarsaatigaluni suliaq eqqartuussivikkoortuunngitsumik isumaqatigiinniutitaqanngitsumik inaarlugu suliariumasinnaavaa, K Kommunip A-mut tamakkiisumik inaarutaasumillu 101.590,65 kr.-t qaammatini pingasuni akissarsianut sulisitsisup soraarnerussutisianut akileeqataassutaanik ilaqartillugit naapertuuttut akilerpagit - imaalisoqarsinnaallunilu aningaasatigut taakkunatigut pi-sortap tulliatut aningaasarsiat kiisalu pikkorissarnermut atatillugu ullormusiat akunnittarfimmilu ineqarnermut akiliutit ilaatinneqassasut. Taamaattoqassappat aningaasat ilaat ullormusianut akunnittarfimmilu ineqarnermut akiliutinut taarsiissutaasut akileraaruserneqassanngillat. Taamatut aaqqiissuteqartoqarnissaa K Kommunip kisaatigippagu Peqatigiiffiup A tamatumunnga akuersitinniassavaa. Taamatut pisoqassaneraniq qulaajaanermi atugassatut qinnuigissavakkut suliap taamatut inaarneqarnissaa kommunip soqutigineraa nalunaarutigeqqullugu.

Isumaqatigiilluni aaqqiissutissatut siunnersuutigineqartoq K Kommunip akuersinnaanngippagu qinnuigaakkut isumaqatigiissummi § 42 tunngavigalugu isumaqatigiinniarnerup K Kommuni eqqarsaatigalugu qaqugu ingerlanneqarsinnaaneranut periarfissaqarnersoq nalunaarutigeqqullugu.” (Atorfeqarfimmi nutsigaavoq)

K Kommunip Eqqartuussissuserisumut X-imut allagai 14. februar 2005-imi ullulernerqarsimasut. Allakkanit taakkunanga makku erseput:

"A-p isumaqatigiissutaani atuuttumi § 42 tunngavigalugu isumaqatigiinniarumalusi 13. decemberimi saaffignissutersi innersuussutigalugu akissut K Kommunip matumuuna nassiuppaa.

Allakkani nassiuunneqartuni immikkoortut 1. aamma 2. eqqarsaatigalugit makku oqaatigineqassapput:

Immikkoortup 1-ip ataani saqqummiunneqartut ataasiakkaat eqqarsaatigalugit oqaaseqaatit saqqummiunneqartut K Kommunip isumaqatiginngilai. Tigussaasutigut aamma iluseqartitsinikkut piomasaaqatit eqqortinneqarsimanerat K Kommunip aalajangiusimavaa.

Suliami illua'tungiusup isumaanik tusarniaaneq eqqarsaatigalugu taanna suliami illua'tungiusup isumaanik inaarutaasumik tusarniaanertut ingerlanneqarsimavoq, tassanilu erseqqissumik nalunaarutigineqarsimalluni suliami illua'tungiusup isumaanik inaarutaasumik tusarniaaneq soraarsitsinermik nassataqarsinnaasoq. Aammattaq oqaatigineqassaaq pineqartoq tamanna pissutigalugu arlaleriartumik kaammattorneqarsimasooq peqatigiiffik ilaasortaaffini attaveqarfigeqqullugu, kiisalu suliami illua'tungiusup isumaanik tusarniaanernut aamma suliami illua'tungiusup isumaanik inaarutaasumik tusarniaanermut atatillugu kaammattorneqartarsimalluni illersuisumik ilaqaqqullugu.

Imm. 2 eqqarsaatigalugu oqaatigineqassaaq A pisortap tulliatut atorfinitsinneqarsimannitsoq (tak. atorfinitsitsinermi isumaqatigiissut), ...-lu tunniussimasai Innuttaasunik ingerlatsiviup allannortiterneqarsinnaanera aaqqiissuteqqinneqarsinnaaneralu pillugit ataatsimut tunngasut pillugit oqaloqatigiinnermi ilaasimasut. Tamatumunnga peqatigitillugu oqaatigineqassaaq atorfinitsitsinissaq siunertaralugu oqaloqatiginninnerit kiisalu atorfinitsitsinermi piomasaaqatit misissorneqarneri kommunaldirektørimit ingerlanneqarsimasut.

Ullormusiat tunniunneqarnissaat akilersimasamilu utertinneqarnissaat A-p piomasaaqatigisinnaavaa. Oqaatigineqassaaq angalasoq immersugassamik nammineq immersuisussaammat, tamatumalu kingornatigut ullormusiat kiisalu akilerallarneqarsimasut akilerneqassallutik. Immersugassaq taanna A-p immersorsimannngilaa. Allakkassi tiguneqarnerisa kingornatigut uppernarsarneqarpoq immersugassaq taanna K Kommunip tigusimannngikkaa, taamaattumillu aningaasat tunniunneqarsiman-

ngitsut. Ilanngussatut tiguneqartut tunngavigalugit ullormusiat kiisalu utertillugit akilerneqartussat tunniunneqarsimapput.

K Kommuniip A-p pigisaasa assartorneqarnerat tamaat akilerlugu kiisalu qaammatini pingasuni akissarsiaqartillugu soraarsissimavaa, taamaattumillu suliaq inaarlugu suliarineqarsimasutut K Kommuniip isigaa." (Atorfeqarfimmi nutsigaavoq)

Eqqartuussissuserisoq X tamatuma kingornatigut allakkatigut 3. juni 2005-imeersutigut naammagittaalliorpoq.

K Kommunimut 15. juni 2005-imi imatut allappunga:

"A peqatigiiffimmut ilaasortaasoq aamma Peqatigiiffik sinnerlugit eqqartuussissuserisup X-ip naammagittaalliuutaa, assilinera ilanngullugu nassiunneqartoq, 3. juni 2005-imi tiguara.

Naammagittaalliuut imatut paasivara K Kommuniip soraarsitsinermi periaasia eqqartuussissuserisup naammagittaalliuutiginiaraa.

Eqqartuussissuserisup saaffiginnissutaa misissuinerimik aallartitsinissamut pissutigissallugu naammannersoq naliliiffigissallugu sulit tunngavissaqanngilanga. Taamaattumik K Kommuni qinnuigaara mappi allagaatinik A-mut tunngasunik imalik atukkiuteqqullugu.

Suliaq suliarilerniarlugu aalajangeruma K Kommuni tamatuminna ilisimatinnegarumaarpoq.

Eqqartuussissuserisoq X allakkatigut allatigut tamatuminna ilisimatinnegarpoq."

Eqqartuussissuserisumut X-imut ulloq taanna imatut allappunga:

"Allakkatit 3. juni 2005-imeersut uterfigaakka.

Naammagittaalliuut imatut paasivara K Kommuniip A-mik soraarsitsinermi periaasia naammagittaalliuutiginiarit.

K Kommuni ullumikkut qinnuigineqarpoq mappi allagaatinik A-mut tunngasunik imalik atukkiuteqqullugu.

Mappi allagaatinik imalik K Kommunimit tigoriarukku erseqqinnerusumik tusarfigumaarparma."

Suliffimmi atorfeqartitaasut pillugit tunaartarisassat 24. maj 2004-mi ululerneqarsimasut:

"...

1. Suliffik pisortat suliffeqarfiutigaat K Kommunimit ingerlanneqartoq, taannalu malittarisassat anguniakkallu atuuttut tunngavigalugit taamaattut ingerlanneqassalluni.
2. Suliffiup pisortaata sullitat taamasa pillugit sulinermut tunaartarisassat erseqqinnerusut aalajangersassavai, matumani allakkanik suliasanillu agguasaarneq ilanngullugu eqqarsaatigalugu.
3. Suliffimmi sulisut tamarmik Suliffiup ineriartortinneqarnerani peqataassapput.
4. Innersuussinerit tamarmik K Kommunimi isumaginninnermik ingerlatsivik aq-qtigalugu pisassapput.

5. Atorfeqartitaasut tamarmik sulinerup nalaani sulisutut eqqortumik pissusilersortassapput, sunngiffimminilu torersumik pissusilersortassallutik, ilaatigut imatut paasillugu sullitagut ikinnngutiliutissanngikkigut.
6. Oqaloqatiginninnerit tamarmik Suliffiup ulluinnami 8-16.00 akornanni ammanerata nalaani pisassapput, Suliffiullu avataani oqaloqatiginninnerit aatsaat pi-sortaq siumut isumaqatigiissuteqarfialugu ingerlanneqarsinnaallutik.
7. Sullitat tamarmik suliffiup aamma sulinnngiffiup nalaani ataqqqineqassapput.
8. Suliffimmi atorfeqartitaasut sullitat pissutsillu sulinerup nalaani ilisimalikkat pillugit nipangiussisimasussaataapput, tamannalu atorfeqartitaanerup atorun-naarnerata kingornatigut aamma atuuppoq.
9. Oqaloqatiginninneri tamani sullitat pillugit allattuisoqartassaaq, tamarmillu to-rersumik ilisimatinneqartassallutik.
10. Allakkat tamarmik sulisunit marlunnit atsiorneqartassapput, allakkerisarfillu aqqutigalugu frimærkilerlugit nassiunneqartassallutik, aatsisartukkoortillugit nassiunneqanngikkunik.
11. Sulisut tamarmik suliap pitsaasumik inerititaqarfiusumillu ingerlattuarneqarnis-saanut makkunatigut akisussaallutillu pisussaaffeqarput:
  - Sulinermi atukkat/suliffimmi avatangiisit
  - Suleqatigiinneq
  - Sulisut akornanni/sulisut sullitallu akornanni tatigeqatigiinnermik pilersitsineq
  - Attaveqatigiinnerup pitsanngoriartuinnartinnissaa." (Atorfeqarfimmi nutsigaa-voq

K Kommuni mappiutaa allagaatinik A-mut tunngasunik imalik 12. juli 2005-imi tiguara. Allagaatit mappimi allagaatinik imalimmi ilaasut Eqqar-tuussissuserisup X-ip naammagittaalliutitut allagaanut uiggiullugit issuar-neqarsimanngitsut tulliuuttuni issuarpakka.

...-p K Kommunimut allagai 15. januar 2004-meersut. Allakkanit taak-kunangga makku erserput:

"A-p allangaanut akissutit:

Ullaarmanna suliartorlunga iserama A-p allangarisimasani tunniummagit eqqor-tortaqqanngippallaaqimmata assigiinngittunik paasissutissanik ilisimatittisariaqarlu-nga misigisimavunga, siunissami toqqissilluta sulinissarput eqqaarsaatigalugu.

Paasisinnaangilluinnarpara sooq ...-lu panik anaarlutullusoq akornatinni atas-uteqarsimanerluta takkartormagit, tassami ... uanga ataasiarlungaluunniit anaanatut misigisuseqarfiginikuunnginnakku atassuteqarfiginikuunagulu taamaallaalli sule-qatitut isummersoqatigisinnaasatut tapersersortigisinnaasattut suleqatigilluarsinnaa-sattullu isigigakku. Kiisalu uanga anaanaarutilersutut misigisimanikuunngisaannar-punga ... suliunnaalernerata nalaani taamaallaalli ugguarnikooqaanga suleqat pikko-rissorsuaq paasinnissinnaasoq immersuisinnaasorlu annaalerattigu.

Meeqqat juullerपालाङ्गinneranut pissutaavoq, decemberimi pikkorissarnerit, inimillu attartungassaaleqineq, (tamakku tamaasa A-p ilisimavai)

Juullimut pilluaqqussutit piareernikuupput nassiuteraannaallutik ...-mut tunniup-pakka nammineq inuttassaannut ingerlateqqissammatikkitt.

Juullip kingorna nakkangasutut isigisimaguninga aperisimasinnaangaluarpoq nakkangassuteqarnersunga nammineq eqqaarsaatimigut qanoq innersunga inerniler-suinani.

... ningiutut aqutsinera arlaatigut uparuangassaqartarnikuuvoq, kisiannili uanga nammineerlunga inuttaanut iluaangisakka apuuttarnikuuakka aaqqiiniarnissaq anguniarlugu.

1. september 2002 suliffimmi sulileramali ataasiarlungaluunniit oqarnikuuna-ngalu eqqarsaatiginikuunngilara soraarniuteqarnissara.

Ilisimangilara ... soraannginnermini Taxartartumik oqalutsimik piukkussaqaarsi-manersoq, kiisalu angummik sianertoqarmat oqaaseqanngisaannarnikuuvunga oqalutsimik arnamik perusunnerulluta.

Taamaattumik angummik 45-t missaannik ukiulimmik neriorsungaqaarsimaner-luta naluara oqarnikuunngisaannarnikuungama atorsinnaanngittoq.

Oqalutsimik pissarsiornermi A-p nammineerluni eqqartueqatigaanga kikkut piukkunnarsinnaanersut ataasiarluniluunniit eqqaasaqanngilaq angummik perusun-nani kiisalu ujaasinitinni ajorisaqaruni isummani annissimassariaqaraluarpa naa-langaaniartutut inissinnaarnanga tassami pisortaqaarfiit suliffiutaata ataani suliffeqar-fittut atorfinitsitsiniarnermi aqutissat atorlugit ingerlammatt, allaat A peqatigalugu oqalutsimik ujaaseqatigulugu.

Atorfinikkamali ataasiarlungaluunniit suleqatinnut naalangaaniartutut inissisima-nikuunerlunga eqqaamasaaqanngilanga, tassami uanga qanganilli ileqqoringakku sa-pinnngisamik suleqatigiit ataatsimut ataqqeqatigiillutik suleqatigiinnissaat, sooruna-mi ilaanni pisariaqartarsinnaavoq suleqammut naqqiinnissaq, uangali naqqiissa-nguma pisortaqaarfiit suliffeqarfiutaata piumasaaqatai tunngavigalugit taamaaliorsin-naavunga, immaanngittoq uanga namminissarsiorlunga naalangaaniartunga.

Arlaannik apeqqutissaqarussi piareersimavunga saaffigineqarnissannut."

...-p, ..., K Kommunimut allagai 16. januar 2004-meersut. Taakkunanga makku erserput:

"Suliffimmi suleqatigiinnerup tungaatigut ajornartorsiutinik ilisimatitsissut:

A 1. april 2003 atorfinimmat isumalluarfigisimaqaara unittoortunik sulialluun-niit ingerlateqqinnissaannut atornissaanut, kisiannili ulloq manna tikillugu pissarsia-qarfiginnittutut misigisimavunga, arlalippassuartigut eqqartuinikka "illapalaarner-mik" akineqartarmata.

Atorfininnerata kingorna pisortaqaarfiup suliffiutaata ataani suliffeqarfittut piuma-saaqataasunik ingerlatitseqqittoqaraangat tamatigut naqqiisoq naalangaaniartutut inissittarpaa, soorlu makkunanga piumasaaqartoqartaraluarpoq:

- Allakkat tamatigut marlunnik atsiorneqartassasut
- Allakkat kommunikkut (pr.bud-itut) imaluunniit allakkerivikkut ingerlatinneqar-tassasut
- Suliffissarsiuussisarfik aqutigalugu sulisussarsiorqartassasoq

A-mut oqaluttaasarninni malunnartarpoq oqalogatigiinnerup ingerlanerani "illa-palaarneq" atungaatsiartaraa taamaalilluni oqalogatigisani nalornisilersarlugit, arla-leriarlunga oqaluttaallunga oqalogatigiinneq tigusariaqartarpara oqalogatigisai unit-toortarmata, allaallu ataasiarlunga oqaluttaagama nalaappara oqalogatigiinneq suli naammassinngittoq A-p ini oqalogatigiiffik qimallugu aniinnartoq.

Akuerisinnaanngilara sullitagut A-p "Sianiittutut/ pikkorissutut" immikkoortiter-tarneri, tassami sullitagut iseraangata qanoq isikkoqarneri tunngavigalugit, oqalo-qatingereerangamigit qulaani taasattut inississortarmagit. Sullitagut qanoq isikkoqa-raluarpataluunniit qanorlu "sianiitigaluarpata pikkorittigaluarpataluunniit" assi-giimmik isigalugillu pissusilersorfigusussaagattigit, tapersorsorlugillu.

Suliffimmi sulinermi ileqqusut A-mut paasittaraluarlugit malinnisaannarpai soorlu oqaloqatigisartakkagut qanoq ingerlanersut suleqatinut ingerlaqqittarneri A-p atunngilai taamaalilluta oqaloqatigisartagai sooq uninersut nalusarpagut, piffissami kingullermi oqaloqatigisartagai arlallit nalunaaruteqaratik takkunneq ajorput nalunarpaq sooq taamaattoqarnersoq.

Suliffimmi oqaloqatiginnittarneq neqeroorutaammat takkutinnigittut telefonikut/angerlarsimaffianut ornillugit ujtartorneq ajorlugit arlaleriarluta A ilisimatitaraluarlugu malinnisaannarpaa, tassami arlaleriarlunga tusaasarakku oqaloqatissaraluanit takkutinnikkaangata paasiniaaffigisarai sooq takkutinniginnersut, kiisalu allaat oqaloqatigisartakkani telefoneqanngimmat angerlarsimaffianut allakkat tunniukkiartorsimavai piffissamik aggerfissaanik tuniniarlugu, allakkat tunnikkamigit sivirusmik tikaluaqqusaanani isersimasimavoq allaat ingaffimmi atuakkerluni issiaruorsimaluni, kiisalu pineqartoq aperisimallugu panini qaqungu innartissaneraa. Arnap pineqartup eqqaavaa toqqissisimajunnaarsimangaluarluni aali nammineq angerlarsimaffimminiilluni.

Takkartorneqartut aaqqiiniarfiginialrugit arlaleriarluta pisortaasunut saaffiginnitarsimavugut, oqaloqatigineqartarsimallutalumi, kisianni maannakkumut pittanngoriaatinik A-p tungaaniit misigisaqarnangalu takusaqanngilanga, taamaattumik Suliffiup tusaamasaalluarnera kipitinneqavissanngippat arlaatigut iliortoqarnissaa kissaa-tigaara.

Paasissutissanik annerusunik perusussangaluaruit piareersimavunga."

A-p suliami illua'tungiusutut isumaanik 4. maj 2004-mi tusarniaavigineqarnera pillugu K Kommunimi kommunaldirektørip allakkiia. Tassannga makku erserput:

"Suliami illua'tungiusup isumaanik tusarniaaneq, 4. maj 2004-mi nal. 10.00 kommunaldiretørip allaffiani.

Najuuttut:

A illersuisualu ...

Isumaginninnermik ingerlatsiviup pisortaa ..., Ingerlatsiviup pisortaa ..., kommunaldirektør ...

Peqataasut tamarmik sakkortusisamik nipangiussisusaataitanerat aallaqqaasiutitut erseqqissarneqarpoq. Tamatumunnga peqatigitillugu isumaqatigiissutigineqarpoq ataatsimiinneq pillugu imaqarniliaq kommunaldirektørip Peqatigiiffimmut A sinnerlugu nassiutissagaa. Taamatuttaaq erseqqissarneqarpoq manna suliami illua'tungiusup isumaanik tusarniaaerusoq inaarutaanngitsoq.

Suliami allagaatit illersuisup atuarsimannngimmagit taakkulu Peqatigiiffimmit tiguneqarsimanerat nalornissutigineqarmat tusarniaaneq unitsinneqarpoq, suliami allagaatit A-mit ...-illu atuarneqarnissaat periarfissinniarlugu.

Suliami illua'tungiusup isumaanik tusarniaaneq nanginneqarpoq, A-lli nalunaarutigaa suliami illua'tungiusup isumaanik tusarniaaneq ingerlanneqarsinnaasoq, Peqatigiiffiulli illersuisullu piumasaqaatigalugu suliunnaarsitsineq atorunnaarsinneqasasooq.

Kommunaldirektørip A qinnuigaa suliami illua'tungiusutut oqaaseqaateqaqqullugu.

A pisortap nutaap sulilerneratigut sulisunut allanut sanilliulluni avataanut inissinneqartutut misigisimavoq. A kisimiiillugu oqaloqatiginiarlugu pisortap nutaap neriorsuutigisimagaluarppaa, taamaaliorsimananili. Tamanna A-p pakatsissutigisimavaa, tassami misigisimagami pisortap nutaap suliffik eqqarsaatigalugu qanoq ilior-

niarnera ilisimasaqarfiginagu. A-p paasisimavaa aalajangiisoqartarsimasoq, nammineq peqataatinneqarfiginngisaminik.

Assersuusiortoqarnissaa kommunaldirektørip qinnutigaa.

Assersuut A-p eqqaamasinnaasara tassa pisortaq sulisut allat peqatigalugit tallimangornikkut aalajangersimasumik ataatsimiittoqartarnissaanik aalajangiisimasoq.

A-p suliffimmi qarasaasiaq pillugu ilisimasaqarnera kommunaldirektørip apeq-qutigaa, tassami sunik tamanik aallartitsisoq tassaasimammat allakkiaq, pisortap sulisullu oqarnerat malillugu "skærmimi saqqumiinnartoq". Allakkiap taassuma imai nikassaarpalaartorujussuuartut pisortamit sulisunillu paasineqarsimapput.

A erseqqissaalluni oqarpoq allakkat taakku nammineq atuisutut atermi ataani toq-qorneqarsimasut, taakkulu nammineq atugassamisut allassimagini.

Kommunaldirektøri oqarpoq taanna pillugu assortuuttoqartoq, taamaattumillu allakkiaq taanna ingerlaqqinnermi uppernarsaatitut atorneqarsinnaanngitsaq.

Kommunaldirektøri oqarpoq suleqatigiinnermi annertoorujussuarnik ajornartorsiuteqartoqartoq, tamannalu 19. april 2004-mi ataatsimiinnermi saqqummersimasoq. A qinnuigineqarpoq pisunik nammineq paasinninnini pillugu saqqummiusseqqullugu. Kommunaldirektørip erseqqissaatigalugu oqaatigaa sulisut ataasiakkaat taamatuttaaq aggeqquneqarniartut, pisut pillugit itisiliisoqarnissaa siunertaralugu.

A erseqqissaalluni oqarpoq ataatsimiinneq misigissusilersorfiusimaqisoq, taamaattumillu ataatsimiinneq pillugu imaqarniliaq isummerfiguminaatsuusoq, ataatsimiinnerulli ingerlasimaneramik imarisaanillu takutitsisuusoq. A erseqqissaalluni oqarpoq taamatut pisoqarnera pingitsoorneqarsimasinnaagaluartoq, pisortap allakkat taakku pillugit nammineq kisimiitilluni oqaloqatigisimasuuppani.

Kommunaldirektøri oqarpoq suleqatigiinnermi aatsaat ajornartorsiortoqalinngitsaq, A-llu isumaginninnermi siunnersortit pisortaannut 15. januar 2004-mi saaffiginnissutaa misigissutsinut tunngassuteqarsimaqisoq.

A erseqqissaalluni oqarpoq allakkani ikioqqulluni suaartarnertut isigineqassasut, isumaqaramimi suliffimmik aqutseriaaseq erseqqarluttuusoq. A oqarpoq suliffimmi pisortaagallartutut imminut isiginissaminut tunngavissaqartutut misigisimalluni.

Ingerlatsiviup pisortaata erseqqissarlugu oqaatigaa 15. januarimi ataatsimiinnermi ilaatigut A-p peqataaffigisaani suliffimmi aqutsinermut tunngasut pillugit erseqqissumik paatsoorneqarsinnaanngitsumillu nalunaaruteqartoqarsimasoq.

A-p aamma Ingerlatsiviup pisortaata oqaatigaat tamanna ilumoortoq, ataatsimiinnerlu taanna A-p allagaasa 15. januar 2004-meersut kingunitsiannuatigut pisimasoq, tassami allakkat ...-mut aporaannermik takutitsisuummata. Aatsaat ataatsimiinnermi tassani aqutsinermut tunngasut qulaajarneqarsimapput.

Illersuisup kommunaldirektørilla suleqatigiinnermi ajornartorsiutinut uiggiullugu erseqqissarlugu oqaatigaat oqaatsinik atuinermi sunaluunniit apeqqutaatinnagu najuuttut eqqarsaatigineqartassasut, erseqqissarlugulu suliamut tunngasuni nutserisoqartassasoq, oqaatsit ataatsimiinnermi peqataasup ataatsip arlalilluunniit paasingissinnaasaat atorneqaraangata.

Ataatsimiinnerup ingerlanerani illua'tungeriinnit arlalinnit oqasiinnakkut saqqummiussinerit innersuussutigineqartarput, taamaattumillu kommunaldirektørip erseqqissaalluni oqaatigalugu taakku atuussinnaassuseqanngitsut, aatsaallu ilanngunneqarsinnaasut suliami illua'tungiusup suliami oqaaseqaataat saqqummiunneqarunik.

Naggasiutitut isumaqatigiissutigineqarpoq suliami illua'tungiusup isumaanik tussarniaaneq 6. maj 2004-mi nal. 15.00 sumiiffimmi tassani nangingneqassasoq, tassami ataasiakkaat oqaaseqaatigisaasa erseqqinnerusumik paasiniarnissaat kommunaldirektørip kissaatigimmagu. Kommunaldirektørip tamatumunnga peqatigitillugu



erseqqissarpaa A akissuteqarnissaminut allakkatigullu saqqummiussaminut isumernissamut periarfissaqartinneqassasoq.

A-p sulinini nangeqqippagu pisortaq sulisullu soraarniarlutik nalunaarsimamata suliunnaarsitsineq tamakkiisumik akissarsiaqartitsilluni suliame aalajangiisogarnissaata tungaanut atuutsiinnartariaqarlugu kommunaldirektøri isumaqarpoq.

Imaqarniliaq peqataasunit atsiorneqarpoq, nalunaarutigineqarlunilu imaqarniliaq Peqatigiiffimmut tusarniaatigineqareerpat A aatsaat atsiorniartoq." (Atorfeqarfimmi nutsigaavoq)

...-p, ..., K Kommunimut allagai 5. maj 2004-mi ullulerneqarsimasut. Taakkunannga makku erserput:

"A-mut tunngasunik ilisimatitsissutit:

1. januar - 31 marts 2004 ningiutut atorfeqarninni A-p pisortaqarfiit suliffeqarfiutaata ingerlariaasianik annertuumik sissuertariaqarsimavara siornatigut Ningiuusumiilli piumasaqaataasartut eqqortissinnaaneq ajormagit, (Siornatigut allagaqaataasarsimasut innersuunneqarput) allaat napparsimallunga suliartortariaqartarsimallunga A kisiat sultinnissa toqqissimassutiginninnakku, nalunninnakku qanorluunniit suleriuseqarsinnaasoq killeqanngittumik, sulineq sulinngiffillu immikkooortissinaanngimmagit.

Piffissap taassuma iluani sullitama saniatigut innersuunneqartut tigusariaqartarsimavakka, inunnik isumaginnittoqarfimmiit ernumassutigimmassuk. A-p oqaloqatigissagaluarunigit illalaartarnermigut immikkooortiterisamerpigullu oqaloqateqartarnerfik iluaqutigiunngimmassuk.

Meeqqat gruppiat atornerlunneqarsimasut sumiginnagaasullu ornittarfiattut oqariartuuteqartarnera unitsinniarnikuugaluarlugu iluatinnikuunngilara nassuiaattaraluarlugu meeqqat qimataaneq aallaavigalugu aamma innersuunneqarsimasut tigummigatsigit, tusarumanani sullitami meeqqatik innersuukkusukkuluaraat qulaani taasattuut nassuiaattarsimavai meeqqat maaniittartunut oqimaappallaarnerarlugit meeraannut tulluutinninnagu, taamaallilluni meeqqat sullinneqartut nikarssarlugit inisittarlugit.

Siornatigut allakkatigut apuuttarsimasaat A-p tungaaniit aaqqiivigineqanngillat, kissaatiginarluni maannakkut iliusegarfiginissaat, tassami akisussaasutut inissisimalluni paasitinniartuaraluarlugu killormuinnaq inissinneqartarluni nukinnik annertuumik tigusisarmat toqqissisimanaranilu sallu atorlugu imminut annanniartarnera inummut namminermt aserorsaataammat.

Malunnarmat ... uanga maannakkullu ... ningiutut inissisimanitinni piumasaqaataasunik piumaffigingaluaangaatigut malikkusunngit inuttarsiulluni nakkartitseriartarnera akuersarneqarsinnaanngimmat."

K Kommunimi isumaginninnermik ingerlatsiviup allakkiaa 6. maj 2004-meersoq. Tassannga makku erserput:

"Sullitara ... sinnerlugu ingerlateqqittussaasoringakku ingerlateqqiivunga:

Marlunngorneq 29.07.03 ... isertoraara, allangarsiarisimasanilu pakatsissutigisimasani eqqartorusullugit nassuiaalluni, allakkat aallartinnginnerini nassuiaavoq, marloriarluni A-mik oqaloqateqartarsimalluni, isumaqarsimagaluarlunilu aallaqqaammut sungiusaraani. Allangarseriaramilu ersarissisillugu killisamik qaangiiffigi-



neqarsimalluni, aammalu malugalugu persaringaani. Paatsoorsimasinnaaninili ersarripaa, kisiannili toqqissisimanggissutigilersimagamigit eqqartorusullugu.

... nassuiaavoq, illoqarfimmi naapinnissaa akunnagisarsimallugu, takugaangamiullu tunoqqunniartarsimallugu, ilaatigut illoqarfimmi aperisarmani massakut qanoq inneranik, tassuunaa nassuiaavoq, assersuusiorlunilu nammineq sungiusimallugu maani Isumagiiniittoqarfimmi oqaloqateqartarnermini pisortanit ikiorsiissutlinit sullissisunik aammalu meeqqanik inuusuttuaqqamik sullissisunik illoqarfimmi naapinneqartilluni taama aperineqarneq ajorluni.

Ilanngullungulu nassuiaassutingaa nammineq misigissutsikkut artorsarluni inissisimanermini ippinnartissimallugu illakusulluni pissusilersortarnera.

- Allakkat assilineqarneri ilanngunneqarput.

Sullissisutut sullitama misigissutsikkut eqqorneqaatigisinnaasai nalilersornerat ataani takuneqarsinaavoq.

Allakkat nassiuqqarsimanerat inuinnarpalaartumik atsiqateqartoqarsimaneralu paatsungatitsilersinaapput.

Inuttut naleqassusia eqqorneqarsinaavoq, sullitamut sullitaanera (klient) atorlugu allakkaanni.

Apeqqutit ingerlaannaq akineqarsinaangitsut apeqqutigineqarnerisigut misigissutsimigut aalassatsinneqarsinnaavoq. Tassungalu aamma ilaavoq nalilersorneqarsimanera allakkatigut, allakkatigut ingerlanneqarsimasoq, ingerlaanarluni akisinnaangimmagu.

Imminut eqqartorsimanera, sulinngiffeqarnissaminillu nalunaarusiornera, pineqartunut paatsuungalersitsisinaavoq.

Sullissisutut isummerner A-mut.

Sullitaminut suliffeqarfiup ilisarnaataa, atorsimanggimmagu aammalu allakkap imarisai tamakkiisumik isigalugit sullissisutut sullitamut allangaqarneq pisortati-goortuusorinngilara.

Sullissisoq taamatut suleriaaseqarsimaguni/-qassaguni, tamaat isigalugu isumaqarpunga sullitagut amerlisinnaasut, uatsinnullu oqilisaassinissaa killeqassalluni aammalu pinngitsoorneqarsinaanani sullitai misigissutsikkut akornuserneqarsinaasasut, sualummik illakusuttamera isiginiassagaanni.

Soorunalumi nalilersueriaatsini allannortikkuniuk, ataatsimoortileruniulluuniit naliliisimanera ilumoortortaqarpoq, kisiannili allangannornerani taamatut isikkoqartuassappat, sullitamut paatsiveerunneq pilersinaavoq, apeqquterpassuit erngerlugit akisinnaangisat sarsuatilertussaagamikkit.

Tamaat isigalugu oqaatigilluaannarlugulu uprofisionelletut allangaqarsimavoq. Tamannalu ...-p misigissutsikkut eqqorneqaatigivaa sakkortuumik. "

Taamatut naatsumik paasissutissiilaarpunga.

- Allakkat Børn og Unge gruppemut ilisimatitsissutitut ulloq 31.07.03 saqqumiunneqarput.
- Ilanngunneqarpoq allangaasimasup ilaarneqarnera."

Suliffik pillugu K Kommunip allakkiaa 6. maj 2004-meersoq, isumagininnermi siunnersortit pisortaannit suliarineqarsimasoq. Tassanga makku erserput:

"Suliaq matumuuna ingerlateqqippara, suliffimmi sulisut ulluinnarni suliarinerannut arlaatigut aaqqiissuteqartoqarnissaa kissaatigalugu.

Taamatut kissaateqarnermut tunngaviunerpaasoq tassaavoq akerliuniangikkaluarluta pissutsinik aalajangersimasunik akuersaarinnikkumanginnerput. Pissut-

simmi ilisimaaraagut, suliffimmilu suleriaaseq aaqqinniarlugu arlaleriarluta akuliut-sinneqartarsimalluta, tassami suleriaaseq isumaqatigiinngissutaasarsimammat. Pissutsilli tamakku sulii aaqqinneqarsimangillat, aaqqikkuminaatsinneqarlutillu. Aaqqinniarlugit iliuuseqartoqarnissaa kissaatigaarput.

Ilanngullugu oqaatigissavara isumaqatigiinnginnerit taakku tarnip pissusiinik ilisimasalimmik atorfinitsitsinerup kingornatigut aatsaat pilersimammata, sulisullu akornanni aaqqinniarneqarsimagaluarlutik. Aaqqiissutit taamaattut sivikitsuinnarmik aaqqiinerupput, suleriaatsip A-mit malinneqannginnera pissutigalugu, tamanalu sulisut akueriuminaatsippaat. Tamannaluuna pissutaalluni sulisut akornanni isumaqatigiinnginneq pilersimasooq.

Isumaginninnermik ingerlatsiviup pisortaatut aammattaq oqaatigissavara sullitat arlaqarmata suliffimmi A-mut ornigukkumajunnaarsimasut, naak sullissisuminnit tassunga innersuunneqartaraluarlutik, nalunngisakkalu malillugit arlaqartut tassanga angerlarsimaffimmini unnukkut alaatsinaanneqartarnertik naammagittaalliutigtigisimavaat, taamaattumillu tassunga orniguteqqikkumajunnaarsimallutik.

Ingerlatsivimmi pisortaq massakut soraartoq ataatsimeeqatigisarsimavarput, pissutsit aaqqinniarlugit, nalunngilaralu ingerlatsiviup pisortaata suliffik arlaleriarlugu immikkut ataatsimeeqatigisarsimagaa, sulisut sullitalu naammagittaalliutaat pissutigalugit.

Pissutsit taakku oqaluuserineqarnissaat massakut kissaatigineqaqqippoq, taamaattumillu suliaq ingerlateqqippara, suliap qanoq iliuuseqarfigineqarnissaata suli-niutigineqarnissaa kissaatigalugu, isumaqaramami aaqqiiniutaasimasut amerlaval-laata nangaanartarsimasut." (Atorfeqarfimmi nutsigaavoq)

A-p ...-mut<sup>13</sup> allagai ullulernerqarsimangitsut. Taakkunannga makku erseput:

"Asasara ...,

Maani suliffimmi ikiuunnissat pisariaqartilissagunarparput.

..-p ...-llu akornanni paniup-anaanap akornanni pissusiusooq sakkortoq arlaanaataluunniit arajutsisimasinnaaganngilaa? Aanaanamit qimanneqaqqilerneq decemberimi ...-mut ajornakusoortoq erseqqissimavoq. Pissuserinngisaminik piumasuseqarsimangilaq. Meeqqanut juullimut aaqqissuussinerit unitsinneqarsimapput, juullilerneranilu inuulluaqqussutit ingerlatani naammassinngitsuussimavai.

... juullip kingornatigut nikallungasimaqaaq, piffissalli ingerlanerani nukissanikiartuaarsimalluni.

Tamatumunngali peqatigitillugu "anaanap paniatut" inissisimanini atuutsinnialersimavaa, maani pisunik aqutsiumalernermigut.

...-p ...-llu akunnerminni pissutsini ajornakusoortoq allanut oqaatigisimangisara tassaavoq ...-p maani aqutsineq pillugu pakatsisimaarnermini suliffik qimanniarlugu pilersaruteqarnera, ...-p sioqutaarsimangitsuuppatigut.

Tamanna suliffiup matuneqarneranik kinguneqarsimasinnaagaluartoq eqqarsarpunga.

Uanga pissaaneqarniunnernik ingerlatsinermut maani kommunimi isertuannigivissumik ingerlanneqartunut ajorluartumik pikkorippallaanngilanga. Ittoqut ... so-raarmat ...-p ...-mik saassussinera pillugu imaqarniliaq tusarpara.

---

13. Kinguliaa taaneqarsimangilaq, tassaassanganneqarlunili isumaginninnermi siunnersortit pisortaat

Oqalutseqarniarneq massakkorpiaq ajornartorsiutigaarput. Pitsaanngitsunik misilittagaqarnera aallaavigalugu oqaatigaara angummik oqalutseqarnissaq kissaatiginngikkiga, tassami angutit inersimasut marluk akornanni aporaanneq pingaartumik arnat inuusuttut eqqarsaatigalugit aserorterisuusartoq paasigakku.

...-p soraannginnermini angut inersimasoq taxartartuunini pissutigalugu piukunnartorujussuaq uannut oqalutsinngortissimavaa.

Sianermalli ...-p ajoraluartumik nassuiaassimavaa uanga arnamik oqalutseqarnissaq kissaatigigiga.

Ippassaq isaasalerlugu pitsaavallaarnanga oqarama taassuma allallu marluk maanga aggeqquneqarnissaat ...-p isumagisimavaa. Taakku ilaat tassaavoq arnaq 60-nik ukiulik, uanga ilisarismannigisara, immaqali atorsinnaasara?

Pissaaneqarniunnerit taamaattut uanga pikkorluffigaakka.

Takulerpara angutinnguakkuluk 45-nik ukiulik, ...-p atorfininnissaanik neriorsorimasaa - nalunngilaami arnamik piumanerusunga - ...-mit oqarfigineqartoq uanga atorsinnaanngikkiga, tamatumalu kingornatigut maani oqaloqatigineqarnissaminut aggeqquneqartoq, oqaloqatigineqarnerminilu tiguneqarsinnaannginnerminik oqarfigineqartoq?

Tamanna assersuutaannaavoq.

Illit maanngarnissannut pissutaasoq alla naluneqanngitsutut tassaavoq suliffiup qanittoq tikillugu pallitsaalisaanera. Assersuutigalugu suliffiup allagaatinik toqqorsivia alakkaqqugaluarpara." (Atorfeqarfimmi nutsigaavoq)

**K Kommunimi suliffeqarfiup pisortaata ingerlatsiviup pisortaanut allakkaa 10. maj 2004-meersoq. Tassanga makku erseput:**

"Piumaffigineqarnera aallaavigalugu A-mut tunngasumik paasissutissat matumuuna ingerlateqqippakka.

Naluneqanngitsutut uanga suliffimmi ningiutut aallartippunga 1. april 2004.

Sulilernerma kingorna suliffimmut iserniaqqaarsimavunga suliffik qanoq ingerlarnersoq suut aallunneqarnersut misissorlugit. Suliffiup siunertaa aallaavigalugu kikkut qanoq piginnaaneqarnersut sallitinniarsimavakka annertunerusumik suliffiup ineriartortinnissaa eqqarsaatigalugu. Taamatut aallarniininni sapinngisara tamaat sulisut peqataatikkusussimavakka, ningiutut akisussaaffiga paaralugu sulisut tamarfik akisussaaqataanisaa siunertama pingaarnertit ilagisimavaat.

Paasisara siulleq tassaasimavoq torersagassat sukatigassallu siulliullugit aallartitassaralugit illup atorneqarnera sulisullu qanoq inissisimanerannik aallaveqartunik annertuunik inissitassaartoq.

Tamakku aallaavigalugit sulisut ataatsimiisinneqartarnissaat aallarnerpara allaat oqallisissat tullerriaarneqarneri suliarisimavakka amerlanernik akuerineqartumik.

Kisiannili ingerlaannaq aaqqiagiinnginneq sunaaffa qangalili pisartoq malunnarsivoq tassa qulaani pineqartoq nammineq isummani atorlugu ingerlarnusuttoq ersarisumik takutissimmat torersumik inissikkusussimagaluarpara tullianik ataatsimiinissamat oqallisissanngooqqillugu tamatta eqqarsaqilaareerutta. (Personalemødereferat nassiuppara ilanngullugu). Pineqartoq annertuumik malersorneqarluni pingaartumik ...-mik oqariartuuteqarsimavoq, kisiannilu uanga naliliisarnera malillugu malersuisoqarani eqqartoqqitassaalluni naliginnaasumik suleqatigiit akornanni.

Kisianni suli taamaattoqanngitsoq nuanniittoq takkussimavoq taannalu pisoq naluneqanngitsutut suliunnaarsitaagallarpoq. Inissitassarlu annertoq kisitta ajoraluartumik aqqissinnaanikuusimannngilarput ulloq manna tikillugu.

A oqaloqatigineqarpoq ulloq 21.04.04, nal. 10.00 oqaloqatigineqareemat oqarasuaatikkut nalunaarfigineqarpugut fritstillerneqartoq pisattaminik aallersinnaasooq

computerit allallu attussanngikai, taamatut kalerrinneqaratta aallernisaa utaqquvarput, takkutinniinnarmallu ...-mut sianerpunga paasiniarlugu qanga anisimanersoq, sunaaffa qangaammalli anereersimasoq.

... qummukaquvara suliffik kriseramt institutionit nalilerlugu sulisut marluinanngoratta, majuarsimalersoq A takkuppooq pisattaminik aallerluni.

Iserami kiinaa ajorpoq arriissarlunilu sunik annitassaminik ujaasilluni ...-lu marluulluta ilagivarput ilami uanga suuteqarnersoq nalugakku. Pisattani tigoreeraluarlugit init uteqattaarpai nipikittuliorlunilu ...-p uangalu kisitta tusaasatsinnik oqalulluni. Naggataatigut ersigilerparput pooriaannartut isikkoqarmat imaaliillaannarlu anisitassaanani pisassarsiorluni allaat meeqqat inaanni tigusassarsiorluni uffa massa arlaannarpulluuniit taqqamani susassaqqanngitsoq meeqqanuinnaq pisatsersornikuumat taakkunaniinnarlu atorpeqartarluni.

Animmat matuersaat taarsertippara iluaniik paarnaarsinnaalerlugu kisimiillunga maani sulillunga isertoortigerusunnginnakku ersigigakku pissusaa isikkualu ajormata.

Ulloq taanna ...-p suliakkerpaanga oqaloqatigisartagai tamaasa kalerrissagikka allakkatigut. Aallarteqqaajunermt kikkorpiat tamaasa nalugakkit saginik misissuiniarsimavunga ingallugalu tupattarlunga.

Assersuut: Uge 18-imut atatillugu ataatsimeeqattaarsimavugut A-lu marluulluta unnuk ataaseq uanga akisussaaffiginiarlugu innuttaasunik ataatsimiisitsillunga, ulorlu alla A-p tigummissagaa Hallimi aaqquissuussineq.

Taamaalluta ulloq 14. april 2004, maani ...-mi uge 18-imut pilersarusiortut ataatsimiigiarpuit inuit 20-t missaat, inuit uanga naluvakka aatsaat ilisariartuaalerlugit. Ataatsimiigiartunut ilaapput K-p illoqarfiani lokalradiomi ittuat ...

Taanna iserpoq allatuulli kikkorpassuit ingiaqatigalugit, iserluni kamini oqorsaatinilu piirai A-p oqaluullugu aallartippaa qujalluni qaffasinnerusumik atorfeqalersimammata kalaallit imminnut tatigineq ajormata taanna inuk nersorlugu. Uanga assut tupappunga inuillu tusaammata oqaaseqarnanga aqaguani uaguinnangorutta oqaloqatiginiarlugu.

Aqaguani taamaaliorpunga oqaasii tassunga kusanaagalugit annersitsinerarlugu kalaallit taama pisassaanginnerarlugit anneraluarlunilu nillinginnerarlugu uagut pissuserput allaanerummat ilinniartariaqarneralugu. Sulisut allat tusaapput A paasinninnerapoq aamma nipi saamasoq atorlugu oqaluukkakku, tassani pingaartumik ... tupaallappooq inissinneqarluni alanngimmanga sunaaffami pisussaq aggersoq.

Fritstillernerata kingorna torersaallunga paasileriallariga sunaaffa taanna inuk taamatut inuppassuit akornanni oqaluussimagaa Suliffimmi ...-tut oqaloqatigisarsimagamiuk! Puha, tassani nakkagajappunga tupannermt tavshedspligtini unioqqu-timmagu ersarissumik assut annilaarlunga pissusaanut.

Eqqarsaat siulleq takkuppooq qanormita sionratigut ingerlasimava ila takusinnaavara tavshedspligt unioqutissinnaagaa taama ajornanngitsigisumik! Ulorianaq.

Pisattani aallugit isermat ulloq 21. april 04, nal. 16.30 ilisimatippara qimataqarsimassappat nassiukkumaarlugit iseqqissanngitsoq, kisianni faxeriartorpoq ulloq 26.04.04 ullaakkut peqatigiiffimmi ilaasortaagami piginnaatitaaffeqarnerarluni aasit anisitassaanani, isikkua pooriaannartut isikkoqarluni, ersigigatsigu ilinnut siarnerpugut, tassanilu anereersoq takkukkavit isumaqatigiippugut tullianik politiinut siarnerinnaasugut. Kisianni takkuteqqinngilaq kisimiikkaangattalu matu paarnaqqasarpooq suli.

Sapinnngisarput tamaat suliffimmut isertinnaveersaarparput taamaammata takoqqinngilarput.

Kisianni allakkat allattarsimasai ippassaq aniatikkatsigit piumaffigineqarnerput malillugu takusinnaavara sulisoq, suleqat tatiginanngittuusoq soorlu allattarsimasai

malillugit tavshedspligt qassinik unioqquittarsimagaa aammalu sallunik imalinnik allagaqartarsimasoq uangali aallartinnikkallarama.

Tamakku allagarpassuit maani toqortaapput, qanoriliornissaat naluakka.

Ilanngullugu oqaatiginngitsoornianngilara uanga ningiutut paasisinnaannginnaku qangalili naammagittaalliutigineqartarsimasoq takoreerlugu susoqarsimannginera, ilami sullitagut illersorniarlugit maaniikkatta.

Ersarippoq tavshedspligt isumassaqartinnikkaa, taannaanaq aallaavigalugu uanga nangiarivara suleqatigissallugu."

Allakkiaq assammik allagaq 19. maj 2004-meersoq, atsiorneqanngitsoq kimukartuuneralu allassimanngitsoq. Allassimavoq "suliami illua'tungiusup isumaanik tusarniaaneq", oqaasertai "A"-mut tunngasuullutik. Tassannga makku erserput:

"Ataatsimiinnermi peqataasut nipangiussisussaataitanerat kommunaldirektørip aallarniilluni erseqqissarpaa.

Kalaallisut allakkiaq ullui eqqortuupput.

...-p allakkiaa 15. januar 2004-meersoq.

Qarasaasiap nammineq ullulersuisarnera pissutigalugu ullulersuineq ajornartorsiutaasoq oqaatigineqarpoq.

Tamatuma kingornatigut qallunaatumut nutsernera aamma uparuarneqarpoq.

Kommunaldiretøri oqarpoq suliami illua'tungiusup isumaanik tusarniaaqqinnisamat tunngavissaaruttoq, paatsuusoqarsimanera malunnarmat.

Suliffimmi sulisut 24.5.-04-mi ataatsimiinnerat" (Atorfeqarfimmi nutsigaavoq)

A-p suliami illua'tungiusutut isumaanik tusarniaaneq pillugu K Kommunnip allakkiaa 21. maj 2004-meersoq. Tassannga makku erserput:

"Suliami illua'tungiusup isumaanik tusarniaanerup nangingeqarnera 19. maj nal. 15.00 aallartippoq.

...-p allagai 5. maj 2004-meersut

...-p allagai 16. januar 2004-meersut

...-p allakkiaa 9. januar 2004-meersoq (ullua nalornissutigineqarpoq)

...-p allagai 15. januar 2004-meersut

...-p allakkia 10. maj 2004-meersoq.

Kommunaldirektøri tamatuma kingornatigut inerniliilluni oqarpoq paasissutissat tiguneqarsimasut kiisalu suliami illua'tungiusup isumaanik siusinnerusukkut tusarniaasimaneq suliamut atatillugu killisiueqqinnisamat tunngavissaqalersitsinngitsut, taamaattumillu suliami illua'tungiusup isumaanik tusarniaaneq matumuuna unitsineqartoq, A eqqarsaatigalugu annertunerusumik iliuseqartoqaaqqissanngilaq.

Aalajangiineq taanna tunngavilersorlugu kommunaldirektøri oqarpoq suleqatigiinnermi ajornartorsiutit illua'tungeriit ajornartorsiutigigaat, taamaattumillu sulisut ataasiakkaat toqqaannartumik akuliuffiginagit pisortaasunit akuliuffigineqarnissaat pisariaqartoq.

A-p sulinini ataasinngornermi 24. maj nal. 9.00 aallarteqqissavaa, tassanilu kommunaldirektørip, innuttaasunik sullissiviup pisortaata, isumaginninnermik ingerlat-siviup pisortaata kiisalu suliffimmi sulisut tamarmik peqataaffigisaannik suliffimmi sulisut ataatsimiinnerat aallartissutigineqassalluni." (Atorfeqarfimmi nutsigaavoq)

A-p K Kommunimut allagai 16. juni 2004-meersut. Taakkunanga makku erseput:

"Allakkanut 4. juni 2004-meersunut akissut

Napparsimaninni kissarneerutilerpunga. Taamaalillunga piareersarnissannut sivi-sunerusumik piffissaqarsimagama tamatumani periarfissariligara suliami illua'tungiusup isumaanik inaarutaasumik tusarniaalluni ataatsimiinneq pillugu allakkatigut akissuteqarnermut matumuuna atorpara.

I pillugu.

Isumaqaarpunga naliliineq taanna kukkusuusoq paatsuuneruorluunniit. Asser-suutigalugu ilusilersorluagaasumik siunnersuutigaara ileqqoreqqusaliat nutaat allanneqassasut.

Siusinnerusukkulli periaasiusoq aallaavigalugu naatsorsuutigisimagaluarpara missingiut sulisut ataatsimiinneranni oqaluuserisassanngorlugu saqqummiunneqassasooq, tassani lu oqaasertai, annertussusia immikkoortullu pisariaqartut tamarmik ilanngunneqarsimanersut oqaloqatigiisutugisinnaagigut.

I. junimi ataatsimiinnitsinni oqaasertaliussat nalornissutigisama qanoq paasineqarnissaannik apeqquusiinera taamatuttaaq suliffeqarfitsinni siunissami pitsaasumik suleqatigiinnerup qulakkeerneqarnissaanik uanga tunginnit soqutiginnertut isigineqartariaqarpoq.

Siunertarisimavara immikkoortut marluk taakku suliffimmi sulisut ataatsimiinnitsinni qulaajarneqassasut.

II pillugu.

Uannut pakatsinarpoq suliffimmi sulisut sisamangormat ataatsimiinnitsinni ilaqutariinnik sullissinitsinni anguniakkatsinnik suliffimmi piviusunngortitsinitsinni periaaseq pillugu torerumik, eqqissisimasumik ataqqinnitumillu akerliliissuteqarnerma kingornatigut uanga kiserngorunnera. Isumaqaarpunga innuttaasunik pitsaannerpaamik kiffartuussisinnaassagutta uanga ...-tut pisinnaasama suliffeqarfitsinni iluaqutiginiarneqarnissaat pingaartuusoq.

Siunissami inerititaqarfiulluurtumik suleqatigiinnermut aqutissamik nassaarniarluta allatut ajornartumik oqaloqatigiittariaqarpugut. Tamanna tunngavigalugu paasineqarsinnaassagunarpoq pisortarisama suleqatimalu ataatsimiinnermit taama tassangaannartigisumik qimagunnerat uannut pakatsinartorujussuusoq.

Uanga tamatumunnga sukkulluunniit pissutissaqalersitsinngilanga.

III pillugu.

Immikkoortoq taanna ilaatigut qulaani paasisattungajak imatut paasivaara peqquneqarninnut naalakkumasimangitsutut isigineqartunga.

Piffissaq 1.01.04-mit 15.01.04-mut ingerlasooq kia uannut pisortaananik ajorluartumik ilisimatinneqarfisimangisara eqqaassanngikkaanni tunaartarisassat uannut saqqummiunneqartut malissimavakka.

Suliffimmi aallaqqaataaniit annertunerusumik paasissutissanik tunaartarisassanillu amerlanerusumik ilisimatinneqarsimanginnera assut pakatsinarsimavoq, minnerunngitsumik suliffimmi aallartinninni, takusinnaasimavarali suleqatikka pisinnaasartik naapertorlugu qanoq iliuuseqartut, sapinngisannugaralu naapertorlugu taakku iliornerat assilillugu iliorniarsimallunga.

Suliffimma uannut piumasaaqateqarsinnaatitaananik ataqqinninngitsutut isigineqarsinnaasimanagera ajuusaarutigaa. Soorunalimi taamaassimangilanga.

Neriutigaara ataatsimiinnerit taakku pitsaasumik kingunerisaannik assersuutigalugu suliffimmi atorfeqartitaasut sulilernerminni sukumiisumik ilitsersorneqartalisasat - kiisalu kukkussuteqarsimagunik tamanna pillugu ingerlaavartumik uterfigineqartassasut.

#### IV pillugu.

Siusinnerusukkut sullitaasimasumik ataatsimiinnermi oqaloqateqarnera ...-p malugisimasaa matumani pineqartoq isumaqarpunga.

Inummilli K Illoqarfimmiumik oqaloqateqarnera pissutigalugu taassuma siusinnerusukkut uannit sullitaasimasinnaanera inerniliunneqarsinnaanngilaq.

#### V pillugu.

Immikkoortup sulinermit tunngasortaa pillugu:

Suliat pillugit kalaallisut oqaloqatigiinneq pillugu paasitinneqarnissannut kia akissusaasuunera maani ataatsimiinnerni allanngorartumik paasisarsimavarput.

Peqatigiiffiup inatsisilerituaa isumaqarpoq akisussaaffik taanna suliffeqarfiup pi-sortaaniittoq, tamannalu pissusissamisoorinarpoq.

Tamanna kukkusumik paasinninneruppat uppersarsarneqarsinnaappallu isumaga allanngortissinnaalluarpara.

#### VI pillugu.

1. Isumaqarpunga inuiaqatigiinnik pitsaanngitsumik isiginnittuunanga. Sullitarpassuit naapissimasakka nuannarilersimasakkalu aqutigalugit assersuutigalugu K-p illoqarfia ajunngitsorujussuarmik isigilersimavara.

2. Suleqatima meeqqanut suliniuteqarnerat qaffasissorujussuurtut nalilersimavara.

Perorsaasutut ilinniarsimasut inersimasunik katsorsaanermik ingerlatsinissamut pisinnaanerat eqqarsaatigalugu isumaga allanngortissimavara, assersuut una ilinnitigalugu, tassalu GU-mi ilinniartoq inuusuttoq isumaginninnermi siunnersortimik perorsaasunillu marlunnik oqaloqateqarnermi kingornatigut tassanngaannaq immi-noriaraluartoq.

Taamatut ingerlatsinerit uattut atorfilittut qanimut suleqateqanngikkaanni ingerlanneqartariaqanngillat - uangalu naliliinera malillugu ataatsimut isigalugu qaqutigorsuaannaq pisinnaasariaqarlutik.

...-llit tamatuma pissuseqataanik meeqqanik paarsinermit pikkorluttuugajupput.

#### VII pillugu.

Isumaqarpunga pimasat uterfigeqqissanngikkutsigit allatut ajornartumik ilin-niarfigisariaqarnerannik inuk oqarsimasoq ilumoorluinnartoq.

Tamanna ilaqutariinnik sullissininni uanga aamma erseqqissarajuttarpara. Ilor-raap tungaanut ingerlajumagaanni sanngiiffittut imaluunniit iliutsitut pitsaanngit-sutut saqqummertut isummerfigisariaqarput." (Atorfeqarfimmi nutsigaavoq)

#### K Kommunimut 9. september 2005-imi imatut allappunga:

"A pillugu K Kommunip suliami allagaataasa assilineri 12. juli 2005-imi Ombud-smandip tiguai.

Suliami allagaatit misissornissaannut periarfissaqarsimavunga.

K Kommunip A-mik soraarsitsinera tamatumunngalu atatillugu periusaasimasoq misissuiffiginarlutit Ombudsmandi aalajangerpoq.



A-mik suliunnaarallartitsinerit pillugit Eqqartuussissuserisup X-ip naammagittaalliuutaanut tunngatillugu naammagittaalliuutip ilaata sularinissaa itigartissutigaa. Taamaallilunga Eqqartuussissuserisumut X-imut ilutigitillugu allagaqarnikut A-p suliunnaarallartinneqarnera K Kommuni allagaasigut 21. april 2004-meersutigut A-mut nalunaarutigineqartoq pillugu naammagittaalliuutip sularinissaa itigartippara, takuuk Inatsisartut Ombudsmandiat pillugu Inatsisartut inatsisaanni § 6, imm. 2, tassami Inatsisartut Ombudsmandiat pillugu Inatsisartut inatsisaat malillugu pisimasoq pisoqalereersimammat.

A-p suliunnaarallartinneqarnera, K Kommunimit allakkatigut 4. juni 2004-meersutigut A-mut nalunaarutigineqartoq eqqarsaatigalugu suliassaq sularilissanerlugu isumminnginninni kiisalu sularissagukku misissuinissannut tunngavissaqartitsinerisooq pillugu paasissutissat amerlanerusut pissarsiareqqaartariaqarpakka.

Matuma kingorna K Kommuni A-mik soraarsitsinera kiisalu tamatumunnga atavillugu periusaasimasooq pillugu Eqqartuussissuserisup X-ip naammagittaalliuutaanut K Kommuni oqaaseqaammik saqqummiussinissaanik qinnuigaara.

Soraarsitsinissaq sioqqullugu A illua'tungiusutut naammattumik tusarniaaffigineqarsimasutut K Kommuni isumaqarfigineraa immikkut K Kommuni nassuiaateqaqqullugu qinnuigaara. Ilaatigut illua'tungiusumut tusarniaanermi suna siunertarinerqarnerisooq K Kommuni allagaani 4. juni 2004-meersuni allassimannginna innersuussutigaa. Aamma illua'tungiusumut tusarniaalluni allakkani sulisut ataatsimiinnerannit oqaatigineqartunit imaqarniliamik ilanngussisoqarsimaneranik allasimasooqanngilaq, soorluttaaq illua'tungiusumut tusarniaassutitut allakkani soraarsitsinermut tunngavilersuutitut pissutsit aalajangersimasooq oqaatigineqanngitsut. Taamaalliluni pisimasut sorpiaat pineqarnerisut illua'tungiusumut paasineqarsinnaanngorlugit illua'tungiusumut tusarniaassutitut allakkiami erseqqissumik oqaatigineqarsimangillat.

Aamma suliaq naammattumik paasissutissiissutigineqartutut kommunip isumaqarfigineraa nassuiaatigeqqullugu K Kommuni qinnuigaara. Tamatumunnga ilanngullugu K Kommuni qinnuigaara makku nassuiaateqarfigeqqullugit:

- A-p soraarsinneqarnissaanut aalajangerneq sioqqullugu K Kommuni misissuinerit qanoq ittut ingerlassimanerai.
- Suleqatigiinnermi ajornartorsiutitut taaneqartut sullivimmi suliassat naammassineqarnissaannut annertuumik nuanninngitsumik sunnuteqarsimanersut allaat tamanna soraarsitsinermut tunngavigineqarsinnaalluni, suleqatigiinnermi ajornartorsiuteqarneq A-lu imminnut attuumassuteqarnerisut, kiisalu ajornartorsiutit pilernerannut A pingaarnertut pisuussuteqarnerisooq kommunimit misissorneqarsimanersut.
- K Kommuni isumaa malillugu suleqatigiinnermi ajornartorsiutit iluarsineqarnissaat anguniarlugu soraarsitsinissamut alloriarnerit annertuut pinngitsoortinniarlugit naammattumik iliuuseqartoqarsimanersooq ilisimatitsissutigeqqullugu.

K Kommuni A-mik suliunnaarallartitsinera allakkatigut 4. juni 2004-meersutigut nalunaarutigineqartoq eqqarsaatigalugu K Kommuni qinnuigaara suliunnaarallartitsineq tamanna A-mut qanga nalunaarutigineqarnerisooq ilisimatitsissutigeqqullugu. Allakkisartumit aatsisoqarnissaanik allasimasooqarnera matumani innersuussutigaa, A-lli allakkatigut oqaaseqaataani allassimavoq nalunaarut 8. juni 2004-mi ualikkut aatsaat tiguneqartoq.

Aamma K Kommuni qinnuigaara A-mik suliunnaarallartitsinermut atavillugu akissarsianik ikililerisoqarsimanersooq, imaluunniit suliunnaarallartitsinermut atavillugu A-mut allatut kinguneqartitsisoqarsimanersooq ilisimatitsissutigeqqullugu.



K Kommuni akissutissaa illua'tungiusumut naammagittaalliuteqartumut tusar-  
naassutitut saqqummiunneqarnissaa naatsorsuutigineqarpoq.

Allakkama assilinerat ilanngullugu Eqqartuussissuserisut X-imut ilanngullugit  
nassiuppara."

Eqqartuussissuserisumut X-imut ulloq taanna imatut allappunga:

"Eqqartuussissuserisup X-ip allagaa 30. august 2005-imeersut 2. september  
2005-imi tiguakka.

Suliap suliarineqarnerani piffissaq maannamut atorneqartoq aallaqqaasiullugu  
ajuusaarutigaa.

Aamma ilisimatitsissutigissavara suliaq suliamik suliarinnittumut nutaamut tun-  
niukkaku.

Eqqartuussissuserisup X allakkatigut 3. juni 2005-imeersutigut uannut naamma-  
gittaalliuteqarpoq. Allakkat taakku 6. juni 2005-imi tiguakka.

Eqqartuussissuserisup X-ip allagaani 3. juni 2005-imeersuni allassimavoq Eqqar-  
tuussissuserisup X marlunnik naammagittaalliutissaqartoq. Siullertut A-mik su-  
liunnaarallartitseqattaarnermut atatillugu K Kommuni periaaserisimasaa Eqqar-  
tuussissuserisup X-ip naammagittaalliutigaa. Aappaattut A-p soraarsitaaneranut  
atatillugu K Kommuni periaaserisimasaa Eqqartuussissuserisup X-ip naammagit-  
taalliutigaa.

Ilanngussani eqqartuussissuserisup X-ip uannut nassiusaani allassimavoq A-mik  
suliunnaarallartitsineq marloriarluni pisimasooq. Suliunnaarallartitsineq siulleg K  
Kommunimit allakkatigut 21. april 2004-meersutigut A-mut nalunaarutigineqarpoq.  
Suliunnaarallartitsinerup aappaa K Kommunimit allakkatigut 4. juni 2004-meersuti-  
gut A-mut nalunaarutigineqarpoq. Suliunnaarallartitsinerli pillugu kommunip alla-  
gaasa assilineranni A-p atsiernerata nalaani assammik allassimasooqarpoq "8.06.-04-  
mi ualikkut tiguneqarpoq".

Inatsisartut Ombudsmandiat pillugu Inatsisartut inatsisaanni nr. 7-imi, 13. juni  
1994-imeersumi § 6-imi, imm. 2-mi aalajangersarneqarpoq naammagittaalliutigi-  
sassaq pisimanerani ukioq ataaseq qaangiutsinnagu saqqummiunneqassasoq.

Saqqummiussinissamut piffissarititaasoq naassaaq aalajangiineq pillugu nalunaa-  
rutip suliami illua'tungiusumit ullormi tiguneqarnerani ukiup ataatsip qaangiunne-  
rani.

Suliunnaarallartitsineq 21. april 2004-meersooq naammagittaalliutit tiganerani  
ukioq ataaseq sinnerlugu qaangiutereersoq pisimammat Inatsisartut Ombudsman-  
diat pillugu Inatsisartut inatsisaanni § 6, imm. 2 tunngavigalugu taanna suliarisin-  
naanngilara. Suliunnaarallartitsineq 4. juni 2004-meersooq eqqarsaatigalugu K Kom-  
munimut paasissutissanik amerlanerusunik piniareeruma naammagittaalliutit sulia-  
rilissanerlugu aamma taamaaliornissannut naammattumik tunngavissaqarnerluna  
naliliiffigissavara.

Taamaattorli eqqartuussissuserisup X-ip naammagittaalliutaata A-mik soraarsit-  
sinermini K Kommuni periaaserisimasaanut tunngasortaa suliarilerniarlugu aalaja-  
ngerpunga.

Tamatumunnga peqatigitillugu K Kommuni qinnuigaara naammagittaalliutit pil-  
lugu oqaaseqaammik saqqummiusseqqullugu. Allakkanut ukununga peqatigitillu-  
git K Kommunimit allakkama assilinerat ilanngullugu nassiuppara.

A aamma K Kommuni allakkat uku assilinerannik nassinneqarnermikkut qulaani  
taaneqartunik ilisimatinneqarput."

K Kommuniq suliaq pillugu akissuteqarnissaa allakkatigut 24. november 2005-imeersutigut nukingisaarutigaa.

K Kommuniq allagai 29. november 2005-imeersut 12. december 2005-imi tiguakka. Taakkunanga makku erserput:

"Atorfeqartitaasup sulisitsisullu akornanni akerleriissutaasinnaasut uppersarsineqarnissaannut qulaajaanissaq illua'tungiusup isumaanik tusarniaanermi siullertut pingaarnerutillugulu anguniarneqartarpoq.

Suliami pineqartumi A inaarutaasumik tusarniaaffigineqarnissaminut aggeqquneqarpoq, tassami allakkiami 4. juni 2004-meersumi pissutsit oqaatigineqartut tunngavigalugit akissarsiaqartitsilluni suliunnaarsitsisoqarsimammat. Tusarniaanissamut 10. juni nalunaaqutaq 9.00 pisussamut aggeqqusisoqarpoq.

A napparsimanani pissutigalugu aggersinnaanani nalunaarmat tusarniaanissaq 17. juni nalunaaqutaq 9.00-imut kinguartinneqarpoq.

Siusinnerusukkut tusarniaanermi imaqarniliat (4. maj 2004) kiisalu 2004-mi majip 24-ani aamma junip aallaqqaataani isumaqatigiissitsiniarlualarnermit imaqarniliat A-p pigivai.

A-p sulinermini pissusilersortarneranut atatillugu pissutsit misissorneqarlutillu qulaajarneqarput – ilaatigut taaneqartukkut illua'tungiusup isumaanik tusarniaanikkut aamma isumaqatigiissitsiniarnikkut kiisalu sullitanut atatillugu pisimasup A-mit uppersarsarneqartup misissuiffigeqqinneratigut. Pisimasoq oqaatigineqartuq tassavoq A-p sullitamik kinguaassiuutitigut atoqateqarnermi akiliuteqarusussimanera.

Inaarutaasumik 17. juni 2004-mi illua'tungiusup isumaanik tusarniaanermi isumaqatigiissitsiniarnermi imaqarniliaq kiisalu allakkiaq 4. juni 2004-meersoq nasinneqartuq aallaavigineqarput. Aammattaaq A-p akissutaa 16. juni 2004-mik ullulneqartuq aallaavigineqarpoq. Illua'tungiusup isumaanik inaarutaasumik tusarniaanerup soraarsitsinermik nassataqarsinnaanera ataatsimiinneq aallartimmat erseqqissaatigineqarpoq.

Qanoq pisoqarsimaneranik nassuiaat qulaani taaneqartuq kiisalu sulisunik ataatsimoortunik tamarmiusunik isumaqatigiissitsiniarnermit erserpoq suleqatigiinnermik ajornartorsiutit A-p suleqatiminut isumaanik aamma sulisitsisumi qaninnerpaap suliakkiineranut ataqinninnginnermik pissuteqartut.

Suleqatigiinnermi ajornartorsiutit 2003-mi aallartittumik piffissami sivisuumi iluarsiiiffiginiarneqarsimagaluarpur, tassami suliffimmi pisortaasimasoq sulisunik ataatsimiitsitsinermigut A-p sulisullu allat akornanni suleqatigiinnerminni ajornartorsiutaannik arlaleriarluni iluarseeartarsimagaluarmat. Tamannalu ingerlateqqinneqarpoq 2004-mi pisortamik nutaamik atorfinitsitsisoqarnerata kingorna.

2. juni 2004-mi isumaqatigiissitsiniarnerup inaarnerani akissarsiaqarluni soraarsinneqarnerani A nalunaarfigineqarpoq. Taamatuttaaq inaarutaasumik illua'tungiusup isumaanik tusarniaasoqarnissaanut aggersaasoqarumaarneraniq nalunaarfigineqarluni. Allakkat 4. juni aatsisartumit A-mut tunniunneqarput, aallaqqaammulli allakkat tigusimanerannik uppersarsaajumanani. A-p uppersarsaalluni atsiugaa aat-saat 8. juni tiguineqarpoq.

Naggataatigut nalunaarutigineqassaaq A-p akissarsiaqarluni soraarsinneqarneranut atatillugu akissarsianit ilanngaasoqarsimanngitsoq, akissarsiaqarlunilu soraarsitsinermut atatillugu allatigut pineqaatissiisoqanngitsoq. Taamaattumik A suliffimminut kiisalu oqarasuaatinut qarasaasiakkut allakkanut il.il. mattunneqanngilaq, taamaalluni A peqatigiiffimminut allanulluunniit imminut attuumassuteqarsinnaasunik attaviginnissinnaavoq." (Atorfeqarfimmi nutsigaavoq)

K Kommuniq 19. december 2005-imi imatut allappunga:

"K Kommuniip allagai 29. november 2005-imeersut Ombudsmandip 12. december 2005-imi tiguai.

K Kommuniip allagai imatut paasivakka sulisut 2004-mi 24. majimi aamma 1. juni ataatsimiinnerini imaqarniliat kommuniip suliami illua'tungiusup isumaanik tusarniaanermut akissutitut allakkamini innersuussutigisai ilanngullugit nassiunneqarsimannigitsut, tamannali suliami illua'tungiusup isumaanik tusarniaanermut pingaarteqanngitsaq, tassami imaqarniliat taakku A-p pigimmagit.

K Kommuniip allagai imatut aamma paasivakka suliami illua'tungiusup isumaanik tusarniaanermut suliami illua'tungiusup isumaanik tusarniaalluni allakkani takuneqarsinnaannginnera suliami illua'tungiusup isumaanik tusarniaanermut pingaarteqanngitsaq, tassami 17. juni 2004-mi ataatsimiinnermi A-p suliami illua'tungiusut isumaanik inaarutaasumik tusarniaaviumi aallaqqaasiinnermi oqaatigineqarsimammatt suliami illua'tungiusup isumaanik tusarniaaneq soraarsitsinermik nassataqarsinnaasoq.

K Kommuniip allagai imatut aamma paasivakka suliami illua'tungiusup isumaanik tusarniaalluni allakkani pisut ingerlasimanerannik allaaserinninnerup, kiisalu isumaqatigiissitsiniarnerit ingerlanneqarsimasut takutikkaat suleqatigiinnermi ajornartorsiutit A-mik pissuteqartut.

Kiisalu K Kommuniip allagai imatut paasivakka ajornartorsiutit kommuniip sulisut ataatsimiinnerini aaqqinniarsimagai.

K Kommuniip allagai ataatsimut imatut paasivakka K Kommuniip paasinninnera unaasoq kommuniip A suliami illua'tungiusutut isumaanik sukumiisumik tusarniaavigisimagaa, taamatuttaarlu K Kommuniip paasinninnera unaasoq A-p soraarsinneqannginnerani suliaq naammattumik paasissutissartalersorneqarsimasoq, suleqatigiinnermilu ajornartorsiutit aaqqinniartugit naammattunik iliuuseqarniarloqarsimasoq.

Kommunimit allamik tusagaqanngikkuma K Kommuniip allagaanik paasinninneq qulaani taaneqartoq tunngaviutinniarpara.

Kommuniip akissutaa naammagittaalliortumut suliami illua'tungiusumut tusarniaatitut saqqummiunneqarsinnaavoq."

### Eqqartuussissuserisumut X-imut ulloq taanna imatut allappunga:

"K Kommuniip akissutaa, assiliner ilanngullugu nassiunneqartoq, Ombudsmandip tiguai.

K Kommuniip allagai Ombudsmandip imatut paasivai K Kommuniip paasinninnera unaasoq A-p soraarsinneqannginnerani kommuni A-mut suliami illua'tungiusumut taassuma isumaanik sukumiisumik tusarniaasimasoq, kiisalu suliaq kommuniip naammattumik misissorsimagaa. K Kommuni qinnuigaara kommuniip allagai eqqortumik paasismanerikka paasissutissiisutigeqqullugu, tak. K Kommunimut allakkama allakkanut ukununga peqatigitillugit nassiunneqartut assilinerat ilanngullugu nassiunneqartoq.

Eqqartuussissuserisooq X qinnuigineqarpoq K Kommuniip akissutaa pillugu oqaaseqaatissaqaruni oqaaseqaatini uannut nalunaarutigeqqullugit.

Eqqartuussissuserisup X-ip akissutaa Ombudsmandip suliamik inaarsaalluni suliarinninnginnerani K Kommunimut oqaaseqaateqarfigisassanngorlugu saqqummiunneqarsinnaavoq.

Eqqartuussissuserisup X-ip akissutaa tigugukku A-p suliunnaarsinneqarnera 4. juni 2004-meersoq pillugu naammagittaalliut suliamik suliarinninnissamut naammattumik pissutissaqalersitsinersoq Ombudsmandip aammattaq isummerfiginiarpaa."

Eqqartuussissuserisup X-ip allagai 17. januar 2006-imeersut 23. januar 2006-imi tiguakka. Taakkunanga makku erseput:

"K Kommunip allagai 29. november 2005-imeersut Inatsisartut Ombudsmandi-annut saqqummiussimallugit uppernarsaaninni, matumuuna allakkani oqaatigineqartut oqaaseqaateqarnissannut pissutissaqalersitsimmata nassuiaateqarfigissavakka:

Ataani atsiortumit K Kommunimut 13. december 2004-mi naammagittaalliummut allakkani ilanngunneqartuni oqaaserineqartut naammagittaalliorup ataatsimut isigalugit najoqqutarisinnaammagit, allamik aamma uparuaanissamut pissutissaqalerpoq, tassalu soraarsitsinermut allakkani tunngavilersuutitut atorineqartut, paasineqarsinnaanerit naapertorlugu, K Kommunip ima oqarsimanera tassalu soraarsitsinermit pingaarnertut tunngavisoq tassaasoq "suleqatigiinniarnikkut ajornartorsiu-teqarneq" sunnguamilluunniit tamanna naapertuutinnngilluinnarmat.

Kommunip tusarniaanermit periaaserineqartartup amigartorujussuarmik malinneqarsimaneranut aaqqiissuteqarniarluni K Kommunip A-mut oqaasiinnartigut neriorsuisimanera ilumuunnginnerarneqarpoq.

K Kommunip 29. november 2005-imi allagaani qupperneq 1-imi immikkoortoq 5-imi titarnertaami kingullermi allassimavoq, "Pisimasumi pineqarpoq A-p sullitaminut akiliuteqarluni atoqateqarumasimanera", tamannalu naammagittaalliorumit ikioriarfeqanngitsutut eqqunngitsutullu isigineqarpoq, pingaartumillu suliami pissusiviusunik piaarluni sangutitsiniarnertut isigineqarluni, naammagittaalliorumit isiginerlutsitsiniarnertut siunertalimmik allaat, ilungersunartumik unnerluussinikkut, soraarsitsiniarnermik suliamut tunngavilersuinermit ilaatinneqanngitsumik." (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*"Eqqartuussissuserisup X-ip suliuunnaarsitsineq 4. juni 2004-meersoq pillugu naammagittaalliuutaa ilaatigullu Eqqartuussissuserisup X-ip soraarsitsineq pillugu naammagittaalliuutaa tulliuuttuni suliarakka.*

*1. Suliuunnaarsitsineq allakkatigut 4. juni 2004-meersutigut nalunaarutigineqartoq.*

*Eqqartuussissuserisup X uannut allakkani 3. juni 2005-imeersuni ilaatigut K Kommunip A-mik suliuunnaarsitsinera K Kommunip A-mut allagaasigut 4. juni 2004-meersutigut nalunaarutigineqartoq naammagittaalliuutigaa.*

*Eqqartuussissuserisup X-ip naammagittaalliuutaa 6. juni 2005-imi tiguaru.*

*Tamatuma kingornatigut apeqqutaalerpoq K Kommunip 4. juni 2004-mi suliuunnaarsitsisimaneranik misissusineq aallartissinnaaneriga, taamaappallu misissuinerup aallartinnissaanut naammattumik pissutissaqarlunga isumaqarnersunga.*

*A K Kommunip allagaani 4. juni 2004-meersuni allassimavoq allakkat taakku 8. juni 2004-mi ualikkut tiguineqarsimasut.*

*K Kommunip uannut allakkamini 29. november 2005-imeersuni tamanna pillugu oqaatigaa:*

*"2. juni 2004-mi isumaqatigiissitsiniarnerup inaarnerani akissarsiaqarluni suliunnaarsinneqarneranik A nalunaarfingeqarpoq. Taamatuttaaq illua'tungiusup isumaanik inaarutaasumik tusarniaasoqarnissaanut aggeqqusisoqarumaarneranik nalunaarfingeqarluni. Allakkat aatsisartumit A-mut 4. junimi tunniunneqarput, aallaqqaammullit allakkat tigusimanerannik uppernarsaajumanani. A-p uppernarsaal-luni atsiugaa aatsaat 8. juni tiguneqarpoq." (Atorfeqarfimmi nutsigaavoq)*

*Eqqartuussissuserisup X-ip K Kommunimut allagaani 13. december 2004-meersuni oqaatigineqartut Eqqartuussissuserisup X-ip tunngaviginiarsimavaa. Eqqartuussissuserisup X-ip allakkani taakkunani A-p suliunnaarsinneqarnerata K Kommunimit A-mut allakkatigut 4. juni 2004-meersutitigut nalunaarutigineqarnera immikkoortillugu isummerfigisimangilaa.*

*Nalinginnaasumik naatsorsuutigineqartarpoq naammagittaalliornissamut piffissaliussat ullormit aalajangiineq pillugu nalunaarutip suliami illua'tungiusumit tiguneqarfianit aallartittumik naatsorsorneqartartut. Ombudsmandimut naammagittaalliuutit eqqarsaatigalugit naammagittaalliuut pisup pineranit kingusinnerpaamik ullormi ukiup ataatsip naaffiani Ombudsmandip allaffiani tiguneqareersimasussaavoq.*

*Aalajangiineq pineqartumut apuukkaangat tassunga nalunaarutigineqartutut nalinginnaasumik naatsorsuutigineqartarpoq. Aalajangiineq pineqartumit ilisimaneqalersimassasoq piunasaqaatigineqarsinnaanngilaa.*

*Suliap paasisuttisartalersorneqarnera malillugu tunngaviutittariaqarpara A-p suliunnaarsinneqarnissaanik aalajangiinini K Kommunip aatsisartukkoortillugu 4. juni 2004-mi nassiussimagaa. Aalajangiineq aatsisartukkoortillugu nassiunneqarsimammat aammattaaq tunngaviutittariaqarpara aalajangiineq A-mut 4. juni 2004-mi apuussimasoq. Qulaani oqaatigineqartutut tamatumunnga atatillugu suliami illua'tungiusup aalajangiinermik qangarpiaq ilisimasaqalersimanera aalajangiisuunngilaa.*

*Inatsisartut Ombudsmandiat pillugu Inatsisartut inatsisaanni § 6, imm. 2-kkut aalajangersarneqarpoq naammagittaalliuutigisaaq pisimaneranit ukioq ataaseq qaangiutsinnagu saqqummiunneqarsimassasoq.*

*K Kommunip A-mik suliunnaarsitsineranik Eqqartuussissuserisup X-ip naammagittaalliuutaa 6. juni 2005-imi tigugakku, aalajangiinerullu A-mut 4. juni 2004-mi nalunaarutigineqarsimanissaa naatsorsuutigisariaqarmat naammagittaalliuutip tassunga tunngasortaa uanga eqqarsaatigalunga pisoqalisoorsimavoq, taamaattumillu naammagittaalliuutip tassunga tunngasortaa uanga suliarisinnaanngilaa.*

## 2. A-p soraarsinneqarnera.

*A soraarsitsinnginnermi suliami illua'tungiusutut isumaanik naamat-tumik tusarniaavigineqarsimanersoq, ilaatigullu A-p soraarsinneqarnera-nut tunngavilersuutaasoq tulliuuttuni misissorpakka.*

2.a Suliame illua'tungiusup isumaanik tusarniaaneq.

Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 19 suliame illua'tungiusup isumaanik tusarniaasarneq pillugu malittarisassamik imaattumik imaarpoq:

”§ 19. Suliassami (illua'tungiulluni) peqataasoq paasissutissanik aalajangersimasunik suliassami pisimasuinnut tunngasunik oqartussaasut pigisaqarnerannik ilisimasaqarsorinangippat aalajangiisoqassanngilaq peqataasoq taanna paasissutissanik tamakkuninnga oqartussaasunit ilisimatinneqartinnagu oqaaseqaateqarnissaanullu periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqutaasussaassanngippata suliallu aalajangiiffiginissaanut annertuumik pingaaruteqarpata. Oqartussaasut oqaaseqaateqarnissamut taaneqartumut piffissamik killiliisinnaapput.

Imm. 2. Imm. 1-imi aalajangersagaq atortuussanngilaq

1) paasissutissat pissuserisaat suliassallu suussusia naapertorlugit tigumiariikat tunngavigalugit suliame aalajangiinissaq nangaanartutut isumaqarfiginangippat,

2) kinguartitsineq kinguneqassappat suliassap aalajangiiffiginissaanut inatsisitigut killiliussap qaangerneqarneranik,

3) peqataasup taassuma suliassap aalajangiiffigineqarnissaata kinguartinneqarnissaanik soqutiginninnera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minnerutittariaqartutut isumaqarfiginarpat.

4) kapitali 4-mi maleruagassiat malillugit peqataasoq taanna paasissutissanik suliassamut tunngasunik tamakkuninnga ilisimatinneqarnissamut pisussaannngippat,

5) paasissutissanik peqataasumut saqqummiussineq annertuumik ajornartorsiu-tissartaqassaaq, matumani aalajangernermi inuppasuit peqataasutut inissisimasut ilaatinneqartussaanerata pissutigalugu, imaluunniit

6) inatsisitigut immikkut ittunik aalajangersagaqarpat peqataasup aalajangiineq pitinnagu aalajangiinissamut eqqarsaatigineqartumut tunngaviusunik ilisimatinneqarnissaanut pisussaalersitsisunik.

Imm. 3. Naalakkersuisut maleruagassaliorsinnaapput suliassaarfii erseqqinnerusumik taaneqartut, imm. 2, nr. 2-mi imaluunniit 5-imi aalajangersakkat nalinginnaasumik atortuuffigisassaat, imm. 1 -imi aalajangersakkami pineqartunut ilaatinneqartussaannnginnerannik.”

Aammattaaq soraarsitsinerit pillugit suliani aalajangersimasumik periaaseq inatsisikkut aalajangersagaannngitsaq malillugu suliame illua'tungiusup isumaanik tusarniaanissamut annertusisamik pisussaaffeqarnermik tunngavik atuuppoq. Suliame illua'tungiusup isumaanik tusarniaanissamut annertusisamik pisussaaffeqarnerup taassuma nassataraa oqartussaasup - suliassat suliarineqartarnerat pillugu inatsimmi § 19-imik eqqortitsinermi saniatigut - inatsiseqartitsinikkut tunngaviit uppernarsaatillu oqartussaasup paasinninnera malillugu soraarsitsisoqarnissaanut ikorfartuutaasut sulisumut nalunaarutigissagai. Aammattaaq sulisoq oqartussaasup imminek soraarsitsiniarnermut tunngavilersuutai pillugit oqaaseqaateqarnissaminut periarfissinneqassaaq. Nassuiaat taanna pisut qanoq issu-

siat apeqqutaatillugu allakkatigoortuusariaqarpoq. Hans Gammeltoft-Hansen allallu atuakkiaanni "Forvaltningsret"-imi, aappasaanik naqier-titami qupperneq 531 tulluulu innersuussutigaaakka.

§ 19, imm. 1-imi malittarisassaq pingaarneq tassaavoq ingerlatsinermi oqartussaasut suliami illua'tungiusut isumaannik tusarniaanissaminut pi-sussaaffeqartut, suliami illua'tungiusoq suliami pissusiviusut pillugit paa-sissutissanik oqartussaasup pigisaqarneranik ilisimasaqarnissaa naatsor-suutigineqarsinnaanngippat, paasissutissat taakku suliami illua'tungiusu-mut akornusiisuuppata, suliallu aalajangiivigineqarnissaanut annertuumik pingaaruteqarpata. Tassani suliami illua'tungiusup isumaanik tusarniaa-nissamut inatsisikkut aalajangersagaanngitsumik annertusisamik pi-sussaaffeqarnerup saniatigut aamma ilaavoq suliami illua'tungiusoq upper-narsaatigut naliliinerit oqartussaasullu paasissutissanik pigineqartunik i-natsiseqartitsinikkut naliliinera pillugit oqaaseqaateqarnissaminut periar-fissaqassasoq.

Paasissutissat suliamut ilaanerannik suliami illua'tungiusup ilisimasa-qannginnissaanik naatsorsuutiginninnermik § 19 malillugu siullertut piu-masaqaat aamma eqqortinneqarsimassaaq, paasissutissat suliami illua'-tungiusup ilisimagaluarpagilluunniit, ataqatigiinneqarnermili pineqartumi atorneqarniarnerat ilisimanngippagu.

Paasissutissat suliami illua'tungiusumut saqqummiunneqartussat saq-qummiunneqassapput paasissutissat imarisaat, suussusii sumillu pissarsia-rineqarsimaneri takuneqarsinnaalersillugit. Allaaserinninneq taanna pi-sutsinik pingaaruteqartunik ilanngussinngitsoorfiussanngilaq, eqqoqqis-saartuussalluni, marloqiusamik paasineqarsinnaasuussanani imaluunniit eqqunngitsuussanani.

Suliami illua'tungiusup isumaanik § 19, imm. 1 tunngavigalugu tusar-niaanerup siunertaa tassaavoq suliami tunngavippiaasut oqartussaasup aa-lajangiinnerminut ikorfartuutigisai pillugit suliami illua'tungiusup oqaase-qaateqarnissaanut, naqqiissuteqarnissaanut ilassuteqarnissaanullu pe-riarfissiinissaq, kiisalu inatsiseqartitsinikkut naliliinerit aamma oqar-tussaasup upernarsaatinik naliliinera pillugit oqaaseqaateqarnissamut pe-riarfissiinissaq.

Suliap qanoq aalajangiiffigineqartariaqarneranik oqaaseqaateqarnis-saminut tamatumunngalu tunngavilersuinissaminut suliami illua'tungiusup paasinninnerminik saqqummiussisimanagera suliami illua'tungiusup isum-maminik tusarniaavigineqarsinnaatitaanerata naammassineqarnissaanut naammattuaannartanngilaq.

§ 19 tusarniaanermi periaatsip immi qanoq iluseqarnissaa pillugu piumasaqaatinik imaqaanngilaq. Taamaalilluni suliami illua'tungiusup isu-maanik tusarniaaneq allakkatigut oqaasiinnartigulluunniit ingerlanneqar-sinnaavoq. Taamatuttaaq tusarniaaneq ataatsimiinnermi ingerlanneqar-sinnaavoq. Ilusiliinermi suliami illua'tungiusup isumaanik tusarniaasarne-rup siunertaa ataqqineqaannassaaq, tassa imaappoq suliami illua'tungiu-



soq suliap tunngavigisarpiai pillugit oqaaseqaateqarnissaminut, naqqiisuteqarnissaminut ilassuteqarnissaminullu periarfissaqartinneqassaaq, kiisalu suliani soraarsitsinermut tunngasuni suliami illua'tungiusup isumaanik tusarniaanissamut annertusisamik pisussaaffeqarnej eqqarsaatigalugu inatsiseqartiitsinikkut naliliinerit aamma oqartussaasup uppernar-saatinik naliliinera pillugit oqaaseqaateqarnissaminut periarfissinneqas-salluni. Taamaalilluni ingerlatsiviup qanoq aalajangiilersaarnera inger-latsiviup nalunaarutigissavaa.

Suliami illua'tungiusup isumaanik tusarniaaneq oqartussaasup suliami aalajangiinissaminut piariinnnginnerani pigajuttartussaavoq. Pisut amerlanersaanni suliami illua'tungiusup isumaanik tusarniaanerup siunertaa anguneqarsinnaasussaavoq, saqqummiussineq allakkatigut pippat, suliamilu illua'tungiusoq akinissaminut piffissalernerqarpat. Piffissaliunneqar-tup sivisussusia paasissutissat qanoq paasiuminaatsiginerat annertutigine-rallu tunngavigalugit aalajangersarneqassaaq, aalajangiinerup qanoq eq-quisuutiginera suliamilu illua'tungiusup suliami sinniisoqarnissamik pisa-riaqartitsinera apeqqutaatillugit. Piffissaliinerup tusarniaavigineqartoq suliaq soraarsitsissamaarnerlu pillugit isummernissaanut pinngitsoorani periarfississavaa.

Taamaattumik uanga paasinneqqaarnera unaavoq suliap soraarsitsiner-mut tunngasut amerlanersaanni suliami illua'tungiusup isumaanik allakka-tigut tusarniaaneq pisariaqartussaasooq, tassami suliami illua'tungiusoq kommuniq aalajangiinermi tunngavigisaanik isummerfiginninnissaminut kiisalu tamatuma avataaneersumut oqaloqatiginnissutiginnissaminut piffis-saqarnissaminik pisariaqartitsisinnaammat.

Paasinninnera aamma unaavoq suliassat suliarineqartarnerat pillugu inatsimmi § 21 kommuniq suliami illua'tungiusumut ilisimatitsissutigisari-aqaraa, tassanimi aalajangersarneqarmat suliap aalajangiivigineqarnis-saa kinguartinneqassasooq suliami illua'tungiusup suliamik suliarinninne-rup nalaani qanoq ilisukkulluunniit piunasaqaatigisinnaagaa, suliami il-lua'tungiusup suliaq pillugu oqaaseqaateqareernissaata tungaanut, § 21, imm. 2-mi pineqartunut ilaatinneqanngitsutut taaneqartut ilaat ataaser-luunniit atorineqanngippat.

Aamma oqaatigaara qinnuteqartumut ingerlaavartumik attaveqartar-neq suliassat suliarineqartarnerat pillugu inatsisip tunngavia malillugu su-liami illua'tungiusup isumaanik tusarniaanertut isigineqarsinnaanngim-mat.

## 2b. Suliami matumani suliami illua'tungiusup isumaanik tusarniaaneq.

A suliffimmi atorfimminit K Kommuniq allagaasigut 4. juni 2004-meer-sutigut suliunnaarsinneqarpoq. A tamatumunnga peqatigitillugu "suliami illua'tungiusup isumaanik inaarutaasumik tusarniaanermut" aggeqqune-qarpoq.



Allakkanit taakkunanga erserpoq suliunnaarsitsinermut kiisalu suliami illua'tungiusup isumaanik inaarutaasumik tusarniaanermut makku tunngavilersuutaasimasut (K Kommuni allagai 4. juni 2004-meersut qulaani issuarneqartut takukkit):

- Suliffimmi ajornartorsiutit aaqinniarneqarneranni peqataanissamik kissaateqannginneq,
- Tunaartarisassanik qullersarisanit aalajangersarneqartunik malinninissamik kissaateqannginneq,
- Suliffiup suliati suliarineqarnerannut atatillugu piumasaqaateqarsinnaatitaanerani akuersissutiginnikkumannnginneq,
- Nipangiussisussaataitanermik unioqqutitsineq,
- A-p pissusilersornerata suliffiup uppernassuseqarneranik annikillisaasuunera.
- Suleqatigiinnermi ajornartorsiutit.
- Siusinnerusukkut suleqatigisimasanik pitsaanngitsumik saqqummiussisarneq.

Suliami illua'tungiusup isumaanik tusarniaanerup sumik siunertaqarnera allakkani taakkunani takuneqarsinnaanngilaq. K Kommuni 17. juni 2004-mi ataatsimiinneq suliami illua'tungiusup isumaanik inaarutaasumik tusarniaaviosuq pillugu allakkiaanit erserpoq:

"Kommunaldirektøri nassuiaalluni oqarpoq ataatsimiinneq soraarsitsinermik naggaserneqarsinnaasoq, ataatsimiinnerup qanoq inernilerneqarnera apeqqutaatillugu."

K Kommuni allakkatigut 9. september 2005-imeersutigut qinnuigaara manna pillugu nassuiaateqaqqullugu, tassalu K Kommuni isumaqarnerasoq A suliami illa'tungiusutut isumaanik sukumiisumik tusarniaavigineqarsimasoq. Nangillunga oqaatigaara suliami illua'tungiusup isumaanik tusarniaaneq pillugu allakkani pissutsinik pisut suut pineqarnerannik suliami illua'tungiusumut suussusersineqarsinnaasunik erseqqissumik taasaqartoqarsimanngitsoq.

K Kommuni 29. november 2005-imi allagai 12. december 2005-imi ti-guakka. Allakkat taakku qulaani issuarneqarput. Taakkunani K Kommuni oqaatigaa:

"Atorfeqartitaasup sulisitsisullu akornanni akerleriisutaasinnaasut uppernarsineqarnissaannik qulaajaanissaq illua'tungiusup isumaanik tusarniaanermi siullertut pingaarnertullu anguniarneqartarpoq.

Suliami pineqartumi A inaarutaasumik tusarniaavigineqarnissaminut aggeqquneqarpoq, tassami allakkiami 4. juni 2004-meersumi pissutsit oqaatigineqartut tungavigalugit akissarsiaqartitsilluni suliunnaarsitsisoqarsimammat.

*Illua'tungiusup isumaanik inaarutaasumik tusarniaanerup soraarsitsinermik nassataqarsinnaanera ataatsimiinneq [suliami illua'tungiusup isumaanik inaarutaasumik tusarniaaneq] aallartimmat erseqqissaatigineqarpoq."*

*Aallaqqaasiutitut oqaatigaara suliami illua'tungiusup isumaanik tusarniaanermi atorfeqartitaasup sulisitsisullu akornanni isumaqatigiinngissutaasinnaasut qulaajarneqarnissaasa siunertarineqarnerannik K Kommunip oqarnera isumaqatiginngikkiga.*

*Nalinginnaasumik naatsorsuutigineqarpoq suliami illua'tungiusup isumaanik tusarniaanerup manna siunertarigaa, tassalu suliami illua'tungiusoq uppersaatiitigut naliliinerit oqartussaasullu paasissutissanik pigineqartunik inatsiseqartitsinikkut naliliinera pillugit oqaaseqaateqarnissaminut periarfissinneqassasoq. Suliami illua'tungiusup ilaatigut suut pillugit oqaaseqaateqarnissaminik ilaatigullu sumut ataneqartillugu oqaaseqaateqarnissaminik ilisimasaqarnera tamatumani pingaaruteqartumik tunngaviuvoq. Taamaattumik mianersoqqussut imaluunniit soraarsitsineq pineqarnerasoq ilisimassallugu suliami illua'tungiusup oqaaseqaateqarnissaanut pingaartuuvoq.*

*Taamaattumillu suliami pineqartumi suliami illua'tungiusup isumaanik tusarniaanerup siunertaanik K Kommunip paasinninnera isumaqatigisinnaanngilara.*

*Uanga paasinninnera unaavoq suliami illua'tungiusup pissuseq (ataaseq arlallillunniit) pineqartoq pillugu oqaaseqaateqaqquneqarnera suliami illua'tungiusup isumaanik tusarniaaneq pillugu piumasaqaatinik naammassinninniarnermi naammangitsoq, oqaaseqaatip sumut atorneqarnissaa aatsaat kingusinnerusukkut pineqartumut oqaatigineqarpat.*

*Suliami matumani A immikkoortut ataasiakkaat pillugit oqaaseqaatimi piareersarnissaanut ullut 14-it sinnerlugit periarfissaqarsimavoq, suliamili illua'tungiusup isumaanik tusarniaanerup qanoq inernilerneqarsinnaaneranik ulloq tusarniaavigineqarnissani ullormik ataatsimik sioqqullugu aatsaat ilisimatinneqarsimalluni.*

*Tamanna isorisarialerujussuartut isigaara.*

*Aammattaaq uanga paasinninnera unaavoq suliami illua'tungiusup isumaanik tusarniaanerup inatsisinik eqqortitsisuunera tamatuma nalorninartorujussuannortissinnaagaa.*

*Tassani aamma ilaavoq suliami illua'tungiusup isumaanik tusarniaanerup imarisamigut uanga paasinninnera malillugu matumingga erseqqissumik oqaatiginninginnera, tassalu immikkoortut pisimasulluunniit sorpiaat innersuusutigineqarnersut. Tamanna suliami illua'tungiusup isumaanik tusarniaanerup inatsisinik eqqortitsisuuneranik aamma nalorninarsisitsivoq.*

*Kiisalu suliami pissusiviusut K Kommunip qanoq naliliiffigisimanerai suliami illua'tungiusup isumaanik tusarniaanermi allakkanit ersinngilaq. Taamaalilluni K Kommunip paasinninnera malillugu pisut taagorneqartut*

tamarmik suleqatigiinnermi ajornartorsiutitut isigineqarnersut, atorfiup ataqqineqartariaqarneranut naapertuuttumik pissuserissaarnissap unioq-qutinneqarnera, pikkorlussuseq allalluunniit pineqarnersut takuneqarsinnaanngilaq. Oqartussaasup suliame pissusiviusunik qanoq naliliinera ilisimassallugu suliame illua'tungiusup tusarniaavigineqartup pissutsinik ataa-siakkaanik naliliiviginnissinnaaneranut annertuumik pingaaruteqarpoq. Tamanna K Kommunip suliame illua'tungiusup isumaanik tusarniaasimanagerata inatsisinik eqqortitsisuuneranik nalorninartunngortitseqataavoq.

### 3. A-p soraarsinneqarnera.

K Kommunip allagai 28. juni 2004-meersut (qulaani issuarneqartut) A-p suliffimmi atorfimminit soraarsinneqarneranik imaqartut imatut paasivakka A-p soraarsinneqarnera ilaatigut nipangiussisussaataanerup unioq-qutinneqarneranik, ilaatigut suleqatigiinnermi ajornartorsiutinik, kiisalu sullitamut atoqatigiinnermut tunngasunik oqaaseqarsimanermik tunngavilersorneqartoq.

#### 3.a. Nipangiussisussaataaneramik unioqquitsineq.

K Kommunip allagaani 28. juni 2004-meersuni oqaatigineqarpoq A-p soraarsinneqarneranut pissutaasut ilaat tassaasoq:

"Nipangiussisussaataaneq erseqqissarneqarsimasoq illit pillutit siusinnerusukut oqaloqatigiinnermi ilinnut maleqquneqartoq suliffiup avataani ikinnerpaamik ataasarlutit unioqquitsimagakku".

Eqqartuussisuserisoq X allakkamini 13. december 2004-meersuni tamanna pillugu imaattunik oqaaseqaateqarpoq:

"Tamanna pillugu oqaaseqaatit: Atorfeqartitaasoq pissutsit imminut tunngasut pillugit nipangiussisussaataanngilaq, taamaaliornissaminullu sulisitsisuminit naalakkerneqarsinnaanani. Taamaalilluni imminut tunngasunik oqaaseqaateqarneq nipangiussisussaataaneramik unioqquitsinermut takussutissaanngilaq, taamaattumillu tamanna soraarsitsinermut tunngavilersuutigineqarsinnaanngilaq."

Tamanna pillugu makku oqaatigaakka:

Nipangiussisussaataaneq pillugu malittarisassat pisortat ingerlatsineranni suliassat sularineqartarnerat pillugu Inatsisartut inatsisaanni nr. 8-mi, 13. juni 1994-imeersumi, tulluuttuni suliassat sularineqartarnerat pillugu inatsimmik taaneqartartussami, § 27-kkut aalajangersarneqarsimapput. Tassani makku aalajangersarneqarput:

"§ 27. Pisortat ingerlatsiviini suliffilik allanut tusarliussisussaataanngilaq, takpinerluttuliorneq pillugu inatsisini § 29, suna ilisimasaq inatsisitigut imaluunniit aalajangersakkakut atortuusukkut allakkut tasaaneragaappat allanut oqaatigeqqunngisaq, imaluunniit aamma pisariaqarpat isertuutissallugu pisortat inuinaal-

luunniit soqutigisaat pingaaruteqartut pissutigalugit, aamma pingaartumik makku pissutigalugit

- 1) naalagaaffiup isumannaatsuunissaa illersorneqarnissaaluunniit
- 2) naalagaaffiup nunani allani naalakkersuinikkut imaluunniit aningaasarsiornikkut soqutigisai, tamakkununnga ilanngullugit naalagaaffinnut allanut pissaanilinnut imaluunniit naalagaaffiit assigiinngitsut soqutigisaannut tunngasut,
- 3) inatsisunik unioqqutitsinernik pinaveersaartitsineq, paasiniaaneq eqqartuussunullu suliasannqortitsiniarneq kiisalu pinerlunnermut tunngasumik eqqartuussutit naammassineqarnissaat aamma pinerluttunik imaluunniit ileqqussanik unioqqutitsisunik suliasannqortitsiniarnerni pasilligaasut, ilisimannittut imaluunniit allat illersorneqarnissaat,
- 4) akileraartarnermut akitsuuteqartitsisarnermullu inatsisit naapertorlugit pisortatigut misissuineq, killilersuineq imaluunniit pilersaarusiortarneq imaluunniit iliuuserissamaakkatut eqqarsaatigineqartut,
- 5) pisortat aningaasanut tunngasutigut soqutigisaat, tamakkununnga ilanngulugu pisortat niuernermit ingerlatsinerat,
- 6) inuit ataasiakkaat imaluunniit ingerlatsiviit namminersortut imaluunniit peqatigiiffiit imminnut tunngasut, tamakkununnga ilanngullugit aningaasarsiornermut tunngasut, pillugit paasissutissanik illersuiumallutik soqutigisaat, imaluunniit
- 7) inuit ataasiakkaat imaluunniit ingerlatsiviit imaluunniit peqatigiiffiit teknikikkut atortorisat imaluunniit periaatsit pillugit imaluunniit ingerlatsinermut imaluunniit niuernermut tunngasut pillugit paasissutissanik illersuiumallutik aningaasatigut soqutigisaat.

Imm. 2. Pisortat ingerlatsiviini allanut tusarliuteqqusaannqinnissaavoq taamaallaat sumut ilisimasamut tunngasoq, pisariaqarpat isertuutissallugu pisortat inuinaalluunniit soqutigisaat imm. 1 -imi taaneqartutut pingaaruteqartut pissutigalugit.

Imm. 3. Ingerlatsinermut oqartussaasut aalajangiisnnaapput kialuunniit pisortat ingerlatsiviini suliffeqanngitsup paasissutissat allanut oqaatigeqqusaanngitsut oqartussaasut pisussaaffiginagu inummut tassunga tusartissimasaat pillugit allanut tusarliisussaataannqinnissaanik.

Imm. 4. § 1, imm. 2, naapertorlugu allanut tusarliussisussaannqinneq pillugu maleruagassaliortoqarpat, imaluunniit imm. 3 naapertorlugu allanut tusarliusseqqusinnqinneq (kimulluunniit) pisussaaffigitinneqassappat, maleruagassanik imaluunniit peqqussutinik taamaattunik unioqqutitsinermi pinerluttuliorneq pillugu inatsimmi § 29 taamaalluni atortuusaaq."

§ 27 isiginiagassat suut pisut ataasiakkaarlugit naliliinerup kingornatigut paasissutissap isertuussassaananeramik taamalu nipangiussisussaataitanermi pineqartunut ilaaneramik nassataqarsinnaasut taagorneqarnerannik imaqarpoq. Taagorneqartulli tamakkiisuunngillat.

§ 27, imm. 2-mi aalajangersarneqarpoq pisortat ingerlatsiviini paasissutissamik taamaallaat nipangiussisussaataitassannqortitsisoqarsinnaasooq naalakkiinikkut, pisortat inuinaalluunniit soqutigisaat pingaaruteqartut eqqarsaatigalugit paasissutissap isertuunneqarnissaa pisariaqartuuppat.

Paasissutissat paasitinneqarnissamik qinnuteqarnermi paasissutissiisutigineqarsinnaasut eqqarsaatigalugit nipangiussisussaataitaasoqannqinnera nalinginnaasumik naatsorsuutigineqartarpoq.

Suliasat sularineqartarnerat pillugu inatsimmi § 9, imm. 1-ikkut aalajangersarneqarpoq:

"§ 9. Suliami ingerlatsinermut oqartussaasunit aalajangiiffigineqartumi aalajangiiffigineqarumaartumiluunniit peqataasup allagaatinik suliassamut tunngasunik ilisimatinneqarnissani piumasarisinnaavaa. Qinnuteqaammi allassimassaaq suliassap, allakkat tassunga tunngasortai qinnuteqartup paasiumallugit qinnutigisaasa, suunera."

*K Kommunip allagaani 4. juni 2004-meersuni, suliami illua'tungiusup isumaanik tusarniaanermut aggeqqusissutaasuni, qulaani quppernermi isuarneqarsimasuni, K Kommunip oqaatigaa:*

*"Nipangiussisussaatitaaneq erseqqissarneqarsimasoq illit pillutit siusinnerusukut oqaloqatigiinnerni ilinnut maleqquneqartoq suliffiup avataani ikinnerpaamik ataasiarlutit unioqutissimagakku".*

*A-p atorfinitsinneqarnerani allakkanit erserpoq A pissutsit atorfimminut atatillugu ilisimalikkani eqqarsaatigalugit nipangiussisussaatitaasooq, tamanna pissutsit qanoq ittuussusiat tunngavigalugu piumasaqaataappat imaluunniit taamaalioqquneqaruni.*

*Tamatuma saniatigut K Kommunip allakkiaanit 4. maj 2004-meersumit, qulaani issuarneqartumit erserpoq "peqataasut tamarmik sakkortusisamik nipangiussisussaatitaanerat aallaqqaasiutitut erseqqissarneqarpoq". Tamatuma pissuseqataanik allakkiamit 19. maj 2004-meersumit, qulaani issuarneqartumit erserpoq "Ataatsimiinnermi peqataasut nipangiussisussaatitaanerat kommunaldirektørip aallarniilluni erseqqissarpaa".*

*Ataatsimiinnermili pisimasut eqqarsaatigalugit qanoq annertutigisumik nipangiussisussanngortitsisoqarsinnaanersoq apeqqutaavoq. Tamanna tulliuuttuni ingerlaannaq uterfigissavara.*

*K Kommunip suliffimmi sulisut ataatsimiinnerat pillugu allakkiaani 2. juni 2004-meersumi makku oqaatigineqarput:*

*"Pisortap aamma oqaluttuaraa innuttaasup saaffigisimagaani, A-p pissusilersornera pillugu, tassa ilaquttamik ilaannik ilisereerlutik angerlartillugu A-p nuannaarluni suaarsimagaa soraarsitaanngitsuiinnarluni. Direktørip tungaanit erseqqissarneqarpoq nipangiussisussaatitaaneq pisussaaffiusoq atorunnaarneq ajortoq." (Atorfeqarfimmi nutsigaavoq)*

*Tamannali nipangiussisussaatitaanermik erseqqissumik peqqusissutaanngilaq, nalinginnaasumilli nipangiussisussaatitaanermut innersuussinerulluni.*

*Pissutsit sorphiaat A-p nipangiussimasussaanerai erseqqinnerusumik innersuussutigineqanngilaq.*

*§ 27, imm. 2 tunngavigalugu erseqqissumik nipangiussisussaanermik peqqusissuteqarneq taamaallaat pisinnaasooq paasissutissat nipangiussisussaatitaanermi pineqartunut ilaasut eqqarsaatigalugit, aatsaallu taamaaliortoqarsinnaalluni pisortat inuinnaalluunniit aalajangersimasut so-*

qutigisaasa isumagineqarnissaat eqqarsaatigalugu tamanna pisariaqartuuppat.

Uanga paasinninnera unaavoq K Kommunip mappiutaanit allagaatinik imalimmit manna ersinngitsoq, tassalu A-p atorfinitsinneqarnini tunngavigalugu nalinginnaasumik nipangiussisussaataani unioqutissimagaa.

Nipangiussisussaataaneq suliassat suliarineqartarnerat pillugu inatsimmi § 27, imm. 2 tunngavigalugu naalakkiutigineqarsinnaasooq eqqarsaatigalugu uanga paasinninnera unaavoq paasissutissat ataatsimiinnerni tulleriinneri malillugit 4. maj 2004-mi aamma 19. maj 2004-mi pisuni saqqummertut paasissutissat taakku eqqarsaatigalugit nipangiussisussaataaneq naalakkiutigineqarsinnaanngitsoq.

Taamaattumik isumaqarpunga A taassuma nipangiussisussaataanerminik unioqutitsisimanera innersuussutigalugu soraarsinneqarsinnaasimannngitsoq.

### 3.b. Suleqatigiinnermi ajornartorsiutit.

Suleqatigiinnermi ajornartorsiutit soraarsitsisoqarnissaanik aalajangernermut pisariaqartumik tunngaviusinnaanerat aalajangersimavoq. Taamaattorli inatsiseqartitsinikkut innarlitsaalineqarnissaaq eqqarsaatigalugu manna piumasagaataavoq, tassalu suleqatigiinnermi ajornartorsiutit erseqqinnerusumik naliliiffiginagit soraarsitsinnermut tunngavittut atornerqarnissaat piumasagaatigineqarsinnaassanngitsoq.

Siullertut piumasagaataavoq suleqatigiinnermi ajornartorsiutit atorfinitsitsiviusumi pineqartumi suliassat suliarineqarnerannut pitsaanngitsorujussuarmik sunnuteqarsimassasut. Aammattaaq suleqatigiinnermi ajornartorsiutit aamma inuup soraarsinniarneqartup akornanni erseqqissumik ataneqassaaq, taamatuttaarlu ajornartorsiutit pilernerannut pingaarnertut pissutaasooq soraarsinniarneqartumit allaasumut tutsinneqarsinnaasusaanngillat. Ingerlatsineq pillugu inatsiseqartitsinnermi pissutsinut naapertuuttumik tunngaveqartussaanerup aamma nassataraa suleqatigiinnermi ajornartorsiutit soraarsitsinnermit sakkukinnerusumik iliuuseqarnikkut aaqqinniarlugit oqartussaasup soraarsitsisup tungaanit iliuuseqartoqarsimassasooq.

Tamatuma saniatigut suleqatigiinnermi ajornartorsiutinik uppernarsaasersuinikkut tunngaviit soraarsitsinnermut tunngavilersuutaasinnaasut immikkut qularnaatsuussuseqassapput.

Pisut qanoq ittuunerat apeqqutaatillugu pisimasorpiat qanga sumilu pisimanerannik paasissutissartalerneqarsinnaasut suleqatigiinnermilu ajornartorsiutit sorpiat pineqarnerannik takutitsisut taaneqarnissaat pisariaqarsinnaavoq.

Tamatuma saniatigut ingerlatsineq pillugu inatsiseqartitsinnermi pisortat paasissutissanik pisariaqartunik tunngavissarsiniarnissaannik tunngaveqarnerup ingerlatsinnermi oqartussaasut ataasiakkaat aalajangiisoqan-

nginnerani suliap naammattumik paasissutissartalersorneqarnissaanut akisussaaffeqarnerat nassataraa.

Qinnuteqaataannigsumik soraarsitsisoqarnissaanik aalajangiinerit nertuutaasumik aalajangiinertut nalinginnaasumik isigineqartarput. Taamaattumillu misissuinerup qanoq annertussuseqarnissaanik paasissutissallu suliambut attuumassuteqartut eqqortuunissaannik piumasaqaatit sak-kortungaatsiartuupput. Tak. Hans Gammeltoft-Hansenip allallu atuak-kiaat, "Forvaltningsret", aappasaanik naqiterititaq, 2002, qupperneq 226.

Pissusiviusup pingaaruteqartup attassisinnaassuseqarnera nalornissuti-gineqarpat nalorninerup taassuma qulaajarniarneqarnissaa suliap suku-miisumik paasissutissartalersorneqarneranut ilaavoq, taamaaliornikkut uppersaasiunneqartut nalinginnaasumik naliliivigineqarnerisigut paa-sissutissap pineqartup soraarsitsinermut tunngaviutinneqarsinnaanera aa-lajangerneqarsinnaaqqullugu. Tak. Hans Gammeltoft-Hansenip allallu atuak-kiaat, "Forvaltningsret", aappasaanik naqiterititaq, 2002, qupperneq 226.

Tamatuma kingornatigut suleqatigiinnermi ajornartorsiutit tunngaviga-lugit soraarsitsinermut tunngavissaqarneranik apeqqut isiginiagassat assi-ginningsut arlallit naliliivigineqarnerannik tunngaveqarpoq. Isiginiagas-sat taakku oqimaalutarnissaannut Ombudsmandi oqartussaasunit pitsaa-nerusumik aallaavissaqanngilaq.

### 3.c. Suliampi matumani suleqatigiinnermi ajornartorsiutit.

K Kommuniip mappiutaa allagaatinik A-mut tunngasunik imalik misisso-reerlugu isumaqarpunga manna tunngaviutissinnaallugu, tassalu A-p sule-qatigineqarnera suliffimmi naammagineqarsimannigitsaq.

Suliamit erserpoq sulisut 19. april 2004-mi immikkut ittumik ataatsimiit-sinneqarsimasut, pingaartumillu A-p allagai ullulernerneqarsimannigitsut (qu-laani issuarneqartut) oqaluuserineqarsimasut, sulisut 24. maj 2004-mi im-mikkut ittumik ataatsimiitsinneqarsimasut (imaqarniliaq qulaani issuarne-qarpoq), tassanilu suliffimmi suleqatigiinneq oqaluuserineqarsimavoq, su-lisut 2. juni 2004-mi ataatsimiitsinneqarsimasut (imaqarniliaq qulaani is-suarneqarpoq), tassanilu suleqatigiinnermi ajornartorsiutit aaqqinneqar-nissaat oqaluuserineqarsimasoq. Ataatsimiinneq kingulliullugu taaneqar-toq pillugu imaqarniliamit erserpoq:

"Pisortaq aaqqiissutissatut siunnersuummik saqqummiussivoq, tamannali A-p nalornissutigaa, malikkumanerlugillu erseqqivissumik uppersarsinnaanagu. Mi-siliumallunili.

...

Ataatsimiinneq unitsinneqarpoq, direktørimi isumaqarmat nikeriarsinnaanngit-sugut, tassami aalajangerneqartut A-p iluamik isummerfigisinnaanngimmagit." (Atorfeqarfimmi nutsigaavoq)



*A tamatuma kingornatigut allakkatigut 4. juni 2004-meersutigut suliunnaarsinneqarpoq.*

*Tamakkua saniatigut ... suliffimmi atorfeqartitaasoq K Kommunimut allassimavoq, allakkat taakku qulaani issuarneqarput, taannalu suliffimmi suleqatigiinnermi ajornartorsiutit pillugit K Kommunimut 16. januar 2004-mi allassimavoq (qulaani takukkit), ...-p A pillugu K Kommunimut allagai 5. maj 2004-mi ullulerneqarsimasut (qulaani issuarneqartut) aamma A-p sullitaasa ilaat pillugu K Kommunip allakkiaa 6. maj 2004-meersoq, allakkiaq taanna qulaani issuarneqarpoq, isumaginninnermi siunnersortit pisortaata suliffik pillugu allakkiaa, qulaani issuarneqarsimasoq, ...-p K Kommunimi innuttaasunik sullissiviup pisortaanut allakkiaa A-p pissusilersorneranik allaaserinninnerusoq, qulaani issuarneqartoq.*

*A-p suliunnaarsinneqarneranut atatillugu A suliami illua'tungiusutut isummaninik 4. maj 2004-mi tusarniaavigineqarpoq. Allakkiaq 19. maj 2004-meersoq A-p suliami illua'tungiusutut isumaanik tusarniaaneq pillugu imaqarniliamik imaqartoq ilaavoq.*

*Allakkiami tassani oqaatigineqarpoq:*

*"Kommunaldirektøri oqarpoq suliami illua'tungiusup isumaanik tusarniaaqqinnissamut tunngavissaaruttoq, paatsuisoqarsimanera malunnarmat." (Atorfeqarfimmi nutsigaavoq)*

*Suliami illua'tungiusup isumaanik tusarniaaneq A-p suliami illua'tungiusutut isumaanik 19. maj 2004-mi tusarniaanermik nangitsinerusoq pillugu K Kommunip allakkiaanit 21. maj 2004-meersunit erserpoq:*

*"Kommunaldirektøri tamatuma kingornatigut inerniliilluni oqarpoq paasissutisat tiguneqarsimasut kiisalu suliami illua'tungiusup isumaanik siusinnerusukkat tusarniaasimaneq suliambut atatillugu killisiueqqinnissamut tunngavissaqalersitsingitsut, taamaattumillu suliami illua'tungiusup isumaanik tusarniaaneq matumuuna unitsinneqartoq, A-lu eqqarsaatigalugu annertunerusumik iliuuseqartoqaq-qissanngilaq.*

*Aalajangiineq taanna tunngavilersorlugu kommunaldirektøri oqarpoq suleqatigiinnermi ajornartorsiutit illua'tungeriit ajornartorsiutigigaat, taamaattumillu sulisut ataasiakkaat toqqaannartumik akuliuffiginagit pisortaa-sunit akuliuffigineqarnissaat pisariaqartoq." (Atorfeqarfimmi nutsigaavoq)*

*Taamaalilluni K Kommunip 21. maj 2004-mi inerniliilluni oqaatigaa suleqatigiinnermi ajornartorsiutit illua'tungeriit ajornartorsiutigigaat, taamaattumillu inuit ataasiakkaat toqqaannartumik akuliuffiginagit pisortaa-sunit akuliuffigineqarnissaat pisariaqartoq.*

*Tamatuma kingornatigut suliffimmi sulisut 24. maj 2004-mi ataatsimittinneqarput, tassanilu suliffimmi suleqatigiinneq oqaluserineqarluni. Taamatuttaaq sulisut suliffimmi suleqatigiinnermi ajornartorsiutit pillugit 2. juni 2004-mi ataatsimiitsinneqarput.*



*Isumaqarpunga 21. maj 2004-mi ataatsimiinnerup A isumaqalersissima-sinnaagaa suleqatigiinnermi ajornartorsiuteqartoqartoq, taakkuli illua'tungeriilluni ajornartorsiutaasut.*

*Isumaqarpungattaq tulleriinneri malillugit 24. maj 2004-mi aamma 2. maj 2004-mi ataatsimiittisinerit imaqarniliorneqarsimasut sinnerinit allaassuteqartut, 21. maj 2004-mimi inerniliisoqarmat suleqatigiinnermi ajornartorsiutit illua'tungeriit ajornartorsiutigigaat.*

*Tamatuma kingornatigut isumaqarpunga suleqatigiinnermi ajornartorsiutit annertunerusutigut A-mik pissuteqarnerat naammattumik uppernar-sarneqarsimangitsoq.*

### 3.d. Pissutsinut naapertuuttumik tunngaveqarneq.

*Pissutsinut naapertuuttumik nalinginnaasumik tunngaveqarnerup manna nassataraa, tassalu ingerlatsivik pisut pisariaqalersitaannit sakkortunerusumik aalajangiissanngitsoq.*

*Qulaani immikkoortup 3-p ataani oqaatigaara suleqatigiinnermi ajornartorsiutit soraarsitsinnermit sakkukinnerusumik aaqqiiviginiarneqarnissaat oqartussaasup soraarsitsisup tungaanit anguniarneqarsimassasoq.*

*K Kommunip uannut allakkamini 29. november 2005-imeersuni oqaatigaa:*

*"Suleqatigiinnermi ajornartorsiutit 2003-mi aallartittumik piffissami sivisuumi iluarsiiiffiginiarneqarsimagaluarput, tassami ...-mi pisortaasimasoq sulisunik ataatsimiittisinnermigut A-p sulisullu allat akornanni suleqatigiinnerminni ajornartorsiutaannik arlaleriarluni iluarseeriararsimagaluarpat. Tamannalu ingerlateqqinneqarpoq 2004-mi pisortamik nutaamik atorfinitsitsisoqarnerata kingorna."*

*K Kommunimut 19. december 2005-imi allappunga kommunip allagai imatut paasigikka suleqatigiinnermi ajornartorsiutit K Kommunip sulisunik ataatsimiittisarnikkut aaqqinniarsimagaluarai.*

*Suleqatigiinnermi ajornartorsiutit aaqqiniarneqarsimagaluarneranik apequtitp ataatsimiinnertigut pisunik oqaluserinniffiusutigut aaqqiis-sutaasinnaasunillu oqalliffiusutigut aaqqiiniarnerup saniatigut manna nalinginnaasumik nassataraa, tassalu soraarsitsinnermit sakkukinnerusumik iliuuseqarnikkut aaqqiiniartoqassasoq, assersuutigalugu inuup pineqartup suliassaqarfimmu allamut nuutsinneqarneratigut. Tamanna suliami matu-mani periarfissaviusimanersoq ilisimanngilara. Taamaattorli oqaatigisinn-aavara aaqqiissutissap taassuma misilinneqarsimanagera kommunip map-piutaani suliami allagaatinik imalimmi takuneqarsinnaanngitsoq.*

*Uanga ataatsimut paasinninnera unaavoq suleqatigiinnermi ajornartorsiutit A-mit allaasumut tutsinniarneqarsinnaannginnerat suliami erseqqivissumik takuneqarsinnaanngitsoq.*

*Aammattaq uanga paasinninnera unaavoq suleqatigiinnermi ajornartorsiutit qinnuteqaataanngitsumik soraarsitsinnermut taarsiullugu periarfissanik allanik misissuisoqarsimanngitsoq.*

3.e. Suliffiup avataani pissusilersorneq kiisalu atoqatigiinnermut tunngasunik eqqartuineq.

Suliami illua'tungiusup isumaanik inaarutaasunik tusarniaaneq pillugu imaqarniliamit, qulaani issuarneqartumit, ersepoq A imaattunik paasisstissisimasoq:

"Nangilluni [A] oqarpoq taamatut peqquneqarnermi kingornatigut eqqaavissiorunnaarsimalluni.

...

Allakkat naggataatungaanni sullitamik oqaloqateqarnermi oqalutsip oqarnera malillugu A-p atoqatigiinnermi qanoq akeqartitsinermik aperisimanera pillugu A nassuiaalluni oqarpoq niviarsiaaraq kinguaassiuutitigut atonerlunneqarsimasuusooq. A isumaqarpoq taamatut oqarnermi quiasaarneq niviarsiaqqap paasisimaga, illarsimasorlu." (Atofeqarfimmi nutsigaavoq)

Eqqartuussissuserisoq X allakkani 13. december 2004-meersuni (qulaani issuarneqartuni) Eqqartuussissuserisup X-ip allagaanut 17. januar 2006-imi innersuussutitaqartuni oqaatigineqarpoq:

"Tamanna [eqqaavissioartarneq] pillugu oqaaseqaatit: ... Kingullertut taaneqartoq eqqarsaatigalugu atorfeqartitaasup sulinngiffimmini suliffiup avataani sulerinera sulisitsisup susassarinnigilaa, taamaattumillu tunngavilersuutip ilaa taanna soraarsitsineq eqqarsaatigalugu tamatumunnga attuumassuteqarnani." (Atofeqarfimmi nutsigaavoq)

kiisalu:

"Tamanna pillugu oqaaseqaatit: A tamanna pillugu nassuiaateqarsimavoq, tasanilu oqaatigisimallugu quiasaarneq sullitamit pineqartumit aamma taamatut paasineqartoq pineqartoq. Pissusilersornerup takutinneqartup akuerineqarsinnaanginnera sulisitsisup tungaanit aalajangiusimaneqartariaqaraluartoq pissutsinut naapertuuttumik tunngaveqarneq malillugu tamatuma kingunerisaanik soraarsitsisoqarsinnaasussaannigilaaq." (Atofeqarfimmi nutsigaavoq)

Oqaatigaara atorfeqartitaasup piffissap suliffiusup avataani sulerinera sulisitsisup susassarinnigikkaa Eqqartuussissuserisup X-ip oqarnera isumaqatigigiga. Peqatigitilluguli uanga paasinninnera unaavoq pisoqarsinnaammatt atorfeqartitaasup piffissap suliffiusup avataani pissusilersorne-rata soraarsitsinermi tunngavinnut ilaatinneqarfisigisinnaasaannik.

Atoqatigiinnermut tunngasut A-p sullitamut saqqummiussimasai eqqarsaatigalugit oqaatigaara:

K Kommuni isumaqatigaara oqarmat tamanna soraarsitsinermi tunngavinnut ilaatinneqarsinnaasoq, manna aallaavigalugu, tassalu suliami illua'tungiusoq soraarsitsinermut tunngavilersuut taanna pillugu naam-mattumik tusarniaavigineqarsimappat. Tamatumali kisimiilluni soraarsit-

*sinermut tunngavilersuutitut attassisinnaanerata naliliivigineqarnissaa uanga pisinnaatitaanerma avataaniippoq.*

*K Kommuni qinnuigaara qulaani taaneqartut kommunip qanoq iliuuseqarnissaanut pissutissaqalersitsinersut paasissutissiissutigeqqullugu.*

*Eqqartuussissuserisoq X allakkatigut allatigut allakkat uku assilineranik ilaqartinneqartutigut qulaani taaneqartunik ilisimatinneqarpoq.*

*K Kommuni qinnutigisannut akissuteqarnissaa utaqqimaarlugu suliamut atatillugu annertunerusumik iliuuseqaqqissanngilanga.”*

K Kommuni allakkatigut 7. august 2006-imeersutigut imatut akivoq:

"Inatsisartut Ombudsmandiata allagaanut 10. april 2006-imeersunut atatillugu K Kommuni imaattunik akissuteqassaaq:

Suliami illua'tungiusup isumaanik tusarniaasarnermi periaatsit K Kommunip misissorsimavai. Suliaq qulaani taaneqartoq periaatsinik allangortitsinissamut pissutissaqalersitsisimavoq, siunissami suliami taamatut pisoqartarnissaa pinngitsoortinriarlugit." (Atorfeqarfimmi nutsigaavoq)

Kommunimut 29. august 2006-imi imatut allappunga:

"K Kommunip allagai 7. august 2006-imeersut tiguakka, tassani K Kommunip Ombudsmandip oqaaseqaataanut 10. april 2006-imeersumut akissutitut oqaatigaa suliap pineqartup illua'tungiusut isumaanik tusarniaanermi periaatsinik allannguuteqartitsinissamut kommuni pissutissaqalersikkaa, siunissami suliani taama ittumik pisoqaqqeqqunagu.

K Kommuni qinnuigineqarpoq Ombudsmandip oqaaseqaataatigut pissutissaqalersitsisutut kommunip sulisuinik qinnuteqaataannngitsumik soraarsitsinermut atatilugu illua'tungiusut isumaannik tusarniaasarneq pillugu kommunip periaasiani qanoq allannguuteqartitsisoqarnersoq erseqqinnerusumik nassuiaateqaqqullugu."

K Kommunip akissutaanik tigusaqannginnama suliaq kommunimut allakkatigut 27. oktober 2006-imeersutigut aamma 30. november 2006-imeersutigut eqqaasitsissutigaa, tamatumunngalu peqatigitillugu kommuni qinnuigalugu oqaaseqaatikka kommunip qanoq iliuuseqarnissaanut pissutissaqalersitsisimanersut paasissutissiissutigeqqullugu.

Kommunip akissutaanik ukiup nalunaarusiuunneqartup naanerani suli tigusaqanngilanga.

### **3. Soraarsitsineq pillugu naammagittaalliut**

*K Kommunimi allattoqarfimmi pisortaagallartutut atorfimmit soraarsinneqarsimanini A-p Ombudsmandimut naammagittaalliutiga.*

*Ombudsmandi isumaqarpoq A allattoqarfimmi pisortatut atorfimmi atorfinitsinneqarsimanngitsoq, taamaalillunilu allattoqar-*

*fimmi pisortatut suliarisaminik suliarinnikkunnaarsinneqarami soraarsinneqarsimanani.*

*Aammattaaq Ombudsmandi isumaqarpoq A-p allattoqarfimmi pisortatut suliarisaminik suliarinninnerani ajornartorsiutaasut K Kommunip A-mut ingerlaavartumik saqqummiuttarsimappagit tamanna eqqornerpaasimassagaluartoq.*

*Aammattaaq Ombudsmandi isumaqarpoq A-p atorfinitsinneqarneranut allattoqarfimmilu pisortatut suliassiissutit erseqqarlut tuunerat isornartorsiussallugu pissutissaqarluni. Ombudsmandip inassuteqaatigaa K Kommunip atorfinnut qaffasinnerusunut inissiigallarnerminut atatillugu inissiigallarnerup pineqarnera ilaatigut atorfeqartitaasumut, ilaatigullu ingerlatsiviup sinneranut erseqqissartassagaa, taamatuttaarlu inissiigallarnerup imarisai erseqqinnerusut atorfeqartitaasumut allaaserineqartassasut. (J.nr. 11.10.21.01/045-05)*

A-p naammagittaalliutaa 23. maj 2005-imi tiguara. K Kommunip allattoqarfiani pisortaagallartut atorfimmit soraarsinneqarsimanani A-p naammagittaalliutigaa.

K Kommuni 28. juni 2005-imi qinnuigaara mappi allagaatinik A-mut tunngasunik imalik atukkiuteqqullugu. K Kommuni qinnutigisannut akisuteqaqqullugu allakkatigut 2. august 2005-imeersutigut nukingisaarpara.

K Kommunip allagai ilanngussanik arlalinnik ilaqartinneqartut 30. august 2005-imi tiguakka. K Kommuni imatut allappoq:

"Matumuuna uppersarneqassaaq allakkasi ullulernerqarsimasut 02.08.2005 tiguernerqarsimani K Kommunimi 08.08.2005.

Ajuusaarutigaa allakkat siuliini taaneqartut 23. maj 2005-imeersut aammalu 28. juni 2005-imeersut akineqanngitsoorsimammata.

Maannali allakkiasi kingulliit akisinnaalerpakka allattoqarfitsinni uninngatinneqartut nassaarisimaleriarakkit.

Matumuuna inatsisartut ombudsmandianut nassiunneqarput piumasarineqartut allakkat assingi ilanngunneqartut:

17.6.2004 atorfinitsitaanermut allagartaq.

21. marts 2005 Attestationsbemyndigelse

07. april 2005 K Kommunimit A-mut allakkat sekretariatschefiungallarneranik atorunnaarsitsineq.

07. april 2005 K Kommunimit akissarsialeriffimmut nalunaarut akissarsiat paarlattaanersiutit unitsinneqarnissaanik nalunaarut.

07. april 2005 A-mit SIK siulersuisuinut allakkat kopi fg. kommunaldirektør & borgmester.

29. april 2005 A-p soraarniuteqarluni allagai.

11. maj 2005 A-p soraarniutaanut akisuteqaat.

20.8.05 Aningaasaqarnermut ataatsimiititaliap A-p naammagittaalliutaa saqqummiunneqarmat tusaatissatut tingusinninnera."

K Kommunimut tamatuma kingornatigut 25. oktober 2005-imi imatut allappunga:

"K Kommuni kingullermik allakkatigut 2. august 2005-imeersutigut qinnuigaara mappi allagaatinik A-mut tunngasunik imalik atukkiuteqqullugu.

Allagaatit arlallit kommunimit 30. august 2005-imi tiguakka.

Kommuni tamatumunnga atatillugu qinnuigaara taakku mappimi allagaatit A-p kommunimi atorfeqartitaaneranut tunngasut tamarmiusuunersut paasissutissiissutigeqqullugu, taamaanngippallu mappimi allagaatit tamaasa Ombudsmandimut nassiteqqullugit.

Aammattaaq kommuni qinnuigaara makku pillugit nassiaateqaqqullugu, makulu nassiteqqullugit:

- 1) A-p allattoqarfimmi pisortaagallartutut sulinera pillugu uppersaait, aamma
- 2) Allattoqarfimmi pisortaagallartutut atorfimmit soraarsinneqarnini pillugu A-p naammagittaalliutitut allagai 7. april 2005-imeersut kommunip akisimanerai."

K Kommunimut 24. november 2005-imi imatut allappunga:

"K Kommuni 2. august 2005-imi qinnuigaara mappi allagaatinik A-mut tunngasunik imalik atukkiuteqqullugu.

Allagaatit arlallit kommunimit 30. august 2005-imi tiguakka.

K Kommuni qinnuigaara mappi allagaatinik A-p kommunimi atorfinitsinneqarneranut tunngasunik imalik tamaat nassiteqqullugu.

K Kommuni tamatumunnga peqatigitillugu qinnuigaara A-p "allattoqarfimmi pisortaagaallartutut misiligummik" atorfinitsinneqarnerani malittarisassat suut tungavigineqarsimanersut paasissutissiissutigeqqullugu. K Kommuni tamatumunnga atatillugu qinnuigaara "misiligummik" qanoq isumaqartinneqarnerasoq nassuiaqqullugu. K Kommuni immikkut qinnuigaara A-p misiligummik atorfinitsinneqarnera naappat allattoqarfimmi pisortatut atorfimmi aalajangersimasumik atorfinitsinneqarnissaa siunertaqqaarsimanersoq, imaluunniit utaqqiisaannaasumik atorfinitsinneq pineqarnerasoq paasissutissiissutigeqqullugu.

K Kommuni tamatumunnga peqatigitillugu qinnuigaara "allattoqarfimmi pisortaagallartutut misiligummik" atorfinitsitsineri kommunip A-mut suna isumaqatigiissutigisimaneraa paasissutissiissutigeqqullugu.

Kiisalu K Kommuni qinnuigaara A-p assistentitut aamma allattoqarfimmi pisortaagallartutut misiligummik atorfeqartitaaneranut tunngasut sitigut assigiinnngissuteqarnerisut paasissutissiissutigeqqullugu.

A "allattoqarfimmi pisortaagallartutut misiligummik" atorfimmit soraarsinneqannginnermini suliami illua'tungiusutut isumaanik tusarniaavigineqarsimanersoq allagaatini tiguneqartuni takuneqarsinnaangilaq. K Kommuni qinnuigaara tamanna pillugu oqaaseqaateqaqqullugu.

Ombudsmandip sulianik suliarinninnerminik inaarsaannnginnerani K Kommunip allagaasa naammagittaalliortumut suliami illua'tungiusumut taassuma isumaanik tusarniaatitut saqqummiunneqarnissaat naatsorsuutigineqarpoq."

K Kommuni allakkannut 24. november 2005-imeersunut akissuteqaqqullugu 22. december 2005-imi nukingisaarpara.

K Kommunip allagai 29. december 2005-imeersut 5. januar 2006-imi tiguakka. Allakkanit taakkunannga makku erserput:

"Siullermik K Kommunip uppersassavaa allakkasi ullulernerqarsimasut ullormi 22. december 2005 tigusimallugit ullormi 28. december 2005.

Ilisimatitsissutitut oqaatigineqassaaq sagsmappe A-mut tunngasoq poortuganngorlugu allakkerivikkut nassiunneqarmat.

Tamatumunngalu tunngatillugu ataani atsiortoq uppersaajumavunga suliamut tunngasut tamaasa nassiunneqartut, taamaalilluni suliassaq immaqa sukkanerusumik naammassineqarsinnaanerani kinguneqartussamik, neriulluta."

Mappimi suliami allagaatinik imalimmi nassiunneqartumi makku ilaapput:

A-p atorfinitsinneqarnerani allakkat 17. juni 2004-mi ullulernerqarsimasut. Taakkunannga erserpoq A allaffimmi assistentitut 1. juni 2004-mi atorfinitsinneqartoq. Aamma taakkunannga erserpoq A Kalaallit Nunaanni Namminersornerullutik Oqartussat S.I.K.-llu niuernermi allaffimmilu suli-sut pillugit isumaqatigiissutaat atuuttoq tunngavigalugu atorfinitsinneqartoq.

K Kommunimi kommunaldirektøriugallartup aningaasaqarnermik ingerlatsivimmut allagaanit 21. marts 2005-imeersunit makku erserput:

"Matumuuna K Kommunimi sekretariatschefimut paarlattaasoq assistent A atterterisinnaasutut nalunaarutigaa konto 1. allattoqarfik sekretariatschef F-ip kommunaldirektøriugallarnerani ulloq 11. marts 2005-imiit piffissami killilingaangikkallartumi.

Imatut atsiortartoq:

A"

K Kommunimi kommunaldirektøriugallartuq A-mut 7. april 2005-imi imatut allappoq, assilinerakissarsialeriffimmut aamma SIK-p sinniisaanut T-mut nassiullugu:

"Sekretariatscheffiugallarnerni qaammammik ataatsimik misilillugu atorfeqarlarnerni 2.3.2005-imiit atuuttoq tunngavigalugu matumuuna nalunaarfigissavakkit ullumikkut oqaloqatiginerni imatut nalunaarfiggakkit:

Sekretariatscheffiugallarnerit atorunnaarsinneqartariaqartoq makku pissutigalugit suliassanik pingaarutilinnik naammassiniaqqullugit peqquneqareerlutit akissusaassutsimik takutitsinerit naammaginangitsutut nalilerakku.

Assersuutigalugu suliassippakkit ippassaq ulloq 6. april 2005 nunaqarfinniit angallassisoqarnera tunngavigalugu qinersinermut tunngasunik tikittoqartussaammat suliassaq naammassiumaarit peqquneqarputit angallatip tikinnissaanut paasiniaaqqullutit qaqugu maanga tikikkumaarnersoq pinngitsoornak qinersinermi allattaaviit kommunalbestyrelsimoortut aammalu ilagiit sinniisaannut tunngasut kommunimut apuunneqartussaammata.

Ilanngullugu aamma nunaqarfimmit uannut sianertoq unnukkut qulinngoriartulersoq ilinnut innersuuppara sianissasoq, paasiniaaffigisimavara ilanngullugu oqaloqatigisimavara uannut sianereerami ilinnut oqaloqatiginissimanersoq sianerfigisimanerarpaatit aammalugooq illit nalunnginneraraluarsimavat qassinut angallat maanga K-mut tikikkumaarnersoq.

Soorlu aamma ippassaq suliakkippakkit Økonomiudvalgip ataatsimiinnissaa sioqqullugu nunaqarfimmi aqutsisunut qinersisoqarnissaanut atungassat nunaqarfimnut nassiussassat isumagilaaqqullugit immikkoortiternissaat piaartumik angallamik attartornerput iluatsillugu nassiussassat ingerlanneqarniassammata, kisiannili sisamangoriartortoq aperingakkit suliakkiussara naammassereersimanerit suliluunniit attorsimanagu allamik nukinginnannginnermik suliassamik ingerlataqalersimavitit, ilisimatippakkillu suliassanik nukinginnartunik pingaarnersiuneq ingerlattari-aqarit.

Aammalu ilisimatittarpakkit nalorniguit ilitersuunneqarnissarnik ataani atsiortumut saaffiginnittassasutit suliassaq sunaangaluartorluunniit pillugu.

Tamakku qulaani taaneqartut ilanngullugit tunngavigineqarput sekretariatchef-iungallarnerit ullumikkut naggataamik atortinneqarmat aqagumiillu allatseqarfimmi assistentit sulinerit ingerlateqqissavat.

Sekretariatchefiungallarsimanerini suleqatigiissimanitsinnut qujallunga allatseqarfimmi assistentit suleqatigeqqinnissat naatsorsuutigalugu.

Taamatut nalunaarfigivakkit allakkianngorlugu pinissaa illit tamanna kissaatigigakku."

#### K Kommuni akissarsialeriffimmut 7. april 2005-imi imatut allappoq:

"Matumuuna nalunaarutigineqassaaq assistent A-p sekretariatschefiungallartutut inissisimanera ulloq 07. april 2005-imit taamaatissamat.

Matumuunalu Akissarsialeriffik inussiarnersumik qinnuigineqassaaq assistent A sekretariatschef F-imit paarlattaanera unissamat ulloq 7. april 2005 kingullermik paarlattaassamat.

8. april 2005-imillu atorfimminut uteqqissaaq allatseqarfimmi assistentit inissisimaqqilissaaq."

A-p SIK-p siulersuisuunerinut kiisalu K Kommunip allagai 7. april 2005-imeersut. Allakkanit taakkunannga makku erserput:

"Fg. sekretariatschef atorfimmik soraarsitsissutitut allagarsiakka pillugit maalaa-rutit.

Ullaakkut fg. kommunaldirektørimit F-imit aggersarneqarama oqaloqatigivaanga.

Nassuiaatit:

1. Ippassaamat allakkat tunniuteqqusai tunniuppakka ...-mut, angallassisumut. ...llu nassatassai qinersititsinissamat atortussat tunniullugit.

...-meersut tigunnginnakkit allakkat nassiussat soraarsitaallunga. Uffalu immikkut allakkanik aatsisoqartugut. Fg. sekretariatschefi pisussaaitaava aatsisartuussalluni tamakkuninnga? Uffalu immikkut aatsisartoqartoq. Ippassaamat qinersititsinikuulluta sinnakinnikuullunga, sanilera nipiliornikuugami ullaassamat, sinerpiarnikuunanga. Mobilera qamikkakku batereerutilermat. Sinilertoorsimallungalu qasule-rama.

2. Qinersititsinermut atortunik nunaqarfimmut tunngasut. Sorliit tunniutissallugit nalugakku isumaqarlunga ajoqersuuteqqaassagaanga. Aatsaat tamakkuninnga suliaqarama nalorsarlungalu, soorunalimi sunaaffa kukkullunga allat tunniuttoornerakkit.

3. Mianersoqqusummik tuneqqaanngiivillunga. Oqarfigivaanga taanna atorfi-giunnaariga tamakkua pissutigalugit. Oqaloqatigileraminga sulititsisuni sinniisooq



ilaginatiguluunniit SIK-mit T tassa taamatut aaliangiisoqarpoq. Isumaqarlunga iller-sorteqartariaqartunga kisimiitinnanga. Sulititsisut sinniisuat soorlu ilagisimassagalu-  
luaripput, kisimeeqinata.

4. Fg. kommunaldirtøri saaffigiuminaattarmanngooq uannut saaffiginnittarput. Soorlu assersuutigalugu ... filialkontorimi sulisoq aperissuttarpara. Suliaanut tungatillugit.

Allakkatigut qisuariassuteqarpunga misigigama eqqunngitsumik pineqarsorigama. Paatsuungassuteqarusi apeqquteqarsinnaavusi ataani atsiortumut."

Qinnutigisakka allakkani 24. november 2005-imeersuni saqqummius-sakka K Kommunip uanga paasinninnera malillugu suli akisimannngimma-git K Kommuni allakkannut akissuteqaqqullugu allakkatigut 19. januar 2006-imeersutigut nukingisaarpara. K Kommuni oqarasuaatikkut 2. marts 2006-imi attaveqarfigaara, allakkannut 24. november 2005-imeersunut akissuteqaqqullugu nukingisaarlugu. K Kommuni oqarasuaatikkut 27. marts 2006-imi attaveqarfigeqqippara suliaq pillugu akissuteqartoqarnissaa nukingisaarutiginiarlugu. K Kommunip oqaatigaa suliaq pillugu akissut kommuni suliarilersimagaa.

K Kommunip akissutaa 31. marts 2006-imi tiguara. Kommuni imatut allappoq:

"Apeqqutinnut 24. november 2005-imeersumut akissutitut makku oqaatigineqas-sapput:

Kommunaldirektørip aallaqqanerani allattoqarfimmi pisortaq ... 2005-imi uper-naakkut kommunaldirektøriugallartut atorfimppoq. Taamaallilluni allattoqarfimmi pisortatut atorfik inuttaarummat ...-p A aperaa allattoqarfimmi pisortaagallartut sulilluni misileerusunnersoq. Oqaaseq "misiliineq" atorneqarmat A-p atorfimmik taama ittumik siornatigut misilittagaqannginnerarluni oqarnera eqqarsaatigineqar-poq. Taamaattumik "misiliineq" matumani ima isumaqartinneqanngilaq aalajanger-simasumik atorfinnermut atatillugu "misiligummik atorfinnerneq".

Kommunaldirektørimik atorfinittoqarneratigut kommunaldirektøriugallartup al-lattoqarfimmi pisortanngooqqinnissaata tungaanut A atorfimmi tassani sulisussaa-voq.

Kommunaldirektørimik nutaamik tikittoqarneratigut allannortiterisoqaqqippat assistentitut atorfimminut uteqqinnissaanit allaanerusumik kommuni A-mut isuma-qatigiissuteqanngilaq.

Piffissami tassani A qaffasinnerusumi atorfeqarallarnerni kingoraartaagallartu-t akissarsiaqartinneqarpoq. Taamaattumik A akisussaaffeqarnerulerami qulaani taaneqartut akissarsiaqartinneqarpoq.

A-p suliaq qanoq isumaqarfignerlugu allagai kommunip tiguai. (Ilanngussaq).

A assistentitut atorfimminut soraarsinneqanngilaq. Misiliineq iluatsinngitssoq ma-tumani pineqarpoq. A assistentitut atorfimminut uteqqippooq, atorfimmut allamut qinnuteqarnissami tungaanut. Kommunimit 31. maj 2005-imi aallarpoq, K2 Kom-munimut atorfinkkiartorluni." (Atorfeqarfimmi nutsigaavoq)

A-p SIK-p siulersuisuinut allagai 7. april 2005-imeersut K Kommunip ilanngullugit nassiuppai. Allakkat taakku qulaani issuarneqarput.

Allakkannut 24. november 2005-imeersunut akissummik suli tigusaqar-simananga isumaqarama suliap K Kommunimut 17. aamma 18. maj 2006-imi tikeraarninni kommunimut oqaloqatiginnissutigaara. Oqaloqatigiinneq pillugu allakkiannit makku erserput:

"Suliaq A-mut tunngasoq, 045-05, K Kommunimut tikeraarnermut atatillugu kommunaldirektørimik borgmesterimillu oqaloqateqarneq.

Borgmesterip kommunaldirektørimillu oqaatigaat suliame allagaatinik allanik, siu-sinnerusukkut Atorfeqarfimmut nassiunneqanngitsumik, peqartoqanngitsoq. Eqqaasitsissutigaara Atorfeqarfik suliame allagaatinik nassinneqarnissamik qinnuteqaraang-at Atorfeqarfiup naatsorsuutigisarmagu mappi allagaatit allaqqaarnerinik imalik nassiunneqassasoq. Atorfeqarfimmi sulisumik oqarasuaatikku oqaloqateqarnitsinni isumaqatigiissutigaarput mappi allagaatit allaqqaarnerinik imalik Nuummut nassasanngikkipput.

A-p misilitsiffiup kingorna atorfinitsinneqarnissaa pilersaarutaanersoq apeqquti-gineqarmat naaggamik akisoqarpoq.

Pilersaarutaasoq tassaavoq A allattoqarfimmi pisortatut taamaallaat atuukkallasasooq allattoqarfimmi pisortap ...-p kommunaldirektøritut atuukkallarnerani. Kom-munili kommunaldirektørertaarpat ... aamma A atorfitoqqaminnut uteqqittussaarput.

Isumaqatigiippugut suliame paatsuungassutaasutut oqaatigineqarsinnaagunartoq tassaasoq oqaatsip misilitsiffiup atornerqarnera."

K Kommunip akissutaa K Kommunimik oqaloqateqarnera pillugu allak-kiamaa assilineranik ilaqartillugu A-mut 7. juni 2006-imi nassiuppara.

K Kommunip allagai pillugit oqaaseqaatinik A saqqummiussinnngilaq.

*Tamatuma kingornatigut imatut oqaaseqaateqarpunga:*

*"1. A-p atorfinitsinneqarneranut tunngasut.*

*A-p atorfinitsinneqarnera pillugu allakkanit erserpoq allaffimmi assis-tentit atorfinitseqqaarneqarsimasooq. Aamma allakkanit taakkunangga erserpoq Kalaallit Nunaanni Namminersornerullutik Oqartussat S.I.K.-llu niuerner-mi allaffimmilu sulisut pillugit isumaqatigiissutaat atuuttoq A-p atorfeqartitaaneranut atuuttusoq.*

*Isumaqatigiissummi tassani § 22-ip tunngavittut nassataraa inuit isuma-qatigiissut taanna tunngavigalugu atorfinitsinneqartut, qinnuigineqarner-tik malillugu atorfimmi qaffasinnerusumi suligallarsinnaasut. § 22 imaat-tunik oqaasertaqarpoq:*

*"Niuerner-mi allaffinnilu ikiorti, niuerner-mi allaffinnilu sulisussatut tunngaviusu-mik ilinniarsimasooq, assistenti, overassistenti, fuldmægtigi immikkoortortaqarfim-miluunniit pisortaq qinnuigineqarnermigut atorfimmi qaffasinnerusumi, appasin-nerpaamilli overassistentit atorfimmi utaqqiisaagallartumik sulisoq, atorfiup qaf-fasinnerusup taassuma suliassartai suliarigunigut aalajangersakkat kinguliini taa-neqartut malillugit akissarsiaqarsinnaatitaavoq."*

A-p allattoqarfimmi pisortaagallartut sulilerneq qanoq iliorluni aaq-qinneqarsimanersoq K Kommunip mappiutaani suliami allagaatinik imaqartumi erseqqissumik takuneqarsinnaanngilaq. K Kommunimi kommunaldirektørrip aningaasaqarnermik ingerlatsivimmut allagaanit 21. marts 2005-imeersuni A-p sulinera "sekretariatchefimut paarlattaasoq"-tut taaneqarsimavoq. Kommunip aningaasaqarnermik ingerlatsivimmut ulloq taanna allagaanit erserpoq A tassaasoq "sekretariatcheftugallartoq". Kommunip allagaani 7. april 2005-imeersuni "sekretariatcheftugallarninni ... misilillugu atorfeqarallarninni" taaneqarpoq. Kommunip akissarsiale-riffimmut ulloq taanna allagaani taaguut "sekretariatscheftugallartut" kiisalu "sekretariatscheftugallartut" atorneqarsimavoq.

*K Kommuni uannut 31. marts 2006-imi imatut allappoq:*

"... Taamaalilluni allattoqarfimmi pisortatut atorfik inuttaarummat ..-p A aperaa allattoqarfimmi pisortaagallartut sulilluni misileerusunnersoq. Oqaaseq "misilii-neq" atorneqarmat A-p atorfimmik taama itumik siornatigut misilitagaqannginnerarluni oqarnera eqqarsaatigineqarpoq. Taamaattumik "misilii-neq" matumani ima isumaqartinneqanngilaq aalajangersimasumik atorfininnermut atatillugu "misiliummik atorfininneq". (Atorfeqarfimmi nutsigaavoq)

Kommunimik oqaloqateqarninni kommuni oqarpoq A taamaallaat "atorfimmi suligallassasoq", kiisalu kommuni kommunaldirektøreqalerpat A atorfivimminut utissasoq.

K Kommunip oqaatigisai imatut paasivakka K Kommunip paasinninnera unaasimasoq A allattoqarfimmi pisortatut atorfimmi taamaallaat suligallaannassasoq.

Tamatuma illua'tungaani A-p paasinninnera unaasimavoq allattoqarfimmi pisortatut atorfinititsineq ataavannerusumik atorfinititsinerusooq. Taamaalilluni A-p uannut naammagittaalliutaanit erserpoq taanna isumaqartoq allattoqarfimmi pisortaagallartut atorfimmitt soraarsinneqarsimalluni. Tamatuma pissuseqataa A-p SIK-p siulersuisuunerinut allagaanit, assilinera aamma K Kommunimut nassiunneqarsimasumit, erserpoq.

K Kommunip mappiutaani suliami allagaatini, suliap ingerlasimaneramik allaaserisani qulaani issuarneqartut saniatigut uppersaatinik/allagaatinik A-p atorfeqartitaaneramik allaaserinnittunik peqanngilaq. Taamaalilluni A-p allattoqarfimmi pisortatut atorfimmi sulilernerani atorfinititsineq pillugu allakkiortoqarsimannngilaq. A-p allattoqarfimmi pisortatut sulinerani suliassat allaaserineqarnerat suliami allagaatinut aamma ilaannngilaq.

Suliap uannut paasissutissartalersorneqarnera malillugu tunngaviutippara A-p allattoqarfimmi pisortatut sulinera utaqqiisaasumik sulinerusooq.

Aamma tunngaviutippara manna siunertaasimasoq, tassalu K Kommunip kommunaldirektørimik atorfinititsininissaata tungaanut A allattoqarfimmi pisortatut taamaallaat sulissasoq, A-lu tamatuma kingornatigut al-

lattoqarfimmi pisortatut atorfimmi suliuinnaassasoq, allaffimmili assistentit ut atorfimmini sulileqqissasoq.

Taamaalilluni uanga paasinninnera unaavoq A allattoqarfimmi pisortatut atorfimmi atorfinitsinneqarsimanngitsoq. Taamatuttaarlu uanga paasinninnera unaavoq A allattoqarfimmi pisortatut atorfimmit soraarsinneqarsimanngitsoq.

### 2. A-p allattoqarfimmi pisortatut suliuinnaarneranik K Kommunip nalunaaruteqarnerani periaaseq.

K Kommunip A-mut allagaanit 7. april 2005-imeersunit erserpoq K Kommuni A-lu ulloq taanna ataatsimiissimasut. Ataatsimiinnermi tassani A-p allattoqarfimmi pisortatut suligallarnera oqaluuserineqarpoq. Allakkanit aamma erserpoq A nalunaarfigineqartoq allattoqarfimmi pisortaa-gallartutut suliuinnaartoq. Allakkanit erserpoq A tamatuma nalaani allattoqarfimmi pisortaa-gallartutut qaammammi ataatsimi sulisimasoq.

Suliami allagaatit uppernarsaatnik A-p allattoqarfimmi pisortaa-gallartutut atorfimmik ingerlatsinera pillugu K Kommunip A-mik siusinnerusuk-kut oqaloqatiginnissimanageranut uppernarsaataasunik peqanngilaq. Taamaalilluni A-p allattoqarfimmi pisortaa-gallartutut ingerlatsinanageranut atatil-lugu amigaataasinnaasunik K Kommunip siusinnerusukkut uparuasima-nersoq suliami takuneqarsinnaanngilaq.

Taamaalilluni A allattoqarfimmi pisortaa-gallartutut sulinerminik arsaarneqarpoq, qaammammi ataatsimi taamatut sulereerluni. Tamanna A-p allattoqarfimmi pisortaa-gallartutut sulinanageranut atatil-lugu ajornartorsiutaasut pillugit K Kommunip oqaloqatiginninniarluni misiliisimanngit-sorluunniit pisimasorinarpoq.

A-p allattoqarfimmi pisortaa-gallartutut atorfimmik ingerlatsinanageranut atatil-lugu ajornartorsiutaasinnaasut K Kommunip A-mut ingerlaavartumik saqqummiuttarsimasuuppagit tamanna eqqornerpaasimassagalarpoq.

### 3. "Allattoqarfimmi pisortaa-gallartutut sulineq"

Immikkoortumi 1-imi oqaatigineqartutut A-p allattoqarfimmi pisortaa-gallartutut sulinera K Kommunip A-llu allakkatigut isumaqatigiissutigisi-mannngilaat.

A-p allattoqarfimmi pisortaa-gallartutut sulinera pillugu oqaasiinnarti-gut erseqqinnerusumik isumaqatigiissuteqartoqarsimannngilaq, tassami K Kommunip oqaatigisimammagu A taamaallaat "aperineqarsimasoq" allat-toqarfimmi pisortatut sulineq misilikkusunneraa, tak. K Kommunip uannut allagai 31. marts 2006-imeersut.

Aammattaq allattoqarfimmi pisortaa-gallartutut sulineq assigiinngisi-taartunik taagorneqarsimavoq, tak. immikkoortup 1-ip ataani taaneqartut.

Tamanna A-p allattoqarfimmi pisortatut atorfimmi suligallarnera pil-lugu kingusinnerusukkut paatsiveerusimaartitsingaatsiarsimavoq.

*Tamanna pitsaanngitsutut isigaara. Aammattaaq uanga paasinninnera unaavoq periaaseq matumani atorpeqartoq pisortat ingerlatsineranni tunngavinnik atuuttunik unioqqutitsinerusooq, matumani tulleriinneri malillugit sulianik pissusissaatut uppernarsaasersuineq aamma pisortani aalajangiinerit erseqqissuunissaannik paatsoorneqarsinnaannginnissaannillu tunngaviit ilanngullugit eqqarsaatigalugit. Tassani aamma ilaavoq pisortani oqartussaasut sulisoqarnermik aqutsinermi mianerinnittuunissaat kisaatiginartuusooq.*

*Inassuteqaatigaara K Kommunip atorfinni qaffasinnerusuni siunissami atorfinitsitsigallarnermut atatillugu atorfinitsitsigallarnerup pineqarnera atorfeqartitaasumut ingerlatsiviillu sinnerinut erseqqissartassagaa, kiisalu atorfinitsitsigallarnerup erseqqinnerusumik imarisai atorfeqartitaasumut pineqartumut allaaserisassagai. Aammattaaq atorfinitsitsigallarnerup qaqugu unitsinneqarnissaata naatsorsuutigineqarnera tamatumalu kingunerisassai atorfeqartitaasumut erseqqissarneqartariaqarput.*

*Aamma oqaatigaara atorfinnik allannortitsinerit suliassat suliarineqartarnerat pillugu inatsit tunngavigalugu aalajangiinertut isigineqarsinnaanngitsut pisut qanoq ittuunerat apeqqutaatillugu ingerlatsinermi ileqqorissaarnermik tunngaviit naapertorlugit nalunaarutigineqartariaqartut. Taamaalilluni atorfeqartitaasup taakku pillugit isumaanik tusarniaanissaq pisariaqarsinnaavoq, suliassat suliarineqartarnerat pillugu inatsimmi § 19-ip atorneqarsimannginnera apeqqutaatinnagu.*

*A-p naammagittaalliutaanut atatillugu annertunerumik iliuuseqaqis-sanngilanga."*

#### **4. Qinnuteqaataannngitsumik kommunimit soraarsitaaneq pillugu naammagittaalliut**

*K Kommunip tunngavilersuutitaqannngitsumik pissutissaqannngitsumillu soraarsitsisimanera A-p Ombudsmandimut ilaatigut naammagittaalliutigaa.*

*Ombudsmandi isumaqarpoq A sulinnigiffeqarluni sulinniginnermi nalunaaruteqarluni sulinnitsoornertut paasinninneranik kommunip itigartitsisimanera isornartorsiussallugu tunngavissaqar-nani.*

*A kommunip naammannngitsumik sivisussuteqartumik piffissaler-lugu suliame illua'tungiusutut isumaanik tusarniaavigisimam-magu kommuni Ombudsmandip isornartorsiorpaa, inassuteqaatigalugulu kukkuneq qanoq iliorluni aaqqinneqassanersoq kom-munip isummerfigissagaa, tassami soraarsitsineq tamanna tunngavigalugu atuussinnaassuseqannngitsutut saqqummermat.*

*Aammattaaq Ombudsmandi isumaqarpoq A-p sulinnitsoorne-rata nappaammik pissuteqarneranik apeqqut kommunip erseq-qinnerusumik misissorsimasariaqaraluaraa.*

*Ombudsmandittaaq isumaqarpoq isumaqatigiissummi soraarsitsinissamut piffissaliussamik sanequtsinermut kommunip tunngavilersuutaa amigaateqartoq, tamannalu ajuusaarnartuusooq. (J.nr. 11.10.21.01/056-05)*

A allakkatigut 17. juni 2005-imeersutigut uannut imatut naammagittaalliorpoq:

"Soraarsinneqarninnut tunngaviusooq misissoqullugu matumuuna qinnuiginiarpassi, isumaqaramami annertunerusumik tunngavilersugaanngitsumik soraarsitaasimasunga, tamannalu massakkut tarnikkut sulisutullu annertuumik ajornartorsiutigaara, isumaqarlungalu inissisimanagera oqartussaasunit allanit naliliiffigineqartariaqartoq, K Kommunimmi aalajangiinini aalajangiusimammagu, uangalu isumaqarlunga K Kommuni soraarsitsinissamut annertunerusumik tunngavissaqanngitsoq.

Allakkat tunngavilersuutillu assigiinngitsut ilanngullugit nassiunneqarput, uangalu isumaqarlunga ulluinnarni pisortarisama sutigut tamatigut malersuisup uanga inuttut, sulisutut pinnanga, nuannarinngimmanga soraarsinneqartunga, uanga sulisutut namminerlu akisinnaasarama, isumaqaruma misigisimallungalu eqqunngitsoqartoq.

..." (Atorfeqarfimmi nutsigaavoq)

Kommunip suliame allagaatai allakkatigut 28. juni 2005-imeersutigut pissarsiariniarpakka, suliap misissortariaqarneranik naliliinissara siunertaralugu.

Suliame allagaatit nassiunneqarnissaat 10. august 2005-imi, 19. september 2005-imi, 17. oktober 2005-imi aamma 10. november 2005-imi nukingisaarutigisareerlugu suliame allagaatit 1. december 2005-imi tiguakka.

Kommuni allakkatigut 20. marts 2006-imeersutigut, suliamek allaaserinninninni kingusinnerusukkut issuakkakut, nalunaarfigaara naammagittaalliuut misissuiffiginiallugu aalajangertunga.

A kommunip meeraaqqeriviani ...mi immikkoortortaqqarfimmi illoqqarfimmi K-miittumi pisortatut Perorsaasut Ilinniarsimasut Peqatigiiffiata Kalaallit Nunaanni ulluunerani paaqqinniffinni aamma ulloq unnuarlugu paaqqinniffinni perorsaasutut sulisut pillugit Kalaallit Nunaanni Naalakkersuisunut isumaqatigiisutaa 23. august 2002-meersoq tunngavialugulu K Kommunip atorfinitsippaa.

Kommunip suliame allagaataani makku pillugit paasissutissat ilaapput, tassalu suliamek soraarsitsinermut tunngasumik A-p uannut naammagittaalliuuteqarneranut tunngaviusumik kommunip aallartitsinera sioqqullugu A-p sulinera kommunip naammaginngittarsimagaa, taamatuttaarlugu A-p qullersarisaminik naammaginnginnini oqaatigisarsimallugu.

Pissutsit taakku A-p arlaleriarluni mianersoqquneqartarsimaneramik suleqatigiinnermilu ajornartorsiutit aqqinniarlugit A-p kommunimmi ulluunerani paaqqinniffiit pisortaannit, isumagininnermi pisortaannit sulisoqarnermullu pisortaannit 1. september 2004-mi ataatsimeeqatigineqarneranik kinguneqarsimapput.

Kommunip ulluunerani paaqqinniffiutaani siulersuisut 3. marts 2005-imi ataatsimiinnerminni aalajangerput A-p qinnuteqaataanngitsumik soraarsineqarnissaa isumaginninnermi ataatsimiititaliamut inassuteqaatiginiarlugu, tassami pingasoriarluni mianersoqquneqartarsimammat.

Peqatigiiffik A-p ilaasortaaffigisaa, Perorsaasut Ilinniarsimasut Peqatigiiffiat, kommunimut 21. marts 2005-imi imatut allappoq:

"Kikkut tamarmik ilisimareerunagaattut eqqaamagunagaattullu A illoqarfimmi K-mi ulluunerani paaqqinniffimmi atorfeqartitaasoq pisortarisaminut ...-mut suleqaatigiinnikkut ajornartorsiuteqarsimavoq.

A P.I.P.-ip qaammatini arlalinni massakkut ikiorpaa, ullumikkullu P.I.P. A eqqarsaatigalugu kommunip qanoq aalajangerniarneranik apeqqummut sulii akissutisimangilaq.

A pisortamit ...-mit suliami illua'tungiusutut isumaanik december 2004-mi tusarniaavigineqarsimavoq (A suliami illua'tungiusutut isumaanik tusarniaavigineqas-sappat K Kommuni soorunalimi tassaasimasariaqaraluarpoq suliami illua'tungiusup isumaanik tusarniaasoq, imaannitsoq paaqqinniffiup pisortaa).

A-p P.I.P.-llu tusagaat kingulleq tassaavoq paaqqinniffiup/-ffiiit siulersuisui A-p soraarsineqarnissaanik inassuteqarsimasut. Tamanna isumaginninnermi ataatsimiititaliap sapaatit akunneranni 11-mi 12-imiluunniit ataatsimiinnermini isummerfiginiarpaa.

Isumaginninnermi ataatsimiititaliaq qanoq aalajangiisimanersoq ullumikkut paa-sineqarsinnaasimangilaq, naak aalajangiisoqarniariarpat P.I.P. ilisimatineqassasoq kommunip neriorsuutigisimagaluaaraa.

Ullumikkut 21. marts 2005-iuvoq, tassalu imaappoq A atorfeqartitaanermini nalorninartorsiortoq ilisimatineqarmalli qaammatit pingasut qaangiussimasut.

Sulisitsisup atorfeqartitaasumut aalajangiinermik taama annertutigisumik taama-lu sivistutisumik utaqqisitsisinaanera inuppalaartuunngilaq.

Ataatigut atsiortup P.I.P. sinnerlugu allakkanik ukuningga kommunip iluani inun-nut taama amerlatigisunut nassitsineranut pissutaavoq A-p ullumikkut qanoq inissi-simanerata kimilluunniit oqaatigiumaneqannginnera.

Suliaq suliarineqarallartilugulu A-p K Kommunimit sulisussaaitaannginnissaa P.I.P.-p kissaatigaa, tassa inaarutaasumik aalajangiisoqarnissaata tungaanut.

A-p qanoq inissisimaneranik kommunip kingusinnerpaamik 22. marts 2005-imi nal. 12.00 nallertinnagu aalajangiisimanissaa P.I.P.-p kissaatigaa. Akuersaartumik akissuteqartoqanngippat suliaq P.I.P.-p Namminersornerullutik Oqartussat P.I.P.-llu akornanni ingerlatilissavaa." (Atorfeqarfimmi nutsigaavoq)

Kommunip peqatigiiffik allakkani 22. marts 2005-imeersuni imatut aki-vaa:

"Mailip 21. marts 2005-imi nal. 16.24-imi nassiunneqarsimasup tiguneqarsima-nera K Kommunip siullertut uppernarsassavaa. Tassa kommunip allaffia matoreer-soq.

K Kommunip nalunaarutigissavaa PIP-p piffissaliussaa makku pissutigalugit akuerineqanngitsoq:

Suliaq manna PIP-p oqaatigisaatut piffissami sivitsortumi suliarineqarsimavoq. Taamaattorli K Kommunip nalunaarutigissavaa K Kommuni, Ombudsmandi illoqarfimmi K-miimmat isumasioqatigereerlugu, aalajangermat sulianut tunngasuni taamaattuni kommunit periaasiisa erseqqissarneqarnerat erseqqinnerusumik isumaliu-



tersuutigineqartariaqartoq. Tamatuma nassatarisimavaa suliame illua'tungiusup isumaanik tusarniaanerup kingulliup K Kommunimit utertinneqartariaqarsimanera, taannami allatut ilusilerneqartussaammat. Suliamili qitiusoq tamatuma allangortinngilaa, periaaserliuna Ombudsmandi isumasioqatigereerlugu allangortinneqartussaasoq.

Tamatuma nassatarissavaa suliame illua'tungiusup isumaanik soraarsitsineq pillugu tusarniaasoqarnissaa, taassumalu isumaginninnermi ataatsimiititaliamut piaarnerpaamik saqqummiunneqarnissaa. K Kommunip oqaatigeqqissavaa tamanna Ombudsmandi isumasioqatigereerlugu pisimammat.

A-p suliunnaarsinneqarsinnaanera eqqarsaatigalugu K Kommunip matumani oqaatigissavaa tamanna siulersuisut kisimik akisussaaffigigaat, taamaattumillu K Kommunip isummerfigisinnaanngikkaa. Tamanna siulersuisut isummerfigissavaat, taavalu A aamma PIP ullumi imaluunniit kingusinnerpaamik aqagu allaffigineqasapput.

Amerlanerusunik paasissutissiisoqarnissaa kissaatigineqarpat ataatigut atsiortoq ugguauna attaveqarfigineqarsinnaavoq: Oqarasuaat ... imaluunniit mailikkut ... @illoqarfik K.gl" (Atorfeqarfimmi nutsigaavoq)

Kommuni A-mut 22. marts 2005-imi imatut allappoq:

"Tusarniaaneq, personalesagit pillugit ataatsimut naliliineq

Personalesagivit nutaamik misissoqqinnerani siusinnerusukkut nassiunneqarsimasoq tusarniaasimaneq soraarsitaanissannut tunngasut utertinneqarpoq, tusarniaasimanerlu kukkunerisiugaq nutaaq nassiunneqarluni. Nutarterneqarsimanerata kingunerissavaa anguniassallugu nutaamik soorasaarneqartarnitit ileqqumik allangortitsisimanersut takuneqarsinnaasunngorlugit, taamaaliorterullu kingunerissallugu atorfeqarninnik pissutsinut nalileeqqinneq tunngavissaqassanersoq.

Siulersuisunut innersuussutigissavara personalesagitv ataatsimut nalilerneqarne-rani naliliinerup inernera.

Siulersuisunullu innersuussininnut patsisigineqartussatut makku taaneqarsinnaapput:

- 21. december 2004-meersoq soorasaarut
- 27. april 2004-meersoq soorasaarut
- Soorasaarissut siulleq januar 2004
- Isumaqaatikkuminarnak pissusilersorsimanerit tusarniaanikkut 30. juli 2004-meersukkut tusarniaasitsinermik kinguneqarsimasumik
- Isumaqaatikkuminarnak pissusilersorsimanerit qatanngutivit sulilenera pillugu taannalu pillugu 24. marts 2004-mi tusarniaanermik akissuteqartitsinikkut pisi-masukkut.

Kissaatigigukku akissutivit siulersuisunut saqqummiunneqarluni suliarineqarnis-saanik piuaffigineqarputit una tusarniaaneq ullut qulit qaangiutsinnagit allakkati-gut akissuteqaqqullutit.

Taannalu siulersuisunit suliarineqarluni ilinnut tunngasunut ilanngunneqaru-maarpoq.

Malugeqqarpullu soraarsitaanissaq kisiat pillugu tusarniaasoqarmat. Allat soo-rasaarissutit il.il. tusarniaavigineqareersimapput akineqareerlutillu.

Ilanngullugulu suliffinnut atatillugu ilaasortaaffeqaruit attavigisariaqarpatit, ar-laannut ilaasortaasimaguit."

Kommuni A-mut ulloq taanna (22. marts 2005-imi) suliunnaarsitaanermik apeqquq pillugu imatut allappoq:

"Qinnuteqaatigisimasat siulersuisunit suliarineqarsimavoq isumaqatigiissutit a-tuuttut, funktionærillu inatsisaat malillugit.

Allaffisornikkut ingerlatsineq suliaraarput, suliffimmilu ingerlatsineq aningaa-saqarnerlu eqqarsaatigalugit taakku tungai oqimaaqigamik, taamaammallu nalunaarfigissavatsigit sulinngiffeqarlutit akissarsiaqarsinnaaninnik piffissap aalajanger-simasup iluani kissaatigisat itigartitsissutigineqarmat.

Aalajangerneq isumaqatiginngikkukku suliffinnik aqqissuusaaanikkut naamma-gittaalliorfigisinnaasaannut naammagittaalliutigiuk.

Malugeqqusaralu unaavoq, ullumimiit ulloq suliffissaq siulleq suliartortussaaga-vit, kiisalu naammagittaalliutigalugu manna aalajangerneq sunniteqarsimanngit-sutut."

Kommuni A-mut 13. april 2005-imi imatut allappoq:

"Tusarniaaneq.

Ullumikkut sulinnginninni taartigisannit ...-mit paasisimavara ... nalunaarfigisi-magit ullumikkut, marlungorneq kiisalu pingasunngorneq, ferialersimasutit.

Tassungalu atatillugu malugeqquara sulisut håndbogiini immikkoortumi feria-rnissamik pilersaarutit imatut oqarmata."Feriarnissanik allannguutissat tamarmik ul-loq 10. januar-ip kingorna, afdelingimi pisortamit akuerineqarsimassapput kiisalu allat ferias-satut pilersaarutai attorneqassanngillat. Feriassanik allanngortitsiniarnerit sapaatip akunneranik ataatsimik siumut ilisimatitsissutigineqarsimanngitsut akueri-neqarsinnaanngillat." Perorsaasut isumaqatigiissutaanni § 39, kiisalu Inatsisartut i-natsisaanni nr. 10. 12. november 2001 feriar-nissamut tunngasoq, ersarinnerusumik taallugu § 6, stk. 2-mi "Sulisitsisup sulisoq isumaqatigiissuteqarfigineratigut qaqu-gu feriarfissat aalajangersarneqartassapput."

Pissutsit qulaani pineqartut aallaavigalugit akeqqugaluarpakkit feriar-nissannik kina isumaqatigiissuteqarfigisimanerit.

Taamaalillutit suliassiissutitut suliffinnit piumaffigineqarputit, una tusarniaaneq allakkatigut akissagit ullumimiit ullut qulit qaangiutsinnagit."

A kommunimut 14. april 2005-imi imatut allappoq:

"Tusarniaanermut tunngasoq ulloq 13 april 2005:

Siullermik ilisimatitsissutigissavara ulloq taanna feerialerfissara naller-mat feeria-laarnissara nalunaarutiginninnakku, tamannali pisimammat sulinngiffeqare-nerma kinguninngua sap.ak. 13-mi.

Ullut pingasunnguit feerialaar-sullunga suleqatigalu ... ullorsiutinut allappugut kinguninngualu tullersortiga ilisimatillugu, aamma allat feeriassa-at isumaga malil-lugu attunngilakka ingiaanangaluuniit.

Maani meeqqeriveqarfinni ukioq nutaaq aallartittorlu ittugisatsinnit "isumagine-qanngilagut" ugartuiffigineqarnataluuniit feeriassagut qanoq inississimanerlutigit su-lilu aamma tamanna ulloq manna tikillugu pisimanani, taamaammatt uanga immaqa "pingaartippallaarsimanngilara" ittutsinnut oqaatigissallugu ullut 3-t feerialaarnis-

sara, suleqatikka ilisimatereerakkit naammagigakku, kisianni paasivara maani meequerivinni piffissanngortoq immikkoortortani siuttut akornatsinni ittugisarput peqatigalugu feeriassagut inissitsissagipput, uattut kukkuluttornissaq pinaveersaarniarlugu.

Uani pisimasumi feeriamut tunngatillugu ulloq aatsaat nallermat qisuariartoqarnera iluarinngilara, tassanimi aamma suleqatitut ammaffigeqatigiinnginnerput ersermat, aammalu ittugisatta januarimili tusarniaassutigisinnaasimagaluarpa akisussaaffini tassuunatigut naammassiniassappagu, tamannalu ulloq manna tikillugu pisi-mannigilaq.

Aamma apequtaassimassooq immikkoortortaqaqarfinni aqutsisut ukiup nutaap aallartinnerani ataatsimeeqqatigiissimannginnerput, tassanimi tamakkua tamaassa aamma qulequttatut eqqartugassaasimasussaammata isumaga malillugu, ukiumi nutaammi ataatsimiinneq siulleq pivoq uanga allagaqareernerma kingorna ataatsimiikkusullunga noqqaassuteqareernernut, tassalu ulloq 2. marts 2005, kisiannilu eqqartugassaniinngilaq feeriarfissat.

Taamaammat una kukkussut kisima piginagu oqaatigerusuppara suliffeqarfitsinni akisussaanerpaammat ittorput, taassumami nakkutigisissaavai tamakkua naammassillugit inissitsiterneqarsimanersut qulakkiissallugu.

Feeriamut tunngatillugu sulisut tamatta inissititerereersimanerluta suli tamakkii-sumik qulakkeerinnittoqarsimanerpa?"

A kommunimut 15. april 2005-imi imatut allappoq:<sup>14</sup>

"Ataatigut atsiortunga suliunnaarallarnissara pisariaqarteqigakku, pingaartumik ataatigut atsiortumut ulluni pingasuni sulinngiffeqarsimaneq qulaajaqqullugu tusarniaanerup tignerata kingornatigut, ataatigut atsiortunga akissuteqartariaqarpunga. Tassami tusarniaanerup taassuma erseqqissumik takutimmagu suliffimmi pissutsit sakkukillisismanatik suli atuuttut.

Siulersuisut suliassaqaqarfinni malittarisassanik malinnissimanerannut uppernarsaasiisoqarnissaa ataatigut atsiortup matumuuna qinnutigissavaa - pingaartumik suliffimmit pinngitsaaliissummik soraarsitsineq pillugu suliap sularineqarnerata nalaani sulinngikkallarnissamik ataatigut atsiortup qinnuteqaataata sularineqarneranut atatillugu siulersuisut aalajangiisinnaassuseqarnerat eqqarsaatigalugu.

Siulersuisut malittarisassaanni taaneqartuni oqaatigineqarpoq siulersuisut aalajangiisinnaassuseqassappata angajoqqaat sinniisaat aalajangersimasumik amerlassuseqartut najuutissasut - itigartitsissullu ataatigut atsiortup allakkatigut 29.3.05-imeersutigut tigusaa eqqarsaatigalugu ilumut taamaannersoq allakkat allaqqaarnerisigut, imaannitsoq allakkat assilinerisigut, uppernarsarneqarnissaa kissaatigineqarpoq.

Siulersuisut aalajangiisinnaassuseqarnerisa uppernarsarneqarnissaata tungaanut akissutaagallartoq ataatigut atsiortunga atuussinnaassuseqanngitsutut isigaara, tassami tamanna allakkatigut ataatigut atsiortunga 29.3.05-imi tigusakkut uppernarsarneqarsimannigimmat.

Akissutitut allakkani 29.3.05-imi tiguneqartuni atsioqataasut marluinnaapput, tamannalu inatsisinik unioqquutisineruvoq, tassa ataatigut atsiortunga - suliap inaarlugu sularineqarnissaata tungaanut - suliunnaarallarnissamik qinnuteqaatiga siulersuisut aalajangiisinnaassuseqartut sularisimannigippasuk.

---

14. Assammik allanneqarsimavoq kommunimit 20. april 2005-imi tiguneqartoq

Ataatigut atsiortunga qaammatini makkunani sunik aqqusaagaqarnera sulisitsisup soqutigigunangimmagu suliuunnaarallarnissamik kissaatigisap sooq saqqummersi-manera ataatigut atsiortunga iserfigissanngilara. Tamanna pillugu allakkat 11. marts 2005-imeersut innersuussutigineqaannassapput, taakkunanimi suliuunnaarallarnissamik qinnuteqaat ataatigut atsiortunga tunngavilersorakku." (Atorfeqarfimmi nutsigaavoq)

Kommuni A-mut 17. april 2005-imi imatut allappoq:

"Pineqartoq: Ullumikkut nal. 15.05 saaffiginninnerit

Ataatigut atsiortumut ullumikkut saaffiginnipputit, oqaasiinnartigullu nalunaarutigalugulu ataasinngorpat suliarterniarnak, pilersaarusiorneqarsimasutut.

Ilnnut oqaasiinnartigut massakkullu allakkatigut malugeqquara suliar tunngitsoorneq akuerineqarsinnaanngimmat.

Peqquneqarputit pigaartuunissamat pilersaarusiaq ilinnut tunngasoq malillugu nalinginnaasumik suliar toqqullutit, suliner mut atatillugu naalakkiutip matuma naalanneqannginnera atorfeqartitaanermut tunngasutigut sakkortuumik kinguneqartinneqarumaarpoq." (Atorfeqarfimmi nutsigaavoq)

Kommuni A-mut tamatuma kingornatigut 19. april 2005-imi imatut allappoq:

"Tusarniaaneq:

Ippassaq nalliuttorsiornitsinni (...), ataatigut atsiortoq saaffigisimavat nalunaarfagalugulu ataasinngornermi ullaakkut suliarterniarnak. Ataatigullu atsiortumit tamanna itigartitsissutigineqarpoq oqarfigineqarlutillu nalinginnaasumik suliar toqquneqarlutit, oqarfigaakkillu ullumi nalliuttorsiornerrummat, taamaalior toqassappat tulluartausorinnginnakku, ullormilu tassani tamanit tusaaneqarluta taamaattunik oqaloqatigerusunnginnakkit.

Taamatullu nalunaarfigereernerpit kingorna suaartalerputit, pissuserlulerlutit, nalunaarlutillu ataasinngornermi suliarterniarnak. Tamatumalu kingorna allakkiorlunnga suliarisariaqarsimavara allakkatigut suliar toqqusissut immikkoortortannimi sulisut nikerarneranni pigaartutut suliar tortussaagavit.

Allakkatigullu suliar toqquneqarnerpit tignerata kingorna, nikuillutit ...-p aneersaartarfianit suaartarlutit oqaluussimavarma, allagarsinerarlutit taannalu atuutinngitsoq, taamaammallu suliar toqquneqarnerit malikkumanagu.

Taannalu suliar toqquneqarnerit akerlilersimavat suliar tunngitsoorlutit, afdelingimilu taartaasumut nalunaarsimavutit sulinngiffeqarlutit. Nalunaarfigissavakkillu, ataatigut atsiortunga sulinngiffeqarnissannik akuerisimannginnakkit, kiisalu pinaasiinnarlutit sulinngitsoorsimallutit.

Taamaammallu akeqqullutit piumaffigissavakkit, PIP-p isumaqatigiissutaani suaniittumi, imaluunniit kalaallit inatsisaanni atuuttuni taamatut pissusilersornerit allasimava.

K Kommunimit massakkorluinnaq soraarsitaassaait, uani tusarniaanermi ilu moortumik tunngavissalimmik akissuteqanngikkuit, allakkatigummi piumaffigineqarsimagaluarputit ataasinngorneq 18. april 2005 suliar tussasutit, kiisalu sulinngitsoorsimaninnut suna pissutaasoq eqqortumik nalunaarutigisinnaanngikkukku.

Suliap taamaattuunera pissutigalugu, manna tusarniaaneq sivikinnerungaallisineqarpoq tassungalu akissuteqarnissaq tiguneqareersimassaaq sisamanngorneq 21. april 2005 nal. 12:00."

A-p akissut imaattoq kommunimut 20. april 2006-imi nassiuppaa:

"Tusarniaanneq ulloq 19. april 2005-meersoq :

Immikkoortorta 1.

Ulloq 17/4-05 ...-mi kaffisoriarnerup nalaani aneerasaartarfimmi issiasutit nuliartarlu alla issiaqatigigit assannik ussersorlunga aggeqqugaluarpakkit nalunaarfigilaarusullutit, kisiannilu nikuinngilatit, taamaariarmat nalunaarfigerusukkakkit ornillutit oqarfigaakkit ulluni qaninnerni suliartorallarnaviarnanga, illillu ingerlaanartumik nillertumik pissuseqarlutit akivarma ullumikkut suliffiunngimmat eqqartuiffigeqatigerusunnanga, ersarissaatigiinnarpara ilumut uanga suliartorallarnaviarnanga tunullungalu ingerlallunga.

Immikkoortoq 2.

Soorlu ersersereeriga oqaasissakka annisereerakkit tunullunga ingerlavunga. Illit oqarputit suliffiunngimmat oqaloqatigerusunnanga. Ersarissumik oqarpunga suaartarnissara pissutissaqanngilaaq qanittunnguullutit nikorfagama aamma pissuserluttutut immiut isigisinnaanngilanga ornillutit oqarfigiartuinnarpakkit. Iluarissagaluarpara pissuserlunnerarlunga unneriunnerit nassuiaatilersortuugukku aammalu nilliana qanoq nalilerneqarnissaanik ersersitsisuuguvit taava tamakku unnerluussutit paasinarnelussagaluarput ilumut illit oqaatsitit tunngavissaqassanersut eqqortumik.

Immikkoortoq 3.

Aap maluginiarpara oqarfigereernerpit kingorna ilatit ilagiunnaarsimagitit, su-naaffami allakkiorartorsimavutit, aali suliffiunngitsoq oqareerlutit, tassa taamak oqareernerpit kinguninngua uanga ingerlaannarpunga.

Ilisimatissutigissavara tallimanngornermi tullersortiga ilisimatikkakku suliartorallaqqinnaviarnanga, taamaammatt oqaatigissavara suliffiga tukiinnarlugu pinginnama, qulakkeerpara ammaasilernermi akornutissartaqanngitsoq.

Immikkoortoq 4.

...-mi torsuusami inuussuttuaqqallu arlallit assinik isiginnaarujoortilluta akornat-sinnut periaartuputit allakkallu tunniikkusullugit oqarfigaakkillu massakkt tigor-sunnagit aqagumut tigusinnaagakkit allakkanut ilisivimmu ileqquvakka aammami allakkat kimukartuunnersut atsiorneqanngillat allakkat puuinut ikisimagamik tassa, atsiorneqanngitsut.

Oqarfigaarma ilumut tigussagikka taamaanngippat oqarfigaarma ingerlaannartumik soraarsissinnaanerarlunga allakkat tigungikkukkit, uangali suli tigor-sunnigilakka aammami oqarfigereeramma suliffiunngitsoq, taannalu tunngavigalugu uanga ilinnut nalunaaruteqareernerma kingorna qimaannarakkit, taamaasillunga naatsorsuutiginnilara allagarsinissara.

Illit ilungersorlutit allakkat tunniikkusussuaarpatit allaat kavaajannut siinneqanngitsumut sakiannut manguttuullugit ingerlallutillu aneerasaartarfiliqqillutit.

Taamak pineqareernerma kinguninngua allakkat atsiorneqanngitsut ammarpakka takusinnaavaralu uannukartut aqagumullu suliartoqquneqarlunga, taamaariarmat akimukajaaq illit tusaasinnaasannik torlularfigaakkit allakkat atorsinnaannginne-

rarlugit, tassami paasitereerakkit suliarternaviarnanga, suliartoqquneqarnera malik-kumanagu oqaaseqanngilanga taamaallaalli oqaannarpunga atorsinnaanngitsutut uanga taakkua allakkat isigalugit.

Immikkoortoq 5.

Suliartoqqutinnera akerlilersimanerlugu imaluuniit qanoq taassanerlugu nalileru-minaatsippara illit taamak nalilerakku, aali nalunaareerlunga suliarторallarnaviarnanga, tamannaluuniit illit itinerusumik paasiniassallugu pingaartissimanngilat.

Aap tullersortiga tallimanngornikkut ilisimatereernikuuvara suliarторallarnaviarnanga.

Immikkoortoq 6.

Aap illit sulinnigiffeqarnissara akuersinnaanngilat, pinaasertutullu isiginnilerlutit uannut. Nalussanngilat qanorluuniit uannut sulisisisutut inissisimatigigaluaruvit sulinnigiffeqarniarninnut tunngatillugu annerusumik oqaasissaqannginnavit, aqutissat allat ammapput sulinnigiffeqarusullunga piguma.

Immikkoortoq 7.

Tassunga tunngatillugu annerusumik akerusunnanga nalunaarutigissavara, PIP-p sinnerlunga tamanna pisariaqassappat tikikkumaarmassuk.

Immikkoortoq 8.

Taamani sapaamni ...-mi suleqatitut ataqqinnillunga aggeqqugakkit ornessimasuugumma taava paasisimassagaluarpat sunarpiaq tunngavigalugu taamak sulinnigikkallarnissannik oqaasissaqarnera.

Massakkullu tunngavissagissaarpunga ullumikkummi tunniuppara ilinnut tarnip nakorsaata uppersarara sap.ak. 3-t sulinnigiffeqassasunga, isumaqarpungali uani akissutigeqqusanni suna pillugu sulinnigiffeqarniarlunga akinissaa pisariaaruttoq, paasinarsereermammi tunngavissaqarlurtunga.

Immikkoortoq 9.

Suliap taamaattuunna uanngattaq toqqisisimanartinneqaaara nuanniilliutit amerlammata, taamaamat uanngattaq una akissutiga piaartumik inerneqartinneqarnissaa piumasarissavara.

Naggataatigut taamannak sapaammi saaffiginnissuteqaraluarnera ilinniarfigeqaara takusinnaallualerakku qanoq nillertigisumik pissusilersorsinnaanerit suliamullu uunga tunngatillugu qanoq sangutitseriaraluernerit ersaritsigisoq takusinnaalerakku, tassanimi ersermat pissuserlunneraannerit suaartartutullu isiginninnerit allakkani ukunani akisassanni qanoq isiginneriaatsimut tunngatillugu takussutiinnaatigisut, tassani paasinarsilluaannarpoq qanoq immitsinnut ungasitsigaluta inissisimalluta aali marluinnaalluta Meeqperiveqarfinni Perorsaasutut ilinniarsimasuulluta.

Naggaterpiaatigut una iluatsillugu eqqaarusuppara ajuusaarutigeqigakku suliassat meeqperiveqarfinnut tunngasut soorlu: Kiffartuussinerit, sulisunut sammisaqarnerit assigiinngitsorpassuillu sullissinermi naapinneqarsinnaasut unittoqqammata mallunnartumik, ajoraluartumillu tamanna naammagiinneqartutut isikkoqarluni, aali uagut sullitassarigaluagut ILUAMIK sulisuugaluaanni.

Sulinnigiffeqarnissama ataqqineqarluarnissaa kissaatigalugu."

Illoqarfiup K-p napparsimmaviani nakorsap sulisinnaannginneq pillugu oqaaseqataanut akissut ilanngullugu nassiunneqarpoq.

Nakorsap oqaaseqaataani 20. april 2005-imeersumi immersugassami naqeqqaakkami assammik allanneqarsimasumi makku paasissutissiissutigineqarput:

"A, perorsaasut pisortaat, napparsimanini pissutigalugu 21/4 2005-imit sulisinnaasimanninnerartoq 19/4 2005-imi nakorsamut ataani atsiortumut nakorsiarsimavoq, nakorsiarnernerlu tunngavigalugu napparsimanini pissutigalugu ullumikkumiit saapatit akunnerini pingasuni sulisinnaangilaq." (Atorfeqarfimmi nutsigaavoq)

Kommuni illoqarfiup K-p peqqinnissaqarfiani nakorsaanermut imatut allappoq, telefaxikkut 20. april 2005-imi nassiunneqartunik:

"Pineqartoq: Nakorsap oqaaseqaataa ilanngullugu nassiunneqartoq.

Nakorsap oqaaseqaataa ilanngullugu nassiunneqartup itisilerisumik nassuiarneqarnissaa K Kommunip matumuuna qinnutigissavaa. Makku paasissutissiissutigeqquneqarput:

Oqaaseqaammit erserpoq inuk pineqartoq "?"-mit sulisinnaasimangitsoq. Tamanna 21. april 2005-itut atuarneqassava???

Tamanna ajornartorsiutissaqalersitsivoq, tassami nakorsaq 19. april 2005-imi nakorsiarfigineqarsimammat.

Taamaattumik ulloq taanna, tassalu 21. april 2005, eqqortuunersoq K Kommunip apeqquteqaatigissavaa?" (Atorfeqarfimmi nutsigaavoq)

Kommunip telefaxikkut nassiussaa peqqinnissaqarfiup 25. april 2005-imi utertillugu nassiuppa, apeqqutigineqartunut marlunnut taakkununga akissutitut "aap" allallugu.

Kommunip A tamatuma kingorna allakkatigut 25. april 2005-imeersutigut imaattutigut soraarsippaa:

"K Kommunimit matumuuna nalunaarfigineqassaait, uannit socialudvalgimi siulittaasuusumit, allatut ajornartumik aalajangiisariaqarsimagama ingerlaannartumik soraarsitaaninnik, pissuteqanngitsumik sulinngitsoorneq pissutigalugu. K Kommunimit sulinngitsoorneq imatut nalilerneqarpoq atorfeqartitaaninnik sumiginnaanermik suliffinnut atatillugu.

Makkulu patsisigittinneqarput:

Ulloq 17. april 2005 ulloq 18. april 2005 suliartoqquneqarsimavutit. Taamaalior-simanngilatillu.

Ulloq 19. april 2005 ulloq 18. april 2005 tusarniaavigineqarsimavutit sulinngissimanerit pissutigalugu.

Ulloq 20. april 2005 sulinnginnerit pillugu nakorsamit napparsimallutit allagartamik tunniussivutit. Napparsimanermilu allagartami allasimavoq, ulloq 21. april 2005-imiit napparsimasimasutit, taamaammallu ullut sulinnginnitit ulloq 18., 19. aamma 20. april 2005 nappaarsimasimanersutit nakorsamit uppenarsarneqarsinnaangillat.

19. april 2005 tusarniaaffigineqarlutit akissutinni erseqqissumik nalunaarutigivat, qullersarisannit ulloq 17. april 2005 feriarnissannik noqqaanerit akuerinngitsoorsinnaangikkaa, aggerputillu suliartorumanak ulloq 18. april 2005. Soorlu personalehåndbogimi feriarnermullu inatsimmi allasimasooq, feriartoqassappat qullersamit



tamanna isumaqatigiissuteqarnikkut pissasoq allannguisoqassappallu qullersarisaq akuersiteqqaartariaqartoq. Tassungalu akissutigisat K Kommunimit akuersarneqarsinnaanngilaq, aamma oqarlutit akipilunnerit pillugu akuersarneqarsinnaaninitaaq. Ilanngullugulu oqaatigissavara afdelingini pisortat feriassagunik taartissaminik isumaqatigiissuteqarneq ajorput, taamaaliortoqassappallu qullersaq oqaloqatigineqassaaq.

Taakku aallaavigalugit K Kommuni allatut iliorfissaqanngilaq ulluni 18., 19. aamma 20. april 2005, sulinngitsoorsimanerit pillugu soraarsissallutit, ullullu taakulu sulinngitsoornitit patsisissaqartinnnginnakkitt uppernarsassallugit patsisaasinnaasumik.

Ullormut paaqqinnittaarfuit siulersuisuisa siulittaasuata allakkiat una isumaqatigalugu atsioqataavoq. PIP allakkap uuma naqinneranik nassinneqassaaq.

Allakkallu uuma tигunerani uppernarsaallutit atsioqquneqarputit."

Kommunip akissarsialeriffini 26. april 2005-imi nalunaarfigaa A-p akissarsiai 26. april 2005 aallarnerfigalugu unitsinneqassasut, A-llu ulluni 18. april 2005-imit 20. april 2005-imumt aamma 7. marts 2005-imi nal. 12.00-imit 11. marts 2005-imi nal. 12-imumt nalunaaruteqarnani sulinngitsoorfigisimasai akissarsiaanit ilanngaatigineqassasut.

Napparsimmavissuarmi tarnikkut napparsimasunut immikkoortortaqarfimmi aqutsisutut nakorsaaneq A-mut 3. maj 2005-imi imatut allappoq:

"Oqarasuaatikkut oqaloqatigereerlutit allattuiffiuterput misissorpara. Takusinnaavara tarnip nappaataanut nakorsap immikkut ilisimasallip ...-p 19.04.2005-imi oqaloqatigisimagaatit.

Takusinnaavara tarnikkut aliasuuteqarlutit qisuariarnermik nappaateqartutut nalilersimagaatit. Aallussiniarninnik ajornartorsiuteqartutit malugisimavaa. Nererusususeqarsimannilatit sanigorsimallutillu. Taamatuttaaq sakkukitsumiit sakkortualaanngitsumik nikallunganermut allanik ilisarnaateqarputit.

Taamaaneq ulloq 1-imit pilersimannigilaq, piffissalli sivisunerusup ingerlanerani pilierartorsimalluni. Uanga isumaqarpunga kingusinnerpaamik 18.04.2005-imit napparsimasutut allatsinnissannut pinngitsoornak pinsinnaatitaasutit." (Atorfeqarfimmi nutsigaavoq)

Allattuiffiup naqitanngortinneqarnera 19. april 2005-imeersoq imaattoq allakkanut ilanngullugu nassinneqarpoq:

"Arnaq napparsimasoq 38-nik ukiulik tarnikkut nappaatilitut allagartaqanngitsoq, suliamut soraarsitsinermut tunngasumut atatillugu aliasuuteqarnermi qisuariaateqartutut ilisarnaateqalersimavoq.

### **Iliusii**

Tarnikkut nappaat pillugu soqanngilaq.

### **Tarnikkut siusinnerusukku nappaateqarsimaneq**

Tarnip pissusiinik ilisimasalimmik imaluunniit tarnip nappaataanut nakorsamik oqaloqateqarsimannngisaannarpoq.

### **Inooqataaneq**

Napparsimasoq illoqarfiup meeraaqqeriviani perorsaasunut pisortaavoq. December 2004-mi soraarsinneqarsimavoq, pisortarisaminut ajornartorsiuteqarsimanini pissutigalugu. Pisortarisaa taanna pineqartup isummani oqaatigigaangagu killup tungaanut qisuariartarpoq, tamanna pineqartup naammaginangitsutut isigaa. Suliffimmi ukioq sinnerlugu equngasumik ingerlasoqarsimavoq. Napparsimasup soraarsinneqarnissani kissaatiginngilaa, tamatumali paarlattuanik isumaqarluni pisortarisani soraartariaqartoq pineqartumik pissutissaqarani soraarsitseriarsimanini pissutigalugu. Ukioq manna januarimi avissimavoq, massakkullu meeqqat pingasut 4-nit 13-inut ukiullit kisimeeqatigalugit. Meeraq nukarleq napparsimasoq siusinnerusukut paarimmagu pisortarisata pineqartoq siorasaarsimavaa mianersoqqussummillu tunisimallugu.

### **Nakorsaaitit**

Nakorsaaititunngilaq

### **Massakkut**

Napparsimasoq piffissap sivisunerusup ingerlanerani qaamigut niaqorluttarsimavoq, pingaartumik sulinermi nalaani, pisortarisani takugaangamiuk. Ullut tamaasa niaqorluttarpoq, tamatumunngalu peqatigitillugu nererusussuseerussimalluni, qaamallu kingulleq 3 kiilunik oqilisimalluni. Martsimi sapaait akunnerini pingasuni napparsimasut nalunaarsimavoq, nakorsalli oqaaseqaataanik pissarsinnaasimanani. Taamaattumillu sulionnaarallarnissani kissaatigisimavaa, akuerineqarsimanani. Siorna sapaait akunnerisa marluk missaannik sivisussuseqartunik pingasoriarluni napparsimasut sulinngitsoortarsimavoq.

Napparsimasoq sulinissaminut piunassuseerutiusarsimavoq nukissaarutiusarsimallunilu, atuarniarneq pilerigivallaarunnaarsimavaa. Angerlarsimaffimmi kamaqqajaasarpoq meeqqallu suanngassarajuttarlugit, timaasigulli annersissanagit. Siniluartarpoq. Imminornissamik eqqarsaateqanngilaq. Suliaq peqatigiiffikkut napparsimasup ilaasortaaffiatigut massakkut ingerlanneqarpoq, isumaqarporlu sulisisisuni sulinermi aaqqiagiinngissuteqarneq pillugu suliassanngortinneqassasoq.

### **Inuttaa**

Arnaq kusanartoq nalinginnaasumik oqimaassusilik. Qiaqqajaavoq attaveqarfiginnilluarlunilu. Tarnikkut nappaateqarneranut nikallungarujussuarnermulluunniit ilisarnaateqanngilaq. Napparsimasoq sukattooqqajaavoq aliasullunilu.

/F 43.2 naleqqussarnermut qisuariarneq/

Pisoq ...-mut aqagu oqaloqatiginnissutigissavara, isumagalu unaavoq napparsimasoq nakorsap oqaaseqaataanik tunineqarsinnaatitaasoq, sapaait akunnerini pingasuni sulinnginnissani kissaatigaa." (Atorfeqarfinni nutsigaavoq)

Perorsaasut Ilinniarsimasut Peqatigiiffiat kommunip isumaginninnermi ataatsimiititaliaata siulittaasuanut 4. maj 2005-imi imatut allappoq:

"P.I.P. A sinnerlugu matumuuna saaffiginneqqippoo. Allakkatigut saaffiginninitsinni ulluunerani paaqqinniffiup pisortaata ...-p, K Kommunip P.I.P.-llu akornanni allagarisartakkatsinni A-p ...-llu suleqatigiinnikkut ajornartorsiutaat eqqarsaatigalugit pisut ingerlasimanerat ima allaaserisaqattaartartigisimavarput massakkut allakkani ukunani/saaffiginnissummi matumani ataatigut atsiortut pingaarnerinnaat ilanngutissallugit.

21. december 2004: Suliami illua'tungiusup isumaanik tusarniaassut tamatumalu kingornatigut soraarsitsissamaarnermik allakkatigut ilimasaarutit A-p tiguai. A nas-

suaanermi sallusimasutut pasillerneqarpoq, naak A-p nassuiaataa eqqortuugaluar-toq, aamma/kisianni nutserisoq A-p allassimasaanit allaasunik allappoq. A-p soraar-sinneqarnissaa inassuteqaatigineqarpoq.

Sulisitsisup inaarutaasumik naliliinissaa A-p qaammatini arlalinni utaqqisariaqar-simavaa, tamannalu inuppalaanngitsuvoq. Tamatuma A tarnikkut sakkortuumik at-torsimavaa.

A-p illoqarfimmi K-mi nakorsaq arlaleriarluni ornittarsimavaa. Nakorsaq "sule-qataajumasimanngisaannarpoq", A-li kaammattorsimallugu ...-p oqarneratut ilior-taqqullugu, allaallu aperisimalluni ... oqaloqatigissannginnerini, tassa ...-p ikinnguti-gilluagaa suliffiup avataatigut ikinngutiginnermik nakorsatullu sulinermik avissaar-tisimatitsinnaanngitsuoq.

Sapaat 17. april 2005 ulluunerani paaqqinniffik ullorsiorpoq. A-p ... oqaloqatigi-u-masimavaa. ... akivoq TAAMAALIORUMANANI, ulloq suliffiunngimmat! Taa-maakkaluartog A-p mianersoqqussuterpassuit, soraarsitsinissamik inassuteqaat ul-luuneranilu paaqqinniffiit pisortaannik suleqateqarnermik ajornartorsiutit (suleqati-giinnermi ajornartorsiuteqarnerut saqqummiunneqanngitsuoq) pissutigalugit nappar-simasutut nalunaarumanera ataasinngorpamiilluunniit 18. aprilimit sulinngiffeqaru-manera ...-p paasilluarsinnaavaa. ...-p A oqaloqatigiumanngilaa, taamaakkaluartorli allaffimminut iserluni A-mut allalluni, A-lu taakkunani qinnuigalugu ataasinngor-nermi 18. april suliarloqqullugu. A illoqarfimmi K-mi peqqinnissaqarfimmut saaffi-ginnippoq nakorsiarnissamat piffissamik piumalluni. A marlungornermi 19. april nakorsiarnissaminut piffissalernerqarpoq (matumani oqaatigisariaqarpoq A-p ...-llu sapaammi 17. aprilimi "oqaloqatigiinnermik" allaaserinneri nikingassuteqartoru-jussuummata, suliffillu pillugu aaqqiagiinngissuteqarnermik suliaqarnermi/eqqar-tuussivikkoortumik suliarinnermi oqaatsit imminnut assortuuttutut isigineqar-tussaallutik).

A-p sapaatit akunnerini pingasuni napparsimaneranik nakorsap oqaaseqaataa 20. aprilimi ullulernerqarsimavoq, oqaatigalugu A 19. april nakorsiarsimasoq, napparsi-manerlu pillugu nalunaarut/oqaaseqaat 21. aprilimeersuusoq, funktionærut pillugit inatsimmi ullut napparsimaffiusut pingajuannit napparsimanermik nalunaarutip al-lanernerqarsinnaanera pillugu malittarisassaq pissutigepiarlugu.

... marlungornermi 19. aprilimi suliami illua'tungiusup isumaanik tusarniaa-nermi A-mut allakkat allassimavai, soorlu oqarluni "ippassaq sapaammi 17. aprilimi ..." il.il. Arlaatigut immiut ataqatigiinnginneqarpoq.

A allakkanut akissuteqarnissaminut/illersornissaminut ullunik marlunnik PE-RIARFISSINNEQAQQIPPOQ. Tamannaanngila Ombudsmandip kommunimut isornartorsiutigisimasaa? Tassa naammaginnartumik piffissaliisoqartussaavoq, tak. suliasat suliarineqartarnerat pillugu inatsit.

A 25. aprilimi allagarsivoq, isumagininnermi ataatsimiititaliap siulittaasuata, ul-luunerani paaqqinniffiup siulersuisuisa siulittaasuata aamma paaqqinniffiup pisor-taata atsiugaannik. A allakkani ilisimatinneqarpoq ulluni 18., 19. aamma 20. april 2005-imi nalunaaruteqarnani sulinngitsoorsimanera pissutigalugu PEERSITAA-SOQ.

Peersitsineq pillugu allakkani akissarsiat massakkut unitsinneqarnerat taaneqan-gilaaq, P.I.P-lli takusinnaavaa A-p akissarsiaasa tunngaviusumik aningaasartai 2.790,33 kr.-nik nalinginnaasunit ikinnerusut kommunip tunniussimagai, taamaat-torli aningaaserivik aqutugalugu 3.164,28 kr.-nik ilanngaanneqarluni. Tamanna qa-noq paasineqassava?

Peqqinnissaqarfimmi tarnikkut napparsimasunut immikkoortortaqarfiup allagai ilanngullugit nassiunneqarput, taakkunanilu aqutsisutut nakorsaanerup ...-p upper-narsarpaa tarnikkut nakorsap immikkut ilisimallip ...-p A aliasuuteqarnermi qisuari-aammik tarnikkut nappaateqartutut nalilersimagaa, taamatuttaarlu malugalugu A

aallussiniarnermini ajornartorsiuteqartoq, sanigornermik kinguneqartumik nererusussuseerussimasoq kiisalu A-p anikkinnerusumik sakkortuallaanngitsumik nikallungassuteqarneranut takussutissaqartoq.

Aammattaaq nakorsaanerup ...-p oqaatigaa taamaalineq ullumit 1-imit (17. april 2005-imit) pilersima[nngit]soq, piffissalli sivilisunerusup ingerlanerani pilertiartorsimasoq.

P.I.P.-p qulaani taaneqartut tunngavigalugit oqaatigaa mianersoqqussutit piffissap ingerlanerani A-mut tunniunneqartarsimasut A-p nikallungassuteqalerneranik, piffissamilu sivilisuumi taamaassimaneranik, nassataqarsimasut.

A napparsimasutut nakorsamit allagartalerneqarsimavoq, aammalumi napparsimasutut nalunaarsimalluni.

Tamanna aamma tunngavigalugu P.I.P.-p K Kommuni qinnuigaa 25. april 2005-imi peersitsineq uterteqqullugu.

Eqqortussaq anguniarlugu oqaatigineqassaaq suliami allagaatit tamarmik Inatsisartut Ombudsmandiannut saqqummiunneqassammata.

Allakkat uku faxikkut 4. maj 2005-imi nassiunneqarput." (Atorfeqarfimmi nutsigaavoq)

Dronning Ingridip Napparsimmavissuata tarnikkut napparsimasunut imikkoortotaqarfiani aqutsisutut nakorsaanerup allagai taaneqartut tassaapput 3. maj 2005-imeersut, 19. april 2005-imeersunik ilanngussartallit qulaani issuarneqartut.

A kommunip sulisoqarnermut pisortaanut 6. maj 2006-imi imatut allapoq:

"Suliaq soraarsitaannissannut tunngasup toriippallaamik ingerlanerani naammagittaalliut:

Matumuuna K Kommunimi atorfilittatut saaffiginissummik ataatsigut atsiortunga allagaqarpunga.

Naluneqanngitsutut siornali 22/12-04 soraarsitaasussatut innersuunneqarpunga pisortarisannit ...-mit.

Naammagittaalliutiginiariga uumap suliap qaammatinik tallimangulersuni sivilisussuseqarnera, taakkualu qaammatit ingerlaneranni suliaq assigiinngitsorpasuarinik sammiveqartoq suli inernilerneqannginnera, soorlu ukunannga; PIP (Namminersornerullutik Oqartussat, KANUKOKA), Peqqinnissaqarfik, Meeqqeriviit siulersuisui, socialeqarfik, K Kommuni minnerunngitsumillu pisortannut ...-mut.

Atorfilittatut nukippasuarinik uannut atuinera sulilu annertuumik atuinera inuttut aqusaakkat annertoqaat, ingerlaanartumik soraarsitaallaraangama, aali qulaajagasat assigiinngitsut uannut Meeqqeriveqarfimmullu tunngasut arlaqartut tunuunnarlugillusooq pisoqarnera uannut suusupaginninnertut annertuutut taarusuppakka.

Piffissaq annertoq nukippassuillu suliamut uunga attuumassuteqartut ingerlasimapput sulilu ingerlallutik.

Piffissanngorpoq uannut tunngasooq naammassineqarnissaa torersumik pivisor-siorpalaartumillu.

Unneqqarillunga suliffinnut soqutiginnillunga atorfeqarnera uumap suliap ingerlanneqarnerani annertuumik innarliivoq, sorpassuit aqusaarpakka qaqsarlungalu nakkaqqittarpunga inuttut nalinginnaasumik inuunnera sakkortuumik eqqorneqartaqattaarpoq, tamakkualu annerusumik minnerusumilluunniit kikkorpasuarunat assigiinngitsunut aamma tupput.

Taamaammat eqqarsaatigigiga taamak pineqarnera ilumut naammagiinnassanerlugu imaluuniit inuttut atorfilittatut aqquusaakkakka nuanniitsorpassuit pillugit taarsiivigineqarnissara noqqaassutigilissanerlugu assigiinngitsorpassuarnik naleqarmata uannut.

Naggataatigut paaserusunnarpoq ilumut ...-p soraarsikkuninga inigisanniit aninisara aamma nammineerluni akisussaafigineraa allaffigalunga ullut 14-t ingerlaneranni inigisara qimareersimassagiga?

Suliaq PIP-p ingerlakkaa naluneqanngilaq, taamaattorli uanga nammineq pisariaqartikkakku allagaqarpunga isumaqarama atorfilittatut soqutigisakka sulissutigerusutakkalu pisortanniit tappiffigineqaratik ineriartortinneqaratillu ingerlasut akierlianillu assigiinngitsunik patsisissarsiortutut pissuseqartumik atorfinniit peersinniaaraanga."

Perorsaatut Ilinniarsimasut Peqatigiiffiata allagai 4. marts 2005-imeersut kommunip 13. maj 2005-imi imatut akivai:

"Allakkat 05. maj 2005-imeersut tiguneqarnerat aallaqqaasiutitut uppernassassavara.

Paasisutissarpiaat makku K Kommunip isumaa malillugu erseqqissarneqalaasapput:

Suliami illua'tungiusup isumaanik tusarniaaneq 21. december 2004-meersaq eqqarsaatigalugu K Kommunip malugisimavaa soraarsitsineq pillugu periaaseq allanngortinneqassasooq. Tamanna Ombudsmandi isumasioqatigereerlugu pissaq, tamannalumi allakkatigut PIP-mut aamma nalunaarutigineqarsimavoq. Taamaaliortoqarpoq sulisitsisup pisinnaatitaaffiisa sulisitsisullu periaasiata eqqortuunerat qulakkeerniaannarlugu.

Aammattaq suliami illua'tungiusup isumaanik tusarniaaneq utertinneqarsimavoq, nutaarlu A-mut nassiunneqarsimalluni. Taanna aamma PIP-mut nassiunneqarsimavoq.

...-p nakorsallu ikinngutigiiinnerannik oqarnek eqqarsaatigalugu K Kommuni taamaallaat oqarsinnaavoq K Kommuni nakorsatut naliliisinnaanngitsoq, taamaattumillu nakorsap oqaaseqaatai kommunip assortorsinnaanngikkai.

17. april 2005-imi pisimasooq naatumik imatut allaaserineqarsinnaavoq A takkussimasooq, nalunaarutigalugulu aqagumut suliarorsinnaanani. Tamanna pisortaa-sup allakkatigut ingerlaannartumik akivaa. Sinneri oqaatsitigut assortuunnerupput, piviusorli tassaavoq A-p aqagumut sulinissani kissaatiginnikkaa, tamannalu pisortaanit itigartissutitigineqartoq. Periaaseq taamaattoq paaqqinniffimmi pisortatut akuerineqarsinnaanngilaq. Tamanna sulinermik aqqissuussinerni tamani aamma atuuppoq. Tamanna K Kommunip taamaallaat sulerusunninnertut paasisinnaavaa. K Kommunip malugeqqullugu oqaatigeqqissavaa ullumi tulluuttumi suliartoqqusiluni naalakkiineq allakkatigut tunniunneqarsimammat.

Nakorsap oqaaseqaatai eqqarsaatigalugit taakku sulisitsisup aatsaat ullut pingajussaanni napparsimanerup kingornatigut pissarsiariniarsinnaavai. Taamaaliortoqarsinnaavoq sulisoq sulinngitsoornermi immaqqa ulloq siullerli saaffiginnissimagaluarpalluuniit. Nakorsap oqaaseqaataani erseqqissumik takuneqarsinnaavoq A-p "oqaatigigaa 21/4 2005-imit sulisinnaasimanani." Tamanna K Kommunip illoqarfimmi ...-mi peqqinnissaqarfimmit allakkatigut uppernarsartissimavaa.

Allakkat 19. april 2005-imeersut eqqarsaatigalugit K Kommunip oqaatigissavaa paasisutissaq pingaaruteqartoq PIP-p allagaani amigaataasooq, tassalu allakkat taakku peersitsissamaarnermik allagaasut. Peersitsinissamik aalajangiinerit unioqutitsi-

nerup kingornatigut pilertortumik pisussaapput. Suliami pissusiviusut taama sivikit-sigisumik piffissaliinermut tunngavilersuutaapput.

Akissarsiat eqqarsaatigalugit taakku aqutsinermi allaffissornikkut ajornartorsiu-taapput, peersitsinermit imminermut sunniteqanngitsut, K Kommunilli oqaatigis-savaa pineqartoq peersinneqarmat akissarsiat soorunalimi unitsinneqartussaasut.

Nakorsap naliliineri eqqarsaatigalugit K Kommuni taakku pillugit soorunalimi oqaaseqaatissaqanngilaq, oqaatigiinnassalluguli suliami tassani suut tamarmik eq-qortumik ingerlasimasut, iliuuserineqartullu taamaasa sioqqullugit suliami illua'tu-ngiusoq isumaanik tamatigut tusarniaavigineqartarsimasoq. K Kommuni nakorsap naliliineri pillugit oqalliseqataasinnaanilunniit oqalliseqataassanngilaq, taakku-mi kingusinnerusukkat saqqummertarsimmamata imaluunniit nakorsap oqaaseqaa-taani peersitsinermit tunngaviusumi erseqqissumik allaaserineqarsimallutik. K Kommuni taamaallaat paasissutissat taakku aallaavigalugit iliuuseqarsinnaavoq.

Taamaattumik K Kommunip nalunaarutigissavaa suliaq ataatsimut isigalugu, pi-ngartumillu ulluni 18., 19. aamma 20. april 2005-imi pisimasut isigalugit tamanna K Kommunip sulerusunnginnertut taamaattumillu atorfeqartitaanerup annertuumik unioqutinneqarneratut taamaallaat isigisinnaagaa. Taamaattumik K Kommunip A-mik peersitsinini aalajangiusimavaa." (Atorfeqarfimmi nutsigaavoq)

A tamatuma kingornatigut uannut 17. juni 2005-imi naammagittaallior-poq.

Kommunip suliami allagaatai misissoreerakkit kommunimut 20. marts 2006-imi imatut allappunga:

"Suliami paasissutissat kommunimit 1. december 2005-imi tigusakka massakut misissoreerpakka.

Suliap uterfiginissaanut aatsaat massakut periarfissaqalernera siullertut ajuusaa-rutigaaara.

A-p soraarsitsineq kommunip A-mut allagaani 25. april 2005-imeersuni nalunaa-rutigineqartoq pillugu naammagittaalliutaa aalajangersimasumik suliarilerniarlugu aalajangerpunga.

Taamaattumik kommuni qinnuigaara naammagittaalliut pillugu oqaaseqaate-qaqqullugu.

Kommuni tamatumunnga atatillugu qinnuigaara makku pillugit nassuiaateqaq-qullugu:

- Peqatigiiffiup (P.I.P.-ip) A-p ilaasortaaffigisaata kommunimut e-mailikkut nassi-ussaaniit 21. marts 2005-imeersumit erserpoq A-p suliunnaarsinneqarallarnissaa P.I.P.-p A sinnerlugu qinnuteqaatigigaa.

Qinnuteqaat taanna qanoq aalajangiiffigineqarsimanersoq allagaatinit kommunip uannut nassiuussaaniit takuneqarsinnaanngilaq.

Taamaattumik kommuni qinnuigaara tamanna pillugu nassuiaateqaqqullugu.

- Kommuni aalajangiinermi 13. maj 2005-imeersumi P.I.P.-mut ilaatigut imatut allappoq:

"Suliffimmit peersitsineq pillugu aalajangiinerit unioqqutitsinerup kingornatigut pilertortumik pisussaapput. Suliami pisimasorpiaat taamatut sivikitsumik periarfisiinermut tunngaviupput." (Atorfeqarfimmi nutsigaavoq)

Kommuni qinnuigaara issuarneqartut imatut paasineqassanersut nalunaarutigeqqullugu, tassalu suliani sivikillisamik piffissaqartitsilluni soraarsitsinernut tunngasuni suliami illua'tungiusup isumaanik tusarniaanermut akissuteqarnissamat piffisaliusseq kommuni paasinninnera malillugu tusarniaavigineqartoq tusarniaanermut taamaaliornikkut isummerfiginninnissamat naammaginarumik piffissaqartinnagu aalajangersarneqarsinnaasoq.

Kommuni aamma qinnuigaara pisumi A-mut tunngasumi pisut sorpiaat tusarniaanermut taamatut sivikitsumik piffissaliinermut tunngaviunersut erseqqinnerusumik nassuiaqqullugu.

- Kommunip P.I.P.-mut allakkani qulaani taaneqartuni aamma oqaatigaa:

"Nakorsap oqaaseqaataani erseqqissumik oqaatigineqarpoq A-p "21/4-2005-imit sulisinnaasimanani oqaatigigaa." Tamanna K Kommunip illoqarfimmi K-mi napparsimmavimmit allakkatigut uppersartippaa." (Atorfeqarfimmi nutsigaavoq)

Napparsimmaviup allakkatigut uppersaasiussaa pineqartoq suliami allagaatinut tigusannut ilaanngilaq. Taamaattumik kommuni qinnuigaara nakorsap oqaaseqaataanik paasinninnini kommuni sumik tunngavilersorneraa erseqqinnerusumik nassuiaqqullugu, tamatumunngalu atatillugu peqqinnissaqarfiup akissutaata nassinneqarissaa qinnutigaara.

Naggasiullugu oqaatigaara kommuni akissutaa A-mut suliami illua'tungiusumut tusarniaatitut saqqummiunneqarsinnaasoq."

Kommuni akissuteqarnissaanik allakkatigut 30. maj 2006-imeersutigut eqqaasippara.

Kommuni 12. juni 2006-imi imatut akivaanga:

"Suliaq qulaani taaneqartoq pillugu akissutitut allakkat ...-mut aamma A-mut mailikkut nassiunneqarsimasut K Kommunip matumuuna nassiuissavai.

Akissutitut allakkanit K Kommunip naammagittaalliummik itigartitsinera aamma A-mut siusinnerusukkat allagaasimasunut innersuussineq erserput.

Mailip allakkallu assilineri ilanngullugit nassiunneqarput." (Atorfeqarfimmi nutsigaavoq)

Kommuni eqqartuussissuserisumut ...-mut e-mailikkut nassiusaata 26. maj 2006-imeersup naqitanngortinneqarnera imaattunik oqaasertaqarpoq:

"Hej ...

Sianinginnavit K Kommunip suliaq A-mut tunngasoq pillugu akissutaa matumuuna nassiuppara.

K Kommunip akissutitut PIP-imut allakkat 13. maj 2005-imi nassiuppai, taakkunanilu suliaq tamarmi allaaserineqarsimavoq. K Kommunip kommunaldirektør ... isumasioqatigereerlugu allakkani 13. maj 2005-imeersuni allaaserineqartut aalajangiisimavai. Aammattaaq tamanna KANUKOKA isumasioqatigalugu pivooq.



K Kommuniq qaammatini pingasuni akissarsiassanik piumasaaqateqarneq matu-muuna itigartippaa." (Atorfeqarfimmi nutsigaavoq)

Kommuniq sulisoqarnermut pisortaata KANUKOKA-mik 10. maj 2005-imi oqaloqatiginnineq pillugu allakkiaa imaattoq kommunip akissutaanut ilanngullugu aamma nassiunneqarpoq:

"Pineqartoq: KANUKOKA-mi ...mik oqarasuaatikkut oqaloqateqarneq pillugu allakkiaq.

Oqaloqatigiinneq kommunaldirektørip allaffiani ingerlanneqarpoq. Piffissaq oqaloqatigiiffik: Ullumikkut nal. 15.50.

Kommunaldirektørip aallarniilluni suliami immikkoortut pingaarnerit saqqummiuppai. Suliami illua'tungiusup isumaanik tusarniaanerup kingulliup ingerlasimamera itisileqqaa. PIP kingusinnerusukkut qisuariarpoq, tamannalu ...-mut nalunaa-rutigineqarpoq.

... K Kommuniusuuguni qanoq iliorsimassagaluarnerminik toqqaannartumik aperi-neqarami akivoq peersitsineq paasissutissat pigineqartut tunngavigalugit aalaja-ngiusimassagaluarlugu.

..." (Atorfeqarfimmi nutsigaavoq)

Kommuniq Perorsaasut Ilinniarsimasut Peqatigiiffiannut allagaasa 13. maj 2005-imeersut assilinerat qulaani issueqartoq kommunip akissutaannut aamma ilanngunneqarsimavoq.

Kommuniq akissutaata ilanngussartallip assilinera A-mut 16. juni 2006-imi nassiuppara.

A-p suliami illua'tungiusutut oqaaseqaataa imaattoq 28. august 2006-imi tiguara:

"Suliap matuma annertunerusutigut ataqatigiinneqarnera isigissallugu pingaarluinnartuuvoq. Tassalu imaappoq K Kommuniq naammaginanginninnik imaluunniit torringinninnik isiginnilersitsiniarluni soqutigisaqarnera suliap matuma ingerlanerani qitiulluinnarsimasoq. K Kommuniq ullumikkumut allaat allanit allaanerusu-mik piniarsarivaanga siusinnerusukkut toqqaannartumik pisortarisimasama suliap uangalu inuttut pillunga saqqummiussinerinnaanik tunngaveqarniarnermigut. Allatut oqaatigalugu K Kommuniq funktionæritut erseqqilluinnartumik pininnaatitaaf-fikka sumiginnarsimavai, suliap K Kommunimilu siusinnerusukkut toqqaannartu-mik pisortarisimasannut aporaannerpassuit pillugit uanga saqqummiussinerna su-liap ataqatigiinneqarneranik nassuiaaqataasinnaasup uannullu iluaqtaasinnaasup ilanngutinngilluinnarneratigut.

Uanga soqutigisariaaannarsimavara tamanna pisortarisama tunaartarisassanik su-liamik matuminnga suliarinninnermut atatillugu malinninnerata qulakkeerneqarnis-saa. Tamatumalumi aamma nassatarisimavaa uanga taamanikkut pisortarisimasan-nut arlaleriarlunga allattarsimanera, "aalajangiinerit" assigiinngitsut qanoq iliorluni pisimanerisa uppernarsarneqarnissaannik kissaateqarfiusunik - uangali tusarniaavi-gineqanngilluinnarlunga imaluunniit ataatsimiinnissanik taamani atorfeqartitaanin-nut pingaaruteqartunik ilisimatinneqanngilluinnartarlungalugu. Taamaattumik suliap

tamarmi pisimasuinnik sangutitsinertut isikkoqassagalarpoq uannut inuttut eqqungitsumik pasilluiterpassuit akinissaannut periarfissinneqanngikkuma.

Taamaattumik suliaq tamarmi matuminnga sunnerneqarsimasutut isikkoqarpoq, tassalu uanga pillunga aalajangiinerit illersorneqarsinnaasumik pisimanerannik, pisinnaatitaaffinnik eqqortitsuunerannik uppernarsaaseeqqusinikka tamaasa sulisitsisora tamatuma kingornatigut ataatsimeeqattaartarsimavoq, sulisitsisoq naapertuilluartutut avammut saqqummersinnaaqullugu. Erseqqissassavarali suliami sukkuluunniit peqataatinneqarsimannginnama. Taamaattumik aalajangiinerni tunngaviit suut tunngavigalugit suliap uannut tunngasup aalajangiivigineqartarneri naliliivigineqartarneriluunniit imaluunniit suliaq pillugu allakkakka ilanngunneqartarsimanerut ilisimasimanngisaannarpara!

Uanga inuttut pillunga suliffinnut atatillugu annertunerusumik annikinnerusumiluunniit isertuussat (tak. ilanngullugit nassiunneqartut) ilumut qulaajartinniarsimagalarpakka - siusinnerusukkut sulisitsisorisimasanna ataasiarluniluunniit qisuariarfigineqanngitsumik. K Kommunip suliami matumani nipaannerujussuani iperangippagu, aap, taava nalulissavara suliani matumani suna eqqortuunersoq eqqungitsuunersorluunniit.

Assersuutigalugu siusinnerusukkut sulisitsisuma ulluunerani paaqqinniffiup misingersuutaanik atsiorsinnaatitaanngivillunga atonerluisimasutut pasilliinerpassui ilumut qulaajartinniarsimagalarpakka - siusinnerusukkut pisortarisimasama tungaanit ataatsimilluunniit qisuariarfigineqanngitsumik (tak. ilanngullugit nassiunneqartut). Taamaallilunga assersuutigalugu atera salinniarlugu uterteqqusarsimagalarpara. Nipaannerinnarsuaq aporfisarsimavara.

Toqqaannartumik pisortarisama suli siusinnerusukkut taamanili ingerlatsivimmi qullerpaatut pisortaaasumut saaffiginnissutiga naammagittaalliuutigisimavaa (tak. ilanngullugu nassiussaq). Tassani siusinnerusukkut sulisitsisunnit K Kommunimut iluoorfiginninngitsutut naqissuserneqarpunga. Sulisutut isumaqaraanni pissutsini ataatsimoortuni naapertuilluarnerusumik qulakkeerisumik aaqqinneqartariaqartunik naliliivigeqqinneqartariaqartunilluunniit peqartoq isumaqaraanni qullerpaatut pisortarisamut saaffiginninneq periaasiunngila nalinginnaalluinnartoq? Pineqartoq tassaavoq atorfimmuut qinnuteqaat, siusinnerusukkut pisortarisimasama ilanngutinngitsoorsimasaa. Qinnuteqaatit saqqummiunneqanngitsoortut pillugit ajornartorsiummik tikkuuaaniarsimanngikkuma akisussaassuseqanngitsutut iliorsimassanngikkaluarama?

Kiisalu suliap oqartussaasunit eqqortunit aalajangiivigineqarnissaata tungaanut suliunnaarallarnissannik qinnuteqaatinnut tunngasoq aamma taasariaqarpara. Taamani toqqaannartumik sulisitsisorisama, meeqqat ukiumikkut akuleriillugit paaqqinniffimmi pisortatut soraarsitaasinnaanissannik suliaq qaammagini arlalinni ingerlatereersimavaa, suliamilu illua'tungiusup isumaanik allakkatigut tusarniaatit nutaat takkuttuarlutik. Ulluinnarni pisortarisama taamanikkut atorfinnit soraarsinneqarnisara ilumut siunertarisimappagu sooq suliinnarnissannut taama annertutigisumik soqutiginnittoqarpa? Malugalugu immikkut ilisimasalik tarnikkut qanoq inninnik suliffinnit suliunnaarallarnissannik pisinnaatitsisumik aamma naliliisimasoq.

Qulaani taaneqartut tunngavigalugit erseqqippoq pisinnaatitaaffikka K Kommunip sumiginnarsimagai:

- Oqaatigisakka K Kommunip misissorsimanngilai, oqaatigilluaannarluguli illua'tungerisama oqaatigisai kisiisa aallaavigisimallugit
- K Kommunip pisussaaffini suliami matumani iliuuserisaminik/aalajangiinermi-nik uppernarsaasersuinnnginnermigut sumiginnarsimavaa, taamaattumillu K Kommunip sunik tunngaveqarluni aalajangiisarsimaneri imaluunniit aalajangi-

nerit ilumut suliamut tunngassuteqartuuneri nalilissallugit uannut ajornarsisimal-luni.

Suliaq manna uannut nukissaataajaasimaqaaq, taamaattumillu suliap inaarneqar-nissaa qamanna pisumik kissaatigaara. Taamaattumik Ombudsmandi suliami qa-noq iliorlunga ingerlaqqissinnaanera pillugu siunnersueqqullugulu ilitersueqqu-niarpara. Matumani uanga tunginnit uanga ilaquuttamalu annersinneqarnitsinnut kii-salu pisinnaatitaaffimma sumiginnarneqarnerannut taamalu uanga inuttut eqqun-ngitsumik torinngitsumillu pineqarninnut taarsii vigeqqullunga piomasaaqateqarnera eqqarsaatigaara." (Atofeqarfimmi nutsigaavoq)

Kommunimut 14. september 2006-imi imatut allappunga:

"P.I.P.-mut siusinnerusukkut 13. maj 2005-imi akissutigineqartoq kommunip akissummini 12. juni 2006-imeersumi innersuussutigisaa suliaq matumuuna uterfi-gaara.

P.I.P.-mut allakkat taakku suliami allagaatini kommunimit 1. december 2005-imi tigusanni ilaapput allakkannilu 20. marts 2006-imeersuni kommunimut apequtikka aalajangersimasut akineqanngillat.

Suliami allagaatit allat assilinerinik A-p 14. august 2006-imi nassippaanga, tassu-nga ilanngullugit K Kommunimi ulluunerani paaqqinnittarfiata ...-mut allagai 22. marts 2005-imeersut, allakkatigut taakkunuuna suliunnaarallarsitaanissaminik qin-nuteqaataata itigartitsissutigineqarnera nalunaarutigineqarpoq.

P.I.P.-p qarasaasiakkut allagaanut 21. marts 2005-imeersunut akissutaassasoq naatsorsuutigaara.

Allakkanni 20. marts 2006-imeersuni apequtigisakka marluk allat suli akissuti-siffiginngilakka kommunilu qinnuigaara akissutissani sapinngisamik nukingisaaru-teqqullugu.

Apequtigisannut naammaginnartumik akissutisinniinnaruma Ombudsmandi makkuninna tungavilersuuteqassasoq kommunip naatsorsuutigisariaqar-paa,

- illua'tungiusup isumaanik tusarniaanermut 19. april 2005-imeersumut atatillugu A-p akissuteqarnissaanut taama sivikitsigisumik piffissaliinermut pissutsit qa-noq ittorpiaat tungavilersuutiginerlugit kommunip nassuiarsinnaanngikkaa aamma
- A-mut nakorsap nalunaarusiaanut 20. april 2005-imeersumut peqqinnissaqarfiup itisilikkamik nassuiaataanut allakkatigut uppersaammik kommuni pigisaqan-ngitsoq."

Kommunip e-mailikkut nassiussaa imaattoq 27. september 2006-imi ti-guara:

"A ... pillugu allakkasi ...-mik normoqartut tiguneqarnerat K Kommunip matu-muuna uppersarsarpaa. Suliaq ilisimasaqarfiginnginnakku sulisoqarnermullu siu-sinnerusukkut pisortaasimasoq 28. september 2006-ip tungaanut suliamut atatillugu angalammat ullup taassuma kingornatigut aatsaat akisinnaavassi.

Manna ilisimatitsissutaavoq" (Atofeqarfimmi nutsigaavoq)

Kommunimit tamatuma kingornatigut tusagaqannginnama kommuni-mut 24. oktober 2006-imi imatut allappunga:

"Allakkatigut 14. september 2006-imeersutigut kommunimut allakkatigut 20. marts 2006-imi apeqqutima marluusut akineqarnissaat eqqaasitsissutigaaara:

Allakkannut 14. september 2006-imeersunut atatillugu oqaatigaara:

„Apequtigisannut naammaginantumik akissutisinniinnaruma Ombudsmandi makkuninnga tunngavilersuuteqassasoq kommunip naatsorsuutigisariaqarpaa,

- illua'tungiusutut isumaanik tusarniaanermut 19. april 2005-imeersumut atatillugu A-p akissuteqarnissaanut taama sivikitsigisumik piffissaliinerminut pissut-sit qanoq ittorpiaat tunngavilersuutiginerlugit kommunip nassuiarsinnaanngikkaa aamma
- A-mut nakorsap nalunaarusiaanut 20. april 2005-imeersumut peqqinnissaqarfiup itisilikkamik nassuiaataanut allakkatigut uppersaammik kommuni pigisaqanngitsoq.“

Qarasaasiakkut 26. september 2006-imi allakkatigut kommunip akivaanga kommunip akissutissaa 28. september 2006-ip kingornatigut naatsorsuutigisinnaagiga.

Tamatuma kingorna kommunimit tusagaqanngilanga.

Tamanna tunngavigalugu kommuni qinnuigaara ullumikkumit sapaatip akunneri sisamat qaangiutsinnagit akissuteqaqqullugu.

Piffissaq taanna sioqqullugu kommunimit tusagaqanngikkuma suliami paasissutissat pigineqartut tunngavigalugit Ombudsmandip isummernissaa kommunip naatsorsuutigisariaqarpaa."

Kommunimit tamatuma kingornatigut tusagaqanngilanga.

*Tamanna tunngavigalugu imaattunik oqaaseqaateqarpunga:*

*"Soraarsitsinermut tunngaviusog*

*A kommunip allagaasigut 25. april 2005-imeersutigut soraarsinneqarpoq, sulinermut atatillugu 18., 19. aamma 20. april 2005-imi nalunaaruteqarnani suliar-tunngitsoornikkut unioqqutitsisimanini pissutigalugu.*

*Aalajangiinermi imaluunniit taanna sioqqullugu suliami illua'tungiusup isumaanik tusarniaanernit ersinngilaq A-p sulinnitsoorsimanerata saniatigut pissutsit allat kommunip aalajangiinermi pingaartillugit isiginiarsimanerai.*

*Allakkatigut paasissutissiissutigineqartut tunngavigalugit suliap ingerlasimanera A-p suliaminik ingerlatsineranik kommunip arlaleriarluni isornartorsiuteqarfigisimasaa soraarsitsinermut tunngavigisami ilaatinneqarsimanersoq aallaavigisinnaanngilara.*

*A-p suliami illua'tungiusup isumaanik tusarniaanermut akissutaani 20. april 2005-imeersumi oqaatigineqarpoq sulinnigiffeqarsinnaatitaanini A-p aallaavigisimagaa.*

*Tamanna pillugu oqaatigaara feeriarneq pillugu Inatsisartut inatsisaanni nr. 10-mi, 12. november 2001-imeersumi § 6, imm. 2-kkut aalaja-*

ngersarneqarmat sulisitsisup akissaateqarluni sulisuusooq isumaqatiginia-reerlugu feeriarnissap qaqugu pinissaa aalajangissagaa.

Taamaalilluni akissaateqarluni sulisup piffissat feeriarfissat nammineq aalajangersinnaanngilai.

Taamaattumik A-p feeriarnissamik kissaateqaraluarluni sulinngitsoorneranik nalunaaruteqarani sulinngitsoornertut kommunip isiginninnera isornartorsiuinissannut pissutissaqalersitsisinnaanngilaq.

Tulliullugu uanga paasinninnera unaavoq A-p sulinngitsoornerata napparsimanermik pissuteqarnera misissussallugu kommuni pissutissaqarsimasooq.

Tamanna pillugu aamma oqaatigaara sulisitsisup sulinngitsoortup napparsimaneq ersarissumik nalornissutigineqassappat napparsimaneq nakorsap oqaaseqaataatigut uppersaqqussallugu sulisitsisup piimasaqaatigisinnaagaa.

### Suliami illua'tungiusup isumaanik tusarniaaneq

Pisortani atorfeqartitaasut qinnuteqaataanngitsumik soraarsitsinerit pillugit suliani suliassat suliarineqartarnerat pillugu inatsimmi suliami illua'tungiusup isumaanik tusarniaasarneq pillugu § 19-imi malittarisassaq atuuppoq, taamatuttaarlu suliamut atatillugu unioqutitsinermut pineqaattissiissutitut qinnuteqaataanngitsumik soraarsitsinerit pillugit suliani oqartussaasup pissusiviusunik inatsiseqartitsinikkut naliliinera aamma oqartussaasup uppersaatinik naliliinera pillugit suliami illua'tungiusup isumaanik tusarniaanissamut annertusisamik pisussaaffeqarneq atuulluni.

Suliassat suliarineqartarnerat pillugu inatsimmi § 19 imaattunik oqaasertaqarpoq:

"§ 19. Suliassami (illua'tungiulluni) peqataasooq paasissutissanik aalajangersimasunik suliassami pisimasuinnut tunngasunik oqartussaasut pigisaqarnerannik ilisimasaqarsorinanngippat aalajangiisooqassanngilaq peqataasooq taanna paasissutissanik tamakkuninnga oqartussaasunit ilisimatinneqartinnagu oqaaseqaateqarnissaanullu periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqutaasussaassanngippata suliallu aalajangiiffiginissaanut annertuumik pingaaruteqarpata. Oqartussaasut oqaaseqaateqarnissamut taaneqartumut piffissamik killiliisinnaapput.

Imm. 2. Imm. 1-imi aalajangersagaq atortuussanngilaq

1) paasissutissat pissuserisaat suliassallu suussusia naapertorlugit tigumiariikat tunngavigalugit suliami aalajangiinissaq nangaanartutut isumaqarfiginanngippat,

2) kinguartitsineq kinguneqassappat suliassap aalajangiiffiginissaanut inatsisitigut killiliussap qaangerneqarneranik,

3) peqataasup taassuma suliassap aalajangiiffigineqarnissaata kinguartinneqarnissaanik soqutiginninnera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minneruttariaqartutut isumaqarfiginarpata.

4) kapitali 4-mi maleruagassiat malillugit peqataasoq taanna paasissutissanik suliassamut tunngasunik tamakkuninnga ilisimatinneqarnissamut pisussaannqip-pat,

5) paasissutissanik peqataasumut saqqummiussineq annertuunik ajornartorsiu-tissartaqassaaq, matumani aalajangernermi inuppasuit peqataasutut inissisimasut ilaatinneqartussaanerit pissutigalugu, imaluunniit

6) inatsisitigut immikkut ittunik aalajangersagaqarpat peqataasup aalajangiineq pitinnagu aalajangiinissamut eqqarsaatigineqartumut tunngaviusunik ilisimatinne-qarnissaanut pisussaalersitsisunik.

*Imm. 3. Naalakkersuisut maleruagassaliorsinnaapput suliassa qarfiit erseqqinne-rusumik taaneqartut, imm. 2, nr. 2-mi imaluunniit 5-imi aalajangersakkat nalingin-naasumik atortuuffigisassaat, imm. 1 -imi aalajangersakkami pineqartunut ilaatin-neqartussaannginnerannik."*

*Suliami illua'tungiusup isumaanik tusarniaasussaataaneq eqqortinne-qanngippat aalajangiinerup eqqortuussusia suliamik suliarinninnermi kukkunermit tassannga sunnerneqarsimanissaanik ilimaginninneq atuutis-saaq. Taamaattoqarpat oqartussaasoq suliamik suliarinnittoq tassaavoq kukkunerup aalajangiinermut sunniuteqarsimannginneranik uppernarsaa-sussaaq.*

*Suliami illua'tungiusup isumaanik tusaarniaanermi atorfeqartitaasoq oqartussaasup naammaginatsumik sivisussuseqartumik piffissalertaria-qarjaa. Piffissaliussaq sivikitsuararsuaq pisut qanoq issusiat apeqqutaatillugu suliami illua'tungiusup isumaanik tusarniaanngitsoornertut isigine-qartariaqarpoq.*

*Inatsisilerinermi periaaseq Danmarkimi atuuttoq, Kalaallit Nunaanni suliassat suliarineqartarnerat pillugu inatsisip suliarineqarnerani inger-latsineq pillugu inatsimmik Danmarkimi atuuttumik tunngaveqarluni sulia-rineqarsimasooq Kalaallit Nunaanni inatsisilerinermut aamma tunngaviu-tinneqartariaqartoq malillugu oqartussaasup sulisumik peersitserusunne-rata oqartussaasoq suliami illua'tungiusup isumaanik tusarniaanissamut pisussaaffiarsinnaanngilaa. Matumani Højsteret-ip eqqartuussutaa "Ugeskrift for Retsvæsen 2000"-mi quppernemi 1357-imi tulliinilu issuar-neqartoq innersuussutigaa.*

*Suliami matumani suliami illua'tungiusup isumaanik tusarniaanermi akissuteqarnissamut ullut marluk piffissaliunneqarsimapput.*

*Kommuni ullunik marlunnik piffissaliinermi pisutaasoq pillugu su-liami illua'tungiusup isumaanik tusarniaanermi ersertup, tassalu "suliap qanoq ittuussusia pissutigalugu ... annertuumik sivikillineqarsimasooq"-p saniatigut allamik paasiissutissiisimannilaq, taamatuttaarlu kommunip Perorsaatut Ilinniarsimasut Peqatigiiffiannut allakkamini 13. maj 2005-imeersuni oqaatigalugu "suliami pissusiviusut" taama sivikitsigisumik pif-fissaliinermut tunngavilersuutaasut.*

*Atorfeqartitaasup nalunaaruteqarnani sulinnitsoornerup nassatarisaa-nik soraarsitsissamaarnermik suliami illua'tungiusutut tusarniaavigine-qarnermini oqartussaasup suliami pissusiviusunik paasinninnera suliamilu*

*inatsiseqartitsinikkut tunngaviusut pillugit oqaaseqaateqarnissaminut, atorfeqartitaasup suliame illua'tungiusup isumaanik tusarniaanermut akissuteqannginnermini peqatigiiffimmut ilaasortaaffigisaminik attaveqarfigininnissaminut periarfissaqartinneqartariaqarneranik nassataqartumut naammaginatumik sivissusilimmik piffissaqartariaqarnera isiginiarlugu uanga paasinninnera unaavoq tusarniaanerup akissuteqarfiginissaanut ullunik marlunnik piffissaliineq naammanngitsoq.*

*Tamatuma kingornatigut piffissaliussaq sivikitsaq taanna suliap qanoq inernilerneqarneranut annertuumik sunniuteqarsimanersoq apequtaalerpoq.*

*Oqaatigaara A-p suliame illua'tungiusup isumaanik tusarniaanermut akissummini ilaatigut oqaatigigaa:*

*"Immikkoortoq 7.<sup>15</sup>*

*Tassunga tunngatillugu annerusumik akerusunnanga nalunaarutigissavara, PIP-p sinnerlunga tamanna pisariaqassappat tikikkumaarmassuk."*

*Tassannga erserpoq A peqatigiiffimmut ilaasortaaffigisaminut ikiortisarsiorsimasoq.*

*Tamatumunnga atatillugu tunngaviutittariaqarpara kommunip A-mik soraarsitsinnnginnerani peqatigiiffiup ilaasortaaffigineqartup akissuteqar-nissaa kommunip utaqqimaarsimanngikkaa.*

*Tamatuma kingornatigut uanga paasinninnera unaavoq suliame illua'tungiusup isumaanik tusarniaanerup akissuteqarfiginissaanut piffissaliussaq sivikitsup taassuma suliap aalajangiivigineqarneranut sunniuteqarsimannginnera kommunip uppersarsimanngikkaa, tamannalu tunngavigalugu manna nalorninartutut saqqummerpoq, tassalu A-p sulinnngitsoornera inatsisunik unioqqutitsisuunersoq, imaluunniit napparsimanermik pissuteqarami inatsisunik unioqqutitsisuunnginnersoq.*

*Tamatuma saniatigut pineqartoq tassaavoq A-p suliame illua'tungiusup isumaanik tusarniaanermut akissutaanut nakorsap oqaaseqaataata 20. april 2005-imeersup ilanngunneqarsimanera, tassanilu oqaatigineqarluni A 19. april 2005-imi nakorsiarnermi kingornatigut "ullumikkumiit" sapaa-tit akunnerini pingasuni sulisinnaanngitsoq, taamatuttaarlu nakorsap oqaaseqaataani oqaatigineqarluni A oqarsimasoq 21. april 2005-imit sulisinaasimanani.*

---

15. A-p suliame illua'tungiusup isumaanik tusarniaanermi assammik allataa suliame illua'tungiusup isumaanik tusarniaanermi "immikkoortoq 7"-imut innersuussisuuvoq: Taamaammallu akeqqullutit piumaffigissavakkit, PIP-p isumaqatigiissutaani suaniittumi, imaluunniit kalaallit inatsisaanni atuuttuni taamatut pissusilersornerit allassimava.



*Tamatuma nakorsap oqaaseqaataata qanoq erseqqinnerusumik paasi-sariaqarneranik kommuni peqqinnissaqarfimmuq tusarniaanissaanut pis-sutissaqalersippaa.*

*Peqqinnissaqarfiup oqaatigaa ulloq pineqartoq tassaasoq 21. april 2005, 21. april 2005-imiilli napparsimanermik nalunaaruteqarneq nakorsap oqaaseqaataani "nakorsiarneq tunngavigalugu ullumikkumiit sapaatit akunnerini pingasuni sulisinnaangilaq" pillugu paassissutissiissummut qanoq ililluni naapertuuttuunersoq peqqinnissaqarfiup oqaatiginngilaa.*

*Tamanna A-p suliami illua'tungiusup isumaanik tusarniaanermut akis-summini imatut oqarneranut ataneqartinneqartariaqarpoq:*

*"Immikkoortoq 8.<sup>16</sup>*

*...*

*Massakkullu tunngavissagissaarpunga ullumikkummi tunniuppara ilinnut Tarnip nakorsaata uppersarsaraa sap.ak. 3-t sulinnigiffeqassasunga, isumaqarpungali uani akissutigeqqusanni suna pillugu sulinnigiffeqarniarlunga akinissaa pisariaaruttoq, paasinarsereermammi tunngavissaqarluartunga."*

*Kommunip tamatuma kingornatigut manna naatsorsuutigisariaqarpaa, tassalu A napparsimasutut 18. april 2005-imi nalunaarsimalluni isumaqartoq, nakorsallu oqaaseqaataa A-p suliami illua'tungiusup isumaanik tusarniaanermut akissummut ilanngullugu nassiussani 18. april 2005 aallarnerfigalugu sulinniginnerminut atuuttoq, taamatuttaarlu nakorsap oqaaseqaataani 19. april 2005-imi A-p nakorsiarfiani sulinnitsoorneq pineqartoq nalornissutigineqarluni.*

*Kommunip suliami illua'tungiusup isumaanik tusarniaasussaatitaaneri ilaatigut uppersarsaatinik naliliineq pissusiviusunillu inatsiseqartitsinikkut tunngavissaliineq ilaatinneqarmata kommuni uanga paasinninnera malillugu pisussaaffeqarsimavoq A suliami illua'tungiusutut isumaanik manna pillugu immikkut tusarniaavigissallugu, tassalu kommuni peqqinnissaqarfimmuq tusarniaareerluni 18. aamma 19. april 2005-imi sulinnitsoornerit nalunaaruteqarluni sulinnitsoornertut isigissallugit tunngavissaqarani isumaqartoq.*

*Tamanna kommunip iliuuserinngitsoorsimavaa, uangalu paasinninnera unaavoq kukkunerup taassuma suliap aalajangiivigineqarneranut sunniuteqarsimannginnera kommunip uppersarsarsimannigikkaa.*

*Tassani aamma ilaavoq A-p 20. april 2005-imi nalunaaruteqarani sulinnitsoornera pissutigalugu kommunip A-mik soraarsitsisimanera.*

---

16.) A-p suliami illua'tungiusup isumaanik tusarniaanermi assammik allataa suliami illua'tungiusup isumaanik tusarniaanermi "immikkoortoq 8"-mut innersuussisuuvoq: K Kommunimit massakkorluinnaq soraarsitaassaait, uani tusarniaanermi ilumoor-tumik tunngavissalimmik akissuteqanngikkuit, allakkatigummi piumaffigineqar-simagaluarputit ataasinngorneq 18. april 2005 suliartussasutit, kiisalu sulinnitsoor-simaninnut suna pissutaasoq eqqortumik nalunaarutigisinnaangikkukku.

Ulloq taanna sulinnitsoorneq A-p suliame illua'tungiusutut isumaanik tusarniaavigineqarnerani ilaatinneqanngilaq.

Taamaattumik 20. april 2005-imi sulinnitsoorneq kommunip soraarsitsinermi tunngaviusunut atuussinnaassuseqartumik ilaatissinnaasimannigilaa.

### Tunngavilersuineq

Qinnuteqaataannigitsumik soraarsitsinermik (allakkatigut) aalajangiinerit suliassat suliarineqartarnerat pillugu inatsimmi § 24, imm. 1 aamma imm. 2 imaattunik oqaasertaqartut naapertorlugit tunngavilersorneqartussaapput:

"§ 24. Aalajangiinnermut tunngaviusumik nalunaarummi innersuussutigineqasapput inatsisini maleruaqqusat aalajangiinnermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaanik tunngaveqarpat tunngaviusumik nalunaarummi taaneqassapputtaaq pissutaasut pingaarnerusut isummat tamakku atornerannut aalajangiisuunerusut.

Imm. 2. Tunngaviusumik nalunaarummi pisariaqarpat naatsumik erseqqissarneqassapputtaaq paasissutissat suliame pissusiviusunut tunngasut aalajangiinnermi anertuumik pingaartinneqartut."

Kommunip aalajangiineranit erserpoq A nalunaaruteqarani sulinnitsoorsimaneramik kommunip "atorfeqartitaaninnik sumiginnaanermik suliffinnut atatillugu"-mik isiginninnera pissutigalugu soraarsinneqarsimasoq.

A eqqarsaatigalugu funktionærit pillugit inatsimmi soraarsitsineq pillugu malittarisassat atuupput, tak, isumaqatigiissummi § 52.

Funktionærit pillugit inatsimmi malittarisassat taakku imaapput:

"§ 2. Sulisitsisup funktionærilla sulineq pillugu isumaqatigiissutaat soraarsitsinermi/soraarniuteqarnermi taamaallaat atorunnaarsinneqarsinnaavoq malittarisassat ataani allassimasut naapertorlugit siuymoortumik ilimasaaruteqareernikkut. Tamatuma pissuseqataa atuuppoq sulineq pillugu isumaqatigiissutit atorunnaarfissaa sioqqullugu sulineq pillugu isumaqatigiissutit piffissamut aalajangersimasumut killilligaasup atorunnaarsinneqarnerani.

Imm. 2. Sulisitsisup tungaanit soraarsitsineq imatut sivikinnerpaamik piffissaqartitsilluni pissaq:

- 1) atorfinitsitsinerup kingornatigut qaammatini arfinilinni siullerni qaammatip naaneranut soraarnissami qaammammik ataatsimik piffissaqartitsilluni,
- 2) atorfinitsitsinerup kingornatigut qaammatit arfinillit qaangiunneranni qaammatip naaneranut soraarnissami qaammatinik pingasunik piffissaqartitsilluni.

Imm. 3. Soraarsitsinissamut imm. 2, nr. 2-mi piffissaliussaq atorfeqarnermi ukiut pingasukkaarlugit qaammammik ataatsimik sivitsorneqartassaaq, taamaattorli siviunerpaamik qaammatinut arfinilinnut." (Atorfeqarfimmi nutsigaavoq)

Piffissaliilluni soraarsitsineq pillugu malittarisassat pisuni sulisitsisup atorfeqartitsinermik atorfeqartitaasup unioqqutitsinera pissutigalugu ato-

runnaarsitsinissaminut pisinnaatitaaffiini atuutinngillat. Sulisitsisup atorfeqartitsinermik atorunnaarsitsinissaanut periarfissaq inatsisitigut aalajangersagaanngitsoq taamaattoq tjenestemandinut tunngasut avataanni atuuppoq.

Tamanna pillugu oqaatigaara nalunaaruteqarani sulinngitsoorneq pisut qanoq ittuunerat apequtaatillugu soraarsitsinissamut pissutissaqalersitsinnaasoq. Pingaartumik pisuni nalunaaruteqarani sulinngitsoornerup ulunik arlalinnik sivilissuseqarfiani, imaluunniit sulinngitsoorneq sulisitsisup atorfeqartitaasumik suliartoqqusinerata kingornatigut pisimappat, sulinngitsoornerlu taamaalilluni naalasseriitsulionertut iluseqalerpat soraarsitsineq pissutissaqarsinnaavoq.<sup>17</sup>

Sulisup sulinermut atatillugu unioqqutitsinera pissutigalugu soraarsitsinissamut isumaqatigiissutikkut aalajangersarneqarsimasumit sivikinnerusumik piffissalerlugu soraarsinneqarnissaa, matumani peersinneqarnissaa ilanngullugu eqqarsaatigalugu, oqartussaasup kissaatigippagu pineqaattissiissummik toqqaaneq naliliinermik oqartussaasup tunngavilersuummi nassuiartariaqagaani aallaavittut tunngaveqartussaassaaq, tak. Folketingip Ombudsmandiata 1991-imi ukiumoortumik nalunaarutaani qupperneq 219.

Kommunilli aalajangiinerani isiginiagassat suut isumaqatigiissutikkut aalajangersagaasumik piffissaliussap saneqqunneqarnissaanut tunngavilersuutaasimanersut takuneqarsinnaanngilaq, isumaqarpungalulu tamanna kommunip suliamik suliarinninnerani kukkunerusoq.

### Suliami paasissutissat nutaat

Perorsaasut Ilinniarsimasut Peqatigiiffiata kommunimut allagai 4. maj 2005-imeersut suliap paasissutissat nutaat suliamillu suliarinninnermi kukkuneq pissutigalugit suliareqqinneqarnissaanik qinnuteqarnertut isigisariaqarput.

Peqatigiiffiup paasissutissanik nutaanik saqqummiussinera eqqarsaatigalugu oqaatigaara Dronning Ingridip Napparsimmavissuata tarnikkut napparsimasunut immikkoortortaqarfiata A-mut allagaani 3. maj 2005-imeersuni oqaatigineqartoq A napparsimanini pissutigalugu 18. april 2005-imit sulinnginnissaminut pisinnaatitaasoq.

Kommunip suliamik suliarinneqqinnissaq allakkamini 13. maj 2005-imeersuni itigartitsissutigaa, paasissutissallu nutaat ilanngunneqarnissaannik apeqqut pillugu oqaatigalugu:

"K Kommuni nakorsap naliliineri pillugit oqalliseqataasinnaaniluunniit oqalliseqataassanngilaq, taakkumi kingusinnerusukkut saqqummertarsimmamata imaluunniit nakorsap oqaaseqataani peersitsinermut tunngaviusumi erseqqissumik al-

17. Lars Svenningsen, Funktionærret, pingajussaaniq naqitertitaq, Jurist- og Økonomforbundets Forlag 2004, qupperneq 706

laaserineqarsimallutik. K Kommuni taamaallaat paasissutissat taakku aallaavigalugit iliuseqarsinnaavoq." (Atorfeqarfimmi nutsigaavoq)

Tamanna pillugu oqaatigaara innuttaasoq suliap suliareqqinneqarnissaanik inatsisit tunngavigalugit aallaavittut piunasaqaateqarsinnaatitaasoq, paasissutissat nutaat suliamut ima pingaaruteqartigisut saqqummernepata, paasissutissat taakku suliap oqartussaasumit isummerfigeqqaarne-rani pigineqarsimasuuppata suliap allatut inernilerneqarnissaa ilimanaateqarsinnaalluni. Paasissutissat nutaat taakku kingusinnerusukkut saqqummernerat suliami illua'tungiusup tunngavilersorsinnaaneraa pissutsit qanoq ittunerat apeqqutaatillugu pingaartillugu aamma isiginiarneqartariaqarpoq.

Tamatumunnga atatillugu uanga paasinninnera unaavoq pisortani atorfeqartitaasoq soraarsinneqartoq paasissutissanik nutaanik pineqartup soraarsitsineq sioqqullugu suliami illua'tungiusup isumaanik malittarisassat malillugit tusarniaanermut atatillugu ilanngutissallugit periarfissaqarfigi-simasaminik kingusinnerusukkut saqqummiussiguni suliap soraarsitsinermut tunngasup suliareqqinneqarnissaanik piunasaqaateqarsinnaatitaanera nalorninaateqartoq.

Suliami matumani suliami illua'tungiusup isumaanik tusarniaaneq A-p akissuteqarnissamut naammaginangitsumik piffissalerlugu ingerlanneqarsimanagera isiginiarlugu, tak. qulaani oqaaseqaatikka, isumaqarpunga 18. april 2005-imi napparsimalluni sulinngitsoorneq pillugu nakorsap oqaaseqaataata Perorsaasut Ilinniarsimasut Peqatigiiffiata kommunimut allagaanut 4. maj 2005-imeersunut atatillugu saqqummerner A-mut as-suarliutigineqarsinnaanngitsaq.

Taamaattumik isumaqarpunga kommunip suliaq Perorsaasut Ilinniarsimasut Peqatigiiffiata paasissutissiisutai nutaat pissutigalugit suliareqqis-simasariaqaraluaara.

### Egikkaallunga oqaaseqaatikka

Uanga paasinninnera unaavoq nalunaaruteqarani sulinngitsoorneq pi-sortani atorfeqartitaasumik soraarsitsinermut, immaqalu peersitsinermut, tunngaviusinnaasoq.

Tamatumunnga peqatigitillugu uanga paasinninnera unaavoq ingerlat-sineq pillugu inatsiseqartitsinermi suliami illua'tungiusup isumaanik tusar-niaasarneq pillugu tunngaviit saneqqunneqarsinnaanngitsut, suliaq atorfi-nitsitsinermi oqartussaasup naliliinera malillugu naalasseriitsuliornermi qisuariaatitut peersitsinermut pissutissaqartitsigaluarpuunniit.

Kommunip A-mik soraarsitsinera pillugu suliami kommunip suliami il-lua'tungiusup isumaanik tusarniaanermi akissuteqarnissamut ima sivikitsi-gisumik piffissaliisimavoq A sooraarsitsinissaq pillugu oqaaseqaateqar-nissaminut uanga paasinninnera malillugu naammaginangitsumik piffis-salerlugu.

*Tamanna isorisariaqartutut isigaara.*

*Tamatumunnga peqatigitillugu suliami illua'tungiusup isumaanik tusarniaanerup akissuteqarfiginissaanut kommunip taama sivikitsigisumik piffissaliisimanerata suliamut sunniteqarsimaneranik kommunip ilimannarunnaarsitsisimanninnera pineqarmat kukkuneq qanoq iliorluni aaqqineqassanersoq kommunip isummerfigissagaa inassuteqaatigaara, tassami soraarsitsineq tamanna tunngavigalugu atuussinnaassuseqanngitsutut saqqummermat.*

*Tulliullugu isumaqarpunga A-p sulinngitsoornerata nappaammik pissuteqarneranik apeqqut kommunip erseqqinnerusumik misissorsimasariaqaraluaraa.*

*Tulliullugu uanga paasinninnera unaavog isumaqatigiissummi soraarsitsinissamut piffissaliussamik saneqqutsinermut kommunip tunngavilersuutaa amigaateqartoq, tamannalu ajuusaarnartuuvoq.*

*Kiisalu isumaqarpunga kommunip suliamik Perorsaasut Ilinniarsimasut Peqatigiiffiata allagai 4. maj 2005-imeersut tunngavigalugit suliarinneq-qissimanninnera isorisariaqartuusoq.*

*A allakkatigut allatigut allakkat ukua assilinerannik ilaqartinneqartutigut suliamik paasinninninnik ilisimatippara."*

**K** Kommunimit ukiup nalunaarusiuunneqartup naanerani suli tusagaqanngilanga.

## 49. Akiliisitsiniarnermik nalinginnaasutigut suliaqarneq

### 1. Aappariinnut pisortanit ikiorsiissutit pillugit apeqqut

*Aningaasanik A-p utertillugit akilerneqartussaataaannngitsutut isigisaanik K Kommunip pinngitsaaliilluni akiliisitsiniarnermik aallartitsisimanera pillugu A-p naammagittaalli uutaa Ombudsmandip K Kommunimi tikeraarnermini tiguaa.*

*Kommunillu pisortanit ikiorsiissutit utertitassanngortillugit ikiorsiissutigineqarsimasut piffissap isumaginnineq pillugu inatsiseqartitsineq tunngavigalugu utertitsilluni akiliiffissatut aalajangersarneqarsimaneranik uppernarsaatit qulakkeeqqaarnagit akilersuinissamillu isumaqatigiissutaasimasoq unioqqutillugu pinngitsaaliilluni akiliisitsiniarnermik aallartitsisimanera Ombudsmandip isorisariaqartutut isigaa. Taamaattumik Ombudsmandip inassuteqaatigaa aningaasat akilersinniarneqarnerannik suliaq kommunip suliareqqissagaa, kukkussutigineqarsimasut aaqqinneqarnissaat siunertaralugu.*

*Aningaasat 12.656,09 kr.-t eqqarsaatigalugit Ombudsmandip tunngaviutippaa aningaasat taakku A-mut pisortanit ikiorsiissutitut ikiorsiissutigineqarsimasut, aningaasallu taakku pisortanit ikiorsiissutigineqarsimasut katillugit 25.732,57 kr.-iusut kommunip aappariinnut avillugit ikiorsiissutigisimasaasa ilagigaat.*

*Kommunip pinngitsaaliilluni akiliisitsiniarneq pillugu allagaasa ingerlatsineq pillugu inatsiseqartitsineq tunngavigalugu aalajangiinerusut kukkunernik imaqarnerat aningaasallu suut aappariit arlaannut kimut akilersinniarneqarnerannik oqaatiginninnerat Ombudsmandip ajuusaarnartutut isigaa.*

*Kommuni suliani akiitsunut tunngasuni innuttaasunut pineqartunut namminernut siunissami allattassasoq Ombudsmandip inassuteqaatigaa. (J.nr. 11.10.49.19/118-05)*

Kommunimi 23. november 2005-imi tikeraarninni A sulisuma ilaata oqaloqatigaa, allakkiamillu tamatumunnga atatillugu suliarineqarsimasumit makku erseput:

"A-p qtermigut 1996-imi ajoqusernermini aningaasaqarnikkut tamatuma kingornatigut ajornartorsiuteqarnerminik aaqqiiniarnermini K Kommunip piffissap sivisunerusup ingerlanerani akornusiisimanera naammagittaalli uutiginiaarpaa.

...

A-p kommuni pillugu oqaatigaa qtermigut ajoqusernermi nassatarisaanik piffissami sivisuumi sulisinnaannginnermini kommunip inerneqarmut akiliutinut pisortanit ikiorsiissutinik ikiorsertarsimagaani.

Kommunip akiliisitsiniartarfiata A tamatuma kingornatigut nalunaarfignisimavaa ikiorsiissutigineqartut utertillugit akilerneqassasut, A-lu akissarsiami 33 1/3-iinik massakkut ilanngaanneqartarpoq.

A ilitsersorpara pisortanit ikiorsiissutit pillugit Inatsisartut peqqussutaanni § 10, imm. 2-kkut aalajangersarneqarmat pisortanit ikiorsiissutit utertitassanngorlugit tunniunneqarnissaat piumasaqaataassappat tamanna ikiorsiissutit akuersissutigineqarnerannut atatillugu aalajangersarneqassasoq, tassa pissutsit taamatut piumasaqaateqarnermut tunngavilersuutaasut ikiorsiissutit tunniunneqarneranni ilisimaneqarpata.

Isumaginninnermi Naammagittaalliuteqartarfimmut naammagittaalliornissamut periarfissaq utertitsillunilu akiliinissamik piumasaqaat pillugu aalajangiineq Naammagittaalliuteqartarfimmit suliarineqarsimanngippat utertitsilluni akiliinissamik aalajangiineq pillugu naammagittaalliummik suliarinnissinnaannginnera tamatumunnga peqatigitillugu ilitsersuutigaakka.

A isumaqarpoq Naammagittaalliuteqartarfimmut naammagittaalliorsinnaanermik ilitsersorneqarsimanani, tamatumunngalu peqatigitillugu isumaqarluni utertitsilluni akiliinissamut pisussaaffeqarneq kisiat akiliisitsiniartarfiup ilisimatitsissutigisimagaa.

Oqaatigaara isumaginninnermik ingerlatsivimmi akiliisitsiniartarfimmilu A pillugu suliat misissorsniarikka, A-lu tamatuma kingornatigut nalunaarfiginiariga suliani A-mut tunngasuni A-p paasissutissiissutaanut atatillugu pissutsinik Ombudsmandip misissorsinnaasaanik peqarnerasoq.

Naammagittaalliuteqartarfimmut naammagittaalliornissamut suli periarfissaqarpata (pingaartumik naammagittaalliorsinnaaneq pillugu ilitsersuisimannginnerup nassatarisaanik) naammagittaalliut Naammagittaalliuteqartarfimmut ingerlateq-qillugu nassiunniarpara."

### Kommunimut 16. januar 2006-imi imatut allappunga:

"Kommunip isumaginninnermik ingerlatsiviata aamma akiliisitsiniartarfiata suliaatai A-mut tunngasut massakkut misissoreerpakka, aalajangerpungalu pisortanit ikiorsiissutit utertillugit akileqquneqartut pinngitsaaliissummik akilersinniarnissaanut kommunip tunngavigisaata erseqqinnerusumik misissuiffigineqarnera aalartinniarlugu.

Misissuinnini pineqartorpiaq tassaavoq A-p sulisitsisuanut unerartitseqqusissut 9. maj 2005-imeersoq.

A unerartitsisoqarnissaanik aalajangiisoqarnera pillugu ulloq taanna allakkatigut ilisimatinneqarsimavoq.

A-mut allakkanit ersepoq unerartitaaq ilaatigut pisortanit ikiorsiissutitut utertitasatut ikiorsiissutigineqarsimasunut matusissutissaasut: Pisassarisat 9.347 kr.-nik aningaasartaqartut aamma pisassarisat 12.656,09 kr.-nik aningaasartaqartut.

Isumaginninnermi ikiorsiissutigineqarsimasut utertillugit akilernerneqarnissaat piumasarineqartut eqqarsaatigalugit kommunip suliami allagaataani allani pisassarisat suut pineqartut suussusersisinnaasimanngilakka. Kommunip A-mut allagaanit aamma ersepoq pisassarisat 12.656,09 kr.-nik aningaasartallit inuup normuanut ...-mut tunngasusut, taannalu paasissutissiissutigineqartut malillugit tassaavoq A-p nulia.

Taamaattumik kommuni qinnuigaara pisassarisat suut pineqarnerat, aamma utertitsilluni akiliisussaataitanerup atuutilersimaneranik kommunip suna tunngavigalugu aalajangiisimanagera pillugit nassuiaateqaqqullugu.

A-p nulia pillugu utertitsilluni akileeqqusineq eqqarsaatigalugu kommuni qinnuigaara aningaasat taakku A-mut akilersinniarneqarnerannut inatsisitigut tunngavisoq pillugu nassuiaateqaqqullugu.

Kommunip akissutaa A-mut suliami illua'tungiusumut taassuma isumaanik tusarniaatit saqqummiunneqarsinnaavoq."



Kommunip pinngitsaaliilluni akiliisitsiniartartuata allakkatigut 30. januar 2006-imeersutigut imatut akivaanga:

"Matumuuna pisassarisat suut pineqarnersut aammalu utertitsilluni akiliisussaati-taanerup atuutilersimanera suna tunngavigalugu aalajangiisimaneq pillugit nas-suaateqassaanga.

Kommunip pisassarisai utertitassanut tunngasut pineqarput ukuusut:

Kr. 9.328,41 (kr. 9.347,00-ngitsut) ulloq 7/11-2003-imi aammalu 13/1-2004-imi utertitsinissamik akuersaarnermik atsiorsimasai ineqarnermut akiliutinut tunngasut.

Kr. 12.656,09 ulloq 7/11-2003-imi utertitsinissamik akuersaarnermik atsiorsima-saat marluullutik.

Ikiorsiissutit utertitassat kr. 25.732,57 ulloq 7/11-2003 atsiugaat marluullutik, akiligassanngorneqarsimapput avillugit imatut: affai 12.866,28 kr.-t A-mut ikkunne-qarsimapput, affailu kr. 12.866,29-nillu ...-mut ikkunneqarsimallutik. Uffalu kimut ikkunneqarneri apequtaanngitsut tamarmik atsiornikummassuk sorlermi akiligas-sanngoqqagaluarpata apequtaanngitsaq, atsiogatigiinnikummata marluullutik utertitsinissamik pisussaaffeqarput.

Ulloq 9/5-2005 A nulialu ... aningaasarsiaaniik ilanngaasiunneqarsimapput, pis-utigalu ulloq 01/02-2005 isumaqatigiissutegarsimammata A aningaasarsiorfeqaler-pat akilersuinissamik isumaqatigiissusiorartussallutik, kisiannili taamaaliorsiman-ngimmata akiliisitsiniartarfimmiik pinngitsaalissummik ilanngaasiunneqarsimapput unioqutitsimmata/eqquutsitsinngimmata isumaqatigiissummik atsiorsimasamin-nik, eqqartuussisarnermi inatsit kap. 7 § 12 tunngavigalugu."

Kommunimi isumaginninnermik ingerlatsiviup 1. februar 2006-imi ima-tut akivaanga:

"Ikiutinik utertitassanik ikiorsiisimanermik uppernarsaatit piumasarineqarsima-sut nassiunneqarput imatullu nassuaatitaqarput.

#### Bilag 1

Inimut akiitsorilersimasanut annertussuseqartut 25.732,57 kr. ikiorserneqarnissa-mik qinnuteqaat aallaavigalugu pisarnertut qaammatit pingasut naatsorsuutit inger-lanneqarput, naatsorsuutillu ingerlanerani paasinarsivoq pineqartut akissaqaraluar-lutik akiliisarsimangitsut.

Tamanna aallaavigalugu inunnik isumaginnittoqarfimmi sulisut tassunga attuu-massutillit ataatsimiinnerini saqqummiunneqarput ulloq 14. okt. 2003 tassanilu aali-angerneqarpoq qinnuteqaat inunnik isumaginnittoqarfimmi ataatsimiititaliamut so-cialudvalgimut ingerlanneqassasoq. Aammalu inuttasi piumaffigineqassasut alla-ngaqarlutik socialudvalgimut qinnuteqarnissaa tamannalu pineqartuniit naammassi-neqarsimavoq.

Ulloq 15. okt. 2003 qinnuteqaat ataatsimiititaliamut ingerlanneqarpoq ikiuutit utertitassatut innersuussutitalimmik, una toqqammavigalugu, LTF. nr. 10, 1. nov. 1982 Kap 3, § 10, stk. 3 najoqqutaralugu imatut allaqqasoq, "Inuk aningaasanik aqutsinermigut suliffeqarnermigullu naammaginngitsumik iliuuseqarsimanini aallaavigalugu ikiorserneqartariaqalersimappat." Taannalu toqqammavigalugu inun-nik isumaginnittoqarfimmi ataatsimiititaliap akuersissutigisaanik ikiuutinik uterti-tassanik ikiorserneqarlutik.

Iisimatitsissutigissuara pineqartut ikiorsiissutit avillugit ikiorserneqarsimamata affai A-mut affaalu inooqataanut, taamaallitutik tamarmik immikkut 12.656,09 kr.

## Bilag 2

Paasissutissat aningaasat taaneqartumut 9.347 kr. tunngassutillit maanga inunnik isumaginnittoqarfimmut attuumassuteqanngimmata iliuuseqarfiginngilakka.

Paasissutissanik annertunerusunik perusukkussi attavigisinnaavassinga."

## Ilaqutariinnermut Pisortaqarfimmut 15. maj 2006-imi imatut allappunga:

"Naammagittaalliut pillugu suliamik aalajangersimasumik suliarinninnunat atatillugu maluginiarpara kommuni aappariinnut pisortanit ikiorsiissutinik tunnius-sinnaanera imaluunniit aappariit ikiorsiissutigineqartunik utertitsillutik akiliiner-minni nammaqatigiillutik akisussaasunnortillugit piumasaqaatinik aalajangersaa-sinnaanera nalorninarqortoq.

Utertitsilluni akiliiumanermik uppersartaat suliami pineqartumi utertitsilluni akileeqqusinermut tunngaviusup assiliner pisortaqarfimmut isumaliutersuutigeqqi-tassatut ilanngullugu nassiuppara.

Tamatumunnga atatillugu pisortaqarfik qinnuigaara manna nassuiaqqullugu:

Pisortanit ikiorsiissutit pillugit Inatsisartut peqqussutaanni § 1-imit ersepoq:

”§1. Kinaluunniit Kalaallit Nunaanni najugaqartoq imminut ilaqtaminullu inuu-tinniarsinnaanngitsoq imaluunniit napparsimatilluni peqqissarnissakkut imminut paaqutarineqarnissakkullu isumagisinnaanngitsoq ilaqtaminillu isumaginnissin-naanngitsoq allatigulluunniit peqqussummi matumani piumasarineqartut malillugit ikiorsertariaqalersoq, pisortanit ikiorserneqartussaataavaoq.”

Inatsisissatut siunnersuut piareersarlugu sulianit ersepoq aalajangersakkap is-suarneqartup Landsrådip ileqqoreqqusaani siusinnerusukkat atuuttumi § 2 assigigaa.

Tamatuma saniatigut Inatsisartut peqqussutaanni § 10-mit ersepoq utertitsilluni akiliinissaq pillugu piumasaqaatit inummut ataatsimut tunngatillugit aalajangersar-neqartassasut.

Landsrådip ileqqoreqqusaani siusinnerusukkat atuuttumi § 4 inummut ilaqu-tariinnullu ikiorsiissutit inummut imaluunniit ilaqutariinnut aningaasanik ikiorserne-qarnissamik pisariaqartitsisunut tunniunneqartarnerat pillugu immikkut malittarisas-samik imaqqarpoq.

Ilaqutariinnut aningaasanik ikiorsiissuteqartarneq pillugu immikkut malittarisas-saq taanna pisortanit ikiorsiissutit pillugit Inatsisartut peqqussutaatigut atorunnaar-sinneqarpoq.

Tamanna tunngavialugu pisortaqarfik qinnuigaara pisortanit ikiorsiissutit pillu-git Inatsisartut peqqussutaat tunngavialugu ikiorsiissutit utertillugit akilernerqarnis-saannut aappariinnut nammaqatigiilluni akisussaaffiliisumik akiliinissaannut piu-masaqaatitalimmik aappariit ikiorserneqarsinnaanerat pillugu nassuiaateqaaqullugu.

Inatsisartut peqqussutaat aappariinnut ikiorsiinissamut periarfissiinngippat pisor-taqarfik qinnuigaara manna pillugu nalileeqqullugu, tassalu utertitassanngorlugit imatut ikiorsiineq Inatsisartut peqqussutaannut naleqqutissanersoq, ikiorsiissutit utertillugit akileqqunissaannut Inatsisartut peqqussutaanni § 10-mi piumasaqaatit taaneqartut saniatigut ikiorsiissutit utertillugit akilernissaannut aappariit nammaqa-tigiillutik akisussaaffilernissaat piumasaqaatigalugu."

## Pisortaqarfiup 26. maj 2006-imi imatut akivaanga:

"Inatsisartut Ombudsmandiata 15. maj 2006-imeersunik allagaqarluni Ilaqutariinnermut Pisortaqarfik qinnuigaa nassuiaqqullugu pisortanit ikiorsiissutit pillugit Inatsisartut peqqussutaat inatsisitigut tunngavigalugu aappariinnut ikiorsiisoqarsinnaanersoq taarserlugit akileqquneqarsinnaasunik taamaalilluni aappariit ikiorsiissutit taarserlugit akilernissaannut nammaqatigiittussanngorlugit.

Ilaqutariinnermut Pisortaqarfiup tassunga oqaatigisinnaavaa pisortanit ikiorsiissutit pillugit Inatsisartut peqqussutaat nr. 10, 1. november 1982-imeersoq malillugu ikiorsiissutit ataasiakkaanut ikiorsiissutaammata qinnuteqaateqartunut ataasiakkaanut aappariinnuunngitsorlu akuersiissutigineqartartut. Tamannattaq atuuppoq taarserlugit akiligassanngorlugit ikiorsiissutinut, takuuk pisortanit ikiorsiissutit pillugit Inatsisartut peqqussutaanni § 10.

Ilaqutariinnermut Pisortaqarfiup erseqqissassavaattaq ikiorsiissutigineqarsimasunut aappaasup taarsiilluni akiliinissamut uppernarsaalluni atsiogataasussaanera kommuniniit piumasaaqatigineqarsinnaanngimmat. Kisiannili Inatsisartut peqqussutaat malillugu ajornaqutissaqanngilaq aappaasup taarsiilluni akiliinissamut uppernarsaammi atsiogataasinnaanera."

Suliap ingerlasimanerani tamatuma kingornatigut makku tunngaviutisinnaavakka:

Isumaginninnermik ingerlatsiviup allakkiami 10. oktober 2003-meersumi oqaatigaa A nulianilu ... ulloq taanna isumaginninnermik ingerlatsivimmuut ornigullutik saaffiginissimasut. Allakkiamit tassanga erserpoq:

"101003/...

A nulianilu iserput ikiorneqarsinnaanerlutik paasiniaallutik inimut akiittoqarput 25.732,57 kr pappilissat nassataat aallaavingalungit qaammatini pingasuni naattorsuupakka tamarmik pluseqarput. Nassuiaapput inuuniarnerminni assut ajornartorsiorlutik allaat akiligassatik malinnaaffigisinnaajunnaarsimallungit.

Aamma oqaluttuarput siorna pisimasunik ajortumik ingerlatinneqarsimallutik allaat suna tamaat aqusaarsimallungu qinnutsittariaqartarsimallutik. Aniatitsingaatsiarput malunnarmatalu oqaloqateqarnissamik pisariaqartitsisut siunnersortinut innersuupakka tamanna tingulluarpaat. Naattorsuutit piareerakkit takutippakka tamarmik plusseqarput qaammatit pingasut ilisimatippakka malittarisassat malillungit ikiorneqarsinnaanngikkaluartut akissaqarsimangaluarmata. A assut kamasuppoq oqarluni suna tamaat angullungu naammangittaalliorniarluni ikiorneqassanngikkuni malittarisassanillu oqarnera tusaarusunnangu tunullunilu. Oqarfigivara akiliinissaminnu akissaqarsimangaluartut suna pillungu akiliisarsimannnginnersut akivoq meeqqat atisassaannut atortarsimallungit aammalu inuussutissat akisoqisut taakkartorlungit. Oqarfigivakka qinnuteqaataat ingerlateqqissallungu aammalu oqarfigalungit aningaasat taama annertutigimmata ataatsimiisitaliamut ingerlasariaqassasut. Taakkartugarpassuaqarmata aningaasartuutiminnik qinnuigivakka allangaqassasut qinnuteqaammik taamaaliorumapput."

Isumaginninnermik ingerlatsiviup allakkiaanit 14. oktober 2003-meersumit makku erserput:

"141003/...

Sagil. aaliang. soc. udv. saqqummiunneqartariaqartut, siornatigut pereernikuusut eqqarsaatigalugit.

Qaqinneqassapput."

A nulianilu ... kommunimi isumaginninnermut ataatsimiititaliamut 15. oktober 2003-mi imatut allapput:

"Matumuuna allakkiorpugut inimik najukkatsinniik aneqqusaanerput pillugu. Aneqqusaasugut tassaavugut uanga A nulia ... meeqqagullu pingasut tassaasut ... 13-inik ukiulik, ... 9-nik kiisalu ... aqagu oktoberip 16-iani 5-inik ukioqalertussaq.

Uanga inuussutissarsiut aalisarneq inuussutissarsiutingaara, nuliama lu suliffigalugu napparsimaviup iggavia, ningiu tullertut.

Ullut makkua atukkavut uatsinnut ilaqutariinnut oqimaaqaat, taamaattumillu allatut ajornarsilluinnarmat ikiortissarsiorpugut.

Ukioq 2002 martsimi najukkatsinnut nuuppugut, tamatumalu kingorna pisoqarsimalluni, inuunitsinni soorlu makkuninnga: A-p qitilunna pillugu nalulluinnakkatsinnik (healing) saaffiginnissimavugut tusaamalerlugit annerisalinnut ikiuisartut, sunaaffa naamik, tamakkua malitsigisimavaat qaammatit sisamat missaat palasit, qinnussisartut (... klub) ikiorsiullugit atugaasimasunik qaangiiniarneq, tassalu nuliara kisimi aningaasatigut isumalluutaasimalluni.

Taxarlunga kingorna ikiuunniarsimagaluarpunga, piffissarlu taxarfinga aamma ima nalaarnerlutsigisimavara allaat qamutaatilinnut akiitsoqalernermik kinguneqarluni, tamatumalu malittaaniik biilertuusinnaajunnaarlunga taxaatillit peqatigiiffiata aaliangereersimammagu akiitsullit biilissanngitsut, kingorna qimmiaraatinnguagut qimoriarsariarlugit turistinik qimussiussisarlunga aningaasani ikiuunniarsimallunga sivikitsumik, umiatsiarara nunap qaaniippoq putoqarluni aattaallu juni qaammat piareemat aningaasarsiornermut ikiuutilerlunga.

A/S INI-mut paaseriikkassitut 25.000 kr. sinnilaarlugit akiitsoqalersimavugut, piffissami matumani matusissutissaqartinnngisatsinnik, taamaattumillu K Kommunip socialudvalgianut ikiortissarsioraluarluta aningaasani akiitsunut matusissutissani kingorna aningaasarsiorneq pitsaanerulerpat taarsersugassatsinnik."

Ingerlatsiviup ataatsimiinnermi inassuteqaatinik allattuiffianit 15. oktober 2003-meersumit makku erserput:

"Qinnuteqartoq:

A aappaalu

Saaffiginnissut:

A/S ini-mut akiligassat annertussuseqartut: 25.732,57 kr

Ilaqutariissutsinut tunngasut:

Pineqartut pingasunik meeraqarput.

Ineqarnermut tunngasut:

Pineqartut ...-mi najungaqarput.

Siornatigut ikiorserneqarsimanersut:

Pineqartut akuttusuunik saaffiginnittarput pisariaqartitsineq aallaavigalungu.

Qinnuteqartut suliffeqarnerannut tunngasut:

Pineqartut uviusoq aalisartuuvoq nuliaasorlu napparsimavimmi ingasutut sulisar-luni.

Aningaasaqarnermut tunngasut:

Aningaasaqarnerat qaammatini pingasuni ajunngittumik inissisimavoq.

Qinnuteqaassisup innersuuta:

Pineqartut saaffiginninneranni oqaloqatigisimavakka assut erloqinerarput an-gummanniarsaralutik. Kisiannili takussutissaqarluni naattorsuussinnermi akiliisinaasimangaluartut. Tassani inuttut inissisimaneq eqqartorparput isumaqarpullu iki-

ortariaqarlutik inuttut ingerlaqqeriassangunik siunnersortimullu piffissanik inniminereerlutik. Meeraqarput pingasut taakkulu aallaavingalungit ikiorneqarnissaat innersuussutigaara utertitassatut aammalu piumaasaqaatitalerneqassasoq inuttaai ilisimatillungit ikiorneqassappata. Tassalu qaammatikkaartumik ilanngaattitalernissaat akiligassanut budgetskemaliortillungit.

Ilanngunneqarput:

- Pineqartup allakkatingut qinnuteqaataa.
- Qaamatini pingasuni naatorsuutit.
- INI-miit anisitaanissamik siorasaarutit."

Isumaginninnermi ataatsimiititaliap aalajangiinera pillugu imaqarnilia-mit makku erseerput:

"4. J. nr. cpr. nr. ... A ...

Nuliaq ... aamma A inigisaminnut akiligassaminnut katillugit kr. 25.732,57 ikiorserneqaqqullutik qinnuteqarput.

Aaliangiineq: Qinnuteqaat akuerineqarpoq ikiuutitut utertitassatut tunniunneqarlutik."

Ingerlatsiviup allattuivia 23. oktober 2003-mi ilanngussamik imaattumik imaqarpoq:

"Ilaqutariit ineqarnermut akiliutinut akiitsut 25.732,57 kr.-t matussutissaannik utertitassanngortillugit ikiorserneqarnissaat isumaginninnermut ataatsimiititaliamit akuersissutigineqarpoq. /..." (Atorfeqarfimmi nutsigaavoq)

A nulianilu ... utertitsilluni akiliuumanermik uppersaasat naqeriigaq imaattoq 7. november 2003-mi atsiorsimavaat:

"Ataatigut atsiortunga: A nulianilu ...

Inuueqartunga: ... ..

Najugartunga:

Matumuuna uppersaavunga K Kommunimit ikiorserneqarsimallunga Inatsisartut peqqussutaat nr. 10, 1. november 1982-imeersoq malillugu pisortatigut ikiorsiissutini § 10 imm. nr. -

Annertussusillit kr.: 25.732,57

Uunga/ukununga atugassanik: INI-mut akiliutinut kinguaattoorutit

Akuersaarpara ikiorsiissutit utertitassaanerat paragraf tunuani naqitaq naapertorlugu, uanga taarsiiumavunga pinnaaleriaruma.

Aammattaq ilisimatinneqarpunga isumaqatigiissut malillugu nammineerlunga periarfissaq siulleq atorlugu taarsiinngikkuma suliassaq una eqqartuussivik aqqu-tigalugu suliarineqassammat taamaasilluni Kalaallit Nunaanni eqqartuussisarnermik inatsisitigut maleruaqqusap kapitali 7-ani, immikkoortoq 12 malillugu aningaasat taakkua tiguniarneqalissallutik

Ilanngullugu ilisimatinneqarpunga ikiuutip kingumut akiligassap annertussusia aammalu kingumut akiligassatut tunniunneqarsimanera naammaginngikkukku Isumaginninnermi Naammagittaalliuuteqartarfimmut, Box 1015, 3900 Nuuk naammagittaalliuutigisinnaagakku aaliangiinnermiit sap. ak. sisamat iluanni.

Illoqarfik K, ulloq: 7. nov. 2003 Atsiortoq: ..., A

Uppersaasut: ...

Uppernarsaat: Atsiorneq atuarneqarsinnaangitsoq"

2004-mi januarimi ineqarnermut akiliutitut 3.123,73 kr.-nut matussutisatut pisortanit ikiorsiissutinik utertitsilluni akiliiumanermik uppernarsaat tamatuma pissuseqataa A-p 13. januar 2004-mi atsiorpaa. Utertitsilluni akiliiumanermik uppernarsaammi kingullermi oqaatigineqarpoq ikiorsiissutit utertitassanngortillugit tunniunneqarsimasut, pisortanit ikiorsiissutit pillugit Inatsisartut peqqussutaanni § 10, imm. 1, nr. 4 tunngavigalugu.

Kommunip akiliisitsiniartarfia A-mut 27. januar 2005-imi imatut allappoq:

"Nalunaarut:

Matumuuna nalunaarutigineqassaaq akiligassat kr. 48.399,22 akilerneqarsimanngimmata, taamatullu isumaqatigiissusiorsimannginnavit saaffiginnissutigineqarsimanngimmatalu, pinngitsaaliissummik akissarsiakkut unerartitsissut, 33.33 % suliisitsinnut ...-mut nassiunneqarmat, akiligassat nungunnissaata tungaanut.

Akiligassat suuneri:

Ikiorsiissutit taasersugassat inigisamut akiliutsinneq	kr.	9.347.03
Akileraarutitut tapiutissat 2003 rate 1-2-3	kr.	9.225.00
Erniat	kr.	153.00
Skattedirektoratet (Ilinniarnermi atukkat)	kr.	17.018.10
Ikiorsiissutit taasersugassat (inigisamut akiliutinneq)	kr.	12. 656.09

Ilanngullugu nalunaarutigissuarput akiligassat takkuttartut nammineerlutit/-si karsikkut akilertassagakkitt/-sigit.

Ilisimatitsissutigissavarpullu suliunnaarsimaguit, imaluunniit allami suliffittaaruit maanga akiliisitsiniartafimmut nalunaarutigeqqullugu."

Immersugassaq assigiissaartunik oqaasertalersugaasoq imaattoq A-p nuliatalu 1. februar 2005-imi atsiorpaat:

"AKILERSUINISSAMIK ISUMAQATIGIISSUT  
AKUERSAARNEQARNERAT

Ataani atsiorbunga

Inuup normua: .../...

Ateq: A & nuliaq

Najugaq: ...Illoqarfik K

Atorfik:

Akiligassat ataani pineqartut akiitsoralugit akuersaarneq.

Akiligassat:

Akileraarutitut tapiutissaq 2003	9.225,00
Akileraarutit erniaat	276,00
Ikiuutisiat taasersugassat, 7/11-2003 atsiugaq	6.408,89
Ikiuutisiat taasersugassat,	

13/1-2004 atsiuqaq	2.938,14
Ilinniagaqarnerup nalaani atukkat, Akileraartarnermi Pisortaqaarfik Cpr.nr. ...	17.018,10
Ikiuutisiat taarsersugassat, 7/11-2003 atsiuqaq	12.656,09
Katillugit	48.522,22

Taamaattumik ingerlaavartumik akiligassat akiligassanngornerini akilertarnis-  
saannut akiittumalu tamarmiusut ingerlaavartumik ernialionneqartussat ilanngullu-  
git akilersornissaannut imatut imminut pisussaaffilerpunga:

Qaammammut

Ullut 14-it

Akiligassat qulaani pineqartut akilersorsinnaanngikkallarpat nuliaq kisimi ani-  
ngaasarsiorfillugu, A-li aningaasarsiorfeqalerpat saaffiginneqqissapput akilersuinis-  
samik isumaqatigiissusioriarlorlutik.

Akueraara kommuni pisortaniit pisassarisanniit tamanit unerartitsisinnaasoq. Ili-  
simavara qulaani allasimasut eqquutitinnikkukkit akiligassama tamakkerlutik,  
isumaqatigiissuteqarnerup kingorna ernialionneqartut ilanngullugit, ingerlaannaq  
akiligassanngortussaanerat. Aammalu nalunngilara aningaasat taakku pinngitsaali-  
nikkutt akilersinniarneqarsinnaasut malittarisassat naapertorlugit."

Tusarniaalluni allakkanut 30. januar 2006-imeersunut akissummut ilan-  
ngussatut allagaatinut kommunip akiliisitsiniartarfiata uannut nassiussaa-  
nut ilaavoq illoqarfik K-mi ... ApS-ip akissarsiat akileraarutillu A-t unerar-  
tinnearnerat pillugu kommunimi akileraaruserivimmut nalunaarutaata al-  
laganngortinneqarnera. Tassanga erserpoq A suliffeqarfimmi tassani  
qaammammi pineqartumi 9.580 kr.-nik akissarsisimasoq.

Kommuni A-mut aamma ...-mut 9. maj 2005-imi imatut allappoq:

"Nalunaarut:

Matumuuna nalunaarutigineqassaaq akiligassat kr. 48.399,22 akilerneqarsiman-  
ngimmata, taamatullu isumaqatigiissusiorsimannnginnavit saaffiginnissutigineqarsi-  
mannngimmatalu, pinngitsaaliisummik akissarsiakkut unerartitsissut, 33.33 % suli-  
sitsisunnut ...-mut nassiunneqarmat, akiligassat nungunnissaata tungaanut.

Akiligassat suuneri:

Ikiorsiissutit taarsersugassat (inigisamut akiliutsin- neq)	kr. 9.347.03
Akileraarutitut tapiutissat 2003 rate 1-2-3	kr. 9.225.00
Erniat	kr. 153.00
Skattedirektoratet (Ilinniarnermi atukkat)	kr. 17.018.10
Cpr.nr. ...-miittut	
Ikiorsiissutit taarsersugassat (inigisamut akiliut- sinneq)	kr. 12. 656.09

Ilanngullugu nalunaarutigissuarput akiligassat takkuttartut nammineerlutit/-si  
karsikkut akilertassagakkitt/-sigit.

Ilisimatitsissutigissavarpullu sulionnaarsimaguit, imaluunniit allami suliffittaa-  
ruit maanga akiliisitsiniartarfiimmitt nalunaarutigeqqullugu."



A-p akissarsiaanit unerartitseqqusissut 48.779,60 kr.-nik aningaasartalik kommunip illoqarfik K-mi ... ApS-imut ulloq taanna nassiuppa, aningaasallu taakku A-mut nulianullu allakkani 9. maj 2005-imeersuni akiitsutut taaneqartut tamarmik katinneri amerlaqatigaat.

*Tamatuma kingornatigut imaattunik oqaaseqaateqarpunga:*

"Aallaqqaasiutaasumik oqaaseqaatikka.

*Kommunimut tusarniaaninni oqaatigineqartutut misissuina allakkani 9. maj 2005-imeersuni A-mut piumasarineqartut uku eqqarsaatigalugit akissarsianit unerartitsinermik aallartitsissagaanni piumasaqaatit eqqortinneqarsimanerat pillugu apeqqummik misissuinnermut killissalernerqarpoq:*

*"Ikorsiissutit taarsersugassat (inigisamut akiliutsinneq) kr. 9.328,41"*

*aamma*

*"Cpr. nr. ... Ikorsiissutit taarsersugassat (inigisamut akiliutsinneq) kr. 12.656,09"*

*Tamatumunnga atatillugu kommunimut tusarniaaninni piumasarineqartut siulliit 9.347 kr.-iusut kukkusumik oqaatigisimagakku ajuusaarutigaa-ra, aningaasammi taakku akissarsianit unerartitseqqusissummi 27. januar 2005-imeersumi taaneqarsimmata.*

*Pisortanit ikorsiissutigineqartut utertillugit akilerneqarnissaannik piumasaqaat aalajangersassallugu kommuni pisinnaatitaasimanersoq isummerfiginngilara, tassami apeqqut taanna uannit suliarineqarsinnaalersinnani Isumaginninnermi Naammagittaalliuuteqartarfimmuut naammagittaalliuutigineqartussaammat, tak. Inatsisartut Ombudsmandiat pillugu Inatsisartut inatsisaanni § 6, imm. 3.*

*Isumaginninnermi tunniunneqartunik utertillugit akilerneqartussanik pinngitsaaliilluni akiliisitsiniarneq ataatsimut.*

*Pisortanit ikorsiissutit pillugit Inatsisartut peqqussutaanni § 6-ikkut aalajangersarneqarpoq pisortanit ikorsiissutit Inatsisartut peqqussutaat taanna tunngavigalugu utertitassanngortillugit ikorsiissutigineqartut eqqartuussisarneq pillugu inatsimmi malittarisassat tunngavigalugit akilersinniarneqartassat.*

*Kommunimi tikeraarninni sulianik akiliisitsiniarnermut tunngasunik misissuina pillugu kommunimut allakkani 6. december 2005-imeersuni isumaginninnermi ikorsiissutinik utertitassanngortillugit tunniunneqartunik pinngitsaaliilluni akiliisitsiniartarneq pillugu oqaatigaara:*

"Suliami ... ilaavoq pisortanit ikiorsiissutinik utertitassanngortitanik ikiorserneqarsimanerminik uppernarsaalluni ...-p atsiugaa.

Tassani pineqartoq tassaavoq immersugassaq naqeriigaaq, ingerlatsiviullu tassani nalunaartussaallugu utertitsilluni akiliinissami piumasaqaataasut pisortanit ikiorsiissutit pillugit Inatsisartut peqqussutaanni § 10, imm. 1,-imik, 2-mik, 3-mik 4-milluunniit tunngaveqarnersut.

Taamatut nalunaaqutsiisoqarsimangilaq, taamaalillunilu suliami akiliisitsiniarnermut tunngasumi paasissutissiissutigineqarsimanani aningaasat utertillugit akileqqunissaannut suna inatsisikkut tunngavigineqarnersoq.

Pisortanit ikiorsiissutit utertillugit akileqqunissaannut inatsisikkut tunngavigisaaq erseqqissumik nalornissutigineqarpat utertitsilluni akiliisitsiniaqqusissut pinngitsaaliilluni akiliisitsiniartartumit naammassineqarsinnaangilaq, akiliisitsiniaqqusissullu pinngitsaaliilluni akiliisitsiniartartup amerlanerusunik paasissutisseqqusilluni isumaginninnermik ingerlatsivimmuut utertittariaqarjaa."

Pinngitsaaliilluni akiliisitsiniartartup ingerlatsineq pillugu inatsiseqartitsinermi sulianik paasissutissartalersuinissamik piumasaqaateqarfigineqartunut ilaagami utertillugit akileqquneqartut qanoq amerlatigissusianik uppernarsaatit naammattut pigineqarnerat akilersinniarneqartullu akilersinniarneqarsinnaalersimanerat qulaani issuarneqartut saniatigut isumagisassaraa.

#### 9.328,41 kr.-t utertillugit akileqquneqartut.

Aningaasat taakku pillugit uppernarsaammik suliami peqanngilaq.

Kommunip akiliisitsiniartarfiata tusarniaanermut akissummini oqaatigaa akiliisitsiniarnermut tunngaviusut tassaasut utertitsilluni akiliiumanermik uppernarsaatit marluk, A-p tulleriinneri malillugit 7. november 2003-mi aamma 14. januar 2004-mi atsiorsimasai.

Siullertut oqaatigaara akerlilisoqassagaluarpat aningaasat pineqartut qanoq iliorluni naatsorsorneqarsimanerat kommunip uppernarsarsinnaasussaagaa.

Tamatuma saniatigut suliami illua'tungiusut allagaatinik paasitinneqarsinnaatitaanerat pillugu malittarisassat ingerlatsivimmillu nakkutilliinerup, matumani kukkunersiuisut nakkutilliinerat, Akileraartarnermi Pisor-taqarfiup immikkoortumut nakkutilliisutut nakkutilliinera Ombudsmandillu nakkutilliinera ilanngullugit eqqarsaatigalugit, eqqarsaatigineqarnera isiginiarlugit piumasaqaataammat pisassarisanik kommunip pinngitsaaliilluni akilersinniagaanik naatsorsuineq pillugu paasissutissat suliami pineqartumiissasut, imaluunniit suliaq paasissutissat taakku sumi nassaarineqarsinnaanerat pillugu paasissutissanik imaqassasoq.

Taamaattumik kommunip suliami allagaataanik misissuininni aningaasat 9.328,41 kr.-nik amerlassusiligaanerisa eqqortuunerannik uppernarsaasiisinnaasimanginnera pitsaanngitsutut isigaara.

Tulliullugu oqaatigaara utertitsilluni akiliiumanermik uppernarsaatip 7. november 2003-meersup utertitsilluni akiliinissap aalajangersarneqarnera

pisortanit ikiorsiissutit pillugit Inatsisartut peqqussutaanni aalajangersa-gaq suna tunngavigalugu aalajangerneqarsimanera pillugu paasissutissa-nik imaqaanngitsaq.

Qulaani ataatsimut oqaaseqaatinni taaneqartutut utertitsilluni akiliinermut tunngaviusoq pillugu paasissutissat pinngitsaaliilluni akiliisitsiniar-tartup utertitsilluni akiliiumanermik uppernarsaat tunngavigalugu pinngit-saaliilluni akiliisitsiniarnermik aallartitsisinnaaneranut pisariaqartuup-put.

Kommunip isumaginninnermi ingerlatsiviata tusarniaaninnut akissum-mini 1. februar 2006-imeersumi oqaatigaa utertitsilluni akiliisoqarnissaa-nik piumasaqaat pisortanit ikiorsiissutit pillugit Inatsisartut peqqussu-taanni "§ 10, imm. 3"-mik tunngaveqartoq. Naatsorsuutigaara kommuni imatut isumaqartoq, tassalu utertitsilluni akiliisoqarnissaanik piumasa-qaat Inatsisartut peqqussutaanni § 10, imm. 1-imi nr. 3-mik imaattunik oqaaserteqartumik tunngaveqartoq:

"§ 10. Aammattaaq isumaginninnermut ataatsimiititaq ikiorsiissutaasimasunik utertitsinissamik aalajangiisinnavaoq:

1) ...

2) ...

3) Inuk aningaasanik aqutsinermigut suliffeqarnermigullu naammaginangitsu-mik iliuseqartarsimanini pissutigalugit ikiorserneqartariaqalersimappat."

Uteritassanngortillugit ikiorsiissutinik tunniussisarneq pillugu ataatsi-mut oqaaseqaatiga kommuninut tamanut 1. juli 2005-imi nassiuussorsima-sara tamatumunnga atatillugu innersuussutigaa.

Oqaaseqaammi tassani ilaatigut imatut allappunga:

"§ 10, imm. 1, nr. 1 imaluunniit nr. 3,

...

malillugit utertitsilluni akiliinermik piumasaqaat aalajangersarneqarpat utertit-silluni qaqugu akiliisoqarsinnaanera ikiorsiissutit tunniunneqarneranni nalilernias-sallugu ajornakusoorajuttartussaavoq.

Tamanna pisuni tamani suliani ataasiakkaani naliliinikkut aalajangerneqartaria-qarpoq, taamaalillunilu utertitsilluni akiliisoqarnissaa nr. 1 imaluunniit nr. 3 tunngavigalugu piumasaqaatigineqarpat utertitsilluni akiliisiteriaatsit assigiisaartut ingerlatsiviup atorsinnaanngilai.

Aammattaaq Inatsisartut peqqussutaanni tassani § 1 imaattunik oqaasertaqartoq malugeqqullugu innersuussutigaa:

"Kinaluunniit Kalaallit Nunaanni najugaqartoq imminut ilaquttaminullu inuu-tinniarsinnaanngitsaq imaluunniit napparsimatilluni peqqinnissakkut imminut paaqqutarinissakkullu isumagisinnaanngitsaq ilaquttaminullu isumaginnissinnaanngitsaq allatigulluunniit peqqussummi matumani piumasarineqartut malillugit iki-orsertariaqalersoq, pisortanit ikiorneqartussaataavoq."

Taamaalilluni utertitsilluni akilersueriaatsimik ikiorneqqaqittariaqarnermik pi-lersitsisumik aalajangersaaneq Inatsisartut peqqussutaata siunertaanut assortuut-tuusussaavoq.

Ilassutitut oqaatigaara pisut pisinnaatitaaffik tunngavigalugu ikiorsiissutinik peqqussummi § 10, peqqussutip oqaasertai taannalu piareersarlugu suliat malillu-git, utertitsilluni akileeqqussiffiusinnaasut taagorneqarnerat tamakkiisumik sukumii-summat.

Taamaalilluni peqqussummi pissutaasutut taaneqartut saniatigut pissuteqarluni utertitsilluni akileeqqusineq inatsisinik unioqquittisisuusussaavoq.

Qulaani taaneqartutut maluginiarpara akiligassallit ataasiakkaat utertitsilluni akiliiumanermik uppernarsaatini ikiorsiissutigineqartut qaqugukku utertillugit aki-lerneqarnissaannik kommunip naliliisinnaatitaanera atsiugassarigaat.

Tamanna pillugu oqaatigaara ikiorsiissuteqarnerup nalaani tunngavigisamit al-laasumik tunngaveqarluni utertitsilluni kingusinnerusukku kommunip akileeqqusi-sinnaanerani innuttaasup kommunillu akornanni inatsisit unioqquinnagit isuma-qatigiissuteqartoqarsinnaanngitsoq.

Kommunit utertitsilluni akiliiumanermik uppernarsaatini ikiorsiissutit utertillu-git naafferartumik akilersuinissamik utertitsisussaataitaanerup tunngavianut nammi-nermut assortuutsumik aamma aalajangersaasinnaanngillat."

Taamaalilluni utertillugit akileqquneqartunik kommunip pinngitsaaliil-luni akiliisitsiniarsinnaalinnginnerani utertitsilluni akiliisussaataitaanerup qanga atuutilersimaneranik kommunip misissuinissaa pisariaqarsimaga-luarpoq.

Kommunip pinngitsaaliilluni akiliisitsiniartartuata tusarniaanermut akisummi aamma oqaatigaa pinngitsaaliilluni akiliisitsiniarnermi pisas-sarisat utertitsilluni akiliiumanermik uppernarsaammik 13. januar 2004-meersumik tunngaveqartut aamma ilaatinneqartut.

Utertillugit akileqqusat taakku pisortanit ikiorsiissutit pillugit Inatsisar-tut peqqussutaanni § 10, imm. 1-imi nr. 4-mik imaattunik oqaasertalimmik tunngaveqarput:

"§ 10. Aammattaq isumaginninnermut ataatsimiititaq ikiorsiissutaasimasunik utertitsinissamik aalajangiisnaavoq:

1) ....

2) ...

3) ...

4) Ikiorserneqarnissamik qinnuteqarnerup nalaani paasinarsereersimappat inuup pineqartup ikiorsiissutit piffissap sivikitsup ingerlanerani utertissinnaalissa-gai."

Ataatsimut oqaaseqaammi 1. juli 2005-imeersumi qulaani issuarneqar-tumi § 10, imm. 1-imi nr. 4 tunngavigalugu utertitsilluni akileeqqusisarneq pillugu oqaatigaara:

"§ 10, imm. 1, nr. 4 "ikiorserneqarnissamik qinnuteqarnerup nalaani paasinarse-reersimappat inuup pineqartup ikiorsiissutit piffissap sivikitsup ingerlanerani uter-tissinnaalissagai." inatsisitigut tunngavigalugu utertitsilluni akiliisoqarnissaa piu-masaqatigineqarpat nalinginnaasumik ilisimaneqarsimassaaq utertitsilluni qa-

*qugu akileeqquisoqarsinnaasoq, utertitsillunilu akiliinissamik piunasaqaat pillugu aalajangiinermut atatillugu aalajangiisoqartariaqarluni utertitsilluni qaqugu akileeqquisoqassanersoq."*

*Pissutsilli erseqqissut A-p ikiorsiissutigineqartunik utertitsilluni piffissap sivikitsup ingerlanerani akiliisinnalernissaanik takutitsisut suliami paasissutissani takuneqarsinnaanngillat.*

*Taamaattumik utertitsilluni akileeqqusinermut tassunga aamma atatil-lugu piunasaqaataasimavoq utertitsilluni akiliisussaatitaanerup atuutiler-fia pillugu paasissutissat pinngitsaaliilluni akiliisitsiniarnerup aallartinne-qannginnerani kommunip pissarsiariniassagai.*

*Kommunip pinngitsaaliilluni akiliisitsiniartartuata tusarniaanermut akissummini 30. januar 2006-imeersumi innersuussutigaa pinngitsaaliillu-ni akiliisitsiniarneq aallartinneqarsimasoq, tassami A nuliahu ... isumaqati-giissut kommunimut 1. februar 2005-imi isumaqatigiissutigisimasartik eq-qortissimannngimmassuk.*

*Isumaqatigiissut taanna akiliineq pillugu imaattunik imaqarpoq:*

*"Akiligassat qulaani pineqartut akilersorsinnaanngikkallarpat ... kisimi ani-ngaasarsiorfillugu, A-li aningaasarsiorfeqalerpat saaffiginneq qissapput akilersui-nissamik isumaqatigiissusiorartorlutik."*

*Utertitsilluni akiliisussaatitaanerup qaqugukkut atuutilernissaanik kom-munip aalajangiinissamut pisussaaffeqarneranik qulaani oqaatigineqartup uanga paasinninnera malillugu nassataraa kommunip A nuliahu ... akiitsut naafferartumik akilersorneqarnissaannik akiliisitsiniarnissaq siunertara-lugu isumaqatigiissuteqarfigninnaanngikkai, piffissaq utertitsilluni akiliif-fissaq aalajangersarneqarsimatinnagu.*

*Piffissalli utertitsilluni akiliiffissap 1. februar 2005-imi atuutilersimanis-saa naatsorsuutigineqarsinnaagaluartoq isumaqatigiissutaasimasup eq-qartuussisarneq pillugu inatsit tunngavigalugu akissarsianit unerartitsi-nermik kommunip aallartitsinissaanut inatsisitigut tunngavissaqalersin-ngilaa, taamaaliortoqassappammi aallaavittut ilaatigut piunasaqaataam-mat akiitsoqartoq pinngitsaaliilluni akiliisitsiniarnermut aggeqquneqarsi-massasoq.*

*Siullertut akissarsianit unerartitsineq oqartussaasup oqartussaassutsi-minik annertuumik atuineranut takussutissaavoq, aatsaallu taamaaliorto-qarsinnaalluni eqqartuussisarneq pillugu inatsimmi malittarisassat malin-neqarpata, taamaattumillu akissarsianit unerartitsineq pinngitsaaliilluni akiliisitsiniartartup innuttaasullu isumaqatigiissutaat tunngavigalugu aal-lartinneqarsinnaanngilaq.*

*Matumani 2001-imi ukiumoortumik nalunaarutinni immikkoortoq 5, su-liaq 04-3, kalaallisuuani pingaartumik quppernerit 124 tulluulu, qallunaa-tuuanilu quppernerit 96 tulluulu, kiisalu 1998-imi ukiumoortumik nalunaa-rutinni immikkoortoq 5, suliaq 64-1 innersuussutigaaakka.*

*Tamatuma saniatigut oqaatigaara suliami pineqartumi kommunip aamma A-p (nulianullu) isumaqatigiissutigisimagaat A akiliisinnaanngoruni kommunimut nammineq saaffiginnissasoq. Taamaalilluni qaqugu akiliisinaassuseqalersimanerup naliliiffigineqarnissaa A-mut namminermut isumagisassanngortinneqarsimavoq.*

*Isumaqatigiissutip taamaattup kommuni aamma A inuit ataasiakkaat akornanni inatsiseqartitsineq tunngavigalugu pisussaaffilerpai, taamaalilluni kommunip isumaqatigiissut ingerlatsineq pillugu inatsiseqartitsineq, matumani eqqartuussisarneq pillugu inatsimmi pinngitsaaliilluni akiliisitsiniartarneq pillugu aalajangersakkat ilanngullugit eqqarsaatigalugit, aalavigalugu aqussinnaanagu.*

*Taamaattumik isumaqatigiissut A-p akiliisinaassuseqalernermini kommunimut attaveqarfiginnissimannginermigut unioqqutissimagaat kommuni naliliiguni pisussaaffeqarsimavoq isumaqatigiissutigineqarsimasoq atorunnaarsissallugu, aningaasat akilersinniarneqarnerannut atatillugu annertunerusumik iliuseqalinnginnermini.*

*Tamanna tunngavigalugu isumaqarpunga piffissap isumaginninneq pillugu inatsiseqartitsineq tunngavigalugu utertitsilluni akiliiffissatut aalajangersarneqarsimaneranik uppernarsaatit qulakkeeqqaarnagit akilersuinnissamillu isumaqatigiissutaasimasoq unioqqutillugu pinngitsaaliilluni akiliisitsiniarnermik aallartitsisimanagera isorisariaqartuusoq.*

*Tamatumunnga peqatigitillugu inassuteqaatigaara aningaasat akilersinniarneqarnerannik suliaq kommunip suliareqqissagaa, kukkussutigineqarsimasut aqqinneqarnissaat siunertaralugu.*

*Matumani manna isummerfiginngilara, tassalu A-p akilersuinissaq pillugu kommunimut 1. februar 2005-imi isumaqatigiissuteqannginnerani utertitsilluni akiliisussaataaneq pisortanit ikiorsiissutit pillugit Inatsisartut peqqussutaanni § 10, imm. 1-imi nr. 3 tunngavigalugu atuutilersimasoq kommunip aalajangersassallugu pisinnaatitaasimanersoq.*

*Piffissaq utertitsilluni akiliisussaataanerup atuutilerfia pillugu apequt utertitsilluni akiliinissamik piunasaqaammut namminermut ataneqarpoq, taamaattumillu piffissap utertitsilluni akiliiffissap qanga atuutilersimaneranik kommunip aalajangiinera Isumaginninnermi Naammagittaalliuteqartarfimmu immikkut naammagittaalliutitigineqarsinnaavoq, taamaalillungalugu apeqqummut taassuminnga misissuinissannut uanga matunneqarlunga, tak. Inatsisartut Ombudsmandiat pillugu Inatsisartut inatsisaanni § 6, imm. 3, aamma tak. aallaqqaasiutaasumik oqaaseqaatikka.*

*Akissarsianit unerartitseqqusissummi utertitsilluni akiliinissamik piunasaqaat "Cpr. nr. ... Ikiorsiissutit taarsersugassat (inigisamut akiliutsineq) kr. 12.656,09"-mik taaneqartoq.*

*Aallaqqaasiutitut oqaatigaara kommunip pinngitsaaliilluni akiliisitsiniarnermik aallartitsinissaanut periarfissaa pillugu oqaaseqaatikka, matumani pinngitsaaliilluni akiliisitsiniarnermut atatillugu suliamik kommunip*

*amigartumik paasissutissartalersuisimaneranik isornartorsiuinera ilanngullugu, piunasaqaatit 12.656,09 kr.-t eqqarsaatigalugit aamma atuummata.*

*Taamaattumik tulliuuttuni oqaaseqaatikka kommunip aalajangiinerani 9. maj 2005-imeersumi piunasaqaatit A-p nulianut kommunip sammititaatut taaneqartumut tunngapput.*

*Oqaatigineqarpoq piunasaqaateqarnermut tunngaviusoq tassaasoq utertitsilluni akiliimanermik uppernarsaat A-p nuliatalu ineqarnermut akiliutinut akiitsut 25.732,57 kr.-t matussutissaattut ikiorsiissutigineqartut pillugit 7. november 2003-mi atsiorsimasaat.*

*Ikiorsiissutigineqartut aappariinnut taakkununga qanoq agguataarneqarsimanerat utertitsilluni akiliimanermik uppernarsaammi takuneqarsinnaangilaq, ikiorsiissutillu aappariinnut amerlaqatigiimmik avillugit agguataarneqarsimanerat aappaariinnut A-kkunnut ilisimatitsissutigineqarsimasoq suliami allaganngorlugit paasissutissat sinnerini aamma takuneqarsinnaanani.*

*Ikiorsiissutit aappariinnut amerlaqatigiimmik avillugit agguataarneqarsimanerannik paasissutissaq taamaallaat kommunip isumagininnermik ingerlatsiviata tusarniaanermut akissutaanit 1. februar 2006-imeersumit erserpoq.*

*Pisortanit ikiorsiissutit pillugit Inatsisartut peqqussutaanni § 1 imaattunik oqaasertaqarpoq:*

*"Kinaluunniit Kalaallit Nunaanni najugaqartoq imminut ilaqtaminullu inuutiniarsinnaangitsoq imaluunniit napparsimatilluni peqqissarnissakkut imminut paaqqutarineqarnissakkullu isumagisinnaangitsoq ilaqtaminillu isumaginnissinnaangitsoq allatigulluunniit peqqussummi matumani piunasarineqartut malillugit ikiorsertariaqalersoq, pisortanik ikiorserneqartussaataavoq."*

*Pisortanit ikiorsiissutit pillugit Inatsisartut peqqussutaanni § 10, imm. 1-imut aallaqqaasiutip qulaani issuarneqartup nassataraa utertitsilluni akiliisoqarnissaanik piunasaqaat ikiorsiissutisumut sammitinneqassa-soq.*

*Ilaqutariit ikiorsiissutinik tiguisutut isigalugit aningaasanik ikiorsiinisamat inatsisitigut tunngavissaqanngilaq (pisortanit ikiorsiissutit pillugit Landsrå dip ileqqoreqqusaani Inatsisartut peqqussutaata atuutilernissaata tungaanut inatsisitigut atuuttup paarlattuanik). Ikiorsiissutit inunnet atasiakkaanut tunniunneqassapput, naak ikiorsiissutit aningaasartaasa amerlassusilerniarneqarneranni ilaqutariit atugaat ataatsimut pingaartillugit (ilaatigullugumi isiginiarneqartussaagaluartut).*

*Tamatumani Ilaqutariinnermut Pisortaqaarfiup tusarniaanermut akissutaata 26. maj 2006-imeersoq innersuussutigaa.*

*Tamanna tunngavigalugu isumaqarpunga pinngitsaaliilluni akiliisitsiniartartoq utertitsilluni akileeqqusinermik piunasaqaat erseqqinnerusu-*



*mik misissoqqaarnagu ikiorsiissutit aappariinnut assigiimmik avillugit tunniunneqarsimanerat tunngaviutissallugu pisinnaatitaasimanngitsoq.*

*Tulliulluni apeqqutaalersoq tassaavoq aappaariit utertitsilluni akiliniisamat assigiimmik akisussaaqatigiïnnersut.*

*Tamanna pillugu oqaatigaara pisortanut akiitsut akilersinniarneqartarnerat pinaveersaartinnissaallu pillugit Inatsisartut inatsisaanni nr. 3-mi, 2. maj 1996-imeersumi § 6, imm. 1-ikkut aalajangersarneqarmat aappaariit ineqarnermut akiliutit akilerneqarnissaannut assigiimmik akisussaaqatigiïttut.*

*Tamannali akisussaaqatigiïnnerup taassuma ineqarnermut akiliutinut akiitsut matusissutissaannik pisortanit ikiorsiissutitut tunniunneqartunut atuunneratut paasineqarsinnaanngilaq.*

*Katissimalluni aappariinnerup inatsisitigit sunniutai pillugit inatsimmi inatsisikkut nr. 150-ikkut, 31. marts 1993-imeersukkut Kalaallit Nunaannut atortuulersinneqartumi § 25-kkut aalajangersarneqarpoq aappaariit tamar-mik immikkut pisussaaffinnut namminneq pisussaaffigisaminnut akisussaa-suusut.*

*Taamaattumik aappaariit assigiimmik akisussaaqatigiïlersinneqassap-pata inatsisikkut immikkut tunngavissaqarnissaq piumasaqaataavoq.*

*Inatsisikkut tunngavissaq taamaattoq pisortanit ikiorsiissutit pillugit I-natsisartut peqqussutaanni ilaanngilaq.*

*Tamanna tunngavigalugu kommunip tusarniaanermut akissutaa 30. januar 2006-imeersoq aamma 1. februar 2006-imeersoq imatut paasisaria-qarpakka ikiorsiissutit aappariinnut assigiimmik aningaasartalerlugit avil-lugit tunniunneqarsimasut, taamatuttaarlu naatsorsuutigaara ikiorsiissutit utertillugit akilernissaannut aappaariit assigiimmik akisussaatinneqarnis-saat kommunip siunertarisimanngikkaa.*

*Taamaattumik aningaasat 12.656,09 kr.-t A-p sulisitsisua aqquutigalugu akissarsianit unerartitsinikkut pinngitsaaliilluni akilersinniarneqartussa-tut kommunip aalajangiussaasa A-p nulianut tunngasuunerannik kommu-nip allakkamini 9. maj 2005-imeersuni A-mut nulianullu oqarsimamera ajuusaarnartumik kukkuneruvoq.*

*Ilassutitut oqaatigaara akissarsianit unerarsitsinerup aallartinneqar-nissaanik aalajangiïnerit ingerlatsineq pillugu inatsiseqartitsineq tunnga-vigalugu aalajangiïnerusut, taakkulu suliasat suliarineqartarnerat pillugu inatsimmi §§-it 22-mit 24-mut aalajangersakkat naapertorlugit tunngavi-lersorneqassallutik.*

*Tunngivilersuutip nalornilersitsisinnaannginnissaa tamatuma ilaatigut nassataraa.*

*Kommunip allagai 9. maj 2005-imeersut taakku "A-mut nulianullu" i-ngerlatitaapput, aappaariillu tamaasa immikkut eqqarsaatigalugit pin-ngitsaaliilluni akiliisitsiniartoqarnissaanik aalajangiïnermik imaqarlutik.*

*Kommunip aappaariit tamaasa immikkut allaffigisimanngimmagit taman-na ajuusaarnartutut isigaara, tassami periaatsikkut atorneqartukkut akiit-*

*sut suut aappariit tamaasa immikkut eqqarsaatigalugit akissarsianit unerartitsinikkut akilersinniarneqarnissaat kommunip aalajangersimaneraa takuneqarsinnaanngimmat.*

*Tassani aamma ilaavoq akiitsut pillugit paasissutissat isertuussassaanerat, paasissutissallu taamaattut eqqarsaatigalugit kommunip nipangiussisussaatitaanera tamatuma nassataraa, tak. suliassat suliarineqartarnerat pillugu inatsimmi § 27.*

*Taamaattumik innuttaasup pineqartup aappaata akiitsui pillugit kommunip innuttaasumut nalunaaruteqarnera inatsisikkut tunngavissaqanngilaq, innuttaasoq taanna akiliisitsiniarnermik suliap suliarineqarnerata nalaani aappami suliami illua tungiusutut sinniisaatut inissisimasimanngippat, tak. suliassat suliarineqartarnerat pillugu inatsimmi § 8.*

*Kommuni suliani akiitsunut tunngasuni innuttaasunut pineqartunut namminernut siunissami allattassasoq inassuteqaatigaara.*

*Kommuni pisortanit ikiorsiissutit utertitassanngortillugit ikiorsiissutigineqarsimasut 9.328,41 kr.-t eqqarsaatigalugit, tassani periaatsip pissuseqataanik piffissap isumaginninneq pillugu inatsiseqartitsineq tunngavigalugu utertitsilluni akiliiffissatut aalajangersarneqarsimaneranik uppernarsaatit qulakkeeqqaarnagit akilersuinissamillu isumaqatigiissutaasimasoq 1. februar 2005-imeersoq unioqqutillugu pinngitsaaliilluni akiliisitsiniarsimammat inassuteqaatigaara aningaasat 12.656,09 kr.-t akilersinniarneqarnerannik suliaq kommunip suliareqqissagaa, kukkunerit taakku aaqqinneqarnissaat siunertaralugu.*

*A uanga paasinninninnik allakkatigut allatigut allakkat uku assilinerannik ilaqartinneqartutigut ilisimatippara."*

*Ukiup nalunaarusiuunneqartup naanerani K Kommunimit suli tusagaqanngilanga.*

## 11.20 - A/S Inissiaatileqatigiiffik INI

### 29. Ineqarnermut akiliutininik naatsorsuineq

#### 1. **Imermik atuineranut aningaasartuutit immikkut naatsorsuutitut avissaartinneqarnerannut atatillugu ineqarnermut akiliutit aaqquiffigineqarnerat**

*A-p Ombudsmandip allaffianut ornigulluni 30. januar 2006-imi saaffiginninnermini ineqarnermut akiliutit appariaataannit annertunerusunik imermik atuineranut 1. januar 2006-imit immikkut akiliisalertussaanini naammagittaalliuutigaa.*

*Ombudsmandi tamatumunnga atatillugu aalajangerpoq ineqarnermut akiliutinut aaqqiissut imermut siumoortumik akiliutigineqartussatut akilersinniarneqartunit annikinnerusoq ineqarnermut akiliutit qaffanneqarnissaannik ilimasaaruteqartarneq pillugu malittarisassat malillugit ilimasaarutigisariaqarsimagaluarnersoq, tak. inissianik attartortitsisarneq pillugu Inatsisartut peqqussutaanni § 28, imm. 2, misissorniarlugu.*

*Ombudsmandip oqaatigaa A-p ineqarnermut akiliutaasa 1. januar 2006-imit aallartittumik allanngortinneqarnerat inissianik attartortitsisarneq pillugu Inatsisartut peqqussutaanni ineqarnermut akiliutinik qaffaanissamik ilimasaaruteqartarneq pillugu § 28, imm. 2-mi malittarisassat malillugit ingerlanneqarsimasusaagaluartoq.*

*Aammattaaq Ombudsmandip oqaatigaa paasissutissat, matumani missingersuutit eqikkarlugit ilanngullugit nassiunneqartut eqqarsaatigalugit, Inissiaatileqatigiiffiup allannguineranut ilanngullugu nassiussaasa ineqarnermut akiliutinik qaffaanissamik ilimasaaruteqarnermi tunngavilersuinissamik piumasaaqat eqqortinnikkaat, Inissiaatileqatigiiffillu qinnuigalugu tamanna Inissiaatileqatigiiffiup qanoq iliuuseqarnissaanut pissutissaqalersitsinersoq nalunaarutigeqqullugu. (J.nr. 11.20.29.01/012-06)*

A-p allaffinnut ornigulluni 30. januar 2006-imi saaffiginninnermini ineqarnermut akiliutit appariaataannit annertunerusunik imermik atuineranut 1. januar 2006-imit immikkut akiliisalertussaanini naammagittaalliuutigaa.

Tamatumunnga atatillugu aalajangerpunga ineqarnermut akiliutinut aaqqiissut imermut siumoortumik akiliutigineqartussatut akilersinniarneqartunit annikinnerusoq ineqarnermut akiliutit qaffanneqarnissaannik ilimasaaruteqartarneq pillugu malittarisassat malillugit ilimasaarutigisariaqarsimagaluarnersoq misissorniarlugu, tak. inissianik attartortitsisarneq pillugu Inatsisartut peqqussutaanni § 28, imm. 2.

Suliap ingerlasimanera imaappoq:

2006-imi ineqarnermut akiliutit allanngortinneqarnissaannik ilimasaarut imaattoq Inissiaatileqatigiiffiup A-mut 2005-imi septemberimi nassiuppaa:

"2006-IMI INISSIAP ATTARTORNERANUT AKILIUT

Matumuuna nalunaarutigineqassaaq 1. januar 2006-imiit qaammammoortumik inissiap attartorneranut akiliutigisartagassat imaalillugu aalajangerneqarmat:

Maanna attartornermut akiliut	Allannguut	Siuniss. att. akiliut
Kr. 3252,00	-88,00	3164,00

Imermut aamma kiassarnermut akiliutit qulaani ilanngunneqanngillat. 2006-imut ineqarnermut tapiiffigineqarnissannik qinnuteqarnissat kissaatigigukku kommunit saaffiginnaasaat.

Inissiamik attartornermut akiliutaasartup sunik matussusiinissaa missingersuutit eqikkarnerini allakkanut ilanngunneqartuni takusinnaavat. Najugaqarfimmut missingersuutit najugaqarfiup siulersuisuinut saqqummiunneqareerput, kingornalu inissianik piginnittunit akuersissutigineqarlutik."

Ilimasaarut taanna nassuiaammik imaattumik ilanngussiffigineqarsimavoq:

"Inissiap attartornerani akiliutigisartagassatit qanoq naatsorsorneqartassanersut matumuuna ilisimatitsissutigissavarput:

Namminersornerullutik Oqartussat kommunillu inissiaataanni attartortikkani attartornermut akiliutit qanoq naatsorsorneqartassanersut Inatsisartunit aalajangerneqartarpoq.

Tassa inissianik piginnittup aningaasaliissutaasa erniaat aammalu aningaasartuutit, inissiat ingerlanneqarnerinut attuumassutillit inissiamik attartornermut akiliutivit matussusertussaavaat.

Aningaasaliissutit erniaat oqaatigineqareersutut inissiap piginnittuata pisussavaai. Aningaasaliissutit erniaat illup sananeqarnerani nalingata 1½%-iannik ukiumut annertussuseqarput. Taamaattoq illup sananeqarnermini nalinga minnerpaamik m<sup>2</sup>-imut 7.000 kr.-inut annerpaamillu m<sup>2</sup>-imut 15.000 kr.-nut aalajangersarneqassaaq.

Inissianik ingerlatsinerneq aningaasartuutininut aserfallatsaaliuinerneq, aqutsinerneq, sillimmasiissutinut, inissianik nakkutilliisunut, eqqaavilerinerneq il.il. aningaasartuutit assersuutit taaneqarsinnaapput.

Namminersornerullutik Oqartussat kommunillu inissiasuaataat inissiaataallu uigulukuttut najugaqarfimmut agguagaapput. Inissianik ingerlatsinerneq aningaasartuutit najugaqarfimmi attartortut akornanni agguarneqartarput, tamatumani inissiat kvadratmeterimut annertussusaat aalajangiivigineqartarluni. Taamaattoq inissiat aqunneqarnerinut aningaasartuutit attartortut akornanni assigiimmik agguataarneqartarput.

Ukiut tamaasa najugaqarfiup ingerlanneqarneranut aningaasartuutit ukiumut tuliiuttumut missingersuusiorneqartassapput. Isertitat aningaasartuutilluunniit allannguuteqarnerisigut aamma inissiamik attartornermut akiliut allannguuteqarsinnaavoq, tassa isertitat aningaasartuutillu oqimaaqatigiissinneqartussaammata.

Inatsisartut aalajangerput imermut akiliut inissiamik attartornermut akiliutit naatsorsorneqartarneranut ilanngunneqartarunnaassasoq. Tamatumunnga taarsiullugu imermut aningaasartuutit matussutissaannik akiliisarneq kiassarnermut akiliutit akilersinneqartarnerisulli akilersinneqartalissaaq. Aamma imermik atuineq immik-

kut naatsorsuusiorneqartalissaaq. 2006-imi imermut akiliutissap annertussusia kingusinnerusukkut nalunaarutigineqarumaarpoq.

Inatsisartut aalajangerputtaaq ineqarneq pillugu maalaaruteqartarfimmik pilersitsisoqarsinnaasoq. Aamma Inatsisartut aalajangerput ineqarneq pillugu maalaaruteqartarfiup ingerlanneqarneranut aningaasartuutit attartortunit matussuserneqartassasut.

Najugaqarfinni inissiamik attartornermut akiliutip aalajangerneqarneranut tungatillugu makku immikkut taaneqarsinnaapput:

Imermut aningaasartuutit siuliani taaneqareersutut missingersuutinit peerneqarput.

Ukiu siuliini amigartoorutinut akiliinissat missingersuutinit ilanngunneqarput.

Ukiunut qulinut aserfallatsaaliuinissamut pilersaarut malillugu pisariaqartitat naapertorlugit aserfallatsaaliuinissamut illuartitat amerlineqarput.

Inissianik attartornermut akiliutaasartut naatsorsortarneri pillugit Namminersornerullutik Oqartussat maleruagassaat inissianik attartorneq pillugu peqqussummi §§ 28-mi, aamma 31-32-mi aammalu inissianik attartorneq pillugu nalunaarummi kapituli 3-mi aamma 7-imi takuneqarsinnaapput.

Siuliani allassimasut pillugit apeqqtissaqaruit najukkami allaffeqarfippit saaffigiinnarsinnaavat."

Tamatumunnga peqatigitillugu missingersuutinit eqikkaaneq paasisstissanik imaattunik imaqartoq ilanngullugu nassiunneqarpoq:

"INGERLATSINERMUT MISSINGERSUUTIT Piffissaq: 0101-2006 - 31-12-2006

NAJUGAQARFIK

Piginnittoq: Namminers. Oqart.

NAJUGAQARFIUP NR. ...

Aqutsisoq: A/S Boligselskabet INI

NAJUGAQARFIK PILLUGU PAASISSUTISSAT

Najugaqarfimmiipput: Pr. 31-03-2005

Inissiat 579-it katillugit initussusiat: 35.542,80 m<sup>2</sup>

Immikkut attartukkat 17-it initussusiat: 1.939,30 m<sup>2</sup>

Ineqarnermut akiliutaasartut sunut atorneqartarneri uani takusinnaavatit:

...

Aningaasartuutit agguataarnerisa itisilerneru qupp. 3 aamma 4-mi takuneqarsinnaapput.

## 1. JANUAR 2006 - 31. DECEMBER 2006 PILLUGU INGERLATSINERMUT MISSINGERSUUTIT

	Miss. 2006	Miss. 2005	Allanng. 2005-2006	Naats. 2004
ANINGAASAR-TUUTIT				
Aningaasaliis-sutit erniaat,101	4.794.707	4.706.544	88.164	4.741.853
Aqutsinermut akiliutit, kukkunersiineq ilanngullugu,112	2.743.984	2.647.240	96.744	1.992.445

Imermut akitsuutit, 107	0	1.725.000	-1.725.000	1.992.445
Eqqaavilerineq, 109	561.000	332.000	229.000	300.663
Sillimmasiineq, 110	1.003.956	1.012.584	-8.628	982.990
Ataatsimoorusani innaallagiasani kiassarnerlu, 111	412.000	945.000	-533.000	620.367
Eqqiaaneq, inis-sianik nakkutiliisut ilanngulugit, 114	2.386.000	2.107.000	279.000	2.198.242
Nalinginnaasumik aserfallatsaaliineq, 115	3.700.000	2.845.000	855.000	4.020.040
Ataatsimoorussat, 118				
Tamalaanut aningaasar-, tuutit, sammisassat ilanngullugit, 119	719.449	1.056.160	-336.711	138.654
Immikkoortitat [Illuartitat]:				
- pilersaarutaasumik aserfallatsaaliinermit	2.487.000	2.391.531	95.469	2.007.686
- qimatsinermit				
iluarsaassinernut	485.640	471.240	14.400	498.840
- inuttaqanngitsunit qimatsisunillu annaasat	475.000	277.320	197.680	275.000
- siunertanut allanut				
Immikkut ittumik aningaasartuutit, 125-136	<u>425.071</u>	<u>47.985</u>	<u>377.086</u>	<u>468.158</u>
<b>ANINGAASARTUUTIT KATILL.</b>	<b><u>20.193.808</u></b>	<b><u>20.564.604</u></b>	<b><u>-370.796</u></b>	<b><u>20.880.093</u></b>
ISERTITAT				
Ineqarnermut akiliutaasartut:				
Najukkani	19.126.236	19.192.272	-66.036	19.891.672
Immikkut atartukkani	1.449.840	1.278.240	171.600	575.010
Pitsanngorsaannermit ineqarnermut qaffaatit				
Erniat, 202	143.666	94.092	49.574	155.531
Tapiissutit, 203.1				71.113
Isertitat allat, 203.2-203.5				
Immikkut isertitat, 125-136				
<b>ISERTITAT KATIL-</b>				
<b>LUGIT 20.</b>	<b><u>20.719.742</u></b>	<b><u>20.564.604</u></b>	<b><u>155.138</u></b>	<b><u>20.693.326</u></b>
<b>Sinneqartoorutit/amigartoorutit</b>				<b><u>167.085</u></b>
<b>OQIMAAQATI-GIISITSINEQ</b>	<b><u>20.719.742</u></b>	<b><u>20.564.604</u></b>	<b><u>155.138</u></b>	<b><u>20.860.412</u></b>

**Ingerlatsinermit missingersuutit ersersippaat isertitat allanngortinnissaat pisariaqartinneqartoq, tamannalu ineqarnermut akiliutaasartut allanngortinnerisigut anguneqassalluni.**

INEQARNERMUT AKILIUTIT ILUARSINERI -2,6%

Inissiamut ineqarnermut akiliutaasartut katinneri immikkoortut 3-upput, aningaasaliissutit erniaat, aqutsinermit akiliutit kiisalu ingerlatsinermit aningaasartuutit. Aningaaliissutit erniaat inissianik piginnittup pissavai, tassaasut kommuni imaluunniit Namminersornerullutik Oqartussat, tak. missingersuutit saqqaat. Aningaasaliissutit erniaat inissiap angissusianik tunngaveqarpoq, taamaattumillu inissiamit inissiamut nikerartuulluni.

Aqutsinermit akiliutit tassaapput inissiat attartortittakkat aqunneqartinnerini piginnittup aningaasartuutai. Aqutsinermit akiliutit aalajangersimasuupput, inissiat aqunneqartut ataasiakkaarlugit akilerneqartartut, taamaattumillu inissiap angissusianut tunngassuteqaratik.

Ineqarnermut akiliutaasartut sinnerisa najugaqarfimmi ingerlatsinermit aningaasartuutit matussusertarpaat. Ingerlatsinermit aningaasartuutit najugaqarfimmi attartortut akornanni agguataarneqartarput, inissiat ataasiakkaarlutik kvadratmeteriisa amerlassusii aallaavigalugit, tassa ingerlatsinermit aningaasartuutit inissiamit inissiamut nikerartuupput.

Ineqarnermut akiliutaasartut immikkoortui katinneqartartut aalajangersimasunik nikerartunillu immikkoortoqarmata, ineqarnermut akiliutaasartut agguaqatigiissillugit iluarsisutaat siuliani allassimasoq najoqqutassatut tiguneqassaaq. Inissiamut ataatsimut ineqarnermut akiliutaasartut naatsorsusianit minnerusumik nikingassuteqarsinnaassapput.

Ingerlatsinermit missingersuutit malillugit aningaasartuutit agguataarnerisa itisilneri tulluuttuni takusinnaavatit.

Aningaasaliissutit erniaat konto 101

Illumik piginnittumut aningaasaliissutit erniaat ukiumoortut inissianik attartortarneq pillugu Inatsisartut peqqussutaanni §§ 10-11-mi aalajangersarneqarput. Inissiat nalinginnaasut pillugit aningaasaliissutit erniaat tassaapput illup sananerani akiata 1,5%-ii. Taamaattoq sanaartornermut akit m<sup>2</sup>-mut minnerpaamik 7.000,- kr.-nut taavalu annerpaamik 15.000,- kr.-nut aalajangerneqassapput. Atortunik amigaaqarnermi, illup sananerata akia m<sup>2</sup>-mut 7.000 kr.-nik sipporluguluunniit akeqarpat, illup sananerata akia atortut ataasiakkaarlugit m<sup>2</sup>-mut 1.000,- kr. ilanngaatigineqartassapput.

Aqutsinermit akiliutit kukkunersuiisarneq ilanngullugu 112

Aqutsinermit akiliutit Inissiaatileqatigiiffik INI-mut aningaasartuutit matussusertarpaat, taassuma najugaqarfiup inissiaartaata aqunneqarneri akisussaaffigimmit.

Ukioq 2006 pillugu aqutsinermit akiliutit aalajangerneqarput inissiamut ataatsimut ukiumut 4.529,00 kr.-nut.

Innaallagissamut, imermut, kiassarnermut il.il. ataatsimut aningaasartuutit, konto 107-109 aamma 111

Imermik atuineq ataatsimut uuttuutit malillugit akilerneqartarpoq taavalu aningaasartuutit m<sup>2</sup>-it malillugit inissianut agguataarneqartarlutik. Maannakkut nammineerluni uuttuteqarnissaq piumasarineqanngilaq. Eqqaavilerinermit aammalu



najugaqarfimmi ataatsimoorussat nukissamik atuinerinut aningaasartuutit aamma taaq m<sup>2</sup>-it amerlassusii malillugit akilerneqartarput.

Imerkik sipaarneqarnissamut iliuuseqarnikkut aammalu pærit atuinikinnerusut ikkussornerisigut aningaasartuutit angissusiinut najugaqartut sunniuteqaqataasinnaapput.

[Eqqaanermut kiisalu immikkoortortaqarfiup ataatsimoorussiviini nukimmik atuinerneqarnissamut aningaasartuutit kvadratmeterit qassiussusiat naapertorlugi agguataarneqartarpoq. Ilaqutariinnut illuni ataasiakkaani marloqiusanilu eqqaaneq attartortunut ataasiakkaanut toqqaannartumik akilersinneqartarpoq.] (Kalaallisuuani ilanngunneqarsimangitsoq Atorfeqarfimmi nutsigaq)

Eqqaaneq - inissianik nakkutilliisut ilanngullugit, konto 114

Inissianik nakkutilliisunut najugaqarfimmi sulisorineqartunut akissaatit kiisalu telefonimut, sullisinut pikkorissaanernullu aningaasartuutit. Majuarterfeqarfimmi asaanermut, aputaajaanermut aammalu inissiat misissornerinut aningaasartuutit aamma aningaasartuuteqarfiusumut ilanngunneqarput.

Inissianik nakkutilliisut akissaataannut sulisuunerinullu tunngasunut najugaqartut sunniuteqarsinnaanngillat, taamaattorli najugaqarfiup kiffartuunneqarnerata qanoq annertutiginissaata aalajangeratigut aningaasartuutit sunniuteqarsinnaallutik.

Nalinginnaasumik aserfallatsaaliineq aserfallatsaaliinissamullu immikkoortitsisarneq, konto 115 aamma 120

Pilersaarutaasumik aserfallatsaaliinerit (kt.116) aammalu nalinginnaasumik aserfallatsaaliinerit immikkoortinneqarput. Pilersaarutaasumik aserfallatsaaliinerit ukiut 20 iluini ingerlanneqartassapput. Najugaqarfik ukiut tamaasa ukiunut 20-nut pilersarusiat malillugit aningaasanik aalajangersimasunik immikkoortitsisassaaq (immikkoortitat, kt. 120). Aningaasartuutit akilerneqarpata, ukiut siuliinit immikkoortitat matussuserneqassapput (kt. 401). Nalinginnaasumik aserfallatsaaliineri suliasat, ukiunut 20-nut pilersaarutini ilanngunneqanngitsut, suliarineqartarput.

Aserfallatsaaliineri suliasat suut aallarnerneqassanersut najugaqartut sunniuteqarfigisinnaavaat. Taamaattoq inissiatileqatigiiffiup illunik aserfallatsaaliinnginnissaa akuerineqanngilaq.

Najugaqartut sammisassaqtinneri ataatsimoorfiannilu ingerlatsineq, konto 118 aamma 119

Najugaqartut sammisassaasa, ataatsimiittarnerisa aammalu siulersuisuisa ataatsimiittarnerisa ingerlanneqarnerinut aningaasartuutit. Najugaqarfik aammattaaq ataatsimoorutimik atortunik ingerlatsinerneq aningaasartuuteqarsinnaavoq, errorsisarfiit katerisimaartarfiillu ilanngullugit. Tamakkua saniatigut najugaqarfik allaffeqarnermut telefoninullu aningaasartuuteqarsinnaavoq.

Sillimasiissutit aammalu immikkut ittumik aningaasartuutit, konto 110 aamma 125-136

Illut innarlarsinnaanerinut illunik piginnittoq sillimmaseereerpoq taavalu sillimasiinerneq aningaasartuutit inissiat initussusii malillugit agguataarneqassallutik. Najugaqarfiup sillimasiissutaani najugaqartut pequtaasa sillimaserneqarnerinut matussusiinngillat.

Immikkoortitat [Illuartitat] allat, konto 123 aamma 124

Qimatsisarnermut aammalu inissiat inuttaqannginnerinut atatillugu najugaqarfiup aningaasartuutaasa matussusernissaannut aningaasat immikkoortinneqartarput [illuartinneqartarput]. Inuttaqanngitsunit annaasanut aammalu inuttaqannginnerini kiassanermut aammalu qimatsisut akiitsuinut aningaasartuutit saniatigut, illorsuar-ni kiassanermut naatsorsuutit naapertorlugit kiassanermut utertoortusiassat akiler-nerini aningaasartuutit aammattaq akilerneqassapput. Illorsuit [Ilaqutariinnut ataa-siakkaanut illuliat] eqqarsaatigalugit inuttaqanngitsut pillugit innaallagissamut oia-millu pisinermut aningaasartuutit ilanngullugit akilerneqassapput."

Inissiaatileqatigiiffik A-mut 28. november 2005-imi imatut allappoq:

"Imermut akiligassaq.

2006-imi ineqarnermut akiliutissap annertussusissaa pillugu, septembarimi allak-kanik nassiussisimavugut.

Tassungalu atatillugu nalunaarutigaarput, inatsisartut aaliangiussimammassuk imeq ineqarnermut akiliuummi naatsorsuutaasarunnaassasoq. Kiassanermulli akiliu-teqartarnertut imermut aningaasartuutit matussusernissaat pillugu akileeqquisoqar-talissalluni.

Inigisannut imermut akiliutissaq naatsorsorsimavarput kr. 3.240,00 ukiumut imlt. kr. 270,00 qaammammut. 2007-imi imermut naatsorsuutit naammassippata, nalu-naarfigineqassaatit utertuussanerlutit imaluunniit akileeqqissanersutit.

Kiassanermut massakkutut akiliisassaatit. 2006-imi kiassanermut akiliutissaq ima annertutigivoq 14.760,00 ukiumut imlt. kr 1.230,00 qaammammut.

Kiassanermut imermullu akiliutaasartut pillugit inissiani attartortunut Inatsisar-tut malittarisassaliaanni Inatsisartut peqqussutaanni § 41 aamma § 44 atuarsinnaava-tit. Malittarisassat ataani allassimapput.

Ataani allassimasut pillugit apeqqutissaqaruit immikkoortorta qarfitta allaffianut saaffiginninnissannut tikilluaqquatsigit."

A tamatuma kingornatigut uannut naammagittaalliorpoq.

Inissiaatileqatigiiffimmu tusarniaallunga allakkanni 20. marts 2006-imeersuni imatut allappunga:

"A allaffinnut ornigulluni 30. januar 2006-imi saaffiginnilluni 1. januar 2006-imit ineqarnermut akiliutit appariaataannit qaffasinnerusumik imermik atuinnermut aki-liutinik immikkut akiliisussaani naammagittaalliutiga. A-p tamatumunnga ata-tillugu ineqarnermut akiliutit 1. januar 2006-imit appartinneqarmissaannik ilimasaa-rutip assilnera aamma imermik atuinnermut akiliutaagallartussanut akiliiffissiap ani-ngaaserivimmit ...-imeersup assilnera uannut tunniuppai.

Tamatumunnga atatillugu aalajangerpunga ineqarnermut akiliutinut aaqqiissutaa-soq imermik atuinnermut akiliutaagallartussatut akilersinniarneqartunit annikinneru-soq ineqarnermut akiliutit qaffanneqarmissaannik ilimasaaruteqartarneq pillugu ma-littarisassat malillugit ilimasaarutigisariaqarsimagaluarnersoq misissuiffiginiarlu-gu, tak. inissiatinik attartorneq pillugu Inatsisartut peqqussutaanni § 28, imm. 2.

Inissiaatileqatigiiffik qinnuigaara naammagittaalliut pillugu oqaaseqaateqaaqqul-lugu, suliarlu allagaatinik A-p 2006-imi ineqarnermut akiliutaasa naatsorsorneqar-neranut tunngaviusumik imalik misissugassanngorlugu uannut nassuteqqullugu.

Inissiaatileqatigiiffiup akissutaa A-mut suliami illua'tungiusumut tusarniaatitut saqqummiunneqarsinnaavoq."

Inissiaatileqatigiiffiup nunap immikkoortuani allaffiata illoqarfimmi K-miittup tusarniaanermut akissut imaattoq 29. marts 2006-imi nassiuppaa:

"Ombudsmandip allagaanit 20. marts 2006-imeersunit erserpoq A ineqarnermut akiliutit qaffanneqarnissaannik ilimasaarummik pisariaqarsimagaluarnersoq Ombudsmandip isumaliutersuutigigaa.

INI-p oqaatigisinnaavaa A ineqarnermut akiliutit qaffanneqarnissaannik ilimasaarummik nassinneqarsimammat. Attartortut tamarmik 2001-imi septemberimili ukiumi tullermi ineqarnermut akiliutit allannguuteqarnissaannik ilimasaarummik nassinneqarsimapput, inissianik attartorneq pillugu peqqussummi malittarisassat naapertorlugit, ineqarnermut akiliutit qaffanneqarnissaat apparneqarnissaalluunniit apeqqutaatinnagu.

Ineqarnermut akiliutit allanngortinneqarnissaat pillugu ilimasaarutip, imermik atuinermut akiliutaagallartut aamma immikkoortortaqrifiup pineqartup imermut aningaasartuutaasa naatsorsorneqarneri pillugit allakkat assilineri ilanngullugit nas-siunneqarput.

Imermik atuinermut akiliutaagallartut kisitsimmu 10-mik agguarneqarsinnaasumut qaninnerpaamut qummut aaqinneqartarput. A-p inigisaa 80,50 m<sup>2</sup>-iummat ukiumullu m<sup>2</sup>-mut 38,93 kr.-t akilernerqartarmata imermut akiliutaagallartut qaam-mammut 270 kr.-nut aalajangersarneqarsimapput." (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*"Inatsisikkut tunngavigisaaq.*

*Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq pisortat inissiaataanni attartortittakkani ineqarnermut akiliutit aalajangersarneqartarnerat imermullu akiliuteqartarneq pillugu malittarisassanik imaattunik imaqrpoq:*

*"§ 28. Namminersornerullutik Oqartussat kommunillu ilaqutariinnut arlalinnut illuutaanni najugaqatigiiffimmi inissianik attartortitsinermit isertitat tamakkiisut sukkulluunniit annertussusilerneqarnerini, najugaqatigiiffiup aningaasartuutunik tamanik akiliisinnaanissaa periarfissinneqassaaq, matumani ilanngullugit aningaasaaliissutinit iluanaarutinut illumik piginnittumut akiliutitut aningaasartuutit, tak. § 31, aamma ingerlatsinerneq atavillugit aningaasartuutit, matumani ilanngullugit alaffissorikkut aqutsinerneq akiliutit, tak. § 32, imm. 1-6, aserorterisarnermik pina-veersaartitsinerneq akiliutit, tak. § 32, imm. 7, aamma akiliutissatut illuartitallu aalajangikkat.*

*Imm. 2. Ineqarnermut akiliutit ukiumoortumik attartortitsisup najugaqatigiiffimmi ingerlatsinerneq missingersusisai akuerisaalu tunngavigalugit ukiumut tul-liuttumut annertussusilerneqartassapput. Imm. 1-imi piimasaqaatit naammassiniarlugit ineqarnermut akiliummik qaffaanissaaq pisariaqassappat, tamanna attartortunut ataasiakkaanut qaammatinik pingasunik sioqquatsisumik nalunaaruteqareernikkut pisinnaavoq. Siumoortumik ilisimatitsissut qaffaanermut tunngaviusut qaffaatissallu qaammammut koruuninnorlugit annertussusissaat pillugit paasisutissanik imaqqangippat siumoortumik ilisimatitsissut atortussaatinneqarsinnaanngilaq. Ukiumut tulluuttumut missingersuutit siumoortumik ilisimatitsissummut ilan-*

*ngunneqarsinnaapput, tassanilu qaffaanermut tunngaviusoq allaqqassaaq. Ineqarnermut akiliutinik appaanerit siumut ilisimatitseqqaarani pisinnaapput.*

*Imm. 3. ...*

*Imm. 4. ...*

*Imm. 5. Naalakkersuisut pilersaarutaasumik aserfallatsaaliuinissamut teknikik-kullu atortulersuutinik nutarterinissamut illuartitsisarneq, ineqarnermut akiliutip naatsorsorneqartarnera aamma ineqarnermut akiliutip iluarsineqarnissaanut siu-moortumik ilisimatitsisarneq pillugu maleruagassiorsinnaapput."*

*"§ 41. Attartortitsisoq kiassarnermik imermillu kissartumik attartortumut pilersuisuuguni, attartortitsisup attartortup kiassarnermut imermillu kissartumut atugaanut aningaasartuutini, kiisalu attartortup inini ataatsimoorfusuni assigisaanni-luunniit kiassarnermut imermillu aningaasartuutinu akileeqataassutissai attartortumut akiligassiissutigisinnaavai. Tamakkununga aningaasartuutit ineqarnermut akiliummut ilaatinneqarsinnaangillat, ukiumoortumilli kiassarnermut naatsorsuutit immikkut ittut, attartortitsisup suliarineqartut aqutigalugit akilerneqassallutik. Ukiumoortumik kiassarnermut naatsorsuuteqarfiusumi qaammatisiutit ukuiat malinneqassaaq.*

*Imm. 2. Attartortup aningaasartuutinu akileeqataassutissatut matusissutissaanut attartortoq qaammatikkaartumik akiliutaagallartunik akiliisineqartassaaq. Attartortup akiligassaa attartornermini akiligassatut pisussaaffiuvoq, aammalu ineqarnermut akiliummut ilanngullugu akiligassiissutigineqartassalluni, tak. § 38.*

*Imm. 3. Attartortitsisoq kiassarnermut naatsorsuusiorderminut atatillugu allaffisfornikkut aqutsinermut akiligassanik akiliisitsisinnaavoq.*

*Imm. 4. Naalakkersuisut kiassarnermut naatsorsuusiorderneq, aningaasartuutit attartortunut agguarneqartarnerat, akiliisarneq aamma kiassarnermut akiliutissat iluarsivigineqartarnerat pillugit maleruagassiorsinnaapput."*

*"§ 44. Pilersuineramik ingerlatseqatigiiffiusoq illuatungeriit isumaqatigiissuteqarnerat tunngavigalugu attartortunut imermik pilersuisuuppat, akileeqqusissut akilikallu pilersuineramik ingerlatseqatigiiffiusup attartortullu akornanni toqqaanartumik naammassineqassapput. Akileeqqusissutit akilikallu pilersuineramik ingerlatseqatigiiffiusup piumasaqaatai nalinginnaasut naapertorlugit ingerlanneqassapput.*

*Imm. 2. Attartortitsisoq attartortumut imermik pilersuisuuppat, attartortitsisoq tamatumunnga aningaasartuutini matussusertinniarlugit piumasaqarsinnaavoq. Attartortitsisup attartortoq attartortitsisup imermut aningaasartuutaanut matusissutissanik akiliutaagallartussanik akileeqqussavaa. Akiliutaagallartussat qaammammut ataasiarluni immikkoortillugit ineqarnermut akiliutissat nassiunneqarnerinut ilanngullugit akilersinniarneqartassapput.*

*Imm. 3. Illuummi inissiat immikkut naatsorsuinermut uuttuusersugaanngippata, illumi imeq atorneqartoq tamakkiisoq attartukkat ataasiakkaat angissusaat naapertorlugi agguarneqassaaq. Imermut naatsorsuusiordermi attartortitsisoq attartuk-kamut ataatsimut akiliisitsisinnaavoq, akiliutissarlu 275 kr.-init annertunerussanngilaq. Imermut naatsorsuutit najugaqatigiiffimmi illuutip inissisimaffigisaani ukioq naatsorsuusiorderfiusoq malissavaat.*

*Imm. 4. Illuummi attartukkat ataasiakkaat immikkut naatsorsuinermut uuttuusersugaappata, uuttuutit ataasiakkaat aningaasartuutinu matussusiissutissanik akiliisitsisinarinissaq imaluunniit akiliutaagallartunut akiliivallaarutinik utertitsinissaq siunerartalugu ukiumut ataasiarlutik atuarneqartassapput. Tamannattaq attartortup inissiamut iserterneranut aamma inissiamit anineranut atuutsinneqarpoq. Akili-*

gassani attartortumut nassiinneqartuni ilaatinneqartussat tassaapput piffissami imermut uuttuut malillugu imermik atuinerup annertussuserpiaa 5 %-inik ilaqartinneqartoq, atuaanermut akiliut 175 kr.-init annertunerutinneqartussaangitsoq, kii-salu uuttuummik attartorneq uuttuummut ataatsimut qaammammut 10 kr.-inik annertussusilerneqartoq.

Imm. 5. Attartortup attartortitsisumut isumaqatigiissuteqareerneratigut nammineerluni imermut uuttuummik atuaalluni tamatuma inerneranik attartortitsisumut nalunaaruteqartarpat, attartortoq atuaanermut akiliummik 50 kr.-it sinnernagit annertussuseqartumik akiliisinneqartassaaq. Akiliutaagallartunut akiliivallaarutit attartortumut utertinneqartassapput, aammalu akiliutaagallartunut akiliinikipallaarutit attartortumut ilassutitut akiligassannortinneqartassapput. Ilassutitut akiligassat qaammatini pingasuni imermut akiliutaagallartunuit annertuneruppata, attartortoq pisinnaatitaavog akiligassat qaammatikkaartumik akiligassatut annertoqati-giinnut pingasunut agguarlugit akilersussallugit.

Imm. 6. Naalackersuisut atuaasarneq imermullu atukkamut akiliisitsisarneq, kii-salu imermut naatsorsuusiortarneq pillugu sukumiisunik maleruagassiorsinnaapput."

*Peqqussutissatut siunnersuummi § 28 pillugu oqaaseqaatit imaapput:*

"§ 28-p annerpaartaa Namminersornerullutik Oqartussat kommunellu ilaquatariinnut arlalinnut inissiaataannut tunngatillugu Inatsisartut peqqussutaanni nr. 5-imi, 31. maj 2001-imeersumi kingusinnerusukkut allannguuteqartinneqartumi § 10, imm. 1-3-mut aamma imm. 5-imut assingusuvoq.

Imm. 1-imi aalajangersarneqarpoq ilaquatariinnut arlalinnut inissiani pisortanit pigineqartuni ineqarnermut akiliutit najugaqatigiiffinni ataasiakkaani isertitat aningaasartuutininut naleqqunnissaat tunngavigalugu aalajangerneqartassasut. Tassalu ineqarnermut akiliut oqimaqatigiissitsinikkut akiliuteqarfiusassaaq (attartorneq aningaasartuutininut aalajangigaasoq), tassanilu inissiaqarfittut immikkoortortap isertiitai najugaqatigiiffiup aningaasartuutaanut naapertuutsinneqassapput.

Najugaqatigiiffiup ingerlanneqarneranut aningaasartuutit aningaasartuutininut assigiinnigitsunut arlalinnut agguagaapput. Ilanngussaq 1-imi ingerlatsinerneq aningaasartuutininut assersuutit arlallit takussutissiorneqarput. Ilanngussaq 1 tamavinnut matussusiinnigilaq, taamaattumillu inissiaqarfittut immikkoortortap aningaasartuutaanik tamakkiisunik attartortitsisup naatsorsuinerani ilanngussaq 1-imi taaneqartut saniatigut ingerlatsinerneq aningaasartuutininut allanik ilanngussisoqarsinnaavoq.

Aningaasartuutit pingasunnorlugit immikkoortiterneqarsinnaapput, tassa aningaasartuutininut nalinginnaasunut, illuartitanut aningaasartuutininullu immikkut ittu-nut. Aningaasartuutit nalinginnaasut ataaniissapput inissianik piginnittup aningaasatitigut iluanaarutissai, iluarsaassineq, sillimasiissutit, aserorterinissamik pinaveersaartitsinerneq akiliutit, inissiamit aninermi nalinginnaasumik iluarsaassinerit, najugaqartunut sammisaqartitsinerit il.il. Illuartitat tassaasinnaapput pilersaarutaasumik piffissaligaasumik aserfallatsaaliuinissamut nutarterinissamullu, inissiat inoqannginnerinut inissianiillu nuuttoqarneranut atatillugu annaasassanut atugassat. Aningaasartuutit immikkut itut ataaniissinnaasut ilaatigut tassaapput inissiat inoqannginnerinut inissianiillu nuuttoqarneranut atatillugu aningaasanik illuartsivigineqarsimannigitsunut annaasat.

...

Siunnersuummi imm. 2-p atuutilerneratigut attartortut ataasiakkaat ineqarnermut akiliutaannik qaffaanissap qaammatinik pingasunik siumut ilisimatitsereernik-

*kut atuutsinneqalertarnera unioqquitsinerussanngilaq. Siu moortumik ilisimatitsinerit, ineqarnermut akiliutip qaffanneranut pissutaasumik taassumalu angissusaa-nik paasissutissanik imaqqanngitsut atuuttussanngortinneqarsinnaanngillat. Siu moortumik ilisimatitsissut minnerpaamik ineqarnermut akiliutit qaffanneqarnerinut pissutaasumut paasissutissanik pingaarnernik imaqqassaaq. Pissutaasutut oqaatigineqarsinnaapput allaffissornikkut aqutsinermut aningaasartuutit qaffannerat, aningaasaliissutinit iluanaarutit qaffannerat, ingerlatsinermut pingaarnermut aningaasartuutit qaffannerat imaluunniit illuartitanut aningaasartuutit qaffannerat. Attartortitsisup aamma paasissutissiisussaataitanerminut tapertaralugu ukiumut tulliuuttumut missingersuutit kisitsisitaat ilanngussinnaavai, tassanilu ukiumi inger-lasumi ukiumilu tulliuutumi missingersuutini aningaasartuutissat pingaarnertit taku-neqarsinnaassapput.*

...

*Siunnersuummi imm. 5 naapertorlugu Naalakkersuisut pilersaarutaasumik aserfallatsaaliuinissamut teknikikkullu atortulersuutinik nutarterinissamut illuartitsisarneq, ineqarnermut akiliutip naatsorsorneqartarnera aamma ineqarnermut akiliutip iluarsineqarnissaanut siu moortumik ilisimatitsisarneq pillugu maleruagassi-ornissamut piginnaatinneqarput."*

### *Suliami pissusiviusut.*

*2006-imi ineqarnermut akiliutimi qaammammut 88 kr.-nik appariarnissaannik Inissiaatileqatigiiffiup nalunaarutaa A-p 2005-imi septemberip ingerlanerani tiguaa.*

*Nalunaarummit erserpoq imeq kiassarnerlu ineqarnermut akiliutitigut akilerneqartarunnaassasut.*

*Nalunaarut taanna missingersuutit eqikkarneqarnerannik qulaani is-suarneqartunik ilaqartinneqarpoq.*

### *Pissusiviusunik inatsiseqartitsinikkut naliliiffiginnineq.*

*Siullertut apeqqutaavoq imermut akiliutit (2005 ilanngullugu missingersuutinut ineqarnermik akiliutinik naatsorsuinermi tunngavinnut ilaasimasut) 2006-imi missingersuutit aallarnerfigalugit missingersuusiornermit peerneqarsimanerisa attartortup aningaasartuutaasa ikiliallannerat nassatarineraa, ikiliallaallu taanna attartortitsisup missingersuutini aningaasartuutit allat qaffannerinut atorsinnaaneraa, inissianik attartortitsisarneq pillugu peqqussummi § 28, imm. 2-mi ilimasaarisarneq pillugu malittarisassat malinngikkaluarlugit.*

*Apeqqut taanna pillugu oqaatigaara inissianik attartortitsisarneq pillugu peqqussummi § 28, imm. 1-imit, peqqusutissatut siunnersuummi aalajangersagaq taanna pillugu oqaaseqaatinut sanilliussilluni, ersertoq ineqarnermut akiliutit aalajangersarneqassasut aningaasartuutit isertitallu oqimaaqatigiilersillugit.*

*Ukiumi aggersumi ineqarnermut akiliutit qaffanneqarnerisa (taamalu ilimasaarisarneq pillugu malittarisassat malinneqarnerisa) pisariaqartuunerat pillugu apeqqut ineqarnermut akiliutitigut isertitat ukiumi aggersumi*

*anigaasartuutaasussatut missingersuusiorneqartunut matussutissiissutaasinnaanerisa paasineqarnerisigut aalajangiiffigineqassaaq.*

*Ilimasaarisarneq pillugu malittarisassat inissianik attartortitsisarneq pillugu Inatsisartut peqqussutaanni nr. 3-mi, 20. juli 1989-imeersumi § 6, imm. 3-kkut aalajangersarneqaaqqaarput, Inatsisartullu peqqussutissaattut siunnersuut taanna pillugu oqaaseqaatinit nalinginnaasunit aamma inissianik attartortitsisarneq pillugu peqqussutip suliarineqarneranut atatillugu ajornartorsiutit tamanna sioqqullugu Inatsisartut 1987-imi ukiakkut ataatsimiinneranni oqaluuserineqarnerannit erserpoq inissianik attartortitsisarneq pillugu peqqussutip siunertaasa ilaat tassaasoq attartortunik inatsisitigut illersuinerup qulakkeerneqarnissaa.*

*Taamaattumik manna tunngaviuttippara, tassalu ilimasaarisarneq pillugu malittarisassat siunertaat tassaasoq inatsisitigut illersuinissianik taaneqartutut isiginninneq, tamannalu ilimasaarisarneq pillugu malittarisassanik suliamut pineqartumut atatillugu paasinninninnut pingaaruteqarpoq, tak. tamanna pillugu kingusinnerusukkut allaaserineqartut.*

*Ukiumut aggersumut missingersuutini anigaasartuutit aalajangersimasut peerneqarnerat anigaasartuutini taakkuusunik allatigut allannguuteqanngitsumik missingersuusiornikkut missingersuutini sinneqartooruteqarnermik imaaliiallaannaq nassataqartussaavoq, taamaattussaallunnittaaq ineqarnermut massakkut akiliutit ilaatigut missingersuutini anigaasartuutit peerneqartunik anigaasalersuisussaasimasut aalajangiuisimaneqarpata.*

*Suliami matumani imermut anigaasartuutit ingerlatsinermut anigaasartuutini missingersuusianit peerneqarsimapput, isertitassatulli missingersuusiorneqarsimasut taakku annertoqataannik aaqqiivigineqarsimanatik.*

*Tamanna uanga paasinninnera malillugu matumunnga ataneqartinneqartariaqarpoq, tassalu attartortut imermut akiliuteqartarnerat pillugu malittarisassat allanngortinneqarneranni inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi §§-itigut 41-kkut aamma 44-kkut pisumi attartortut imermik atuinerminnut akiliisarunnaarnissaannik siunertaqarsimanngitsoq, siunissamili akiliisarneq ineqarnermut akiliutit saniatigut pialissasoq.*

*Pisumi tassani ilimasaarisarneq pillugu malittarisassani inatsisitigut illersuinissamik siunertaasup uanga paasinninnera malillugu manna nassataraa, tassalu imermut anigaasartuutit immikkut naatsorsuutininut immikkoortinneqarnerisigut anigaasartuutit appariaataat najugaqarfittut immikkoortortaqarfiata missingersuutaanni appariaataasut attartortitsisup ilimasaarisarneq pillugu malittarisassat saneqqutiinnarlugit missingersuutini anigaasartuuteqarfiit allat qaffanneqarnerannut atorsinnaanngekai, imermut anigaasartuutit missingersuutininut ilanngunneqarsimasuuppata anigaasartuutitigut qaffaatit allat pineqartut ineqarnermut akiliutit qaffanneqarnerat nassatarisimassagaluarpasuk.*



Allatut oqaatigalugu pineqartoq tassaavoq ilimasaarisarneq pillugu malittarisassat malinneqarnissaannik apeqqut manna aallaavigalugu aalajangiivigineqartariaqartoq, tassalu imermut aningaasartuutit immikkoortinneqarnerat imatut naatsorsuutini aaqqiivigineqassasoq, massakkut ineqarnermut akiliutaasut imermik atuinnermut aningaasartuutininik aamma matusisinnaangortillugit aalajangersarneqarsimanagerat isiginiarlugu.

Tamatuma kingornatigut isumaqarpunga najugaqarfittut immikkoortotaqarfiup missingersuutai isertitatigut aaqqiivigineqartariaqartut imermut aningaasartuutit ilanngullugit eqqarsaatigalugit, ilimasaarisarneq pillugu malittarisassat malinneqarnissaannik apeqqutip qulaajarneqannginnerani.

Missingersuutininik eqikkaaneq issuarneqartoq Inissiaatileqatigiiffiup Amut nassiussaa katillugit 20.193.808 kr.-nik aningaasartuuteqarnissamik takutitsivoq.

Isertitat 20.719.742 kr.-nut naatsorsorneqarsimapput.

Isertitat imermut aningaasartuutininik 1.725.000 kr.-nik aaqqiussutitallit 18.994.742 kr.-iupput.

Taamaallilluni amigartoorutit aningaasalersorneqanngitsut pilerput.

Tamannalu tunngavigalugu uanga paasinninnera unaavoq attartortitsisoq imaluunniit Inissiaatileqatigiiffik ineqarnermut akiliutit qaffanneqarnissaannik ilimasaarisarneq pillugu malittarisassat malinnagit aningaasartuuteqarfiusunik arlalinnik pisimasutut qaffaanissaminut pisinnaatitaa-simanngitsoq.

Tamatuma kingornatigut apeqqut una saqqummerpoq, tassalu ineqarnermut akiliutit qaffanneqarnissaannik 2005-imi ilimasaarinerup inissianik attartortitsisarneq pillugu peqqussummi § 28, imm. 2-mi tunngavilersu-inissamik piumasaqaat eqqortinneraa.

Tamanna pillugu oqaatigaara missingersuutini aningaasartuuteqarfinni arlalinni qaffaatigitinneqartunut pissutaasoq oqaasertaliussatut missingersuutininik eqikkaanermut ilanngunneqartumi erseqqinnerusumik nassu-iarneqanngitsoq.

Aningaasartuutit missingersuusiorneqarneranni tunngaviit nalingin-naasut allaaserineqarnerat kisimi ilaavoq.

Aserfallatsaaliinnermut illuartitat eqqarsaatigalugit aallarniutaasumik oqaasertaliussani oqaatigineqarpoq aningaasartuutit ukiunut qulinut pilersaarusiaq tunngavigalugu aalajangersarneqassasut, konto 120-li pillugu oqaaseqaatinit erserluni illuartitsineq ukiunut 20-nik pilersaarusiaq tunngavigalugu pissasoq.

Taamaattorli illuartitat ukiunut ataasiakkaanut qanoq agguataarneqas-sanersut sumiluunniit oqaatigineqarsimannilaq.

Inissianik attartortitsisarneq pillugu peqqussummi § 28, imm. 2-mit er-serpoq ineqarnermut akiliutit missingersuutit tunngavigalugit aalajanger-sarneqartassasut, ineqarnermullu akiliutit qaffanneqarnissaannik ilima-saarut tunngavilersorneqartassasoq.

*Tunngavilersuisussaatitaaneq ilimasaarutip missingersuutininik paasisstutissanut paasisitsiniaanissamik pisariaqartitsinerup pineqartup eqqortinneqarnissaanut pisariaqartunut ilanngunneqarneratigut eqqortinneqarsinnaavoq.*

*Tunngavilersuut aamma missingersuutit pillugit paasisstutissat soorunali eqqortumik takutitsisuussapput.*

*A eqqarsaatigalugu ineqarnermut akiliutinik aaqqiissuteqarneq ilimasaarummi aamma missingersuutit pillugit paasisstutissani ilanngullugit nassiuqqartuni ineqarnermut akiliutit appartinneqarnerattut allaaserineqarsimavoq, missingersuutinili allannguutit A-p ineqarnermut akiliutaanut qanoq sunniuteqarnissaat takuneqarsinnaanani.*

*Tunngavilersuisussaatitaaneq 2006-imi ineqarnermut akiliutit aalajangersarneqarnerat pillugu A-mut nalunaarut eqqarsaatigalugu taamatut eqqortinneqarsimannngimmat inassuteqaatigaara kukkunerup qanoq iliorluni aaqqinneqarnissaa Inissiaatileqatigiiffiup isummerfigissagaa.*

*Inaarutaasumik oqaaseqaatika.*

*Maluginiarparattaaq missingersuutininik eqikkaanermi A-p 2006-imi ineqarnermut akiliutaasa aalajangersarneqarnerannik nalunaarummut ilanngullugu nassiuqqartumi 525.934 kr.-nik sinneqartooruteqarnissaq naatsorsuutigineqarsimagunartoq, taakkulu aningaasartuutigineqartussatut missingersuusiorneqartut isertitassatut missingersuusiorneqartunit ilanngaatigineqarnerisigut pilersimapput.*

*Missingersuutininik eqikkaanermi takuneqarsinnaanngilaq sinneqartoorutit taakku siusinnerusukkut amigartoorutaasimasunut aningaasalersorneqarsimannngitsunut matusissutissaasut.*

*Tamatuma uanga paasinninnera malillugu manna nalorninarsisippaa, tassalu ineqarnermut akiliutit aningaasartuutinik isertitanillu oqimaaqatigiissitsinikkut aalajangersarneqartarnissaannik inissianik attartortitsisarneq pillugu peqqussummi § 28, imm. 1-ikkut piumasqaataasoq eqqortinneqarsimanersoq.*

*Taannali A-p uannut naammagittaalliuutaani ilaanngimmat taanna eqqarsaatigalugu annertunerusumik iliuuseqaqqissanngilanga.*

*A suliamik paasinninninnik allakkatigut allatigut allakkat ukua assilinerannik ilaqartinneqartutigut ilisimatippara."*

A/S Inissiaatileqatigiiffik INI allakkatigut 1. august 2006-imeersutigut imatut akivoq:

**"2006-imi ineqarnermut akiliutit pillugit paasisstutissiineq**

A aamma ... pillugit Ombudsmandip oqaaseqaatai INI-p matumuuna akissavai.

Ataani ersertussatut INI attartortunut marlunnut taakkununnga ineqarnermut akiliutissaat pillugit paasissutissiinermini malittarisassanik unioqqutitsisimangilaq.

INI-p aamma maluginiarpa INI-p ineqarnermut akiliutissat pillugit allagai kukuneqarnerarlugit A naammagittaalliorsimangitsoq.

Ombudsmandip inissianik attartortitsisarneq pillugu peqqussut 2005-imeersoq siullertut issuaavigaa. Ombudsmandi tamatumunnga tulliuullugu allappoq ilimasaarisarneq pillugu malittarisassat inissianik attartortitsineq pillugu peqqussummi 1989-imeersumi § 6, imm. 3-kkut atulersinneqartut.

Ilimasaarisarnerli pillugu malittarisassat 1989-imi atulersinneqarnerannik oqar-neq eqqunngilaq. Inissianik attartortitsarneq pillugu peqqussummi ilimasaarisarneq pillugu malittarisassat imaattunik oqaasertaqarput:

"§ 6. imm. 3. Attartornermut akiliut qaffanneqarsinnaavoq attartortoq qaammatinik pingasunik sioqqutsisumik ilisimatereerlugu. Ilisimatitsissut allaganngorlugu saqqummiunneqassaaq."

Inissianik attartortitsineq pillugu peqqussummi 2005-imeersumi massakkut atuuttumi ilimasaarisarneq pillugu malittarisassat allarluinnarnik oqaasertaqarput, tassalu imatut:

"§ 28, imm. 2. Ineqarnermut akiliutit ukiumoortumik attartortitsisup najugaqatigiiffimmi ingerlatsinermut missingersuusiai akuerisaalu tunngavigalugit ukiumut tulliuuttumut annertussilerneqartassapput. Imm. 1-imi piumasaqaatit naammassiariarlugit ineqarnermut akiliummik qaffaanissaq pisariaqassappat, tamanna attartortunut ataasiakkaanut qaammatinik pingasunik sioqqutsisumik nalunaaruteqareernikkut pisinnaavoq. Siumoortumik ilisimatitsissut qaffaanermut tunngaviusut qaffaatis-sallu qaammammut koruuninngorlugit annertussusissaat pillugit paasissutissanik imaqanngippat siumoortumik ilisimatitsissut atortussaatinneqarsinnaanngilaq. Ukiumut tulliuuttumut missingersuutit siumoortumik ilisimatitsissummut ilanngunneqarsinnaapput, tassanilu qaffaanermut tunngaviusoq allaqqassaaq. Ineqarnermut akiliutinik appaanerit siumut ilisimatitseqqaaran pisinnaapput."

Ilimasaarisarneq pillugu malittarisassani massakkut atuuttuni assersuutigalugu oqaatigineqarpoq qaffaanermut pissutaasoq qaffaanerullu annertussusia paasissutissiissutigineqassasut, tamannalu inissianik attartortitsineq pillugu peqqussummi 1989-imeersumi allassimangilaq. Taamaalilluni ilimasaarisarneq pillugu malittarisassat massakkut atuuttut inissianik attartortitsineq pillugu peqqussummit 1989-imeersuunerannik oqar-neq erseqqissumik kukkusuuvoq.

Ombudsmandip tamatuma kingornatigut inissianik attartortitsineq pillugu peqqussut 1989-imeersoq pillugu Naalakkersuisut nalinginnaasumik oqaaseqaataat innersuussutigalugulu oqaatigaa INI-p ineqarnermut akiliutit pillugit ilimasaarutaata "inatsiseqartitsinikkut aalajangersimasumik illersorneqarnissaq" eqqortissagaat.

Naalakkersuisut inissianik attartortitsineq pillugu peqqussummut 1989-imeersumut nalinginnaasumik oqaaseqaataanni allassimavoq:

"Ineqarnerup nuunneqarneranut atatillugu realkredittimillu atorniartarneq pillugu inatsisip nr. 281 10/6-1970-imeersup (15/6-1985-imeersup) kingusinnerusukkullu allannngortinneqarsimasup atortuulersinneqarneratigut naalakkersuisut pitsaanerpaasoraat ininik attartornermut peqqussutip atortuulersinniarneqarnissaa attartortut attartortitsisunut qulakkeerniarlugu".

Allatut oqaatigalugu Ombudsmandip ataatsimut isiginninnerit ineqarnermut akiliutit qaffannissaannut ilimasaarinnermut immikkut attuumassuteqanngitsut inner-suussutigai.

Naalakkersuisut nalinginnaasumik oqaaseqaataat taakku inner-suussutigalugit Ombudsmandip oqaatigaa ineqarnermut akiliutinik qaffaanissamik siumut ilimasaarereernissaq INI-p pisussaaffigigaa – aamma ineqarnermut akiliut qaffanneqassanngikkaluarpalluunniit -, ineqarnermut akiliut aamma imermik atuinnermut akiliut ataatsimut qaffaateqassappata.

INI Ombudsmandimut isumaqataannilaq,

- inissianik attartortitsineq pillugu peqqussummi 1989-imeersumi ineqarnermut akiliummik qaffaanissaq pillugu malittarisassat malittarisassanit 2005-imeersunit maannakkut atuuttunit allaanerujussuummata
- Ombudsmandip inissianik attartortitsineq pillugu peqqussummut 1989-imeersumut nalinginnaasumik oqaaseqaatini Naalakkersuisut ataatsimut allassimasai tunngavigalugit attartortitsisut pisussaaffiliussinnaanngimmagit
- ineqarnermut akiliummik qaffaanissamut malittarisassat sorliit atuutissasut inissianik attartortitsisarneq pillugu peqqussummi 2005-imeersumi Inatsisartut aalajangiimmata
- inissianik attartortitsisarneq pillugu peqqussummi 2005-imeersumi Inatsisartut malittarisassaliaat erseqqissut ataatsimut isiginninnermit inissianik attartortitsineq pillugu peqqussummut 1989-imeersumut nalinginnaasumik oqaaseqaaminni Naalakkersuisut allassimasaannit tunuartinneqanngimmata.

Inissianik attartortitsisarneq pillugu Inatsisartut peqqussutaat 2005-imeersup Nunatsinni inatsisaammata atuuttoq INI-p aalajangiusimasariaqarpaa. Ineqarnermut akiliummik qaffaanissamut qaqugukku ilimasaaruteqartarnissaq pillugu Inissianik attartortitsisarneq pillugu peqqussummi 2005-imeersumi § 28-mi erseqqissumik allassimasoq INI-p inner-suussutigisinnaavaa. § 28-mi erseqqissumik allassimavoq ineqarnermut akiliut qaffanneqassasoq najugaqatigiiffiup missingersuutaasa takutipassuk aatsaat ineqarnermut akiliummik qaffaanissaq ilimasaarutigineqassaaq.

Imermut aningaasartuutit missingersuutitut ilanngunneqassaarmata soorunalimi najugaqatigiiffinni A-p aamma ...-p inigisaannik piginnittumi ineqarnermut akiliummik qaffaanissamik ilimasaarinissamut pisussaaffeqartoqanngilaq.

INI-p nunap immikkoortuini allaffeqarfiisa Ombudsmandimut oqarnerattut ukiumi tulliuttumi ineqarnermut akiliutissaq pillugu inissianik attartortunut tamanut, inissianik attartortut ineqarnermut akiliutaasa qaffanneqarnissaat, apparneqarnissaat imaluunniit allannguuteqannginnissaat apeqqutaatinnagu allakkanik INI 2005-imi septemberimi nassiussuivoq. Naak ineqarnermut akiliummik qaffaanermi inissianik attartortunut INI-p ilimasaarinissaq pisussaaffingikkaluarlugu taamaalillutik ukiumi tulliuttumi ineqarnermut akiliutissaq pillugu inissianik attartortut tamarmik allagarsippat.

Inissianik attartortitsisarneq pillugu Inatsisartut peqqussutaanni § 28-mi, imm. 2-mi erseqqissumik allassimavoq ineqarnermut akiliummik qaffaanissamik ilimasaarinnermi allaqqassasoq.

**”qaffaanermut tunngaviusut qaffaatissallu qaammammut koruuninngorlugit annertussusissaat pillugit paasissutissiineq”**

ilimasaarummullu ilanngunneqarsinnaapput

”ukiumut tulliuuttumut missingersuutit tassanilu **qaffaaner**mut **tunngaviusut** er-sissapput”.

Inissianik attartortitsisarneq pillugu Inatsisartut peqqussutaanni § 28-mi, imm. 2-mut oqaaseqaatinit erseerpoq:

”Attartortitsisup aamma paasissutissiisussaataitaanerminut tapertaralugu ukiumut tulliuuttumut missingersuutit kisitsisitaat ilanngussinnaavai, tassanilu ukiumi ingerlasumi ukiumilu tulliuuttumi missingersuutini aningaasartuutissat pingaarnerit takuneqarsinnaassapput.”

Taamaattumik erseqqilluinnartumik allassimavoq ilimasaarineq pillugu malittari-sassat INI-p eqqortikkai.

Oqaatigineqartut ineqarnermut akiliutip allannguutissaanik A-mut aamma ...-mut ilimasaarinissaminut INI pisussaaffeqanngilaq, taamaaliornissatsinnuli pisussaaffeqarsimagalarutta ineqarnermut akiliutip qaffannissaata ilimasaarutigineissaanut piumasagaatit INI-p allagaasigut 2005-imi septembarimeersutigut tamanna naammassineqareerpoq.

Ombudsmandip missingersuutit eqikkarnerat pillugu oqaaseqarfigninnera imatut akisariaqarpoq.

Ombudsmandip A pillugu oqaaseqaammini ”aallarniutaasumik oqaasertaliusami” ukiunut qulinut pilersaarusiaq oqaatigineqarsimasoq oqaatigaa. INI-p A-mut allagaani ukiunut qulinut pilersaarusiaq oqaatigineqanngilaq, taamaattumik INI-p paasisinnaanngilaa aallarniutaasumik oqaasertaliussaq suna Ombudsmandip inner-suussutigineraa.

Ombudsmandip oqaatigaa ...-mut allakkani ukiut qulit oqaatigineqartut missingersuummilu eqikkakkami aserfallatsaaliinerup pilersaarusioneranut atatillugu ukiut 20-t oqaatigineqartut. INI-p ilisimatitsissutigineqanngilaq aserfallatsaaliinissaq ukiunut qulinut pilersaarusionerqartarmat missingersuusionerfiusullu ukiunut qulinut pilersaarusionerqartarlutik, taamaalluni najugaqatigiiffimmi ataatsimut PPV (piffissami pilersaarusiukkamilu aserfallatsaaliineq) ukiunut 20-nut pilersaarusionerqartarpoq.

Ombudsmandip oqaatigaa ”illuartitat ukiunut ataasiakkaanut qanoq agguataarneqassanersut” oqaatigineqarsimannngitsaq. Ombudsmandi isumaqarpat taakku missingersuutini eqikkakkani siunissami ukiuni ataasiakkaani aningaasat amerlasuut ator-neqartussat taaneqanngitsut INI-p ilisimatitsissutigineqanngilaq paasissutissat taama ittut missingersuutinit eqikkakkanit ersinneq ajormata. Akerlianik paasissutissat missingersuutinit ersittarput.

Ombudsmandip oqaatigaa ineqarnermut akiliutissat aalajangersarneqarnerat pillugu inissiaatileqatigiiffiup nalunaarutaanit ersinngitsaq taanna qanoq naatsorsorneqarsimanersaq. INI-p oqaatigineqanngilaq piffissami 1. juli 2002-mit 1. juli 2005-imut ineqarnermut akiliutip qaffannissaa ilimasaarutigineqaraangat ineqarnermut akiliutip naatsorsorneqarnerata ersittarnissaa piumasagaataasooq. Piumasagaat taanna piujunnaarpoq.

Naggataatigut Ombudsmandip oqaatigaa missingersuutiniq allanngineq ineqarnermut akiliutinut qanoq sunniuteqartarneraq missingersuutit eqikkarnerat aallavigalugu paasiuminaatsaq. INI-p malugeqqussavaa missingersuummik eqikkaanerup qanoq ilusilersornissaa pillugu peqqussummi 2005-imeersumi allassimasoqanngimmat.

INI-lli toqqarpaa oqaatigissallugu manna, tassalu ineqarnermut akiliut procentinngorlugu agguaqatigiisillugu qanoq nikisinneqassasoq, tassami maannakkorpiaq ineqarnermut akiliut tassangga allaaneruallaanngissinnaanera INI-p nangaanarto-

qartimmagu. Najugaqatigiiffimmut 232-mut missingersuutip eqikkarnerani oqaatigineqarpoq ineqarnermut akiliut agguaqatigiisillugu 0%-imut nikisinneqassasoq. ...-p ineqarnermut akiliutaa 4 kr.-nik apparneqarpoq. Najugaqatigiiffimmut 165-imut missingersuutip eqikkarnerani oqaatigineqarpoq ineqarnermut akiliut agguaqatigiisillugu 2,6%-imik nikisinneqassasoq, tamannalu A eqqasaatigalugu 84.50 kr.-iuvoq. A-p ineqarnermut akiliutaa 88 kr.-inik apparneqarpoq. Taamaattumik missingersuutip eqikkarnerani oqaatigineqartut attartortunut taakkununga tamanut naapertuuput." (Atorfeqarfimmi nutsigaavoq)

A-mut 13. oktober 2006-imi imatut allappunga:

"Suliaq massakkut uterfigaara, tassami Inissiatileqatigiiffiup akissutaa 8. august 2006-imi tigugakku.

Inissiatileqatigiiffiup akissutaata isummerfiginissaanut suli periarfissaqanngilanga, paasivarali Ineqarnermut Attaveqarnermullu Pisortaqarfiup suliap matuma pisuseqataa suliarisimasara pillugu oqaaseqaataa Atuagagdliutini 10. oktober 2006-imi saqqummertuni issuarneqarsimasoq.

Taamaattumik pisortaqarfik qinnuigaara ajornartorsiut sulianut taakkununga tunngasoq pillugu oqaaseqaatissaqarnersoq nalunaarutigeqqullugu.

Pisortaqarfiup akissutaa tigoreerukku suliama ilinnut tunngasumi ajornartorsiut isummerfigiumaarpara."

A-mut allakkani Ineqarnermut Attaveqarnermullu Pisortaqarfimmut allakkat 13. november 2006-imeersut taaneqartut imaattunik oqaasertaqarput:

"Inissiatileqatigiiffiup ineqarnermut akiliutit inissianik attartortitsineq pillugu peqqussummi § 28, imm. 2 naapertorlugu ilimasaarutigineqarsimanngitsunik qaffasimmagit aamma Inissiatileqatigiiffiup allakkannut 14. december 2005-imeersunut akissuteqarsimannginnera ...-p uannut allakkatigut 17. januar 2006-imeersutigut naammagittaalliutigaa.

Oqaaseqaatiga A/S Inissiatileqatigiiffik INI-mut allakkatigut 4. juli 2006-imeersutigut saqqummiuppara, misissuinerimalu inernilerneqarnera unaavoq ...-p ineqarnermut akiliutaasa 1. januar 2006-imit aallartittumik allanngortinneqarnerat inissianik attartortitsisarneq pillugu Inatsisartut peqqusutaanni ineqarnermut akiliutinik qaffaanissamik ilimasaaruteqartarneq pillugu § 28, imm. 2-mi malittarisassat malilugit ingerlanneqarsimasariaqaraluartoq.

Aammattaaq paasinninnera unaavoq paasissutissat, matumani missingersuutip eqikkarnerat Inissiatileqatigiiffiup ilanngullugu nassiussaa aamma ilanngullugu eqqarsaatigalugu, Inissiatileqatigiiffiup allannguinermut ilanngullugu nassiussaasa ineqarnermut akiliutinik qaffaanissamik ilimasaaruteqarnermi tunngavilersuinissamik piumasaaqat eqqortinnikkaat, taamaattumillu Inissiatileqatigiiffik qinnuigaara tamanna Inissiatileqatigiiffiup qanoq iliuseqarnissaanut pissutissaqalersitsiner-soq nalunaarfigeqqullunga.

...p allagaasa 14. december 2005-imeersut akineqarsimannginnerat pillugu naammagittaalliut eqqarsaatigalugu isumaqarpunga allakkat Inissiatileqatigiiffiup paasinninnera malillugu oqaasiinnartigut akineqarsimanerat Inissiatileqatigiiffiup allassimanngimmagu pitsaanngitsuusoq, allakkallu sukumiisumik akineqarsimanersut tamatuma kingunerisaanik uppenarsaasersuinikkut erseqqarluttunngornera taman-

na tunngavigalugu apeqqut taanna annertunerusumik naliliiffiginngitsoortariaqarsimavara.

Aamma maluginiarpara missingersuutininik eqikkaaneq ...-mut nassiunneqarsimasoq najugaqarfiit immikkoortotaqarfiata pineqartup missingersuutai sinneqartoorteqartussatut missingersuusiorneqarsimasutut isikkoqalersillugit saqqummiunneqarsimasoq.

Oqaaseqaatima pisortaqarfimmut siusinnerusukkut nassiussimanngisama assilinerana ilanngullugu nassiuppara.

Inissiaatileqatigiiffiup allakkatigut 1. august 2006-imeersutigut akivaanga, akissullu taanna suli isummerfiginngilara. Taamatuttaaq Inissiaatileqatigiiffiup akissutaa, Atorfeqarfimmi kalaallisuumut nutsernera ilanngullugu, nassiuppara.

Tamatuma kingornatigut maluginiarpara pisortaqarfik suliaq pillugu oqaaseqaateqarsimanerminik Atuagagdliutini 10. oktober 2006-imi saqqummertuni issuarneqarsimasoq. Aviiisimi allaaserisap assilinerana ilanngullugu aamma nassiuppara.

Pisortaqarfiup tusagassiuutinut oqaaseqaataa, eqqortumik issuarneqarsimaguni, pisortat inissiaataat attartortittakkat pillugit malittarisassanik aqutsinermik suliaassarqarfimmi tassani pisortaqarfiup akisussaasuuneranik tunngaveqartoq naatsorsuutiigaara.

Oqaatigineqartutut Inissiaatileqatigiiffiup akissutaa pillugu suli isummersimannginnera pineqarmat aviiisimi allaaserineqartoq tunngavigalugu isumaqarpunga pisutissaqartoq pisortaqarfik qinnuigissallugu pisortaqarfiup paasinninnini pillugu nassuiaaqqullugu, Inissiaatileqatigiiffiup akissutaanut atatillugu qanoq iliuuseqassanerlunga isumminnginninni.

Pisortaqarfiup nassuiaataa tigoreerukku Inissiaatileqatigiiffiup akissutaa isummerfiginiarpara."

Pisortaqarfik allakkani 26. oktober 2006-imeersuni imatut akivoq:

"...-mit maalaarut pillugu Ombudsmandip allagaa 13. oktober 2006-imeersoq Ineqarnermut Attaveqarnermullu Pisortaqarfiup tiguaa.

Ombudsmandip pisortaqarfik qinnuigaa pisortaqarfiup suliamik paasinninnera pillugu sukumiinerusumik nassuiaateqaqqullugu.

Tamanut tunngasut:

Ataatsimut isigalugu ineqarnermut akiliutip ineqarnermullu aningaasartuutit allat akornanni assigiinngissutaasut taakkulu ataqatigiinnerat pillugit pisortaqarfik nassuiaateqassaaq.

Attartortup ineqarnermut aningaasartuutai ataatsimoortut tassaapput ineqarnermut akiliut aamma inissiamik attartornermut atatillugu aningaasartuutit allat kinguliani allassimasut erngerluni takuneqassapput.

Ineqarnermut akiliutit inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 28, imm. 1 naapertorlugu aalajangersarneqartarput.

Inissiamik attartornermut atatillugu aningaasartuuteqarfiusartut allat ilaatigut tassaapput kiassarneq innaallagiartu, taakkulu ineqarnermut akiliummut ilaatinneqanngisaannarput, kisiannili tamatigut ineqarnermut akiliutip saniatigut akiligassanngortinneqartarlutik. Inissianik attartortitsisarneq pillugu Inatsisartut peqqussutaat nr. 2-p, 12. maj 2005-imeersup atuutilerteratigut aamma attartortup imermut akiligassai ineqarnermut akiligassanit peerneqarput. Peqqussummi § 44, imm. 1-imi allassimavoq, "Pilersuinerminik ingerlatseqatigiiffiusoq illuatungeriit isumaqatigiissuteqarnerat tunngavigalugu attartortunut imermik pilersuisuuppat, akileeqqusissut



akilikkallu pilersuinermik ingerlatseqatigiiffiusup attartortullu akornanni toqqaanartumik naammassineqassapput".

Kiisalu § 44, imm. 2-mi allassimavoq, "Attartortitsisoq attartortumut imermik pilersuisuuppat, attartortitsisoq tamatumunnga aningaasartuutini matussusertinniarlugit piumasaqarsinnaavoq. Attartortitsisup attartortoq attartortitsisup imermut aningaasartuutaanut matusissutissanik akiliutaagallartussanik akileeqqussavaa. Akiliutaagallartussat qaammammut ataasiarluni immikkoortillugit ineqarnermut akiliutisat nassiunneqarnerinut ilanngullugit akilersinniarneqartassapput". Taamaattumik imeq ineqarnermut akiliummut ilaatinneqarunnaarpoq, naak imermut aningaasartuutit ineqarnermut akiliummut ilagitillugit akiligassannortinneqartaraluartut.

Siuliani taaneqartut nassatarisaannik annikinnerusumik apparsimappat tamanna attartortup ineqarnermut akiliutit qaffannerattut misigisinnaavaa, tamatumani ineqarnermut akiliut apparialuortoq, tamatumungalu peqatigitillugu inissiamik attartornermut atasumik aningaasartuutit allat appariaataasumit annertunerusumik qaffallutik.

#### Suliaq pineqartog:

Ombudsmandi allakkamini 13. oktober 2006-imeersuni allappoq, ...-p attartortitsinermit peqqussummi § 28, imm. 2-mi allassimasunut naapertuutinningsumik ineqarnermut akiliummut qaffaaffigitissimalluni Ombudsmandimut maalaarutigisimagaa.

Suliami tassani ...-p ineqarnermut akiliutaa 1. januar 2007 aallarnerfigalugu qaammammut 4 kr.-inik apparpoq. Tamatuma peqatigisaanik imermut atuineranut akiliutai qaammammut 370 kr.-inik qaffassimapput. ...-p taamaalilluni qaammammut inissiamut aningaasartuutai tamakkiisut katillugit 366 kr.-inik amerleriarput. Pisortaqarfiup isumaa malillugu suliami pineqartumi A/S Inissiaatileqatigiiffik INI ineqarnermut akiliutisapp allannguutissaa pillugu qaammatit pingasut sioqqullugit ...-mut nalunaaruteqarnissamut pisussaaffeqanngilaq, ineqarnermut akiliutip apparnera tamatumani pineqarmat. Taamaattorli A/S Inissiaatileqatigiiffik INI aalajangersimavoq ineqarnermut akiliutip allannguutissaa attartortitsinermit peqqussummi § 28, imm. 2-mi ineqarnermut akiliutinik qaffaanissap siumoortumik nalunaarutigineqarnissaanut maleruagassat naapertorlugit siumoortumik nalunaarutiginiarlugu. Ineqarnermut akiliutip qaffanneranut ilanngullugu qaffaanermit tunngaviusoq qaffaattissallu qaammammut annertussusissaa koruuninngorlugu paasissutissiisutigineqartussaavoq. Aalajangersakkamut oqaaseqaatini allassimavoq attartortup paasissutissiinerminut ikorfartuutit ukiup tullianit missingersuutit kisitsisinngorlugit ilanngussinnaagai. ...-mut ineqarnermut akiliut pillugu nalunaarummut missingersuusiamik taamaattumik ilanngussisoqarsimavoq, tassanilu aamma maanna ineqarnermut akiliutip annertussusaa siunissamilu annertussusissaa koruuninngorlugu allanneqarsimavoq. Taamaattumik pisortaqarfiup isumaa malillugu A/S Inissiaatileqatigiiffik INI attartortitsisarneq pillugu peqqussummi § 28, imm. 2 uniorlugu iliuseqarsimanngilaq.

Aammattaq Ombudsmandi allappoq, ...-p inissiaatileqatigiiffimmut allagarisimasani 14. december 2005-imeersut akineqarsimannginnerat maalaarutigisimagaa.

Pisortaqarfik paasissutissatut saqqummiunneqartut tunngavialugit tamatumunnga oqaaseqaatissaqanngilaq."

Pisortaqarfiup akissutaa ukiup nalunaarusiuunneqartup naanerani suli isummerfiginngilara.

## 11.73 - Nammineerluni misissuiffiginninnerit

### 19. Allat

#### 1. **Isumaginninnermi Naammagittaalliuuteqartarfiup ineqarnermut akiliutinut akiitsut akilernerneqarnissaannut pisortanit ikiorsiissutit pillugit sulianik tullerriaarinera**

*Innuttaasunit ineqarnermut akiliutit matussutissaannik pisortanit ikiorsiissutinik kommunit itigartitsinerinik Isumaginninnermi Naammagittaalliuuteqartarfiup suliarinninneranut atatillugu naammagittaalliuutit taakku qaammatit 12-it iluanni suliarineqarnissaannik Naammagittaalliuuteqartarfiup naatsorsuutiginninneranik nalunaarfigineqarsimasunit saaffiginnissutit marluk imminnut attuumassuteqanngitsut Ombudsmandip tiguai. Naammagittaalliuuteqartarfiup suliamik suliarinninnermini piffissap atugaata naammagittaalliortup attartugaata atorunnaarsinnerqarneranik nassataqartussaanaera naammagittaalliortup aappaata naammagittaalliuutiginiarpaa.*

*Ombudsmandi tamanna tunngavigalugu aalajangerpoq innuttaasoq attartukkami atorunnaarsinneqarnissaa pinngitsoortinniarlugu pisortanit ikiorsiissutinik qinnuteqarsimatillugu Naammagittaalliuuteqartarfiup ineqarnermut akiliutit matussutissaannik pisortanit ikiorsiissutinik qinnuteqaatit pillugit tullerriaarisarnera misissorniarlugu aalajangerpoq, tak. Ombudsmandi pillugu inatsimmi § 6, imm. 5.*

*Ombudsmandip paasinninnera unaavoq Naammagittaalliuuteqartarfiup tullerriaarinermi periaasia oqaatigineqartoq sulianik suliarinninnermi aallaavilimmik periaatsip tamatuma atornerqarnerata isornartorsiornissaanut pissutissaqalersitsinngitsoq.*

*Ombudsmandili isumaqarpoq suliani ataasiakkaani pissutsit periaatsimik tamatumingga saneqqutsinissamut tunngavissaqartitsinersut Naammagittaalliuuteqartarfimmit maluginiarneqartarnissaat inassutigissallugu tunngavissaqarluni.*

*Ombudsmandi aamma isumaqarpoq allakkatigut taasisitsisarnerup maannakkornit annertunerusumik Naammagittaalliuuteqartarfimmit atorneqarnissaata inassutiginnissaanut tunngavissaqarluni. (J.nr. 11.73.19.04/124-05)*

Suliami pisimasut imaapput:

A-p manna pillugu naammagittaalliuutaa 2. december 2005-imi tiguara, tassalu Naammagittaalliuuteqartarfiup allakkani 19. oktober 2005-imeersuni, ...-mik j. normoqartuni, A, illoqarfik K, nalunaarfigisimagaa ilaatigut ineqarnermut akiitsut matussutissaannik pisortanit ikiorsiissutinik itigar-

tinneqarnini pillugu naammagittaalliuutaata qaammatit aqqanillit iluanni suliarineqarnissaa naatsorsuutigineqarsinnaasoq.

Innuttaasoq alla, B, Naammagittaalliuuteqartarfimmit ilitsersorneqarnermi kingornatigut uanga allaffinnut 5. december 2005-imi saaffiginnippoq.

B ineqarnermut akiliutinut 4.000 kr.-t missaannik akiitsoqarpoq, pisortanit ikiorsiissutit aqutugalugit matuneqarnissaannik kommunimit itigartit-sissutigineqarsimasunik, naak akiitsut akilerneqannginnerat B-p attartornerata atorunnaarsinneqarneranik nassataqarsinnaagaluatoq.

B Naammagittaalliuuteqartarfimmut naammagittaalliuuteqarmat Naammagittaalliuuteqartarfiup ilisimatippaa suliaq tassunga tunngasoq qaammatit aqqanillit iluanni suliarineqassasoq.

Tamanna tunngavigalugu aalajangerpunga attartornerup atorunnaarsinneqarnissaata pinngitsoortinneqarnissaa siunertaralugu ineqarnermut akiitsut matusissutissaannik innuttaasoq pisortanit ikiorsiissutinik qinnuteqartillugu sulianik Naammagittaalliuuteqartarfiup tulleriiaarisarnera pillugu nammineerlunga misissuineramik aallartitsiniarlunga, tak. Ombudsmandi pillugu inatsimmi § 6, imm. 5.

Tamatuma kingornatigut Naammagittaalliuuteqartarfimmut 8. december 2005-imi allappunga:

„Naammagittaalliuuteqartarfik ... qinnuigaara innuttaasut pineqartut pisortanit ikiorsiissutinik ikiorserneqarnissamut periarfissaqarnerannik piffissap sivikinnerusup ingerlanerani qulaajaanermik qulakkeerunneqarnissaannik Naammagittaalliuuteqartarfiup tulleriiaarnermi sulianik taamaattunik immikkut salliuutitsisannnginneranut pissutaasoq pillugu nassuiaateqaqqullugu.

Tamatumunnga peqatigitillugu oqaatigaara Naammagittaalliuuteqartarfiup Amut allagaanit ersertoq piffissap suliamik suliarinninnermut atorneqartup qanoq sivisitiginissaanik naatsorsuutiginninneq pillugu paasisutissiissutaa taanna Naammagittaalliuuteqartarfiup ukiumut 3-4-riarluni ataatsimiittarneranik paasisutissiissummut ataneqartillugu oqaatigineqarsimasoq.

Tamatumunnga atatillugu Naammagittaalliuuteqartarfiup suliami allami uannut allagai 17. oktober 2005-imeersut innersuusutigaakka, Naammagittaalliuuteqartarfiummi allakkani taakkunani siulittaasup aalajangiisarnissaanut oqarasuaatikkullu ataatsimiittarnissamut periarfissaq taasimammagu, oqaatigaluguli Naammagittaalliuuteqartarfimmi ilaasortat allakkatigut taasitinneqartarnerat atorneqanngitsoq. Isumaginnittoqarfiulli aqunneqarnera aqqissuussaaneralu pillugit Inatsisartut peqqusutaanni § 10, imm. 4 allakkatigut taasisitsinerup atorneqarnissaanut inatsisikkut tunngavissaliivoq.

Naammagittaalliuuteqartarfik tamanna tunngavigalugu aamma qinnuigaara suliani misissuinermut matumunnga tunngaviusuni, ataatsimut imaluunniit pisut atasiakkarlugit naliliinikkut, ataatsimiinnivinnut taarsiullugu aalajangeeriaatsit allat atorneqartarnissaat Naammagittaalliuuteqartarfiup isumaliutersuutiginiarneraa oqaaseqaatigeqqullugu.“

Isumaginninnermi Naammagittaalliuuteqartarfiup 15. december 2005-imi akivaanga:

”Suliaq qulaani taaneqartoq pillugu ombudsmandip allagaa Isumaginninnermi Naammagittaalliuteqartarfiup ulloq 8. december 2005-imi tigusimavaa.

Ineqarnermut akiliutit pisortanit ikiorsiissutit atorlugit akilerneqarnissaat pillugit innuttaasunit saaffiginnissutit marluk tunngavigalugit Inatsisartut Ombudsmandiata naammagittaalliuteqartarfimmit naammagittaalliutinut suliat pillugit salliutitsisoqartarnera pillugu nassuiaateqartoqarnissaa kissaatigaa, aammalu ombudsmandip kissaatigalugu allatigut aalajangiiniarnermi periutsinik naammagittaalliuteqartarfiup atuisarnera paaserusullugu.

Naammagittaalliuteqartarfiup siusinnerusukkt ilaatigut ulloq 16. juni 2005-imi ataatsimiinnermi ilaatigullu allakkani 7. juni 2004-meersuni suliat suliarineqarnerisa qanoq sivisutigisarnerannik Ombudsmandi ilisimatissimavaa, suliallu suli amerliartornerat pissutigalugu ullumikkut qaammatinik 12-init 18-inut sivisussuseqartarluni, aammalu ilaatigut allatigut suut salliutinneqassanersut pillugit ilisimatissimalugu.

Naammagittaalliuteqartarfik aalajangersimavoq pinngitsaaliilluni inissiisarnermut suliat kisimik allakkatigut salliutinneqartassasut Nunatsinni inoqarfiit imminnut ungasinneri pissutigalugit, taamaalillunilu allakkat sivisuumik ingerlaartariaqartarlutik.

Akerlianik naammagittaalliuteqartarfik aalajangersimavoq sulianut immikkut itunut nalilersugassanullu siulittaasoq aalajangiisassasoq.

Ineqarnermut akiliutinut pisortanit ikiorsiissuteqarnissaq pillugu apeqqummi missingerlugu naliliisoqartuartartussaavoq, tamatumalu kingunerisaanik naammagittaalliuteqartarfimmit tamarmiusumit suliarineqartariaqartassallutik.

Naammagittaalliuteqartarfik nalinginnaasumik isumaqarpoq, meeqqat pinngitsaaliissummik inissinneqartut pillugit suliat suli salliutinneqartassasut, suliallu allat qaqugukkut takkuneri apeqqutaatillugit suliarineqartassallutik, aammalu illuatungeriinnit attuumassuteqartunit paasissutissat pisariaqartinneqartut takkuteersi-massasut.”

Isumaginninnermi Naammagittaalliuteqartarfimmut 28. marts 2006-imi allappunga:

”Naammagittaalliuteqartarfiup tusarniaanermut akissutai 15. aamma 20. december 2005-imi tiguakka.

Taakkua saniatigut maluginiarpara Naammagittaalliuteqartarfik A.G-mi 28. marts 2006-imi allaaserisami imatut issuarneqarsimasoq:

”Ukiuni kingullerni attartornermut inatsisip sukaterneqarnerata kingorna attartorpassuarnit anisitaalersunit saaffiginnissuterpasuarnik aamma takkuttoqartalersimavoq.

Taakkua nalinginnaasumik akiligassaqartarput, kommunit ikiuunnissamut itigartitsisimanerisa kingorna akilersinnaanngisaminnik.

Saaffiginnissutinik taamaattunik untritolinnik akuliuffigisinnaanngisatsinnik su-liassinneqartarpugut, Naammagittaalliuteqartarfimmit oqaatigineqarpoq.”

Naammagittaalliuteqartarfiup tusarniaaninnut akissummini oqaatigaa ineqarnermut akiliutinut akiitsunut akiliutissanik pisortanit ikiorsiissutit pillugit suliat Naammagittaalliuteqartarfimmit suliarineqartartut.

Naammagittaalliuuteqartarfik tamanna tunngavigalugu qinnuigaara aviisimi is-suarneqartoq ineqarnermut akiliutinut akiitsunut matusissutissanik pisortanit ikior-siissutit pillugit suliat Naammagittaalliuuteqartarfimmit suliarineqarmissaat itigartit-sissutigineqartarsimanersut, taamaappallu suna inatsisitigut tunngavigalugu itigar-titsisoqartarsimanagera pillugu nassuiaateqaqullugu.

Aviisimit issuarneqartoq eqqorsimappat Naammagittaalliuuteqartarfik aamma qinnuigaara Naammagittaalliuuteqartarfiup tusarniaaninnut akissummini suliat pi-neqartut suliarineqartarnerannik oqarsimaneranut pissutaasoq pillugu nassuiaate-qaqullugu.”

Isumaginninnermi Naammagittaalliuuteqartarfiup 30. marts 2006-imi akivaanga:

”Qulaani pineqartumut tunngatillugu Ombudsmandip allagaa Inunnik Isumagin-ninnermi Naammagittaalliuuteqartarfiup 30. marts 2006-imi tiguaa.

Marlunngornermi 28. marts-imi A.G.-mi allaaserinninneq tunngavigalugu ineqar-nermut akiligassanik akiliteqarmissamut pisortat ikiorsiissuteqarmissaminnut itigar-titsinerat naammagittaalliortarfimmi qanoq suliarineqartarnerat pillugu paasitinne-qarnissaq Inatsisartut Ombudsmandiata kissaatigaa, soorlu tamanna 15. december 2005-imi naammagittaalliortarfimmiit allaaserinninnikkut paasissutissiissutigine-qartoq.

Ineqarnermut akiligassanik pisortat ikiorsiisarnerat pillugu apeqqut naammagit-taalliuuteqartarfiup siornatigut nassuiaateqarfigereersimavaa, ikiorsiisarneq tamati-gut missingersuussinikkut naliliinerusartoq tamatumalu malitsigisaanik naammagit-taalliortarfimmit tamakkiisumit suliarineqartariaqarluni.

Suliassaqarfimmi tassani suleriaaseq naammagittaalliuuteqartarfiup allanngortin-gilaa.

A.G.-mi oqaaseqaat ineqarnermut akiligassanik pisortat ikiorsiinissamut itigartit-sinerat pillugu naammagittaalliutinik suliarinnikkumanninnerattut paasineqassan-gilaq.

Marlunngornermi 28. marts 2006-imi A.G.-mi Ombudsmandip oqaaseqaammik issuaanera ima paasineqassaaq, ineqarnermut akiligassanik aningaasatigut ikiorsii-sarnermi aalajangiinerit imaaliiallaannaq aalajangiisinnaannginneq pillugu naamma-gittaalliortarfiup pakatsineratut. Ineqarnermut akiligassaqalerneq kommunillu akili-gassanik akiliinissamut itigartitsinera pissutigalugu ullut arlaqanngitsut qaangiup-pata ineqarfimminniit anisitaanissamik siorasaarneqartunit naammagittaalliuuteqar-tarfik akuttunngitsumik attavigineqartarpoq.

Inuit taakku naalliunnartumik inissisimanerat naammagittaalliortarfiup paasisin-naalluarpai kisianni massakkut nukissatigut inatsisiliornikkullu ikiuinissaminut pe-riarfissaqarnani.

Qulaaniittut tunngavigalugit naammagittaalliortarfiup isumaqarfigai 15. decem-ber 2005-imi ullulernerqartoq nassuiaat Ombudsmandimut nassiunneqartoq A.G.-milu issuakkat imminnut akerleriinngitsut.”

Isumaginninnermut Naammagittaalliuuteqartarfimmut ilassutitut tusar-niaassut 8. juni 2006-imi imaattoq nassiuppara:

”Ilassutitut tusarniaassutinnut 28. marts 2006-imeersumut Naammagittaalliuute-qartarfiup akissutaa 31. marts 2006-imi tiguaa Naammagittaalliuuteqartarfiullu ili-simatitsissutai tusaatissatut tiguakka.

Tamatumunnga peqatigitillugu oqaatigaara tusarniaassutinni 8. december 2005-imeersumi Naammagittaalliuuteqartarfik qinnuigalugu ataatsimiinnivinnut taarsiullugu aalajangeeriaatsit allat atorneqartarnissaat, tassunga ilanngullugu allakkatigut aalajangiinerit, Naammagittaalliuuteqartarfiup isumaliutersuutiginiarneraa oqaaseqaatigeqqullugu.

Naammagittaalliuuteqartarfiup akissummini 15. december 2005-imeersuni aamma 30. marts 2006-imeersuni oqaatigaa suliat ineqarnermut akiitsunut akiliutis-sanik pisortanit ikiorsiissutinut tunngasut nalilersugassatut isikkoqarnerat pissutigalugu Naammagittaalliuuteqartarfimmut ilaasortanit tamarmiusunit suliarineqarnissaat pisariaqartoq.

Paasinneqqaarnera unaavoq Naammagittaalliuuteqartarfiup isummamisut oqaatigisaa, oqaaseqarfiginissaanut pissutissaqarfiginngisara, assersuutigalugu allakkatigut aalajangiinerup atornissaanut mattussinngitsaq, tassami aalajangeeriaatsip tamatumaa Naammagittaalliuuteqartarfimmit ilaasortanut tamarmiusunut suliamik saqqummiussinikkut Naammagittaalliuuteqartarfimmit aalajangiineq nassatarissamma-gu.

Naliliiffigisassaannngitsuni suliassanilu pingaaruteqanngitsuni siulittaasup aalajangiisarneranik atuneq pillugu Naammagittaalliuuteqartarfiup ilisimatitsissutaa Naammagittaalliuuteqartarfiup aalajangiisinnaatitaaneramik allamut tunniussisar-neq pillugu apeqqutip akерlianut tunngasuvoq.

Tamanna tunngavigalugu Naammagittaalliuuteqartarfik qinnuigaara Naammagittaalliuuteqartarfiup, taamaassappallu isumaliutersuutit suut tunngavigalugit, tusarniaassumut akissummini 15. december 2005-imeersumi ilisimatitsissutigineranit annertunerusumik allakkatigut aalajangiisarnerup atorneqarnissaanut suli tunngavis-saqannginnini oqaaseqarfigeqqeqqullugu.”

Isumaginninnermi Naammagittaalliuuteqartarfiup akissutaa ataani allasimasooq 3. august 2006-imi tiguara:

”Ombudsmandip suliaq qulaani taaneqartoq pillugu allagaa Isumaginninnermi Naammagittaalliuuteqartarfiup 27. juli 2006-imi tiguara.

Inatsisartut Ombudsmandiata suliaq qulaani taaneqartoq pillugu Isumaginninnermi Naammagittaalliuuteqartarfiup allagai 31. marts 2006-imeersut tunngavigalugit Isumaginninnermi Naammagittaalliuuteqartarfiup allatut taaseriaaseqalernissamik, matumani allakkatigut taaseriaaseqalernissaq ilanngullugu eqqarsaatigalugu eqqarsaatersuunni pillugu oqaaseqaateqarnissaa kissaatigaa. Ineqarnermut akiliutitut pisortanit ikiorsiissuteqarnissaq pillugu apeqqummi missingerlugu naliliisoqartuartartussaana, tamatumalu kingunerisaanik Naammagittaalliuuteqartarfimmit tamarmiusumit suliarineqartariaqartarnissaanik pillugu apeqqut siusinnerusukkut Isumaginninnermi Naammagittaalliuuteqartarfiup nassuiaateqarfigaa.

Aammattaq Isumaginninnermi Naammagittaalliuuteqartarfik allakkamini 15. december 2005-imeersuni ima allappoq:

”Naammagittaalliuuteqartarfik aalajangersimavoq pinngitsaaliilluni inissiisarnermut suliat kisimik allakkatigut salliutinneqartassasut Kalaallit Nunaanni inoqarfiit imminnut ungasinneri pissutigalugit, taamaalillunilu allakkat sivisuumik ingerlaartariaqartarlutik.

Akerlianik Naammagittaalliuuteqartarfik aalajangersimavoq sulianut immikkut ittunut nalilersugassanullu siulittaasooq aalajangiisassasooq.”

Ineqarnermut akiliutitut pisortanit ikiorsiissuteqarnissaq pillugu apeqqummi missingerlugu naliliisoqartuartartussaavoq, tamatumalu kingunerisaanik naammagittaalliuuteqartarfimmit tamarmiusumit suliarineqartariaqartassallutik.

Isumaginninnermi Naammagittaalliuuteqartarfik naliliivoq nunap isorartussusia kiisalu allakkatigut taasinermi Naammagittaalliuuteqartarfiup allattoqarfiata suliaqarnerulernissaa isiginiaraanni piffissaq sulianik suliarinninnermut atorneqartooq allakkatigut taasinikkut sivikinnerulernaviannitsoq.

Isumaginninnermi Naammagittaalliuuteqartarfik annertunerusumik oqaaseqaateqassanngilaq.”

*Tamatuma kingornatigut imaattumik oqaaseqaateqarpunga:*

*"Misissuina apeqqutinut marlunnut tunngassuteqarpog: Siullertut Naammagittaalliuuteqartarfiup sulianik tullerriaarisarnera pillugu apeqqut aappaattullu allakkatigut taasinermik atuineq pillugu apeqqut.*

*Misissuina Naammagittaalliuuteqartarfiup sulianik tullerriaarisarneranut tunngasortaa pillugu makku oqaatigaakka:*

*Naammagittaalliuuteqartarfiup oqaatigaa Naammagittaalliuuteqartarfiup paasinninnera unaasoq, meeqqat pinngitsaaliisummik inissinneqartut pillugit suliat salliutinneqassasut, suliallu allat qaqugukkut takkuneri apeqqutaatillugit suliarineqartassallutik.*

*Tamanna pillugu siullertut oqaatigaara sulianik tullerriaarineq pillugu suliffiup iluani nammineq atugassatut malittarisassat taama ittut atorneqarsinnaanngitsut, piffissaq sulianik suliarinninnermut atorneqartartooq pillugu malittarisassat immikkut ittut unioqqutillugit.*

*Taamaallilunga assersuutitut tikkuarsinnaavara allagaatinik paasitinneqarnissamik qinnuteqaatit immikkut nukingiullugit suliarineqartassasut, tak. pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 16, imm. 1, aamma pisortat ingerlatsineranni suliasat suliarineqartarnerat pillugu inatsimmi § 16, imm. 2, pkt.1.*

*Tulliatut suliat meeqqanik angerlarsimaffiup avataanut inissiinnermut tunngasut salliutinneqarnissaannik aallaavittut pisariaqartitsinermik Naammagittaalliuuteqartarfiup oqarnera isumaqatigaara, tassami meeqqap angajoqqaaminit avissaartinneqannginnissaanut pisinnaatitaaffia Meeqqat Pisinnaatitaaffii pillugit FN-p Isumaqatigiissutaani 20. november 1989-imeersumi art. 9, imm. 1-ikkut qulakkeerneqarmat, tamannalu meeqqanik inuusuttunillu ikiorsiisarneq pillugu Inatsisartut peqqussutaanni § 3-kkut aalajangersarneqartutut Naalakkarsuisut naammassisassatut pisisaaffigaat.*

*Oqaatigisariaqarparali meeqqat angajoqqaaminnit avissaartinneqannginnissamik pisinnaatitaaffeqarnerannik mianerinninnerup meeqqamik angerlarsimaffiup avataanut inissineq pillugu naammagittaalliuutitut suliamik salliutitsineq pisut ilaannaanni attassinnaagaa.*

*Taamaattumik ima pisoqarsinnaavoq, tassalu assersuutigalugu angerlarsimaffiup avataanut inissineq naammassillugu suliarineqarnerasooq pillugu naammagittaalliuut pineqartooq, uangalu paasinninnera malillugu*



*imaassinnaavoq suliap sulianit allanit salliutinneqarnissaanut erseqqissu-  
mik pisariaqartitsisoqanngitsoq.*

*Suliat allat qaqugukkut takkuneri apeqqutaatillugit suliarineqartarnis-  
saannik apeqqummut atatillugu naammagittaalliuutit assigiimmik suliarineq-  
arnissaat eqqarsaatigalugu Naammagittaalliuuteqartarfiup naamma-  
gittaalliuutinik suliarinninnermini aallaqqaasiinnerminut aallaavigissagaa  
isumaqatigaara.*

*Naammagittaalliuuteqartarfiup tusarniaanermut akissummini 15. de-  
cember 2005-imeersumi erseqqissumik oqaatigaa suliat allat qaqugukkut  
takkuneri apeqqutaatillugit suliarisassagaanni suliat naammattumik paa-  
sissutissartalersugaasariaqartut.*

*Isuma tamanna ilalersinnaavara, tassami suliami aalajangersimasumi  
paasissutissiiniarneq suliat allat eqqarsaatigalugit sivirusinnaassappat  
piffissaq naammagittaalliuuteqarfiusoq malillugu tulleriiaarineq saneq-  
qunneqartariaqassammat.*

*Tamatumali saniatigut paasinninnera aamma unaavoq sulianik ataasi-  
akkaanik erseqqissumik naliliineq tunngavigalugu salliutitsinissamik pi-  
sariaqartitsisoqalersinnaasoq, aamma suliap pilertortumik suliarineqar-  
nissaa inatsisitigut piumasaqaataagaluarpalluunniit imaluunniit suliaq  
meeqqat angerlarsimaffiup avataanut inissinneqarnissaannut tunngasoq  
pineqarpat.*

*Meeqqat angerlarsimaffiup avataanut inissinneqarnerannik suliat piler-  
tortumik suliarineqarnissaanik piumasaqaat tunngaviusumik pisinnaati-  
taaffimmu akuliuninnermut aallaaveqarpoq.*

*Tamatuma saniatigut isumaqarpunga aalajangiineq naammagittaal-  
liuutigineqartoq tunngaviusumik pisinnaatitaaffinnut pinngitsaaliissumik  
akuliunneruppat imaluunniit akuliuninnermik nassataqarpat, pingaartumik  
pisinnaatitaaffiit Inuit pisinnaatitaaffii pillugit Europami Isumaqatigiis-  
summut ilassutitut isumaqatigiissummi Kunngip Peqqussutaatigut nr. 814-  
inikkut, 18. september 2001-ikkut Kalaallit Nunaanni atuutilersinneqartuk-  
kut illersugaasut eqqarsaatigalugit, suliap salliutinnissaa aallaavittut pi-  
sariaqartinneqassaaq.*

*Tamatuma pissuseqataa atuuppoq aalajangiineq naammagittaalliuutigi-  
neqartup tunngaviusumik pisinnaatitaaffinnut taama ittunut kingusinneru-  
sukku akuliuninnermik nassataqarnissaa annertuumik aarlerinaateqarpat.*

*Suliat ineqarnermut akiliutinut pisortat ikiorsiissutaannut tunngasut eq-  
qarsaatigalugit suliat taakku Naammagittaalliuuteqartarfiup sulianik nali-  
nginnaasumik tulleriiaarinerani ilaatinneqarnissaannut aallaavittut aker-  
liliissutissaqanngilanga.*

*Ungali paasinninnera unaavoq suliani taama ittuni pisumi aalajanger-  
simasumi salliutitsinissaq erseqqissumik nalileereernikkut pingaarners-  
siuilluni tulleriinnilersuineq pisariaqartinneqarsinnaavoq.*

*Matumani ikiorsiinerup attartukkap atorunnaarsinneqarneranik nassa-  
taqartup kingunerisaanik ilaqutariit meerartallit naleqquttumik oqqiffissa-*

qartinnagit anisinneqarnerat pingaartumik eqqarsaatigaara. Pisumi taamaattumi meeqqanik pinngitsaaliissutaasumik peersitsineq meeqqanut ilu-aqutaanerusussap isumagineqarnera tunngavilersuutigalugu atorneqar-sinnaanera ilimanaateqartariaqarpoq.

Ataatsimut eqikkaallunga paasinninnera unaavoq tulleriiarinnermi pe-riaaseq Naammagittaalliuuteqartarfiup oqaatigisaa sulianik suliarinnin-nermi aallaavittut atorneqartillugu periaatsip taassuma isornartorsiornis-saanut pissutissaqalersitsinngitsoq.

Taamaakkaluartoq isumaqarpunga suliani ataasiakkaani pissutsit pe-riaatsimik tamatuminnga saneqqutsinissamut tunngavissaqartitsinersut Naammagittaalliuuteqartarfiup eqqumaffigissagaa inassutigissallugu tun-gavissaqarlunga.

Pissutsit Naammagittaalliuuteqartarfiup pingaarnertut tulleriiariner-mik saneqqutsisariaqarfii oqaatigineqartutut imaattoqarpat atuutissapput:

- suliat pilertortumik suliarineqarnissaat peqqussummi piumasaqaatigi-neqarpat,
- aalajangiineq naammagittaalliuutigineqartoq innuttaasut tunngaviu-sumik pisinnaatitaaffiinut akuliunneq nassatarippagu imaaliaallaannar-luunniit nassatarissappagu.

Allakkatigut taasinerup atorneqartarneranik apeqqut pillugu oqaatigaa-ra.

Naammagittaalliuuteqartarfik allakkatigut taasinermik atuinini pillugu tusarniaanermut akissummini 15. december 2005-imeersumi imaattumik oqaaseqarpoq:

”Naammagittaalliuuteqartarfik aalajangersimavoq pinngitsaaliilluni inissiisar-nermut suliat kisimik allakkatigut salliutinneqartassasut Nunatsinni inoqarfiit im-minnut ungasinneri pissutigalugit, taamaalillunilu allakkat sivisuumik ingerlaarta-riaqartarlutik.”

Naammagittaalliuuteqartarfiup tusarniaanermut akissummini 2. august 2006-imeersumi nangilluni oqaatigaa:

”Aammattaq Isumaginninnermi Naammagittaalliuuteqartarfik allakkamini 15. december 2005-imeersuni ima allappoq:

Naammagittaalliuuteqartarfik aalajangersimavoq pinngitsaaliilluni inissiisar-nermut suliat kisimik allakkatigut salliutinneqartassasut Nunatsinni inoqarfiit im-minnut ungasinneri pissutigalugit, taamaalillunilu allakkat sivisuumik ingerlaarta-riaqartarlutik.

Akerlianik naammagittaalliuuteqartarfik aalajangersimavoq sulianut immikkut ittunut nalilersugassanullu siulittaasoq aalajangiisassasoq.

*Ineqarnermut akiliutinut pisortanit ikiorsiissuteqarnissaq pillugu apeqqummi missingerlugu naliliisoqartuartartussaavoq, tamatumalu kingunerisaanik naammagittaalliuuteqartarfimmit tamarmiusumit suliarineqartariaqartassallutik.*

*Isumaginninnermi Naammagittaalliuuteqartarfik naliliivoq nunap isorartussusia kiisalu allakkatigut taasinermi Naammagittaalliuuteqartarfiup allattoqarfiata suliaqarnerulernissaa isiginiaraanni piffissaq sulianik suliarinninnermut atorneqartoq allakkatigut taasinikkut sivikkinerulernaviangitsaq.*

*Isumaginninnermi Naammagittaalliuuteqartarfik annertunerusumik oqaaseqaa-teqassanngilaq.”*

*Ataatsimiinnermi sulianik suliarinninnermut taarsiullugu siulittaasup aalajangiisarneranik atuinermik apeqqut pillugu oqaatigaara Naammagittaalliuuteqartarfiup siulittaasuata aalajangiinissaanut periarfissaq sulianut nalornissutissaqartitsinngitsunut killeqartoq, tak. isumaginnittoqarfiup siulersorneqarnera aqqissuussaanageralu pillugit Inatsisartut inatsisaanni § 10, imm. 3. Tassani suliani erseqqissumik naliliinermik tunngaveqartuni sulianilu Naammagittaalliuuteqartarfiup apeqqutinik tunngaviulluinnartumik isummerfigisassaani siulittaasup aalajangiinissaata mattunneqarneranik Naammagittaalliuuteqartarfiup oqarnera isumaqatigaara.*

*Tulliullugu oqaatigaara Naammagittaalliuuteqartarfik isumaqatigigiga oqarmat suliat ineqarnermut akiliutinut akiitsut matussutissaannik pisortanit ikiorsiissutinut tunngasut nalinginnaasumik nassatarissagaat Naammagittaalliuuteqartarfiup erseqqissumik naliliinissaa suliallu Naammagittaalliuuteqartarfiup ilaasortaanit tamanit suliarineqarnissaat tamatuma pisariaqalersikkaa.*

*Tamanna Naammagittaalliuuteqartarfiup ataatsimiinerani sulianik aalajangiinikkut imaluunniit allakkatigut taasinikkut pisinnaavoq.*

*Allakkatigut taasineq siulittaasup aalajangiineranut Naammagittaalliuuteqartarfimmi ilaasortanit tamarmiusunit Naammagittaalliuuteqartarfiup siulittaasuanut isumagisassanngortitsinermik takussutissaasumut naligitillugu isigineqarsinnaanngilaq, tassami allakkatigut taasineq tassaa-ginnarmat sulianik suliarinneriaatsimut ataatsimiinnermi oqaasiinnartigut taasinerup allakkatigut taasinermit taarserneqarneranut takussutissaasoq.*

*Taamaalilluni allakkatigut taasinermi Naammagittaalliuuteqartarfiup ilaasortai tamarmiusut suliap aalajangiiffiginerani peqataasarpur.*

*Aamma oqaatigaara inoqarfiit imminnut ungasissusiat Naammagittaalliuuteqartarfiullu allattoqarfiata suliaqarnerulernissaa eqqarsaatigalugu allakkatigut taasinermik atuinerup Naammagittaalliuuteqartarfiup piffissamik sulianik suliarinninnermut atugaanik annertunerusumik sivikillisaataasinnaanera qularutigigiga.*

*Allakkatigut taasinerup annertunerusumik atorneqarnerata naleqqut-tuuneranik naliliineq Naammagittaalliuuteqartarfiup ukiumut arlaqanngitsuinnariarluni ataatsimiittarnerata kingunerisaanik piffissamut sulianik suliarinninnermut atorneqartartumut sanilliullugu isigisariaqarpoq. Matumani Naammagittaalliuuteqartarfiup A-mut allagaani 19. oktober 2005-*

imeersuni Naammagittaalliuuteqartarfiup ukiumut 3-4-riarluni ataatsimiittarnini pillugu oqaatigisaa innersuussutigaara.

Allakkatigut taasinermik atuinerup annertusineratigut Naammagittaalliuuteqartarfiup allattoqarfiata suliaqarnerulernissaa eqqarsaatigalugu oqatigaara suliassat allakkatigut taasinermik atuinerup nassatarisaanik suliama allagaatinik aallaavittut assiliinerussallunilu nassiussuinerussamat aamma Naammagittaalliuuteqartarfiup siulittaasuanit allattoqarfianilluunniit Naammagittaalliuuteqartarfiup ilaasortaanut inassuteqaateqarnerussalluni ilaasortallu taasinerinik katersinerullunilu nalunaarsuinerussalluni.

Isumaqarpungali matumani sulianik ingerlatsinermut pioreersumut sannilliullugu annertunerusumik imaaliallaannaq sulinerusoqalernissaanut uppernarsarneqarsinnaanngitsoq.

Allakkatigut taasinermik atuinerup annertusinnisaanik pisariaqartitsinermik naliliininni aamma isumaqarpunga eqqarsaatigisariaqariga isumaginnittoqarfiup siulersorneqarnera aqqqissuussaanageralu pillugit Inatsisartut inatsisaannut ullumikkut atuuttumut siunnersuummi § 10-mut oqaaseqaatinik, tassalu allakkatigut taasineq pillugu § 10, imm. 4-kkut inatsisitigut tunngavissaqartinneqartumi makku ersertut:

”Imm. 3-mi aalajangersakkap Isumaginninnermi Naammagittaalliuuteqartarfik sinnerlugu siulittaasup aalajangiisinaanera periarfissippaa.

...

Allannguut imm. 4-mi aalajangersakkamut suliassat allakkatigut suliarineqar-nissaannik naleqqussorineqartut ilaasortanut aalajangiinissamik inassuteqaatitelerlugit nassiunneqarnissaannik periarfissiisumut atatillugu isiginiarneqassaaq. Inatsisitigut illersorneqarnissaaq eqqarsaatigalugu ilaasortaaq kinaluunniit piumasaqarsinnaavoq, suliassaaq ataatsimiinnermi oqaluuserineqassasoq. Suliassani ersarissuni aammalu suliassani suliamut attuumassuteqartoq eqqarsaatigalugu tuavio-rtumik aalajangiisoqartariaqartillugu aalajangersakkap atorneqarnerunissaa eqqarsaatigineqarpoq. Suliassat taakkuusinnaapput imm. 3-mi atuuttumi pineqartut. Tassa imaappoq, peqqussummi atuuttumi § 9, imm. 3-mi suliassat pineqartut allatut immikkoortiterneqartut, imaalerluni suliassaqassasoq aalajangiiffiginissai nalorninannngitsunik; taakkua imm. 3-mut tunngapput. Suliassat allat allakkatigut suliarinissai naleqquttuusorinartut imm. 4-mut tunngapput. Taamaalilluni suliassat ersarinnerusumik immikkoortiterneqarsinnaalissapput. Tamanna Isumaginninnermi Naammagittaalliuuteqartarfiup allattoqarfiata suleriaasaani oqilisaataassangatinneqarpoq.”

Taamaalilluni issuarneqartunit erserpoq allakkatigut taasinnissamut periarfissaaq suliamik pilertortumik suliarinninnissamut periarfissiiumalluni aamma Naammagittaalliuuteqartarfiup allattoqarfiani sulineq oqilisanarlugu peqqussummut ilanngunneqartoq.

Tamanna tunngavigalugu isumaqarpunga allakkatigut taasinermik atuinerup Naammagittaalliuuteqartarfimmit oqaatigineqartutut nalorninartogartinneqarnera erseqqinnerusumik misissuitinnani aalajangiisutut pingaartillugu isiginiarneqarsinnaanngitsoq.

*Tassani aamma ilaavoq 2006-imut Inatsisartut inatsisissaattut siunner-suut pillugu Inatsisartut Aningaasaqarnermut Ataatsimiititaliaata ilassutitut isumaliutissiisummini 22. marts 2006-imeersumi ilaatigut oqaatigigaa:*

*”Isumaginninnermi Naammagittaalliuuteqartarfimmi sulianik suliarinnittarneq qaammatini 15-18-it ingerlanneqartartoq akuersaarneqarsinnaanngitsumik sivisusoq Aningaasaqarnermut Ataatsimiititaliaq isumaqarpoq. Tamanna tunngavigalugu sulianik suliarinnittarnerup piaarnerpaamik malunnaatilimmik sivikillineqarnissaa periarfissikkumallugu Naalakkersuisut suliniutit pisariaqartut atorlugit qulakkiissagaat Aningaasaqarnermut Ataatsimiititaliaq inassutigaa.”*

*Tamanna tunngavigalugu isumaqarpunga allakkatigut taasinerup ullumikkornit atornerunissaa Naammagittaalliuuteqartarfiup isumaliutersuutigissagaa inassuteqaatigissallugu tunngavissaqarlunga.”*

Isumaginninnermi Naammagittaalliuuteqartarfiup akissutaanik ukiup nalunaarusiuunneqartup naanerani suli tigusaqanngilanga.

## 39. Allat

### 1. **Pinngitsaaliilluni nutsertitsinermi nutsernermut aningaasartuutininik nakkutilliineq**

*Pinngitsaaliilluni nutsertitsinernik A/S Inissiaatileqatigiiffik INI-p ingerlatsinera pillugu saaffiginnissutit, sulianilli ataasiakkaanik misissuiffiginninnissamut pissutissaqalersitsinngitsut, tungavigalugit pinngitsaaliilluni nutsertitsinerni nutsernermi aningaasartuutininik nakkutilliineq pillugu apeqqutip nammineerluni misissuiffiginninnermik aallartitsiviginissaanut pissutissaqarluni Ombudsmandi isumaqarpoq.*

*Inissiaatileqatigiiffiup aningaasartuutininik nakkutilliinera pillugu paasissutissiissutai Ombudsmandip tusaatissatut tiguai. (J.nr. 11.73.39.10/022-06)*

A/S Inissiaatileqatigiiffik INI-mut 14. marts 2006-imi imatut allappunga:

"...-p A/S Inissiaatileqatigiiffik INI pillugu naammagittaalliutaa siusinnerusukut suliarara. Suliami tassani apeqqutit ilaanni pineqartoq tassaavoq inissiamit anitsinermi pequtinik nuussinermut akiligassiissutip aningaasartaasa amerlassusiat. Suliap ilaanut tassunga tungasoq A/S Inissiaatileqatigiiffik INI-p uannut allakkatigut 8. november 2004-meersutigut imaattunik oqaaseqaateqarneratigut inaarluq suliarineqarpoq:

"... Inissiaatileqatigiiffik isumaqarpoq avataaneersunut sullissinerit sumulluunniit tungasuugaluarpata pitsaanerpaamik akikinnerpaamillu ingerlanneqassasut." (A-torfeqarfimmi nutsigaavoq)

Pinngitsaaliisummik nutsertitsinerni nutsernermut aningaasartuutit pillugit apeqqut tamatuma kingornatigut naammagittaalliut pillugu suliamut allamut naammagittaalliutip utertinneqarnerata kingunerisaanik unitsinneqartumut atatillugu eqqaaqqinneqarpoq.

Tamanna pillugu saaffiginnissummik allamik misissuinermik aallartitsinissamut pissutissaqalersitsinngitsumik tigusaaqqippunga, tassami attartormik atorunaarsitsinerup immi pissetissaqarsimanera pillugu apeqqut eqqartuussivikkoortumik suliassannngortinneqarsimammat.

Saaffiginnissutit nutaat taakku nassatarisaannik apeqqut taanna pillugu nammineerluni misissuiffiginninnermik aallartitsinissamut pissutissaqarlunga isumaqarpunga, tak. Inatsisartut Ombudsmandiat pillugu Inatsisartut inatsisaanni § 6, imm. 5.

A/S Inissiaatileqatigiiffik INI qinnuigaara nutsernermi suliassanik agguataarinermi periaatsip suup atorneqartarnera aamma suliassat pitsaanerpaamik akikinnerpaamillu sularineqarnissaat Inissiaatileqatigiiffimmit qanoq iliorluni qulakkeerneqartarnera pillugu nassuiaateqaqqullugu."

Suliaq allakkatigut 18. april 2006-imeersutigut eqqaasitsissutigaa.

A/S Inissiaatileqatigiiffik INI-p akissutaa imaattoq 8. maj 2006-imi tiguaru:

"Attartortut anisitaasut pigisaannik nuussineq.

Qulequtaq qulaani taaneqartooq Ombudsmandip saaffiginnissutigisimmagu INI-p nunap immikkoortuani pisortaa qinnuigaara Ombudsmandip apeqqutaa pillugu oqaaseqaateqaqqullugu.

Eqikkaalluni oqaatigineqarsinnaavoq illoqarfinni pisattanik nuussiffiusartuni, Nuuk Sisimiullu eqqaassanngikkaanni, pisattanik nuussisartoqarfiit ataasiinnaasartut. Illoqarfinni kingullertut taaneqartuni suliffeqarfik kiffartuussinera atorumanerutani tamatumunngalu peqatigitillugu aaqiissutissanik akikinnerpaanik neqerooru- teqartooq INI-p atortarpaa. Taamaalilluta suliasat suliffeqarfinnut assigiinngitsunut agguataarneq ajorpagut.

Suliasat pitsaanerpaamik akikinnerpaamillu suliarineqarnissaat eqqarsaatiga- lugu nuussinerni kiffartuussinernilu allani manna atuuppoq, tassalu kiffartuussinernut akigitinneqartut qaffasippallaannginnissaat INI-p eqqumaffigiuaara. Assersuuti- galugu Nuummi akit qaffasissorujussuusinnaanerit INI-p maluginiarsimavaa. Taa- maattumik pisattanik nuussinermi suliffeqarfiup m<sup>3</sup>-mut akeqartitsinissaq neqeroo- rutigisimavaa, akillu tamatuma appartissimavai.

Taamaattumik eqqortussaq anguniarlugu oqaatigineqassaaq attartortut anisitaasut pisataannik nuussineq nuussinernut nalinginnaasunut assersuukkuminaatsoq. Attar- tortunik pisataqanngingajattunik anisitsisoqartarpoq, nuussinermilu aningaasartuutit annikitsuinnaasarlutik. Inissiali tukattorujussuit pineqartilugit nuussinermut ani- ngaasartuutit qaffasissapput. Attartortut anisitaasut najuukkajunneq ajorput, taa- maattumillu pigisamik ilaat nassarumanninnerlugit oqaatigisinnaasarnagu." (Ato- feqarfimmi nutsigaavoq)

A/S Inissiatileqatigiiffik INI ilassutaasumik nassuiaateqaqqullugu al- lakkatigut 27. juni 2006-imeersutigut imaattunik oqaasertaqartutigut qin- nuigaara:

"Inissiatileqatigiiffiup allagai 2. maj 2006-imeersut tiguakka.

Inissiatileqatigiiffik qinnuigaara Nuummi kubikmeterimut aki aalajangersima- soq pillugu isumaqatigiissut qanga isumaqatigiissutigineqarsimanersoq paasissuti- siissutigeqqullugu.

Inissiatileqatigiiffik tamatumunnga peqatigitillugu qinnuigaara Kalaallit Nunaa- ta sinnerani suliffeqarfiit assartuisartut nalunaaquttap akunnerinik suliffiusimasunik naatsorsuisarnerat Inissiatileqatigiiffiup qanoq iliorluni nakkutiginerat paasissuti- siissutigeqqullugu."

A/S Inissiatileqatigiiffik INI-p akissutaa imaattoq 10. juli 2006-imi ti- guara:

"Attartortut anisitaasut pigisaannik nuussineq.

Ombudsmandip allagaanut kingullernut akissutitut oqaatigisinnaavara Nunap Im- mikkooortuanut Allaffiup Nuummiittup m<sup>3</sup>-mut aalajangersimasumik akeqartitsini- saq nuussinermik suliffeqarfimmut siorna augustimi isumaqatigiissutigisimagaa.

Nuussinermi aningaasartuutit qaffasippallaalinnginnissaat INI-p qulakkeertarpaa, soorluttaaq akiligassiisutit allat eqqarsaatigalugit taamatut isummerfiginnittar- toq, assersuutigalugu suliat annertussusiisa akiligassiisummut sanilliinneqarnerisigut



imaluunniit nuussinerni allani akiligassiisutitut sanilliussinermigut." (Atorfeqarfimmi nutsigaavoq)

*Tamatuma kingornatigut imaattunik oqaaseqaateqarpunga:*

*"A/S Inissiaatileqatigiiffik INI-p nalunaarutigaa nuussinermi akiligassiisutit annertussusiinik ajornartorsiutit ingerlatseqatigiiffiup eqqumaffigigai, ingerlatseqatigiiffillu Nuummi aningaasartuutit appartinniarlugit aalajangersimasunik iliuuseqarsimasoq.*

*Aammattaaq A/S Inissiaatileqatigiiffik INI-p nalunaarutigaa nuussinermik suliffeqarfiiit ingerlatseqatigiiffiup Kalaallit Nunaata sinnerani atugaasa nalunaaquttap akunnerinik suliffiusunik naatsorsuutaat ingerlatseqatigiiffiup misissortarai.*

*Tamanna tusaatissatut tiguara, suliamilu matuma kingornatigut annertunerusumik iliuuseqaqqissananga."*

## 94. Pisortat pillugit inatsiseqartitsineq

### 1. Isumaginninnermi Naammagittaalliuuteqartarfiup tunngavilersueriaasia

*Innuttaasup suliame allami naammagittaalliuuta tunngavilugulu Ombudsmandip malugaa Isumaginninnermi Naammagittaalliuuteqartarfik suliani naammagittaallior-nissamut piffissaliussamik qaangiisimaneq pissutigalugu suliarineqarnissaat itigartinneqartuni ataatsimut tunngavilersueriaaseqartoq, aalajangerlunilu nammineerluni misissuiffiginninnermik suliaq aallartinniarlugu, periaaseq taanna suliassat suliarineqartarnerat pillugu inatsimmi § 24-kkut piumasagaataasunik eqqortitsisuuner-soq misissorniarlugu.*

*Ombudsmandi isumaqarpoq Isumaginninnermi Naammagittaalliuuteqartarfik suliani pissutsit immikkut ittut naammagittaallior-nissamut piffissaliussap qaangerneqarnissaanik immikkut akuersissuteqarnissamut sunniuteqarsinnaasut pillugit paasissutissartalinni tunngavilersuisarneq pillugu malittarisassanik eqqortitsinngitsoq. Ombudsmandi isumaqarpoq Isumaginninnermi Naammagittaalliuuteqartarfik paasissutissat taamaattut pigineqanngiffianni tunngavilersuinissamut annikinnerpaaffiliilluni piumasagaataasunik eqqortitsisoq.*

*Taamaattorli Ombudsmandip inassuteqaatigaa Isumaginninnermi Naammagittaalliuuteqartarfik suliani taakkunani ingerlatsinnermi ileqqorissaarneq malinniarlugu tunngavilersuummik suku-miinerusumik allattassasoq. (J.nr. 11.73.94.02/031-06)*

Suliami pisimasut imaapput:

Isumaginninnermi Naammagittaalliuuteqartarfimmu 10. april 2006-imi imatut allappunga:

“Naammagittaalliuuteqartarfiup allakkannut 24. oktober 2005-imeersunut akis-sutaa 15. december 2005-imi tiguara.

Maluginiarpara Naammagittaalliuuteqartarfik suliami matumani naliliisoq naam-magittaallior-nissamut piffissaliunneqartoq naasimasoq, Naammagittaalliuuteqartar-fillu isumaqartoq piffissaliunneqartup atuutinnginnissaata immikkut akuersissutigi-nissaanut tunngavissaqarnani.

Paasissutissiissutigineqartoq tusaatissat tiguara, A-llu uannut naammagittaal-liuutaanut atatillugu annertunerusumik iliuseqaqqissananga, taamaattorli oqaatiga-lugu suliami iliuseqaqqinniannginninnik oqarnera suliami matumani naammagit-taallior-nissamut piffissaliunneqartunik Naammagittaalliuuteqartarfiup atuineranik isummerfiginninnginnermut takussutissaanngitsoq.

Aalajangernera naammagittaallior-nissamut piffissaliunneqartup naasimaneranik naammagittaallior-nissamullu piffissaliunneqartup atuutsinneqartariaqaraluangin-

neranik Naammagittaalliuuteqartarfiup misissuisimanera pillugu Naammagittaalliuuteqartarfiup paasissutissiisimaneranik taamaallaat tunngaveqarpoq.

Naammagittaalliuuteqartarfiup akissutaata assilinerata A-mut nassiunnissaa tamatumunnga peqatigitillugu aalajangiuppara.

Aammattaq Naammagittaalliuuteqartarfiup oqaatigisimavaa:

"Naammagittaalliuuteqartarfik soorunami itigartitsinermit suliani ataasiakkaani tamatigut suut isummersuutigiumanerlugit aammalu itigartitsinermit suut tunngavuisimanersut nalunaarutigisussaavai, kisiannili naammagittaalliuuteqartarfimmi sulisoqarnertigut ajornartorsiuteqartoqarnerata kingunerisimavaa, naammagittaalliuutit nutaannginnerusut suliarineqarnissaat salliutinneqassasut."

Tamanna imatut paasivara Naammagittaalliuuteqartarfik atugassiisutigineqartut pissutigalugit suliati naammagittaalliornissamut piffissaliunneqartunik qaangiisimasut suliarineqarnissaannik itigartitsissuteqarnermi piffissaliunneqartumik qaangiisimanermit allaasumik tunngavilersuisannitsoq.

Naammagittaalliuuteqartarfiup akissutaa malillugu suliani piffissaliunneqartup qaangerneqarsimanera pissutigalugu suliarineqarnissaat itigartinneqartuni ataatsimut tunngavilersueriaaseq pineqarmat isumaqarpunga, tak. Ombudsmandi pillugu inatsimmi § 6, imm. 2, makku sukumiinerusumik misissuiffigisariaqarlugit:

- taamatut tunngavilersuineq suliassat suliarineqartarnerat pillugu inatsimmi tunngavilersuutit pillugit annikinnerpaaffigitinneqartussat piumasaqaataasunik eqqortitsisuunersoq, tamatumani tak. suliassat suliarineqartarnerat pillugu inatsimmi § 24, imaluunniit tunngavilersuinissamik piumasaqaat atugassiisutitigut isiginiagassat taaneqartut aallaavigalugit sakkukilliallatsinneqarsinnaanersoq, aamma
- Naammagittaalliuuteqartarfik naammagittaalliornissamut piffissaliunneqartup atuutinnginnissaanik immikkut akuersissuteqassanersoq Naammagittaalliuuteqartarfiup nammineq suliniuteqarnermigut isummerfigalugulu tunngavilersortariaqarneraa.

Taamaattumik Naammagittaalliuuteqartarfik qinnuigaara immikkoortut taakku pillugit oqaaseqaateqaqqullugu."

Isumaginninnermi Naammagittaalliuuteqartarfik suliamik 23. juni 2006-imi eqqaasippara.

Isumaginninnermi Naammagittaalliuuteqartarfik uannut 2. august 2006-imi imatut allappoq:

"Pill.: Naammagittaalliuuteqarnissamut piffissaliussap qaangiunnera pillugu apequttip Isumaginninnermi Naammagittaalliuuteqartarfimmit suliarineqarnera, ilissi j. nr. 11.73.94.02/031-06

Suliaq qulaani taaneqartoq pillugu Ombudsmandip allagai Isumaginninnermi Naammagittaalliuuteqartarfiup ulloq 23. juni 2006 tiguai.

Piffissaliussap qaangiunnerata kingunerisaanik itigartitsinerit piffissaliussap qaangiussimanerinnaanik innersuussinertallit pisortat ingerlatsineranni suliassat suliarineqartarnerat pillugu inatsimmi tunngavilersuutissanut minnerpaatut piumasaqaam-

mik naammassinnissorinerlugu Isumaginninnermi Naammagittaalliuuteqartarfimmit ilisimatinneqarnissani Inatsisartut Ombudsmandiata allakkatigut qinnutigaa.

Ilanngullugu Ombudsmandip qinnutigaa naammagittaalliuuteqarnissamut piffissaliussap saneqqunneqarnissaa Isumaginninnermi Naammagittaalliuuteqartarfiup nammineerluni aalajangiiffigalugulu tunngavilersorneqarnissaa Naammagittaalliuuteqartarfiup oqaaseqarfigisariaqannginneraa.

Piffissaliussap qaangiussimanera pissutigalugu naammagittaalliummik suliarinninnissaq Isumaginninnermi Naammagittaalliuuteqartarfiup itigartitsissutigippagu oqaatigineqartariaqarpoq piffissaliussaq qanoq sivisutigisumik qaangerneqarsimnersoq kiisalu inatsimmi aalajangersakkat pineqartut innersuussutigineqartariaqarlutik.

Isumaginninnermi Naammagittaalliuuteqartarfik isumaqarpoq pisortat ingerlatsineranni suliassat suliarineqartarnerat pillugu inatsimmi tunngavilersuutissanut minnerpaatut piumasaqaat tamatumuuna naammassineqartoq.

Isumaginninnermi Naammagittaalliuuteqartarfiup nalunaarutigisinnaavaa naammagittaalliuutip itigartinneqannginnerani isumaginninnermi naammagittaalliuuteqartarfiup isummerfigisaraa naammagittaalliuuteqarnissamut piffissaliussaq qaqugukkut aallartittarnersoq aammalu naammagittaalliuutitut suliassanut ataasiakkaanut tunngatillugu naammagittaalliuuteqarnissamut piffissaliussap saneqqunneqarnissaanut pissutsit immikkut ittut isumaginninnermi naammagittaalliuuteqartarfiup isumaliutersuutaani naatsorsuutigineqareertartut.”

*Tamatuma kingornatigut imaattumik oqaaseqaateqarpunga:*

*"Inatsisitigut tunngavigisaq:*

*Tunngavilersuineq pillugu malittarisassat pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi kapitel 6-imi takuneqarsinnaapput.*

*§ 22-mit erserpoq:*

*”§ 22. Aalajangiineq allakkatigut nalunaarutigineqaruni aalajangiinnermut tunngaviusumik ilaqartinneqassaaq, suliameq peqataasumut tassunga tapersiisuulluinannagikkuni.”*

*§ 24-mit erserpoq:*

*”§ 24. Aalajangiinnermut tunngaviusumik nalunaarummi innersuussutigineqassapput inatsisini maleruaqqusat aalajangiinnermi tunngavigineqartut. Maleruaqqusat tamaku malillugit aalajangiineq oqartussaasuni sulisut isumaannik tunngaveqarpat tunngaviusumik nalunaarummi taaneqassapputtaaq pissutaasut pingaarnerusut isummat tamakku atornerannut aalajangiisuunerusut.*

*Imm. 2. Tunngaviusumik nalunaarummi pisariaqarpat naatsumik erseqqissarneqassapputtaaq paasisutissat suliameq pissusiviusunut tunngasut aalajangiinnermi anertuumik pingaartinneqartut.*

*Imm. 3. Tunngaviusumik nalunaarutip imarisai killiliiffigineqarsinnaapput suliameq peqataasup tamakkununga ilisimasaqarnini nammineq iluaqutigiumallugu atuiumasinnaanerminik soqutiginninnera inuk taanna nammineq eqqarsaatigalugu*

*imaluunniit inuinnaat allat pisortalluunniit soqutigisaat pissutiginerullugit minnerutittariaqartutut isumaqarfiginarp, tak. § 15.”*

*Namminersornerullutik Oqartussat Inatsisileriffiata suliassat sularineqartarnerat pillugu inatsit pillugu ilitersuutaani december 1994-imeersumi tungavilersuinermit malittarisassat erseqqinnerusumik itisilerneqarput.*

*Paasissutissat pissusiviusullu nassuiarneqarnerannut tunngatillugu imikkoortoq 132-mit ilaatigut erserpoq:*

*“132. Pisariaqarpat aamma tungavilersuummi ilaasariaqarput suliassamut tunngalluinnartumik paasissutissat aalajangiinerimi annertuumik pingaaruteqartilugit sunniuteqaqataasimasut. Pisortaqaqarfiup suliassap aalajangersimasup ilumortortaanik qanoq paasinnissimanagerata nassuiartariaqassusianik naliliiniernermi ilaatigut tunngavigisariaqarput ilumoortoq assortuussutaanersoq, aammalu ilimagineqarsinnaanersoq illua'tungerisap tamanna nalunnereera, assersuutigalugu siusinnerusukkut imaluunniit tungavilersuinerup nalunaarutigineqarnerata peqatigisaanik pineqartup suliap pappiarartaanik takusaqarumalluni qinnuteqarnera akuerineqarsimanersoq.”*

*Isumaginninnermi Naammagittaalliuuteqartarfimmuut naammagittaalliorsinnaaneq naammagittaalliummillu tunniussinissamut piffissarititaasoq isumaginnitoqaqarfiup aqunneqarnera aaqqissuussaanageralu pillugit Inatsisartut peqqussutaanni nr. 11-mi, 12. november 2001-imeersumi § 8-mit erserpoq, imaattumillu oqaasertaqarluni:*

*”§ 8. Isumaginninnermi malittarisassat naapertorlugit kommunalbestyrelsi aalajangiisimatillugu suliamut attuumassuteqartup aalajangiineq Isumaginninnermi Naammagittaalliuuteqartarfimmuut naammagittaalliuutigisinnaavaa. Aalajangiinerup tiguneranit sapaatip akunneri sisamat qaangiutsinnagit Isumaginninnermi Naammagittaalliuuteqartarfimmuut naammagittaalliuuteqartoqassaaq.*

*Imm. 2. Isumaginninnikkut malittarisassat naapertorlugit Naalakkersuisut aalajangiisimatillugit suliamut attuumassuteqartup aalajangiineq Isumaginninnermi Naammagittaalliuuteqartarfimmuut naammagittaalliuutigisinnaavaa. Tamannali atuutinngilaq aalajangiinerup naammagittaalliuutigineqarsinnaannginneranik inatsimmi immikkut aalajangersaasoqarsimatillugu. Aalajangiinerup tiguneqarneranit sapaatip akunneri sisamat qaangiutsinnagit Isumaginninnermi Naammagittaalliuuteqartarfimmuut naammagittaalliuuteqartoqassaaq.*

*Imm. 3. Suliat meeqqanut inuusuttunullu 18-it inorlugit ukiulinnut angajoqqaatut oqartussaassuseqartoq akuersiteqqaarnagu angerlarsimaffiup avataanut inissinneqarsimasunut tunngasut, Nunatta Eqqartuussivianut tunniunneqarsinnaapput Isumaginninnermi Naammagittaalliuuteqartarfiup aalajangiineraniit sapaatit akunnerinik sisamanik piffissaliussap iluani.*

*Imm. 4. Isumaginninnermi Naammagittaalliuuteqartarfiup aamma Landsdommerip piffissaliussap malinneqannginnera isiginninniarsinnaavaa pineqartoq qaangiinnermut akisussaatinneqarsinnaanngippat.”*

*Suliaq pineqartoq:*

*Isumaginninnermi Naammagittaalliuuteqartarfik allakkani 2. august 2006-imeersuni allappoq naammagittaalliummik suliarinninnissaq Isumaginninnermi Naammagittaalliuuteqartarfiup piffissaliussap qaangiussimanera pissutigalugu itigartitsissutigippagu itigartitsissummi piffissaliussaq qanoq siviutigisumik qaangerneqarsimanersoq oqaatigineqarsimasasooq kiisalu inatsimmi aalajangersakkat pineqartut innersuussutigineqasasut.*

*Isumaginninnermi Naammagittaalliuuteqartarfik nangilluni allappoq naammagittaalliuuteqartarfimmu piffissaliussaq qaqugukku ingerlalersimanersoq naammagittaalliuutip itigartinneqannginnerani Isumaginninnermi Naammagittaalliuuteqartarfiup isummerfigisaraa, taamatuttaarlu naammagittaalliuutit sulianut ataasiakkaanut tunngatillugu naammagittaalliuuteqarnissamut piffissaliussap saneqqunneqarnissaanut pissutsit immikkut ittut Isumaginninnermi Naammagittaalliuuteqartarfiup isumaliutersuutaani tamatigut ilaatinneqartartut.*

*Isumaginninnermi Naammagittaalliuuteqartarfiup oqaatigaa suliani qulaani taaneqartuni Naammagittaalliuuteqartarfiup tunngavilersueriaasia Naammagittaalliuuteqartarfiup sulisoqarnikkut amigaateqarneq pissutigalugu naammagittaalliuutinik pisoqqanik salliuutitsinissamik toqqaasimaneranik pissuteqartoq.*

§ 24, imm. 1:

*Suliassat suliarineqartarnerat pillugu inatsimmi § 24, imm. 1-ikkut aalajangersarneqarpoq aalajangiinnermut tunngaviusumik nalunaarummi innersuussutigineqasasut inatsisini malittarisassat aalajangiinnermi tunngavineqartut, malittarisassallu taakku malillugit aalajangiineq oqartussasumi sulisut isumaannik tunngaveqarpat tunngaviusumik nalunaarummi taaneqassasuttaaq pissutaasut pingaarnerusut isummat tamakku atornerannut aalajangiisuunerusut.*

*Suliani naammagittaalliummik naammagittaalliuuteqarnissamut piffissarititaasup qaangiutereerneratigut tigusiffiusuni, pissutsillu § 8, imm. 1-imi aalajangersarneqartut Isumaginninnermi Naammagittaalliuuteqartarfiup naammagittaalliuuteqarnissamut piffissarititaasumik atuutsitsinnginnissamik isumaliutersuuteqarneranut pingaaruteqarsinnaasut paasisutissartalersuutigineqarsimappata suliami aalajangersimasumi pissutsit taakku Naammagittaalliuuteqartarfiup naliliiffigissavai, naliliinerlu taana tunngavigalugu aalajangiilluni.*

*Tassa imaappoq tunngavilersuummi aamma nassuiarneqasasooq Isumaginninnermi Naammagittaalliuuteqartarfiup paasinninnera malillugu naammagittaalliuuteqarnissamut piffissarititaasooq qanga ingerlalersimanersoq, apeqqummut tassunga attuumassuteqartumik suliami paasisutis-sanik pigisaqartoqarpat.*

*Suliani naammagittaalliummik naammagittaalliuuteqarnissamut piffissarititaasup qaangiutereerneratigut tiguisiffiusuni, pissutsillu paasissutis-sartaannik piffissarititaasumik saneqqutsinissamut pingaarutilinnik pigisqartoqanngippat, naammagittaalliuuteqarnissamut piffissarititaasumik eqquutsitsisoqarsimanera kisiat tunngavigalugu Naammagittaalliuuteqartarfik aalajangiisaaq, sulianilu taakkunani Naammagittaalliuuteqartarfiup naliliineq tunngavigalugu aalajangiinera pineqanngilaq.*

§ 24, imm. 2:

*Suliassat suliarineqartarnerat pillugu inatsimmi § 24, imm. 2-mit erserpoq tunngaviummik nalunaarummi pisariaqarpat naatsumik erseqqissar-neqassasuttaaq paasissutissat suliami pissusiviusunut tunngasut, aalajangiinermi annertuumik pingartinneqartut.*

*Tassa imaappoq Isumaginninnermi Naammagittaalliuuteqartarfiup suliami pissutsit piviusut suliamik aalajangiinissamut pingaarutilit naammagittaalliuuteqartumillu ilisimaneqanngitsutut isigineqartut, imm. 2-milu pi-umasqaatinik naammassiniarlugit tunngavilersuummi pissutsit taakku oqaatigissagai, naak naliliineq tunngavigalugu aalajangiineq pineqanngikkaluartoq.*

*Oqaatigaara Isumaginninnermi Naammagittaalliuuteqartarfiup suliani taakkunani illua'tungiusut isumaannik tusarniaasarneq pillugu malittari-sassat taamatuttaaq eqqumaffigissagai.*

*Inerniliineq:*

*Isumaqarpunga tunngavilersuineq Isumaginninnermi Naammagittaalliuuteqartarfiup suliani taakkunani piffissarititaasumik qaangiineq pissuti-galugu itigartitsinermi atorneragaa suliassat suliarineqartarnerat pillugu inatsimmi tunngavilersuinissamut piumasqaatip minnerpaaffissaa § 24-mi, imm. 1-kkut aalajangersarneqartoq naammassineqarsimanngitsoq, suliami paasissutissat qaangiinerup saneqqussinnaaneranik naliliinermi pingaarutilit pigineqarpata.*

*Taamaattumik inassuteqaatigaara Isumaginninnermi Naammagittaalliuuteqartarfiup siunissami tunngavilersuinermini isumaliutersuutit pingaarnerit aalajangiinermi aalajangiisuusut aamma oqaatigissassagai. Naammagittaalliuuteqartarfiup naammagittaalliummi pissutsit taaneqartut § 8, imm. 4-mi aalajangersarneqartutut naammagittaalliuuteqarnissamut piffissarititaasumik saneqqutsinissamut aalajangiisuusutut sooq isigineqannginnerat oqaatigissavaa.*

*Oqaatigaara sulisoqarnikkut amigaateqarneq Isumaginninnermi Naammagittaalliuuteqartarfiup oqaatigisaatut inatsimmi tunngavilersuisarneq pillugu piumasqaatit minnerpaaffissaannik oqartussaasut naammassin-ninnginnerannut tunngavilersuutaasinnaanngitsoq. Malittarisassat taakku*



*oqaatigineqartutut tunngavilersuutip qanoq imaqarnissaanut pinngitsoorani minnerpaaffissaminniipput, suliassanilu tamani minnerpaakkut naammassineqartussaallutik.*

*Tamatumunnga peqatigitillugu isumaqarpunga ingerlatsinermi ileqqorissaarnermut naapertuutissasoq Isumaginninnermi Naammagittaalliuuteqartarfiup suliani tamani piffissarititaasumik qaangiinermik pissuteqartumik itigartinneqartuni pissutsit Naammagittaalliuuteqartarfiup aalajangii-nermini pingaartillugit isiginiagai tunngavilersuummi tamakkerlugit nasuiarneqartarpat.*

*Taamaattumik inassuteqaatigaara Isumaginninnermi Naammagittaalliuuteqartarfik ingerlatsinermi ileqqorissaarneq eqquutsillugu sukumiinerusumik tunngavilersuisassasoq."*

Isumaginninnermi Naammagittaalliuuteqartarfiup akissutaa imaattoq 6. november 2006-imi tiguara:

"Pineqartoq: Naammagittaalliornissamut piffissaliussamik qaangiineq pillugu apeqqummik Isumaginninnermi Naammagittaalliuuteqartarfiup suliarinninnera.

Ombudsmandip qulaani taaneqartoq pillugu allagai Isumaginninnermi Naammagittaalliuuteqartarfiup 2. november 2006-imi tiguai.

Isumaginninnermi Naammagittaalliuuteqartarfiup naammagittaalliuutinik takkuttunik naammagittaalliornissamut piffissaliussap qaangerneqarnera pissutigalugu itigartitsigaangami sukumiinerusumik tunngavilersuisarnermigut ingerlatsinermi ileqqorissaarneq Isumaginninnermi Naammagittaalliuuteqartarfiup eqqortissagaa Inatsisartut Ombudsmandiata allakkani taakkunani inassuteqaatiga.

Ombudsmandip inassuteqaataa Isumaginninnermi Naammagittaalliuuteqartarfiup tusaatissatut tiguua." (Atorfeqarfimmi nutsigaavoq)

Isumaginninnermi Naammagittaalliuuteqartarfimmut 13. november 2006-imi imatut allappunga:

"Isumaginninnermi Naammagittaalliuuteqartarfiup allagai 3. november 2006-imeersut 6. november 2006-imi tiguakka.

Allakkat imatut paasivakka Isumaginninnermi Naammagittaalliuuteqartarfik suliani taama ittuni siunissami naammaginarnerusumik tunngavilersuutiminik allattarniartoq.

Taamaattumik suliami iliuseqaqqissanngilanga."

## **6. Sulianut ukiuni siusinnerusuni nalunaarutini eqqartorneqartunut malitseqartitsineq. Naammagittaalliuutit pillugit suliat**

### **2005-imi ukiumoortumik nalunaarut, immikkoortoq 5, qupperneq 61 tulluilu**

#### **Piffissaq Isumaginninnermi Naammagittaalliuuteqartarfiup suliamik suliarinninnermut atugaa. Naammagittaalliuutit suliap Naammagittaalliuuteqartarfimmi tammaaneqarnera (J.nr. 11.05.07.04/111-03)**

Naammagittaalliuuteqartarfimmut 4. januar 2006-imi imatut allappunga, assilnera A-mut ingerlatillugu:

"Suliami inassuteqaatinnut akissuteqartoqarnissaa allakkani 7. december 2005-imeersuni eqqaasitsissutigaa.

Naammagittaalliuuteqartarfimmit tamatuma kingornatigut tusagaqanngilanga.

A-li Naammagittaalliuuteqartarfimmut allakkani 15. december 2005-imeersuni, assilinerat uannut nassiussamini, suliap 2006-imi martsimut kinguartinneqarsimaneera naammaginagu oqaatigaa.

Naammagittaalliuuteqartarfik tamanna tunngavigalugu qinnuigeqqippara suliap ingerlasimaneera pillugu ilisimateqqullunga, taamatuttaarlu Naammagittaalliuuteqartarfik eqqaasippara sulianik suliarinninnerup piareersarneqarnera pillugu ataatsimut inassuteqaatikka pillugit akissuteqaqqullugu."

Naammagittaalliuuteqartarfik A-mut 5. januar 2006-imi imatut allappoq, assilnera uannut ingerlatillugu:

"Pineqartoq: Allakkatit 15. december 2005-imeersut.

Isumaginninnermi Naammagittaalliuuteqartarfiup 2005-imi oktoberimi allaffigaatit paasitillutillu naammagittaalliuutit ajuusaarnartorujussuarmik kukkunikkut tammarsimasoq.

Naammagittaalliuuteqartarfiup tamatumunnga peqatigitillugu paaserusuppa naammagittaalliuut siusinnerusukkut nassiunneqarsimasoq aalajangiusimajumaneerit, taamaappallu qinnuigalutit allagaatit siusinnerusukkut nassiunneqarsimasut nassuteqqeqqullugit.

Akissutit Naammagittaalliuuteqartarfiup 21. oktober 2005-imi tiguua, K Kommunilu ingerlaannaq qinnuigalugu allagaatit pineqartut nassuteqqeqqullugit.

Naammagittaalliuut Naammagittaalliuuteqartarfimmit suliarineqarsinnaalersinagu suliap naammagittaalliorumit naammagittaalliuutigineqartumillu paasissutisartalersorneqarnissaa pisariaqarpoq.

K Kommunip paasissutissaatai Naammagittaalliuuteqartarfiup 2005-imi novemberip naanerani tiguai. Tamannali Naammagittaalliuuteqartarfiup 2. december 2005-imi ataatsimiinnissaanut ima qanillisimatigaaq Naammagittaalliuuteqartarfiup ilaasortai suliap immikkualuttuinut isernissaminnut periarfissaqaratik, taamaattumillu Naammagittaalliuuteqartarfik aalajangerpoq naammagittaalliuutip suliarineqarnera tullianik ataatsimiinnermut 3. marts 2006-imi pisussamut kinguartinniarlugu." (Atorfeqarfimmi nutsigaavoq)

Naammagittaalliuuteqartarfiup aalajangiinerata assilinerata 3. april 2006-imi tiguara. Naammagittaalliuuteqartarfimmullu tamatuma kingornatigut 25. april 2006-imi imatut allappunga:

"Naammagittaalliuuteqartarfiup suliaq pillugu aalajangiinera 28. marts 2006-imeersoq 3. april 2006-imi tiguara.

A-p uannut naammagittaalliuutaanut atatillugu matuma kingornatigut annertunerusumik iliuuseqaqqissanngilanga.

Tamatumunngali peqatigitillugu eqqaasitsissutigaara suliap Naammagittaalliuuteqartarfimmu imaatunik inassuteqaateqarnissannut pissutissaqalersikkaanga:

"- periaatsinik naammagittaalliuutit tiguneqartut naammagittaalliortunut qaqu-gukkut uppersarneqartarnissaannik imaqartunik pilersitsisimanersoq nalunaarutigissagaa, aamma

- eqqaasitseriaaseq atorsinnaalluartoq, suliat iliuuseqarfigineqaratik uninngatinneqartanninnissaannik qulakkeerisoq Naammagittaalliuuteqartarfiup pilersissagaa."

Inassuteqaatit issuarneqartut Naammagittaalliuuteqartarfiup suli akisimanngilai, taamaattumillu inassuteqaatit Naammagittaalliuuteqartarfiup qanoq iliuuseqarnissaanut pissutissaqalersitsinerannik apeqqutima akineqarnissaa eqqaasitsissutigeqqippara."

Naammagittaalliuuteqartarfiup allakkannut 25. april 2006-imeersunut akissuteqarnissaa allakkatigut 12. juli 2006-imeersutigut eqqaasitsissutigaa.

Naammagittaalliuuteqartarfiup akissutaa imaattoq 3. aamma 15. august 2006-imi tiguara:

"Isumaginninnermi Naammagittaalliuuteqartarfiup ulloq 12. juli 2006 Ombudsmandip qulaani suliaq pillugu allagaqaat tiguua.

Inatsisartut Ombudsmandiata allagaqaammuni qinnutigaa naammagittaalliuutit takkuttut uppersarneqartarnerini periutsimit ilisimatinneqarnissaq kiisalu naammagittaalliuuteqartarfiup eqqaasitseriaasia pillugu killiffik.

Naammagittaalliuuteqartarfiup sapaatip akunneranut ataasiarluni naammagittaalliuutit tiguneqartut tamaasa suliarisarpai. Ataatsimiinnermi tassani aalajangiisoqartarpoq naammagittaalliuutit suliarineqassanersut itigartinneqassanersulluunniit.

Tamatuma ataatsimiinnerup kinguninnguatigut naammagittaalliortoq nalunaarfigineqartarpoq, suliaq suliarineqarnersoq imaluunniit itigartinneqarnersoq.

Ilanngullugu naammagittaalliortoq pinerit tamaasa nuutitsinikkut ilisimatinneqartarpoq, oqartussaasoq aalajangiisartoq noqqaavigineqaraangat suliamik nassuiaaqullugu aamma suliamik paasissutisseeqqullugu.

Ilanngullugu Naammagittaalliuuteqartarfiup nalunaarutigisinnavaa periarfissanik assigiinngitsunik elektronik atorlugu eqqaasitsissutinik pimoorussiffiusunik ujarlersimalluni, mannali tikillugu iluatsinngitsumik. Siunertaavoq Naammagittaalliuuteqartarfiup Naalakkersuisunut allattoqarfiit allat peqatigalugit qanittukkut Scan Jour atulersinniarماغu, taamaattumillu Naammagittaalliuuteqartarfimmit tamanna utaqqimaarneqartoq."

Suliaq allakkatigut 2. oktober 2006-imeersutigut imaattutigut inaarlugu suliaara:

"Inassuteqaatinnut, allakkatigut 12. juli 2006-imeersutigut kingullermik eqqaasitsissutigisannut, naammagittaalliuuteqartarfiup akissutai aggstip 3-ani 15-ianilu 2006 tiguakka.

Tassunga atatillugu naammagittaalliuutit sorliit itigartinneqassanersut sorliillu suliarineqassanersut naammagittaalliuuteqartarfiup sapaatip akunneranut ataasiarluni isummerfigisarai, kinguneratigullu tamanna pillugu naammagittaalliuuteqartunut paasissutissiisarnera, aammattaaq naammagittaalliuuteqartarfiup oqartussaasunut allanut eqqaasitsissutai pillugit naammagittaalliuuteqartunut paasissutissiisarnera tusaatissatut tiguakka.

Kiisalu aamma paasivara qarasaasiakkut eqqaasitseriaatsimik naammagittaalliuuteqartarfiup pissarsiniarnera suli iluatsinngitsoq, kisiannili naammagittaalliuuteqartarfiup Naalakkersuisut allattoqarfianni suleqataasut allat peqatigalugit piffissap sivikitsup iluani ScanJour atulissagaa.

Tassunga atatillugu oqaatigaara inatsisilerineri pisortaq Michael Mikkelsen 27. september 2006-imi naammagittaalliuuteqartarfiup allattaanit ilisimatinneqarsimasoq ScanJour eqqaasitsissusiamik imaqartoq aamma tassunga peqatigitillugu naammagittaalliuuteqartarfiup allattaata inatsisilerineri pisortaq ilisimatissimagaa allatsi naammagittaalliuuteqartarfiup fuldmægtigianut allatamik ilitsersuusiorsimasoq, taamaalilluni fuldmægtigi ingerlaavartumik sulianik ingerlatitseqqittassamat.

Tamanna tunngavigalugu suliame annertunerusumik iliuuseqqqissanngilanga."

## **2005-imi ukiumoortumik nalunaarut, immikkoortoq 5, qupperneq 72 tulluili**

### **Piffissaq Isumaginninnermi Naammagittaalliuuteqartarfiup suliamik suliarinninnermut atugaa pillugu naammagittaalliuut (J.nr. 11.05.08.-04/001-05)**

Inassuteqaatiga 4. oktober 2005-imeersoq allakkatigut 1. februar 2005-imeersutigut Naammagittaalliuuteqartarfimmu eqqaasitsissutigaa.

Isumaginninnermi Naammagittaalliuuteqartarfiup akissutaa imaattoq 22. februar 2006-imi tiguara:

"1. februar 2006-imi qulaani taaneqartoq pillugu Ombudsmandip allagaa Isumaginninnermi Naammagittaalliuuteqartarfiup tiguua.

Inatsisartut Ombudsmandia allakkatigut paasiniaavoq naammagittaalliuuteqartarfik eqqaasitsissummik eqqussisimanersoq.

Naammagittaalliuuteqartarfiup ilisimatitsissutigisinnaavaa qarasaasiakkut eqqaasitsissummik atorluarsinnaasumik pissarsiniarluni periarfissanik assigiinngitsunik misissuisimagaluarluni sulili iluatsissimanani. Naammagittaalliuuteqartarfimmi Naalakkersuisullu Allattoqarfianni piffissap sivikitsup ingerlanerani Scan Jourip atulersinneqarnissaa siunertaavoq, taamaattumillu tamanna Naammagittaalliuuteqartarfimmit utaqqineqarluni."

Naammagittaalliuuteqartarfik allakkatigut 31. maj 2006-imeersutigut nalunaarfigaara paasissutissiisutigineqartut tusaatissatut tigugikka, taak-kulu pillugit annertunerusumik ilisimatinneqarnissara utaqqimaariga.

Naggasiutitut allakkani 5. oktober 2006-imeersuni makku nalunaaruti-gaakka:

"Suliap allap – tassalu A-p naammagittaalliuutaata - sularineqarneranut atatil-lugu – Naammagittaalliuuteqartarfik nalunaarfigaara Naammagittaalliuuteqartarfiup ScanJourimik, ilaatigut eqqaasitseriaatsimik imaqartumik, erninnaq atuilernissaa pillugu paasissutissat tunngavigalugit, aamma sultanik nangitsisarnissamut Naam-magittaalliuuteqartarfiup allatanik ilitsersuusiornera tunngavigalugu, suliame anner-tunerusumik iliuuseqaqqinnianngitsunga.

Tunngavigisat qulaani taaneqartut assigalugit suliap uuma inaarneqarnera matu-muuna aamma nalunaarutigaara."

## **2005-imi ukiumoortumik nalunaarut, immikkoortoq 5, qupperneq 101 tullilu**

### **Oqartussaasup qulliunerusup naammagittaalliorfigineqartup misis-suisussaataana (J.nr. 11.03.39.05/042-05)**

Inuussutissarsiornermut, Nunalerinermut Suliffeqarnermullu Pisortaqar-fiup allakkatigut 20. januar 2006-imeersutigut nalunaarfigaanga suliap su-liareqqilersimallugu, Nukissiorfiillu tamatumunnga atatillugu qinnuigisi-mallugit suliap Nukissiorfinniittoq misissugassanngorlugu nassiuteqqullu-gu.

Suliap suliareqqinneqarnerata inernilerneqarnera pisortaqarfiup allakka-tigut 30. marts 2006-imeersutigut uannut nalunaarutigaa.

Tamatuma kingornatigut suliap allakkatigut 4. maj 2006-imeersutigut imaattutigut inaarlugu sularaara:

"Pisortaqarfiup allakkatigut 30. marts 2006-imeersutigut suliap pisortaqarfimmit sularineqaqqinnerata inernera pillugu ilisimatippaanga.

Pisortaqarfiup aalajangiinera imatut paasivara suliame allagaatinik misissueqqe-reermermi kingorna pisortaqarfik isumaqartoq, erngup aqquatanut illersuusissat sa-vimerngit ivertinnissaannut apeqquut pillugu Nukissiorfiit A-mik attaveqarfiginnin-nerminni akisussaaffiliisumik pissusilersorsimasut, tamannalu tunngavigalugu pi-sortaqarfiup Nukissiorfiit peqqusimagai saviminernut pineqartunut aningaasartuu-taasimasut A-mut taarseqqullugit.

Matuma kingorna suliame annertunerusumik iliuuseqaqqissanngilanga.

A allakkat uku assilinerannik nassippara."

**2005-imi ukiumoortumik nalunaarut, immikkoortoq 5, qupperneq 136 tullilu**

**DR1-ip aamma DR2-p aallakaatittagaanik najukkami aallakaatitsinisap itigartitsissutigineqarnera aamma KNR-ip Danmarks Radiomut TV2 Danmarkimullu isumaqatigiissutaani allagaatinik paasitinneqarnissamik qinnuteqaatip KNR-imit itigartitsissutigineqarnera pillugit naammagittaalliut (J.nr. 11.04.96.08/056-04)**

Nuuk TV-p eqqartuussissuserisuata 31. maj 2006-imi nalunaarfigaanga Nuuk TV allagaatinik qinnutigineqartut paasitinneqarsimasoq, taamaatumillu KNR allakkatigut 26. maj 2006-imeersutigut, assilineri Nuuk TV-mut aamma Kultureqarnermut, Ilinniartitaanermut, Ilisimatusarnermut Ilaaqarnermullu Pisortaqarfimmuut ingerlatitaasutigut, nalunaarfigaara suliami annertunerusumik iliuuseqaqqinnianningsunga.

**2005-imi ukiumoortumik nalunaarut, immikkoortoq 5, qupperneq 207 tullilu**

**Akileraarutit ernialernejarnerat pillugu naammagittaalliut (11.10.-45.01/061-04)**

K Kommuni allakkannut 5. oktober 2005-imeersunut akissuteqaqqullugu 13. januar 2006-imi nukingisaarpara.

Kommunip akissutaa imaattoq 6. februar 2006-imi tiguara:

"Inatsisartut Ombudsmandiata allagai 11.215-istik normoqartut 05/10-2005-imeersut aamma 11.480-istik normoqartut 13/01-2006-imeersut K Kommunip tiguai.

Inatsisartut Ombudsmandiat siusinnerusukku oqaatigineqareersut tiguaraaluni nammineq misissuinissaminut tikilluaqqusaasorujussuuvuq, kommunili illua'tungaaani isumaqarpoq uppersaatinik amerlanerusunik nammineq saqqummiussuinissaminut pisussaaffeqarnani.

A-p ernianik akiliinissaanik piumasaqaat aalajangiusimaneqartoq kommunip nalunaarutigereernikuuaa, tamannalu akuerimaneqanngippat suliffeqarfik eqqartuusivikkoortumik suliaassuteqartariaqarpoq. Eqqartuussivikkoortumik suliaassuteqartoqassappat uppersaati illua'tungeriinnit tunngaviutinniarneqartut eqqartuussiviit namminneq (imaanngitsoq Inatsisartut Ombudsmandiata) naliliivigalugilu oqimaalutassavaat.

K Kommuni "periaatsiminik pissutissaqarnani allanngortitsisimannigilaq", tassaami Kalaallit Nunaanni aningaasarsiat pillugit inatsimmi ernialisarneq pillugu aalajangersakkat saneqqunneqarsinnaanngimmata. Taamaatumik Inatsisartut Ombudsmandiata "isumaliutersuutiginnittoqarnissaanik" aamma "naatsorsuutiginnittariaqarneranik" il.il. oqarnera kommunip suliamut tunngassuteqanngitsumik tatinarneqarnerat ajoraluartumik paasisariaqarpoq.

Sulianik kommunip puiguineratigut ernialiivigineqanngitsunik peqarnera soorunalimi ilimagineqarsinnaavoq. Taamaattoqarpat ernialiisoqarnissaa kommunip kingusinnerusukkut piumasaqaatigisariaqarpaa. Eqqortumilli ernialiussat akilerneqartussanngorsimasut akiligassaqartup piffissaagallartillugu akilersimangisai utertineqassasut tamatuma kingunerisinnaanngisaannassavaa.

Inatsisartut Ombudsmandiata naggasiutaasumik oqaaseqaatai eqqarsaatigalugit pitsaanerpaamik pilertornerpaamillu kontoliisoqartarnissaa kommunip sapinngisamik annertunerpaamik anguniarpaa. Taamatuttaaq qaammammoortumik naatsorsuutit - soorlu allanut ataneqartillugu tamanna aamma nassuiarneqarsimasoq - suli ineriartortitsivigineqarpoq, kisianni kommunip paasinninnera unaavoq taakku masakkut ilusiligaanerminni innuttaasunut, suliffeqarfinnut allanullu kommunimut akiligassaat pillugit erseqqissumik, paasiuminartumik paasinartumillu takutitsisuusut.

Inatsisartut Ombudsmandiat eqqarsaatigalugu kommuni matuma kingornatigut suliame annertunerusumik iliuseqaqqissanngilaq.”

### Kommuni 8. maj 2006-imi imatut akivara:

"Allakkannut 5. oktober 2005-imeersunut akissut kommunip 31. januar 2006-imi nassiuppaa.

Kommunip akissutaanit erserpoq oqaaseqaatinni 13. april 2005-imeersumi makku pillugit inassuteqaatikka kommunip malilersaanngikkai:

"Taamaattumik kommunimut inassutigaaara A-p akileraarutininik unerartitsissaa-titaasutut akileraarutininik A-nik 2003-mut akiitsuusa ernialiivigineqarnerat pillugu suliaq suliareqqeqqullugu.

Aammattaaq inassutigaaara tamatuma kommunimi sulisitsisunut allanut iluarsii-vigineqarnissaa kommunip isumaliutersuutigissagaa. Qinnutigaaara suliamek kommunip suliarinneqqilernerata inerneranik sulisitsisunullu allanut tunngatillugu isumaliutersuutai pillugit ilisimatinneqarnissara."

Kommuni paasissutissanik nutaanik periaatsip allanngortinneqarnerata pineqannginneranik kommunip siusinnerusukkut oqarneranik ikorfartuisinnaasunik saqqummiussaqaarsimannngilaq.

Kommunilli tamatuma paarlattuanik isuma una saqqummiussimavaa, tassalu inassuteqaatikka malissallugit kommuni tunngavissaqaanngitsoq, ernialiisarnerup pinngitsoorani pisartussaanera innersuussutigalugu.

Tamanna pillugu oqaatigaara kommunip ernialiisannginnermik siusinnerusukkut periaasiata inatsisunik unioqquutitsisunnginnera tunngavigalugu inassuteqaateqarsimasunga.

Taamaattumik inassuteqaatikka tassaapput imatut paasinninnerma nassatarisai, tassalu kommuni periaatsimik allannguineq siumoortumik ilimasaarutigeqqaarnagu ernialiisannginnermit ernialiisarnermut allanngortitsinissaminut pinnaatitaasimanngitsoq.

Kommuni isumaqatigaara oqarmat kommunip isummaminik allanngortitsinerani kingullermi ernialiisarnerup pinngitsoorani pisartussaaneramik apeqqutip manna nassatarigaa, tassalu A-p periaatsimik allannguinerup nalunaarutigineqarnera sioqqullugu ernialiunneqartut utertillugit akileqqusinnaanngikkai, periaatsimillu allannguineq taanna taamaallaat eqqartuussivinnit inaarutaasumik allanngortinneqarsinnaasoq oqaaseqaatinni aallaavigisimavara.

Isumaqarpuugali kommunip periaatsimik innuttaasunut suliffeqarfinnullu eqqor-neqartunut siumut ilimasaaruteqaqaarani allannguisimanera kukkunerusoq, kommunip periaatsimik allannguinnermik nalunaaruteqarneq sioqqullugu ernialiisimaneq pillugu apeqqummik suliarinneqqinneratigut aqqitassaa.



Suliap suliareqqinneqarnerani inatsiseqartitsineranut tunngasunik pissusiviusuniluunniit suliffeqarfiit innuttaasullu eqqugaasut kommunip kukkussuteqarsimanera apeqquataatinnagu utertitsilluni akiliisoqarnissaanik piumasaqaateqarsinnaanerannut illua'tungiliisunik peqarnera pillugu apeqquummik kommunip ilanngussinissaa pillugu oqaaseqaatissaqanngilanga.

Taamaattorli oqaatigaara periaatsimik allannguineq sioqqullugu piffissamut ernialiisoqannginnissaa akileraartartut siusinnerusukkut periaasiusimasoq tunngavigalugu ernialiisoqannginnissaanik piumasaqaateqarnissaminut tunngaviutinniarsinnaaneraat kommunip erseqqinnerusumik naliliiffigisariaqaraa, tassami ernialiarnerup pinngitsoorani pisussaaneramik kommunip isiginninnerinnaata uanga paasinninnera malillugu erseqqinnerusumik misissueqqaartoqanngippat utertitsilluni akiliisoqarnissaata itigartitsissutigineqarnissaa nassatarisinnaanngimmagu.

Akileraartartup pissutissaqartumik naatsorsuutiginninnerata akileraartarnermi oqartussaasut periaatsiminnik imaaliiallaannaq allannguinnissaannik mattussiffiusunik pisoqarsinnaanera naalagaaffeqatigiinnerup iluani naatsorsuutigineqartarnera matumani innersuussutigaa. Isuma taanna Namminersornerullutik Oqartussat akileraartarnermut tunngasuni inatsisiliornermik aqutsinermillu tigusinerisa kingornatigut saneqqunniarneqarsimanngitsoq takuneqarsinnaavoq.

Tamatuma saniatigut maluginiarpara kommunip paasinninnera unaasoq ernialiisoqarsimanngippat kingusinnerusukkut akileeqqusinissamut kommuni pisinnaatiitaasussaasoq.

Tamanna pillugu oqaatigaara utertitsilluni akiliinissamik apeqquut pillugu isummap assinga malillugu kommuni matumani imaaliiallaannaq isumaqatigisinnaanngikkiga, tassalu kommunip ernialiinngitsoorluni kukkussuteqarneratigut kingusinnerusukkut akileeqqusisinnaatitaaneq pillugu apeqquut akileraartarneq pillugu inatsimmi ernialiarnerup pinngitsoorani pisartussaanera pillugu malittarisassanik anikinnerusumik naliliiginnarluni aalajangiivigineqarsinnaasoq.

A-p (sulisisisullu allat taamatut inassisimasut) ernialiivigineqarnerat pillugu suliaq periaatsimik siumut nalunaaruteqaqqaarani allannguineq aaqqinniassagaanni suut piumasaqaataanerisa qulaajarneqarnissaat siunertaralugu kommunip suliareqqinnianniinnarpagu uanga paasinninnera unaavoq kommuni taamaaliornermigut aqutsinermi kukkunernik pisariaqarneratut annertutigisumik aaqqiinissamik pissaaffeqarnerminik sumiginnaasoq, taamaappallu uanga paasinninnera unaassaaq Inatsisartunut Naalakkersuisunullu nalunaarutigisariaqakkannik pisoqartoq, tak. Ombudsmandi pillugu inatsimmi § 10.

Tamatumunnga kommunip aqutsinikkut kukkunernik aaqqiinissaminut pissaaffeqarnerminik naammassinninnissaanik uanga naatsorsuutiginninnera ingerlatsivullu kukkussutaanik kommunip aaqqiinnginneranik kukkunertut annertuutut isiginninniarnera kommunimik suliamut attuumassuteqanngitsumik qanoq ililluni tatisinniarnerussanersoq takusinnaanngilara.

Taamaattumik A-p sulisisisullu allat ernialiivigineqarnerannik kommunip suliarinneqqinnissaanik inassuteqaatiga inassuteqaatigeqqippara.

Suliami inassuteqaatiga alla, tassalu qaammatikkaartumik naatsorsuutit aamma erniat pillugit nassuiaatit pillugit pitsaanerusumik paasissutissiisarnissamik pisariaqartitsineranut tunngasoq, eqqarsaatigalugu kommunip akissutaa imatut paasivara paasissutissat taakku innuttaasut suliffeqarfiillu paasissutissinneqarnissamik pisariaqartitsinerannut matussutissiisussaanerannik oqarnera kommunip isumaqatigigaa.

Taamaattumik aamma naatsorsuutigaara kommunip matumani isumaqatigigaaanga, tassalu qaammatikkaartumik naatsorsuutit kontollu naqitanngortinneqarneri allat aningaasallu pillugit nassuiaatit sukumiisuussanngitsut, innuttaasut kommunimut qanoq akiligassaqarnerinnaannik takutitsisuugunik nassuiaatinillu kommunip iluini-

naani atorneqartunik qanoq isumaqarneri innuttaasunit ilisimaneqarnissaat kommunip naatsorsuutigisinnaanngisaanik imaqarunik.

Taamaattumik inassuteqaat taanna eqqarsaatigalugu annertunerusumik iliuuseqaqqissanngilanga.

Kommunip uannut allakkami kingulliit assilinerat Akileraartarnermi Pisortaqarfimmu nassiussimamagu allakkat ukua assilinerat Akileraartarnermi Pisortaqarfimmu nassiunnissaa eqqornerpaasutut isigaara.”

Kommunip akissutaa imaattoq 8. juni 2006-imi tiguara:

"Ombudsmandip allagaata 11753-imik normoqartup 08/05-2006-imeersup tigu-nera matumuuna uppersarneqarpoq.

Taanna innersuussutigalugu eqqortussaq pillugu aammaarluni K Kommunip suliamik qaqitseqqinniannginnini imaluunniit siusinnerusukkat aalajangiinermik allannortitsinianninnini nalunaarutigaa.

Kiisalu Ombudsmandip allagaani qulaani taaneqartumi qupperneq 4-mi titarner- taat kingulliit pingajuanni oqaatigineqartut innersuussutigalugit K Kommunip oqaatigissavaa Ombudsmandi isumaqatigineqanngimmat.

Qaammammut naatsorsuutit pitsaanerulersinnissaannut periarfissamik soorunali- mi ujartuuarinissaq K Kommunip nassuerutigaa, tamannali peqatigalugu isumaqar- pugut ullumikkut naammaginartumik, eqqortumik paatsuugassaannngitsumillu innut- taasunut ilisimatitsissuteqartarluta.

Matuma kingornatigut suliaq naammassisutut K Kommunip isigaa. (Atorfeqar- fimmi nutsigaavoq)

Inatsisartut Naalakkersuisullu allakkatigut 14. august 2006-imeersutigut suliaq pillugu imatut nalunaarfigaakka:

"K Kommunimut oqaaseqaatinni 13. april 2005-imeersumi, assiliner ilisimatit- sissutitut ilanngussanni, akileraarutinut A-nut kingusinaartumik akilikkanut ernianik akileeqqusinermut atatillugu periaatsiminik kommunip allannguuteqartitsinera pil- lugu ilaatigut oqaaseqarfigaara.

Kommuni taamaalliluni ukiuni arlaqartuni ernianik akileeqqusisimannngilaq, 2003-mili novemberimi aalajangerluni erniat 1. januar 2004-mit akileeqquneqassa- sut. Piffissaq tamanna sioqqullugu periaatsimik allannguuteqartitsineq sulisitsisunut nalunaarutigineqarsimannngilaq, allannguuteqartitsinerli sulisitsisunit paasineqar- poq kommunip 2004-mi majimut qaammammoortumik nalunaarusiaani, tassani er- sermat 2004-mi januarimit aprilimut ernialiisoqartoq.

Suliffeqarfiup ataatsip periaatsimik allannguuteqartitsineq uannut naammagit- taalliutigaa, isumaqarpungalu nanertuutaasumik periaatsimik allannguuteqartitsi- neq taama ittoq piffissap periutsimik allannguinissaq pillugu nalunaaruteqareer- nerup kingornatigut aatsaat pisinnaasoq, taamaattumillu suliffeqarfimmu uannut naammagittaalliuteqartumut kommunimilu sulisitsisunut allanut piffissamat pine- qartumut ernialiineq pillugu suliat suliareqqeqqullugit kommunimut inassuteqarpu- nga.

Kommunip inassuteqaatiga malinniarnagu aalajangerpoq tamatumunngalu taper- taliullugu kommunip 2004 sioqqullugu aamma ernialiisimanagera eqqunngitsoq, kisi- annili tamanna assammik allattuinnikkut pisoq, aammalu tamatuma saniatigut ernia- liinerup pinngitsoorani pisussaanera aallaqaammut innersuussutigalugu.

Taamatutaaq kommunip uannut allagaasa aamma kommunip uannut allagaanut akissutima assilinerat ilanngullugit nassiuppakka.

Kommunimut erseqqissaatiginnereernittut paasinninnera unaavoq, tassalu 2004 sioqqullugu piffissamut periaaseq aalajangersimasoq malillugu kommunip ernialiisimaneq kommunip ilimanarsisinnigikkaa.

Ilanngullugu kommunip oqaatigaa akileraarutininik ernialiisarnerup pinngitsoorani pisussaanerata nassatarigaa 2004-mi periaatsimik allannguinnermut atatillugu ernialiineq pillugu sulianik suliarinneqqinnissamut kommunip pisussaaffeqannginnera.

Paasinninnera unaavoq ernialiinerup pinngitsoorani pisussaanera kisiat inner-suussutigalugu 2004-mi januarimit aprilimut ernialiineq pillugu suliat suliareqqinnissaat kommunip itigartitsissutigisinnaanngikkaa, tassami siumut ilimasaareqqaarani periaatsimik allannguneq pineqarmat taamatullu qanoq pisoqarnera malillugu akileraartartut naatsorsuutiginninnerat siumut ilimasaareqqaarani akileraartarnek pillugu oqartussaasut periaatsimik allannguinissaannut mattussisinnaammatt.

Sulianik suliarinneqqinnissamik pisussaaffeqarnerup siunertaraa innuttaasut eqqarsaatigalugit kommunip iluarsisariaqagaani inatsisitigut kukkussuteqartoqarsimaneraniq qulaajaanissaa.

Isumaqaqpunga suliat suliareqqinneqarnissaannik kommunip itigartitsinermigut kommunip nammineerluni iluarsisariaqakkaminik taama ittunik kukkusoqarsimasinnaaneraniq misissuisussaataani sumiginnaraa.

Paasissutissat pigineqartut malillugit suliamit misissukkannit matuminnga pineqartumit suliat arlaqarnerummata isumaqaqpunga sulianik suliarinneqqinnissamut apeqqummatt kommunip isummenera kukkunerusoq annertuumik pingaarutilik Inatsisartunut Naalakkersuisunullu nalunaarutigisariaqariga, takuuk Ombudsmandi pillugu inatsimmi § 10.

Tamatumunnga atatillugu Naalakkersuisut qinnuigaakka Naalakkersuisut tamatumunnga atatillugu qanoq iliuuseqarniarnerisut nalunaarfigeqqullunga.

Tamanna peqatigalugu Inatsisartut allakkat ukua assilinerinik allakkanillu allanik nassinneqarnermikkut suliaq pillugu nalunaarfigineqarput.”

**Kalaallit Nunaanni Kommuninik Nakkutilliisoqarfiup K Kommunimut allagaasa assilinerat imaattoq 9. oktober 2006-imi tiguara:**

"Akileraarutit A-t kingusinaarluni akilernerqarneranni ernaliussat naatsorsorneqartarnerat eqqarsaatigalugu periutsimik K Kommunip allanngortitsineraniq naam-magittaalliuut pillugu Inatsisartut Ombudsmandiata saaffiginnissutaa Nakkutilliisoqarfiup ulloq 5. oktober 2006 ataatsimiinnermini oqaluuseraa.

Tassunga atatillugu Nakkutilliisoqarfiup allattoqarfia K Kommunimut tusarniaasummik akisaqaqqusisimavoq.

Kommunimit oqaatigineqarpoq Nakkutilliisoqarfiup allattoqarfiata inassuteqaateqarnermini K Kommunip suliamik paasinninneraniq allaaserisaq pisariaqarneratut ilanngunnagu Inatsisartut Ombudsmandiata inassuteqaateqarinnissamut tunngavissat suliamik nassuiaanera taamaallaat tunngaviginiarsimagaa.

Tassunga oqaatigineqassaaq pappiaqqat suliamut atuumassuteqartut tamaasa Nakkutilliisoqarfiup ilisimagai taamaattumillu K Kommunip aamma Inatsisartut Ombudsmandiata akornanni allakkatigut attaveqatigiissimanerit suliaq isummerfigineqarnerani aamma naatsorsuutigisimallugit.

Nakkutilliisoqarfiup naliliineraa akileraarutit A-t kingusinaarluni akilernerqarneranni ernialiisannginnermik sivisungaatsiartumik kommunip periuseqarsimanerata innuttaasut pissutissaqartumik isumaqalersissimagai periuseq taanna ingerlaannasasooq, naallu ernianik akileeqqusinnissaaq inatsisikkut pisussaaffigaluartoq innuttaasut taamatut naatsorsuutiginninnerata akileraartarnermi oqartussaasut sioqqutsisumik nalunaaruteqaqqaratik periutsimik allannguinissaat pissutissaqartissanngilaa.

Suliassanik suliarinnittarnermi tunngaviit nalinginnaasut kingunerisaannik sioq- qutsisumik nalunaaruteqaqqaarani periutsimik allannguinerup kingorna aalajangi- nerit pisimasut tamarmik misissornissaannut kommuni pisussaaffeqarpoq.

Misissuinermi qulaajarneqassaaq kommuni kukkussuteqarsimanersoq taakku iliarsinissaannut kommuni innuttaasunut pisussaaffeqarluni.

1. januar 2004-miit allannguisoqarnerata kingorna akileraarutit A-t kingusinaar- luni akilernerqarneranni ernialiisimanerit pillugit aalajangiisimanerit suliareqqinne- qarnissaannik Inatsisartut Ombudsmandiata inassuteqaataa malinneqaqqullugu K Kommuni Nakkutilliisoqarfiup peqqussavaa.”

Suliaq kommuni eqqarsaatigalugu allakkatigut 19. december 2006- imeersutigut imaattutigut inaarlugu suliaaraa:

"Kalaallit Nunaanni Kommuninik Nakkutilliisoqarfiup kommunimut allakkatigut 5. oktober 2006-imeersutigut kommunip periaatsiminik 1. januar 2004-mit piffissa- mut sulisitsisut eqqorneqartut periaatsip allanngortinneqarsimanerani paasisaqa- nissaata tungaanut allannguina eqqarsaatigalugu akileraarutininik A-nik kingusi- naarluni akilernerqartunik ernialiisarnerup suliareqqinneqarnissaannik inassutinik malinninnissaannik Nakkutilliisoqarfimmit peqquneqarsimaneraniq ilisimatitsissutaa 9. oktober 2006-imi tiguara.

Nakkutilliisoqarfiup aalajangiinera imatut paasivara Nakkutilliisoqarfik isuma- qartoq kommuni sulianik suliarinneqqilinnginnermigut inatsisinik unioqutitsisima- soq, unioqutitsinerlu taanna aqutsineq pillugu inatsimmi Nakkutilliisoqarfiup kom- muninut pinngitsaaliiniutigisinnaasai pillugit § 61-ikkut aalajangersakkami pineqar- tunut ilaatinneqartoq.

Tamanna tunngavigalugu isumaqarpunga suliami annertunerusumik iliuuseqaq- qinnissamat pissutissaqarnanga, taamaattorli Nakkutilliisoqarfik allakkatigut allati- gut allakkat ukua assilinerannik ilaqartinneqartutigut qinnuigaara suliap ingerlaq- qinneranik ilisimateqqulluna.

A aamma Inatsisartut Inatsisit Atortinneqarnerannut Ataatsimiititaliaat suliamik inaarsaaninnik allakkatigut allatigut allakkat ukua assilinerannik ilaqartinneqartuti- gut ilisimatippakka.”

## **2005-imi ukiumoortumik nalunaarut, immikkoortoq 6, qupperneq 371 tulluilu**

### **Kilisaatip avataasiutip sinerissami qanittumi aalisarnermut attartor- neqarnissaannik qinnuteqaammut itigartitsinerup inatsisitigut tunnga- vigisaata erseqqarluttuuneranik Inatsisartunut Naalackersuisunullu nalunaarut (J.nr. 11.03.56.01/152-03)**

Aalisarnermut Piniarnermullu Pisortaqaarfimmut 31. maj 2006-imi ima- tut allappunga, assilineranik Inatsisartut Inatsisit Atortinneqarnerannut Ataatsi- miititaliaannut ingerlatillugu:

"Malugaara Naalackersuisut ataatsimiititaliaatut pilersitaata aalisarnermik na- leqqussaaneq pillugu nalunaarusiaa Inatsisartut 2006-imi upernaakkut ataatsimiin- nerminni imm. 30-tut oqaluserigaat.

Tamanna tunngavigalugu pisorta qarfik qinnuigaara pisorta qarfiup allagaani 13. oktober 2005-imeersuni ilisimatitsissutigineqartutut Inatsisartut upernaakkut 2007-imi aalisarneq pillugu inatsisip allannguutissaatut siunnersuummik, aalisarnermik allaffissornikkut naleqqussaaniissamut inatsisitigut tunngavigisani erseqqarluttoqarnera pillugu Inatsisartut Ombudsmandiat pillugu inatsimmi § 11 tunngavigalugu nalunaarutiginninninnik sillimmaassisumik, saqqummiussinissaq Naalakkersuisut suli naatsorsuutigineeraat nalunaarfigeqqullunga.”

Pisorta qarfiup allakkani 9. juni 2006-imeersuni imatut akivaanga:

”Allakkatit 31.05.2006-imeersut innersuusutigineqarput, taakkunanilu Aalisarnermut, Piniarnermut Nunalerinermullu Pisorta qarfik qinnuigineqarpoq aalisarneq pillugu inatsisip allannguutissaatut siunnersuutip Inatsisartut 2007-imi upernaakkut ataatsimiinneranni saqqummiunneqarnissaa naatsorsuutigineqarnersoq nalunaarutigeqqullugu.

Aalisarnermut, Piniarnermut Nunalerinermullu Pisorta qarfiup matumuuna uppernarsassavaa aalisarnerup aqutsinermi allaffissornikkut aalajangersaavigineqartarneranut inatsisitigut tunngavigisap erseqqarluttortai aalisarneq pillugu inatsisip allannguutissaatut siunnersuummi sillimmaanniarneqartut, siunnersuutillu Inatsisartut 2007-imi upernaakkut ataatsimiinneranni saqqummiunneqarnissaa suli naatsorsuutigineqartoq.” (Atorfeqarfimmi nutsigaavoq)

Suliaq tamatuma kingornatigut allakkatigut 1. november 2006-imeersutigut inaarlugu suliaara:

”Pisorta qarfiup allakkani 9. juni 2006-imeersuni uppernarsarpaa inatsisissatut siunnersuummik avataasiorluni aalisarnerup aamma sinerissamut qanittumi aalisarnerup akornanni killissalersuineq pillugu inatsisitigut tunngavigisami erseqqarluttutut atuuttut uku aaqiissutissaannik imaqartumik Inatsisartut 2007-imi upernaakkut ataatsimiinneranni saqqummiussinissaq Naalakkersuisut naatsorsuutigigaat, tassalu:

- aalisariutininik immikkoortitsineq pillugu inatsisip attortuulersinneqarnerani aalisariutininik taakkuninnga immikkoortitsinermit tunngavigisatut piumasaqaatinik nalunaarutikkut saneqqutsineq (derogation), aamma

- pisut ataasiakkaarlugit aalajangiinerni (immikkut akuersissuteqarnerni) inatsisikkut tunngavigineqartumik saneqqutsineq, matumani pisorta qarfik immikkut akuersissuteqarsinnaanermut piginnaatinneqarsimappat piginnaatitsissutip imarisaa erseqqinnerusoq ilanngullugu eqqarsaatigalugu.

Tamanna tunngavigalugu suliami annertunerusumik iliuuseqaqqissanngilanga.”

**2005-imi ukiumoortumik nalunaarut, immikkoortoq 6, qupperneq 382 tullialu**

**Sulisup pisorta qarfimmit allameersup qinnuteqaatigalugu soraarnera pillugu suliamik Aqutsinermit Pisorta qarfiup suliarinnissimanagera (J. nr. 11.03.20.01/043-02)**

Aqutsinermut Pisortaqarfik allakkanut 16. november 2005-imeersunut akissuteqaqqullugu nukingisaarpara.

Sulisoqarnermut Pisortaqarfiup, Aqutsinermut Pisortaqarfiup suliassa-qarfiinik tiguisimasup, 14. februar 2006-imi imatut akivaanga:

"Pisinnaatitaanermut apeqqutip killissalersorneqarnera Sulisoqarnermut Pisortaqarfiup suli qulaajarlugu ingerlappaa, piffissallu suliamik sularinninnermut atorneqartup sivilissusua ajuusaarutigalugu.

Pisortaqarfiup pisinnaatitaanera qulaajarneqarniariapat Inatsisartut Ombudsmandiat ilisimatinneqarumaarpoq. (Atorfeqarfimmi nutsigaavoq)

Pisortaqarfik allakkatigut 21. maj 2006-imeersutigut aperaara suliaq sumut killissimansoq.

Pisortaqarfiup akissutaa imaattoq 26. juli 2006-imi tiguara:

"A pillugu suliassamut atatillugu pisortaqarfiup piginnaatitaanera pillugu Inatsisartut Ombudsmandiata allagaanik 21. maj 2006-meersunik Sulisoqarnermut Pisortaqarfik tigusaqarpoq.

Siullermik Pisortaqarfiup suliassap sularineranut piffissaq sivilissooq atorneqartoq ajuusaarutigissavaa.

Sulisoqarnermut Pisortaqarfiup matumuuna Inatsisartut Ombudsmandiata allakkatigut ulloq 29. juni 2004-meersutigut erseqqissumik apeqquteqaataa akissuteqarfigissavaa.

Siusinnerusukkut taaneqartutut atorfinitsitsinermi eqqartuussinermut tunngasuni apeqqutit tamaasa aalajangiiffiginissaannut pisortaqarfik piginnaatitaangitsoq Pisortaqarfik isumaqarpoq. Suliffeqarfiit pisortaqarfiillu ataasiakkaat nammineerlutik malittarisassani pingaarnersutigit sulisunut suliassat aalajangersimasut pillugit aalajangiisartut naliliiffigineqarpoq. Taamaalluni Sulisoqarnermut Pisortaqarfik sulisut pillugit suliassani taamaallaat aallaaviummik allaffissornikkut ingerlatsivoq siunnersortaallunilu, aamma pisortaqarfiit allat suliffeqarfiillu aalajangiinerinut Sulisoqarnermut Pisortaqarfik aalajangiisussatut ingerlatseqqittarfiunngilaq.

Taamaattorli pisuni ataasiakkaani atorfinitsitsinermi eqqartuussinermut tunngasuni apeqqutit pillugit Sulisoqarnermut Pisortaqarfik aalajangiisarpoq. Inatsisiliorneq, isumaqatigiissuteqarneq, isumaqatigiissutit assigisaalluunniit tunngavigalugit tamatumunnga aallaavigineqartarput. Tamatuma saniatigut Aningaasarsiornermut Pisortaqarfiup Isumaqatigiinniartarnermut Immikkoortortaqarfiata isumaqatigiinniaqataasartut Sulisoqarnermut Pisortaqarfimmut inunnut ataasiakkaanut suliassat aalajangiiffiginissaannut piginnaatitaaneq tunniunniuvuaa, soorlu isumaqatigiissut malillugu tapinik tunniussinermut.

Taamaattorli matumani ilanngunneqassaaq Isumaqatigiinniartarnermut Immikkoortortaqarfiup isumatigiissutinut isumaqatigiissuteqarnermullu tunngasunut nasuiaassinermut piginnaatitaaneq pingaarnersooq tigummigaa."

Suliaq Sulisoqarnermut Pisortaqarfimmut allakkatigut 18. september 2006-imeersutigut imaattutigut inaarlugu suliaaraa:

"Pisortaqarfiup pisinnaatitaanerani pisortaqarfiup qulaajaaneranut nassuiaat 26. juli 2006-imi tiguaru.

Malugaara pisortaqarfiup sulisut ataasiakkaat pillugit pisortaqarfiup avataani alaffissornikkut oqartussaasunit aalajangiinerit pisortaqarfimmut naammagittaalliutitigineqarsinnaanerit atortuutinniarunnaaraa.

Tamatuma saniatigut malugaara pisortaqarfiup paasinninnera unaasoq, tassalu pisortaqarfiup aalajangigai pisarneq malillugu inatsisitigut tunngavissaqartinneqassasut, sulisullu eqqarsaatigalugit aalajangiisinnaanissaminut pisortaqarfik erseqqissumik pisinnaatitaasariaqartoq.

Matuma kingorna suliami annertunerusumik iliuuseqarqissanngilanga."

## **2005-imi ukiumoortumik nalunaarut, immikkoortoq 6, qupperneq 388 tullilu**

### **Ineqarnermut tapiissutiniq qinnuteqaammik kommunip suliarinnin- nera (J.nr. 11.10.02.04/048-03)**

Naalakkersuisut suliaq pillugu 31. oktober 2006-imi imatut saaffigeqqip-pakka:

"Ombudsmandip allakkatigut 17. december 2003-meersutigut Ombudsmandi pillugu inatsimmi § 11 tunngavigalugu ilaatigut Naalakkersuisut nalunaarfagai suliani ineqarnermut tapiissutinut tunngasuni oqartussaasumut qulliuernerusumut naammagittaalliortarneq pillugu malittarisassat erseqqarluttuusut.

Ombudsmandip matumani innersuussutigaa naammagittaalliornissamut periarfissami inissiani attartortittakkani ineqarnermut tapiissutit pillugit Inatsisartut peqqussutaanni nr. 3-mi, 31. maj 2001-imeersumi § 14-ikkut atulersinneqartumi killiliissut isumaginnittoqarfiup aqunneqarnera aqqissuussaanelu pillugit Inatsisartut peqqussutaanni nr. 11-mi, 12. november 2001-imeersumi § 8, imm. 1-ikkut peerneqarsimanersoq erseqqarluttuusooq.

Ombudsmandip Naalakkersuisut qinnuigai suliaq Naalakkersuisut qanoq iliuuseqarnissaannut pissutissaqalersitsinersooq nalunaarutigeqqullugu.

Ilaqutariinnermut Pisortaqarfiup akissutaa, assilineru ilanngullugu nassiunneqartoq, Ombudsmandip 26. april 2006-imi tiguaa.

Pisortaqarfiup akissutaa, assilineru taamatuttaaq ilanngullugu nassiunneqartoq, Ombudsmandip 21. juli 2004-mi tiguaa.

Ombudsmandi pisortaqarfimmut tamatuma kingornatigut 7. oktober 2004-imi imatut allappooq:

"Suliaq allakkannut 17. maj 2004-meersunut pisortaqarfiup allakkani 6. juli 2004-meersuni akissuteqarfigisimasaa matumuuna utofigaara.

Aallaqqaasiullugu oqaatigaara maluginiariga Inatsisartut ukiaq manna ataatsimiinneranni ingerlasumi inissiani attartortittakkani ineqarnermut tapiissutit pillugit Inatsisartut peqqussutaanni § 9-p allannguutissaatut Naalakkersuisut siunnersuutaat oqaluserineqarniartoq.

Tamatumunnga tulliuullugu oqaatigaara inissiani attartortittakkani ineqarnermut tapiissutiniq qinnuteqaatit suliarineqartarnerat pillugu ilitsersuummi Isumaginninnermut Suliffeqarnermullu Pisortaqarfiup suliarisimasani november 2001-imeersuni § 7 pillugu pisortaqarfiup akissutaa tusaatissatut tigugiga, tassami Ilaqutariin-



nermut Pisortaqarfiup oqaatigimmagu ilitersuusiaq taanna Inatsisartut peqqussutaata allannguutissaatut siunnersuutigineqartup atortuulersinneqarneranut atatillugu naqqinneqarniartuq.

Sinneruttoq tassaavoq suliani ineqarnermut tapiissutit pillugit suliani aalajangiinerit oqartussaasumut qulliinerusumut naammagittaalliutigineqarsinnaanerit pillugu apeqquq.

Oqaatigaara pisortaqarfiup akissummini 6. juli 2004-meersuni allakkani 15. april 2004-meersut innersuussutigigai. Pisortaqarfimmut malugeqqullugu oqaatigaara pisortaqarfiup allagai 15. april 2004-meersut aatsaat 26. maj 2004-mi tigusimagikka.

Tamatuma kingornatigut pisortaqarfiup allagaasa 15. april 2004-meersut imatut oqartariaqalersippaanga:

Paasinninnera unaavoq naammagittaalliornermut periarfissap isumaginnittoqarfiup aqunneqarnera aqqissuussaanelu pillugit Inatsisartut peqqussutaanni nr. 11-mi, 12. november 2001-imeersumi § 8, imm. 1-ikkut atulersinneqartup naammagittaalliornissamut periarfissamik killiliinerit inissiani attartortittakkani ineqarnermut tapiissutit pillugit Inatsisartut peqqussutaannit nr. 3-mit, 31. maj 2001-imeersumit ersertut atorunnaarsinnerai apeqqufiga pisortaqarfiup erseqqissumik akinngikkaa.

Taamaalilluni pineqartoq tassaavoq isumaginnittoqarfiup aqunneqarnera aqqissuussaanelu pillugit Inatsisartut peqqussutaata apeqquq una sukumiisumik isummerfiginngikkaa, tassalu isumaginninnermut tunngasuni Inatsisartut peqqussutaattut siusinnerusukkat akuerineqartuni naammagittaalliornissamut killilersuutit atortinarneqassanersut, § 8-mi naammagittaalliornissamut periarfissap ataatsimut tunngasutut oqaasertalersugaanera apeqquaatinnagu.

Pineqartoq tassaavoq § 8-mi imm. 2-kkut erseqqissumik isummerfigineqartoq Naalakkersuisut aalajangiineri pillugit inatsisini allani killilersuutit malittarisassat atortinarneqassasut. Taamaattumik tamanna tunngavigalugu imatut isummernisaq qanippoq, tassalu kommunit aalajangiineri pillugit naammagittaalliornissamut killilersuutit malittarisassat atorunnaarsimasut.

Taamaattumik pisortaqarfik qinnuigeqqippara naammagittaalliornissamut periarfissaq taanna pillugu erseqqarluttoqarnerata qanoq iliorluni aqqiivigineqarsinnaanera isummerfigeqqullugu.”

Pisortaqarfiup akissutaa, assiliner aamma ilanngullugu nassiunneqartoq, Ombudsmandip 14. januar 2005-imi tiguaa.

Inatsisartut Ombudsmandiat pillugu inatsimmi § 11 tunngavigalugu nalunaaruteqarnerminut tunuliaqutaasoq pillugu nassuiaammik itisilerutaasumik Ombudsmandip Ilaqutariinnermut Pisortaqarfimmut 24. januar 2005-imi nassiussinera tamatuma nassataraa. Nassuiaatip taassuma naqitanngortinneqarnera ilanngullugu nassiunneqarpoq.

Pisortaqarfiup akissutaa, assiliner ilanngullugu aamma nassiunneqartoq, Ombudsmandip 10. februar 2005-imi tiguaa.

Ombudsmandip tamatuma kingornatigut malugaa Ombudsmandi pillugu inatsimmi § 11 tunngavigalugu nalunaaruteqarnerminut isumaginnittoqarfiup aqunneqarnera aqqissuussaanelu pillugit Inatsisartut peqqussutaata aamma/imaluunniit inissiani attartortittakkani ineqarnermut tapiissutit pillugit Inatsisartut peqqussutaata allanngortinneqarnissaa/erseqqissarneqarnissaa pisariaqartinneqartoq Naalakkersuisut isumaqarnerisut, imaluunniit malittarisassat ilutsimittut iluseqarlutik naammattumik ersarissuteqartut Naalakkersuisut isumaqarnerisut taamaappallu taakku qanoq nassuiarneqassasut qulaajarneqarnissaannik siunertaqartumut akissummik sukumiisumik tigusaqarsimanani.

Naalackersuisut tamanna tunngavigalugu qinnuigeqqippakka Ombudsmandip nalunaarutaa qanoq iliuuseqarnissamut pissutissaqalersitsinersoq isummerfigeqqullugu.”

Ilaqutariinnermut Pisortaqarfiup akissutaa imaattoq ukiup nalunaarusiunneqartup naanerani suli isummerfiginngisara 27. november 2006-imi tiguara:

"Inatsisartut Ombudsmandiat kingullerpaamik 31. oktober 2006-imeersutigut alagaqarluni Ilaqutariinnermut Pisortaqarfimmut saaffiginissuteqarsimavoq ineqarnermut tapiissutit pillugit suliani aalajangiismanerni qulliunerusunut naammagittaalliuutigeqqinneqarsinnaanerit pillugu.

Ilaqutariinnermut Pisortaqarfiup Inatsisartut Ombudsmandiannit siusinnerusukut allakkatigut attaveqatigiittarnerit kingunerisaannik maluginialersimavaa, ineqarnermut tapiissutit pillugit suliani Isumaginninnikkut Naammagittaalliuuteqartarfimmut naammagittaalliuuteqartarnikkut pissusissamisoortoqannginnera.

Tamanna tunngavigalugu Ilaqutariinnermut Pisortaqarfiup inini attartortittakkani ineqarnermut tapiissutit pillugit Inatsisartut peqqussutaanni nr. 3, 31. maj 2001-imeersumi naammagittaalliorsinnaaneq allangortinniaraa, taamaasilluni Inatsisartut peqqussutaat naapertorlugu ineqarnermut tapiissutit pillugit aalajangiinnerit tamarmik Isumaginninnikkut Naammagittaalliuuteqartarfimmut naammagittaalliuutigeqarsinnaalersillugit. Ilaqutariinnermut Pisortaqarfimmit qularnaarneqarsinnaanngilaq tamanna 2007-imi upernaakkut katersuunnermut angumerineqarsinnaanersoq, taamaasiornissarli misilinniarneqarpoq. Taamaangippat allannguutissatut sinnersuut 2007-imi ukiakkut katersuunnermi suliarineqarsinnaassaaq”

## **2005-imi ukiumoortumik nalunaarut, immikkoortoq 6, qupperneq 394 tulluilu**

### **Soraarniuteqarluni qinnuteqaammik suliaqarnermi suliamik paasisutissartalersuineq pissutsinik sulisitsisumut tunngasunik tunngavilersuuteqartinneqartoq (J.nr. 11.03.21.01/105-00)**

Sulisoqarnermut Pisortaqarfiup allakkatigut 27. januar 2006-imeersutigut ilisimatippaanga pisortaqarfik suliami eqqartuussivikkoortitsinissaq pinngitsoortinniarlugu A-mut isumaqatigiissuteqarsimasoq. Isumaqatigiissutit assilineri pisortaqarfiup uannut nassiuppaa.

Suliaq allakkatigut imaattutigut 28. februar 2006-imeersutigut inaarlugu suliaaraa:

"A-p ...-mi ...-tut atorfimmit tunuarneranut atatillugu aaqqiagiinngissutaasut suulluunniit pillugit eqqartuussivikkoortuunngitsumik tamakkiisumik inaarutaasumillu pisortaqarfiup A-llu isumaqatigiissuteqarsimanerannik pisortaqarfiup ilisimatitsisutaa 30. januar 2006-imi tiguara.

Suliami tamatuma kingornatigut annertunerusumik iliuuseqaqqissanngilanga.

Allakkat ukua assilineri A-mut, taassuma suliami illua tungiusutut sinniisaanut eqqartuussissuserisumut ...-mut, Naalackersuisut Siulittaasuannut aamma Inatsisar-

tut Inatsisit Atortinneqarnerannut Ataatsimiititaliaannut allakkatigut 14. juli 2005-imeersutigut kingullermik ilisimatissimasannut nassiuppara.”

## **2005-imi ukiumoortumik nalunaarut, immikkoortoq 6, qupperneq 397 tullilu**

### **Soraarsitsinerni arlalinni suliami illua'tungiusup isumaanik tusarni-aasimanninnerit (J.nr. 11.32.20.0/114-97, 11.32.20.0/093-98 aamma 11.32.20.0/037-99)**

Suliami 11.32.20.0/093-98-imi naammagittaalliortup akissutaa imaattoq 2006-imi tiguara:

"Apeqqutigineqartoq Nunatta Eqqartuussivianut suliaasaq pineqartoq uannut akissaajaataannittumik ingerlateqqikkusunneringa?

Aap ingerlateqqikkusussuara.

Suliamut tassunga tunngatillungu kingullermik K Kommunimut allangaqarpunga 11. oktober 2004. Tassani neqeroorutinalungu eqqartuussivik aqquatinginnikka-luarlungu isumaqatingiissuteqarsinnaangutta taarsiissutitut ukioq ataaseq akissarsis-saraluaakka perusullungit. Eqqartuussivilli aqquatingissangutsingu piumasaqaatikka nikisinniarnangit, tassa ukiut marluk akissarsiasakka, taakkulu qaavisingut kingul-lermik kommunip "soraarsitsineraniit" ukioq 2000-meersumit suliap naammassinis-saata tungaanut erniat piumasariniarlungit.

K Kommunip nassuerutinginikuuaa soraarsitsineq eqqortumik suliarineqarsiman-ngittoq, uangalu taarsiiffingineqartariaqartunga. K Kommunip neqeroorutingini-kuuaa qaammatit marluk akissarsiasannik taarsiiffingineqarsinnaasunga. K Kom-munimut telefonikkut paasiniaaninni november 2004 paasivara kommunalbesty-relse aalajangersimasoq suliaq uannut tunngasoq eqqartuussivimmuut ingerlatinne-qassasoq, taassuma aalajangissammangu qanoq angitingisumik taarsiissuteqartoqas-sanersoq. ...- eqqartuussivimmuut paasiniaasimavunga, kisianni suliaasamik K Kom-munimit tingusaqarsimangillat.

Suliaq pineqartoq massakkumut taamatut inissisimavoq uanga tunginnit. Ukior-paalunngormatalu suliaq naammassineqarani eqqarsaatingisimavara uanga nammi-neerlunga eqqartuussivik saaffinginiarlungu, kisianni ajorinnigivippara Ombuds-mandip suliaq eqqartuussivimmuut ingerlatissappangu."

Suliami 11.32.20.0/037-99-imi naammagittaalliortup oqarasuaatikkut 18. januar 2006-imi nalunaarfigaanga imminut aningaasartuutaannigitsu-mik eqqartuussivikkoortitsinissaq kissaatigigini.

Kommunip Naalakkersuisut Siulittaasuannut allagaasa assilinerat imaat-toq kommunimit 30. januar 2006-imi tiguara:

"Aallaqqaasiullugu ukiuni qaangiuttuni arlaqalersuni Ombudsmandip sulianut ataasiakkaanut tunngatillugu allagaqaatigisartagaanut kommuneqarfitta allattoqar-fiata naammaginartumik qisuariaateqartarsimanninnera ajuusaarnartorujussuurtut isigaarput.

Allagaqaatinnittaaq Ombudsmandip sulianut allanut pingasunut tunngatillugu allagaqaataanut kommuneqarfitta allattoqarfiata naammaginantumik iliuseqartannginnera eqqaavat.

Kommunalbestyrelsip suliati qulaani taaneqartut naammassineqarneq ajornerat ilungersunartutut isigaa, taamaattumillu kommunalbestyrelsi allattoqarfimminik nukittorsaanerminik piviusunngortitaluni sulinialeruttorpoq. Tamanna ilaatigut vicekommunaldirektørimik atorfirmik pilersitsilluni inuttaliinikkut pissaq, tamatumalu saniatigut kommunaldirektøritut atorfik 1. februar 2006 nutaamik inuttalerneqarallassammatt ilanngullugu oqaatigerusupparput. Kommunaldirektøritut atorfiup inummik naleqquttumik inuttalerneqarnissaa kommunalbestyrelsip pingaartippaa, taamaattumillu massakkuugallartoq qaqugu kommunaldirektørinngortussap Nakkutiliisoqarfiup Allattoqarfianik ataatsimeeqateqarsinnaanera oqaatigiuminaatsipparput.

Taamaattorli qaammatit pingasut qaangiutsinnagit suliati qulaani taaneqartut naammassineqarsimanissaat kommunalbestyrelsip neriorsuutigiumavaa.”

Kommunip suliaq 11.32.20.0/037-99 pillugu allagai 12. juli 2004-mi ullulerneqarsimasut siusinnerusukkut tigusimanngisakka 3. marts 2006-imi tiguakka:

”Kommunip ...-mut allagaasa 22.3.2004-meersut assilinerat Ombudsmandimut nassiunneqarsimavoq. Kommunip ... piffissami aalajangersimasumi akissarsianik neqeroorfisimavaa, ...-lu kaammattorlugu amerlanerusunik taarsiivigeqqussaguni siunnersuummik kommunip aningaasaqarnermut ataatsimiititaliaanut nassiusseqqullugu.

Allakkamut qisuariaataasumik sumilluunniit tigusaqartoqarsimanngilaq, allakkallu pineqartut aamma utertillugit nassiunneqarsimanatik.

Allakkat assigiinnik oqaasertaqartut pineqartumut massakut nassiunneqarniarput, qisuariaammillu tigusaqartoqanngiinnarpat K Kommuni suliame annertunerusumik iliuseqaaqqinniannigilaq.” (Atorfeqarfimmi nutsigaavoq)

Naammagittaalliortumut allakkat imaattut taamatuttaaq 12. juni 2004-mi ullulerneqarsimasut siusinnerusukkut aamma tigusimanngisama assilinerat allakkanut taakkununga ilanngullugu nassiunneqarpoq:

”Kommunip allagai 22.3.2004-meersut pillugit.

1999-imi K Kommunimit soraarsitaaninnut atatillugu 22.3.2004-mi allaffigaatsigit.

Allakkanut qisuariaammik sumilluunniit tigusaqarsimanngilagut.

Suliaq taamaattoq kommunip aningaasaqarnermut ataatsimiititaliaanut saqqummiunneqartussaavoq, taamaattumillu suliame qanoq iliorluni inaarsaasoqarnissaa kissaatigigit ataatsimiititaliamut nalunaarutigisariaqarpat.

9. august 2004 nallertinnagu tusarfiginngikkutsigit suliaq inaarlugi suliarineqartutut isiginiarparput.” (Atorfeqarfimmi nutsigaavoq)

Taamatuttaaq suliame 11.32.20.0/093-98-imi kommunip uannut allagai 12. juli 2004-meersut siusinnerusukkut tigusimanngisakka imaattut kommunimit 3. marts 2006-imi tiguakka:

"Kommunip allagaasa 22.3.2004-meersut assilinerat Ombudsmandeqarfimmut nassiunneqarsimapput, pineqartullu K Kommunimit 28.2.1998-imi soraarsinneqarnermi kingornatigut taarsiivigineqarsinnaanera isumaqatigalugu kommunip allakkani taakkunani Ombudsmandeqarfimmut oqaatigaa.

... allakkani qinnuigineqarsimavoq suliap qanoq iliorluni inaarneqarnissaanik siunnersuummik kommunip aningaasaqarnermut ataatsimiititaliaanut nassiusseqqullugu.

Pineqartup 350.000 kr.-nik ukiuni marlunni akissarsianut naapertuuttunik taarsiisuteqartoqarnissaanik siunnersuutaa aningaasaqarnermut ataatsimiititaliap 2.6.2004-mi suliarisimavaa.

Aningaasaqarnermut ataatsimiititaliap 2.6.2004-mi ataatsimiinnerani imm. 4 pillugu imaqarniliamit tigulaakkat:

...-p pissutissaqanngitsumik soraarsitsineq pillugu taarsiivigineqarnissamik piumasagaataa:

... K Kommunimit 28.2.1998-imi soraarsinneqarpoq. Soraarsitsineq Ombudsmandip tusarniaasoqarsimanginnera pissutigalugu atuussinnaassuseqanngitsutut isigaa. Suliap 2000-imi suliareqqilerneqarneranut atatillugu kommuni kukkussuteqaqippoq, Ombudsmandip (massakkullu kommunaldirektøriusup oqarnera malillugu) ...-p ukiut marluk sinnerlugit akissarsiaqarsimasariaqaraluarneranik nassataqartumik. Taamaattumik ... allakkani ilanngullugit nassiunneqartumik ukiuni marlunni akissarsianik taarsiivigineqarnissaminik piumasagaateqarpoq.

Pineqartorli kommunimi ukiut marluk inorlugit atorfeqartitaasimavoq, tamannalu soraarsinneqarnissamut nalinginnaasumik qaammatinik pingasunik piffissaqartitaasimasussaagaluarneranik nassataqarpoq. Kommunip pineqartoq qaammatini pingasuni saniatigullu suli qaammatini marlunni akissarsiassaani taarsiivigineqassasoq siusinnerusukku neqeroorfigisimavaa, pineqartullu tamanna akueriumasimangilaa.

Kommunaldirektørip inassuteqaatigaa qaammatini tallimani akissarsiat kommunip neqeroorutigeqqissagai, tamannalu akueriumanngippagu suliaq eqqartuussivinnut suliassanngortinneqassasoq. (Mappi allagaatinik imalik issoqimmat ataatsimiinnermi saqqummiunneqarumaarpoq).

Aalajangiineq:

Kommunalbestyrelsimut ingerlateqqillugu nassiunneqassaaq. Ataatsimiititaliap inassuteqaatigaa suliaq eqqartuussivikkoortumik ingerlanneqassasoq.

Ombudsmandi ilisimatinneqassaaq.

Taamaalliluni qaammatini tallimani akissarsiat taarsiissutitut neqeroorutigeqqinneqarnissaa aningaasaqarnermut ataatsimiititaliap kissaatiginngilaa, kommunalbestyrelsilumi 23.6.2004-mi ataatsimiinnermini (matoqqasumik oqaluserisassami imm. 1-imi) akueraa ... eqqartuussivikkoortumik suliassanngortitsisariaqartoq, taarsiivigineqarnissani kissaatigiguniuk.

Pineqartup allagaasa assilinerannut ilanngullugu kommunalbestyrelsip aalajangiinera pillugu kommunip ...-mut nalunaarutaata assiliner nassiunneqarpoq." (Atorfeqarfimmi nutsigaavoq)

Kommunip allakkani 7. marts 2006-imeersuni nalunaarfigaanga kommunip suliame 11.32.20.0/037-99 naammagittaalliorloq oqaloqatiginiarsa-

riniaraa, tamannalu iluatsinngippat eqqartuussivikkoortumik suliassiisoqarsinnaanera kommunip utaqqimaarniaraa.

Allakkat pingasut kommunip 31. marts 2006-imi ullulersimasai assilineri naammagittaalliortunut nassiullugit uannut ingerlatinneqartut 6. juni 2006-imi tiguakka.

Allakkat taakku annertunerusutigut assigiittut imaattunik imaqarput:

"Matumuuna K Kommunip nassuerutigissavaa, isumaginninnermik ingerlativimmi atorffimmit soraarsitaasimanerit illua'tungeriittut paasiniaaqqaarmani pisi-mammat.

Tamanna kommuunip ajuusaarutigaa.

Suliaq kommuunip naammassineqarnissaa kissaatigaa, kiisalu neqeroorfigaatit, ullumikkut akissarsiat malillugit qaammatinik arfinilinnik (6) taarsiiffiqineqassasutit.

Inussiarnersumik qinnuingaatsigit kingusinnerpaamik 19. april 2006 akissuteqaq-qullutit."

Suliani 11.32.20.0/114-97-imi aamma 11.32.20.0/093-98-imi naammagittaalliortut qaammatini arfinilinnik akissarsianik neqeroorfigineqarput, suliat eqqartuussivikkoortitsinani inaarlugit suliarineqarniassammata, suliamilu 11.32.20.0/037-99-imi naammagittaalliortoq qaammatini pingasuni akissarsiansanik neqeroorfigineqarluni.

Suliami 11.32.20.0114-97-imi naammagittaalliortoq 9. juni 2006-imi imatut allaffigaara, assilineri kommunimut ingerlatillugu:

"Ilinnut 28. december 2005-imi allappunga piareersimasunga Kalaallit Nunaata Eqqartuussivianut kaammattuutiginiarlugu taarsiivigineqarnissat piumasaaqatigalugu kommunip eqqartuussivikkoortumik suliassiissutiginnissaanut ilinnut aningaasartuutaanngitsumik eqqartuussivikkoortumik suliassiissuteqarnissat ilinnut nalunaarutigineqassasoq, kommunip ilinnik soraarsitsinerata kingunerisaanik aningaasatigit annaasaqarsimanerit uppersarsinnaagukku.

Tamatuma kingorna ilinnit tusagaqanngilanga.

Tamatuma kingornatigit kommunimit ilisimatinneqarpunga kommunip allakkatigit 31. marts 2006-imeersutigut ilinnut nassuerutigigaa ilinnik soraarsitsineq inatsisitigit tungavissaqanngitsumik pisimasoq kommunillu suliap isumaqatigiissuteqarnikkut naammassineqarnissaa siunertaralugu qaammatini arfinilinni akissarsiaqartillutit taarsiivigineqarnissat neqeroorutigigaa.

Tamanna tungavigalugu kommunip eqqartuussisunut suliassanngortinnissaata isumaliutersuutigilinnginnerani kommunip siunnersuutaa pillugu kommunimut isummernissat pisariaqarpoq.

Taamaattumik qinnuigaakkit kommunip isumaqatigiinnissamik neqeroorutaa qanoq akissuteqarfigilersaernerit ilisimateqqullunga.

Suliaq isumaqatigiissuteqarnikkut naammassineqarsinnaanersoq paasitinnagu suliaq annertunerusumik iliuuseqarfigissanngilara.

Tamatumunnga peqatigitillugu allakkanik allanik allakkat uku assilinerinik nassinneqarnermigut kommuni qinnuigineqarpoq suliap ingerlanera uannut ilisimatit-sissutigequllugu."

Suliami 11.32.20.0/093-98-imi naammagittaalliortoq 14. juni 2006-imi imatut allaffigaara, assilineri kommunimut ingerlatillugu:

"Ilinnut 28. december 2005-imi allappunga Kalaallit Nunaata Eqqartuussivianut kaammattuutiginiarlugu taarsiivigineqarnissat piumasaaqatigalugu kommunip eqqartuussivikkoortumik suliaassiissutiginnissaanut ilinnut aningaasartuutaanngitsumik eqqartuussivikkoortumik suliaakkiissuteqarnissat ilinnut nalunaarutigineqassasoq, kommunip ilinnik soraarsitsinerata kingunerisaanik aningaasatigut annaasaqarsimanerit uppersarsinnaagukku.

Allakkatigut 18. januar 2006-imeersukkut kommunip taarsiissuteqarnissaa eqqartuussivikkoortumik suliaassanngorterusukkit uppersarsarpat.

Tamatuma kingornatigut kommunip allagaasa 31. marts 2006-imeersut assilineri tiguakka, allakkatigut taakkunuuna kommunip nassuerutigaa ilinnik soraarsitsineq inatsisinik unioqutitsilluni pisimasooq. Allakkani taakkunani qaammatini pingasuni akissarsiaqartillutit taarsiivigineqarnissat kommunip neqeroortigaa.

Kommunip ilinnik inatsisinik unioqutitsilluni soraarsitsinerani qanoq annertutigisumik annaasaqarsimanerit pillugu ilisimatitissutinik erseqqissunik tiggummisaqannginnama kommunip neqeroorutaanut akuersisariaqarnersutit nalilersinnaanngilara.

Kommunilli eqqartuussivikkoortumik suliaassanngortinnissaanut isummertinnak pisariaqarpoq kommunip neqeroorutaanut akissuteqaqqaarnissat, tassami tamakkii-sumik taarsiivigineqarnissat kommunimit neqeroortigineqarsimappat kommunip eqqartuussivikkoortumik suliaassanngortinnissaanut tunngavissaqannginnavit.

Taamaattumik qinnuigaakkat kommunip isumaqatigiissuteqarnissamik neqeroorutaanut qanoq akissuteqassanerlutit ilisimatequllunga.

Isumaqatigiissuteqarnikkut suliaq inaarneqarsinnaanersoq erseqqissumik paasi-tinnagu suliami annertunerusumik iliuuseqassanngilanga.

Matumunnga peqatigitillugu allakkat ukua assilinerinik nassinneqarnermigut kommuni qinnuigineqarpoq suliap ingerlateqqinneqarneranik ilisimatitsequllugu."

Suliami 11.32.20.0/093-98-imi naammagittaalliortup e-mail imaattoq 16. juli 2006-imi nassiuppaa:

"Ilumoorpoq K Kommunimit eqqunngitsumik soraarsitaasimanera pillugu eqqartuussivikkut suliaassanngortitserusukkama, aammalu K Kommunip neqeroorutaa qaammatit 6 akissarsiaassannik taarsiivigineqarnissara mikigalugu akueriumanagu.

K Kommunimeersoq kommunaldirektør ... kingullermik oqaloqatigaara marts 2006 naalersooq telefonikkut. Taassuma oqaasiinnakkut neqeroortigaa qaammatit 6 akissarsiaassannik taarsiivigiumasinnaallunga allakkatigut pinnani, taamatut allagaqartoqarsimappat uannut anngunneqanngilaq. Uanga piumasaaqatigisimavara eqqartuussivik aqutigalugu suliaq ingerlanneqassappat ukiut marluk akissarsiasaraluannik taakkulu erniaannik ukiumut 10% taarsiivigineqarnissara. Taamaattoq naaperiarfeqartariaqaratta eqqartuussivik angunagu isumaqatigiissinnaassagutta ukioq ataaseq akissarsiasaraluama angeqqataannik taarsiivigineqassasunga naaperiarfigisimagaluarpara. Taanna komunalldirektørup akuerisinnaanngilaa, uangalu K Kom-



munip neqeroorutigisaralua qaammatit 6 taarsiivigineqarnissara akueriumanagu. Taamaammat eqqartuussivik kisimi aqcutissaasutut massakkut inissisimavoq.

K Kommunimut piumasaqaatikka aajuku:

Ukiut marluk akissarsiasaraluakka 2 x 175.000 kr =	350.000,00 kr.
eqqunngitsumik pineqarnermut nuanniilliortitaanermut =	100.000,00 kr.
Erniat ukiumut 10% ilannguttarlugit 1. maj	
2000 - 1. maj 2006 tamarmik katinneri:	797.202,45 kr.

Pinngitsoorani erniat ilaasariaqarput ukiorpaalummata utaqqisinnerqarnera. Allakkap kopia K kommunimut ingerlatippara."

Kalaallit Nunaata Eqqartuussivianut allakkatigut 7. august 2006-imeersutigit kaammattuutigaara suliame 11.32.20.0/093-98-imi naammagittaalliortup soraarsinnerqarnini imminut aningaasartuutaanngitsumik eqqartuussivikkut suliassanngortissinnaagaa. Suliame tassani naammagittaalliortumut tamatumunnga peqatigitillugu imatut allappunga, assilineri kommunimut ingerlatillugu:

"Allakkatit 16. juli 2006-imeersut tiguakka. Allakkaami taakkunani oqaatigaat kommunip inatsisunik unioqqutitsilluni ilinnik soraarsitsineranut atatillugu qaammatini arfinilinni akissarsiat amerlaqataannik taarsiivigineqarnissannik K Kommunip allakkatigut neqeroorutaa tigusimannikkitt.

K Kommunip allagaasa 31. marts 2006-imeersut assilinerat 6. juni 2006-imi tiguara. Allakkat taakku uannut ingerlatinneqarput, oqaatigineqarluni illit taakku assilinerannik nassinneqarnikkut ilisimatinneqarsimasutit. Allakkalli imarisaat ilinnut saaffiginnissutaammata naatsorsuutigaara kommunip allakkanik nassiussinerani kukkusoqarsimasoq, taamaattumillu allakkat taakku assilinerat ilinnut isummerfigissassatut ilanngullugu nassiuppara.

Taarsiissuteqarnissamik kommunip neqeroorutaanik illit akuersisariaqarninnik naliliineq uanga sulininni killissarititaasut avataanniippoq. Allakkanni 16. juli 2006-imeersuni oqaatigaat suliap eqqartuussivikkut misilinnerqarnissaa suli kissaatigigit, uangalu allakkanut ukununga peqatigitillugit Kalaallit Nunaata Eqqartuussivianut allakkanni tunngavilersuutitut ersertoq tunngavilersuutigalugu inassuteqaatigaara kommunip ilinnik soraarsitsineranut atatillugu K Kommuni eqqartuussivikkoortumik suliassiissutigissagukku tamanna ilinnut aningaasartuutaanngitsumik ingerlanneqassasoq.

Kalaallit Nunaata Eqqartuussivianut allakkama assilinerat ilanngullugu nassiuppara, Kalaallillu Nunaata Eqqartuussivia tassaavoq suliap pineqartumut aningaasartuutaanngitsumik eqqartuussivikkut suliarineqarnissaanik aalajangiisussa, taassumalu suliassiissuteqarnermut atatillugu periaasiusartunik erseqqinnerusumik ilitserorsinnaavaatit.

Matuma kingornatigut naatsorsuutigaara Kalaallit Nunaata Eqqartuussivianut saaffiginnissasutit, K Kommunip ilinnut aningaasartuutaanngitsumik eqqartuussivikkut suliassiissutigineqarnissaa suli kissaatigigukku.

..."

Kalaallit Nunaata Eqqartuussivianut allakkannit naammagittaalliortup imminut aningaasartuutaanngitsumik eqqartuussivikkoortitsisinnaaneranik kaammattuutinnut tunngavilersuut imaattoq ersepoq:

"Piffissaq suliap suliarineqarneranut atoneqarsimasoq isiginiarlugu, ...llu akisarsiatigut pisassarisai pillugit saaffiginnissutinnut kommuni akissummik saqqummiussisinnaasimangimmat uanga paasinninnera unaavoq ...p K Kommunillu akornanni isumaqatigiinniaqqinnerit suliap inaarutaasumik suliarineqarneranik kinguneqarnavianngitsut. Taamaattumik Kalaallit Nunaanni Eqqartuussivimmuut matumuuna inassuteqaatiginiarpara ... soraarsitsinermut atatillugu K Kommunimik suliassanngortitsissappat tamatuma pineqartumut aningaasartuutaanngitsumik ingerlanneqarnissaa akuerineqassasoq, pineqartup imminut aningaasartuutaanngitsumik eqqartuussivikkut suliassanngortitsinermeri aningaasaqarnikkut piumasaqaataasunik eqqortitsinera apeqqutaatinnagu."

Suliat sinnerini marlunni akissuteqartoqarnissaa oqarasuaatikkut kommunaldirektørimut 8. november 2006-imi nukingisaarutigaa.

Ukiup nalunaarusiuunneqartup naanerani kommunimit suli tusagaqanngilanga, taamatuttaarlu piffissap taamaalinerani uannut paasissutissiissutigineqarpoq suliame 11.32.20.0/093-98-imik j. normoqartumi naammagittaallioortup kommuni eqqartuussivikkoortumik suliassanngortissimagaa.

## **2005-imi ukiumoortumik nalunaarut, immikkortoq 5, qupperneq 398 tullialu**

**Inuussutissanik nakkutilliinermut atatillugu aalajangiinerup qanoq paasisariaqarnera. Immikkut akuersissuteqartarnermut inatsisitigut tunngavissaqarneq pillugu apeqqu. Nakkutilliinermut allaffissornikkut malittarisassanik naammaginartunik aalajangersaasussaataitaneq (J.nr. 11.52.10.1/066-00)**

Pisortaqarfik allakkatigut 3. januar 2006-imeersutigut akivoq:

"Suliamut tunngatillugu nalunaarutigisinnaavara suliap misissorluarneqarneratigut paasinarsimmat nakkutilliinermut periaasissaq nutaaq naammassillugu suliarineqarsinnaasoq immikkut aningaasartuutitaqanngitsumik.

Taamaattumik Inuussutissanut Atuisunullu Immikkoortortaqarfiup allaffissornikkoortumik allannguutissatut aalajangersagassat pisariaqartitat suliarelugit aallarteerpai.

2005-illi ukiaani inatsisartoqarnikkut pissutsit qinersinissamik nalunaaruteqarnermik kinguneqartut pissutigalugit suliaq unikkallarsimavoq, kisiannili maannakkut aallarteqqinneqarluni.

Aalajangersakkat nutaat ukioq manna naammassineqassapput. Naammassineqarnissaannut piffissaq atugassaq sukumiinerusumik ilisimalerukku suliamut paasissutissanik amerlanerusunik imalimmik suliaq uterfigeqqikkumaarpara."

Suliaq pisortaqarfimmut allakkatigut 11. august 2006-imeersutigut eqqaasitsissutigaa.

Pisortaqarfik allakkatigut 28. august 2006-imeersutigut imatut akivoq:

“...

Aalajangersakkat nutaat oqaasertalersorlugit allartippugut. Tusarniaavigineqartussarpassuarnut ukiup ingerlanerani kingusinnerusukkut tusarniaatigalugit nassiunneqassapput, taamaattumillu nalunaarutip 1. januar 2007-imi atortuulersinnaanissaa naatsorsuutigaarput.” (Atorfeqarfimmi nutsigaavoq)

Pisortaqarfimmit ukiup nalunaarusiunneqartup naanerani annertunerusumik sulii tusagaqqinngilanga.

## **7. Sulianut ukiuni siusinnerusuni nalunaarutini eqqartorneqartunut malitseqartitsineq. Suli at nammineerluni misissugassanngortitat**

**2005-imi ukiumoortumik nalunaarut, immikkoortoq 4, qupperneq 31 tullialu**

**Sulianik sulisunut tunngasunik misissuineq (J.nr. 11.73.88.72/111-05)**

Kommuni akissuteqarnissaanik allakkatigut 31. januar 2006-imeersutigut eqqaasippara. Kommunip ataatsimut oqaaseqaatinnut akissutaa 13. februar 2006-imeersoq imaattoq 17. februar 2006-imi tiguara:

"Pineqartoq: Atorfinititsinermi allakkat.

Oqaatigineqarpoq ullut 14-ikkaarlugit akissarsisartunik atorfinititsinermi kommuni allakkiorneq ajortoq aamma tunngaviusutut paasissutissaliorneq ajortoq, kommunili siunissami taamaaliortalerumavoq.

Pineqartoq: Qaammammusi at allagartaat nalunaaquttallu akunnerinik suliffiusimasunik naatsorsuineq.

Oqaatigineqarpoq sulisup taannaasup nalunaaquttap akunneri suliffigisimasani uppersarlugit nammineq atsiortarai, naak nalunaaquttap akunnerinik suliffiusimasunik naatsorsuiffiit inunnit pingasunit uppersaasutut atsiorneqartussanngorlugit ilusilersorneqarsimagaluartut. Tamanna pisimasariaqanngikkaluarpoq, ingerlaannarlu aqqinneqassalluni.

..." (Atorfeqarfimmi nutsigaavoq)

Kommuni tamatuma kingornatigut nalunaarfigaara kommunip akissutai tusaatissatut tigugikka, suliamilu annertunerusumik iliuseqaaqqissanngitsunga.

**2005-imi ukiumoortumik nalunaarut, immikkoortoq 4, qupperneq 36**

**Kalaallit tarnikkut napparsimasut eqqartuussaananermikkut Danmarkimi inissinneqarsimasut sulinngiffeqarnermi akiliunneqarlutik angalatinneqartarnerat (J.nr. 11.73.01/075-05)**

Misissuineru ukiup nalunaarusiunneqartup naanerani suli naammassinngilara.

**2005-imi ukiumoortumik nalunaarut, immikkoortoq 4, qupperneq 36 tullialu aamma immikkoortoq 5, qupperneq 253 tullialu**

**Naalakkersuisut A/S Inissiaatileqatigiiffik INI-mik nakkutilliinerat (J. nr. 11.73.25.05/078-05)**

Ineqarnermut Attaveqarnermullu Pisortaqarfiup akissutaa imaattoq 10. februar 2006-imi tiguara:

"Ineqarnermut Attaveqarnermullu Pisortaqarfiup 7. november 2005-imi allakkatit qujassutigai.

Ineqarnermut Attaveqarnermullu Pisortaqarfiup malugaa Ombudsmandi isumaqartoq Ineqarnermut Attaveqarnermullu Pisortaqarfimmu atattillugu A/S Inissiaatileqatigiiffik INI-p suliassaasa agguarnerat ersarinngitsoq.

Pisortat suliassanut A/S Inissiaatileqatigiit INI-p Namminersornerullutik Oqartussat sinnerlugit aqqittagaanun tunngatillugu Ineqarnermut Attaveqarnermullu Pisortaqarfik isumaqartuarpog allaffitsigut aqutsinermi utertitsisoqarsinnaasoq utertitsinnaanerullu tamatuma qangaaniit pisarnertut aallaavigigaa aalajangiineq sukkulluunniit pisortanut qulliunerusunut naammagittaalliuutigineqarsinnaasoq. Aamma tamanna 7. november 2005-imi allakkanni qupperneq 9-p qeqqani (qallunaatuani) taasannut naapertuuppoq.

Namminersornerullutillu Oqartussat illuutaanik A/S Inissiaatileqatigiiffik INI-p allaffissornikkut, ingerlatsinikkut aserfallatsaaliinikkut suliassanut tunngatillugu Ineqarnermut Attaveqarnermullu Pisortaqarfiup malugaa Inatsisartut Ombudsmandiat isumaqartoq naammagittaalliorsinnaaneq pillugu inatsisit arlalinnik ersarinngitsortaqartoq.

Tamatuma kingunerisaanik Pisortaqarfiup anguniarniarpaa naammagittaalliornerup annertussusiatalu erseqqissarnissaat Inatsisartut peqqussutaata ineqarnermut sel-skabimik pilersitsineq pillugu Inatsisartut peqqussutaata nr. 2-p 15. april 2003-meersup siunissami nutarternissaanut atattillugu. Malugeqquneqassaarli A/S Inissiaatileqatigiiffik INI-p allaffissornikkut, ingerlatsinikkut aserfallatsaaliinikkullu suliassai aqutsinermiamut tunnganerummata.

Ineqarnermut Attaveqarnermullu Pisortaqarfiup Inatsisartut Ombudsmandiat isumaqatigaa pisortaqarfik pisortaqarfiussappat utertitsisarfik pisortaqarfimmullu aalajangersimasumut allamut nakkutilliisuussappat tamatumunnga akornutissaqanngitsoq.

Ineqarnermut Attaveqarnermullu Pisortaqarfiup isumaqatigaattaq nakkutilliusussaatitaaneq inatsimmi aalajangikkat akimorlugit annertusineqarsinnaanngitsoq.

Ineqarnermut Attaveqarnermullu Pisortaqarfiup isumaqatigaattaq pisortaqarfitut utertitsisarfittut pisussaaffia tunngavinnik inatsisikkut aalajangigaanngitsunik arlalinnik tunngaveqartoq inatsimmi allamik aalajangiisoqanngippat.

Naggataatigit Ineqarnermut Attaveqarnermullu Pisortaqarfiup oqaatigissavaa isumaqatigalugu Ineqarnermut Attaveqarnermullu Pisortaqarfiup A/S Inissiaatileqatigiiffik INI-p aalajangiisimaneranun naammagittaalliuut tigunguniuk pisortatut utertitsiffissatut suliarissagaa, taava Ineqarnermut Attaveqarnermullu Pisortaqarfiup toqqarsinnaanngilaa naammagittaalliuut attartorneq pillugu peqqussummi § 81 malillugu suliarissallugu."

Suliamik suliarinninnera allakkatigit 20. april 2006-imeersutigut imaattutigit inaarlugu suliaaraa, allakkat assilinerat Inatsisartut Inatsisit Atortinneqarnerannut Ataatsimiititaliaannut ingerlatillugu:

"Ombudsmandi pillugu inatsimmi § 11 malillugu nalunaarutinnut pisortaqarfiup akissutaa qallunaatoq 26. september 2005-imi tiguara. Pisortaqarfiup akissutaa kalaallisooq 10. februar 2006-imi tiguara.

Aamma pisortaqarfiup uannut akissutaata assilineri Naalakkersuisut Allattoqarfiannit 6. februar 2006-imi tiguara. Naalakkersuisut Allattoqarfiata akissutaa imatut paasivara, Ineqarnermut Attaveqarnermullu Pisortaqarfiup Naalakkersuisut sinnerlugit nalunaarutiga akissuteqarfīgīga.

Tamatuma kingornatigut Naalakkersuisut akissutaat imatut paasivara, aalajangiinerit sorliit (imaluunniit pisortat ingerlatsineranni inatsiseqartitsinermut tunngasut allat) inissiaatileqatigiiffimmeersut Naalakkersuisunut naammagittaalliuutigineqarsinnaasut inatsisitigut erseqqissaaffigineqarnissaannik pisariaqartitsineq Naalakkersuisut tusaatissatut tiguqaat, aammalu inatsisinik iluarsaassinissami tullermi pisariaqartitsineq tamanna Naalakkersuisut eqqarsaatiginiaraat.

Tamatumunnga oqaatigaara oqaaseqaatinni 7. november 2005-imeersumi paasi-gakku illuani ingerlatsinermi aamma aqutsinermi suliassanik aamma illuani oqartussaasut suliassaannik immikkoortisimatitsineq Inissiaatileqatigiiffimmik pilersitsinissaq pillugu Inatsisartut peqqussutaata allannortinneqarneranik Inatsisartut peqqussutaanni nr. 2-mi, 15. april 2003-meersumi § 2, imm. 2, nr. 1, aamma § 2, imm. 3, nr. 5 namminerimi erseqqarluttusoq.

Taamaattumik tamanna peqatigalugu Inatsisartut peqqussutaat tulliani iluarsaan-eqalerpat Naalakkersuisut aalajangiisitsinnaatitaanerani malillugu oqartussat suliassaataat sorliit inissiaatileqatigiiffimmit suliarineqartassanersut erseqqissarneqartariaqartoq Naalakkersuisut eqqarsaatigissagaat naatsorsuutigaara.

Aamma oqaatigaara inatsisitigut ingerlatsinermi tunngaviusut malillugit allaffisornikkut oqartussamut qulliuernerusumut aalajangiinerit naammagittaalliuutigineqarsinnaanerannik tunngaveqarluni A/S Inissiaatileqatigiiffiup INI-p aalajangigaasa Naalakkersuisunut naammagittaalliuutigineqarsinnaanerannik Naalakkersuisut isumaqarnerat eqqunngimmat, tassami A/S Inissiaatileqatigiiffik INI inatsisitigut namminersortutut aqqissuussaalluni sullivummat allaffisornikkut qullersaanu-nermi ilaanani.

Qulliuernerusut naammagittaalliorfissaq, oqaaseqaatinni nassuiarneratut taamaallaat piusinnaavoq suliani ingerlatseqatigiiffiup Naalakkersuisunit pinnaati-taalluni aalajangiiffigisimasaani (inatsisitigut aalajangiisinnaatitaaneq naapertor-lugu suliassat inissiaatileqatigiiffiup suliarisartagaasa iluanniunngitsaq).

Matuma saniatigut Naalakkersuisut pinnaatitsinerat malillugu suliassat inissiaa-tilaqatigiiffiup suliarisartagai niuernermi atugassarititaasut tunngavigalugit suliarineqartussat pillugit qulliuernerusumut naammagittaalliorsinnaanerup mattunneqarnis-saa Inatsisartut siunertarisimassagaat naatsorsuutigineqartariaqarpoq.

Matumani niuernermi atugassarititaasunik tunngaveqarluni suliassat inissiaa-tilaqatigiiffimmit suliarineqartassappata inissiaatileqatigiiffimmut oqartussat suliassannortitsinnaanerani periarfissaqarneris pillugu apeqquq isummerfingngilara.

Tamanna aallaavigalugu, apeqquq uannut saqqummiunneqassagaluarpas inatsisi-lionerup erseqqissarneqarnissaata tungaanut, makku aallaavigissavakka:

- suliassat inatsisiliornikkumut A/S Inissiaatileqatigiiffik INI-mut suliakkiissutigi-neqarsimasut tunngaviatigut Naalakkersuisut inissiaatileqatigiiffiup aalajangigaan-ut qulliuernerusut naammagittaalliorfissaanngitsut,

- aamma taamatut niuernermik atugassarititaasunik tunngaveqarluni suliassat inatsisiliornikkumut inissiaatileqatigiiffimmut suliakkiissutigineqartut suliarineqarne-rannut atatillugu A/S Inissiaatileqatigiiffik INI-p aalajangigaanut Naalakkersuisut qulliuernerusut naammagittaalliorfissaanngitsut aamma

- inatsisit naapertorlugit suliassat sorliit inissiaatileqatigiiffiup sularisarneraai aamma suliassat sorliit Naalakkersuisunit piginnaatitaalluni inissiaatileqatigiiffiup sularisartagai pillugu apeqquq inissiaatileqatigiiffimmik pilersitsinissaq pillugu Inatsisartut peqqussutaannut kingusinnerusukkut allannguuteqartinneqartumut kisiimi naleqqiussilluni aalajangerneqarsinnaanngitsoq, kisiannili suliassat ataasiakkaat naliliiffiginerisigut aalajangiiffigineqartassalluni.

Paasinninnera Naalakkersuisut isumaqataaffigimmassuk matuma kingorna suliarmi annertunerusumik iliuuseqaqqissanngilanga.”

### **2005-imi ukiumoortumik nalunaarut, immikkoortoq 4, qupperneq 39.**

#### **Isumaginninnermi Naammagittaalliuteqartarfiup sulianik tulleriiaarinera (J.nr. 11.73.19.04/124-05)**

Suliamik sularinninnera 2006-imi naammassivara, oqaaseqaatigalugu nalunaarummi matumani immikkoortumi 5-imi quppernermi 439-mi tullii-nilu atuarneqarsinnaavoq.

### **2005-imi ukiumoortumik nalunaarut, immikkoortoq 4, qupperneq 59 tullialu**

#### **Sulianik akiliisitsiniarnermut tunngasunik misissuineq (J.nr. 11.73.-88.73/046-05 - 053-05)**

Suliat arlaannaallunniit ukiup nalunaarusiuunneqartup naanerani inaar-lugu sularineqarsimanngilaq.

### **2005-imi ukiumoortumik nalunaarut, immikkoortoq 4, qupperneq 60**

#### **Sulianik isumaginninnermut tunngasunik misissuineq (J.nr. (11.73.-88.71/072-05)**

Ataatsimut oqaaseqaatikka kiisalu suliat ataasiakkaat misissorneqartut pillugit oqaaseqaatikka apeqqutikkalu K Kommunimut allakkatigut 17. november 2005-imeersutigut nassiuppakka. Suliaq taamani inaarlugu suli sularineqarsimanngilaq, 2005-imilu ukiumoortumik nalunaarummut ilanngunnissaanut pissutissaqarsimananga.

Kommuni suliamik allakkatigut 30. december 2005-imeersutigut aamma 13. marts 2006-imeersutigut eqqaasippara.

Ataatsimut oqaaseqaatikka kommunip mailikkut 17. marts 2006-imeersukkut isummerfigai, tamannalu tusaatissatut tiguara. Kommunilli suliat



ataasiakkaat kommunimut tikeraarnermi misissukkakka pillugit oqaaseqaatikka suli akisimangilai, naak akissuteqarnissaminik allakkani 20. marts 2006-imeersuni aamma 11. maj 2006-imeersuni eqqaasinnearaluarluni.

Kommuni mailikkut 22. maj 2006-imeersukkut akivoq:

" ...

Allakkani 16.03.2006-imeersuni uanga nammineerlunga piffissaliussannik eqquutsisisinnaannginnera taamaalillungalu Ombudsmandip oqaaseqaataanut 2006-imi aprilip naanera tikillugu akissuteqannginnera ataani atsiortunga assut ajuusaarutigaa. Kingusinaarneq tamanna ilaatigut isumaginninnermik ingerlatsivimmi sulisoqarnikkut pitsaanngittorujussuarmik inissisimasoqarneranik ilaatigullu kommunimi 17.03.2006-imi aallartittumik imminooqattaartoqarneranik pissuteqarpoq. Isumaginninnermik ingerlatsivimmi sulisut ilaat nalaataqarnerluttunik kommunimi oqaloqatiginninnermi ilaatinneqaqattaarput tamannalu ulluinnarni innuttaasunik sullissinitsinnut, sulianik suliarinninnsinnut taamatullu avataanut attaviginnittarnitsinnut, tassunga ilanngullugit nakkutilliillutik tikeraartunut naammagittaalliutullu pissutigalugit annertuumik kinguaarsaataasimavoq.

Massakkut ataani atsiortunga Ombudsmandip fuldmægtigini ilagalugit inatsisitigut paasisimasaqarluartumik nalunaarummi misissoqqissaagaasa suliat aqqanillitaqqaneq marluk misissoqqissaarnissaannut (pisuni arlaqartuni ukiut sisamat arfineq marlullu akornanni pisoqaassusillit) periarfissaalatsisorujussuuvunga. Allatut ajornartumik suliassanik isumaginninnermut tunngasunik suliarinninnsaq kiffartuussinnissarlugu pingaarneruttariaqarpakka. Inissisimanerput manna 2006-imi augustip naanera tikillugu pitsaanerulernavianngitsoq takusinnaavara, piffissami tamatumani sulisunik ilinniarsimasunik sulisussarsinnsaq isumaginninnermik ingerlatsiviup neriutigimmagu. Ombudsmandilli qularutigissanngilaa Ombudsmandip oqaaseqaatai sapinngisamik piaarnerpaamik akissuteqarfiginiarsarissagikka.

Naggataatigut ajuusaarutigisannik malugaara K Kommuni (Europami Killermi assigiissaarineq eqqarsaatigalugu) isumaginninnermut tunngasunik aqutsinerup sulianillu suliarinninnerup pitsaasuunissaanik Ombudsmandip piumasaqaataanut pingaaruteqarluinnartutut suli malinnaasinnaanngitsoq. Nuannaarutigissagaluarpara pitsaassuseq qaffassinnaasuugaluarpat sulilu nuannaarnerussagaluarlunga pissutsip tamatuma kommunimi innuttaasut atugassarissaarnerulersillugit nuannaarnerulersissimassagaluarpagit." (Atorfeqarfimmi nutsigaavoq)

Kommuni allakkatigut 31. maj 2006-imeersutigut imatut akivara:

"Allakkatigut nukingisaarutinnut 11. maj 2006-imeersunut isumaginninnermik ingerlatsiviup akissutaa tiguara.

Isumaginninnermik ingerlatsiviup akissutaa imatut paasivara isumaginninnermik ingerlatsiviup sulisussaaleqineq suliassarpasuaqarnerlu pissutigalugit saaffiginnisutigaa 2006-imi augustip naalernerani aatsaat akissuteqarfigisinnaagaa.

Nalunaarut tusaatissatut tiguara suliarlu 2006-imi septemberip aallartinnerani uterfigeqqitassanngorlugu.

Isumaginninnermi ingerlatsiviup "isumaginninnermut tunngasunik aqutsinerup sulianillu suliarinninnerup pitsaasuunissaannik Ombudsmandip piumasaqaataanut pingaaruteqarluinnartutut suli malinnaasinnaannginnera" pillugu nalunaarutaa eqqarsaatigalugu oqaatigaara oqaaseqaatima apeqquteqaatimalu allakkatigut 17. no-

vember 2005-imi saqqummiussama amerlanersaat isumaginninnermi ingerlatsiviup sulianik suliarinninnermini allattuisanninneranik taamaalillunilu ingerlatsiviup aalajangiinerinut suliani uppernarsaatissaqartitsinninneranik pissuteqartut.

Siusinnerusukktu oqaaseqaatinni oqaatigaara allattuisussaataitaanermik eqquutsisussaaneq, paasitinneqarsinnaatitaaneq pillugu inatsimmi § 6 naapertorlugu, pingaartumik ingerlatsivinni sulisoqarnikkut annertuumik taarseraaffiusumi pingaarteqarluinnartoq.

Taakku suliassallu allat paasiniaaffiginissaannut atuakkat marluk innersuussutigaa, "At arbejde i forvaltninger" (Ingerlatsivinni sulineq) I aamma II, taakkunani atuakkiortut Jens Møllerip aamma Jens Olsenip ingerlatsinermi inatsisitigut malittarisassat sulianik suliarinnittartunut allanullu suleqataasunut saaffignittut oqaatsit atorlugit nassuiaateqarput. Atuakkat Nyt Juridisk Forlagimit tulleriinneri malillugit 1998-imi 1999-imilu saqqummersinneqarput.

Matuma kingorna kommunip akissutissaa utaqqimaassavara."

Kommuni suliamik allakkatigut 20. oktober 2006-imeersutigut kiisalu 15. december 2006-imeersutigut eqqaasippara.

Kommunip akissutaanik ukiup nalunaarusiuunneqartup naanerani sulitigusaqanngilanga.

## **2005-imi ukiumoortumik nalunaarut, immikkoortoq 4, qupperneq 60**

### **Sulianik sulisunut tunngasunik misissuineq (J.nr. 11.73.88.73/073-05)**

Kommunimi sulianik sulisunut tunngasunik misissuina allakkani 19. september 2005-imeersuni ataatsimut imaattunik oqaaseqaateqarnissannut pissutissaqalersitsivoq:

"...

Ataatsimut.

#### Sulianik torersuutitsineq.

Mappit suliani allagaatinik imallit ajunngilluinnartumik torersuutinneqartutut ataatsimut isigaakka.

#### Sulianik uppernarsaasersuineq.

Sulisoqarnermut pisortaq ... aamma kommunaldirektøriugallartuq ... peqatigalugit 8. september 2005-imi eqikkaalluni ataatsimiinnermi oqaatigaara maluginiarsimagiga suliat misissukkatta arlaannaanniluunniit suliani iliuuserineqartut pillugit allattuiffiit naqitanngortinnerinik, allakkianik atorfeqartitaasulluunniit allakkatigut saaffignissutaannut kommunip akissutaasa assilinerinik peqanngitsoq.

Ingerlatsineq pillugu inatsiseqartitsinermi inatsisiliani aalajangiinerit allakkigoortussaanerannik malittarisassaqqannqilaq. Ingerlatsinermili ileqqorissaarnerup nassataraa allakkatigut saaffignissutit allakkatigut akineqartassasut, innuttaasooq/atorfeqartitaasooq saaffignissutit (taamaallaat) oqaasiinnartigut akineqarnissaa isumaqatigalugu oqarsimannippat.

Sulisoqarnermut pisortaq ... 8. september 2005-imi ataatsimiinnermi aperineqarami oqarpoq sulisoqarnermut allaffiup suliani allattuiffinnut allattuineq allakkior-

tarnerluunniit atunggilluinnangajakkaa. Sulisoqarnermut pisortaq ... aamma oqarpoq atorfeqartitaasunit allakkatigut saaffiginnissutit amerlanertigut oqaasiinnartigut akineqartartut.

Tamanna pillugu siullermik oqaatigaara suliani allakkiaqannginnerata nassatari-gaa pisortanik nakkutilliisut, matumani Atorfeqarfik imaluunniit kukkundersuisut kii-salu sulisoqarnermut immikkoortortaqarfimmi sulisut nutaat ilanngullugit eqqarsaa-tigalugit, suliamik tigussaasumik misissuinerminni suliat ataatsimut qanoq innerisa imaluunniit killiffiisa paasinissaannut imaaliiallaannaq periararfissaqanngitsut, as-sersuutigalugu atorfeqartitaasoq kommunimut allakkatigut saaffiginnissutini pillugit akineqartarsimanersoq eqqarsaatigalugu.

Tulliullugu oqaatigaara kommunu atorfeqartitaasumut mianersoqqusummik tun-niussilersaarpat atorfeqartitaasumilluunniit soraarsitsilersaarpat kommunip suliani sulisunut tunngasuni annertusisamik tusarniaanissaminut pisussaaffeqartitaanera kommunip suliani sulisunut tunngasuni eqqumaffigisariaqaraa.

Ataatsimiinnermi oqaatigaara suliami allakkiortoqartanngippat imaluunniit ator-feqartitaasut allakkatigut saaffiginnissutaannut kommunip akissutaasa assilineri su-liamiinngippata suliap ingerlasimanera kommunilluunniit suliami aalajangiineri kommunip uppersararuminaatsissagai.

Kommunip aalajangiinerisa uppersaasersuinissaq eqqarsaatigalugu allakkati-goortuusariaqarnerat ingerlatsineri ileqqorissaarnerup nassataraa. Tamanna suliso-qarneq pillugu inatsiseqartitsineri tunngasuni aalajangiinerit tiguisumut naner-tuutaasinnaaffianni immikkut atuuppoq.

Kommuni qinnuigaara tamanna pillugu oqaaseqaateqaqqullugu.

#### Allattuisussaatitaaneq.

Qulaani taaneqartut nassatarisaannik allattuisussaatitaaneq pillugu malittarisassat naatsumik allaaserinissaannut pissutissaqarpunga.

Paasitinneqarsinnaatitaaneq pillugu inatsimmi § 6, imm. 1 imaattunik oqaaserta-qarpoq:

”Suliassani ingerlatsineri oqartussaasunit aalajangiiffiqartussani oqartus-saq paasissutissanik suliassamut tunngassuteqarlunartunik suliassap aalajangiiffi-gineqarnissaanut pingaruteqartunik allatut iliorluni paasisaartoq paasissutissat taakku imaat pillugit allakkiussaaq. Taamaattorli paasissutissat taakku suliassap al-lakkiartaata ilaanni takuneqarsinnaappata tamanna atuutinngilaq.”

Allattuisussaatitaaneq suliami pissusiviusunut tunngasunut suliami allagaatinit allanit erseriinngitsunut tamanut atuuppoq, paasissutissat suliamut qanoq iliorluni ilanngunneqarsimanerat apeqquaatinnagu.

Taamaalilluni allattuisussaatitaaneq paasissutissanut oqartussaasup taannaasup iluani oqaasiinnartigut paarlaateqatigiinneqartunut, assersuutigalugu atorfeqartitaasut akornanni paarlaateqatigiinneqartunut imaluunniit paasissutissanut kommunal-bestyrelsime kommunilluunniit ataatsimiititaliaani saqqummertunut aamma atuus-sinnaavoq.

Paasissutissap allattuisussaatitaanermi pineqartunut ilaananik apeqquummi aala-angiisuusoq tassaavoq paasissutissaq pineqartoq suliami uppersaasersuinermut ikorfartuisuunersoq imaluunniit suliami pissusiviusut qulaajarneqarnissaat eqqar-saatigalugu pissarsiarineqarsimanersoq. Taamaalilluni allattuisussaatitaanermi siul-lertut misissuinerit, paasit paasissutissatullu isigisat pineqartunut ilaatinneqarput, assersuutigalugu akileraaruteqaataasussatut isertitat amerlassusii assigisaallu pillu-git paasissutissat eqqarsaatigalugit.

Suliali aalajangiivigineqarnissaa eqqarsaatigalugu isummanik, tunngavilersuutiniq naliliinernilluunniit saqqummiussineq allattuisussaatitaanermi pineqartunut ilaatinneqarnaviannigilaq. Tamatuma pissuseqataa inatsisit atuuttut eqqarsaatigalugit aamma atuuppoq.

Allattuisussaatitaanerup malinneqarnera ingerlatsivimmi suliami illua'tungeriit suliaq pillugu paasissutissanik pissarsisinnaanerannik qulakkeerisuvoq. Taamatut-taaq paasissutissarpiaat suut aalajangiinnermut tunngaviusutut ilaatinneqarsimanerat kingusinnerusukkut paasineqarsinnaassappat tamanna ingerlatsinermi oqartussaasumut namminermut pingaaruteqarpoq, assersuutigalugu suliaq naammagittaalliuti-gineqarpat imaluunniit suliaq eqqortumik suliarineqarsimanersoq aamma isumaliu-teruutigineqarpat.

Aammattaq oqaatigaara oqartussaasup – suliaq aalajangiiffigineqartussaq pine-qarnerasoq apeqqutaatinnagu – iliuuserisat suliap suliarineqarneranut pingaaruteqar-tut pillugit allattuisarnera ingerlatsinermi ileqqorissaanerup nassatarigaa.

Kommuni qinnuigaara oqaaseqaatikka kommunip qanoq iliuuseqarnissaanut pis-sutissaqalersitsinersut uannut nalunaarutigeqqullugu.

#### Sulisut ullut 14-ikkaarlugit akissarsiaqartut.

Malugaara sulisut ullut 14-ikkaarlugit akissarsiaqartut atorfinitsinneqarnerinut uppernarsaatiniq peqanngitsoq.

Sulisoqarnermut pisortap ...-p ataatsimiinnermi oqaatigaa akissarsiat ilisarnaataat (lønkode) assigiinngitsut kommunip atorfinitsitsiviusuni assigiinngitsuni atortagai kommunip akissarsianik tunniussinnermut atatillugu atortarai.

Tamanna pillugu oqatigaara kommunini ataasiakkaani assersuutissat takusarsi-magikka, taakkunanilu sulisut ullut 14-ikkaarlugit akissarsisartut pillugit tunngaviusu-mik paasissutissat kommunip quppernermit ataatsimut allattorsimallugit, atorfe-qartitaasut ataasiakkaat isumaqatigiissutit suut tunngavigalugit atorfinnilu suni ator-finitsinneqarnerat nalunaarlugu.

Isumaqarpunga sulisut ullut 14-ikkaarlugit akissarsisartut isumaqatigiissutit suut tunngavigalugit atorfinitsinneqarsimanerannik nalornisoorsinnaaneq pinaveersaar-niarlugu taakku pillugit tunngaviusumik paasissutissat suliarinissaat kommunip isu-maliutersuutigisariaqaraa.

Kommuni qinnuigaara tamanna pillugu oqaaseqaateqaqqullugu.

#### Qaammammusiat nalunaaquttallu akunnerinik suliffiusimasunik naatsorsuiffiit atorfeqartitaasumit akuerineqartarnerat.

Sulisoqarnermut pisortamik ...-mik ataatsimeeqateqarninni oqaatigaara malugi-giga suliat misissukkama amerlanersaanni qaammammusiat allagartaasa imaluun-niit nalunaaquttap akunnerinik suliffiusimasunik naatsorsukkat atorfeqartitaasumit atsiorneqartarsimannigitsut.

Tamatumunnga atatillugu oqaatigaara kommunip akissarsianit ilanngaassinera ajornartorsuutissaqalersitsisinnaasoq, kommunip suliati qaammammusiat allagar-taannik atorfeqartitaasumit atsiortitsivigisimannigisaani taakkuusuni suliartunngit-soorneq pissutigalugu akissarsianit ilanngaasseqqusineq malippagu, assersuutiga-lugu suliami sulisumut ...-mut, inuttut normua ...-..., tunngasumi pisimasutut.

Taamaattumik kommuni qinnuigaara akissarsianit ilanngaassisarneq pillugu suli-ani suliap ingerlatsarnera pillugu nassuiaateqaqqullugu, matumani atorfeqartitaasup suliaq pillugu oqaaseqarnissaminut periarfissaqartinneqarsimanera ilanngullugu eq-qarsaatigalugu.

Kommuni qinnuigaara tamanna pillugu oqaaseqaateqaqqullugu."

Suliami akissuteqartoqarnissaa allakkatigut 3. november 2005-imeersutigut, 6. december 2005-imeersutigut, kommunaldirektørimut oqarasuaatikku 16. januar 2006-imi saaffiginnikkut kiisalu allakkatigut 31. januar 2006-imeersutigut eqqaasitsissutigaa.

Kommunip akissutai marluk imaattut tiguakka:

Allakkat 21. december 2005-imeersut:

"...

Allattuisussaatitaaneq.

Taanna pillugu suleqatikka ilisimatikkumaarpakka, aammalu ilaatigut atortaler-nikuuvarput.

Sulisut ullut 14-ikkaartut

Ukiormanna 2005 sulisut ullut 14-ikkaartut atorfininnermut allagartanik sanaan-nikuuvagut inuttaanniik sulisitsisuniillu atsiorneqaannarlutik taamatullu utertinne-qarpata arkiweveriaannaapput, aamma ukiumi nutsaami taanna pillugu sulisitsisut or-nittarlutik oqaloqatigisartussaavagut.

Qaammammusiats nalunaaquttallu akunnerinik suliffiusimasunik naatsorsuiffiit atorfeqartitaasumit akuerineqartarnerat.

Taanna massakut anguniarsarivarput afdelingslederit arbejdsledinik immersui-sarneq pillugu pikkorissartitsinikkut ingerlasalernikummat, aamma siunissami iluarsineqassapput.

..."

Aallakkat 28. februar 2006-imeersut:

**"Allattuisussaatitaaneq.**

Sulianut tunngatillugu allattuisussaatitaaneq pillugu sulianik suliarinnittarnermi inatsit malillugu ingerlasoqarnissaa tusaatissatut tigupeqarpoq. Erseqqissaatigine-qassaarlu massakut immikkoortortaqarfinnik aningaasarsialerinnermi atugassanik timesedlinik månedssedlinillu immersuisarneq pillugu akissarsialerivimmi sulisuniit ingerlanneqarmat.

**Sulisut ullut 14-ikkaartut.**

Sulisut nal. akunnermusiallit aaliangersimasumik atorfillit atorfininnermut alla-gartanik sanaanneqarput, aaliangersimasumillu sulisut tamarmik atorfininnermut al-lagartaqalernissaat ingerlanneqarluni. Ilanngullugu ilisimatitsissutigineqassaaq su-lisut pillugit tunngaviumik paasissutissat quppernermi ataatsimi ingerlaannaq ta-kuneqarsinnaanissaat sulissutigineqarmat, maannali taamatut atorneqarsinnaasut Namminersornerullutik Oqartussani atugarisaat assersuutitut pissarsiarineqarnikuul-luni, kommunitinnullu tulluuttunngorlugu atorneqalertussaalluni.

**Qaammammusiats nalunaaquttallu akunnerinik suliffiusimasunik naatsor-suiffiit atorfeqartitaasumit atsiornikkut akuerineqartarnerat.**

Sulisup qaammammut sulisimanerinik allattuiffimminik nammineq akuersisutut pingitsooratik atsiortulutik uppernarsaasalernissaat anguniarneqarpoq, tamanullu

atuuttussaanerani immikkoortortaqrarfiit tamaasa naapeqatigisaqattaarneranni ilisimatitsissutigineqattaarluni.”

Kommunip akissutai tamatuma kingornatigut tusaatissatut tiguakka. Suliat ataasiakkaat pillugit oqaaseqaatima nalunaarummi ilanngunnissaannut pissutissaqarnanga isumaqarpunga.

**2005-imi ukiumoortumik nalunaarut, immikkoortoq 4, qupperneq 60**

**Sulianik akiliisitsiniarnermut tunngasunik misissuineq (J.nr. 11.73.-88.73/074-05)**

Misissuina ukiup nalunaarusiuunneqartup naanerani suli naammassinngilaq.

**2005-imi ukiumoortumik nalunaarut, immikkoortoq 4, qupperneq 60**

**Sulianik isumaginninnermut tunngasunik misissuineq (J.nr. 11.73.-88.73/110-05)**

Misissuina ukiup nalunaarusiuunneqartup naanerani suli naammassinngilaq.

**2005-imi ukiumoortumik nalunaarut, immikkoortoq 5, qupperneq 268 tullilu**

**Akiliutissat akiligassanngortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu Namminersornerullutik Oqartussat nalunaarutaannut nr. 10-mut, 18. april 2002-meersumut inatsimmi tunngavigisaq (J.nr. 11.73.35.12/080-05)**

Ineqarnermut Attaveqarnermullu Pisortaqrarfiup akissutaa imaattoq 19. januar 2006-imi tiguara:

”...

Akiliutissat akiligassanngortut taarsigassarsiallu amiakkuisa isumakkeerneqarnissaannik qinnuteqaatinik aqutsineq pillugu nalunaarut nr. 10, 18. april 2002-meersoq naapertorlugu Namminersornerullutik Oqartussat aammalu A/S Inissiatileqatigiiffik INI-ip akornanni isumaqatigiissut maanna suliarineqarpoq ungasinngitsukullu atsiorneqangajalernissaa naatsorsuutigineqarluni.

Aammattaq oqaatigineqassaaq qulaani allassimasut pillugit nalunaarut nutaaq suliarineqareermat qaammatalunnguillu qaangiutsinnagit Naalakkersuisunngortusanit akuersissutigineqarnissaa naatsorsuutigineqarluni.

Qinnuteqarnermi immersugassat assigiiartunik oqaasertalersukkat atorneqarnerannut atatillugu Pisortaqrarfiup oqaatigissavaa atuutsitsinnermut piumasaqaat pine-

qanngimmat – akerlianillu neqeroorutaalluni, tak. oqaaseqatigiit ”sanasinnaavoq...”.

Immersugassanik assigiiaartunik oqaasertalersukkanik atuineq aamma qinnuteqartoq eqqarsaatigalugu atorneqartarpoq, taamaalilluni paasisutissat aalajangersimasut ilanngunneqanngitsoornissaat pinngitsoorniarlugu.

Ilassutit ilisimatitissutigineqarsinnaavoq immersugassaq assigiiaartunik oqaasertalersugaq atornagu qinnuteqaateqartoqarpat, qinnuteqaallu paasisutissanik piumasarineqartunik imaqarpat qinnuteqaat akuersarneqassammat.”

Pisortaqarfik allakkatigut 30. januar 2006-imeersutigut imatut nalunaarfigaara:

”Oqaaseqaatinnut 3. november 2005-imeersumut pisortaqarfiup akissutaa 19. januar 2005-imi (kalaallisualu 27. januar 2006-imi) tiguara.

Akiliutissat akiligassanngortut taarsigassarsiallu amiakkuisa isumakkeerneqarnissaannik qinnuteqaatit aqunneqarnerannik isumagisassanngortitsineq pillugu apeqqut eqqarsaatigalugu pisortaqarfiup akissummini oqaatigaa suliassaqarfimmi tassani nalunaarut nutaaq pisortaqarfiup suliarisimagaa, nalunaarutillu taassuma Naalakkersuisunit qaammatit arlalialunnguut ingerlaneranni akuerineqarnissaa naatsorsuutigineqartoq.

Ineqarnermut Pisortaqarfiup akissutaa imatut paasivara immikkoortoq taanna pillugu oqaaseqaatikka pisortaqarfiup tusaatissatut tigusimagai, nalunaarullu nutaaq taanna pisortaqarfiup inissiaatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaat nr. 2, 15. april 2003-meersoq tunngavigalugu sulariniaraa.

Aammattaq Kalaallit Nunaanni Namminersorerullutik Oqartussat aamma A/S Inissiaatileqatigiiffik INI-p suliarnik akiitsunik isumakkeerininnermut tunngasunik aqutsineq pillugu isumaqatigiissutip sularineqarneranik illua'tungeriinnillu qanitukkut atsiorneqarnissaata naatsorsuutigineqarneranik paasisutissiissut tusaatissatut tiguara. Suliassamik isumagisassanngortitsineq isumaqatigiissummi immikkut takuneqarsinnaalersillugu sularineqarsimassasoq naatsorsuutigaara.

Kiisalu innuttaasut akiitsut isumakkeerneqarnissaannik qinnuteqarneranni immersugassanik assigiissaartunik oqaasertalersugaasunik atuinnermik pisortaqarfiup atuussinnaassuseqartitsiumalluni piumasqaateqartanninneranik paasisutissiissut tusaatissatut tiguara.

Suliami tamatuma kingornatigut annertunerusumik iliuseqaqqissanngilanga.

Naalakkersuisut kiisalu Inatsisartut Inatsisit Atortinneqarnerannut Ataatsimiititaliaat suliarnik inaarsaallunga sularinninninnik allakkat ukua assilinerinik nassillugit ilisimatippakka.”

## **2005-imi ukiumoortumik nalunaarut, immikkoortoq 5, qupperneq 280 tulluilu**

### **Efterskolimiinnermut tapiissutunik qinnuteqaatip sularineqarnera (J. nr. 11.73.75.12/076-04)**

Pisortaqarfik allakkatigut 23. februar 2006-imeersutigut imatut akivoq:



”Efterskolertarnermut tapiissuteqartarneq pillugu qinnuteqaatit suliarineqartarne-rannut Pisortaqarfiup periusaanut Ombudsmandip nammineeeluni ingerlatsiner-mut misissuisarnera pillugu Inatsisartut Ombudsmandiata ulloq 5. december 2005-imi allagaa Kultureqarnermut, Ilinniartitaanermut, Ilisimatusarnermut Ilageeqarner-mullu Pisortaqarfiup ulloq 7. december 2005-imi tigusimavaa.

Ombudsmandip allakkamini erseqqissarpaa Danmarkimi efterskolertarnermut ta-piissuteqartarneq pillugu Namminersornerullutik Oqartussat nalunaarutaanni nr. 26-imi 15. januar 2004-meersumi § 1, imm. 1-imi paasiuminaatsoqarmat, tassanilu Om-budsmandip tunngavigeqqullugu, atuarfeqarneq pillugu inatsisartut peqqussutaanni aluuttumi efterskolertarnermut tapiissutit tunniunneqarneranni aningaasaliissutit pil-lugit aalajangiinermi tunngavigineqartut missingersuutitut ilassutini takuneqarsin-naasut ilanngunneqarnissaat Pisortaqarfiup isummersuutigisariaqarai, taamatullu Ombudsmandip isornartorsiortariaqarsoralugu, Pisortaqarfiup naammagittaalliuti-nik Oqaatsinik Pikkorissarfimmit aalajangerneqarsimasunik suliaqarnermini naam-magittaalliutit tunngavilersuutit nutaat taaneqartut Pisortaqarfiup ilanngutinngit-soortarsimagunarmagit.

Tassunga atatillugu Ombudsmandip oqaatigisaanut Pisortaqarfik imatut paasin-ikkunarpog, Ombudsmandi matumani naammattumik tunngavissaqarsimagunan-ngimmat Pisortaqarfiup suliat itigartitsissutigineqarsimasut suliareqqittassagai ani-ngaasaliissutitut naammattumik matussutissinneqarsinnaanissaat innersuussutigal-ugu, tassami inatsisiliortut inatsisitigut tunngavigisaanni oqaaseqaatit aalajanger-sarneqarsimasut naapertorlugit Naalakkersuisut malittarisassat suliarisimammati-gik.

Pisortaqarfiup aallarniutigalugu ajuusaarutigissavaa Pisortaqarfiup immikkoor-tumi oqaatigimmagu, tapiissuteqartarneq pillugu qinnuteqaatinut tunngavilersuutit kinguneratigut pingaartissallugit periarfissaqarsimanngimmat, tassami oqaaseqati-giit qinerneqartut paatsoorneqarsinnaammata, tassani naammagittaalliortunut inger-laannartumik ajoqutaasinnaasut Pisortaqarfiup pingaartissimanngimmagit, taakku-ami Oqaatsinik Pikkorissarfip suliat suliarinerinut atatillugu paasissutissat pine-qartut aallaqqaataaniilli saqqummiunneqarsimanngimmata. Taamaalliluni Pisorta-qarfiup Ombudsmandi ugguaa isumaqatigaa, oqaaseqatigiit isumaqalersitsimmata, Pisortaqarfik nalinginnaasumik naammagittaalliutinik suliaqarnermini paasissutis-sanik nutaanik saqqummiisoqarnissaa akuerisinnaaneq ajormagu, tamannalu Oqaat-sinik Pikkorissarfimmit sanilliullugu Pisortaqarfiup naammagittaalliortarfiunera nammineeeluni misissuisussaaitaanermut naapertuutinngimmat. Soorlu aamma Pi-sortaqarfiup Ombudsmandimut allagaani 16. november 2004-meersumi takuneqar-sinnaasoq, naammagittaalliutit inatsisitigut tunngavigineqartuni aalajangiinermi tunngavigineqartut tamakkiisumik naliliinerit tunngavigalugit suliarineqartassasut, taakkulu ilaatigut atuartup pineqartup efterskolimiinnermini qanoq pissarsiaqartigi-sinnaanissaanut atuarfip oqaaseqaatai ilaatinneqartassallutik, atuartup angajoqqaavisalu Kalaallit Nunaannut qanoq attuumassuteqarnerat, atuartoq siornatigut tapiis-sutinik tunineqarsimanersoq, atuartup efterskolimiinnini naammassisinnaassaneraa kiisalu atuartoq ilisimasaqarnerulernissaminik pisariaqartitsinersoq, soorluttaaq ta-piissutit tamarmiusut aningaasaliissutaaneranni nunap agguataarnera eqqarsaatigi-neqartassasoq. Taamaattorli suliat pineqartut Pisortaqarfimmit suliarineqarneranni Pisortaqarfiup isumaa malillugu Oqaatsinik Pikkorissarfimmut qinnuteqaataareersu-nut atatillugu atuartut paasissutissaataat allat tunngavilersuutaasut pingaartissallugit tunngavissaqarsimannigilaq. Allatut oqaatigalugu, Pisortaqarfiup immikkoortumi oqaatigisai naleqqutinngitsumik oqaatigineqaraluartut imatut paasineqassannngim-mata, paasissutissat allat Pisortaqarfiup isiginngitsuusaarsimassagai, kisiannili ima-tut paasineqassallutik, Pisortaqarfiup arlalitsigut taakku pingaernerutissallugit pisa-riaqartissimanngikkai. Taamaattumik Pisortaqarfiup ajuusaarutigeqqissavaa oqaase-

qatigiit qinerneqartut isumaqalersitsimmata, naammagittaalliuit suliarineqarne-rannut atatillugu tunngavilersuutitut ilassutaasunut Pisortaqarfik isiginngitsuusaar-simammat.

Efterskolernernut tapiissutit agguarnissaannut maleruagassat pillugit apeqqum-mut tunngatillugu nalunaarutigineqassaaq, efterskolertarnermut maleruagassat atuuttut misissoqqinneqarnissaat pillugu massakkut isummersortoqarmat. Isummer-suutini efterskolit atuarfiit pillugit inatsimmit avissaartillugit naleqqussarnerqarnis-saat pineqarneruvoq, taamaalillutik efterskolinut naleqqussaanerit siunissami inatsi-sartut peqqussutaatigut tassunga attuumassuteqartumut tunngavissaqalissammata, tamannalu efterskoleqarnermut suli soqutiginninneqalertoqarneranut takussutissaal-luni, tassunga ilanngullugit Kalaallit Nunaanni efterskoleqalernissaanik apeqqutit. Tamanna tunngavigalugu efterskoleqarnerit pillugit inatsisartut peqqussutaanut si-unnersuuteqarnikkut inatsisitigut tunngavigineqartuni ajornartorsiutit aaqqiivigini-arlugit Pisortaqarfik suliniuteqarpoq, tamannalu Inatsisartut ataatsimiinnissaannut siunnersuutit nalunaarutiginnissaannut maleruagassat atuuttut malillugit aammalu tu-sarniaanissat pisariaqartitat eqqarsaatigalugit aatsaat siusinnerpaamik Inatsisartut upernaakkut 2007-imi ataatsimiinnissaanni pisinnaassalluni. Tamanna iluatsillugu inatsisitigut tunngavigineqartut eqqarsaatigalugit Ombudsmandip oqaaseqaatai Pi-sortaqarfiup ilanngukkumaarpai."

Pisortaqarfik allakkani 11. juli 2006-imeersuni imatut akivara:

"Oqaaseqaatinnut 5. december 2005-imeersumut tamannalu peqatigalugu Inatsi-sartut Ombudsmandiat pillugu inatsimmi § 11 malillugu Naalakkersuisunut nalu-naarutinnut pisortaqarfiup akissutaa [1. marts 2006-imi] tiguara.

Pisortaqarfiup akissutaa atuareerlugu [tunngaviutippara] efterskolimiinnissamut tapiiffigineqarnissamik qinnuteqaatit meeqqat atuarfiat pillugu Inatsisartut peqqus-sutaat naapertorlugu aalajangiiffigineqartassasut pisortaqarfiup isumaqatigigaanga, akuersissuteqarnissamullu piumasaqaataasut suliamik suliarinninnermi inatsisinik unioqqutitsinngitsumik aatsaat ilaatinneqarsinnaasut, piumasaqaatit taakku meeqqat atuarfiat pillugu peqqussummut naapertuuppata.

Tapiiffigineqarnissamut itigartitsissutit nalunaarutigineqartut ilaannut pisorta-qarfiup tunngavilersuutaanut isornartorsiuininni pisortaqarfiup isumaqatigimmanga tamanna tusaatissatut tiguara.

Aammattaaq akuersissuteqartarnermi isiginiagassat ilanngunneqarnissaasa inat-sisinik unioqqutitsisuunnginnissaannut atatillugu inatsisitigut tunngaviusuni erseq-qarluttoqarnera pillugu oqaaseqaatima efterskolimiittarnermut ataatsimut maleru-a-gassat iluarsaateqqinnissaannut atatillugu ilaatinniarneqarnerat tusaatissatut tiguara.

Matuma kingorna suliami annertunerusumik iliuuseqaqqissanngilanga."

## **2005-imi ukiumoortumik nalunaarut, immikkoortoq 5, qupperneq 344 tullililu**

### **Sulianik akiliisitsiniarnermut tunngasunik misissuineq (J.nr. 11.73.-88.73/094-04)**

Kommunip akissutaanik tigusaqangiinnarama kommuni suliamik al-lakkatigut 25. april 2006-imeersutigut eqqaasippara.

Kommunimi akiliisitsiniartarfiup pisortaata oqarasuaatikkut attaveqarfigaanga. Oqarasuaatikkut oqaloqatigiinneq pillugu allakkiannit 8. juni 2006-imeersumit makku erserput:

"Akiliisitsiniartarfiup pisortaata ...-p oqarasuaatikkut ullumi attaveqarfigaanga, Ombudsmandimmi inassuteqaataa meeqqanik paaqqinniffinniittuuteqarnermut angajoqaat akiliutaannut akiitsoqartoqartillugu meeqqanik paaqqinniffimmit anisitsisarneq pillugu malittarisassanik kommunip nammineq aalajangersaasinnaaneranut inatsisitigut tunngavissaqannginnermut tunngasoq qanoq akissallugu nalornissutigigamiuk.

Akiliisitsiniartarfiup pisortaata oqaatigaa kommunip periaasia aningaasaqarnermut ataatsimiititaliap 1993-imi akuersissuteqarsimaneranik tunngaveqartoq.

Oqaatigaara Ombudsmandip paasinninnera unaasoq kommunip nammineq ilu-mini malittarisassai meeqqanik ulluunerani paaqqinniffinnit pinngitsaaliissummik anisitsinermut tunngaviusinnaangitsut, tassami tamanna pillugu malittarisassanik aalajangersaanissamut pisinnaatitaaneq Inatsisartut peqqussutaatigut atuuttukkt Naalakkersuisunut inissinneqarsimammat.

Akiliisitsiniartarfiup pisortaanut siunnersuutigaara suliaq kommunaldirektørimut oqaloqatiginissutigisinnaagaa, aningaasaqarnermut ataatsimiititaliap kommunalbestyrelsilluunniit siusinnerusukkt aalajangiisimanernik atorunnaarsitsinissaat pineqarpat.

Akiliisitsiniartarfiup pisortaa tamatumunnga peqatigitillugu ilitsersorpara Ilaqutariinnermut Pisortaqarfik attaveqarfigeqqullugu, anisitsisarneq pillugu malittarisassat Naalakkersuisunit massakkt aalajangersarneqarsimasut erseqqinnerusumik paasiniarnissaat siunertaralugu.

Akiliisitsiniartarfiup pisortaata kommunaldirektøri Ilaqutariinnermullu Pisortaqarfik tamatuma kingornatigut attaveqarfiginiarpai, Ombudsmandillu inassuteqaataa tamatuma kingornatigut akiniarlugu.

Suliaq matuma kingornatigut sapaatit akunnerisa sisamat qaangiunnerani 6. juli 2006-imi uterfigeqqitassanngortippara."

Kommuni akissuteqarnissaanik allakkani 26. juli 2006-imeersuni aamma 9. november 2006-imeersuni eqqaasippara.

Kommunip akissutaa imaattoq 4. december 2006-imi tiguara:

"Ombudsmandip tikeraarnermini K Kommunimi sulianik akiliisitsiniarnermut tunngasunik misissuina matuma oqaatiginissaanut pissutissaqalersitsivoq, tassalu akiliutitut aalajangersarneqartut akilerneqanngippata meeqqanik ulluunerani paaqqinnittarfiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaata allanngortinneqarneranik Inatsisartut peqqussutaanni nr. 4-mi, 12. maj 2005-imeersumi § 3, imm. 4, nr. 2-kkut massakkt aalajangersarneqarsimalersoq. Peqqussutip allannguutaatigut tassuuna Naalakkersuisut akiitsoqartoqarnera pissutigalugu anisitsisarneq pillugu malittarisassanik aalajangersaanissaminnut inatsisitigut tunngavissaqalerput, taamaattumillu kommunit ulluunerani paaqqinnittarfinnit pinngitsaaliissutaasumik anisitsisarneq pillugu malittarisassanik namminneq aalajangersaanissamut kommunit inatsisitigut tunngavissaqaratik.

Taamaattumik Ombudsmandip kommuni qinnuigaa malittarisassanik allannguineq taanna K Kommunimi aqutsinermi allaffissornikkut periaaseq eqqarsaatigalugu qanoq iliuuseqarnissamat pissutissaqalersitsinersoq nalunaarutigeqqullugu.

Periaaseq atuuttoq tassaavoq ulluunerani paaqqinnittarfinnut tunngasuni akiitsoqartut allattorsimaffianik akiliisitsiniartarfiup qaammatikkaartumik misissuisarnera, angajoqqaallu akiitsoqartut nalunaarfigineqartarput ullut arfineq pingasut qaangiutsinnagit akiliinngippata meeraq ulluunerani paaqqinnittarfileriffiup ulluunerani paaqqinnittarfimmit anisissagaa.

Aqutsinermi allaffissornikkut periaaseq taanna isumaginninnermi ataatsimiititaliap 24. november 1993-imi oqaluuserisimavaa, aningaasaqarnermut ataatsimiititaliap 24. september 1993-imi ataatsimiinnermi kingornatigut tamanna pillugu malittarisassaliortoqarnissaanik isumaginninnermi ataatsimiititaliamut qinnuteqarnera malillugu.

Aqutsinermi allaffissornikkut periaaseq taanna taamanili atuussimavoq.

Ombudsmandip K Kommunimut allakkamini 26. juli 2006-imeersuni oqaatigaa anisitsisarneq pillugu malittarisassat atuuttut kommunip Ilaqutariinnermut Pisortaqarfimmut saaffiginnilluni paasiniarsinnaagai.

K Kommunip tamatumunnga atatillugu oqaatigissavaa ulluunerani paaqqinnittarfiit Kultureqarnermut, Ilinniartitaanermit, Ilisimatusarnermut Ilageeqarnermullu Pisortaqarfiup ataaniimmata.

K Kommuni pisortaqarfimmut tassunga 22. november 2006-imi imaattunik oqaaseqaateqartumut saaffiginnissimavoq:

"Inatsisartut peqqussutaat 4/2005 akiitsut anisitsisarnerlu pillugit malittarisassanik aalajangersaanissamat Naalackersuisunut piginnaatitsissummik imaqarpoq. Piginnaatitsissut taanna nalunaarummi nr. 18/2006, § 13-imi atorpeqarsimavoq. Malittarisassaq taanna nalunaarummi siusinnerusukkut atuuttumi nr. 28/1989, § 15-imik ingerlatitseqqinneruvoq. Nalunaarut taanna 1. november 2006-imi atortuulersinneqarpoq.

Tassa Ombudsmandip tikeraarnerata nalaani (2005-imi usimassaaq, 2004-mi unngitsoq?) nalunaarummi 1989-imeersumi malittarisassat atuussimapput, tassami Inatsisartut peqqussutaani 7/2005-imi § 9, imm. 3-kkut aalajangersarneqarmat suliassaqarfimmi tassani aalajangersakkat peqqussutip atortuulersinneqarnerani atuuttut allanit taarserneqarnissamik atorunnaarsinneqarnissamilluunniit tungaanut atuutis-sasut.

Nalunaarummi 1989-imeersumi (§ 15-ikkut) aamma 2006-imeersumi (§ 14-ikkut) aalajangersarneqarpoq akiliisussaatitaasoq akiitsoqaruni akiliinissaminik allakkatigut eqqaasineqassasoq imaluunniit akiitsut naafferartumik akilersorneqarnissaat allakkatigut isumaqatigiissutigineqassasoq. Tamanna ullut 14-it qaangiutsinnagit pinngippat meeraq anisinneqassaaq."

Ombudsmandip uparuaanera kiisalu Kultureqarnermut, Sunngiffimmut, Ilisimatusarnermut Ilageeqarnermullu Pisortaqarfiup qulaani oqaaseqaataa tunngavigalugit matuma kingornatigut oqaatigineqassaaq aqutsinermi allaffissornikkut periaaseq K Kommunip 1. december 2006 aallarnerfigalugu imatut erseqqissarsimagaa, taanna tamatuma kingornatigut Namminersornerullutik Oqartussat nalunaarutaanni nr. 18-imi, 14. september 2006-imeersumi § 14-imut naapertuuttusoq. Tamatuma nassata-raa meeqqamik kommunip ulluunerani paaqqinnittarfiutaanit imaluunniit kommunip ulluunerani angerlarsimaffimmi paarsisitsisarfanit anisitsineq sunaluunniit siusinnerpaamik pisinnaasoq kommunip ulluunerani paaqqinnittarfileriffianit qaammatip aallaqqaataanit aallartittumik ullunik 14-inik periarfissiinerup kingornatigut.

Akiliisitsiniartarfiup tamatuma kingornatigut nukingisaarummi siullermi oqaatigissavaa ulluunerani paaqqinnittarfileriffiup meeqqamik qaammatip tulliuuttup 15-iani ulluunerani paaqqinnittarfimmit anisitsinera akiliinnginnerup nassatarissagaa.

Nukingisaarutitut allakkat akiitsoqartumut nassiuuneqartassapput, assilineru ulluunerani paaqqinnittarfileriffimmut nassiullugu." (Atorfeqarfimmi nutsigaavoq)

Kommunip akissutaa ukiup nalunaarusiuunneqartup naanerani suli isummerfiginngilara.

## **2005-imi ukiumortumik nalunaarut, immikkoortoq 5, qupperneq 357 tulluilu**

### **Sulianik akiliisitsiniarnermut tunngasunik misissuineq (J.nr. 11.73.-88.73/112-05)**

Kommuni akissuteqarnissaanik allakkatigut 31. januar 2006-imeersutigut eqqaasippara.

Akilerartarnermi Pisortaqarfik allakkatigut 9. marts 2006-imeersutigut imatut nalunaarfigaara:

"Pisortaqarfiup apeqqutinnut 5. december 2005-imeersunut akissutai 13. december 2005-imi tiguakka.

Pisortaqarfiup pisassarisat akileqquneqartarnerannik akiliisitsiniarnermillu kommunit suleqatigiinnerat pillugu Inatsisartut inatsisaata qanoq paasineqarnissaa pillugu paasisutissiisutai tusaatissatut tiguakka.

Inatsisartut inatsisaata atuuffiata avataani kommunit suleqatigiinnissaannut inatsisitigut tunngavigisaq pillugu apeqqut eqqarsaatigalugu pisortaqarfik isumaqatigaara oqarmat Inatsisartut inatsisaat taanna taamatut suleqatigiinnerup inerteqqutigineqarneranik imaqartutut paasineqarsinnaanngitsoq.

Taamatut suleqatigiinnerup inatsisinik unioqqutitsisuunnginneranik apeqqut uanga paasinninnera malillugu inatsisit allat imaluunniit kommuninut piginnaatitsissut pillugu isummat aallaavigalugit aalajangiivigineqartariaqarpoq.

Taamaattorli eqqartuussivikkoortumik suliani oqartussaasullu allat eqqarsaatigalugit suliani illua'tungiusup sinniisooqartinneqartarnera kommunit suliassaattut isigineqarsinnaanersooq nalorninartoqartutut isigisariaqarpara.

Pinngitsaaliillutik akiliisitsiniartartut aaqquissuusaanikkut inissisimanerat pillugu pisortaqarfiup oqaaseqaatai eqqarsaatigalugit ajuusaarutigalugu oqaatigisariaqarpara allakkani kukkulluni allatatigut Rigsdagstidendemi innersuussivik kukkusooq innersuussutigisimagakku.

Innersuussineq eqqortoq tassaasussaavoq Rigsdagstidende 1950-1951, tillæg A, spalte 5259, tassanilu eqqartuussisarneq pillugu inatsisissatut siunnersuummi kapitali 7, § 1 pillugu imaattunik allassimasooqarpoq:

"Eqqartuussisut (kredsdommerit) pinngitsaaliinikkut naammassitsiniartoqarnerani toqqaannartumik peqataaqqunissaannut periarfissaqarsinnaanngilaq, taamaattumillu polititit kommunefogedillu Kalaallit Nunaanni tassaapput suliamik taassuminnga, Danmarkimi inatsiseqartitsinikkut oqartussaasumut (judicielle myndighed) inissinneqarsimasumik, suliarinnittussat." (Atorfeqarfimmi nutsigaavoq)

Tulliullugu oqaatigaara inatsisiliornermi pissaanermik tigumminnittup pinngitsaaliilluni akiliisitsiniartarnermi suliassanik aqutsinermi oqartussaasunut toqqaan-nartumik inissiisimanagera isiginiarlugu, aamma eqqartuussivinni pinngitsaaliinikkut akiliisitsiniarnermi immikkut eqqartuussivinnik pinngitsaaliilluni naammassisitsiniarnermut atatillugu inatsiseqartitsinikkut aaqqiagiinngissutinik suliaqartartunik pilersitsisoqarsimanginnera isiginiarlugu uanga paasinninnera unaavoq pinngitsaaliilluni akiliisitsiniarnermik suliaqarneq inatsiseqartitsinikkut sulinertut isigineqarsinnaanngitsoq.

Tamanna matumunnga ataneqartillugu isigineqassaaq, tassalu eqqartuussisarneq pillugu inatsimmi kapitali 7, § 22-kkut aalajangersarneqarmat pinngitsaaliilluni naammassisitsiniarsinnaaneq pillugu akerliliissuteqartoqarpat imaluunniit pissutsit allat nalornissutigineqarpata pisassarisat pineqartut pinngitsaaliilluni akiliisitsiniartartup inuunnaat akornanni saqitsaassutit eqqartuussivikkut suliarineqartarnerisigut eqqartuussutikkut aalajangersartinniassagai.

Allatut oqaatigalugu imaappoq pinngitsaaliilluni akiliisitsiniarnerup aqutsinikkut ingerlanneqartarnera sulianut pisariusuunngitsunut naatsorsuussaasoq, ingerlatsineq pillugu inatsiseqartitsinermi sulianik paasissutissartalersuisarneq pillugu tunngaviulluinnartumit qulangersimaneqartoq.

Pinngitsaaliilluni naammassisitsiniarneq inatsiseqartitsinikkut pissusiviusutigul-luunniit pinngitsaaliilluni akiliisitsiniartartup paasissutissartalersuisaataitanerminut sinaakkusiussat aamma paasissutissartalersuineri immikkut periaatsit eqqartuussisarneq pillugu inatsimmi kapitali 7, § 21-mi allaaserineqarsimasut iluanni qulaajarsinnaanngisaanik nalornissutigineqarpat allatut oqaatigalugu eqqartuussisoqariinngikkaluartoq pinngitsaaliilluni naammassisitsiniarnissamat periarfissaqaangi-laq.

Taamaattumik pisassarisat akileqquneqartarnerannik akiliisitsiniarnermillu kom-munit suleqatigiinnerat pillugu Inatsisartut inatsisaanni oqaatsit atorneqartut apeq-qutaatinnagit pinngitsaaliilluni akiliisitsiniartarneq aqutsinermi immikkut suliassa-tut suli isiginiarpara.

Allakkanut ukununnga pisortaqarfiup uannut akissutaata assiliner K Kommu-nimut nassiuppara.”

K Kommuni allakkanut 6. december 2005-imeersunut akissutaa i-maattoq 16. februar 2006-imi tiguara:

"Pineqartoq: Sulianik akiliisitsiniartarnermut tunngasunik misissuininnut oqaase-qaatit.

Akissutip siusinnerusukkut nassiunneqarsinnaasimanginnera ajuusaarutigaa.

... cpr. nr. ....:

Pisoqalisoomissamat piffissaliussaq 9. december 2002-mi kipitinneqarpoq, tassa-ni akilersuinissaq isumaqatigiissutigineqarmat.

Ullut akiliiffissat, 1998-imut akileraarutinut tapissatut aningaasat ulluni taakku-nani uagut akileqqusinnaasagut:

1. akiligassat 153, kr.-t ulloq akilerneqarfissaat 20/09-1999
2. akiligassat 153, kr.-t ulloq akilerneqarfissaat 29/10-1999
3. akiligassat 153, kr.-t ulloq akilerneqarfissaat 20/11-1999

Akiliiffissaq ulloq siulleg imaluunniit kingulleq naatsorsuutigigaanni akilersuinnissamik isumaqatigiissutip atsiorneqarneranit ukiut tallimat suli qaangiutinnigillat. Taamaattumik isumaqarpugut pisassarisat suli pisoqalinnigitsut. Akilersuinnissamut isumaqatigiissutip assilineri kiisalu naatsorsuutit inissitsiternerisa allaganngortinneqarnerat ilanngullugit nassiuunneqarput.

... soraarnerussutisiaqaraluarluni soraarnerussutisiami saniatigut suli isertitaqarparpoq. Taamaattumik oqaasertat uparuakkatit atorneqarput.

... cpr. nr. ...:

30%-imik 33,33%-imillu ilanngaassineq annerpaaffissaliunneqartoq tikkuarpat, taamatullu akiitsullip akissarsiaminit aningaasat qanoq amerlatigisut pinngitsoorsinnaaneri naliliiffigineqassasoq.

Taamatuttaaq pinngitsaaliilluni ilanngaassisarneq pinngitsaaliilluni akiliisitsiniutitut suliaq naammattumik paasissutissartalorsorneqarsimatinnagu atussanngikkippu tikkuarpat.

### **Oqaaseqaatit imatut akissuteqarfiginiarpakka:**

Pinngitsaaliissummik ilanngaassisarpuq nukungisaarinigut aggersaanigulluunniit akiitsulinnit saaffiginnissutigineqanngikkaangata. Taamaattumik inoqutigiit aningaasatigut inissisimanerisa naatsorsornissaat periarfissaqanngilaq. Taamaattumik eqqartuussisarneq pillugu inatsimmi kapitali 7 § 12 atortariaqarsimavarput. Pinngitsaaliissummillu 33,33%-imik ilanngaassigaangata taava akiitsullit ilaat saaffiginnittarput. Saaffiginnikkaangatalu inoqutigiit missingersuusiuttarpagut, taamaallitluta 33,33%-it naleqqunnersut naliliiffigisarlugit.

### **Taaguutit:**

Oqaatigaat taaguut "fogedret" atornagu taaguutit "pantefoged" imaluunniit "fogedmyndighed" atussagippu.

Siunissami taaguut "fogedret" atornaveersaassavarput.

### **Akiliisitsiniarnerni uppernarsaasoq:**

Akiliisitsiniartarneq pillugu ilitsersuummi 1997-imeersumi qupperneq 16.20-mi allassimavoq "Qularnaveeqqutitut arsaarinninneq inaarsarneqassaaq pinngitsaaliilluni akiliisitsiniartup uppernarsaasullu akiliisitsiniarnerni allattaavinnut atsiorerisigut."..... (Atorfeqarfimmi nutsigaavoq)

Taannalu tassaavoq pinngitsaaliilluni akiliisitsiniarnerni malittagarput, uppernarsaasumik atuinitsigut.

### **Akiitsullip kommunimut allamut nuunnerani akiliisitsiniartarneq:**

... cpr. nr. ...:

Nukungisaarinermi akiliutit akileraarutinit utertoortit qularnaveeqqutitut arsaarinnissutigineqarnerisigut akilersinneqarput. Tamanna K Kommunimi siusinnerusuktuq periaasiusimavoq. Periaaserli taanna atorneqarunnaaerpoq, nukungisaarinermi akiliuteqartitsinissamut inatsisitigut tunngavissaqannginnatta. Nukungisaarinermut akiliutitalimmik akiliisitsiniarnerni suliaasanik tigusaqaraangata nukungisaarinermi akiliummik akiliisitsiniarneq ajorpugut.



**Utertitassanngorlugit ikiorsiissutit.** Immersugassat inatsisitigut tunngavissaqartutut isumaginninnermik ingerlatsivimmit nalunaaqutsersimannigitsut siunissami utertitalissavagut.

Matumani utertitassanngorlugit ikiorsiissutit 1998-imi 1999-imilu akileraarutinit utertoortissanit ilanngaatigineqarput.

Ini A/S-imut akiitsunik akiliisitsiniarneq. Konto pillugu takussutissiaq uparuarneqartoq misissoratsigu paasivarput iluarsaassinnermut akiliutit pineqaratik ineqarnermut akiliutit pineqartut. Konto pillugu takussutissiaq ilanngullugu nassiupparput.

Konto pillugu takussutissiamik siusinnerusukkat tigusaqartarpugut, ullumikkulli akiliisitsiniarneq pillugu qinnuiginninnerit immikkoortitikkat tigusalrugit.

...-p 18. juli 2002-mi aggeqquneqarneranut atatillugu akiitsut suut pineqarnerinik nassuiaasimannigineq. Tamanna kukkuneruvoq. Ullumikkut aggeqqusigaangatta akiitsut suut pineqarnerat allattuaannarparput.

... cpr. nr. ....:

...-p akiligassai isumakkeerneqarput akiliisinnaannginneq pissutigalugu. ... soraarnerussutisiaqarpoq soraarnerussutisiallillu pinngitsaaliisummik akiliisinniarinnaanngilagut. Taamaattumik akiitsut isumakkeerneqarput.

Isumakkeerrinninnermili allatut pisoqartarpoq. Akiliisinnaannginnerli pissutigalugu isumakkeerrinninnermi akiitsut isumakkeerneqarnerat akiitsulimmut nalunaarutigisarparput. Tamannali konto pillugu takussutissiami qaammatit tamaasa nassiunneqartartumi ersepoq. Akiitsullillu tassani takusinnaavaa akiitsut isumakkeerneqarsimasut.

... cpr. nr. ....:

Soraarnerussutisiallit soraarnerussutisiaannit ilanngaassisarnersoq pillugu kommuni oqaaseqaateqaqqullugu kommuni qinnuigaat.

Soraarnerussutisiallit arlaqarput assersuutigalugu anartarfilerinnermut akiligassanut ilanngaatsittartut aningaaserivimmut kommunimulluunniit akiliartortarnermit tamanna pisariunnginnerummat. Taamaattoqaraangalli soraarnerussutisiallip naluneq ajorpaa tamanna nammineq piumassuseq malillugu pisartoq.

... cpr. nr. ....:

STI-mit akiligassiissutit tamarmik akiligassiissutit assigiinngitsut ataanniipput. Matumani ilinniartut ineqarfianni ineqarnermut akiliutit (illumi inimik attartorneq) K2 Kommunimut akilersinniaqqusatut nassiussaq pineqarpoq.

Matumani kommuni akiliisitsiniartartuuvoq, taamaattumik politiit akiliisitsiniaq-qunissaat K Kommunip eqqarsaatersuutigisimannigilaa.

... cpr. nr. ....:

Avinnikkut aappariilluunniit aappaata toquneratigut suliani taama ittuni suliap ingerlateqqinnissaanut eqqartuussiviup aalajangiinera aalajangiisuusarpoq.

... sulisitsisup normua ...:

Akiligassiissutitut assigiinngitsunut atatillugu akiitsullit aggeqqusarpagut akiitsullip nammineq piumassusia malillugu isumaqatigiissuteqarnissaq siunertaralugu. Taamaanngippat politiit akiliisitsiniarnermi oqartussaapput.

... sulisitsisut normua ...:

... A/S ilanngunniarlugu puigorneqarsimavoq, akiligassiissut inummukarani ... A/S-imukartuuvoq. Taamaalilluni akiligassiissut suliarineqarmat kukkusoqarsimavoq.

Oqaatigineqassaaq akiligassiissut ... A/S-ip pisassarisaasa normuanut eqqortumik akiligassatut allassimammat, taamaalilluni ingerlatseqatigiiffimmut akileqquneqarluni.

Manna iluatsillugu qinnuiginiarpassi ukiut siusinnerusut pillugit nalunaarutisi nassuteqqullugit. Imaluunniit nalunaarutini aallerfissamut websidemut naqitanngortitsiviusinnaasumut innersuussinnaagussi. K Kommunimi akiliisitsiniartarfimmi nalunaarutiniq peqanngilagut.

K Kommunimi akiliisitsiniartarfiup pilersaarutaa ilanngullugu nassiuppara. Tassani ullumikkut qanoq suleriaaseqarnerisugut takusinnaavat.

Taanna ilanngullugu nassiuppara. tassami malugigakku oqaaseqaativit ilai piffissamut siusinnerusumut tunngassuteqartuusut. Taamaaliornikkut ullumikkut qanoq suleriaaseqarnerput takutikkumavara.” (Atorfeqarfimmi nutsigaavoq)

K Kommunip akissutaata Akileraartarnermi Pisortaqarfimmut allakkani 21. marts 2006-imeersuni imatut qinnuiginninnissannut pissutissaqalersippaanga.

”K Kommunimut 2005-imi 22. novemberimit 24. novemberimut kingullermik tikeraarninni malugaara immikkut ilisimannittoq kommunip pinngitsaaliilluni akiliisitsiniarnerni najuutsittaraa.

Kommunip apeqquaqatinnut akissutitut periaatsip taassuma Akileraartarnermi Pisortaqarfiup akiliisitsiniartarneq pillugu ilitsersuutaani 1997-imeersumi qupperneq 16.20-mi kaammattuutigineqarsimanera innersuussutigaa.

Tamanna pillugu oqaatigaara pinngitsaaliilluni akiliisitsiniarnerni qanoq pisoqarsimanerata uppernarsaasersuinnikkut nalornissutigineqarsinnaanera pakkersimaassallugu kommunip pisariaqartissinnaagaa.

Pineqartorli tassaavoq ingerlatsineq pillugu inatsiseqartitsineri malittarisassat nalinginnaasut pinngitsaaliilluni akiliisitsiniarnerni saneqqunneqarsimannginnerat.

Tamatuma nassataaraa pinngitsaaliilluni akiliisitsiniartartup pinngitsaaliilluni akiliisitsiniarnerni aalajangiineri suliamullu pingaaruteqartumik paasissutissat allat pinngitsaaliilluni akiliisitsiniarnerni saqqummertut allattuisussaataanermi pineqartunut ilaatinneqarnerat, tak. pisortat ingerlatsinerat pillugu paasitinneqarsinnaati-taaneq pillugu Inatsisartut inatsisaanni § 6, tassa aalajangiineq innuttaasumut pineqartumut allakkatigut nalunaarutigineqanngippat. Tamatuma saniatigut oqaasiinnartigut aalajangiinerup allakkatigut tunngavilersuummik malitseqartinneqarnissaa innuttaasup suliassat suliarineqartarnerat pillugu inatsimmi § 23 tunngavigalugu pi-masaqaatigisinnaavaa.

Allattuisussaataitaaneq uppernarsaasersuinnikkut erseqqarissuseqartitsinerup pilersinneqarnissaanik ilaatigut siunertaqarpoq.

Allattuisussaataitanermik eqqortitsineq imaluunniit aalajangiinerup allakkatigut nalunaarutigineqarnera uanga paasinninnera malillugu malittarisassatut pingaarner-tut pinngitsaaliilluni akiliisitsiniarnerni sunik pisoqarsimaneranik uppernarsaaser-suinissamik ingerlatsiviup pisariaqartitsinerata qulakkeerunneqarnissaanut naam-mattussaavoq, isumaqarpungalu pinngitsaaliilluni akiliisitsiniarnerni nalaani im-mikkut ilisimannittumik najuuttoqartarnissaa imaaliiallaannarluni pisariaqanngitsoq.

Tassani aamma ilaavoq pinngitsaaliilluni akiliisitsiniarnerni tassaammata inger-latsinermik suliaqarnermut takussutissaasut, innuttaasup pissutsinik imminut tun-galluinnartunik nassuiaateqarfigisariaqarsinnaasai, taamaattumillu pinngitsaaliil-luni akiliisitsiniarnerni pinngitsaaliilluni akiliisitsiniartartup saniatigut allamik na-

juuttoqarnera innuttaasumut pineqartumut mianerinninnginnertut misigineqarsinnaalluni.

Akileraartarnermi Pisortaarfik tamakku tunngavigalugit qinnuigaara akiliisitsiniartarnej pillugu ilitersuummi pinngitsaaliilluni akiliisitsiniarnermi ilisimannittut pillugit immikkoortoq atatiinnarneqassanersoq nalunaarutigeqqullugu.”

K Kommunitum taamatuttaaq 21. marts 2006-imi imatut allappunga:

**"Ataatsimut oqaaseqaatit.**

Pisassarisaat pisoqalisoorimasut - ... - inuttut normua ...

Kommunip akissutaa tusaatissatut tiguara, malugalugulu kommunip ...-mut saaffiginnissutimini assigiinngitsuni kiisalu isumaqatigiissuteqartarnermini ...-p akiitsuisa ataasiakkaat amerlassusii kiisalu akiitsut taakku akilersinniarnearnerannut tunngaviusoq immikkut oqaatigisarsimagai.

Ataatsimulli oqaatigaara immersugassap assigiissaartunik oqaasertalersugaasup suliami ...-mut tunngasumi atorneqarsimasup allakkanni 6. december 2005-imeersuni issuakkama soraarnerussutissiaqartut soraarnerussutisiamik saniatigut allanik isertitaqartannigisut eqqarsaatigalugit atorneqarnera kommunip suli isumaliutersuutigisariaqaraa.

Akissarsianit unerartitsineq ageqqusissutillu - ... - inuttut normua ...

Kommunip akissutaa tusaatissatut tiguara.

Pinngitsaaliilluni akiliisitsiniarnerni oqaatsit atorneqartut.

Taaguummik "fogedret"-imik siunissami kommunip atuisarunnaarnarnera tusaatissatut tiguara.

Pinngitsaaliilluni akiliisitsiniarnernut atatillugu ilisimannittunik atuisarnej pillugu apeqqut eqqarsaatigalugu Akileraartarnermi Pisortaarfuiup ilitersuusuaa malillugu periaatsimik taasuminnga kommunip atuisarnera tusaatissatut tiguara.

Tunngaviit kommunimut allakkanni 6. december 2005-imeersuni taaneqartut pisutigalugit pinngitsaaliilluni akiliisitsiniarnerni ilisimannittunik atuneq naleqqut-tuunersoq nalorninartortaqortoq suli isumaqarpunga. Taamaattumik Akileraartarnermi Pisortaarfik qinnuigaara apeqqut taanna pillugu oqaaseqaateqaqqullugu, pisortaarfimmullu tassunga allakkama assilinerat ilanngullugu nassiuppaa.

**Suliat ataasiakkaat.**

... - inuttut normua ...

Kommunip akissutaa tusaatissatut tiguara.

Oqaatigaarali assersuutigalugu suliami ...-mik akiliisitsiniarnermut tunngasumi ...-p soraarnerussutisiaanit nammineq piumassuseq tunngavigalugu ilannganneqartarnissamik isumaqatigiissuteqartoqarsimaneranut uppenarsaammik peqanngitsoq.

Nalornisoorutaasinnaasut pakkersimaarniarlugit pisuni taamaattumi immersugassap assigiissaartunik oqaasertalersugaasup suliarineqarnissaa kommunip isumaliutersuutigisinnaavaa.

Aammattaaq kommunip taamatut isumaqatigiissuteqarnerni suliassat suliarineqartarnerat pillugu inatsimmi ilitersuisussaatitaaneq eqqumaffigisariaqarpaa, kommunillu soraarnerussutisiaqartoq pisortanit pensionisiat pillugit Inatsisartut peqqusutaanni § 18 pillugu ilitersortariaqarpaa, kiisalu isumaqatigiissutigineqartup so-

raarnerussutisiaqartumit sukkulluunniit atorunnaarsinneqarsinnaanera eqqumaffigi-sariaqarlugu.

... - inuttut normua ...

Oqaatigaara kommuni pisassarisani eqqartuusutikkut aalajangersarteqqammerai, kommunillu K2 Kommunimi politii akiliisitsiniaqqullugit qinnuigisinnaagai.

... - inuttut normua ...

Kommuni allakkanni 6. december 2005-imeersuni qinnuigaara inunnik nalunaarsuisarneq pillugu nalunaarummi § 22, imm. 1 aamma 2 nuliaasup uimi inuttut normuata ataanut inissillugu sulianik akiliisitsiniarnermut tunngasunik kommunip ullumikkut toqqrterisarnerani periaasiusumut sanilliullugit isummerfigeqqullugu.

Aalajangersakkami allakkanni 6. december 2005-imeersuni issuakkannit erserpoq suliap, assersuutigalugu suliap akiliisitsiniarnermut tunngasup, kimut tunngasuuneranik aalajangersaanermi inuup normua pisortani oqartussaasup atorsinnaagaa, inuillu ataasiakkaat kinaassuserniarneqarnerat pineqartup nammineq inuttut normua atorlugu sapinngisamik pisassasoq, tassa imaappoq nuliaasup nammineq inuttut normua atorlugu.

Taamaalilluni apeqqutigisara avinnerit imaluunniit toqusut qimataat pillugit suliani eqqartuussiviit aalajangiinerinut tunnganngilaq.

Taamaattumik kommuni qinnuigaara allakkani 6. december 2005-imeersuni apeqqutigaa akeqqullugu.

... - inuttut normua ...

Nukimmik pilersuinermit akiitsut nukingisaarutigineqarneranni akiliutinik kommunip akiliisitsiniartarunnaanera tusaatissatut tiguara.

Utertitaassanngorlugit ikiorsiissutaasimasunik akiliisitsiniartarneq eqqarsaatigalugu utertitsilluni akiliisussaatitaanermut tunngavisoq suliami takuneqarsinnaanngippat pisortanit ikiorsiissutinit pisassarisanik kommunip pinngitsaaliilluni siunisami akiliisitsiniartarunnaarnianera tusaatissatut tiguara.

Suliaq pineqartoq eqqarsaatigalugu kommunip oqaatigaa aningaasat akileraarutigit utertoortissanit ilanngaassinikkut akilersinneqarsimasut.

Taamaattumik inassuteqaatigaara suliaq kommunip suliareqqilissagaa, utertitsilluni akiliinissamat tunngavisoq qulaajarneqarnissaa imaluunniit aningaasat ilanngaassinikkut kukkusumik akilersinneqarsimasut tunniunneqarnissaat siunertaralugu.

A/S Inissiaatileqatigiiffik INI-p pisassarisai eqqarsaatigalugit ineqarnermut akiitit akilerneqarnissaannik piunasaqaatip kisimi pineqarnera aamma pisassarisat suut kommunimit akilersinniarneqarnerannik kommunip innuttaasunut massakkut paasissutissiisalersimanera tusaatissatut tiguakka.

... - inuttut normua ...

Kommuni ...-mut nalunaarutaata imatut paasineqarnissaa tusaatissatut tiguara, tassalu akiitsunik akiliisitsiniarneq unitsinneqartoq, ...-p siusinaartumik soraarnerussutisiaqartuunera pissutigalugu.

Kommunimut allakkanni 6. december 2005-imeersuni oqaatigisattut akiitsunik isumakkeerinninneq naatsorsuuserinermi teknikkikkut aaqqineruvoq, innuttaasullu pineqartup akiliisussaatitaaneranut tunngasuunani.

Innuttaasut naatsorsuuserinermi teknikkikkut taaguutinik ilisimasaqarnissaat nalinginnaasumik naatsorsuutigineqarneq ajorpoq, taamaattumillu uanga paasinninera unaavoq akiitsut isumakkeerneqarnerannik innuttaasumut nalunaarut erseqqin-

nerusumik nassuiarneqarsimangitsoq isumakkeerinninnerup sunik nassataqarneranik nalornissutiginnilersitsisinnaasoq.

Kommunip ilitersuinissamat pisussaaffeqarnera allakkanni 6. december 2005-i-meersuni nassuiagara isiginiarlugu inassutigaara kommunip akiitsut isumakkeerneqarnerinik innuttaasunut siunissami nalunaaruteqarnermini akiliisitsiniarnerup unit-sinneqarnera kisimi pineqartoq erseqqissumik paasisstusissutisassagaa, aamma nalunaarut konto pillugu takussutissiakkut takuneqarsinnaappat.

Akiitsut isumakkeerneqarpata uanga paasinninnera malillugu tassani pineqartoq tassaavoq ingerlatsineq pillugu inatsiseqartitsineq tunngavigalugu aalajangiineq, innuttaasumut pineqartumut allakkatigut immikkut nalunaarutigineqartariaqartoq.

... A/S, sulisitsisup normua ...

Akiligassiissutip pineqartup ...A/S-imut allanneqarsimanera kukkusuusoq kommunip oqaatigaa.

Taamaattumik apeqqut taanna pillugu annertunerusumik iliuuseqaqqissanngilanga.

... - sulisitsisup normua ....

Allakkanni 6. december 2005-imeersuni kommuni qinnuigaara ...-p "amutsivimik attartornermut/akiligassiissutitut assigiinngitsunut" akiitsuisa 2004-meersut 2005-imeersullu inatsisitigut suna tunngavigalugu akilersinniarneqarnerat paasisstusissutigeqqullugu.

Kommunip apeqqut taanna allakkamini akisimangilaa, taamaallaalli oqaatigisimallugu: "Akiligassiissutini assigiinngitsuni akiitsullit aggersartarpagut, akiitsullip nammineq piunassuseq tunngavigalugu isumaqatigiissuteqarfigineqarnissaa siunertarlugu. Taamaangippat politii tassaapput akiliisitsiniarnermi oqartussaasut." (Atorfeqarfimmi nutsigaavoq)

Tamanna pillugu oqaatigaara:

Kalaallit Nunaanni eqqartuussisarneq pillugu inatsimmi kapitali 7, § 1 malittarisassamik imaattumik imaqarpoq:

“§ 1. Pinngitsaaliinikkut naammaassisitsisoqarsinnaavoq makku tunngavigalugit:

1) Eqqartuussutit aalajangiinerillu Kalaallit Nunanni eqqartuussisunit Kalaallit Nunaanniluunniit pisortanit allanit aalajangiineri inatsisit naaportorlugit pinngitsaaliinikkut naammassitinniarneqarsinnaasunit aalajangikkat.

2) Isumaqatigiinnerit pisortanut nr. 1-imi taaneqartunit akuerisat, isumaqatigiinnerillu aappariilernissamik aappariikkunnaarnissamillu Kalaallit Nunaanni inatsit naaportorlugi aalajangersagassat oqaloqatigiissutigineqarneranni akuerisat.

3) Eqqartuussutit aalajangiinerillu Danmarkimi eqqartuussisunit Danmarkimiluunniit pisortat aalajangiineri pinngitsaaliinikkut Danmarkimi naammassitinniarneqarsinnaasunit aalajangikkat, imaluunniit isumaqatigiinnerit pisortanit taakkunannga akuerisat.

4) Qularnaveeqqusiinermik uppenarsaatit, taamaattorli inuisa nammineq imminnut qularnaveerusiinnermut uppenarsaasiussaasa aningaasanullu amerlanerpaasussanut qularnaveeqqusiinermik uppenarsaatit tungaasigut akiitsut amerlassusiat piffisallu nallenera akiligassalimmit akuerineqaraangata imaluunniit pissutsinit avatangiisinit erseqqilluaraangata aatsaat.

Imm. 2. Aammattaq pisassarisat makku pillugit pinngitsaaliinikkut naammassisitsiniartoqarsinnaavoq:

1) Pigisanik aalaakkaasunik pigisanilluunniit tiguinnaanik qularnaveeqquserlugit pisortanit taarsigassarsiat taakkualuunniit erniaasa akilerneqarnissaannik piumasaqaatit.

2) Ininik attartornerup akiinik aammalu kiassaait, innaallagissap sarfaata, erngup eqqagassallu akissaannik pisortat piumasaat.

3) Kalaallit Nunaanni inatsisit naapertorlugit pisortanut akileraarutit, nioqqutissat eqqunnerannut akileraarutit akitsuutillu.

4) Pilersuinermut akilersuutissiissutaasut Kalaallit Nunaanni qullersat arlaannit aalajangersarneqarsimasut.

5) Akilersuutissiissutaasut danskini qullersaannit aalajangersarneqarsimasut, kiisalu akileraarutini akitsuutinillu akileeqqusissutit Danmarkimi pinngitsaaliinikkut naammassisinniarneqarsinnaasut.

6) § 14 malillugu aningaasat taarsiiffiginnissutissat.

Imm. 3. Landsdommerip akuerisinnaavaa piumasat allat Danmarkimi pinngitsaaliinikkut naammassitinniagassannortinneqarsinnaasut naammassitinniarneqarsinnaasasut.”

Kalaallit Nunaanni eqqartuussisarneq pillugu inatsimmi kapitali 7, § 1-imi aalajangersakkami sukumiisumik oqaatigineqarpoq pinngitsaaliinikkut naammassitsineq sumik tunngaveqarluni pisinnaanersoq.

Imm. 2-mi nr. 2-p malitsigaa pinngitsaaliinikkut naammassitsineq ineqarnermut akiliutinut pisortat akileqqusaannut kiisalu kiassarnermut, innaallagissamut, imer-mut eqqagassanullu akiliutinik akileeqqusisoqarnerani pisinnaasoq.

Tassa imaappoq pisassarisat imminni tassaasut pinngitsaaliinikkut naammassitsiner-mut tunngaviusussat.

Taamaalilluni pinngitsaaliilluni akiliitsiniartartup pisortani oqartussaasup aki-liitsiniaqqusissutaanik tigusaqarnermini pisassarisat akiliitsiniarnermut tunnga-viusinnaanerat aallaqqaasiutitut misissussavaa.

Amutsivimmik attartorneq/akiligassiissutinut assigiinngitsut 2004-meersut 2005-imeersullu eqqartuussisarneq pillugu inatsimmi kapitali 7 tunngavigalugu pinngit-saaliilluni naammassitsiner-mut tunngaviusinnaanngillat.

Kommuni taamaalilluni aningaasanik akiitsunnorsimasunik akiliitsiniarner-mik aallartitsinissaminut inatsisitigut tunngavissaqarsimannigilaq. Akiliitsiniaqqu-sissut kommunip itigartissimasariaqaraluar-paa, suliarlu suliamik aallartitsisumut utertillugu nassiullugu, taassumalu pinngitsaaliilluni naammassitsiniarnissamut tunngavissamik pissarsiniarnissaa innersuussutigalugu, assersuutigalugu pisassarisat eqqartuussivimmi eqqartuussutikkut aalajangersartinnerisigut.

Aammattaq oqaatigaara periaaseq taanna kommunip akiliitsiniartarneq pillugu pilersaarusiaani qulequttap "Pissassarisat assigiinngitsut"-p ataani akiliitsiniarnermi periaaseq pillugu immikkoortumi allaaserineqarsimasoq.

Kommuni qinnuigaara oqaaseqaatima kommuni qanoq iliuseqarnissaanut pissu-tissaqalersinnaat nalunaarutigeqqullugu.”

Allakkakka 21. marts 2006-imeersut Akileraartarnermi Pisortaqarfiup allakkatigut 30. marts 2006-imeersutigut imatut akivai:

"...[Uanga apeqqutigisara]

Akileraartarnermi Pisortaqarfiup aallarniutigalugu oqaatigissavaa akiliitsiniar-tarnermi ilisimannittumik atuineq akiliitsiniartarnermik ilitersuummi 1967-imeersumi qupp. 16.13-imiit 16.15-imut sukumiinerusumik sammineqarmat.

Akiliisitsiniartartut kiisalu akileraarutininik akiliisitsiniartarneq pillugu nalunaa- rummi nr. 10-mi, 26. juni 1979-imeersumi § 5-imi aalajangerneqarpoq "Tiguniaaneq pissaaq ilisimannittuusup (uppernarsaasussap) kommunaldirektørimit imaluunniit skattedirektørimit toqqarneqartup najuunnerani".

Aalajangersagaq pineqartoq akileraarutininik akiliisitsiniarnerinnarmut tunngavoq, akiliisitsiniartarnermili ilitsersuummik suliaqarnermi aalajangersaanermut tunnga- viumumut pissutaasut aamma aallaavigalugit eqqortuutinneqarpoq nalinginnaasumik inassutigissallugu akiliisitsiniartartut akiliisitsiniarniarlutik suliaqarnerannut atatil- lugu ilisimannittumik najuuttoqartarnissaa.

Akiliisitsiniarnermi ilisimannittuusussap pingaarnerutillugu isumagisassaraa up- pernarsassallugu akiligassat akilersinniarlugit arsaarinnissutininik suliaqarneq qanoq ingerlanneqarnersaq uppernarsassallugu akiliisitsiniartartup akiligassalik eqqortu- mik ilitsersorsimagaa. Akiliisitsiniarnermi ilisimannittuusup akiliisitsiniarnermi namminermei suleqataannnginnissaa aallaavigineqassaaq. Akiliisitsiniarnerup sulissu- tiginerata naanerani ilisimannittup akiliisitsiniarnerup allattuiffigisaa atsiussavaa, taamaalilluni taassuma uppernarsassallugu pissutsit akiliisitsiniartartup akiliisitsi- niarnerup allattuiffiani qanoq innersut allassimasai akiliisitsiniarnerup nalaani pissu- siusut taaneqartut ilumut taamaassimasut. Akiliisitsiniarnermi ilisimannittuusooq aki- liisitsiniarnerup nalaani tusarsimasaminik nipangiussisussaataavoq.

Taamaalilluni akiliisitsiniarnermi ilisimannittuusup pingaarnerutillugu suliaassa- ra aarlaannulluunniit inuttut attuumassuteqarani pingajuunissaq isumagisassami ilaatigut misigissutsikkut ingammik akiligassalimmut aalaterneqataasinnaasuni.

Tamatuma tunulequtaraa akiliisitsiniarnerup nalaani ilisimannittumik najuutto- qarnissaanik nalinginnaasumik inassuteqaataasooq Akileraartarnermi Pisortaqarfiup imaaliiallaannaq tunuartikkumanngilaa. Illua'tungaanili Ombudsmandip isummer- suutai saqqummiunneqartut pisortaqarfiup akiliisitsiniartarnermi ilitsersuutip nutar- terneqalernissaanut eqqarsaatinut atatillugu ilanngullugit iliuseqarfigiumaarpai.

..."

Kommuni akissuteqarnissaanik allakkatigut 10. maj 2006-imeersutigut eqqaasippara.

Kommunip mailikkut 3. juni 2006-imeersukkut imatut akivaanga:

"Siullermik utoqqatsissutigissavara taamak kingusinaartigalunga akissuteqarne- ra.

... inuttut normua ...

Aappariit avissimappata/qimassimappata imaluunniit aappaasooq toqkkut qima- gussimappat sulianut tunngasut (sagit) immikkoortinneqartarmata namminneq inut- tut normui atorlugit.

... sulisitsisup normua ...

Matumuuna nalunaarutigissavarput, kommuni qanoq iliuseqarnissaminut pissu- tissaqarani iliuseqarsimasooq imatut: 23. oktober 2003-mi nammineq piumassutsi- minik tunisaminiit 10%-imik ilanngaassuutsilernikuuvoq ESU akiligassaminut atu- gassaminik, taava august 2004-mi tunisinermei ilanngaatai takkummata sept. 2004 naanerani ESU-mut akiitsut nungoriarmata ilanngaataasa sinneri akileraarutininut er- niaanut aammalu amutsivimmik attartornermut akiligassanut akiliiseriarlugit sinneri tunniunneqarnikuupput ilanngaataalu unitsinneqarluni.



Naggataatigut Inatsisartut Ombudsmandiata isumaliutigeqqusai tusaatissatut tigullugit isumaliutersuutigissavagut maanngaanniik.”

### Kommunimut 12. juni 2006-imi imatut allappunga:

”Allakkannut 21. marts 2006-imeersunut kommunip akissutai 6. juni 2006-imi ti-guakka.

..., inuttut normua ... pillugu kommunip akissutaa tusaatissatut tiguara.

Suliamut ...mut, sulisitsisoq nr. ... tunngasumut atatillugu kommunip naggasiullu-git oqaaseqaatai imatut paasivakka 2004-miit 2005-ip tungaanut Amutsivimmik at-tartornerit/akiligassiissutit assigiinngitsut pillugit Amutsiviit akiliisitsiniaqqusine-rat tunngavigalugu akiliisitsiniarnissamik aallartitsinissamut kommunip inatsisiti-gut tunngavissaqannginnera kommunip tusaatissatut tigugaa, Amutsiviillu eqqar-tuussivikkoortitsillutik piumasaqaatiminnik aalajangiisitsinissaannut innersuukkai kommunimi akiliisitsiniartarneq pillugu pilersaarutini allassimasutut.

Suliami annertunerusumik iliuseqassanngilanga.

Oqaatigaara suliami ...-mut, inuttut normua ... tunngasumi inassuteqaat manna akineqarsimanngitsoq:

”Taamaattumik inassuteqaatigaara suliaq kommunip suliareqqilissagaa, utertitsil-luni akiliinissamut tunngaviusup qulaajarneqarnissaa imaluunniit aningaasat ilan-gaassinikkut kukkusumik akilersinneqarsimasut tunniunneqarnissaat siunertara-lugu.”

Taamaattumik kommuni qinnuigaara suliamik kommunip suliarinneqqissimane-rata inernilerneqarneranik nalunaarfigeqqullunga.”

### Kommuni allakkatigut 27. juni 2006-imeersutigut imatut akivoq:

”... inuttut normua ...

Inunnik isumaginnittoqarfimmut paasiniarnerani paasivarput utertitsilluni akilii-nissamut tunngaviusoq Inatsisartut maleruaqqusaanni nr. 10 1. november 1982-i-meersoq malillugu pisortatigut ikiorsiissutini § 19 imm. 1 nr. 2 malinneqarsimasoq.

Taannalu ulloq 26/2-1999-imi atukkerneqarnerani ...-p aammalu inunnik isuma-ginnittoqarfimmi sulisup ...-p atsiugaani naqqani allassimavoq “LFT af 1.11.1982, § 10, stk. 2.”

### Kommunimut 3. november 2006-imi imatut allappunga:

”Suliaq ..., inuttut normua ..., pillugu inassuteqaatinnut kommunip akissutaanik 27. juni 2006-imi tigusaqarfigisara massakkut uterfigaara.

Kommuni akivoq utertitsilluni akiliinissamut tunngavigisaq tassaasoq pisortanit ikiorsiissutit pillugit Inatsisartut peqqussutaanni nr. 10-mi, 1. november 1982-imeer-sumi § 10, imm. 2.

Kommunip akissutaa pillugu oqaatigaara aalajangersagaq taanna utertitsilluni akiliinissamut tunngaviusinnaanngitsoq, tassami aalajangersakkami tassani taa-

maallaat aalajangersarneqarmat utertitsilluni akiliinissamut tunngaviusup ikiorsiisutit tunniunneqarneranni atunnera kommunip eqqumaffigissagaa.

Utertitsilluni akiliinissamut tunngavigisassarpiaq Inatsisartut peqqussutaanni tasani § 9-miippoq imaluunniit § 10, imm. 1, nr. 1-4-miilluni, taakkulu imaattunik oqaasertaqarput:

"§ 9. Inuk § 8-mi piumasarineqartut nalunaaruteqartussaagaluarluni nalunaaruteqarsimannikkaanngat imaluunniit peqqussut manna naapertorlugu ikiorserneqarsinnaanani ilisimareeraluarlugu ikiorsiissutisisimagaanngat isumaginninnermut ataatsimiititaq ikiorsiissutaasimasut utertinneqarnissaannik aalajangiisinnaavoq.

§ 10. Aammattaq isumaginninnermut ataatsimiititaq ikiorsiissutaasimasunik utertitsinissamik aalajangiisinnaavoq:

1) Inummut aapparaminut qitornaminullu pilersuisussaassutsiminik sumiginnaasimasumut.

2) Inuk ikorsiissutisisimasoq kingusinnerusukkut piffissamut ikorsiiffiusimasumut naatsorsuussanik taarsiissutisisimappat, akilersuutunik pisimappat taamaangajattunilluunniit pisimappat,

3) Inuk aningaasanik aqutsinermigut suliffeqarnermigullu naammaginangitsumik iliuuseqartarsimanini pissutigalugit ikiorserneqartariaqalersimappat,

4) Ikiorserneqarnissamik qinnuteqarnerup nalaani paasinarsereersimappat inuup pineqartup ikiorsiissutit piffissap sivikitsup ingerlanerani utertissinnaalissagai."

Pisortanit ikiorsiissutit utertillugit akilerneqarnissaat kommunip isumaginninneq pillugu inatsiseqartitsineq tunngavigalugu piumasaqaatigisinnaanngilaa, tamanna aalajangersakkat taaneqartut ilaat ataaseq tunngavigalugu pinngippat.

Utertitsilluni akiliisoqarnissaanik piumasaqaat atuussinnaassuseqassanngilaa, aalajangersakkat issuarneqartut ilaat sorleq tunngavigalugu utertitsilluni akiliisoqarnissaa piumasaqaatigineqassasoq kommunip ikorsiinnermut peqatigitillugu isummerfigisimannippagu.

Taamaattunik inassuteqaatiga manna inassuteqaatigeqqippara, tassalu utertitsilluni akiliisoqarnissaanik piumasaqaat aalajangersakkat qulaani issuarneqartut arlaat sorleq tunngavigalugu aalajangersarneqarsimasoq kommunip misissussagaa, tamanalu uppersarneqarsinnaanngippat utertitsilluni akiliisoqarnissaanik piumasaqaat atorunnaarsinneqassasoq.

Kommunimut malugeqqullugu aamma oqaatigaara pinngitsaaliilluni akiliisitsiarnarnermi ilisimannittunik atuisarneq pillugu tusarniaaninnut 21. marts 2006-imeersunut Akileraartarnermi Pisortaqarfiup akissutaa 31. marts 2006-imi tigugiga.

Pisortaqarfiup akissutaa ilisimatitsissutitut ilanngullugu nassiuppara.

Tusarniaaninni 21. marts 2006-imeersumi isummannik pisortaqarfiup akiliisitsiarnarneq pillugu kommunimut ilitsersuusiamut atatillugu ilanngussiniarnera tusaatisatut tiguara.

Akileraartarnermi Pisortaqarfimmut akissutima assilinerallaakkanut ukununga ilanngullugu nassiuppara."

Akileraartarnermi Pisortaqarfimmut allakkakka 3. november 2006-imeersut imaattunik oqaasertaqarput:

"Suliaq Ombudsmandip tusarniaaneranut 21. marts 2006-imeersumut pisortaqarfiup allakkatigut 30. marts 2006-imeersutigut akissuteqarfigisaa massakkut uterfigaara.

Ombudsmandip isumaanik pisortaqarfiup akiliisitsiniarneq pillugu kommuninut ilitersuusiamut atatillugu ilanngussiniarnera Ombudsmandip tusaatissatut tiguua, taamaattumillu apeqqut taanna pillugu annertunerusumik massakkut iliuuseqaqqiniarani.

Ombudsmandip tamatumunnga atatillugu maluginiarpaa pinngitsaaliilluni akiliisitsiniarnermi, akileraarutininik akiliisitsiniarneq pillugu suliat eqqaassanngikkaanni, ilisimannittunik atuineq kommunit pinngitsooratik atugassarinnikkaat.

Aamma oqaatigaara pinngitsaaliilluni akiliisitsiniarnermi ilisimannittunik pisariaqartitsineq pillugu pisortaqarfiup massakkut naliliinera paasinninnermik Ombudsmandip tusarniaanerani 21. marts 2006-imeersumi saqqummiunneqartumik allannortitsinissamut pissutissaqalersitsinngitsoq.

Pisortaqarfiup tusarniaanermut akissutaanut atatillugu Ombudsmandip paasinninnera unaavoq pinngitsaaliilluni akiliisitsiniarnerit ingerlatsineq pillugu inatsiseqartitsinermi sulianik paasissutissartalersuisarneq pillugu tunngavinnit nalinginnaasunit aalajangersaavigineqartut, uppernarsaasersuinissamillu piumasaqaat taanna allakkatigoortitsinikkut aallaavittut qulakkeerneqartariaqartoq, matumani allakkiorneq (notat) ilanngullugu eqqarsaatigalugu.

Ombudsmandittaaq paasinninnera unaavoq pinngitsaaliilluni akiliisitsiniarnermi ilisimannittoq pinngitsaaliilluni akiliisitsiniarnerup nalaani "inuttut attuumassuteqarani pingajuusutut" isigineqarsinnaanngitsoq, tassami pinngitsaaliilluni akiliisitsiniarnermi ilisimannittuusassaq kommunip allaffissornikkut aqutsisoqarfianit toq-qarneqartarmat, kommunillu suliamik suliarinninnerani suliasamik suliarinnittuusarluni."

Kommuni allakkatigut 22. november 2006-imeersutigut imatut akivoq:

"... inuttut normua ...

Ikiorssiissutit taasersugassatut atorsimasamut tunngatillugu ilassutigissavarput akiliisitsiniarneq ingerlanneqarsimammat Kalaallit Nunaannut ministereqarfiup nalunaarutaa nr. 99 21. marts 1984-imeersaq 1. juli 1992 tikillugu allannguutit ilanngullugit, kapitali 7 § 1 stk. 2.

Ilanngullugu nassiunneqarpoq ikiorssiisutininik taasersugassanik atukkerneqarnermini nammineq atsiorsimasaa aammalu akiliisitsiniartarfimmi atukkerneqarenermi kingorna isumaqatigiissusiortarnermi atsiorsimasai."

Kommunimut 28. december 2006-imi imatut allappunga:

"..., inuttut normua ..., pillugu allakkannut 3. november 2006-imeersunut kommunip akissutaa 30. november 2006-imi tiguara.

Utertitsilluni akiliiumanermut uppernarsaatip ...-p 26. februar 1999-imi atsiorsimasaata assilineri kommunip akissumminut ilanngullugu nassiuppa. Tassannga er-serpoq pisortanit ikiorssiissutit taakku pisortanit ikiorssiissutit pillugit Inatsisartut peqqussutaanni nr. 10-mi, 1. november 1982-imeersumi § 10, imm. 1, nr. 2 tunngavigalugu ikiorssiisutigineqarsimasut.

Inatsimmi tassani aalajangersakkami "nr. 2"-mut innersuussissut assammik allalugu nalunaaqutserneqarsimavoq, taamatuttaarlu assammik allanneqarsimalluni "ataanut".

Utertitsilluni akiliiumanermik uppernarsaatip assilinera kommunip ...-p akiliisin-  
niarneqarnera pillugu suliaataani kommunimut november 2005-imi tikeraarninni  
nassaarisanni "nr. 2" nalunaaqutserneqarsimangilaq, taamaattumillu kommuni qin-  
nuigaara utertitsilluni akiliiumanermik uppernarsaammi "nr. 2"-mik nalunaaqutsii-  
nerup qanga pisimnera pillugu nassuiaateqaqqullugu.

Kommunimut siusinnerusukkut allagarisarsimasakka innersuussutigaaq, eq-  
qaasitsissutigalugulu utertitsilluni akiliinissamut tunngaviusoq ...-p ikiorserneqarne-  
rani pineqartumut erseqqissarneqarsimangippat ikiorsiissutigineqartut utertillugit  
akileqqunissaat kommunip piumasaqaatigisinnaangikkaa."

Kommunip akissutaanik ukiup nalunaarusiuunneqartup naanerani sulii ti-  
gusaqanngilanga.

## **2005-imi ukiumoortumik nalunaarut, immikkoortoq 7, qupperneq 414 tulliilu**

### **Akiitsut inissiallu inoqanngitsut attartortinneqannginnerisigut annaa- sat ineqarnermut akiliutinik naatsorsuinermi ilanngunneqarnissaan- nut inatsisitigut tunngavissaqannginneq (J.nr. 11.73.29.12/090-02)**

Ineqarnermut Attaveqarnermullu Pisortaqarfimmu 22. marts 2006-imi  
imatut allappunga:

"Pisorta qarfiup allagaasa itisilerutaasumik nassuiaasoqarnissaanik pisorta qarfim-  
mut qinnuiginninnissannut pissutissaqalersippaanga.

Taamaalilluni pisorta qarfiup akissummini oqaatigaa:

"Aningaasat ilanngussat assersuutigalugu inissianik attartortoqannginnerani ana-  
naasat matussuserniarnissaannut naammassanngikkaluarpata, nikingassut immikkut  
aningaasartuutit ingerlatsinerneq missingersuutini ilanngunneqassaaq."

Aningaasat illuartinneqartut naammannerannik paasisaqarneq uanga paasinneq-  
qaarnera malillugu missingersuutitigut pinnani naatsorsuutitigullu pisussaavoq.

Immikkut aningaasartuutit "ulikkaarusiinerneq" atornerqartarnerannik pisorta qar-  
fiup paasissutissiissutaata aamma ilmanarsisippaa immikkut ittumik aningaasa-  
rtuutaasut imatut paasineqassasut taakku missingersuutinut tunnganatik naatsorsuuti-  
nik saqqummiussinerneq tunngasuusut.

Inissianik attartortitsisarneq pillugu Inatsisartut peqqussutaannit erserpoq:

"§ 28. Namminersornerullutik Oqartussat kommunellu ilaqutariinnut arlalinnut  
illuutaanni najugaqatigiiffimmi inissianik attartortitsinermit isertitat tamakkiisut  
sukkulluunniit annertussilerneqarnerini, najugaqatigiiffiup aningaasartuutit tam-  
manik akiliisinnaanissaa periarfissinneqassaaq, matumani ilanngullugit aningaasa-  
liissutit iluanaarutit illumik piginnittumut akiliutit aningaasartuutit, tak. § 31,  
aamma ingerlatsinerneq atillugulu aningaasartuutit, matumani ilanngullugit allaffis-  
sornikkut aqutsinerneq akiliutit, tak. § 32, imm. 1-6, aserortisarnerneq pinaveer-

saartitsinermut akiliutit, tak. § 32, imm. 7, aamma akiliutissatut illuartitallu aalajangikkat.

Imm. 2. Ineqarnermut akiliutit ukiumoortumik attartortitsisup najugaqatigiiffimmi ingerlatsinermut missingersuusiai akuerisaalu tunngavigalugit ukiumut tulliuuttumut annertussusilerneqartassapput. Imm. 1-imi piumasaqaatit naammassiniarlugit ineqarnermut akiliummik qaffaanissaq pisariaqassappat, tamanna attartortunut ataa-siakkaanut qaammatinik pingasunik sioqqutsisumik nalunaaruteqareernikkut pisinnaavoq. Siumoortumik ilisimatitsissut qaffaanermut tunngaviusut qaffaatissallu qaammammut koruuninngorlugit annertussusissaat pillugit paasissutissanik imaqanngippat siumoortumik ilisimatitsissut atortussaatinneqarsinnaanngilaq. Ukiumut tulliuuttumut missingersuutit siumoortumik ilisimatitsissummut ilanngunneqarsinnaapput, tassanilu qaffaanermut tunngaviusoq allaqassaaq. Ineqarnermut akiliutinik appaernerit siumut ilisimatitseqqaarani pisinnaapput.

Imm. 3. Aningaasartuutit ingerlatsinermut missingersuutinut ilanngunneqarsinnaasut ilaatigut tassaasinnaapput ilanngussaq 1-imi aningaasartuutit suussusilersornissaannut assersuutigineqartut. Ilanngussaq 1-imi allassimasut aningaasartuutaasinnaasut tamakkerneqanngillat.

Imm. 4. Najugaqatigiiffimmi siulersuisut immikkoortortami akuersaarnartunik annertussusilimmik pitsanngorsaaniissamut nutarterinissamullu siunnersuuteqarsinnaapput, tamatuma peqatigisaanik najugaqatigiiffimmi siulersuisut ineqarnermut akiliummut qaffaatissat pisariaqartut akuerisinnaappatigik. Najugaqatigiiffimmi siulersuisut akuersaarnartunik annertussusilimmik pitsanngorsaaniissamut nutarterinissamullu siunnersuutaat najugaqatigiiffimmi ataatsimiititsisinermi akuersissutigineqassaaq.

Imm. 5. Naalackersuisut pilersaarutaasumik aserfallatsaaliuinnissamut teknikkikkullu atortulersuutinik nutarterinissamut illuartitsisarneq, ineqarnermut akiliutip naatsorsorneqartarnera aamma ineqarnermut akiliutip iluarsineqarnissaanut siumoortumik ilisimatitsisarneq pillugu maleruagassiorsinnaapput."

Aamma Namminersorerullutik Oqartussat kommunillu inissiaataannik attartortittakkanik attartortitsisarneq pillugu Namminersorerullutik Oqartussat nalunaaru-taannit nr. 23-mit, 22. december 2003-meersumit, inissianik attartortitsineq pillugu peqqussummi atuuttumi § 87, imm. 3-kkut ingerlateqqinneqartumit erserpoq:

"§ 28. Ineqarfittut immikkoortortaqaarfiup ukiumut tullermut aningaasatigut siumut missingersuutissai imaalillugit suliarineqartassapput ineqarnermut akiliutinut iluarsissutissaasinnaasut atortussanngortinneqannginnerminni immikkoortortaqaarfiup ataatsimiinneranut saqqummiunneqartussanngorlugit.

Imm. 2. ...

Imm. 3. ...

Imm. 4. Sinneqartooruteqartussanngortitsilluni imaluunniit amigartooruteqartussanngortitsilluni missingersuusiortoqaqqusaanngilaq. Taammaattorli ineqarnermut akiliutip akulikippallaamik iluarsivigineqartarnissaa pinaveersaarniarlugu missingersuusiorneqartassaaq aningaasat ineqarfittut immikkoortortaqaarfiup qaammatikkaartumik tamakkiisumik ineqarnermut akiliutitigut isertittagaasa angeqqataat missingersuutit nikingassutaannut siumut naatsorsuutigineqareersimannngitsunut atugasat missingersuutigalugit.

...

§ 31. Attartortitsisup ingerlaavartumik missingersuutit misissuiffigisassavai ukiullu sisamararterutikkaartumik aningaasanut nalunaarusiortassalluni.

Imm. 2. Missingersuutit misissuiffigineqarneranni uppernarsineqarpat ingerlatsinermut amigartooruteqartoq missingersuutit akuerisaasumik iluarsivigineqarnis-

saasigut matuneqarsinnaanngitsumik, tak. § 28, imm. 4, ukiumut tullermut missingersuusiornissami ineqarnermut akiliutit qaffanneqarnissaat ilimasaarutigineqassaaq.

Imm. 3. Missingersuutit misissuiffigineqarneranni uppernarsineqarpat aningaasat tigoriaannaat annaasassat matussutissiivigineqarnissaannut immikkoortinneqareersimasunit matussusiivigineqarsinnaanngitsunik amigartooruteqarfigineqartut, tak. § 22, imm. 1, nr. 2, aningaasanik tigoriaannarnik amigartooruteqarneq qaangiutiletortussatut isumaqarfigineqanngippat ineqarnermut akiliutip ukiumup tullianut qaffaavigineqarnissaa ilimasaarutigineqassaaq.

...

§ 33. Missingersuutininik misissuutaarinermi uppernarsineqarpat ingerlatsineq anaaraluni missingersuusiorsimanermik, akit apparsimanerannik, pisariillisaasoqarsimanerannik, aningaasartuutaasartut aalajangersimasut peersimanerannik assigisaannilluunniit peqquteqartumik ataavartumik sinneqartoorfigineqartartoq, aammalu missingersuutit iluarsiiivigineqartarsinnaaneratt sipporlugu ingerlatsinermut sinneqartoorutaasartut ingerlajuartut, tak. § 28, imm. 4, ineqarnermut akiliut iluarsiiivigineqassaaq ingerlatsinermilu sinneqartoorut toqqorneqassalluni, tak. imm. 2.

Imm. 2. Ingerlatsinermut sinneqartoorutit ineqarfittut immikkoortortaqarfiup tamakkiisumik qaammammut ineqarnermut akiliutitigut isertittagaasa annertoqataat sipporsimappagu, tak. imm. 1, immikkoortortaqarfiup ataatsimiinnermini aalajangissavaa sinneqartoorutit siunertanut sunut atorneqassanersut, matuma ataani toqqorneqassanersut imaluunniit utertinneqassanersut. Ingerlatsinermut sinneqartoorutit ineqarfittut immikkoortortaqarfiup tamakkiisumik qaammammut ineqarnermut akiliutitigut isertittagaasa annertoqataat sipporsimanngippagit aningaasat toqqorneqassapput missingersuusiortifimmullu tullermut ilanngunneqassallutik.

§ 34. Ineqarfittut immikkoortortaqarfiup inissiaataanik attartornermut akiliut imaalillugu annertussuiliivigineqarsimassaaq inuussutissarsiutigalugu attartukkannut akiliutaasartut peqatigalugit ineqarfittut immikkoortortaqarfiup ingerlatsinissamut aningaasartuutissatut naatsorsuutigisaanik missingersuusiortifigisimasaanillu, matuma ataani akileeqaataassutissatut peqqussutigineqartunut kiisalu aserfallatsaaliinissamut pilersaarut naapertorlugu toqqortigassatut piimasaqaatinut matussutissiiinissamut naammassalluni."

Aalajangersakkanit taakkunanga erserpoq ineqarnermut akiliutinik ukiumoortumik aaqqiissuteqarneq ukiumup pineqartup siuliani missingersuutit akuerineqartut tunngavigalugit pissasoq, taamaalilluni sinneqartooruteqarnani amigartooruteqarnani luunniit missingersuusiortoqartassalluni, aningaasartuutininut siumut naatsorsuutigerriigaanngitsunut illuartitsisoqarsinnaanera eqqaassanngikkaanni.

Aamma tunngavigineqarpoq ingerlatsinermi sinneqartooruteqarnerup ingerlatsinermiluunniit amigartooruteqarnerup paasineqarnera missingersuutininik ingerlaavartumik nakkutilliinikkut pisassasoq. Ingerlatsinermi amigartoorutit paasisat ukiumi tulliuuttumi missingersuutininut ilanngunneqassapput. Ingerlatsinermi sinneqartoorutit ineqarnermut akiliutinik appartitsinikkut piviusunngortinneqassapput, siunertanut ersseqqinnerusumik nassuiarneqarsimasunut atugassatut illuartinneqassallutik imaluunniit ukiumi tulliuuttumi missingersuutininut ilanngunneqassallutik.

Taamaattumik uanga paasinneqqaarnera malillugu suliassaqarfinni missingersuutitigut isummerfigineqareersimasuni naatsorsuutigeriinngisamik aningaasartuuteqarnerup missingersuusiorneqarnissaa ineqarnermut akiliutinik missingersuutit isertitat aningaasartuutillu oqimaaqatigiiffigisassaat aallaavigalugit aalajangersaanermut tunngavimmu assortuuttuusussaavoq.

Namminersornerullutik Oqartussat kommunilluunniit missingersuutini "tigulaa-riffissanik" imaluunniit ingerlatsinermit sillimmatissanik ilangussiniarpata tamanna ataatsimut aningaasartuutitigut missingersuusiorneqartariaqarpoq.

Tamanna tunngavigalugu Ombudsmandi pillugu inatsimmi § 11 tunngavigalugu manna Inatsisartunut Naalakkersuisunullu nalunaarutigissallugu isumaliutersuuti-gaara, tassalu inissianik attartortitsineq pillugu Inatsisartut peqqussutaannut ilan-gussami missingersuutini immikkut ittunik aningaasartuuteqarfittut imaritinneqar-tut inissianik attartortitsineq pillugu peqqussummi siunertanut taakkununga missi-ngersuutitigut aningaasanik immikkoortitsisoqareersimappat ineqarnermut akiliutit aningaasartuuteqarneq aallaavigalugu aalajangersarneqartarnissaannik piumasa-qammumt assortuutuusut.

Taamaattumik pisortaqarfik qinnuigeqqippara ajornartorsiut allaaserineqartoq pillugu oqaaseqaateqaqqullugu.

Inissiat inoqannginnerini aamma inissiat qimanneqarnerini annaasat qanoq ilillu-tik paasineqartarnerannik pisortaqarfimmut nalunaarutiginneqqusillunga eqqaasit-sissutigisara aamma eqqaasitsissutigeqqippara.

Apeqqut taanna pillugu akissummik tigusaqanngikkuma inissianik attartortitsi-neq pillugu peqqussummut ilanngussap taanna eqqarsaatigalugu erseqqarluttuune-rata Inatsisartunut Naalakkersuisunullu nalunaarutiginnissaa isumaliutersuutiginiar-para, tak. Ombudsmandi pillugu inatsimmi § 11."

Pisortaqarfiup allakkatigut 28. marts 2006-imeersutigut imatut akivaan-ga:

"...

IAP-mit matumuuna missingersuutini a) illuartitat aamma b) attartortoqannginne-rani annaasanut matussusiinermit immikkut ittunik aningaasartuutit akunnerminni ata-qatigiinnerat pillugu itisiliiffiusumik nassuiaatissavatsigit.

IAP-mit isumaqatigineqarpoq najugaqarfimmi attartortoqannginnera peqputiga-lugu annaasaqartoqarnerata paasineqarnissaa kiisalu annaasat taakku amigartoorute-qarnermik kinguneqarsimasinnaanerisa paasineqarnissaa piffissami qaangiuttumi naatsorsuutit misissornerisigut pisarmat, aamma tak. kinguliani allaaserineqartut.

Najugaqarfimmi missingersuutit attartortitsinermit inatsit naapertorlugu aam-malu piffissaq naatsorsuusiorfiusoq qaangiuteqqammersoq tunngavigalugu suliarineqartarput.

Namminersornerullutik Oqartussat inissiaataanni attartortittakkani ineqarnermut akiliut aningaasartuutit tunngavigalugit aalajangerneqartarpoq, taamaattumillu naju-gaqarfimmi ingerlatsinermit aningaasartuuterpiaasunit qaffasinneroqqusaanngilaq appasineroqqusaananiluunniit.

Najugaqarfimmi ukiumoortumik missingersuutini, ukiumi attartornermut akiliu-tip annertussusissaanut aalajangiisartuni ilaatigut attartortoqannginnerani annaasas-anut illuartitat ilaatinneqartarput, kisiannili aamma attartortoqannginnerani annaas-anut "immikkut ittunik aningaasartuutissat" ilaatinneqartarlutik, piffissamut qaa-ngiuttumut naatsorsuutini illuartsinerit siuliani taaneqartut matussusersinnaanngi-saannik amigartooruteqartoqarsimappat matussuttissanik - allaalluunniimmi missi-ngersuutininik misissuinerup kingunerisaanik ineqarnermut akiliummik qaffaasoqar-simagaluarpat.

Taamaattumik IAP-mit ajornartorsiut taasat paasiuminaatsinneqarpoq. Attartor-titsinermit peqqussummi ilaliussani immikkut ittunik aningaasartuutit ataanni ani-ngaasartuutissat aalajangersimasut pineqartut, attartortitsinermit peqqussummi ani-



ngaasartuutit naapertorlugit ineqarnermut akiliummik aalajangersaasarnissamik piumasagaatinut naapertuutinnginnerannik isumaqarnerit attartortitsineq pillugu inatsit atuuttoq naapertorlugu ineqarnermut akiliummik aalajangersaasarnermik paatsuineruvoq. IAP-mit neriuutigaarput allagaq manna paasinninnerulerninnik kinguneqarumaartoq.

Attartortoqannginerani annaasat qanoq ililluni paasineqartarnersut pillugu apeq-qutigisannut tunngatillugu IAP-mit ilisimatitsissutigisinnaavarput, annaasat inissiat inoqannginnerisigut imaluunniit najugaqarfimmi attartortitsinermit isertitassatut missingersuutigineqartuni amigartooruteqarnikkut paasineqartarmata, taakkulu siuliani taaneqartutut illuartitat atorlugit imaluunniit missingersuutininik misissuinerup kingorna ineqarnermut akiliummik qaffaanikkut matussuserneqarsinnaanngikkaangata.

Allanik apeqqutissaqaruit IAP-mut saaffiginneqqinnissamut tikilluaqquneqarputit."

Pisortaqarfik allakkatigut 12. juni 2006-imeersutigut imatut akivara:

"Allakkani 28. marts 2006-imeersuni Ineqarnermut Attaveqarnermullu Pisortaqarfiup oqaatigaa immikkut aningaasartuutit allatat siusinnerusukkut naatsorsuutini paasineqartunut annaasanut tunngasuusut.

Tamatuma kingornatigut inissiat qimannerinut inissiallu inoqannginnerinut atatilugu annaasanut matussutissanngorlugit aningaasat, tassa ineqarfittut immikkoortor-taqarfiup ingerlatsinerani missingersuutini illuartitanut immikkullu aningaasartuutaasunut ilanngunneqarsinnaanerannut aningaasalersuineranut assigiinnut missingersuutit marluk pineqannginnerannik pisortaqarfiup paasinninnera isumaqataaffigisinaavara.

Paasinneqqaarnera unaavoq ukiumut tullermut missingersuusiormissamut missingersuutitut ilanngunneqarsinnaasunik annaasaqartoqarnersoq pillugu apeqqut naatsorsuutinit ataasiakkaanit naliliinerit aallaavigalugit takuneqarsinnaanngitsaq, kisiannili naatsorsuutit ataatsimut isigalugit aningaasanik tigoraaannarnit amigartoorutit aningaasalersorneqanngitsut takuneqarsinnaasariaqarnerat piumasagaataasooq, tamannami aamma Namminersornerullutik Oqartussat kommunillu inissiaataannik attartortittakkanik attartortitsisarneq pillugu Namminersornerullutik Oqartussat nalunaarutaanni nr. 23-mi, 22. december 2003-meersumi §§ 28-mi 31-milu piumasagaataasorinarmat.

Pisoq manna, tassalu aningaasanik tigoraaannarnit amigartoorutit (ingerlaavartut) aningaasanit atugassamaatitut illuartitanit aningaasalersorneqarniarnera, takuuk nalunaarummi § 31, imm. 2, paasinneqqaarnera naapertorlugu imaappoq, inissianut attartortittakkanut inoqanngitsunut aamma inissianut qimatanut aningaasartuutit missingersuusiorneqanngitsut ineqarnermut akiliutinik qaffaanikkut, naatsorsuutit sineqartoorsimassappata, aningaasalersornissaannut inatsisitigut tunngavissaqanngitsaq.

Taamaattumik inissianut attartortittakkanut inoqanngitsunut aamma inissianut qimatanut naatsorsuutiginngisamik aningaasartuutit ineqarnermut akiliutip qaffanneratigut immikkut aningaasalersornissaannut inatsisitigut tunngavissaqarneragaaneq erseqqarluppoq, tassami inissianik attartortitsisarneq pillugu peqqussummi oqimaqqatigiissitsinissamik tunngaviusoq nalunaarummi missingersuutit naatsorsuisarnerlu pillugit malittarisassanut atanileraanni aningaasanit tigoraaannarnit amigartoorutit siunertamut aalajangersimasumut ineqarnermut akiliutinik qaffaanikkut taamaallaat akilersinniarneqarsinnaapput.

Ombudsmandi pillugu Inatsisartut inatsisaanni § 11 naapertorlugu inissianik atartortitsarneq pillugu peqqussummut ilanngussaq 1 amigaateqarneranik imaluunniit kukkuneqarneranik Inatsisartunut Naalakkersuisunullu nalunaarutiginninnissanut isummertinnanga pisortaqarfik qinnuigaara apeqqutit qulaani taaneqartut oqaaseqateqarfigeqqullugit."

Allakkat 19. juni 2006-imeersut imaattut pisortaqarfimmit tamatuma kingornatigut tiguakka:

"Ineqarnermut Attaveqarermullu Pisortaqarfiup (IAP) siuliani taaneqartut pillugit allakkatit 12. juni 2006-imeersut tiguai, matumuunalu saaffiginnissutinnut akisuteqassalluni. IAP-miit aallarniutigalugu akissutitta kingusippallaarnera, sulinnngiffeqartoqarneranik peqquteqartoq pillugu utoqqatserusuppugut.

IAP paasisinnaasai malillugit tassani pineqartumut ataatsimut tunngatillugu missingersuusiat marluk pineqanngitsut isumaqatigiissutigineqarpoq.

Siusinnerusukkat attaveqatigiinnermi oqaatigineqareersutut IAP-mi isumaqatigaatsigit, annaasat ukiunut missingersuusiortifiusunut tulliuuttunut missingersuutinut ilanngunneqarsinnaanersut pillugit apeqqut piffissami qaangiuttumi naatsorsuutit tamakkiisut tunngavigalugit pilermat.

Naatsorsuutit tamakkiisut nikisiterinernik ataasiakkaanik arlalinnik immikkoortorparput, ataasiakkaarlutik sinneqartoorutinik amigartoorutinilluunniit takussutissaqarfiusinnaasunik. Missingersuutit tamakkiisut naatsorsuutit tamakkiisut tunngavigalugit suliarineqartaraluartut, missingersuutini ataasiakkaani qaffaataasinnaasut nalinginnaasumik piffissami qaangiuttumi naatsorsuutit tamatumunnga tunngasortaani amigartooruteqarnermik tunngaveqartinneqartarput.

Allakkanni oqaaseq akiliisinnaassutsikkut amigartoorutit attartortitsineq pillugu peqqussummi § 31, imm. 2-mut kaputartuuppat. Tamannali paasinerluinermik tunngaveqarpoq, tassami § 31, imm. 2 ingerlatsinermi amigartoorutinut tunngasuuvooq, taannalu naatsorsuutinut tunngatillugu allatut isumaqarpoq.

Taanna eqqarsaatigissanngikkaanni IAP-miit erseqqissaqissavarput, ukiumut tulliuuttumut aatsaat atuutilersussamik, aammalu aatsaat missingersuutit misissorne-rani paasineqarsimappat ingerlatsinermi amigartoorutit missingersuutitigit iluarsiisutissatut akuerisaasut iluanni matussuserneqarsinnaanngippata attartornermut akiliiummik qaffaasoqarsinnaammat.

Ataatsimut isigalugu tamanna attartortitsineq pillugu peqqussummi ineqarnermut akiliutip aningaasartuutit malillugit aalajangiiffigineqartarnissaanik siunertaasumik tunngaveqarpoq. Taanna malillugu najugaqarfimmi amigartooruteqarneq paasineqarpat, amigartoorutit attartortunit najugaqarfimmi pineqartumi najugaqartunit matussuserneqartussaapput. Annaasanut allanik akiliisussaqaanngilaq."

Pisortaqarfik allakkatigut 14. november 2006-imeersutigut imatut nalunaarfigaara:

"Pisortaqarfiup allagai 19. juli 2006-imeersut misissoreerpakka, nalunaarummilu nr. 23-mi, 22. december 2003-meersumi § 31, imm. 2-p ingerlatsinermi amigartoorutinut, imaanngitsoq akiliisinnaassuseqarnermi amigartoorutinut nalunaarummi § 31, imm. 3-kkut aalajangersaavigineqartunut, tunngasuuneranik pisortaqarfiup paasinninera ilalersinnaavara.

Tulliullugu maluginiarpara annaasat ineqarnermut akiliutinik qaffaanikkut matu-neqartussaanerannik apeqqutit naatsorsuutit ataatsimut isigalugit annaasat taakku

naatsorsuutinit matuneqarsinnaanerannik apeqqut tunngavigalugu aalajangiivigineqartussaanerani pisorta qarfiup oqarnera isumaqatigaara.

Tamatuma kingornatigut ajornartorsiut inissianik attartortitsisarneq pillugu Inatsisartut peqqussutaanni erseqqarluttumik allaaserineqartutut isigisara kinguleruppoq, taamaattumillu aalajangerpunga Inatsisartut Naalakkersuisullu tamatuminnga ilisimatinniarlugit, tak. Ombudsmandi pillugu inatsimmi § 11.

Pineqartuq tassaavoq:

Aningaasartuutit Inatsisartut peqqussutaannut ilanngussami 1-imi (amma ilaqtariinnut ataatsinut illut illullu affarleriit eqqarsaatigalugit imm. 2-mi) taaneqartut missingersuutinit ineqarnermut akiliutinik aalajangersaanermut tunngaviusunut ilaatinneqarnissaat inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 28, imm. 3-kkut tunngavissalerneqarpoq.

Ilanngussami tassani immikkut ittumik aningaasartuutit ineqarnermut akiliutinik naatsorsuinermi ilaatinneqarsinnaasut makku ilaatigut taaneqarput:

"Inissianik attartortoqannginnerani annaasat  
Inissianiit nuuttoqarnerani annaasat  
Ernianut aningaasartuutit  
Ingerlatsinermi akiliisinnaassuseqarnermilu amigartoorutinut annaasat"

Annaasaqartoqarsimanerani ineqarnermut akiliutinik aalajangersaanermi ilaatinneqarsinnaasunik peqarnerani apeqqut naatsorsuutit tamarmiusut ingerlatsinermi akiliisinnaassuseqarnermilu amigartooruteqartoqarnerani apeqqut tunngavigalugu aalajangiivigineqartussaammatt ineqarnermut akiliutit aningaasartuutit tunngavigalugit aalajangersarneqartussaanerannik Inatsisartut peqqussutaatigut piumasaqaat isiginiarlugu uanga paasinninnera unaavoq inissianik attartortoqannginnerani annaasat amma inissianit nuuttoqarnerani annaasat immikkut ittumik aningaasartuutit ineqarnermut akiliutit qaffaataasigut matoqquneqarsinnaanngitsut.

Annaasat taamaattut inissiaqarfittut immikkoortotaqarfiit ataatsimut ingerlanneqarnerisigut aningaasalersorneqartariaqarput, taamaallit immikkut ittumik aningaasartuutit piunerannik apeqqummi aalajangiisuusoq tassaassalluni naatsorsuutit ataatsimut isigalugit ingerlatsinermi akiliisinnaassuseqarnermilu amigartooruteqarfiunersut.

Tamanna tunngavigalugu isumaqarpunga immikkut aningaasartuutaasartut ilanngussani immikkoortiterneqarnerat erseqqarluttuusoq.

Inatsisartut Naalakkersuisullu allakkatigut allatigut ajornartorsiummik ilisimatip-pakka. Allakkat ukua pisorta qarfirmullu siusinnerusukkat allagarisarsimasama asilineri Inatsisartunut Naalakkersuisunullu nassiuppakka."

Pisorta qarfiup allakkatigut 21. november 2006-imeersutigut imatut aki-vaanga:

"Pisortat inissiaataanni attartortittakkani ineqarnermut akiliutinik aalajangersaanermut inatsisitigut tunngavigisami erseqqarluttut pillugit Ombudmandip allagai 13. november 2006-imeersut Ineqarnermut Attaveqarnermullu Pisorta qarfiup tiguai.

Inissianik attartortitsisarneq pillugu peqqussummut ilanngussami 1-imi immikkut ittumik aningaasartuutit suussusilersuinerup erseqqarluttuunerani Ombudsmandip oqarnera pisorta qarfiup isumaqatiginngilaa.

Taamaattorli Ombudsmandip paasinninnera pisortaqarfiup inissianik attartortitsisarneq pillugu peqqussutip tullianik allanngortinneqarnissaani tusaatissatut tiguniarpaa.” (Atorfeqarfimmi nutsigaavoq)

Pisortaqarfiup pisortaa allakkatigut 30. november 2006-imeersutigut imatut akivara:

"Pisortaqarfiup akissutaa 22. november 2006-imi tiguara, tassanilu pisortaqarfiup oqaatigaa paasinninnera Inatsisartut peqqussutaata allanngortinneqarneranut siullermut atatillugu pisortaqarfiup tusaatissatut tiguniaraa.

Taamaattumik suliami annertunerusumik iliuseqqaqqissanngilanga, Inatsisartulli peqqussutaata iluarsivigineqarnissaa pillugu Inatsisartut akuersinnginneranni suliaassanngortussami apeqqummut isummernissara pisariaqartissagaluarukku inissianik attartortoqannginnerani annaasat aamma inissianit nuuttoqarnerani annaasat immikkut ittumik aningaasartuutitut ineqarnermut akiliutinik aalajangersaanermi ilaatinneqarnissaasa inatsisunik eqqortitsisuussaannginnerat aallaaviginiarpara, tak. Inatsisartunut aamma Naalakkersuisunut nalunaarutikka.

Aammali malugaara pisortaqarfiup paasinninninnut isumaqataannginnini pisortaqarfiup akissummini oqaatigigaa.

Pisortaqarfiup paasissutissanik nutaanik saqqumiussinnginnera pissutigalugu suliamik paasinninnerma nalileqqinnissaanut pissutissaqarnanga isumaqartuarpunga.

Malugaara pisortaqarfiup allagai ...-mit atsiorneqarsimasut, pisortaqarfik pillugu nanoq.gl-imi paasissutissat naapertorlugit allaffimmi pisortaasumit.

Tamatumunnga atatillugu 2004-mi ukiumoortumik nalunaarutinni quppernerneq 440 (kalaallisuani) aamma qupperneq 358 (qallunaatuani) ilinnut malugeqquakka.

Tassannga erserpoq aqutsinermi oqartussaasut iluanni sulianik allanut isumagissanngortitsineq pillugu malittarisassat nassatarigaat oqartussaasup qullerpaatut pisortaa kisimi suliamik paasinninninnik isumaqatiginninnginnerminik oqaatiginissinnaasoq, tamannalu taamatut saqqummiussinerup oqartussaasumut qanoq pingaaruteqartigineranut ataneqarpoq.

Pisortaqarfik suliamik uanga paasinninninnik isumaqataanngippat Naalakkersuisuni ilaasortamit pisortaqarfiulluunniit pisortaanit tamatumunnga ilisimatinneqarnissara naatsorsuutigaara.

Suliamilli paasinninnera peqqussutip allanngortinneqarnerani siullermi malinneqarnissaa pisortaqarfiup oqaatigimmagu suliami pineqartumi paasinninninnik pisortaqarfiup isumaqataannginneranik oqaatiginninneq tunngavigalugu annertunerusumik iliuseqqaqqissanngilanga.”

## **2005-imi ukiumoortumik nalunaarut, immikkoortoq 7, qupperneq 429**

### **Kommunini atorfeqartitaasut akissarsiaannik aqutsineq J.nr. 11.73.-20.10/057-02)**

K Kommunip akissutaanik tigusaqanngiinnarama tamanna allakkatigut 29. marts 2006-imeersutigut Naalakkersuisunut aamma Inatsisartut Inatsisit Atortinneqarnerannut Ataatsimiititaliaannut nalunaarutigaara, tak. Ombudsmandi pillugu inatsimmi § 10.

Naalackersuisut Allattoqarfianni Nunamut Namminermt Tunngasunut Allaffeqarfiup akissutaa Nunamut Namminermt Tunngasunut Allaffeqarfiup K Kommunimut allagaasa assilinerannik ilaqartinneqartoq 3. april 2006-imi tiguara, allakkallu taakku assilinerannit erserpoq saaffiginnissutinnut K Kommunip akissuteqarnissaanut Nunamut Namminermt Tunngasunut Allaffeqarfimmit 18. april 2006 killiliunneqarsimasoq. Nunamut Namminermt Allaffeqarfiup K Kommunimut allagaanit aamma erserpoq:

“ ...

Qinnutigisaaq taanna kommunip naammassinngippagu Allattoqarfiup kommuni Kommuninik Nakkutilliisoqarfimmut nalunaarutigisariaqassavaa, kommunip kommuninik aqutsineq pillugu inatsit tunngavigalugu pineqaatissinneqarsinnaanerani nalliiisoqarnissaa siunertaralugu. (Atorfeqarfimmi nutsigaavoq)

Nunamut Namminermt Tunngasunut Allaffeqarfiup K Kommunimut allagaasa 20. april 2006-imeersut assilinerat imaattunik oqaasertaqartoq 21. april 2006-imi tiguara:

"Naalackersuisut Allattoqarfiata K Kommuni 3. april 2006-imi allaffigaa, kommunilu qinnuigalugu A-p, inuttut normua ..., akissarsiaanik tunniussisarnernik kommunip aqutsinera pillugu Ombudsmandip saaffiginnissutai akeqqullugit.

Nakkutilliisoqarfiup Allattoqarfiata kommuni qinnuigaa paasissutissat pisariaqartut pissarsiariniaqqullugit Ombudsmandimullu piaarnerpaamik nassiuteqqullugit, **kingusinnerpaamik 18. april 2006-imi.**

Allattoqarfiup tamatumunnga peqatigitillugu oqaatigaa kommuni paasissutissanik Inatsisartut Ombudsmandiannut kingusinnerpaamik 18. april 2006-imi nassiusinnngippat Allattoqarfiup kommuni Kommuninik Nakkutilliisoqarfimmut nalunaarutigisariaqassagaa, kommunip kommuninik aqutsineq pillugu inatsit tunngavigalugu pineqaatissinneqarsinnaanerani nalliiisoqarnissaa siunertaralugu.

Inatsisartut Ombudsmandiata Nakkutilliisoqarfiup Allattoqarfianut ullumikkut oqaatigaa paasissutissat pisariaqartut kommunip *nassiussimanngikkai*.

Taamaattumik Nakkutilliisoqarfiup ataatsimiinnissaani aggersumi siullermi Allattoqarfiup inassuteqaatiginiarpaa kommunalbestyrelsimi ilaasortat paasissutissat pisariaqartut Inatsisartut Ombudsmandiannut nassiunneqarnissaasa tungaanut kommunalbestyrelsit, nunaqarfiit aqutsisui il.il. pillugit Inatsisartut inatsisaanni nr. 20-mi, 3. november 1994-imeersumi § 61, imm. 3 tunngavigalugu akiliisussannngortinneqassasut.” (Atorfeqarfimmi nutsigaavoq)

Oqaaseqaatiga 21. november 2002-meersoq K Kommunip qinnuteqarnera malillugu mailikkut 25. april 2006-imi nassiuteqqippara.

K Kommunimut 26. april 2006-imi imatut allappunga:

"Nakkutilliisoqarfiup kommunimut kingullermik allagaanut 20. april 2006-imeersunut atatillugu kommunip kommunaldirektøriata inatsisilerinermi pisortara oqarasuaatikkut 25. april 2006-imi attaveqarfigaa, allakkanilu taakkunani oqaatigineqarsimavoq kommunip akissuteqarnissamut pisussaaffeqarnera aqutsineq pillugu

inatsimmi pinngitsaaliiniutitut tunngavissalerneqartut atorlugit pinngitsaaliissutigineqarnissaa Nakkutilliisoqarfiup isumaliutersuutigigaa.

Kommunaldirektørip oqaatigaa kommunalbestyrelsimit imaluunniit (borgmesterip suliamik suliarinninnermi peqataasinnaanginnerata nassatarisaanik) aningaasaqarnermut ataatsimiititaliamit erseqqissumik piginnaatinneqarnini malillugu A-p akissarsiffimmi 08/00-imi akissarsiaanik naatsorsuinissani aamma suliarinneqqinneq pillugu A-mut nassuiaateqarnissani piareersimaffigigini.

Kommunaldirektøri naliiivoq suliassaq taanna 2006-imi majip ingerlanerani aat-saat inaarlugu suliarineqarsinnaassagunartoq.

Tamatumunnga atatillugu, inatsisilerinnermi pisortap aamma oqaatigisimasaatut, manna uppernarsarpara, tassalu suliami inassuteqaatinnut kommunip akissutaata 2006-imi majip naanerani tigunissaa naatsorsuutigigiga.

Kommunalbestyrelsimut tamatumunnga peqatigitillugu malugeqqullugu oqaatigaara akissummik 2006-imi majip naanerani tigusaqarsimanngikkuma kommunalbestyrelsimut manna naatsorsuutigisariaqaraa, tassalu ilimasaaruteqaqqinnanga Nakkutilliisoqarfik qinnuiginiariga kommunip uanga saaffiginnissutinnut akissuteqarnissaminut pisussaaffeqarnerata kommuninik aqutsineq pillugu inatsimmi pinngitsaaliiniutitut aalajangersarneqarsimasut atorlugit pinngitsaaliissutigineqarnissaa Nakkutilliisoqarfiup isumaliutersuutigisagaa.

Kommunalbestyrelsi matumuuna eqqaasippara 21. november 2002-mi inassuteqaatigisimagiga A-p akissarsiai naatsorsoqqinneqassasut."

K Kommunip Naalakkersuisut Allattoqarfiannut telefaxikkut ulloq taanna nassiussaata assilineri 26. april 2006-imi tiguara, tassanngalu erserpoq:

"K Kommunip matumuuna nalunaarutigissavaa suliaq suliakkiisumit A-mit allakkatigut ullulernerqarsimasutigut 26. april 2006 unitseqquneqarmat.

Qulaani pineqartoq tunngavigalugu neriuppugut suliaq naammassineqassasoq."

K Kommunip telefaxikkut nassiussaa A-p K Kommunimi kommunalbestyrelsimut allagaasa 26. april 2006-imeersut assilinerannik imaattumik ilaqartinneqarpoq:

"Ombudsmandimut suliassanngortissimasara matumuuna qinnutigivara unitsinneqarnissaa, pissutigalugu suliaq sivisuallaamik ingerlasimammat kiisalu allaffisornermut suliaqutaannartut isigilerakku."

Suliaq K Kommuni eqqarsaatigalugu allakkatigut 12. juli 2006-imeersutigut imaattutigut inaarlugu suliaara:

"A-p akissarsisitsinnermi 08/00-imi akissarsiaasa kommunimit naatsorsoqqinneqarnissaannik aamma kommunip akissarsianik aqqiissuteqarfiginnissimanerit atasiakkaarlugit A-mut ilassutaasumik nassuiaateqarnissaanik inassuteqaatima malitseqartitsivigineqarnissaat A-p kissaatiginnikkaa kommunimit ilisimatitsissut 26. april 2006-imi tiguara.

Paasisutissiissutigineqartoq tusaatissatut tiguara, tamatumunngalu peqatigitillugu oqaatigalugu A-p kissaatigisaa apeqqaatinnagu suliaq malitseqartitsivigisariaqarneriga isumaliutersuutigisimagiga, tassami suliamik misissuineq ingerlatara taanna nammineerluni misissuiffiginnertut aallartissimagakku, tak. Ombudsmandi pillugu inatsimmi § 6, imm. 5.

Akissarsisitsinermut pineqartumut atatillugu kommunip A-mut amigartumik paasissutissiisimaneranik oqaaseqaatinni 21. november 2001-imeersumi isornartorsiuisimanagera suli aamma aalajangiusimasara pineqarmat, pisumik A-p kukkunerup aaqinneqarnissaanik inatsisit tunngavigalugit piumasaqarsinnaatitaasup kukkunerup aaqinneqarnissaanik pisariaqanngitsutut isiginniffianik misissuinnerma ingerlatteqinnissaanut tunngavissaqarnanga isumaqarpunga.

Taamaattumik suliamut atatillugu annertunerusumik iliuuseqaqqissanngilanga.”

### **2005-imi ukiumoortumik nalunaarut, immikkoortoq 7, qupperneq 430 tullialu**

**Kommunit allaffissianik assigiissaakkanik akiliisitsiniarnermi atuinerannik Akileraartarnermi Pisorta qarfiup nakkutilliinera (J.nr. 11-73.49.30/012-02)**

Misissuinnera ukiup nalunaarusiuunneqartup naanerani suli naammassinngilara.

### **2005-imi ukiumoortumik nalunaarut, immikkoortoq 7, qupperneq 431**

**Isumaqtigiissut naapertorlugu atorfeqartitaasumik soraarsitsineq (J.nr. 11.73.21.01/101-98)**

Suliaq K Kommunimut allakkatigut 23. januar 2006-imeersutigut imaattutigut inaarlugu suliaaraa:

"Kommunip allagai 22. november 2005-imeersut allakkanni 7. april 2004-meersuni inassuteqaatima malinneqarniarnerannik kommunip paasissutissiisutigisai tiguakka.

Taamaattumik suliami annertunerusumik iliuuseqaqqissanngilanga.”

### **2005-imi ukiumoortumik nalunaarut, immikkoortoq 7, qupperneq 498 tullililu**

**Napparsimasunut tarnimikkut nappaatillit eqqartuunneqarnermik-kut inissinneqarsimasut eqqarsaatigalugit Namminersornerullutik Oqartussat kommunillu akisussaaffeqarnerat pisinnaatitaanerallu (J. nr. 11.73.01/96)**

Ilaqutariinnermut Pisorta qarfiup Statsministereqarfimmut aamma Peqqissutsimut Pisorta qarfiimmut allagai 3. april 2006-imeersut pillugit pisorta qarfiup ilisimatitsissutaa 5. april 2006-imi tiguara:

Statsministereqarfimmut allakkat imaattunik oqaasertaqarput:



"Folketingip Ombudsmandianit Statsministeriamut allakkakkut 13. februar 2006-imeersuklut Folketingip Ombudsmandianut apeqquteqarpoq tarnimikkut nappaatilit katsorsartereersimasut Kalaallit Nunaannut angerlartinneqarnissaat pillugu suliami qanoq pisoqaqqissimanersoq.

Ilaqutariinnermut Pisortaqarfiup oqaatigisinnaavaa tarnimikkut nappaatilinnik katsorsartereersimasunik angerlartitsinermit killiffik imaammat.

Suliassat allaaserineqarnerat:

Tarnimikkut nappaatillit katsorsartereersut angerlartinneqarnissaat pillugu qupersagaaraq naqiterneqassamaarpoq 2006-imilu majiutinnagu Ilaqutariinnermut Pisortaqarfiup nittartagaanut ikineqassamaarluni.

Inatsisinik allanngortitsineq:

Ilaqutariinnermut Pisortaqarfiup april 2006-imi suleqatigiissitaq pilersinniarpaa innarluutilinnik isumaginninnermut tunngassuteqartuni inatsisinik misissuisussaq inunnut annertuumik innarluutilinnut ikiorsiisarneq pillugu Inatsisartut peqqussutisaata nutaap naleqqussakkallu suliarineqarnissaa siunertaralugu.

Suleqatigiissitap suliassarissavaattaq pissusissamisoornersoq inatsisit allanngortinneqarnissaat taamaalilluni piffissami killilikkami inuup inimi parnaakkami mat-tunneqartarnissaa periarfissillugu.

Piginnaanngorsaaneq:

Ilaqutariinnermut Pisortaqarfik 2006-imut Aningaasanut inatsissiami Danmarkimi tarnimikkut nappaatilinnik katsorsartereersunik angerlartitsinermit atatillugu tarnimikkut nappaatillit tapersersortaannut immikkoortortalersukkamik pikkorissartitsinissamat aningaasaliissutissanik qinnuteqarpoq.

Aningaasaliissutissat qinnutigineqarput pikkorissartitsinermit atatillugu aningaasartuutit tamaasa akilerneqartarnissaannut taamatuttaaq ilinniartitsisunik allaneersunik akissarsiaqartitsinissamat. Pikkorissartitsinissaq pilersaarutigineqarpoq ukiuni 2006-imiit 2008-mut, 2006-imi 1,7 mio. koruunit, 2007-imi 2,6 mio. koruunit 2008-milu 0,9 mio. koruunit atugassanngortinneqassamaarlutik.

Taamaalilluni Ilaqutariinnermut Pisortaqarfiup sulisunik piginnaanngorsaaner-mut Kultureqarnermut, Ilinniartitaanermit, Ilisimatusarnermit Ilageeqarnermullu Pisortaqarfimmiit akisussaaffik tiggummilerpaa.

Suliffissaqartitsineq:

Ilaqutariinnermut Pisortaqarfiup sulineq aallartippaa inatsisitigut tunngavissaqalernissamat periarfissanik misissuilluni sannavinnullu illersukkanut ingerlatsiner-mut tapiissutinut aningaasaliissutissanik nassaarniarluni.

Ilaqutariinnermut Pisortaqarfiup kissaatigaa inunnut annertuumik innarluutilin-nut ikiorsiisarneq pillugu Inatsisartut peqqussutaata allanngortinneqarnissaanut siunnersuummik saqqummiussinissani taamaalilluni kommunit annertuumik innarluutilinnik suliffissaqartitsinerannut ingerlatsinermit tapiissuteqartarnermit inatsi-sitigut tunngavissaqalissammat, taamatuttaaq sannavinni illersukkani tarnimikkut nappaatilinnut. Peqatigitillugu pisortaqarfik ingerlatsinermit tapiissuteqartarnissamat aningaasaliissutissanik nassaarnialerpoq.

Taamatullu Socialministeriap nalunaarutaa nr. 730, 1. juli 2004-meersoq iluarsaa-teqqinneqalerpoq, taamaalilluni tarnimikkut nappaatillit ilanngunneqarniassam-mata.

Ilisimatitsissutigineqassaaq 2005-imi tarnimigut nappaatilik katsorsartilluni naammassereersimasoq angerlartinneqarsimannngimmat. Pineqartoq ulloq unnuarluni

paaqinniffimmut Sungiusarfik Aaqamut naleqqussimannigilaq angerlartitsinissamullu utaqqineqarpoq kommunip naleqquttumik inissamik nassaarnissaa.

Naggasiullugu Ilaqutariinnermut Pisortaqarfiup oqaatigissavaa tarnimigut nappaatillip piffissami paaqinniffimmut inissiiviusumi kommuni angerlarsimaffia angerlartitsisoqartussanngortillugu komunitut angerlarsimaffiinnartarmat. Tassa imaappoq kommunip isumagissavaa inissaqarnissaq suliffissaqartitsinermullu aamma siusinaartumik pensionisiaqalernissamut isumaginninnermilu suliassanut allanut periarfissarsiorussaalluni."

Peqqissutsimut Pisortaqarfimmut allakkat imaattunik oqaasertaqarput:

"Inatsisartut Ombudsmandiata Ilaqutariinnermut Pisortaqarfik allakkatigut 17. november 2005-imeersutigut qinnuigaa tarnimikkut napparsimasut eqqartuunneqarnermikkut Danmarkimi inissinneqarsimasut naammassillugit katsorsarneqarsimasut angerlartinneqarneranni killiffik nalunaarutigeqqullugu. Inatsiseqartitsinikkut tunngavissap pissarsiarineqarneranut atatillugu Naalakkersuisut qanoq iliuseqalersaernerat Ombudsmandip tamatumunnga peqatigitillugu apeqqutigaa, siusinnerusukkullu allaffigeqatigiittarnermi allakkat 18. december 2002-meersut, 4. april 2003-meersut aamma 10. oktober 2003-meersut innersuussutigalugit.

Immikkoortut uku Peqqissutsimut pisortaqarfimmut oqaloqatigiissutigineqarnissaat Ilaqutariinnermut Pisortaqarfiup kissaatigaa, Ilaqutariinnermummi Pisortaqarfik isumaqarmat immikkoortut taakku Peqqissutsimut Pisortaqarfiup ataani aalajangersaaffigineqarnissaminut naleqqunnerpaajusut.

1. Inatsiseqartitsinikkut tunngavissap pissarsiarineqarnera.

Inatsisartut Ombudsmandiata allakkani 18. december 2002-meersuni oqaatigaa inatsisitigut tunngavissamik tulleriinneri malillugit qallunaat kalaallilu oqartussaa tarnimikkut napparsimasut eqqartuunneqarnermikkut inissinneqarsimasut angerlartinneqarnissaminut naleqquttut tiguneqartarnerinut atatillugu akisussaaffittut sunik pisussaaffeqarnerinik allaaserinnittunik peqarnissaa kissaatiginartuusooq. Inatsisartut Ombudsmandiata tamatumunnga atatillugu oqaatigaa inatsisitigut tunngavissaq taamaattoq Kalaallit Nunaanni tarnimikkut napparsimasut pillugit inatsisikkorpiaq pissarsiarineqarsinnaanera naleqqunnerpaassasoq.

Taamanikkut aalajangerneqarpoq inatsisitigut tunngavissaq taamaattoq tarnimikkut napparsimasut eqqartuunneqarnermikkut inissinneqarsimasut angerlartinneqarnerat pillugu suleqatigiissitaliap suliassanut ilaatinneqassasoq. Apeqqulli taanna suleqatigiissitaliap isummerfigisimannigilaa.

Ilaqutariinnermut Pisortaqarfiup paasinninnera unaavoq Ombudsmandimit oqaatigineqartutut tarnimikkut napparsimasut eqqartuunneqarnermikkut inissinneqarsimasut angerlartinneqarnerannut inatsisitigut tunngavissap pissarsiarineqarnerata Kalaallit Nunaanni tarnikkut napparsimasut pillugit inatsit suliarineqassanersoq Namminersornerullutik Oqartussat isumaliutersuuteqarneranni ilaatinneqarnera naleqquttuussasoq. Tarnimikkut napparsimasut pillugit inatsisip suliarineqarnera Peqqissutsimut Pisortaqarfiup ataaniimmat Ilaqutariinnermut Pisortaqarfiup pisortaqarfik kaammattorniarpaa inatsisitigut tunngavissarpiaq pissarsiarineqassanersoq imaluunniit tamanna pisariaqannginnersoq isumaliutersuutigeqqullugu, tassami tarnikkut napparsimasunut eqqartuunneqarnermikkut inissinneqarsimasunut angerlartinneqartunut tigusinissamut periarfissat naleqquttut pigineqarnissaat kommunit akisussaaffigigaat qulaajarneqareersimammat.

2. Immikkoortortaqrarfimmik parnaarneqarsinnaasumik peqarnissamut inatsisitigut tunngavigisaq.

Tarnimikkut napparsimasut eqqartuunneqarnermikkut inissinneqarsimasut naamassillugit katsorsarneqarsimasut angerlartinneqarnerat pillugu suleqatigiissitaliap nalunaarusiamini aammattaaq kaammattuutigaa inuup piffissami aalajangersimasumik sivissuseqartumi ulloq unnuarlu paaqqinniffimmi Aaqami inimi parnaarsimasumi mattusimaneqarsinnaanerannut inatsisitigut tunngavissamik pilersit-sisoqassasoq.

Ilaqutariinnermut Pisortaqarfiup isumaa unaavoq inunnik eqqartuussutitaqangit-sumik pinngitsaaliinikkut mattussinissamut periarfissaq iliuusiusoq ima annertutigi-sumik akulerunnerusoq, tamanna inatsisitigut erseqqissumik tunngaveqarnissamik piumasaqaateqarfiulluni, inatsisitigut tunngavissaq taamaattoq tarnimikkut napparsimasut pillugit inatsimmi pinngitsaaliineq pillugu malittarisassat ataanni pissusissamisoortumik inissisimasoq.

Peqqissutsimut Pisortaqarfiup Ilaqutariinnermut Pisortaqarfimmu oqaatigisimavaa tarnikkut napparsimasunik katsorsaanermi pinngitsaaliinermik atuineq pillugu Inatsisartut peqqussutaat suliarineqalersoq, taassumalu Inatsisartut 2008-mi 2009-miluunniit ataatsimiinneranni saqqummiunneqarnissaa naatsorsuutigineqartoq.

Ilaqutariinnermut Pisortaqarfiup tamatumunnga atatillugu siunnersuutiginiarpaa inummit piffissami aalajangersimasumi inimi parnaarsimasumi mattussinissamut periarfissaqartitsisoqarsinnaanera Peqqissutsimut Pisortaqarfiup isumaliutersuutaa-ni ilaatinneqassasoq.” (Atorfeqarfimmi nutsigaavoq)

Ilaqutariinnermut Pisortaqarfiup allagai 14. november 2005-imi ullulerneqarsimasut imaattut 25. april 2006-imi tiguakka:

"Inatsisartut Ombudsmandiat Kalaallit Nunaanni Naalakkersuisunut allakkatigut 12. oktober 2005-imeersutigut tarnimikkut napparsimasut eqqartuussaaneremikkut inissinneqarsimasut naamassillugit katsorsarneqarsimasut Danmarkimit angerlartinneqarnerannik nassuiaatip malitseqartitsivigineqarnera pillugu saaffiginnippoq.

Ilaqutariinnermut Pisortaqarfiup Inatsisartut Ombudsmandiat 26. marts 2005-imi allaffigisimavaa, taakkulu kukkunikkut nassiunneqangitsoorsimapput.

Ilaqutariinnermut Pisortaqarfiup aammattaaq oqaatigisinnaavaa Atlantikup Avannaamiuisa ataatsimiititaliaata ataatsimiinnerani isumaqatigiissutigineqarsimammatt suliaasaqarfimmi tassani suliniutaasut piviusunnngortinneqarneranni killiffik pillugu paasissutissat Namminersornerullutik Oqartussat Statsministereqarfimmut ukiup nikinnerani nassitutissagaat.

Allakkat assilinerat Inatsisartut Ombudsmandiannut ilisimatitsissutitut Ilaqutariinnermut Pisortaqarfiup nassiunniarpaa.” (Atorfeqarfimmi nutsigaavoq)

Peqqissutsimut Pisortaqarfiup allagai imaattut 18. august 2006-imi tiguakka:

"Inatsisartut Ombudsmandiata aamma Peqqissutsimut Pisortaqarfiup eqqartorpaat kalaallit tarnikkut nappaatilittut pineqaatissinneqarsimasut katsorsarneqarneranni kikkut akiliuteqartarnissamut akisussaasuussanersut. Kingorna pisortaqarfiup apeqquq qulaarniarlugu suliaq misissorpaa.

Pisortaqarfiup paasivaa Kalaallit Nunaanni peqqinnissaqarfik tarnikkut nappaatilittut pineqaatissinneqarsimasunut akisussaasuusoq.

1970-imi kommunit allangortiterneqarnerisa tungaanut napparsimmaveqarfiit kommunit amtillu isumagisarigaluarpaat. Kommunit allangortiterneqarmata napparsimmaviit timileriffiit amtinut 14-inut kommuninullu 275-inut nutaanut, tassunga ilaallutik Københavnip Frederiksbergillu kommunii, nuunneqarput. Taamaalluni kommunit allangortiterneqarnerisa atuutilersinneqarnerani suliassat taakkuale agguataarneqartarnerat naalagaaffimmiit amtinut kommuninullu nuunneqarput. Kommunit amtillu oqartussaassuseqarnerulerput suliassaqarnerulerlutillu, taamaallutillu peqqinnissaqarfinni suliassaqarfiit akisussaaffigilerlugit.

Kommunit allangortiterneqarnissaasa piviusunngortinneqannginneranni, kommunit amtillu aningaasartuutaat naalagaaffiup utertittarpai. Tamanna 1970-imi kommunit allangortiterneqarneranni allannuuteqartinneqarpoq, tamatumani utertitsisarnermik aaqqissuussineq nalinginnaasumik naalagaaffiup tapiissutigisartagaanik (ataatsimoortumik tapiissutit) taarteqartinneqarluni. Tapiissutit nalinginnaasut (ataatsimoortumik tapiissutit) aningaasartuuteqarfissanut aalajangersimasunut tungatitaanngillat, takuuk qupp. 1, kapitali 1: "Kommunit allangortiterneqarnerat pilerpog", naqitani/kommunit allangortiterneqarnerat – naatsumik oqaatigalugu, aamma kapitali 4-mi qupp. 1: Kommunit allangortiterneqarnerisa kingorna pisortat aningaasaqarniarnerat naqitani/kommunit allangortiterneqarnerat – naatsumik oqaatigalugu. Amtskommunit nalinginnaasumik naalagaaffimmit tapiissutaasut isumagisassatut suliat eqqarsaatigalugit nammattusaassavaat.

1976-imi siornatigut naalagaaffiup tarnikkut nappaatilinnut napparsimmavii kii-salu tassunga atasumik paaqqinniffii, sumiiffimmiiginnarlutik, amtskommunitinut nuunneqarput, takuuk naalagaaffiup napparsimmaviisa amtskommunitinut nuunneqarnissaat pillugu inatsit nr. 328, 26/06/1975-imeersoq, §§ 1 aamma 8. 1. april 1976-ip kingorna, inatsit atuutilermat, tarnikkut nappaatilinnut napparsimmaviit amtskommunitinut atalerput, takuuk naalagaaffiup napparsimmaviisa amtskommunitinut nuunneqarnissaat pillugu inatsimmi § 8.

Naalagaaffiup napparsimmaviisa amtskommunitinut nuunneqarnissaat pillugu inatsimmi nr. 328-mi, 26/06/1975-imeersumi § 3, imm. 1 naapertorlugu amtskommunit aamma Københavnip Frederiksbergillu kommuniiisa (kingorna Hovedstadens Sygehusfællesskabinnngortinneqartut) tarnikkut nappaatilinnut napparsimmaviuti-minni napparsimmaviilluunniit immikkoortuini inuit ima inissisimasut uninngatis-sallugit pisussaaffigaat:

- Inuit, eqqartuussivitsigut pineqaatissinneqareernikkut tarnimikkut misissortit-tussanngortinneqartut.

- Inuit, pineqaatissinneqarneq aalajangiivigineqarnerluunniit naapertorlugu tar-nikkut nappaatilinnut napparsimmavimmiittussanngortinneqartut imaluunniit allatut tarnimikkut katsorsarneqartussanngortinneqartut.

- Inuit, inatsisinik atuutsitsinermut ministereqarfiup imaluunniit naalagaaffiup pi-sortaaneqarfiisa aalajangiinerisigut tarnikkut nappaatillit napparsimmavianniittus-sanngortinneqartut.

- Inuit, misiligummik iperagaanissamat piumasaqaatit imaluunniit eqqartuus-sassaajunnaarnikkut tarnimikkut katsorsarneqartussanngortinneqartut.

Naalagaaffiup napparsimmaviisa amtskommunitinut nuunneqarnissaat pillugu inatsimmi nr. 328-mi, 26/06/1975-imeersumi § 3, imm. 2 naapertorlugu inissiarfi-up isumannaallisakkap Nykøbing Sjællandimi naalagaaffiup napparsimmavianut atasuusup, Vestsjællandillu amtskommunitinut ingerlateqqinneqartup, inuit ima inis-sisimasut uninngatittartussaavai:

· Inuit, pineqaatissinneqarnermikkut imaluunniit pisortatigut aalajangiiffigineqar-nikkut inissiisarfimmut isumannaallisakkamiittussanngortinneqartut.

· Inuit, pineqaatissinneqareernikkut tarnimikkut nappaatilinnut napparsimmavin-ni tarnimikkut misissortittussanngortinneqartut, unnerluussisussaataitasunillu inis-siisarfimmut isumannaallisakkamiittussaasutut naliliiffigineqartut.

Taamaalilluni Naalagaaffiup napparsimmaviisa amtskommuninut nuunneqarnis-saat pillugu inatsit nr. 328, 26/06/1975-imeersoq naapertorlugu amtskommunit qa-noq ittumilluunniit tarnimikkut nappaatillit tamaasa akisussaaffiginerat isumagisa-rilerpaat, taakkua pineqaatissinneqarlutik inissitaappata nalinginnaasumilluunniit tarnimikkut nappaateqartuuppata. Naalagaaffiup amtskommuninut kommuninullu naalagaaffiup tapiissutaasigut/ataatsimoortumik tapiissutitigut suli qanoq pisussaa-suutiginera oqallisigineqarsinnaavoq. Soorunami taamaattuuvuq, taassumami ani-ngaasartuutit akileeqataaffigisarpai, aammami suli kommunit allangortiterneqan-ginnerisa siorna taamaappoq, tamannami aningaasartuutit utertittarnerisigut pisar-mat. Aalajangiuisimaannarneqarsinnaavorli, 1970-imi 1970-ikkullu ingerlaneranni, tamatumani isumagisassanngortiterineq ingerlanneqarmat, kommunit allanngorti-terneqarneranni akisussaaffiit amtskommuninut kommuninullu nuunneqarnerat.

Taamaalilluni kommunit allanngortiterneqareerneranni napparsimmaveqarfiit a-kisussaaffigineqarnerat allannguuteqarpoq, aamma tamatumani tarnikkut nappaati-littut pineqaatissinneqarsimasut pineqaraangata. Naalagaaffiup napparsimmaveqar-finnut ingerlatsisuunera 1995-imi taamaativinneqarpoq, tamatumani Rigshospitali allamat isumagisassanngortinneqarmat, takuuk Sundhedsministeriap naqitaani qupp. 2.

Taamaalilluni Danmarkimi peqqinnissaqarfiup Namminersornerullutik Oqartus-sat peqqinnissaqarfimmik isumaginnilerisa siornali tarnikkut nappaatilitutt pine-qaatissinneqartartut akisussaaffiginerat isumagisarilerpaa. Tarnikkut nappaatilitutt pineqaatissinneqartartunut aningaasartuutit ataatsimoortumik tapiissutinut, Nammi-nersornerullutik Oqartussat pissarsiarisartagaannut, ilanngullugit naatsorsuutigine-qartarput."

Pisortaqarfiup akissutaata qanoq iliuuseqarnermut pissutissaqalersitsine-ra ukiup nalunaarusiuunneqartup naanerani suli isummerfiginngilara.

## 8. Oqaatsinik ujarliutit

f = qupperneq taaneqartoq tullialu, ff = qupperneq taaneqartoq tulliiilu

AA

Aalajangiineq 21

A

Akiitsunik isumakkeerinnineq 11f

Akilerartnermut Siunnersuisoqatigiit 152ff

Akileraarutit akitsuutillu 19

Akiliisitsiniarnermik suliaqarneq 19

Akuersaartumik aalajangiineq 128ff

Akuersissummik utertitsineq 252ff

Allagaatinik paasitinneqarsinnaatitaaneq 13, 197ff, 252ff, 303

Allakkatigut taasineq 446ff

Allattuisussaatitaaneq 489f

Angerlarsimaffiup avataanut inissiineq 40f, 443

Arctic Umiaq Line A/S 194ff

A/S Inissiaatileqatigiiffik INI 11f, 30, 109ff, 450ff, 484ff

Atorfeqartitaaneq 20, 28

Atorfinititsineq pillugu inatsiseqartitsineq 19

Attartorneq pillugu inatsiseqartitsineq 19

Atuagaateqarfimmiittuuteqarnermut akissarsiasat 29f

Atuarfimmi siulersuisut 36

Atuartitsineq 19

Atugassiissutit killeqarnerat 51

E

Eqqartuusseqataasartut 8

Eqqartuussisuuneq 31f

I

Ilimasaaruteqarneq 419ff

Ilitsersuineq 15f, 21

Ilitsersuisussaatitaaneq 279

Illuliortiternermut tapiissutit 11

Iluarsaassineranut aningaasartuutit 30

Immikkut akuersissuteqarneq 128ff, 179ff, 453ff, 481

Immikkut isiginiagassat 201ff

Inassuteqaateqarneq 21

Inatsisinik Atortitsineranut Ataatsimiititaliaq 8

Inatsisinik Atortitsineranut Ministeri 8

Inatsisitigut innarlitsaaliineq 10, 40, 93, 243

Inatsisitigut tunngavik 109ff, 152ff, 202ff, 417, 426ff, 469, 478, 481, 517, 523

Ineqarnermut tapiissutit 10

Ingerlatsinermi ileqqorissaarneq 28, 30, 181, 252ff, 307, 372, 453

Inissiamik innersuussineq 109ff

Inissianik attartortitsineq 30

Inuit pisinnaatitaaffiitut tunngasuni qullersaq 9

Isertitanik amerlassusiliineq 152ff

Isiginiagassat 359

Isornartorsiuineq 21

Isumaginninneq pillugu inatsiseqartitsineq 18

Isumaginninnermi Naammagittaalliuuteqartarfik 9, 38, 45ff, 262, 439, 453ff, 460ff, 462f

Isumagisassanngortitsineq 144, 186ff, 446ff

Itigartitsineq 11, 15, 29, 36, 194ff, 439, 453ff, 462, 464, 469f

## K

Killisiuineq 31ff

Killisiuinnermi allattaaviit 31f

Killisiuinnermik aqutsisoq 31f

Kisitsisit atorlugit takussutisiat 15

Kommunik nakkutilliineq 40, 50

Kommuninut tikeraarnerit 41ff

- Sulianik isumaginninnermut tunngasunik misissuineq 41f, 486ff

- Sulianik akiliisitsiniarnermut tunngasunik misissuineq 43, 486

- Sulianik sulisunut tunngasunik misissuineq 42, 488ff

Kukkuneq 216ff, 372ff, 401, 466

Kukkunersiuineq 14

## M

Malitseqartitsineq 460ff

Meeqqat Pisinnaatitaaffi pillugit FN-ip isumaqatigiissutaa 444

Mianerisassat 201ff

Mianersoqqussut 72ff, 373ff

Missingersuutit 14

## N

Naalakkiineq 139

Naalasseriitsuliorneq 28, 31ff

Naammagittaalliornissamut killiliisumik malittarisassat 9f

Naammagittaalliornissamut piffissaliineq 453ff

Naatsorsuutit 14

Nakkutilliineq 40, 411, 450ff, 481, 484ff

Naliliineq 168ff, 201, 429ff

Nalunaarutiginninneq 10, 30, 40, 48f, 60, 276  
 Nammineerluni misissugassanngortitsineq 15f, 38ff, 439ff, 483ff  
 Imminut aningaasartuutaanngitsumik eqqartuussivikkoortitsineq 475ff  
 Nipangiussisussaataitaaneq 21, 28f, 282ff, 309ff  
 Nunani Avannarlerni Ombudsmandit 8

## O

Oqaaseqaateqarnissamut periarfissaq 63ff

## P

Paasissutissanik ingerlatitseqqinneq 282ff  
 Paasitinneqarsinnaatitaaneq 13, 21, 28, 197ff, 282ff, 411, 444  
 Pasilliineq 38ff, 322  
 Piffissaq sulianik suliarrinninnermut atornerqartoq 21, 31f, 45ff, 180ff,  
 216ff, 305ff, 460ff, 462f  
 Piginnaatitsineq 184ff, 220, 519  
 Pikkorlussuseq 66ff  
 Pineqaatissiineq 50f, 60, 393  
 Pinngitsaaliilluni anitsitsineq 38, 450ff, 496ff  
 Pisortanit ikiorsiissutit 38, 45ff  
 Pisortanut inissiaq 109ff  
 Pissuilersorneq pillugu naammagittaalliuut 35  
 Pisinnaatitaaneq 9, 11f, 109ff, 138ff

## S

Soraarsitsineq 33ff, 60ff, 226ff, 309ff, 363ff, 372ff, 475ff, 521  
 Suleqatigiinnermi ajornartorsiutit 60ff, 333ff, 373ff  
 Suliami allagaatit tammarnerat 57  
 Suliami illua'tungiusumut nalunaaruteqartussaataitaaneq 35  
 Suliami illua'tungiusup isumaanik tusarniaaneq 31ff, 33ff, 60ff, 181,  
 204, 226ff, 252ff, 290ff, 309ff, 372ff, 475ff  
 Suliami illua'tungiusup isumaanik tusarniaasussaataitaaneq 32, 394  
 Suliami illua'tungiusutut inissisimaneq 28, 30, 31ff, 224, 277, 282ff  
 Suliami illua'tungiusutut paasitinneqarsinnaatitaaneq 280  
 Suliamik paasissutissartalersuineq 60ff, 109ff, 309ff, 474, 488f  
 Sulianik tullerriaarisarneq 439ff, 486  
 Suliap suliareqqinneqarnera 152ff, 213, 463, 465ff  
 Suliap suliarinerani peqataasinnaaneq 152ff, 252, 309, 519  
 Suliap tammarsimanera 35, 460ff  
 Sulisunut inissiat 109ff  
 Sulisut 7  
 Suliunnaarallartitsineq 309ff



## T

Tjenestemandiuneq 31f

Tunngavilersuineq 21, 33ff, 38, 94ff, 166ff, 325ff, 248, 392ff, 432, 453ff

## U

Unerartitsineq 402ff, 465ff

Utertitassanngorlugit ikiorsiineq 402ff

ISSN 1600-2563

Schultz Grafisk København